

D8


Handwritten signature




UNIVERSITEITSBIBLIOTHEEK GENT



9000





M. Tullius Cicero in epist. ad Casarem.

Sed ego, quæ monumenti ratio sit, nomine ipso admoneor
ad memoriam magis spectare debere posteritatis,
quàm ad præsentis temporis gratiam.

MONUMENTA PADERBORNENSIA.

E X

HISTORIA ROMANA,
FRANCICA, SAXONICA

eruta,

*Et novis inscriptionibus, figuris, tabulis geographicis
& notis illustrata.*

Accedunt CAROLI M. Capitulatio de partibus Saxoniae, ex
antiquissimo MS. Palatino Bibliothecae Vaticanæ,
& Panegyricus Paderbornensis.

Editio altera priori auctior.

*(anchore
Fürstembergii.)*



A M S T E L O D A M I,
Apud DANIELEM ELSEVIRIUM,
cIo Idc LXXII.

IN EFFIGIEM
Reverendissimi & Celsissimi Principis,
F E R D I N A N D I

*Episcopi & Principis Paderbornensis, Coadjutoris Monasteriensis,
Comitis Pyrmontani, & Lib. Baronis de Furstenberg,*

*Penicillo Theodori Caspari Lib. Baronis de Furstenberg, Canonici Moguntini
& Spirensis, fratris, affabrè depictam, & in æs incisam.*

DUm, FERNANDE, Tibi nuper plausere Quirites,
Dictus Alexandri, dictus es Urbis amor.

Nunc etiam Imperii Paderaque mereris amorem,

Diceris & PATRIÆ, quam regis, esse PATER.

Et Caesar, Scythico cum serveret Austria bello,

Te vidit trepidis addere rebus opem.

At populis, qui Te nunquam videre, videndus,

Et, quod quisque Tibi debet, amandus eras.

Creta videre velit, quoties Tua dona recenset,


Quo vultu, quâ sint illa profusa manu.

Repperit ars fraterna modum: Te pinxit, & orbis

Te fruitur. sic Te, quem videt, orbis amet.

JACOBUS WALLIUS, S. J.





FERDINANDUS DEI GRATIA
Coadjutor. Monasteriensis, S. R. I.
et Liber Baro

Natus 21 Octobr. An. 1626. electus Episc.
1661. elect. Coadjut. Monast. 19 July

A. Blomberg sculp.

EPISCOPUS PADERBORNENSIS,
Princeps, Comes Pyrmontanus,
de Furstenberg.

Paderb. 20 April. Confirm. 30 May An.
An. 1667. Confirm. 30 Aprilis An. 1688.





*Reverendissimis, Illustribus, Generosis,
& Clarissimis Diæcesis Paderbornensis*

ORDINIBUS.
COLLEGIO CATHEDRALI,
NOBILITATI EQUESTRI,
ET
CIVITATIBUS,
S. P. D.

DANIEL ELSEVIRIUS Typographus.



Ræcipua omnino & pæ-
ne sacrosancta ingeniorum
existimatio ab omni tem-
porum memoria jam olim
viguit, hæc præsertim in-
ter nationes, quas elimatæ
ob indolis morumque tersiorem ob cultu-
ram

E P I S T O L A

ram miratrix fama in ore posteritatis præ
 ceteris approbandas circumfert: quasque,
 ceu normam & legem exactam, nobis
 ostentat, cujus ad æmulationem humana
 vita perpulchrum ac laudabilem maximè
 componatur in modum. Adeò quidem, ut
 Græci veteres, quos potissimos artium bo-
 narum vindices ac propagatores haud im-
 meritò dixerim, & Græcorum post subsecu-
 ti exemplum Romani, dum ambitiosè plus
 satis sibimet unis gloriam hanc omnem eunt
 adsertum, gentium reliquarum oppidò nihil,
 quod eam quidem sub tempestatem orbe
 terrarum in universo opibus florebat ac po-
 tentiâ, aut laude ceteroquin bellica specta-
 batur, à Barbarorum numero, atque ab igno-
 miniosi ista nominis contumelia immune
 exemptumque siverint haberi. Non Persas
 (seu Parthos malumus dixisse) armorum
 assultu toties totiesque concussa Græcia,
 tum ipsæ hostili manu infessæ Atticæ Athe-
 næ, non profligati deletique identidem
 Romani exercitus, Tigridisque ac Euphra-
 tæ

D E D I C A T O R I A.

tæ limes populum adversus rerum domitor-
rem præstitus fato quodam invictus & tan-
tum non inaccessus; non Indos, & quicquid
gentium præter hosce sub exortu Solis at-
que occasu minus aut cognitum aut in-
tactum penitus jacebat, sive id odorum
aliove lætiore felicitis soli proventu opi-
mum, sive affluens divitiarum copia ac fa-
cultatibus, semet vindicare quiverit ab
inusta ut temerè sic arroganter hac tam in-
signi nota. Quid verò de Majoribus no-
stris effabor, eò probrosius superbiusque
à molesto subseffore passim exceptis, quod
eruditionis & scientiæ vim omnem, ab a-
nimo mutuandam rectius, in solo mem-
brorum robore, tractandisque haud igna-
viter armis, artium ceterarum plus nimio
incuriosi, collocatam habebant? At verò
tantum serenæ tempestatis, tantum repen-
tini luminis huic sæculo vix tandem nunc
adfulget, post discussam deterfamque sen-
sibus à nostris ignorantia incumbens an-
nosam ac fœdissimam istam caliginem, ut

b

fi

E P I S T O L A

si non hos ipsos, quos præ aliis commen-
dabam modo, Græcos ac Romanos, politu-
ra mentis elegantiaque interdum adæqua-
mus, propiusve saltem accedimus, iisdem
certè, quibus ob agrestem inconditam-
que vitæ ac studiorum illuviem despicatui,
neque id sine jure nonnullo, ducebamur
ante, nunc à convitio probroque veteri tu-
tos quodammodo nosmet, minus certè re-
prehensioni obnoxios, præstemus. De non
paucis Germaniæ utriusque præstantissimis
viris, popularibus nostris, è plebe media
in summum Graiæ ac Latinæ eruditionis
culmen haud ita nuper mirificè & glo-
riosè eluctatis, ne quid præter ordinem
hîc à me dicatur, operosius enim, quàm
loci hujusce permittant angustia, dicen-
dum foret, præst Vobis, Reverendissimi,
Illustres, Generosi, Clarissimique Viri, &
ut diuturnus præesse pergat, utque flo-
rentissimo vitæ decursu Nestoream ac Ti-
thoniam excedat ætatem, Deum Opt.
Max. omni votorum ardore supplex &
ve-

DEDICATORIA.

venerabundus convenio: præest, inquam, is Vobis nunc Princeps, qui innumeras inter eminentissimasque ac prægloriosissimas virtutes, tanto ingenii perspicacis nitore, tantâ mentis candidæ atque urbanæ excultus venustate, tantâ artium ingenuarum cognitione, sollerti-que prorsus ac industrio rerum longè plurimarum usu & experientiâ instructus, adeò in oculis nemini non versatur, ut omnem antiquitatis perpolitæ titulum publico consensu unus hac parte exhausterit ac consummarit: dignus nominibus heroum accenseri priscis, dignus fortunatiore illo floruisse sæculo, prima inter Romanæ laudis decora, atque in iis numerari loco perquam spectabili; ni, præsentissima factorum benignitate, ævo in universum huic nostro, Vobis autem peculiariter obtigisset altæ dignationis ac fastigii principalis singulare id ornamentum, per quod indubitatis evincatur argumentis, animum haudquaquam esse nobis

EPISTOLA

despondendum, posse quandoque confieri, ut in sterili ac neglecto solo, si probè excolatur, fructus oriantur quàm emendatissimi, & cum nulla non feliciū locorum ubertate comparandi. Ultro jam dudum agnoscitis, puto, designari à me Reverendissimum juxta ac Celsissimum FERDINANDUM, inclytæ atque perve-
tustæ, nec nunc primitus Diœcesi Vestræ multa cum laude imperitantis FURSTENBERGIÆ Gentis primarium & Famæ commendatissimum decus. Is cùm ad stabiliendam augendamque rem Vestram immane quantum incrementi contulerit, vix quicquam tamen offertur in omni, qua pollet, excelsa animi hac ingentis dote conspectius sublimiusque, quàm quod à Majoribus Vestris præclarè jam olim gesta studio indefesso ita adsertum; temporisque rubiginoso dente erosa penitus ac profundiori oblivionis abyssu immerisa lucem in conspiciuam perpetuamque revocat dexterrime, si quæ ad gloriam nominis Vestri propagandam.

D E D I C A T O R I A.

gandam & sæculorum æternitati inscribendam videntur factura. Quod uti liquidò satis apparet ex hoc Monumentorum Paderbornensium libello, quem auctiorem luce publica nunc redonamus, ac Vobis in manum sistimus, sic argumentis multò plenioribus manifestum id ipsum aliquando fiet, si telam historicam, quam de Patriæ Antiquitatibus litteratissimi hujusce Principis auspicio luculentam atque operosam inter homines eruditos sunt qui moliantur, dabitur detexi: ut quantum salutaribus ejus consiliis, atque inculpatis regnandi artibus Vos debetis, ob restitutam temporum securitatem, solidosque Pacis integratæ successus, tantundem patrocínio scientiarum, Musisque ac lucubrationibus ejusdem mirè concinnis debituri mox sitis: quarum beneficio pervigili Majores Vestri, formidanda illa Romanis armis nomina, tanquam postliminii jure, à diuturno ætatis interlapsæ situ, ac pædore isto carcerario liberati tandem, & meritissimis restituti Famæ

E P I S T O L A

præconiis in ora memoriamque hominum
 rursus exfurgunt. Ne non aut Vos in ante-
 genitis habeatis, quos æmulemini, aut de-
 futuri sint è posteritate Vobis, qui Vos vi-
 cissim æmulentur : tum Princeps ipse ne
 non post se relinquat nobis exactè forma-
 tam omni ex parte sui ipsius imaginem, per
 quam in discrimen controversiamque vo-
 cetur olim jure, utrumne manu feliciore is
 gesserit scripto post concelebranda ab aliis,
 an aliena gesta laudabilius idem concelebra-
 rit partim, partim concelebrari ab homini-
 bus rei tantæ idoneis commodum accurarit.
 Cavendum enim unicè, ne arbitremur, la-
 tissimè patentem in illo ingenii hunc cam-
 pum intra rei poëticae historiaeque aut litte-
 raturæ politioris exiles terminos ac cancel-
 los strictiores coërceri : qua tamen orbita
 tam tenui vel sola certissimam nominis
 immortalitatem acquiri palam est atque in
 comperto. Ac primo quidem, Antistitis
 rem sacram Ecclesiamque ex officio cu-
 rantis si plenas percensemus partes, facile
 con-

DEDICATORIA.

constabit nobis, versari eas præcipuè circa divini cultûs promovendam auctoritatem, ac convulsam temporum injuria disciplinam ecclesiasticam pro virili instaurandam: tum Deum circa per submissas preces rebus humanis arctius conciliandum: adhæc in jejuniis ac supplicationibus indefinenter iterandis: nec minus in demerenda ac sublevanda conatu omni mortalium inopum egestate: in templis denique, nosocomiis, cœnobiis qua exædificandis de novo, qua reficiendis, si quæ collapsura præsenio videantur. Hæc plusquam totum hominem unicè occupare quid ni possint? At quis muniis in hisce cunctis religiosè adimplendis cogitationes in æterna ac cœlestia semper obversas contentius defigit, quàm Cellissimus FERDINANDUS? Quis Clerum ad saluberrima frugalitatis ac temperantiæ suæ instituta imitanda certiore provocat exemplo ac rapit? In re familiari quàm temperata, & quasi ad æqualem libram trutinamque exacta omnia! Nihil illic

E P I S T O L A

lic aut nimia lautitiarum exundans voragine,
 aut contrà sordidè plus æquo perparcè-
 que & præter Principis viri dignitatem,
 splendidam in primis ac magnificam, admi-
 nistratum. Hæc, inquam, omnibus abso-
 luta numeris rite præstare, quàm arduum
 effectu, quàmque excellens est judican-
 dum! Quotusquisque enim mortalium ex
 hisce, qui prædicabiles sunt maximè, vel
 minimam in partem gloriæ istius venit? At
 hercule quantò difficilioris est rei, ad rectè
 ordinandum præter hæc provinciæ totius
 statum, & ad alias ex aliis leges promulan-
 das, per quas mores publicè privatimque,
 ac ratio vitæ civilis universa in melius con-
 formentur, animo à somnis pernocte sic
 avocari, atque in politicis curas perpetim
 contentas adeò & districtas habere, ut Ec-
 clesiæ fulciendæ provehendæque nil prorsus
 derogetur tamen! Quanti reputandum mo-
 liminis, dignitati, prærogativæ, existima-
 tioni omnium ac singulorum civium sic
 consultum ire, propulsatis hinc inde factio-
 nibus,

D E D I C A T O R I A.

nibus, ut ne quis gentium minorum ac plebeïæ conditionis è mortalibus exponatur ulli in propatulo injuriæ, nec clam per machinationes potentiorum & cuniculos circumveniatur ambitiosius aut subruatur: tum ne colluvie ac fæce vulgi, quod alibi contingit haud rarò, insultante irreverentius magistratui, opumve splendore ac natalium eminenti viro cuicumque, turbetur quid in publico, aut detrimenti vel minimum capiatur: providere insuper, conspiratis validè firmoque animorum nexu adstrictis inter se civitatum ac Diœcesios universæ membris, ne quid Ordo Ecclesiasticus ab Equestri, Equester ab Ecclesiastico, aut hic & ille ab reliquo cive per simultates clanculum subortas, aut acriora partis sive hujus sive illius studia agitatus divellatur collidaturve: neve trinus hic Ordo plus uno corpore in bonum commune videatur contulisse, salvo nihilominus ac illibato singulis permanente, nisi sicubi adaugendo fortassis privilegiorum vetusto jure. Quanti
c
est

E P I S T O L A

est ad hæc, occasionem rei novandæ quamcumque seditiosis præcidere ingeniis: annonæ arctioris difficultates expedire: nubem procellamque offensiuncularum vel minimam amoliri ac cautè prævertendo dissipare maturo occurſu, priusquam sese erumpat, si quæ foris ingruens dubiè solummodo ac subobscurè minitetur è vicinia. Gratulatur Ordo Equeſter, aſſertum ſibi priſtinum ſplendorem, legesque à Principe conditas, per quas opportunè caveatur, ne cui Nobilitatis antiquæ viro plebeiis immiſceri matrimoniis ſit integrum. Gratulatur idem is Equeſter Ordo, adoleſcentibus loco ſplendido prognatis impenſas munificè ſuppeditari, per quas omni diſciplina liberaliore non imbuantur hi ſolummodo primoribus, quod aiunt, labris, ſed verò ſaturentur largo eruditionis paſtu, ac interius affatim redundant. Nec ſufficiens retur, pro cetera, quam ſibi acquiſivit, gloria Princeps laudatiſſimus, optimum ſeſe æquiſſimumque tot populis præ-

D E D I C A T O R I A.

præsidere Rectorem, nisi animo verè paterno civium utilitati in futurum quoque patrocinetur; hoc providè inprimis, quantum in sese, ac consultè agendo, ut quam simillimos sui Rectores, ceu lege agnationis hereditaria, proserat, quibus de manu in manum rectè abs se constituta mox tradantur, suaque ævi in immensum propagentur per posteros beneficia: unde demum fiat, ut è vivorum post tollendus numero, meritis tamen suis sempiternis ac benefactis, ceu præsens, numquam non sit interfuturus. In vectigalium exactione publicisque oneribus irrogandis minimum sibi permittere, in amovendis temperandisque plurimum. Aut si per duriora tempora, ac urgentes ærarii angustias, eo necessitatis quandoque est confugiendum, ut deflectat nonnihil à semet ipso, nec moribus in totum suis obsequatur, dolere tum verò graviter, ac sibi detractum putare, quicquid privatis civium singulorum facultatibus decrescat, publico utcumque

E P I S T O L A

emolumento accessurum. Pari lenitate atque animi moderatione spectari supplicia circa ac pœnas: adeò quidem, ut vindicando in facinorosos nec severi plus nimio aut atrocis vel tantillum præ se ferre, nec contra remissione præter justum indulgentiâ culpam fovisse atque invitasse possit insinulari. At quoties præmiis remuneranti luculentis benefacta accendenda sunt, ac nutrienda virtus, iter planè diversum contrariumque insistendum sibi idem proponit. Nihil tunc lentum aut cunctabundum; nihil non acre, concitatum, &, si fas sic loqui, grandini spissæ profusæque in illo simillimum agnoscas. Victorias & triumphos, quos vicina bella spondere nonnumquam poterant amplissimos sanè, rejicit fastidiosos, atque abs se excludit; nullis omnino horum admittis, nisi cruoris humani expertibus, nec cui rem vestram objecturis umquam dispendio: & quos promotæ Pacis certamen, ac Principum quâ confinium quâ longius remotorum expugnatus affectus

Etus domitusque miti illa & numquam non
 exporrecta obviaque officiosæ benignitatis
 illecebra, admodum frequentes ingessit ul-
 trò. Sic ex publica benevolentia tropæum
 longe lateque splendidissimum, & ætatis o-
 mnem senectam laturum, in animis homi-
 num, ceu vectigalibus sibi pulcherrima hæc
 militiæ togatæ opera & stipendiariis quo-
 dammodo factis, erexit constituitque, in
 quo serus utique ac superstes sibi ipsi post
 mortem obitam triumphet. Qua re sapien-
 ter planè sollerterque cognita ac perspecta
 Celsissimo Monasteriensis Diocesos Præ-
 suli, ex compluribus haud longè quærendis
 viris summatibus, unum hunc præsertim
 dignum est arbitratus, quem sibi successo-
 rem cuperet decerni. Sed colligo me, jam
 plus æquo exspatiatus, dum orationis pa-
 negyricæ, & quidem ingentis, diffusum
 opus, quale tot tantisque præstringendis
 virtutibus vix suffecerit, tralatitia hæc epi-
 stola comprehendere nequicquam spero. O-
 tiosum quippe ac supervacaneum prorsus

EPISTOLA DEDICATORIA.

videri possit, in iis apud vos laudibus commemorandis diu multumque hærere, quarum experimenta infinita, & tantum non quotidiana à Vobis oculatis testibus è proximo capiantur. Huc adde, quod non nisi rudi admodum ac transcurrente penicillo Patriæ hic & Litterarum communis Parens à me nunc delibatur, idque loco in primis alieno, ubi ipsummet ætherios illos haustus in perennaturis semper ingenii mirè felicitis foetibus altius spirantem contem-
plamini. Valete, Reverendissimi, Illustres, Generosi, Clarissimique Viri. Quod si satisfeci vobis in hisce primitiis, plura id genus defæcatae atque aureæ venæ monumenta expectetis è typographia nostra par est.

Datum Amsteladami,

Anno cId ISc LXXI.

A. d. vi. Kal. Novembr.



BERNARDUS ROTTENDORFFIUS

MONASTERIENSIS

Com. Palat. ac Med. Cæs.

NEC NON

Reverendissimi ac Celsissimi Principis,

FERDINANDI

Episcopi Paderbornensis, & Coadjutoris
Monasteriensis &c. Archiater

LECTORI SALUTEM.

P*Rodeunt denuo in lucem Monumenta Paderbornensia, aucta lucubrationibus, expressa aeneis singulorum figuris, ornata novo typorum vestitu; Prodeunt, inquam, non alius cujusquam ingenii meditamento & labore, quàm ipsius Ferdinandi Principis, ut jam non tam ipsa Monumenta elaborata à Principe, quàm in his ipse Princeps multò pulchrius monumentum posteritatis conspiciatur, haud secus, quàm de C. Julio Cesare dixit Cicero, Eum dum Pompeii statuas reficeret, suas erigere. De utroque*
pau-

P R Æ F A T I O

paucis te in vestibulo libri convenire necesse habui. Compres-
sit diu Princeps hunc præclarum ingenii sui partum, atque
egrè admodum, quæ submissa ejus de se æstimatio, modestia-
que fuit, in publicum proferri passus est: Adstiti ego assiduus
monitor, hortatorque, ut vinci se sineret, ratus cui medico
suo tot annos, inter ceteros Principes, valetudinis suæ cu-
ram commississet, hanc etiam non tam famæ ejus quàm gloriæ
partem ad me pertinere. Accendebant me omnium, qui prio-
ra legerant, plausus ac vota, cum primisque popularium no-
strorum desideria, quorum gustus cum primi præli missu fer-
culoque non esset expletus, tum illa exemplarium paucitate,
quæ prima statim legentium fames absumpserat, minimè po-
steritati consultum censebant inter nos sapientes viri. Re-
putabant nimirum illi secum, opus quidem mox non adeò
magnum, sed eleganti carminum inscriptione, quâ veteres
Poëtas exæquavit, antiquitatum cognitione, multiplici hi-
storiarum doctrinâ, & quod summum est, eruditis monumen-
torum lucubrationibus prorsus egregium, atque ab ipsa, si no-
biscum loqui posset, æternitate expetendum: Immortalita-
ti enim nata sunt, & satis commendaverò, si illustria dixe-
ro, quia illustri Principis manu eruta, & novo quodam ex-
quisitoque commentarii genere ab eodem sunt illustrata. Ac
ne quid ad splendorem operis, aut jucundam posteritatis me-
moriæ desiderari possit; singula monumenta ex incisis in
ære formis novâ quâdam amœnitate exhibentur, quò prius
adspèctantium oculi, quàm legentium animi pascantur, atque
iis etiam, qui litterarum sunt rudes, aut quibus nostra hæc le-
gere non vacat, suo, ut libet, usu subserviant. Tam digna hæc
omnia posteritate, quàm singulare patriæ, cui dicantur, sunt
decus

decus & ornamentum. Nam cum omnis Saxonia, Germaniaque vetus, quantum inter Rhenum, Visurgim atque Albim porrigitur, quantumque ad maris usque sinus sternitur, multis Romanorum Francorumque bellis sit clara, & ubique sua antiquitatum vestigia ostendat; tum nulla pars Saxonie monumentis illustrior, quam diocesis Paderbornensis. Hic enim castellum Alisonis, per initia belli, à Druso Cesare positum; hic castra Drusi, Germanici, & Tiberii Caesarum; hic tribunal Vari consulis, & tot hiberna militum; hic Luppia & Amisæ flumina; toties alterno Romanorum Germanorumque sanguine decolorata; hic saltus Teutoburgiensis, Varianâ clade, cæsis legionibus, & amissis aquilis nobilitatus; hic ara Drusi, & caesorum militum tumuli, circumque decursiones equitum; hic Arminii castrum, tropæa victoriæ, & triumphantis bellatoris campus Martius, in eodem Teutonicorum montium tractu, ubi VVidikindus, alter horum Germanorum heros, castrum suum habuit, & hodie dum monumentum suum possidet. Huc à Rheno per humentia paludum ducti in stratique pontes longi; hic Sicambri, Bructeri, Angrevarii, Marsi, Cherusci, Catti ceteræque pugnacissima pro libertate gentes; hic, ut verbo complectar singula, belli Romani sedes, ad Alisonem, & Luppia fontes. Tot sæculis & tot Caesarum armis decertatum, nec tamen hæc regio inter Rhenum & Visurgim, quam ceteri populi interioris Germanie suum propugnaculum habuere, unquam subigi potuit. Primus Augustus Caesar, superato Rhemi limite, in provincia formam redigere aggressus. Quo consilio Drusus Caesar, ut Florus luculentus est auctor, in tutelam provinciarum præsidia atque custodias ubique disposuit per Mos-

sam,

P R Æ F A T I O

Lib. 56.

Lib. 8. in
Trajan.

In Probo.

sam, per Albim, & Visurgim: nam per Rheni quidam ripam quinquaginta amplius castella direxit. Haud dubium quin exinde Luppianam atque Amisiam iisdem castellis atque oppidis premunierint Romani, quorum memoriam intercidisse questus est Dio Cassius. Idem multorum inde consequentium Caesarum labor fuit. Certè Trajanus Imperator, alter post Augustum Romanæ potentie ac majestatis instaurator; urbes trans Rhenum in Germania reparavit; quod testatur Eutropius. At nemo id opus sumpsit contentius quàm Probus Caesar: Is enim postquam imperium Romanum ad omnes cæli plagas armis composuisset, Germaniam hanc nostram tanquam postremum victoriarum terminum; ut Vopiscus memorat, est aggressus; primum profligatis Germanis ultra Nigrum fluvium & Albam (Nigrum volunt, Visurgim veriùs & Albim crediderim) exercitum traduxit. Urbes deinde in solo barbarico posuit, atque illic milites collocavit, agros & horrea, & domos & annonam Transrhenanis omnibus fecit, nec cessatum est unquam pugnari cum barbaris, dum subigerentur: sed visum est id non posse fieri, nisi limes Romanus extenderetur, & fieret Germania tota provincia. Sed nec ille conatus processit, quanquam ad gentem debilitandam sedecim millia tyronum abducta; dispersaque per provincias, novem Reges diversorum populorum ad pedes Caesaris prostrati jacuerint, & quadringentis hominum millibus casis sedecim millia armatarum oblata sint. Inexhausta interim & invicta stetit trans Rhenum hæc Germanie pars, neque à Diocletiano & Maximiano; neque à Constantino M., Juliano, Valentiniano, & tot inde Caesarum exer-

exercitibus importatis, vel hac sola regio inter Rhenum & Visurgim, quam Westphaliā nunc dicimus, in provincie formam se redigi passa est, orbe propè toto obstupeſcente, qui in Romanorum poteſtatem & provinciarum descriptionem jam venerat. Donec verſis deinde armis, mutatoque fortuna curſu, hi ipſi Germani inter Rhenum & Visurgim, ſumpto Francorum nomine, tanquam libertatis ſigno, ſuperatoque Rheni limite, Galliam primū Pharamundo, Clodione, & Meroveo Regibus, ac deinde cetera regna Francici juris & imperii facerent, ipſamque Germaniam reflexis per Rhenum armis ſubigerent, & Chriſtianam religionem primi in Saxoniam importarent.

Jam verò ex hac ipſa Francica & Saxonica hiſtoria quanta monumentorum copia & gloria ſe ex Paderbornenſi diœceſi objicit? ſi quantum utrāque juriſdictione, ſacrā & civili, ſe extendit, metiaris. Nam ex quo primū Clotharii An. DLV. & deinde Dagoberti & Clotharii patris An. DCXXX. Francorum Regum armis nobilitatus Viſurgis; tum Pipini Regis victoriā ad verſus Saxones, Rema ad confluentes VVarne & Viſurgis apud nos inclaruit, amiſſo tum ſimul Hildegario Coloniienſium Archiepiſcopo, quæ non inde à Carolo M. Saxonia domitore monumenta ſacrā & profana Paderborna exhibet? Intra fines complexumque hujus diœceſis celebre Eresburgum caſtrum, in eoque idolum Martis (quod Irminiſulam dixere) ac gentiæ ſuperſtitionis ſanum à Carolo M. everſum. Hic Brunsberga, Driburgum, ipſum vetus Iburgum, Deſenberga, Schidroburgum, arces & munimenta Saxonum in editis montium jugis tanto Francorum ſanguine expugnata. Hic Thietmallum & Sindfeldius campus, duo loca, tropæis

Turon. lib.
4. c. 10. Aimoinus
lib. 2. c. 27.
l. 4. c. 18.
Epit. Geſtorum
Franc.
c. 27. & 41.
Sigebertus
in Chron.
ad An. 630.

P R Æ F A T I O

Caroli præclara. In altero Saxones ad internecionem caesi, Carolo aciem ducente: nam, ut Eginardus scripsit, omni bello Saxonico ipse non amplius cum hoste, quàm bis acie conflixit, semel juxta montem, qui Osneggi dicitur, in loco Thietmelle nominato, & iterum apud Hafam fluvium, & hoc uno mense, paucis tantùm interpositis diebus. Res sanè memorabilis, eodem propè loco, quo Arminius Romanos, Carolus Saxones cecidit, tanquam Germani non nisi à Germanis, & superstitio Saxonum non nisi à Christiana religione debellari possent. Altero in loco postremus Saxonum Francorumque præliaris congressus fuit, post quem tandem quieti Saxones, VVestphali, Christianæ religioni se permiserunt. Ludam ad Ambram, Bocam ad Luppiam, Heristallum ad Visurgim quid memorem, Caroli castris & hibernis loca celebrata, quando ipsa Paderborna circum Paderæ fontes novum omnium monumentorum se fontem nobis aperit? Ostendant Saxones nostri, ubi aut sæpius Carolus M. castra collocarit, aut procerum Francorum Saxonumque conventus & populi comitia frequentius habuerit, aut legatos barbaræ gentis exterorumque Regum magnificentius audierit, aut ubi tot Saxones abjuratâ superstitione, fonteque baptismatis abluti Christo primum nomen dederint. Hic celebris ille Caroli M. & Leonis III. Pontificis congressus; hic sollemni ritu à Pontifice Romano, quod inauditum erat inter barbaros, templa, aræ, & loca Sacrorum consecrata. Ut vel inde Carolus M. Paderborne sedem Episcopalem inter primas, non tam ad Paderæ Luppiaque ortus, quàm ad primum religionis Christianæ fontem fundarit. Scio primam quidem Episcopi sedem Osnabrugo dari; sed primam

nam in comitiis imperii sedem inter occidentalium Saxonum
Episcopos, cum ex Metropoli Moguntina, tum ex antiqui-
tatis suæ origine Paderbornæ vindicari. Nec reperio in his
Saxonia oris vetustius Christianæ religionis domicilium, quàm
Eresburgum. Ibi subversa idolo Martis & fano, de supersti-
tione gentis primum triumphatum. Ibi & primum veræ re-
ligionis fundamentam & seminarium Christianorum. Sacer-
dotum, religiosorumque virorum à Carolo M. est positum;
eò opportunius, quòd jam Thuringia, & vicina Hassia Chri-
sti fidem ex Francorum dominatu, & D. Bonifacii cultura
admisserant. Eresburgo Paderbornam, Paderbornâ Heri-
stallum, & Heristallo iterum Paderbornam, primum Christi
religio cum sacerdotum collegiis est traducta. Inde, postquam
à Carolo M. celebrata cultaque Paderborna fuit, ceteri quo-
que Imperatores, Ludovicus Pius, ejusque filius Ludovicus
Germania Rex, Otto M. S. Henricus, Conradus Salicus, Hen-
ricus Niger, Fridericus Enobarbus, Otto IV, Carolus IV,
capti non tam amantitate quàm veneratione loci, Paderbor-
næ aut hospitia, aut domicilia sibi delegerunt. Ex his locum
nullus Cesarum frequentius sanctiusque habuit, quàm Di-
vus Henricus, qui D. Cunigundam conjugem à Willigiso
Moguntinorum Archiepiscopo Paderbornæ Regnam corona-
ri voluit. Urbs, si quantum naturâ loci & fontibus, tan-
tum arte & opibus exculta esset, urbiurn prodigium spectaretur.
Ac nihil jam attinet naturæ opera, & fontium miracu-
la memorare. Quo in genere nihil Germania, nedum Saxo-
nia admirabilius proferet. Paderâ intra urbem centum fon-
tibus profilit, alibi ex profunda terræ voragine, alibi ex sca-
turientibus venis suis, ac tantâ aquarum vi, ut mox intra

P R A E F A T I O

moenia tot molas verſet, tantumque frumenti commolat, quantum ample urbis incolis, viciniſque ad panem, uſumque vite humana ſatis eſt. Verſa aquarum indole, fontes aſtate frigidi, hyeme calidi, ſemper cryſtallo lucidiores. Luppia ex vaſto gurgite effuſus ſub ipſo Lipſpringæ oppido haud minori aquarum impetu fertur. Amiſia in medio Sende ericeto ex vaſtis terræ hiatus prorumpens, varios deinde amnes trahit, donec juſto medioque flumine navigabilis in mare ſe evolvat. Nec aliunde horum fluminum origines, quæ haud magno intervallo à ſe naſcuntur, quàm ex Teutonicis montibus per ſubterraneos petroſosque meatus, quos natura immortalium canalium inſtar diverſo exitu ſubſtruxit, multò admirabilius, quàm Romana ingenia aqueducus ſuos. Eò in ipſis montium jugis decurrentes rivuli alibi ſe conduunt, terrasque ſubeunt, ut alibi in hæc tria flumina emergant. Sanè, quod Plinius in Lyca Aſia flumine, Braſino Argolicæ, Tigri Meſopotamiæ admiratus, id uno natura prodigio ſpectatur apud Paderbornenſes. Par natura beneficium acidule, quarum celebriores Pyrmontana, Driburgenſes, & Smechtana. Ac tametsi Tabernemontanus, præſtans ſuâ ætate medicus, ſcripto de his libro, magnoque honore, judicium ſuum reliquerit, meum tamen Princeps, ut omnis hujus ſcriptionis, interponi hic voluit, ne quid temerè poſteritati conſignaret. Hæc ſunt, mi Lector, monumenta provincie, miracula nature, immortalitatis decora, quæ Princeps ex rerum obſcuritate, temporum vetuſtate, & ſcriptorum diſſenſione, luci ac ſplendori reddidit, tam præclare meritis de ſua diœceſi, quàm hæc ad poſteritatis memoriam, ad excitandos legentium animos, ad loci hujus celeberrimi fundatiſſimique gloriam faciunt.

A D L E C T O R E M.

*ciunt. Nihil inter mortalia opera immortale, non inscripta
notis marmora, non incisa metallo signa, non grandibus saxis
structa moles.*

Tempus edax rerum, tuque invidiosa vetustas,
Omnia destruitis, viciataque dentibus ævi
Paulatim lentâ consumitis omnia morte.

Ovid. in
Meta-
morph.
lib. 15.

*Ubi nunc Ægyptiæ Pyramides, ubi Mausoleum Caria
Regis, ubi magnificentissimum illud Salomonis templum? Du-
dum hæc quoque admiranda divini operis fabrica è memoria
hominum abiisset, nisi sacrarum literarum monumenta nobis
servassent. Ostende mihi Romanorum obeliscos, arcus trium-
phales, amphitheatra, ac regia illa Caesarum palatia. Tra-
jani forum Theodoricus Italia Rex nunquam sine novo mira-
culo satis aspici posse fassus est: Capitolia conscendere, haud
aliud esse, quàm omnia humana ingenia superasse. Et quota
nunc pars eorum operum superest, quæ tam ambitioso luxu au-
suque struxit Romana magnificentia? Omnia propè vetustate
aut Gothicâ barbarie in rudera confederunt. Et tamen hæc
omnia immortalitati consecrata erant, quæ ne centum qui-
dem facibus modò perscruteris. Tantum vitæ & spiritûs re-
tinent, quantum scriptores voluerunt. Nimirum exempla
omnia, & monumenta pleraque, jacèrent in tenebris, nisi
literarum lumen accederet. Præclarè Agathias historicus
lib. 1. quem legi velim, hæc super re philosophatus: Quic-
quid athletæ in palæstris, belli duces in armis, agunt;
non in his aliud sibi magis propositum habere, quàm
gloriam. Hunc autem gloriæ fructum percipi non
posse, nisi ipsos historia immortales faciat. nam tropæa,
inscriptiones lapidum, ceteraque posteritatis monumenta, quæ
cri-*

Sigon.
lib. 18. de
imp. occid.

Cicero pro
Archia
Poëta.

P R Æ F A T I O

Tacit. lib.
2. Ann.

eriguntur immortalī nomini, fluxa & caduca fuisse, & cum ipsis sæpe victoribus interuisse. Quale illud Germanici Cæsaris apud nos monumentum, post Arminium profligatum, superbo cum titulo: DEBELLATIS INTER RHENUM ALBIMQUE NATIONIBUS, EXERCITUS TIBERII CÆSARIS EA MONIMENTA MARTI ET JOVI ET AUGUSTO SACRAVIT. Nil jam mirum Alifonis castellum, Drusi aram, Trajani urbes, Probi munimenta, Constantini M. pontem, quo Saxonia intrata, cæteraque Romanorum opera, quibus Luppia, Amisus & Visurgis nobilitati, vetustate temporum consépulta jacere; quæ nunc ex Principis hujus monumentis immortalē lucem, vitamque ipsam receperunt. Propior quidem Caroli M. ætas. Sed quis tam exactè ordinatèque nosset singula, aut sibi unquam persuasisset, tantum monumentorum thesaurum intra unam Paderbornensem diœcesin reconditum esse; nisi hæ monumentorum tabule palàm exponerent, & posteritati donarent. Jam illud Horatiarum PRINCIPIS est:

Lib. 3. ode
30.

Exegi monumentum ære perennius,
Regalique situ Pyramidum altius;
Quod non imber edax, non Aquilo impotens
Possit diruere, aut innumerabilis
Annorum series, & fuga temporum.

Præf. ad
Vesp.

Res ardua, inquit Plinius, vetustis novitatem dare, novis auctoritatem, obsoletis nitorem, obscuris lucem. Perfregit hæc contentus hic labor, & gratus in Carolum M. Francorumque procures animus, quorum armis religio Christiana in hæ Saxoniæ provincias primùm invec̃ta est. Tot ab Hathumaro Episcopi, tot literati ad hanc usque ætatem

etatem viri; nemo tamen tam diligenti curâ & præstanti opere id munus pro amore patriæ, pro gloria gentis suæ suscepit, quod nunc eò acceptius, quò illustrius ab ipsius Principis ingenio & manu posteritas excipiet. Libet nunc de FERDINANDO pronunciare, quod Romani apud Ciceronem de Varrone: Nos in nostra urbe peregrinantes errantesque tanquam hospites eramus, tui libri quasi domum deduxerunt, ut possemus aliquando, qui, & ubi essemus, agnoscere.

Retuli paucis, Lector, quid Princeps in monumentis suis præstiterit, nunc ipsum Principem posteritatis monumentum proponere licebit, non ab ipso virtutum aspectu, quibus ad principatum pervenit, quæ uberius & sublimius scribendi genus poscunt: sed à doctrina, & multiplici scientiarum comprehensione, quæ præcipua semper Principum in gubernando adjumenta ornamentaque fuerunt. His ille à prima ætate per omnem liberalium artium cultum adolescentiam transegit, ingenio semper facili expeditoque, industriâ etiam supra nobilium usum constante. Hæc Sigene Nassaviorum, Paderborne, & Monasterii Westphalorum prima experimenta fuerunt. Inde Coloniam ad sublimiora studia latus, exequare cæpit majorum exempla & gloriam, quos fundatissima Baronum Furstenbergiorum familia pari semper nobilitatis & doctrinæ claritudine illustres habuit. Musis Coloniae aspirantibus, in Fabii Chisii Legati Apostolici familiaritatem venit. Captus mox suavitate morum & doctrinâ Juvenis, & inter purpuratos Patres cooptatus Chisius, Romam invitavit, & haud multò post renunciatus Pontifex Max. eo nomine Alexander VII. in aulam, & Cubicularium intimum adscrivit. Nihil tum Ferdinando felicius evenire poterat, quàm

P R Æ F A T I O

Romæ in arce sapientiæ multiplex ingenium excolere. Oblectabatur Pontifex modò historiâ; modò antiquitatum cognitione, modò poësi; oblectabat his studiis Pontificem Ferdinandus, semper aliquod exsertum ingenii specimen dando, etiam cum applausu Cardinalium, tanquam ingenium in Germania natum subtilius Italiæ cælum spiraret. Maxima istic pars vitæ, amœnitates studiorum, & commercia cum eruditissimis viris Sfortia Pallavicino, Prospero Fagnano, Luca Holstenio, Casare Raspono, Natale Rondinino, Carolo Emanuele Vizzanio, Oderico Raynaldo, Alexandro Pollino, Augustino Favorito, Stephano Gradio, Leone Allatio, Joanne Baptista Turricellio, Vincentio Guinifio, Hieronymo Petrucio, Gulielmo Dondino, Petro Possino, Paulo Zacchia & Matthia Naldio medicis, & quos extra Italiam fama scriptorum librorum orbi celebres fecerat; cum aliis certamen Poëseos inire, cum aliis antiquitatum & Historiarum monumenta recolere. Ibi cum in omni scientiarum cultu versaretur, tanta brevi ingenii & præcellentis doctrinæ parta fuit æstimatio inter Romanos, ut cum in Academiam, quam Romæ honoratissimi quique & eruditissimi viri, omni ingeniorum concursu, omnique disciplinarum & facultatum culturâ florentissimam habent, Ferdinandum recepissent, haud multò post Principatum suæ Academiæ ultro detulerint. Nimirum quod jam ante Alexander Pontifex Max. sagax ingeniorum explorator commendarat, id litteratorum senatus multò conspectius comprobavit. Ille Ferdinandum, quod rarum admodum in Germanis & peregrinis, inter familiares admissionis intima, ad cubiculi Pontificii prærogativam admisit; hic Academiæ suæ Præsidem ac Principem delegit. Qui certè ho-

nor

nor ac dignitas eò illustrior, quòd hactenus non nisi Italorum atque excellentium genere & doctrinâ virorum fuerit, quæ tum uni primùm ex Germanis Ferdinando obvénit, tanquam his suis præjudiciis Romæ Principem dicerent, antequam apud suos inter Romani Imperii Principes conspiceretur. Per id simul otium literarium lustrata Bibliotheca Vaticana, Holsicnio monstratore, & apparatus horum monumentorum, cum primisque Historiæ Paderbornensis seligi cœptus, cùm nondum cogitatio de Episcopatu Paderbornensi subire animum posset, tanquam præago tum se studio designaret Episcopum Paderbornensem. Adeò Musæ suo numine reguntur. Pòst ubi Paderbornensium Episcopus, Romæ absens, delectus ad Paderam, & coràm Principis munus adiit, nihil inter cetera antiquius habuit, quàm tabularia omnia Ecclesiæ suæ, collegiorum & cænobiorum pervestigare, omniaque antiquitatum monumenta veluti mellis succum in suos favos compor-
tare, quo præter hæc ipsa aliquando Paderbornensis Historiæ contexti posset. Præclarus haud dubiè labor, fruenti etiam quàm colligenti futurus dulcior.

Sed an Principe dignum sit Historiæ studium, ita à quibusdam controversi video, ut prorsus nolint Principem, qui regendis populis est impositus, assidere libris, tractare literarum studia, & historicorum monumenta pervolvere. Regum, inquiunt, & Principum est tractare arma, & bibliothecam in armamentario querere, obire provincias, lustrare arces, reficere munimenta, consiliis provinciæ assiduò interesse, jus summis infimisque dicere, controversias publicas privatasque decidere, inspicere ministrorum rationes, fraudes retegere, submovere infidos, audire querelas civium & mise-

P R Æ F A T I O

rorum hominum. Et quæ non rerum moles quotidie unius mente versanda? ut tot publicæ curæ, quibus vita Principum occupatissima est, hæc otia literarum minimè patiantur. Haud equidem ignarus, ea maxima esse Principum munia, quæ nec ipsi ignorant. Sed & pacis sunt tempora, quæ ante bella semper quærenda sunt Principi, nè continuus armorum terroribus urgeantur populi, & honesti otii horæ, & seriarum curarum laxamenta sunt interponenda, quibus aut contenta mens remittenda, aut instruenda iis scientiarum subsidis, quibus se aliosque regat. Nihil autem ad Principem formandum præter regalem illam philosophiam, aut honestius, aut utilius, quàm historiam, sapientes semper præceperunt viri, quòd ea non tam Principem oblectet, quàm doceat, instruatque ad sublime & divinum illud munus vitæ dignè sustinendum, nihil blandiendo, nihil celando. Hoc instituto Livius historiam suam aggressus, præfatusque: Illud præcipuè in cognitione rerum salutare ac frugiferum, omnis te exempli documenta in illustri posita monumento intueri; inde tibi tuæque Reip. quòd imitere capias, inde fœdum inceptu, fœdum exitu, quòd vites. Zenonem philosophum percontatus quispiam, quàm ratione Princeps felix esse possit; Si in superiorem, inquebat, ætatem oculos intendat. Si nimirum res majorum præclare gestas, si veterum monumenta pervolvat. Tacitus cùm libros & monumenta clarissimorum virorum in foro exuri videret: Illo scilicet igne, ingemuit, vocem populi Romani, & libertatem Senatus, & conscientiam generis humani aboleri. Sanè qui historiarum libros è Principum manibus subtrahunt, illi custodem temporum, memoriam omnis antiquitatis, majorum

In præ-
mio lib. 1.

In vita
Agricol.

rum

rum suorum præclarissimam imaginem, lucem veritatis, magistram vitam, ex humana societate proscribunt, ne tanquam in speculo exornare se Principes possint, & vitam suam ad alienas virtutes componere. Barbarum hoc est; quales olim Germani, cum literarum secreta viri pariter ac feminae ignorarent. Inde horum res domi militiaeque gesta perpetuo silentio conscripta jacent. Quicquid de præclaris eorum moribus ac virtutibus, quicquid de bellis fortiter gestis superest, Tacito, & Romanis scriptoribus debemus: & quam admiranda Tacitus de Germanis reliquit? Jam quæ vitæ ratio inter homines, quam Historia non egregiè format. Civilem vitam expetis? audi Polybium: Verissima disciplina exercitatioque ad res civiles Historia est. Illa, Aristotele judice, utilis etiam est ad publicas deliberationes rerum gestarum: ut verè dixerit Alphonfus Rex eximius, optimos consiliarios esse mortuos, Historicorum videlicet libros. Quin Agathias nobilis Historiæ scriptor ausus est dicere, Historiam civili philosophiâ non inferiorem esse. Vitam militarem vis? quæ pars ejus, quæ ars, quam Historici veteres recentisque non tradiderunt? Probarunt hoc omni æva præstantes belli duces, qui, uti Alexander M. Homerum, etsi tot fabulis inspersum, sibi militiae magistrum assumere non est veritus; & quemadmodum, teste Paterculo, Scipio tam elegans liberalium studiorum, omnisque doctrinæ & auctor & admirator fuit, ut Polybium Panætiūque præcellentes ingenio viros, domi militiaeque secum habuerit; ita illi in castris præstantissimos historicorum libros, quos assiduò volverent, sibi comites esse voluerunt. Quo aspectu Alexander Imperator bellis etiam ad Rhenum gestis, & in

Tac. de
morib.
Germ.

Polyb. l. 1.

Arist. l. 1.
Pol. c. 5.

In proœ-
mio l. 1.

Lib. 1.
cap. 13.

P R Æ F A T I O

Lamp. in
Alexandro.

Vopiscus in
Tacit.

Lipsius
præf. in
Tacit.

*has provincias destinatis clarus, togæ militiæque consiliis literatos adhibebat, & maximè eos, qui historias nove-
rant. Et jam ille Alexandrum Magnum promittebat Roma-
nis, ni juvenem militaris furor ad Moguntiam trucidasset. Hæc
illa senatus, populique Romani acclamatio: Quis meliùs
quàm literatus imperat? Tacitus is erat Imperator, qui ob
id Cornelium Tacitum scriptorem historiæ Augustæ,
quòd parentem suum eundem diceret, in omnibus
bibliothecis collocari jussit: Nam is verè scriptor est, qui
in castris militem, in aulis politicum, in Republica civem, in o-
mnibus interiorum Principum vitam format. Sed Christiani
Principis, & Christiani hominis, ex toga sagoque, imò religiosi
viri normam vivendi exposcis, & à quibus rectiùs integriùs-
que discas, quàm vel ex sacrarum literarum monumentis, vel
ex Historia Ecclesiastica, vel iis scriptoribus, qui Christiano-
rum Regum ac Principum aut sanctorum virorum res gestas
nobis consignarunt. Nec divino consilio institutoque hæc pars
vacat: Quorsum enim Deus historias Regum & Principum
Hebræi populi scribi voluit, & ut scriberentur dictator adsti-
tit, nisi ut ex bonorum Principum factis salutaria documen-
ta, ex malorum facinoribus, divinæ justitiæ vindictæque
exempla orbis & posteritas exciperet. Quæ res & Præsules Ec-
clesiæ, & Principes viros commovit, ut non modò Historias sa-
cras profanasque diligenter pervolverent, sed & scriptis suis
res gestas posteritati consecrarent. Quo in numero, cum in-
numeros per censere possem, habemus cum primis Dithmarum
Mersburgensem, & Ottonem Frisingensem Episcopos, Impe-
riique Principes; uterque ex Marchionum familia, non inde-
corum censuit claritudini nominis & muneris dignitati histo-
rias*

rias scribere. Nec domestica defunt, quorum vestigiis insistat hic Princeps: Olivararius & VVillebrandus Paderbornenses Episcopi, postquam in Palestinam profecti totum illud iter sacrum, & omnem illam Christianorum expeditionem, quæ apud Principem, inter cætera monumenta antiquitatum, tempori edenda asservantur, fidi & præclari eorum temporum Historici suâ manu conscripserunt; Alter è prima nobilitate & Metropolitana Colonienfis Ecclesiæ Scholastico, alter è Comitum Oldenburgensium familia hujus loci Antistes, non minùs ingenii, quàm virium opibus clarus esse voluit. Quem narrandi finem hic fecero? si vel omnes illustrium familiarum viros, vel Ecclesiæ Præsules proferre velim, qui Historiarum monumenta à se elaborata magno primùm suo fructu, tum majori etiam posteritatis bono, cum immortalis gloria reliquerunt. Ego dum omnes auctores revolvō, qui de Historia dignitate & utilitate scripserunt, nullum propè studiorum genus Principi magis commendatum præscriptumque reperio, quàm Historiam. Innumeri sunt qui hæc pertractarunt, & fastidio sum, si ex notis atque obvius plura confecter. Id unum, ut propiùs ad nostra redeam, præterire non licet. Principum est supremum judicem in publicis privatisque agere, scire jura & privilegia provincie, eaque ut familie sue peculia tueri, controversias, quæ cum vicinis aut inter ipsos proceres agitantur, recognoscere, limites regionis descriptos tenere, scita, leges, pacta, fœdera, donationes, par-ta & abalienata provincie bona, & quæ ejusmodi sunt, explorata habere, ne tanquam hospes semper inter suos agat; aut cùm de his judicium est pronunciandum, tanquam simulacrum Principis inter consiliarios suos confideat, quorum fi-des

P R Æ F A T I O

des sapè tam auro, quàm ignorantia obnoxia est. Quòd si Episcopi munus, uti inter Germanos se hæc habent, in eundem Principem concurrat; quæ non cognitio ex patrimonio Ecclesiæ, ex donationum tabulis, ex Caesarum diplomatis, ex superiorum Antistitum decretis conventisque requiritur? Hæc autem omnia in utroque munere, unde certiùs hauriet, quàm ex perlustratis tabulariis, antiquitatum monumentis, & fidis Historicorum scriptis? Quo in genere si quisquam inter Germanos Princeps eminet, tum auctor horum monumentorum, ut vel ipsa monumenta satis testabuntur, cui ad ingressum principatûs nihil sollicitiùs fuit, quàm archiva & tabularia omnia, diplomata Caesarum, monumenta publica privataque, scripta & rescripta perlustrare, & quod verè Principum est, vivam semper provinciæ suæ imaginem in sinu portare. Indè Ille in omnem super his sermonem expeditus, in quæsita præsens, in consilia promptus. Magnorum id semper Caesarum fuit, habere rationaria sua cum Augusto, descriptiones provinciarum cum Antonino, tabulas & compendia rerum publicarum cum aliis; majus etiam in hoc Principe, apparatus videlicet antiquitatum, ingenio, labore & manu propriâ digestus, ex quo hæc monumenta delibatio sunt. Omnia hæc præstitit Historia, anima illa, & vita memoriæ. Non jam quisquam, opinor, erit bonæ mentis censor, si quantum alii Principes venationi, equorum agitationi, choreis, aleis, conviviiis, cæterisque oblectationibus se permittunt, tantum Principi huic historiarum studiis, & antiquitatum lucubrationibus, indulgeant. Sanè ut natura non omnes homines ad easdem artes, sic nec Principes ad eadem studia finxit.

Naturæ sequitur semina quisque suæ.

Sed hac ingenii meditamenta eò decora magis Principi, pleniusque sapientem virum expleant, quò animi exercitatio præstantior est hisce corporum oblectamentis: Animi enim imperio, corporis servitio utimur. Quanquam si utrumque in laxandis curis suo temperamento misceatur, illa demum sit jucundioris, saniorisque vitæ ratio. Memoriam teneo, sæpe illum narrasse, ex quo humaniores literas discere cepit, miro quodam animi impetu in Poësin & Historiam abreptum, quæ annis inde maturefcentibus in hanc orbis famam exculsa. Hoc eodem genio Theodorum Furstenbergium Paderborn. Episcopum & Principem, avi fratrem accepimus, quem mirificè in omnem vitam Poësis & Historia oblectabat. Tanta ingenii & sanguinis est consensio. Sed ille aliorum lucubrationibus & scriptis pasci solitus; hic verò Princeps facere, quibus se aliosque pascat, & gloriam familiæ posteritatiq; transcribat. Testes tot ingenii partus in publicum dati, Monumenta dico & Poëmata novis ob id prælis donata, ut novo sui aspectu vestituque in theatrum orbis prodeant, non sine novo etiam certamine, majorne Poëta, an Historicus æstimetur. Rarum id in Principe decus, eòque pulchrius, quò gloriosius inter mortales, studia literarum cum nobilitate, doctrinam cum virtute, & sapientiam cum Principatu conjunxisse.

Hæc habui, erudite Lector. Panegyrim, quam olim Joannes Horrion Societatis Jesu sacrarum literarum Doctor, ex eodem monumentorum argumento, Theodoro Furstenbergio Paderbornensium Episcopo dicatam conscripsit, hic conjungere placuit, quò altera scriptio alterius lumine juretur, ac duo simul consanguinei & fulgentissimi Paderbornensium

Sallustius
de bello
Catilin.

PRÆFATIO AD LECTOREM.

Principes ex eadem Furstenbergica domo in unum posteritatis conspectum venirent. Quæ verò de ipso Furstenbergiorum stemmate Monumentis attexuntur, ea primum Dithmarus Mollerus Tremoniensium annalium scriptor consignavit, auxit Joannes Veldius Societatis Jesu Sacerdos, ac demum in hanc accuratam familie seriem digessit Fridericus Honingius, Canonicus Premonstratensis, Theologus, Consiliarius & Bibliothecarius Paderbornensis. Nec de me quidquam, nisi quòd post multiplices studiorum meorum labores (quos cum eruditissimo hujus sæculi & sapientissimo Principe, mihi vitæ ratio, intimaque, quâ me semper dignatus, amicitia communes fecit) ex anno ætatis meæ septuagesimo sexto, ultimum quoque monumentum meum circumspiciam. Te verò, Lector, hæc Monumenta, quod nomine suo monent, ita legere velim, ut è mortali vita ad immortalem aspires. Monasterii Vestfalorum. Calendis Januariis. Anno Christi CIOIOCLXXI.



AUCTORIS
PRÆFATIO
AD LECTOREM.

Quem hîc librum, benevole Lector, in manus sumis, Monumenta Paderbornensia inscripsimus, nec aliter oportuit; quòd non aliud libri argumentum, quàm præclara hujus diœcesis monumenta, quæ ex Romana, Francica & Saxonica historia proferimus eruta: & quia plura antiquitatum monumenta (ausim hoc dicere) sese in hac diœcesi offerunt, quàm vel in ulla Saxonix provincia inter Rhenum, Visurgim & Albim; Nos ea pro veteri instituto, & pro amore decoreque patriæ nostræ, carminum inscriptionibus, notis ac figuris illustravimus, quò conspectiora ex antiquitatum tenebris denuò in lucem veniant. Decorum id semper fuit & laudabile inter omnes gentes, quarum exempla sequimur. Neque in hac re tam vires ingenii nostri, quàm causas, quæ ad id præterea nos excitarint, expendimus. Quarum prima, regionum splendor, urbium decus, Majorum gloria æternitati consecranda. Quemadmodum præclare Suetonius de Augusto

AUCTORIS PRÆFATIO

*Sueton. in-
vita Augu-
sti Cæsar.
c. 29.*

Cæfare, cùm is publica opera quàm plurima extruxisset: *Cæteros principes viros sæpe hortatus est, ut pro facultate quisque monumentis vel novis, vel resectis & excultis urbem adornarent.* Hoc verò uti à condita Urbe cœ-

ptum, ita ab Augusto omnium deinde consequentium Cæsarum pulcherrimum opus fuit, etiam Christianorum Principum, ut quantum Romani rerum à se gestarum magnitudine cæteras gentes, tantum Urbs cæteras orbis terrarum urbes monumentorum multitudine & gloriâ superaret. Hinc votivæ Deorum aræ ob bella feliciter gesta, lapidum Pyramidumque inscriptiones, tropæa victoriarum, arcus triumphales, Heroïum & præclarorum virorum statux & imagines; quas vel in foris vel in ædium vestibulis, vel in bibliothecis posuerunt: haud aliam præterea ob causam, quàm ut posterorum animos ad virtutis æmulationem excitarent. Cùm multa hujus rei experimenta adsint, tum illud illustre apud

*Sallust. de
bello Jugurth.*

Sallustium: *Sæpè, inquit, audi vi Q. Maxumum, P. Scipionem, præterea civitatis nostræ præclaros viros solitos ita dicere, cum Majorum imagines intuerentur, vehementissimè sibi animum ad virtutem accendi.* Et quid, obsecro, ut hoc tertium addam, jucundius etiam, quàm in antiquitatum monumentis non tam legere, quàm spectare Majorum res domi militiæque præclare gestas, & velut in sculptis annalium tabulis omnem antiquitatis memoriam revolvere? *Naturâ, inquit*

*Syntag. de
Biblioth.
c. 10.*

Liplius, trahimur ad simulacra & effigies magnorum virorum noscendas, & illa corpora sive hospitia, quibus celestis

lestis se animus inclusit. Verè Lipsius: sed non in his
sistendum, cum eadem cupidine insitâ & dulcedine,
ad cætera quoque monumenta rapiamur: ex qui-
bus, uti Plinius sapienter dixit, *immortales animæ ad-*
huc in isdem locis nobiscum loquuntur, factaque sua mor-
talibus ad imitationem immortalis gloriæ expo-
nunt. Altarum mentium est hæc sequi: nam cum
vulgo nobis hîc nullus sermō est, cui nec calcar, nec
sensus ex his integer. Illos appellamus, quos Majorum
gloria, ut Miltiadis tropæa, exstimulat. Ideò Pli-
nius denuò: *Nullum majus felicitatis specimen, quàm*
semper omnes scire cupere, qualis aliquis fuerit, ex illo vi-
delicet præstantium virorum numero, qui aut vir-
tute bellicâ, aut doctrinæ præstantiâ, aut egregio
aliquo facinore clari eminuerunt. Et nos, ut hoc
postremum inter causas referam, quid aliud in con-
servandis illustrandisque monumentis agimus, quàm
ut facem æternitatis accendamus, & præclaris illustri-
busque viris pro merito vitam præmiumque redda-
mus? Eò Horatius nobis sistit

Plinius lib.
31. c. 11.

Hæc incisa notis marmora publicis,

Per quæ spiritus & vita redit bonis

Post mortem Ducibus.

Insita hæc omnibus post mortem vivendi cupiditas,
& quæsitæ semper à magnis Heroûm mentibus, ne
cum mortali corpore in terram abdito, totæ si-
mul ex hominum oculis & memoriâ abirent. Quo
præclare etiam docuerunt non tam mortali, quàm
immortali vitæ nasci nos, atque ita in hanc scenam

AUCTORIS PRÆFATIO

produci, ut immortalia ante mortalia sectemur. Hinc nulla gens usquam tam barbara & inhumana, à qua non aliquod horum monumentorum genus posteritati relictum sit. Ignoravêre quidem prisca Germani nostri secreta literarum, quibus bella factaque sua posteris transmitterent: Non tamen desunt monumenta, ex quibus res bello gestas cultumque religionis recognoscas. Habuêre enim suas arces & castella, inter quæ Arminii & VVidichindi rudera adhuc monstrantur apud nos. Habuêre sua fana & delubra, inter quæ *celeberrimum* illud apud Marfos *templum, quod Tanfana vocabant*, Luppiam inter & Amisiam flumina. Præterea aras sacrificiorum, simulacra deorum, lucos & nemora consecrata diis, turrim Velledæ, ex qua fatidica virgo responsa dabat inter Bructeros. Horum pleraque Carolus M. & Christianorum Præsules sustulêre, ne quod genti toties perfidæ invitamentum superesset ad veterem superstitionem relabendi. Ex his sola ferè Heroïum sepulchra remanent, quemadmodum hæc per VVestphaliâ, Emslandiam & Transisalaniam ex grandium silicum lapidumque aggestorum cumulis ac tumulis hodiedum aspiciuntur. Sed nulla in gente hæc frequentiora celebrioraque monumenta, quàm inter Romanos etiam extra Urbem & Italiam. Quot illi bella exteris intulere, tot bellorum tropæa, superbos victoriæ titulos, structa præsidiorum castella, vias militares, quas inter *pontes longi* paludosis apud nos locis instrati, castrorum aggeres, hibernan-

rium

*Tacit. lib. 1.
Annal.
Cluverius
lib. 3. c. 47.*

*Tacit. lib. 4.
Hist.
Lib. 4. de
Germ.*

rium militum valla, inscriptiones lapidum, cipporum sepulchralium notas, & quæ ejusmodi sunt, posteris reliquere. Ex his ea Germaniæ pars, quæ Paderbornensis diœcesis finibus continetur, Castellum Alifonis, Aram Drusi, Varianarum legionum rumulos, aliaque præclara antiquitatum monumenta nobis exhibet, quæ servato temporum ordine, hæc lucubratione nostrâ, exornanda suscepimus. secuti etiam non insolitum nec injucundum, ut confidimus, scriptionis genus: quod in Urbe terrarum domina, arcus triumphalis Drusi Neronis, pons Salaris, deorum templa, aræ, simulacra, tabulæ votivæ, fontes, obelisci, columnæ, atque innumeri cippi sepulchrales Latinis Græcisque versibus inscripti, apud Janum Gruterum, in absolutissimo inscriptionum Romanarum opere, jam olim usitatum fuisse abundè demonstrant.

Atque ut hoc officium Poësis præstet, facit conjunctio, quam cum Historia habet, quemadmodum ab Agathia nobili historico, in præfati. præclare ex Floridoti viri eâ ætate præstantis judicio scriptum est: *Historiam à poetica non multum distare, sed hæc duo gemina affiniaque esse, ac solo propemodum rhythmo inter se discrepare.* Ut altera prorsus alteri in conservandis illustrandisque antiquitatum monumentis opem ferre nata sit.

Juvabit ad hæc plenius cognoscenda, Saxoniarum & diœcesis etiam nostræ divisio. Qua super re Lectorem verbo commonendum censui. Germania omnis,

cum-

AUCTORIS PRÆFATIO

cumprimisque Transrhenana, quæ vetus, & vera, & magna est Germania, fecundaque illa bellicosarum gentium procreatrix, cujus nobilissima pars est Saxonia, primum in populos est divisa; quales Siccambri, Tencteri, Usipetes, Bructeri, Angrivarii, Marfi, Chamavi, Tubantes, Catti, Cherusci, alique bellis Romanorum celebres. Nullum inter eos regni nomen, quod gentis libertas, pro qua tot sæculis pugnarunt, neque Regem inter se, neque ab aliis imponi sibi pateretur, & qui Reges inter illos ex nobilitate sumpti, ii bellorum potius Duces fuerunt, qui cum bello nomen & munus ponerent. Neque provinciæ nomen inter hos populos auditum. Primum quidem Augustus, exinde cæteri etiam Romanorum Cæsares in provinciæ formam redigere tot expeditionibus bellisque tentarunt; sed is labor frustra fuit. Quàm invictæ semper gentes, tam id jugum etiam nunquam pati voluerunt; orbe toto obstupesciente, qui jam à Romanis in provincias redactus, distributusque erat. Carolo M. id primum concessum, qui debellatam Saxoniam, quod Romanis non licuit, Romanorum more in provincias & Episcoporum diœceses descripsit, ideò verè magnus, quia omnium Cæsarum conatus in subigenda Saxonia, religione, virtute bellicâ & felicitate supergressus. Populorum deinde regiones in pagos, certosque districtus erant divisæ. Neque pagi nomine tum vicus, ut modò sonat, sed pars regionis notabatur: quemadmodum vel in Satrapias vel Comitatus postea

*Diplom.
Bremens.
Diplom.
Verdens.*

postea hi pagi transiêre. Pagis interim suus cuique
 Satrapa, Saxonum cumprimis ævo, præpositus. Ita
 Cæsar *totam Helvetiam in quatuor pagos esse distinctam* Cæsar. lib.
1. de bello
Gall.
 scribit: Et Tacitus de moribus Germanorum: *Eli-* Tacit. lib. de
mor. Germ.
guntur in iisdem conciliis & Principes, qui jura per pagos
vicosque reddunt. Hoc vocis usu leguntur apud Mar- Marcell.
lib. 13. &
18.
 cellinum *pagi Alemannici.* Multi hæc pertractarunt,
 & nos in Monumento Bocæ delibavimus. Neque
 operæ pretium plura in hanc rem proferre, cùm hos
 pagorum Satrapas etiam Beda nobis exhibeat in Di-
 yorum Ewaldorum nece, quod alius scriptor ex-
 pressius retulit: *Regem antiqui Saxones non habebant,* Avernens
tractat. de
laud.
sed per pagos Satrapas constitutos, morisque erat, ut semel
in anno generale concilium agerent in media Saxonia, juxta Westph.
Weseram fluvium. Sed illo antiquior scriptor, Arnul-
 pho Imperatore, Poëta videlicet Anonymus, quem
 plerique Paderbornensem censent, hæc testatiùs inter
 res gestas Caroli M. retulit:

Sed variis divisa modis plebs omnis habebat
Quot pagos, tot penè Duces, velut unius artus
Corporis in diversa forent hinc indè revulsi:
Sed generalis habet populos divisio ternos.

Poëta Ano-
nym. ad
An. 772.

Ostfalos nimirum sive Osterlingos, Angarios &
 Vestfalos, in quorum gentem nomenque externis
 & civilibus bellis superstites inter Albim & Rhenum
 populi concesserant. Postquam verò Carolus M.
 gentem in avita superstitione pertinacem non sine
 multis expeditionibus, & maximo labore ad religio-
 nem Christianam perduxit, nova in Episcopatus &

AUCTORIS PRÆFATIO

Diœceses cœpta distributio, & certi cuique limites designati. Adam. Brem. c. 8. & 9. hist. ecclesiastic. *Tunc demum Saxonia subacta in provinciam redacta est, quæ simul in VIII. Episcopatus divisa.* Sumpsit hæc Adamus ex diplomate Caroli M. in Ecclesia Bremensi asservato, & historiæ suæ inserto. Proinde omnem terram eorum antiquo Romanorum more in provinciam redigentes, & inter Episcopos certo limite determinantes, Septentrionalem illius partem, quæ est piscium ubertate ditissima, & pecoribus alendis habetur aptissima, pio Christo, & Apostolorum suorum Principi Petro pro gratiarum actione devotè obtulimus: sibi-que in VVigmodia, in loco Bremon vocato, super flumen VVirraham, Ecclesiam & Episcopalem statuimus cathedram. Huic Parochiæ decem pagos subjecimus. Adhuc etiam summi Pontificis & Universalis Papæ Adriani præcepto, nec non & Mogontiacensis Episcopi Lullonis, omniumque qui assuere Pontificum consilio, eandem Bremensem Ecclesiam cum omnibus suis appendiciis VVillehado probabilis vitæ viro, coram Deo & sanctis ejus commisimus. Et quia casus præteritorum nos cautos faciunt in futurum, nequis, quod non optamus, aliquam sibi in eâdem Diœcesi usurpet potestatem, certo eam limite fecimus terminari, eique hos terminos, mare Oceanum, Albiam fluvium, &c. firmos & intransgressibiles circumscribi iussimus. Signum Domni Caroli Regis invictissimi. Hildebaldus Archiepiscopus Coloniensis & sacri Palatii Capellanus recognovi. Dat. II. Julii, indict. XII. Anno autem regni Domni Karoli XXI. Actum Palatio Nemetensi. Simillimum biennio ante, nimirum anno regni sui XVIII. Indict. VII. VI. Kal. Julii, Moguntia de fundatione

datione Ecclesiæ Ferdensis & finibus Diœcesis dede-
rat: in quo ad propositum faciunt: *Terram autem eorum*
secundum antiquorum Romanorum morem in Provinciam
redigentes, & in Episcopatus certo termino distribuentes;
quandam Aquilonarem illius partem Domino nostro Jesu
Christo, & sanctissimæ ejus Genitrici devotissimè obtulimus,
& in loco Farduin vocato super Aleram fluvium in pago, qui
dicitur Sturmi, Ecclesiam & Cathedram Episcopalem statui-
mus, & Moguntinensis Ecclesiæ Archiepiscopatui, inter-
ventu Lullonis illius Metropolis Ecclesiæ Episcopi, eam sub-
jecimus. Verum tamen, quia casus præteritorum præscios,
& cautos reddunt futurorum, certo eam limite fecimus ter-
minari. Terminos autem ejus firmos, inconvulsos, & per
omne sæculum incommutabiles Apostolicâ auctoritate & no-
stra Regiæ Majestatis præcepto circumscribi præcepimus, id est,
WVrraham fluvium, &c. Ex quo utroque diplomate,
reliquos in Saxonia Episcopatus certis limitibus de-
terminatos fuisse manifestum evadit, nec est dubium,
foundationem finiumque designationem Pontificiis
& Regiis literis ab initio fuisse confirmatam.

Ac Paderbornensis Diœcesis, ex qua primùm Chri-
stiana religio Caroli M. armis auspiciisque, D. Bur-
chardi Herbipolensis Episcopi administratione, D.
Sturmionis primi Fuldensium Abbatis, ac viri prorsus
Apostolici contento studio introducta est, haud secus
quàm Osnabrugensis, Bremensis, Ferdensis, ac cæte-
ræ Diœceses quàm latissimè suis finibus circumscripta
fuit à Carolo M. Id cùm ex aliorum descriptionibus
ac tabulis Geographicis, tum vel maximè ex Ludo-

AUCTORIS PRÆFATIO

vici Pii Imperatoris, Ludovici Germaniæ Regis, & Caroli Crassi Imp. diplomatis satis superque cognitum est; qui Ecclesiam Paderbornensem *sub sua tuitione & immunitatis*, ut loquuntur, *defensione constituerunt*; ac se in donationum suarum tabulis ad progenitores avosque suos, ac postremum ad Carolum M. primum hujus Episcopatus conditorem referunt: & ad hos rursus appellant consequentes inde Cæsares, cum primisque S. Henricus, qui in gemino diplomate, quorum alterum anno M IX. alterum anno M X X I. consignatum est, Carolum M. fundatorem Ecclesiæ Paderbornensis profitentur. Sanè quanto circum ambitu Paderbornensis Diœcesis, fines Episcopatus Moguntini, Colonienſis, Monasterienſis, Osnabrugensis, Mindenſis & Hildesienſis contingit, tantum se per Ducatum VVestphaliæ, & regionem Brunswicensium, per Hassiæ & Corbeia Principatus, per Comitatum VValdecentem, Lippiensem, Swalenbergensem, Stoppelbergensem, Sternbergensem, Ravensbergensem Pyrmontanum, Spiegelbergensem, Ebersteinienſem, Homburgensem, Ritbergensem, & Dynastiam Schönenbergensem, ipsamque veterem Angariam, & Teutoburgienſes montes, subjectamque eorum montium planitiem, inter decurrentes Luppia & Amisia ripas, jurisdictione sacrâ, quàm latissimè exporrigit, ac civili etiam potestate possessioneque, per Hassiæ Principatus, & Comitatus Lippienſis magnam partem, Comitatum Pyrmontanum, Stoppelbergensem, Sternbergensem & Swalenbergensem.

bergenſem antiquitus fuit explicata, atque etiamnum ex parte protenditur. Ac ne fata temporum hîc cum aliis requiras, olim multò etiam potentior fuit, quàm nunc conſpicitur. Indè propter amplitudinem diœceſis, neceſſe fuit in plures eam Archidiaconorum regiones, partitâ Epifcopi operâ dividere. Quarum nobiliores Horhuſana, cujus pars Hellinghuſana, Huxarienſis, Herivordienſis, Schildecenſis, Lemgovienſis, ſive Dethmoldienſis, præter duos Archidiaconatus majoris Præpoſituræ, & Præpoſituræ SS. Apoſtolorum Petri & Andreæ, præterque Achidiaconatum VVarburgenſem, Iburgenſem ſeu Driburgenſem, & Steinheimenſem. Ipſa verò Epifcopi ſedes tanquam in umbilico Diœceſis, ad Paderæ fontes, celeberrimo totius VVeſtphaliæ loco conſtituta eſt, ubi Romanis Francisque belli ſedes fuit. Quapropter inter cætera, quæ proferentur, monumenta, Variana clades, ſaltus Teutoburgienſis, prælium Caroli M. apud Dethmoldiam, Eresburgum, Brunisberga, minimè aliena cenſeri debent: cùm horum loca ſitusque nunquam alterius, quàm Paderbornenſis diœceſis fuerint. Propria hîc damus, ac noſtra tantùm. neque extra orbitam progredimur, qui iifdem terminis monumenta, quibus Diœceſin concludi volumus. Atque ut hæc, quæ diximus, quæque in Monumentis hiſce noſtris expoſituri ſumus, planiùs ſub aſpectum veniant, placuit triplicem geographiæ tabulam addere, quarum prima Romana eſt, quæ regionem Diœceſis huius ex Romanorum bellis & monumentis ex-

AUCTORIS PRÆFATIO AD LECTOREM.

hibet. Altera Francica, quæ Diœcesin & monumen-
torum loca ex Francorum armis & imperio repræ-
sentat. Tertia posterioris ac nostræ ætatis topogra-
phiam exponit, tantò plenius, quantò post cultior
Diœcesis fuit. Id verò cùm ex instituto aliorum sit
factum, qui ex temporum mutatione, obsita situ &
vetustate monumenta, suis locis reddiderunt: tum
haud minùs opportunum, nec injucundum erit, hac
etiam in parte legentium oculis atque animis subve-
nire. Fruere his, Lector, & si quid minùs expolitum
exactumque, quod ultrò & candidè fatemur, scias ve-
lim hæc inter graviores Reipubl. curas furtim magis
succisivis operis, quàm meditato aliquo scriptionis
genere ab ipso auctore in lucem esse data, & sicubi
umbræ, aut minùs quædam illustrata, iis quilibet
facilè pro ingenio lucem affunder, dummodò, quæ
damus, benigno tantisper vultu aspiciantur. Vale.

I N D E X

M O N U M E N T O R U M

P A D E R B O R N E N S I U M .

A Liso Romanus.	pag. 1
Fontes Luppia.	13
Clades Variana.	21
Salus Teutoburgiensis.	39
Fontes Amisii.	51
Delbruggia ultima veterum Bruclerorum sedes.	57
Visurgis.	69
Rema ad confluentes Warne & Visurgis, pagus Ravensbergici Comitatus.	81
Eresburgum ad Dimolam.	102
Brunisberga prope Huxariam.	123
Boca ad Luppiani.	139
Desenberga prope Warburgum.	155
Padera Fontes.	168
Driburgum, olim Iburgum appellatum.	187
Luda ad Ambram.	197
Tropæa Caroli M. Francorum Regis, in campo Simsfeld.	205
Hleristallum Saxonicum in ripa Visurgis.	213
Wewelsburgum prope Bodecam, Monasterium S. Menolphi.	219
Desertum Sendæ, olim Sinedi appellatum.	233
Fons Resonus, vulgò Bullerborn, prope Becam veterem, pagum diœcesis Paderbor- nensis.	241
Fons Padulus ante Nenhusum, consuetum Episcoporum & Principum Paderbor- nensium domicilium.	251
Acidula Smechtana.	261
Acidula Driburgensis.	267
Oldenburga in monte Furstenberg, prima Baronum de Furstenberg in Westphalia ad Buram sedes.	271











ALISO ROMANUS.

MEMORIÆ. SACRUM

SIQUIS. ALISONEM. VESTIGAS. FORTE. SICAMBRIS
 IMPOSITUM. DRUSI. GRANDE. NERONIS. OPUS
 QUO. STETERUNT. AQUILÆ. POPULIS. QUO. ROMA. SUBACTIS
 JURA. DEDIT. SIGNIS. PERNICIOSA. SUIS
 HUC. PROPERA. PAGO. VICINO. NOMEN. ET. AMNI
 HÆRET. ADHUC. PRISCIS. NOBILE. TEMPORIBUS
 LONGA. DIES. FOSSAS. LATE. COMPLEVIT. ET. HOSTIS
 MOENIA. VICTRICI. DIRUIT. ALTA. MANU
 FAMA. SUPERSTES. ERIT. SCRIPTORIBUS. AUCTA. LATINIS
 DONEC. ALISONIS. LUPPIA. CRESCET. AQUIS

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

ALISONEM. ROMANORUM. CASTELLUM. CON-
 TRA. SICAMBROS. A. NERONE. CLAUDIO. DRUSO
 AD. LUPPIÆ. ET. ALISONIS. CONFLUENTES. PO-
 SITUM. RERUM. GESTARUM. GLORIA. CELE-
 BERRIMUM. DIOECESI. SUÆ. VINDICAVIT
 ET. PATRIÆ. ANTIQUITATIS. ILLU-
 STRANDÆ. STUDIO

M. H. P


A

NO

N O T Æ.

I. **A**LISONEM.] Fluvii & castelli nomen est. Fluvii apud Dionem Cassium l. 54. *Ex eo namque barbari propius adire veriti, eminus tantum hostem infestavere, ita ut Drusus vicissim iis contemptis, castellum contra eos ad Lupia & Alifonis confluentes, aliudque in Chattis ad ipsum Rhenum extruxerit.* Loci seu castelli apud Velleium lib. 2. *Lucii etiam Ceditii praefecti castrorum, eorumque qui una circumdati Alifone immensis Germanorum copiis obsidebantur, laudanda virtus est, qui omnibus difficultatibus superatis, quas inopia rerum intolerabiles, vis hostium faciebat inexsuperabiles, nec temerario consilio, nec segni providentiâ usi, speculatique opportunitatem, ferro sibi ad suos peperere reditum.* Plura de Alifone Tacitus lib. 2. *Annal. memorat. Caesar, dum adiguntur naves, Silium Legatum, cum expeditâ manu, irruptionem in Chattos facere jubet. Ipse audito, castellum Lupia adpositum obsideri, sex legiones eo duxit. Neque Silio, ob subitos imbres, aliud actum, quam ut modicam pradam, & Arpi, Principis Chattorum, conjugem filiamque raperet. Neque Casari copiam pugna obsessores fecere, ad famam adventus ejus dilapsi. Tumulum tamen, nuper Varianis legionibus structum, & veterem aram, Druso sitam, disjecerant. Restituit aram; honorique patris ipse cum legionibus decucurrit. Tumulum iterare haut visum; & cuncta inter castellum Alifonem ac Rhenum novis limitibus aggeribusque permunita. Verum de posterioribus verbis, utrum castellum & Aliso jungenda, magna controversia: nam ut Lipsius in comm. in Tacit. n. 19. *Distinguendum videri castellum, Alifonem, ac Rhenum, pronuntiavit Vetranius, & recte ad mentem Dionis lib. 54. Nam scribit, à Druso castellum extructum ad Lupia & Alifonis confluvia, aliudque in Chattis ad ipsum Rhenum. Velleio tamen loci nomen Aliso est; & Ptolemao Ἀλίσων inter Germania urbes. Imò qui junxerunt, hos imperitè legisse Xylander interpres Dionis annot. 710. monuit. Alifonem dicit Tacitus libro secundo, his verbis: cuncta inter castellum, Alifonem, ac Rhenum novis limitibus aggeribusque permunita. Quo in loco Tacitus loquitur de discussa obsidione castelli ad Luppiam positi: ubi tamen (quod obiter monere visum) imperitè quidam castellum Alifonem legerunt, ut Aliso sit nomen castelli:**






DIOECESIS PADERBORNENSIS
sub Imperio Romanorum
diversis populis diverso
tempore habitata
descriptio nova.
MDCCLXXII.

Castellum Chatterum
nunc Cassel

CIDENS.

pag. 2



OBIENS.



castelli: quod falsum esse Dio nos docet. Ast è contrario Cluver. l. 3. Germ. antiq. c. 9. scribit. *Distinguendum hic ego omnino nego, idque rectè ad mentem Dionis juxta ac Taciti, simulque Velleii. Si enim, inquit, cum Vetranio ac Lipsio distinguimus dicta tria verba in tria loca; quodnam castello isti alteri dabimus nomen? aut quodnam fuisse præter id putamus, quod Dio Drusum ait extruxisse ad Luppiæ & Alisonis confluvium? Si aliud fuit; certè nomen, aut saltem situm debuit addidisse Tacitus. Si idem; cur distinguimus in Tacito? nam quum duo limitibus istis sive aggeribus ponantur extrema, castellum ad Luppiæ Alisonisque confluentes, & Rhenus amnis; quid, tanquam tria forent diversa inter se loca, separamus castellum ab Alisonis confluyente, cui id impositum? tum verò, quos Germanicum limitis, inter castellum Rheno adpositum, & ipsum Rhenum egisse censemus? denique quæ hæc fuerit apud auctorem mira atque inepta locorum transpositio vel perturbatio; dum primò castellum ad Rhenum nominaverit, dein retrogrado ordine Alisonem; tandem vero ad priora recurrendo Rhenum? apage sis cum tantis absurditatibus, certum igitur est, distinguere non debere, quæ distinguenda videbantur Vetranio ac Lipsio; & consequenter Alisonem etiam apud Tacitum proprium castelli nomen esse, quod præter Cluverium, Ortelius in thesaur. geogr. J. Horrion & complures alii memoriæ tradidèrunt; nec contrarium Dio prodidit. Docuit is tantum castellum ad Luppiæ & Alisonis confluentes à Druso positum fuisse, sed propterea non negat, aut falsum esse docet, idem castellum Alisonem appellari. Quid enim obstat castellum, urbem, vel alium locum commune cum amne nomen habere? Exempla obvia, & propinqua in Luppiâ, Amisiâ apud Ptolemæum, Cluver. l. 3. c. 9. & Fuldâ in Annal. Franc. oppidorum & fluminum nominibus; & si necesse foret, plura in medium proferri possent: nam ut Schildius de Cauch. l. 1. c. 10. talium neque recentior est infecunda, neque prisca cosmographia.*

2. SI QUIS ALISONEM VESTIGAS.] Dignus investigatione & notitiâ Aliso, utpote Romanorum monumentorum antiquissimus in Westphaliâ, & rerum gestarum gloriâ celeberrimus. Hic namque Drusi, Tiberii, & Germanici ex domo Augustâ belli ducum; hic consularium & triumphalibus ornamentis insignium legatorum sedes & tribunal fuit; hic contra Tencteros,

Uſipetes, Bruēcteros, Chattos, Cheruſcos, & potiſſimum Sicambros firmiſſimum præſidium, & hiberna æſtiuaque exercitūs. Hinc nobiles expeditiones ſuſceptæ, & prælia multa decreta. Haud procul ara Druſi caſtelli conditoris ſita. Varus cum legionibus cæſus. Variandarum reliquiarum tumulus exſtructus, & ſoluta obſidione Alifonis à Germanico ara genitoris ſui reſtituta. Huc denique à Rheno uſque cuncta novis limitibus aggeribuſque ab eodem permunita. Vellei. Tacit. Dio ll. cc. Cluv. l. 3. Germ. ant. c. 9. Horriſt l. 2. Paneg. Paderb. c. 9. Si quis igitur Romanæ aut patriæ antiquitatis ſtudio Alifonem fortè veſtiget, & contra quos, quo auctore, quo loco & tempore exſtructus, quæ veſtigia ſuperſint, huc properet, & inſpiciat, legatq; monumentum, cui nihil inſcriptum reperiet, quod non antiqui & gravis ſcriptoris teſtimonio, vel ſaltem valde veriſimili argumento nitatur, & probari queat.

3. SICAMBRIS IMPOSITUM.] Dio Caſſius l. c. Notiſſima hæc gens, quam non tantum hiſtoriæ Romanæ, & Annalium Francicorum authores, inprimis Cæſar lib. 4. & 6. Strabo lib. 7. Florus lib. 4. c. 12. Sueton. in Auguſto c. 20. Tacitus Annal. lib. 2. c. 26. lib. 12. c. 39. Dio Caſſ. lib. 39. 40. 54. Plutarchus in Cæſare, Ptolemæus & Appianus. Notiſſima utriuſque Imperii, & Oroſius lib. 6. c. 21. verum etiam poëtæ. Horatius lib. 2. od. 4. lib. 4. od. 14. Propertius l. 4. eleg. 6. Ovidius ad Liviam de morte Druſi. Juvenalis Satyr. 4. Gratius Falifcus in Cynegetico v. 202. Martialis de ſpectac. epigr. 3. Claud. de bello Gildonico, & de laudib. Stilliconis. Sidonius Apollinaris, & complures alii celebrarunt.

Cauſæ, cur Alifo caſtellum contra Sicambros potiſſimum conditum fuerit, variæ habentur. Plurimum potentiâ & virtute militari valebant; nec ulli fuerant erantque eo tempore inſenſiores & gravioreſ Romani nominis & imperii hoſtes. Julio Cæſari Galliæ victori Tenēcteros & Uſipetes dedere recuſarant. Cæſar l. 4. *Adquos (Sigambros) quam Caſar nuntios miſiſſet, qui poſtularent, eos, qui ſibi Galliæque bellum intuliſſent, uti ſibi dederent, reſponderunt: populi R. imperium Rhenum finire. Si, ſe invito, Germanos in Galliâ tranſire non æquum exiſtimaret, cur ſui quidquam eſſe imperii aut poteſtatis trans Rhenum poſtularct.* Caſtra ejusdem in Eburo-

buronum finibus oppugnaverant, & parum, quin occuparent, abfuerat. Cæsar l. 6. Dio lib. 40. *Caterum Sicambri non satis fuit ex Eburonibus pradam egisse, sed ipsos quoque Romanos petierunt: quos cum frumentatum digressos animadvertissent, castra aggressi sunt: Romanorumque re perceptâ ad defendendum castra concurrentium multos occiderunt.* Præterea cum Cheruscis Suevisque, viginti centurionibus incrematis, sumpserant iterum bellum. Flor. lib. 4. c. 12. *Inde validissimas nationes Cheruscos, Suevosque & Sicambros pariter aggressus est: qui viginti centurionibus incrematis, hoc velut sacramento sumpserant bellum, adeo certa victoriæ spe, ut pradam in antecessum pactione dividerent. Cherusci equos, Suevi aurum & argentum, Sicambri captivos elegerant. Demum Drusus à Visurgi revertens, cum toto exercitu, à Sicambri circumdatus ferè periisset. Dio lib. 54. Regressus in sociorum terram, in summum devenit periculum, insidiis hostium frequenter latus, & aliquando in loco angusto ac concavo circumclusus, haud procul absuit, quin cum toto exercitu periret, à qua cum pernicie nihil aliud eripuit, quàm hostium temeritas: qui cum uno omnes Romanos impetu deleri posse crederent, nullo ordine servato eos aggressi, victi inde, ferociâque suâ fractâ discessere. Quare occasionem irrumpendi in Sicambriorum fines, & ponendi ibidem castelli, tum ex bello ipsorum cum Cattis, tum nuperâ suâ victoriâ oblatam minimè Drusus neglexit. Dio lib. 54. In Sicambros irrupit, perque eos in Cheruscorum regionem usque ad Visurgim processit: id ut ei liceret Sicambriorum in Chattos, qui soli finitimorum auxilia negaverant, totius populi viribus facta expeditio effecerat, quo tempore Drusus, iis imprudentibus, regionem peragravit, Visurgim etiam transiturus. Ex eo Barbari propius accedere veriti eminus tantum hostem infestare, ita ut Drusus, &c.*

Quod ad sedes hujus populi attinet, Sicambri sive Sigambri Sigam primùm accoluerunt; hinc progressi ad Rhenum, cui proximos Cæsar facit; ad Ruram, ubi Sigeburgi, unius ex tribus præcipuis Saxonum castellis, vestigia supersunt; ad Luppiam, & penè ad Visurgim usque fines suos protulerunt. Dio lib. 54. *Initio veris rursus ad bellum profectus Rhenum transiit, Lupiæque fluminis ripis ponte junctis in Sicambros irrupit, perque eos in Cheruscorum regionem usque ad Visurgim processit. Quis non videt, magnum his ver-*

bis Paderbornensis diœcesis tractum designari? quem nisi eo itinere transferit, intelligi explicarique non potest, quâ viâ Luppix fluminis ripis ponte junctis in Sicambros irrumperere, perque eos in Cheruscorum regionem usque ad Visurgim procedere, & quomodo redux, ad Luppix & Alifonis confluentes, castellum potuerit erigere. Habitarunt igitur eo tempore, quo Drusus Alifonem munivit, Sicambri in diœcesi Paderbornensi, Horrion lib. 2. Paneg. c. 9. Ægid. Bucherius in Belgio Rom. lib. 1. c. 14. §. 6. & limes inter ipsos Cattoſque, fuit montis jugum, quod ab Aldenbecâ juxta oppidum Cleinenbergam ad oppidum Brilon extenditur. Cluver. l. 3. c. 9. At brevi deinceps spatio in his locis hæserunt, à Tiberio Cæsare, C. Censorino & Asinio Gallo Coss. in Galliam translati, atque in agris Rheno proximis collocati. Sueton. in Aug. c. 23. Eutrop. l. 7. Cluver. l. 2. c. 18. Horrion lib. 2. c. 9. Lips. in 2. Annal. Tacit. n. 66. Anno dein proximo, Tiberio, & Calphurnio Pisone Coss. Kal. Januarii, quibus Tiberius consulatum iniit, Romæ triumphati. Cujus triumphi meminere Velleius l. 2. Dio Cassius l. 55. Marmor Capitolinum apud Pighium in Fastis, & Ovid. lib. 4. Trist. eleg. 2. & l. 3. de Ponto. eleg. 4. Sueton. in Tiberio c. 9. Ex his Sicambriſ Ifac. Pont. l. 2. orig. Franc. c. 6. conscriptam arbitratur *Sugambram cohortem, quam Romanus promptam ad pericula, nec minus cantuum & armorum tumultu trucem haud procul instruxerat.* Tacit. 4. Annal. Nec est dubium, quin ex his etiam coacta LEGIO SICAMBRO-
RUM, cujus sub Valentiniano Imp. in limite Istri præsidium agitantis monumentum in Pannoniâ prope Budam esse reperi-
tum auctor est Laziſ lib. 6. de Rep. Rom. c. 13. Bonfinius lib. 1. rer. Hung. decad. 1. Legionem 1. auxiliatricem ex Sicambriſ au-
xiliaribus conflatam sub Valentiniano II. contra Quados, Sar-
matas, Gothosque, in Pannoniâ excubias habuisse asserit. U-
trum verò non aliqua Sicambrorum portio in antiquis sedibus
permanſerit, controvertitur: negat Cluverius lib. 2. c. 9. affir-
mant alii, inter quos Horrion. l. c. probantque Strabonis testi-
monio, qui lib. 7. *Sicambrorum*, inquit, *exigua restat portio*, in
Germaniâ videlicet magnâ, postquam inde fuerunt deportati.

Idem

Idem libro eodem narrat à Germanico Cæsare, qui sub Tiberio Aug. Germaniam administravit, inter ceteros Germaniæ principes ductum in triumphum *Teudorigem principem Sicambrorum*.

Interim ex Sicambris ortos, adeoque veros extitisse Sigambros, priscos Francorum Reges Merovingos, communissima est sententia. Hincmarus in vita S. Remigii lib. 2. c. 11. Greg. Turon. lib. 2. c. 31. Venantius Fortunatus lib. 6. carm. 4.

4. DRUSI GRANDE NERONIS OPUS.] Dio l. c. Pertinet ad notitiam & celebritatem Alifonis, & similis cujusque operis origo: commendat enim opus auctor nobilis, & venerabile reddit vetustas. Neutrum de plurimis insignibus alioquin urbibus, arcibus & locis, vel non nisi obscurè, & incertis conjecturis notum. De Alifone utrumque memoriæ Dio Cassius prodidit, quod *Drusus prator Urbanus creatus Q. Alio Tuberone, Paulo Fabio Maximo Coss. initio veris rursus ad bellum profectus Rhenum transiit, & contemptis hostibus castellum contra eos ad Lupia & Alifonis fluviorum confluentes exstruxit*. Habet igitur Alifo conditorem genere, honoribus & rebus gestis nobilissimum, magnæque apud populum Romanum memoriæ, Claudium Neronem Drusum, Octavii Augusti privignum, fratrem Tiberii, & Germanici patrem. Nec minùs, anno ab U. C. ut Sigonius rationem iniit, 742. nono ante natum Christum exstructus, antiquitate & magnitudine excellit. Bis quidem C. Julius Cæsar, & primus Romanorum cum exercitu Rhenum transiit, Cæsar l. 4. & 6. Florus l. 4. c. 12. Dio l. 39. & 40. sed intra brevius tempus & minore cum victoriâ rediit, quàm ut castellum ponere, vel aliud gloriæ monumentum in hostium finibus relinquere potuerit. De primo transitu Dio l. 39. scribit: *Sed cum Sicambros in loca munita se recepisse inveniret, Suevos autem ad auxilium his ferendum coire, intra vigesimum diem regressus est*. De secundo idem lib. 40. inde quoque maturè metu Suevorum se recepit, nullâ re perfectâ, quàm quòd gloriâ Rheni alterâ vice trajecti reportavit. De Druso Flor. l. 4. c. 12. memorat: *Præterea in tutelam provinciarum, præsidia, atque custodias ubique disposuit, per Mosam flumen, per Albim, per Visurgim. Nam per Rheni quidem ripam quinquaginta amplius castella direxit*. Nullum dubium quin per
Lup-

Luppiam & Amisium eadem disposuerit. Verùm, Alifone excepto, proprius illorum locus, nomen & initium ignota, incerta & dubia: quia, ut Dio lib. 56. *in hisloriis nulla eorum fit mentio.*

5. GRANDE.] De magnitudine Alifonis fortè quis dubitabit, atque ex nomine castelli, quo à Tacito & Dione appellatur, parvæ rei specimen animo effinget. Verùm grande opus fuisse, usus ejus à Dione lib. 56. occasione Varianæ cladis, quam statim subjungit, descriptus, & veteris situs vestigia manifestè demonstrant. *Loca, inquit, quædam Germania Romani tenebant, non simul, sed ut fortè subacta fuerant hinc inde, unde in hisloriis eorum nulla fit mentio. Iis in locis Romani milites hiberna habebant, urbes condebant, eorum mores jam barbari accipiebant, in forum conveniebant, congressusque cum iis pacatos habebant.* Ingens igitur opus Alifo fuit: quia exiguum nec valde magnum, præsidio adversus validissimas gentes in mediis eorum finibus, sedî gravissimorum bellorum, castris, civitati, tribunali & foro frequentissimo, quale Alifone fuisse, ex Velleio, Floro, & Dione colligitur, & spatio, quod à vico Essen ad confluentes Luppiæ & Almæ ultraque protenditur, implendo nequaquam sufficere potuit.

6. QUO STETERUNT AQUILÆ.] Præcipuum Romanæ militiæ signum, quod in omni legione in primâ semper cohorte præferri, & in castris ante prætorium in terram defigi solebat, nec prius hibernis moveri, quàm universus exercitus egrederetur, aut captatis auspiciis legiones in prælium prodirent; hinc Virgil.

Æneid. 11.

— *Ubi vellere signa*

Annuerint superi. — Vide Plin. lib. 10. c. 4. Lipsium in milit. Rom. Pierium in hieroglyphicis.

7. JURA DEDIT SIGNIS PERNICIOSA SUIS.] Quia cladis, quâ signa amissa, occasionem dedere. Flor. lib. 4. c. 12. *Itaque improvidum & nihil tale metuentem improvisò adorti, quum ille (ô securitas!) ad tribunal citaret, undique invadunt, castra rapiunt, tres legiones opprimuntur.* Velleius lib. 2. *Quo proposito (Varus) mediam ingressus Germaniam velut inter viros pacis gaudentes dulcedine, jurisdictionibus agendoque pro tribunali ordine trahebat astiva. At illi simulantes fectas litium series, & nunc provocantes alter*
alte-

alterum injuriâ, nunc agentes gratias, quòd eus Romana justitia finiret, feritasque sua novitate incognita disciplina mitesceret, & solita armis discerni, jure terminarentur, in summam socordiam perduxere Quinctilium, usque eò, ut se Pratorem Urbanum in foro jus dicere, non in mediis Germania finibus exercitui praeesse crederet. Ita cùm aliàs provinciae vi partæ jure retineantur; Varus jus dicendo, & negligendo arma, signis & rebus Romanis perniciem in Germaniâ attulit.

8. HUC PROPERA.] Quo manifestissima Velleii, Taciti, & Dionis testimonia, locus ad præsidium, hiberna, bellum contra Sicambros, Cheruscos, Marfos, Bructeros & reliquas finitimas gentes sustinendum & gerendum, ad iter, com meatum, & expeditiones Visurgim versus, ad aquationem, annonam exercitûs, equorum pabulum opportunus, item vetustissimæ munitionis vestigia, fama superstes, simillima vici & fluminis nomina ducunt vocantque. Nam juxta Tacitum, ad Luppiam; Velleium, non procul à capite Luppiae; Dionem, ad Luppiae & Alifonis fluviorum confluentes, à Druso revertente à Visurgi contra Sicambros exstructus fuit. Præterea clarè ex Velleio, vicinum Varianæ cladi fuisse, colligitur. Idem clariùs Tacitus tradit, additque inter Alifonem & Rhenum cuncta Germanicum permunivisse. Sed etsi Alifonis Romani situs à tribus Romanæ historiæ clarissimis scriptoribus sit designatus; fuere tamen, qui alibi castellum illud collocaverint. Ortel. in thesauro geographico. *Aliso castellum habet Tacitus ad Rhenum. Hujus & Paterculius quoque meminit. Hodie Wesel vocari ad ostium Lupiae H. Junio placet. Iselburg est Hieronymo Verrutio, quod magis probo. In doctissimis Sckegkii ad Velleium notis lego, à Rhenano pro Alzheim haberi. Aliso Dioni fluvius est, quem idem Verrutius de Oude Issel interpretatur. Alisum Ἀλειον Ptolemæo ad Rhenum urbs. Hanc Villanovanus Harstein putat: ipse viderit. Heroldo circa Hailprun & Saltzhorn videtur ad Concharum amnem. Verum horum omnium opiniones falsas esse, ut Cluverius scribit, facilè disertissimis ipsorum auctorum testimoniis probari potest. Ad Rhenum esse nequit; quia Tacitus cuncta inter Alifonem & Rhenum permunita testatur: fuit ergò à Rheno remotus. Habet quidem Vesalia,*

Iselburgum & Altzheimium cum Alifone aliquam similitudinem nominis, ast iis in locis Luppia & Alifonis flumina non confluunt. Quare vera & communissima sententia, quam Cluverius l. 3. Germ. antiq. Isac. Pontan. lib. 1. Geldr. Joannes Horrion l. 2. Panegyri. Paderb. c. 9. Pideritius in chron. Lipp. Tetschemacherus in chron. Cliviensi. Stangevolius & plures tenent, in Diœcesi Paderbornensi, ubi prope Neuhusium, haud procul Paderbornâ, Luppia & Alma coeunt, Alifonem constituit. Quod si *Alifi* memorati à Ptolemæo vera sedes ad Rhenum fuerit, à Velleii, Taciti, Dionis Alifone diversum erit; sed utrum omnes Ptolemæi civitates per Germaniam rectis verisque sitibus sint locatæ, multi dubitant. Interim cum satis ostensum sit, Alifonem in diœcesi Paderbornensi, ad confluentes Almæ & Luppia situm fuisse, superest investigandum, utrum in vico *Elsen*, an *Neuhusii*, ubi municipium & arx: pro *Elsen* nomen, antiquitas & Cluverius; pro *Neuhusio* facit, quod ibidem sint propriè Luppia & Alifonis confluentes, nota Alifonis ex Dione sedes. Componi posse videtur hæc controversia, si cum Horrione dicatur, Alifonem utrumque locum lato suo ambitu comprehendisse.

9. PAGO VICINO NOMEN.] Prope Luppia & Almæ confluentes antiquus & celebris etiam nunc vicus *Elsen*, de quo Cluver. l. c. *Ipsæ autem vicus Elsen haud dubiè est castellum Ελίσων, quum iisdem penè literis nomen ejus antiquum in dicto vico exstet.* In documentis antiquis An. 1058. 1107. 1209. *Helsen*, *Hilesan*, *Helsen* appellatur: unde vix ambigi potest, quin *Elson* aut *Alson* quoque prius dictus fuerit. Frequens enim hujusmodi nominum in *on* terminatio tum erat. Fuit olim ejusdem nominis, quod more veteri nobilium à vico sumpsit, familia equestris seu militaris *de Elsen* / aliter *Isesen* / ex quâ *Hartmannus* & *Hildeburgis* ejus conjunx benefactores Monasterii Gerdensis An. 1177. *Rotgerus* An. 1186. *Joannes* & *Volbertus*, ambo Canonici Paderbornenses; ille An. 1202. 1238. hic An. 1230. 1244. *Suederus* An. 1213. 1272. in antiquis literis memorantur.

10. ET AMNI.] Parum ab Alifone fluvio nomine differt,
re

re ipsâ autem omnino idem est *Alma*, qui proximè à capite Luppiaë, eidem infra Neuhusium arcem, & vicum *Elfen* confunditur: recensenti enim omnes amnes, qui in Luppiam se exonerant, nullus occurrit, qui Alifoni castello magis conveniat. Cluver. l. c. Horrion l. c.

II. LONGA DIES.] Quid hostis manu, ferro, & igne non diruit & evertit? quid sine vi non collabascit, & consumitur solâ vetustate? E grandi illo Drusi opere, si Almaë & Luppiaë confluentes, nomen in vico vicino servatum, & exigua fossarum vestigia excipiantur, nihil omnino hodie superest, neque à longissimâ memoriâ superfuit. Vix annis 20 steterat, quando post cladem Varianam à Germanis obsessus, atque Lucio Cæditio castrorum præfecto, qui cum quâdam manu, ut observat Cluverius, præsidio castris relictus fuerat, erumpente, in potestatem eorundem venit. Zonaras Annal. tom. 2. Hos castellum à Romanis desertum, & sibi invisum funditus evertisse, Romani nominis odium, & insitus veteris libertatis amor facile persuadent. Instaurâsse tamen Romanos certum ex Tacito lib. 2. Annal. Ipse (Germanicus) *audito castellum Lupiaë flumini adpositum obsideri, sex legiones eò duxit, &c.* conservatum quidem tum fuit; *neque enim Cæsari copiam pugnaë obsessores fecere, ad famam adventus ejus dilapsi*: Tac. l. c. sed non ultra principatum Claudii Imperatoris retentum, qui ut apud Tacit. Annal. 11. habetur, C. Valerio Asiatico, M. Valerio Messalâ Coss. qui, Horrionis judicio, à condito Alifone sextus & quinquagesimus erat, *ad eò novam in Germanias vim prohibuit, ut referri præsidia cis Rhenum juberet*. In quorum tum potestatem Aliso à Romanis iterum desertus venerit, an postea occupatus à Saxonibus, instauratusque à Carolo M. eruditè Horrion c. 10. 11. 12. disseruit. Interim dum vetus castellum quocunque demum tempore & casu corruit, ad vicinos Paderæ fontes crevit Paderborna, civitas multis rebus inelyta, & hoc ipso loco, quo Aliso stetit, nova arx surrexit; consuetum Episcoporum ac Principum Paderbornensium, ab anno millesimo ducentesimo, domicilium. Horrion lib. 2. c. 15.



FONTES LUPPIÆ.

MEMORIÆ. SACRUM

LUPPIA. ROMANIS. ANNALIBUS. INCLYTUS. AMNIS
 NEC. MINUS. IN. FRANCA. NOBILIS. HISTORIA
 HIC. ORITUR. NOMENQUE. DEDIT. FAMAMQUE. NERONUM
 QUO. SITA. MAJORIS. CASTRA. FUERE. LOCO
 ET. QUEM. CONCILIO. PRO. RELIGIONE. VOCATO
 SAXONLÆ. CAROLUM. TER. CELEBRASSE. FERUNT
 DEVENERARE. SACRUM. FLUVII. CAPUT. HOSPES. ET. ALTE
 CELATIS. NILI. PRÆFER. ORIGINIBUS
 QUI. LICET. INNUMERIS. TUMIDUS. PETAT. AMNIBUS. ÆQUOR
 FONTE. TAMEN. MAJUS. LUPPIA. NOMEN. HABET

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

AD. FONTES. LUPPIÆ. FLUMINIS. IN. DITIONE
 PADERBORNENSI. SURGENTIS. ROMANI
 EXERCITUS. HIBERNIS. ET. CAROLI
 M. CONCILIIIS. CELEBRATOS

M. H. P

N O T Æ.

Fontes & fluvii plures trecentis diœcesin Paderbornensem irrigant, nec pauci ex his in eâdem nascuntur. Præcipui & plerique in historiâ tum Romanâ, tum Francicâ & Saxonicâ nominati. *Alma*, *Alifo* olim, *Ambra*, *Amisius*, *Bevera*, *Dalca*, *Effata*, *Hedera*, *Luppia*, *Luttera*, *Padera*, *Netha*, *Warna* & *Virsurgis*.

I. LUPPIA] Ita apud Tacitum, & rectius seu magis genuinè; quia in Germanico vocabulo litera *p* geminatur: apud Melam *Lupia*; Dionem & Strabonem *Λυπίας*; in Annalibus Francicis *Lippa* & *Lippia* scriptum legitur. Hanc posteriorem dialectum vulgatus scribendi loquendique usus retinuit. In Velleii exemplaribus, in quibus *ad caput Juliae fluminis* legitur, vel mendum in *Julia* pro *Lupia*, vel quasi in honorem *C. Julii Octaviani fluminis* sic noviter appellatum. Lips. in Vell. n. 194. Bœclerus in eund. Cluverius lib. 3. Germ. antiq. c. 49. Verum uti breve Augusti ad *Luppia* imperium fuit mox Rheno terminatum, ita quoque memoria nominis in illo flumine non diu perduravit. Nimis levis & falsa Vadiani doctissimi cæteroqui viri, qui *Luppia* fluvium esse putat, quem hodie *Neccarum* vocant, & Irenici ac Spidelii in not. in Bartolinum l. 12. Austr. *Lanum* esse suspicantium conjectura, ita ut refutatione non indigeat. Diversus enim ab utroque fluvius, à capite usque ad ostium nomen *Lupia* gerit, cui soli, quæ in Romanâ, Francicâ & Saxonicâ historiâ memorantur: atque inter cætera, quòd *per Bruëteros minores fluat*, Strabo lib. 7. quòd *ab ultimis Bruëterorum, à saltu Teutoburgiensi & Amisiâ* haud procul abfuerit, Tacitus; quòd *ad caput Tiberius hiberna locaverit*, Velleius; *ad confluentes cum Alifone castellum Drusus posuerit*, Dio; accommodari queunt. Quomodo igitur aut *Neccarus* aut *Lanus* potuit esse *Lupia*? non illi *Lupia* oppido juxta Ptolemæum in mediis Germaniæ finibus sito, & in tribus clarissimis locis ab eo numerato; non *Lippenheimio* in Annalibus Francicis cele-

celebri; non Lipstadio tribus Paderbornâ milliaribus remoto, quod *Luppiam* antiquum Ptolemæi oppidum Cluver. esse contendit; non familiæ nobilium Dominorum & Comitum; non saltui, non toti Lippiensi Comitatus nomen dederunt.

2. ROMANIS ANNALIBUS INCLYTUS AMNIS.] Velleii, qui primus inter Latinos amnis meminit lib. 2. Taciti l. 2. Ann. & 5. hist. Dionis lib. 54. Multa enim & præclara ad hunc fluvium Drusus, Tiberius, Germanicus egerunt.

3. NEC MINUS IN FRANCA NOBILIS HISTORIA.] Prima ejus, quod sciam, mentio occurrit apud Fredegarium Scholast. cap. cix. quando (an. 737.) *Carolus Martellus commoto exercitu Francorum, in loco, ubi Lippia fluvius Rhenum ingreditur, sagaci intentione transmeavit, maximâ ex parte regionem illam dirissimam stravit, gentemque Saxonum sevissimam ex parte tributariam esse præcepit.* Sæpius deinde expeditionibus Saxonis implicitus ad *Luppiam* Carolus M. venit, castra posuit, memoriâ & monumento digna multa gessit. Hinc in Francica historia, in vita Caroli M. apud Pithæum, Annalib. Franc. apud eundem & Reuberum, Poëtâ Anonymo, Adelmo Benedictino, Reginone, Urspergensis, alibique nobilis & clarus *Luppia*.

4. HIC ORITUR.] Non in montibus Hassicis, ut Althamerus in Tacit. de morib. Germ. sed sub castro *Lippspringâ* uno milliari à *Paderborna* in ultimis Bruëteris, & postquam supra *Neuhusium Paderam*, *Alifonem* infra alveo accepit, & multa insignia castra, & oppida alluit; juxta *Vesaliam* in Rhenum evolvit. Falluntur ergò, qui in eandem cum *Amisîa* & *Visurgi* partem ferri, & Oceanum subire existimarunt. Hos sequi videtur Bartolinus l. 4. Austr. ut Spidellus notavit.

*Nunc verò Oceani populos, atque extrema mundi
Regna sequar.*

Hic fluit & Lupia turgescens sanguine ripa.

Errori huic immani & manifesto ansam præbuit Strabo lib. 7. *In eandem cum Amisîâ partem feruntur Visurgis & Lupia amnis, qui per Bruëteros minores fluit, distans à Rheno 100 stadiis, sive millibus passuum LXXXV.* Melius *Luppiæ* ostium agnovit Mela, lib. 3.

c. 3. *Amnium in alias gentes exeuntium Danubius & Rhodanus, in Rhenum Manus & Lupia.* Excusat tamen Strabonem Junius, quasi *ἡ τῶντα* (videlicet *ἐθνῶν*, quod præcessit) id est, *ad has nationes* decurrere Luppiam tradiderit. Isac. Pont. lib. 1. Orig. Franc. c. 9.

5. NOMENQUE DEDIT.] *Lippspringe* arci, sub quâ *Luppie* fontes conspiciuntur, oppidoque, diu post conditam arcem, in oppidum evecto: nam sub initium sæculi decimi quinti incolæ libertate primum donati vel manumissi. sic quoque in eâdem hac diœcesi vicus quidam *Upsprunck* vocatur. Arx porrò & oppidum *Lippspringe* ad collegium Cathedrale Ecclesiæ Paderborn. spectant, & incolumitatem suam debent Casparo Philippo de Ketteler Decano, Joanni Wilhelmo Cantori, & Joanni Henrico Baronibus de *Sinsig* / Canonicis Paderbornensibus; qui arcis ruinam anno MDCXLVI. cum Vrangelijs subjecto pulvere nittrato eam funditus evertere decrevisset, unicè sunt deprecati.

6. NERONUM QUOSITA MAJORIS.] Horatius lib. 4. od. 14.

Major Neronum mox grave prælium

Commisit, immanesque Rhatos

Auspiciis repulit secundis.

Uterque Neronum divisis partibus Rhatos Vindelicosque adgressi. Velleius lib. 2. c. 95. Cui ergò Venusina periphrasis convenit? Tiberio, cui operis adjutor datus fuerat Drusus frater, *quem intra Caesaris penates enixa erat Livia.* Vell. l. c. ideoque natu minor. Claudius Drusi filius apud Senecam in consolat. ad Polybium. *Caesar (Tiberius) patruus meus Drusum Germanicum patrem meum, minorem natu, quam ipse erat, fratrem intima Germania recludentem, & gentes ferocissimas Romano subjicientem imperio, in complexu & osculis suis amisit.*

7. CASTRA FUERE LOCO.] *Hiberna,* Vell. lib. 2. c. 105. *Pietas sua Casarem penè obstructis hieme Alpibus, in urbem traexit: ad tutelam imperii eum veris initio reduxit in Germaniam; in cujus mediis finibus ad caput Julia (Lupiae) fluminis, hiberna digrediens*

grediens princeps locaverat. Just. Lipsius in not. ad Velleii lib. 2. n. 194.

8. ET QUEM CONCILIO] Anno 776. vita Caroli M. apud Pithæum, Astronomus, Adelmus Benedictinus, Poëta Anonym. Regin. lib. 2. Chron. Annal. Canisiani.

Ad fontem Lippie veniens, scribit Astronomus, immensam illius perfidi populi multitudinem velut devotam & supplicem, ac quasi erroris sui veniam poscentem invēnit. Cui cum & misericorditer ignovisset, & eos, qui se Christianos fieri velle affirmabant, baptizari fecisset, datis & acceptis pro fide servandâ fraudulentis eorum promissionibus, obsidibus quoque, quos imperaverat, receptis, Eresburgo, quod dirutum erat, restaurato, aliisque castello super Lippiam exstructo, & in utroque non modico prasidio relicto, ipse in Galliam reversus in villa Haristallo hiemavit. Terruerat enim Saxones Carolus, velut ingens tempestas omnia prosterbens. Regin. l. c. Vita Caroli. Et perterriti Saxones omnes ad locum, ubi Lippia consurgit, venerunt ex omni parte, & Domino regi Carolo per Vadium manibus suis reddiderunt patriam, & sponponderunt se esse Christianos, & iterum subditi sunt ditioni Domini regis Caroli. Cum An. 780. ad fontem Luppia venisset, castra metatus alteram synodum ibidem celebravit. Astron. in Annal. Cum magno exercitu in Saxoniam profectus est, transiensque per arcem Eresburgum ad fontem Lippie venit, ubi castra metatus per aliquot dies moratus est. Regino.

Vita Caroli apud Pithæum: Iterum iter peregit ad disponendam Saxoniam, & pervenit ad Eresburgum, & indè ad locum, ubi Lippia consurgit, ibique synodum tenuit; in qua Carolus M. litem multis annis agitatam, inter Assuerum Abbatem Prumiensem, & Weomadum Archiep. Trevirensis, de cella S. Goaris ad Rhenum, secundum Abbatem deciderat, & monasterio Prumiensi cellam donavit. Browerus lib. 7. Annal. Trevirens.

Tertium & maximum seu generale concilium in An. 782. incidit. Astron. Æstatis initio, cum propter pabuli copiam duci poterat, in Saxoniam eundem, & ibi, ut in Franciâ quotannis solebat, generalem conventum habendum censuit. Trajectoque apud Coloniam Rheno, cum omni Francorum exercitu ad fontem Lippie venit, & castris ibi po-

stis per dies non paucos ibidem moratus est. Regin. lib. 2. An. dom. incar. 782. Carolus Coloniam veniens Rhenum transit, & synodum tenuit, ubi Lippia confurgit. Annal. Canisii.

In hoc conventu legati, quos Godefridus Nortmannorum rex & Avarorum principes Cakanus & Jugurtus miserat, auditi. Vita Caroli M. Astron. in Annal. Annales incerti auct. apud Pith. Regino, Ursperg. ll. cc. Abfuit autem Widichindus. Astron. Ursperg. Regino, Annales incerti auctoris apud Pithæum. An. 782. *Carlus habuit conflictum in loco, ubi Lippia oritur, cum omnibus primatibus Saxonum, excepto Widikindo rebelle, & iis, qui cum coerant.*

9. DEVENERARE SACRUM FLUVII CAPUT.] Sacri olim fontes habiti, & floribus, aris, sacrificiis culti. Virg. l. 7. Æneid. Horat. lib. 1. od. 1. lib. 3. od. 13. Mart. lib. 4. c. 57. Seneca epist. 41. *Magnorum fluminum capita veneramur: subita ex abdito vasti amnis eruptio aras habet.* Latè hæc superstitiopatuit, nam ad Saxones quoque & Prussios pervasit. Adamus Brem. *Frondosis arboribus fontibusque venerationem exhibebant.* De Prussiiis Helmoldus lib. 1. cap. 1. circa An. 1168. *Usque hodie profecto inter illos, cum cetera omnia communia cum nostris, solus prohibetur accessus lucorum & fontium, quos autumant pollui Christianorum accessu.* Alium atque alia ex causa honorem Luppia caput meretur, nempe ob memoriam sacri lavacri, quo ad fontes ejus, haustis inde aquis, ingenti numero Saxones abluti. Astron. Annal. Poëta Anonym. l. c.


10. ET ALTE CELATIS NILI PRÆFER ORIGINIBUS.] Tibullus lib. 1. eleg. 8. Horat. lib. 4. od. 14. *Te fontium qui celat origines Nilus.* Lucan. lib. 10. Plinius lib. 5. c. 9. *Nilus incertis ortus fontibus.* Hinc apud Æthiopas aqua è tenebris profluens appellatur. Licet ergò Nilus

11. INNUMERIS TUMIDUS PETAT AMNIBUS ÆQUOR,] per ostia plura, ex quibus septem potiora Plin. l. c. enumerat:

12. FONTE TAMEN MAJUS,] illustrius religione & armis, castris & conciliis, & tam Romanæ quàm Francicæ historiæ

riae monumentis celebratum nomen habet Luppia : nam Nili è contrario fons aut omnino absconditus, aut saltem obscurus & incertus, nec ullâ memorabili re insignis & cognitus. Plin. l. c. *Nilus incertis it fontibus, & per deserta & ardentia, & immenso longitudinis spacio ambulans, famâque tantùm inermi quasitâ cognitus, sine bellis, quæ ceteras omnes terras invenère.*





CLADES VARIANA.

MEMORIÆ. SACRUM

EN. UBI. ROMANÆ. CLADIS. MONUMENTA. SUPERSUNT
 VARUS. ET. ARMINIO. STRATUS. AB. HOSTE. JACET
 ET. CAMPO. IN. MEDIO. NOTUM. VICTORIA. NOMEN
 SERVAT. ADHUC. NOSTRIS. INCLYTA. TEMPORIBUS
 AUSPICIIS. RAUIT. PUBES. GERMANA. SECUNDIS
 IMPERII. GEMINAS. NOBILE. PIGNUS. AVES
 DESINAT. EUPHRATES. PARTHOS. MEMORARE. TRIUMPHOS
 CLARIOR. EST. CÆSO. LUPPIA. QUINCTILIO
 RAPTA. JOVI. LATIO. CRASSI. SPOLIA. ILLE. PEREMPTI
 REDDIDIT. HIC. AQUILAS. OBTINET. USQUE. SUAS

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

VARIANÆ. CLADIS. PÆNE. EXITIABILIS. ROMA-
 NIS. CÆSARE. AUGUSTO. AD. TEUTOBURGIEN-
 SEM. SALTUM. INTER. AMISILET. LUPPIÆ
 FONTES. ARMINIO. DUCE. A. CHERUSCIS
 BRUCTERIS. MARSIS. ET. CONTER-
 MINIS. GENTIBUS. ILLATÆ

M. H. P

N O T Æ.

1. **C**LADES VARIANA.] Nota hæc clades, quam ex auctoribus antiquis Vellei. lib. 2. Strabo lib. 7. Tacit. lib. 1. 2. 12. Annal. Suetonius in Augusto c. 23. in Tiberio c. 17. Florus lib. 4. c. 12. Dio Cassius lib. 56. Plinius lib. 7. hist. natur. c. 45. Seneca epist. 57. Zonaras Annal. tom. 2. Orosius hist. lib. 6. c. 21. Manilius poëta lib. 1. Ex recentioribus verò præter alios innumeros Philip. Cluver. l. 3. Germ. antiq. c. 19. Joannes Horiion lib. 2. Panegy. Pad. c. 9. Bernardus Mollerus in descript. Rheni lib. 5. Pideritius in chron. Lippiens. Stangevolius lib. 1. Ann. Circ. Westphalici, Bucherius in Belgio Romano, partim prolixiùs descripserunt, partim breviter commemorârunt, partim eruditè & diligenter illustrarunt.

2. **E**N UBI ROMANÆ CLADIS MONUMENTA SUPERSUNT.] Verus hic Romanæ cladis monstratur locus, quem Urspergensis, Naclerus, & alii Augustam Vindelicorum; Moguntiam Æneas Silvius; Duisburgum Clivorum Aventinus & Joannes Tybius in antiq. Duisburgi; in Misniam Irenicus; Strombergam Joannes Gigas, & hunc sequutus Joannes Baptista Nicolosius; nonnulli ad Embsam flumen, ubi vicinum Cliviæ oppidum Dinflacum visitur, falsò transtulerunt. Repugnant enim horum opinioni, aut errori potius, & communem certamque de loco designato sententiam confirmant complura monumenta, pleraque ex veterum Romanæ historiæ scriptorum testimoniis observata, atque etiamnum conspicua: nimirum mediæ Germaniæ fines, quatenus ex continuis bellis Romanis fuit cognita. Velleius lib. 2. *quo proposito (Varus) mediam ingressus Germaniam, velut inter viros pacis gaudentes dulcedine, jurisdictionibus agendoque pro tribunali ordine trahebat asitiva. At illi, in summam socordiam perduxere Quinctilium usque eò, ut se Pratorem Urbanum in foro jus dicere; non in mediis Germania finibus exercitui præesse crederet.* Via & iter à Rheno ad Visurgim in Cheruscorum fines.

fines. Dio l. c. *Quia autem Romanos multos apud Rhenum, multos apud se versari videntes, rebellionem palam attentare non audebant, Varum ita acceperunt, ut omnibus ejus jussis obtemperaturi viderentur, proculque eum à Rheno in Cheruscorum fines, & ad flumen Visurgim abduxerunt.* Habitus viæ, sive montes, saltus, silvæ, paludes, aggeres, pontes. Velleius l. c. *Exercitus omnium fortissimus, inclusus silvis, paludibus, insidiis ab eo hoste ad internecionem trucidatus est.* Tacit. 2. Ann. *Premisso Cacinâ, ut occulta saltuum scrutaretur, pontesque & aggeres humido paludum & fallacibus campis imponeret.* Dio l. c. *Erant montes, quâ Varus tum ducebat, convallibus crebris intercepti ac inaequales: arbores autem dense, ac immodica proceritatis, quibus Romani ante hostium adventum cadendis, viamque parando, & qua opus habebant, pontibus jungendo defatigati fuerant, &c. Locum modo ibi, ut in monte silvis obsito, opportunum nacti, castra fecerunt, &c. postridie progressi sunt in locum nemore vacuum.* Zonaras l. c. *Illum cum suis legionibus in densis & impeditis silvis versantem, ex improviso pro notitiâ locorum, quâ minimè patebat exitus, circumvenerunt.* Ultima Bruëterorum sedes inter Amisiam & Luppiam amnes, haud procul Teutoburgiensi saltu. Tacit. 4. an. *Ductum inde agmen ad ultimos Bruëterorum; quantumque Amisiam & Luppiam amnes inter vastatum, haud procul Teutoburgiensi saltu, in quo reliquæ Vari legionumque insepultæ dicebantur. Aliso & cladi, & tumulo legionum propinquus.* Vell. 2. Ann. *Lucii etiam Ceditii præfecti castrorum, eorumque, qui unâ circumdati Alifone immensis Germanorum copiis obsidebantur, laudanda virtus.* Tacit. 2. Annal. *Cæsar audito castellum Lupiæ flumini adpositum obsideri, sex legiones eò duxit, neque Cæsari copiam pugna obsessores fecere, ad famam adventus ejus dilapsi. Tumulum tamen nuper Variæ legionibus structum, & veterem aram Drusositam disjecerant. Restituit aram, tumulum iterare haud visum, & cuncta inter castellum Alifonem, ac Rhenum novis limitibus aggeribusque permunita.* Si itaque in mediis Germaniæ finibus, inter Rhenum & Visurgim, in Teutoburgiensi saltu, prope Amisiam Luppiamque amnes, ultimos Bruëterorum, Alifonem, aram Drusi, & tumulum Variarum legionum, duce Arminio à Cheruscis, Bruëteris, Marsis & conterminis gentibus Varia-

na clades sit facta; certum & manifestum est, alium ejus locum assignari non posse, quàm medium Paderbornam & Dethmoldiam vel Hornam inter, ubi omnes expressas à Velleio, Tacito & Dione *αἰσχροῦς* clarissimè repræsentat situs. Duo præterea rivi, *rubens* & *offeus*, sive *Rodenbecke* & *Rnockenbecke* / per *Sende* desertum saltui Teutoburgiensi proximum defluentes; ille ab aquis sanguine infectis, hic ab injectis ossibus appellatus: ubi ossa humana, diversi generis arma & numismata, in quibus Julii Cæsaris, Octavii Augusti imagines, atque inscriptiones agnoscipotuerunt, reperta, magni cum Romanis initi prælii memoriam conservarunt: & demum non Westphali tantùm & Paderbornenses scriptores, *Bernardus Mollerus* in descript. Rhen. l. 5. *Hamelman.* de genealog. & famil. Comit. & Baron. infer. Saxonix, Angar. & Westphal. *Reineccius* in not. ad Poëtam Anonym. de gest. Carol. M. *Meibomius* in Irminful. *Horrión* in panegy. Pad. l. 2. c. 9. *Pideritius* in chron. Lipp. *Stange* vol. lib. 1. Annal. Varum cum exercitu hic cæsum tradidère: verùm etiam plurimi externi, *Cuspinian.* in Aug. *Lazius* l. 1. comment. Reip. Rom. c. 8. *Lindenbroch.* in hist. Arminii, *Carion* in chron. l. 3. *Pighius* in Hercul. Prodicio, *Lipsius* in Tacit. *Serap.* l. 1. rer. Mogunt. *Althamerus* in Tacit. de morib. Germ. *Browerus* l. 1. Annal. Trevir. David *Chytr.* in orat. de Westphaliâ, *Calvisius*, *Isac.* *Pontanus* lib. 1. orig. Franc. c. 9. *Teschemach.* in chron. Clivix, March. *Joannes Henricus Hagelgans* in suo Arminio An. 1643. edito, *Gratianus Episcopus Amerinus* in vitâ Card. Commendoni lib. 2. *Per Westphalos iter vertit, visis circa Paderbornam campis saltibusque Varianâ olim clade, & Arminii victoriâ claris. Quæ loca adhuc post tot seculorum spatium à Germanis, cum gloriâ & ostentatione Majorum suorum virtutis, monstrantur.*

3. VARUS ET ARMINIO STRATUS AB HOSTE JACET.] Tacit. lib. 1. Ann. *Sed Varus, fato & vi Arminii cecidit. Cùm enim metueret, ne vivus in hostium potestatem veniret, sibi ipsi manus intulit.* Dio lib. 56. *Ideo Varus alique primores, jam acceptis vulneribus, cùm metuerent, ne vel in hostium potestatem vivi venirent, vel ab infensissimo hoste interficerentur, sibi ipsi manus attulerunt.*

lerunt. Velleius lib. 2. *Duci plus ad moriendum quam ad pugnandum animi fuit, quippe paterni avitque exempli successor se ipsum transfixit.* Tacit. 1. Ann. *Et cladis ejus superstites pugnam aut vincula elapsi, referebant, primum ubi vulnus Varo adactum; ubi infelici dextrâ, & suo iclu mortem invenerit.* Zonaras Annal. tom. 2. *Itaque Varus & precipui quique vulnerati, metuentes ne vivi in hostium potestatem venirent, ultrò sibi necem consciverunt.* Non sine causâ duram captivitatem, aut acerbam mortem à Germanis timuit, quibus adeò invisus, ut abditum mortui corpus effoderint, laceraverintque. Flor. lib. 4. c. 12. *Ipsius quoque consulis corpus, quod militum pietas humi abdiderat, effossum.* Velleius lib. 2. *Vari corpus semiussum hostilis laceraverat feritas, caput ejus abscissum, latumque ad Maroboduum, & ab eo missum ad Casarem, gentilitii tamen tumuli sepulturâ honoratum est.* Qualis autem genere, ingenio, moribusque fuerit, & quibus rebus tantum sui Germanorum odium incurrerit, Velleius l. c. prodidit. *Varus Quinctilius illustri magis, quam nobili ortus familiâ, vir ingenio mitis, moribus quietus, otio magis castrorum, quam bellica assuetus militia; pecunia verò, quam non contemptor, Syria, cui præsuerat, declaravit, quam pauper divitem ingressus, dives pauperem reliquit.* Cur illustri magis ob recentes magistratus & honores, quam nobili sive antiquâ familiâ ortum asserat, Carolus Patinus de familiis Roman. admiratur; cum Livio teste, An. U. C. 350. M. Quinctilius Varus Tribunus militum consulari potestate, Dictator verò clavi figendi causâ, An. U. C. 421. Cn. Quinctilius creati fuerint. Interim qualicunque loco natus fuerit, non poterant Germani avaritiam ejus, & imperandi modum tolerare. Dio l. c. *Ubi autem Quinctilius Varus, Germania post administratam Syriam præfectus, rebus ibi gubernandis susceptis imperare, pecuniasque uti à subditis exigere, Germani ejus inceptum non tulerunt, primoribus ipsorum amissum principatum desiderantibus, vulgò consuetam rerum rationem peregrina dominationi anteferente. Oderant præterea libidinem ac superbiam.* Flor. l. 4. c. 12. *Quippe Germani victi magis, quam domiti erant, moresque nostros magis, quam arma induerant sub Imperatore Druso. Postquam verò ille defunctus, Vari Quinctilii libidinem ac superbiam, haud secus, quam sevitiam odisse ceperunt.*

D

runt.

runt. Orosius lib. 6. c. 21. *Quintilius Varus cum tribus legionibus à Germanis rebellantibus, mirâ superbiâ atque avaritiâ in subjectos agens, funditus deletus est.* Zonaras l. c. *Sed cùm Quintilius Varus Germania præpositus, eos subitò ac penitus ab inveteratâ consuetudine revellere aggrediretur, superbèque & avarè ut mancipiis imperaret, ferre non potuerunt.* His ille moribus & vitiis causam bello præbuit; insidiis verò & cladi occasionem dedit falsa ejus de Germanis opinio, socordia, & militum dissipatio. Velleius l. c. *Is cum exercitui, qui erat in Germaniâ, præset, concepit esse homines, qui nihil præter vocem haberent hominum; quique gladiis domari non poterant, posse jure mulceri.* At illi in summam socordiam perduxere Quintili-
 lium, usque eò, ut se Prætorem Urbanum in foro jus dicere, non in medijs Germania finibus exercitui præesse crederet. Flor. l. c. *Ausus ille agere conventum; & in castris se direxerat, quasi violentiam barbarorum & licitoris virgis, & præconis voce posset inhibere.* Dio l. c. *Ibi summa in pace ac amicitia erga eum viventes, in hanc eum opinionem adduxere, quasi possent absque militum opera in servitute contineri. Igitur Varus neque milites, quod in hostico fieri debet, uno loco continuit. Præcipuè verò securitas, & nimia fiducia in eo arguitur.* Flor. l. c. *Tanta erat pacis fiducia, ut ne prædictâ quidem, & proditâ, per Segesten unum principum, conjuratione commoveretur. Itaque improvidum, & nihil tale metuentem, improvisò adorti, quum ille (O securitas!) ad tribunal citaret, undique invadunt.* Vell. l. c. *Id Varo per virum ejus gentis fidelem, clarique nominis Segesten indicatur, negat itaque se credere, spemque benevolentia ex merito aestimare, nec diutius post primum indicem secundo relictus est locus.* Dio l. c. *Fam fidente rebus Varo, ac nihil tale expectante; ac non modo fidem omnem iis, qui rem, ut erat, suspicantes, eum, ut careres sibi, monebant, abrogante, sed etiam objurgante eos, quòd frustra sibi timerent, ac illos in invidiam vocarent, repente ex composito quidam ex longinquis Germani insurgunt.* Hinc illæ Segestis apud Tacit. 1. Ann. querelæ: *Ego præp-
 torem filia mea Arminium apud Varum, qui tum exercitui præsidebat, reum feci, dilatus segnitia ducis, quia parum præsidii in legibus erat, ut me & Arminium, & conscios vinciret, flagitavi: testis illa nox, mihi utinam potius novissima! quæ secuta sunt, defleri magis, quàm de-*
 fendi

fendi possunt. Orta vel aucta hujusmodi fiducia ex conviviis, & assiduâ consuetudine cum Arminio & Sigimero. Dio l. c. *Erant inter eos, qui conspiraverant, & belli, quod tum conflagratur, præcipui Arminius & Sigimerus, semper cum Varo conversantes, sæpiusque convivantes.* Defuit demum consilium. Velleius lib. c. *Ex quo apparet, Varum sanè gravem & bonæ voluntatis virum, magis Imperatoris defectum consilio, quàm virtute destitutum militum, se magnificentissimumque perdidisse exercitum.* Unde Tiberius proximo anno in Germaniam missus, cùm animadverteret, *Varianam cladem temeritate & negligentia ducis accidisse, nihil non de consilii sententia egit; semper alias sui arbitrii, contentusque se uno, tunc, præter consuetudinem, cùm pluribus de ratione belli communicavit; curam quoque solito exactiorem præstitit.* Suetonius in Tib. c. 18. Sed etsi culpâ Vari ignominiosa clades contigerit; mansit tamen manetque in pluribus locis celebribus memoria nominis ejus: nam *Varisberg*, vulgò *Forstenberg*, nobilium Virginum Collegium in Cliviâ, *Vari montem*, Pighius in Hercule Prodicio; *Varburgum*, insigne ditionis Paderbornensis oppidum, *Variburgum* Serar. lib. 3. rerum Mogunt. notat. 29. ad vitam S. Bonifacii, interpretantur. Nec minori ratione sunt qui putent, *Varenholtum* in comitatu Lippiensi; in diœcesi Monasteriensi *Varendorpium* urbem, & *Varlariam* Præmonstratense cœnobium à Varo appellari, atque illud *Vari pagum*, hoc *Vari castra* significare.

4. ET ARMINIO,] de quo dissimili planè Varo Velleius. *Tum juvenis genere nobilis, manu fortis, sensu celer, ultra barbarum promptus ingenio, nomine Arminius, Sigimeri principis gentis ejus filius, ardorem animi vultu oculisque præferens, assiduus militia nostra prioris comes, & jam civitatis Romana jus equestremque consecutus gradum, segnitia ducis in occasionem sceleris usus est, haud imprudenter speculatus, neminem celerius opprimi, quàm qui nihil timeret, & frequentissimum initium esse calamitatis, securitatem. Primò igitur paucos, mox plures in societatem consilii recipit; opprimi posse Romanos & dicit, & persuadet; decretis facta jungit, & tempus insidiarum constituit.* Sunt qui ad Arminium nostrum ex militia Romanâ, in quâ ductor popularium meruerat, notum & cele-

brem in Urbe respexisse velint Virgilium lib. 11. *Æneid.* v. 642.

*Dejicit Herminium, nudo cui vertice fulva
Casaries, nudique humeri; nec vulnera terrent.*

Postquam multa Arminii facta insignia Tacitus 1. & 2. Ann. memoravit, præclarissimo immaturum ejus obitum elogio prosequitur. *Caterum Arminius abscedentibus Romanis, & pulso Maroboduo, regnum affectans, libertatem popularium adversam habuit: petitusque armis, cum variâ fortunâ certaret, dolo propinquorum cecidit; liberator haud dubiè Germania, & qui non primordia populi Romani, sicut alii reges ducesque, sed florentissimum imperium lacefferit: præliis ambiguus, bello non victus, septem & triginta annos vita, duodecim potentia explevit: caniturque adhuc apud barbaras gentes.*

5. ET CAMPO IN MEDIO.] *Nomen etiamnum retinet inclytus Romanâ clade saltus Teuteberg: & victoria cognomine insignis campus, Wintfeldt/ ad oppidulum Hornam in Westphaliâ.* Lipf. in not. ad Tacit. Annal. lib. 1. n. 211. Mollerus, Lindenbrochius, Hamelmannus, Reineccius, Serarius, Isac. Pontanus, Calvisius, Pideritius, Stangevolius, ll. suprâ §. 2. citatis, Ægidius Bucher. in Belg. Roman. lib. 3. c. 1. in fine. Hi omnes inter monumenta victoriæ de Romanis reportatæ referunt campum, seu jugi planitiem, vulgò Wintfeldt/ appellatam haud dubiè à victoriâ; nam vincere Germanis *irinnen* dicitur; verique simile videtur, de campo hoc loqui Tacit. lib. 1. Ann. *Medio campi albertia ossa, ut fugerant, ut resisterant, disjecta vel aggerata.*

6. PUBES GERMANA.] Tacit. 1. Ann. Suet. in Aug. c. 23. Flor. Velleius ll. cc. Verè Germana pubes non natione tantum, verum etiam virtute, cujus cum aliàs sæpiissimè, tum in prælio Variano illustre specimen dedit; falsò autem & immerito de Germanis Velleius, *quod nisi expertus vix credebat, in summa feritate versutissimi, natumque mendacio genus.* & Strabo scribit lib. 7. *adversus hos (Germanos) plurimum utilitatis in incredulitate: quibus fides habita est, ii maxima damna intulerunt: ut Cherusci, & eorum subditi, apud quos tres Romanae legiones cum Duce Quinctilio Varo, contra datam fidem, insidiis circumventa, perierunt.* Alienissima

suma hæc calumnia ab indole, & moribus gentis, cujus fides tantam semper laudem habuit, ut vel ipsi Imperatores Romani in Germanorum se custodiam tradiderint, & Frisiorum legati Romæ ausiglorigari, *nullos mortalium armis aut fide ante Germanos esse.* Tacit. lib. 13. Annal.

7. IMPERII GEMINAS NOBILE PIGNUS AVES.] Florus l. 4. c. 2. Tacit. 2. Ann. *Et cladis ejus superstites pugnam aut vincula elapsi referebant, hic cecidisse legatos, illic raptas aquilas, quas Germanicus Romanas aves, propria legionum numina apud eundem* lib. 2. Ann. appellavit.

8. DESINAT EUPHRATES PARTHOS MEMORARE TRIUMPHOS.] Grave quidem vulnus clade Crassianâ populus Romanus à Parthis accepit. Flor. l. 3. c. 11. ingens indè fama Euphrati; verum multis nominibus

9. CLARIOR EST CÆSO LUPPIA QUINCTILIO:] de quo reportata victoria magnum nomen decusque gerit in e-logio, quo Germaniam Tacit. de morib. Germ. ornavit. *Sexcentissimum & quadragesimum annum urbs nostra agebat, cum primum Cimbrorum audita sunt arma, Cæcilio Metello ac Papirio Carbone Coss. ex quo si ad alterum Imperatoris Trajani consulatum computemus, ducenti ferme & decem anni colliguntur, tam diu Germania vincitur. Medio tam longi ævi spatio multa invicem damna. Non Samnis, non Pæni, non Hispania Galliave, ne Parthi quidem sæpius admonuere. quippe regno Arsacis acrior est Germanorum libertas. Quid enim aliud nobis, quàm eadem Crassi, amisso & ipse Pacoro, infra Ventidium dejectus Oriens objecerit? At GERMANI, Carbone, & Cassio, & Scauro Aurelio, & Servilio Cepione, M. quoque Manlio fisis vel captis, quinque simul consulares exercitus populo Romano; Varum, tresque cum eo legiones etiam Casari abstulerunt. nec impunè C. Marius in Italiâ, divus Julius in Galliâ, Drusus ac Nero & Germanicus in suis eos sedibus perculerunt. Mox ingentes C. Casaris mina in ludibrium versa. Indè otium, donec occasione discordia nostra & civilium armorum, expugnantis legionum hibernis, etiam Gallias affectavere: ac rursus pulsî indè, proximis temporibus triumphati magis quàm victi sunt.*

10. RAPTA JOVI LATIO.] Inscriptio monumenti Ca-

pitolini apud Lazium lib. 7. comment. Reip. Rom. c. 4. Vel-
leius lib. 2. c. 91. Sueton. in Aug. c. 21. Florus lib. 4. c. 12. Eutro-
pius lib. 7. in Aug. Ovidius lib. 5. & 6. Fast. & lib. 2. Trist. Hora-
tius lib. 4. od. 15.

*Et signa nostro restituit Jovi,
Direpta Parthorum superbis
Postibus: &c.*

Quantopere signis, sive *ultrò*, ut Florus, sive, ut Suetonius ait, *repositi*, redditis gavifus sit Augustus, indicant tot & tam varii hac de re signati nummi veteres cum inscriptione **SIGNIS RECEPTIS**: quorum icones apud Lazium l. c. expressæ.

II. **HIC AQUILAS OBTINET USQUE SUAS.**] Ar-
minius apud Tacit. lib. 1. *Cerni adhuc Germanorum in lucis signa Romana, quæ diu patriis suspenderit.* Nondum ergo tunc, nec un-
quam Augusto remissa fuerant; an postea ductu Germanici, & auspiciis Tiberii recepta, auctores inter se dissentiunt. Affirmat Tacit. lib. 1. Ann. *Bructeros sua urentes, expeditâ cum manu L. Ster-
tinius, missu Germanici fudit; interque eadem & prædam reperit un-
devicesima legionis aquilam cum Varo amissam.* l. 2. *Ipse majoribus co-
piis Marfos irrumpit: quorum dux Maloventus, nuper in deditionem ac-
ceptus, propinquo luco defossam Variana legionis aquilam modico præsidio
servari indicat.* Ad quem locum Lipsius not. 62. *Hic autem in-
venta aquilarum una, & supra lib. 1. altera; ergo recepta nunc omnes.*
Quâ de causâ arcus erectus dicatusque: Tacit. l. 2. *Fine anni ar-
cus propter adæm Saturni ob recepta signa cum Varo amissa, ductu Ger-
manici, auspiciis Tiberii; & ades Fortis Fortuna &c. dicantur.* Quin
Dio lib. 57. scribit. *At Germanicus expeditione in Germanos prosperâ
ad Oceanum usque processit, barbarisque vi devictis, ossa eorum, qui
cum Varo ceciderant, lecta humavit, signaque militaria recepit.* Sed
idem Dio lib. 60. Claudio demum Cælare, unicam quæ resta-
bat aquilam, receptam perhibet: ita enim habet. *Eodem anno
(U.C. DCCXCIV.) Sulpitius Galba Chattos vicit, & P. Gabinius Mar-
fos, qui inter alia, quæ laudi essent, militarem aquilam, quæ sola è
clade Varianâ adhuc supererat, recuperavit.* Hic aut Tacitum nos
fallere, aut Dionem, necesse est. Quam enim aquilam Tacitus,
Male-

Malevendo Marforum duce atque indice, Germanicum Cæsarem recepisse à Marfis, hanc Dio Cassius scribit Claudio de-
 mum Cæsare per Legatum Gabinium esse recuperatam. Facit hæc dissensio magnorum inter Romanos scriptorum, ut suspicari libeat, non adeò exploratum fuisse ipsis scriptoribus, aquilæne omnes redditæ fuerint, nec ne. Ideò Floro potiùs inhærendum censeo, qui lib. 4. c. 12. *Signa, & aquilas duas adhuc barbari possident; tertiam signifer prius, quàm in manus hostium veniret, evulsam mersamque intra baltei sui latebras gerens, in cruenta palude sic latuit.* Sed an & hæc aquila relata sit ad Romanos abruptit Florus. Lipsius ut Florum Tacito conciliet, suspicatur Florum, qui epitomen Livii dedit, ex persona & ætate Livii tantum loqui, quâ nondum redditæ erant aquilæ à Germanis. At quis credat Florum, quem Trajani tempore vixisse volunt, hanc ævo suo populi Romani gloriam ex receptis aquilis dissimulare potuisse, quando tanto triumpho receptas de Parthis aquilas legerat. Quapropter non desunt, qui aquilas nunquam omnes è Germania receptas sentiunt. Quos inter Cuspinianus Florum secutus in vita Augusti. *Nec unquam hæc redditæ sunt Imperatoribus Romanis, quod Parthi fecerunt, sed semper in hunc usque diem servatæ; licet Tacitus scribat Germanicum, cum in Teutoburgiensi saltu reliquias Variæ cladis inspicere concupisceret, per L. Stertinum apud Bructeros undevicesimæ legionis aquilam cum Varo amissam reperisse.* Majorem ergò fidem hac in re Floro, quàm Tacito habendam esse, & non sine ratione censuit Cuspinianus: si enim verè Variæ signa recepta fuerunt, cur Tacitus tantum ac Dio, & quidem diversè id meminerunt? nam signa à Parthis remissa poetæ pariter & historici magno numero & consensu celebraverunt. Cur Velleius, quod gratum, lætum & magnæ gloriæ Tiberio erat, in laudibus ejus alioquin immodicus siluit? quomodo contrarium scribere Florus ausus esset? Arcus quidem similis esse potuit triumphis, quos apparatu splendidos, victoriæ autem inanes falsosque, de Germanis non rarò Imperatores Romani egerunt; quod Tacitus quoque de morib. Germ. agnovit. *Inde proximis temporibus triumphati magis, quàm victi sunt.* Alio quoque & excel-

cellentiori quidem modo aquilas suas Luppia usque obtinet, imperio nimirum ad Francos primum, & ab his ad Saxonas, utrosque Luppiae aliqua ex parte quondam accolas, translato. Nec defunt, qui imperii insignia ab aquilis clade Varianâ raptis originem accepisse existimarint; ita enim senserunt & scripserunt Cuspinianus, & Ulricus Huttenus: ille in Aug. *Non enim biceps est aquila, ut imperitum vulgus credit: sed dua simul; quarum altera alteram expansis alis obtegit, tertiam signifer legionis tertia abstulit, paludeque demersit, ne in hostium manus veniret, alioqui tres haberemus aquilas in insignibus Imperii.* Hic verò & clarius in carmine de Germania non degeneri:

*Vindice ut Arminio, celeris prope rura Visurgis,
Romanas acies, miro Germania motu,
Quinctiliumque ducem conciderit, unde birostra.
Contigerint aquila, traducti insignia regni,
Excussumque jugum, non tantum hæc tempora nossent.*

Horum astipulatorem Flavium Illyricum exagitat & refellit Card. Bellarminus de translat. Imp. Rom. lib. 1. c. 7. §. 2. & *Romanos Imperatores negat bicipitem aquilam in insignibus ferre ob duas aquilas ab Arminio quondam Vari Legionibus detractas: non enim duas aquilas in insignibus Imp. gerere, sed unam divisam in duo capita: cujus rei causam esse, quod imperium esset inter duos principes divisum, quorum alter in Occidente, alter in Oriente sedem habebat.* Atqui etiam prius, quàm imperium divideretur, in columna Trajana & Antoniana videre fuit duplicem aquilam concorporatam, sic ut in Imperii insignibus hodie solet. Lips. in analectis ad Milit. Rom. dialogo 11.

12. PENE EXITIABILEM.] Sueton. in Aug. c. 23. *Graves ignominias cladesque, duas omnino, nec alibi quàm in Germania, accepit, Lollianam & Varianam: sed Lollianam majoris infamiae, quàm detrimenti; Varianam penè exitiabilem, tribus legionibus, cum duce legatisque, & auxiliis omnibus, cassis.* Magnitudinem igitur hujus cladis, quæ à Suetonio penè exitiabilis, à Velleio atrocissima calamitas vocatur, facile quis cogitatione comprehendet, sive cum Polybio lib. 6. tribuat legioni quina millia peditum, & tre-

cen-

centos equites, sive cum Vegetio peditum sex millia, equites septingentos & triginta duos. Hujus itaque exercitûs cum auxiliis omnibus, quæ è sociis conscripta non minorem certè numerum confecerint, ad internecionem deleti nuntius ingentem mœrorem metumque Augusto, & Urbi attulit. Velleius l. c. *Ordinem atrocissima calamitatis, quâ nulla post Crassi in Parthis damnum, in externis gentibus gravior Romanis fuit, justis voluminibus, (utinam cum xx. libris de bellis Germanicis à Plinio scriptis superessent!) ut aliis, ita nos conabimur exponere. Nunc summa deslenda est. Exercitus omnium fortissimus, disciplinâ, manu, experientiaque bellorum inter Romanos milites princeps, ad internecionem trucidatus est.* Flor. l. 4. c. 12. *Nihil illâ cade per paludes, perque silvas cruentius: nihil insultatione barbarorum intolerabilius, præcipuè tamen in causarum patrones. Aliis oculos, aliis manus amputabant: unius os sectum, recisâ prius linguâ, quam in manu tenens barbarus, tandem, inquit, vipera sibilare desiste.* Sueton. l. c. *Hâc nunciâtâ, excubias per Urbem indixit, ne quis tumultus existeret: & praesidiis provinciarum propagavit imperium, ut & à peritis & assuetis socii continerentur. Fovit & magnos ludos Fovi Opt. Max. si rempublicam in meliorem statum vertisset: quod factum Cimbrico Marsicoque bello erat. Adeò namque consternatum ferunt, ut per continuos menses barbâ capilloque summisso, caput interdum foribus illideret, vociferans: Quinctili Vare, legiones redde: diemque cladis quotannis mæstum habueris ac lugubrem. Metuebat enim, ne unâ cum Gallis Italiam ac Romam Germani peterent.* Dio lib. 56. *Augustus Varianâ clade auditâ, vestem, ut quidam memorant, laceravit, inque magno luctu fuit, propter amissum exercitum, metumque, qui à Germanis, & Gallis impendère videbatur, maximè quòd eas gentes jam ipsam Italiam ac Romam petituras verebatur; sed neque urbana juventus magni momenti supererat, & sociorum auxilia, quæ allicujus essent pretii, afflicta erant. Nihilominus tamen ad omnia se, quantum praesens rerum conditio ferebat, comparavit. Et quoniam ii, qui militari essent ætate, dare nomina volebant, ex iis qui nondum annum trigesimum quintum attigissent, quintum; ex natu majoribus decimum quemque, ut fors in quemvis incidisset, bonis privatum, ignominia notavit: postremò cum multi ne sic quidem obedirent, quosdam mor-*

te multavit, &c. Et quia complures Galli ac Germani Roma obversa-
bantur, partim peregrinantes, partim inter stipatores recipiendi, ve-
ritus, ne quid hi novi molirentur, in insulas armatos amandavit, inermes
urbe exire jussit. Hac tum ab Augusto acta: ea qua decreta fuerant,
& inter hæc triumphus Tiberii de Pannoniis, Ludique omissi. Sue-
ton. in Tib. c. 17. Nam sub id ferè tempus, *Quintilius Varus* cum tri-
bus legionibus in Germania periit: nomine dubit ante, quin victores Ger-
mani juncturi se Pannoniis fuerint, nisi debellatum prius Illyricum esset.
Quas ob res triumphus ei decretus est, multique & magni honores. trium-
phum ipse distulit, mæstâ civitate clade *Varianâ*. Etsi hæc clades
exitium imperio non attulerit, ingens tamen damnum ex ea
consecutum: nam ut Flor. l. c. Hac clade factum, ut imperium,
quod in litore Oceani non steterat, in ripa Rheni fluminis staret.

13. CÆSARE AUGUSTO.] Paucis ante obitum ejus an-
nis, cùm bellum Pannonicum confectum esset, & plures fulsis-
sent cometæ. Tacit. 1. Ann. Bellum eâ tempestate, quâ vivere de-
siit Augustus, nullum nisi adversus Germanos supererat: abolenda ma-
gis infamia ob amissum cum *Quintilio Varo* exercitum, quàm cupidita-
te proferendi imperii. Velleius lib. 2. Tantum quod ultimam imposuerat
Pannónico ac Dalmatico bello *Caesar* manum, cùm intra quinque con-
summati operis dies funesta ex Germania epistola casi *Vari*, trucidatarum-
que legionum trium, totidemque alarum & sex cohortium. Dio l. c.
caelum sapius ardere apparuerat, multi simul cometæ effulserant. Mani-
lius l. 1.

*Extremas modò per gentes ut fœdere rupto
Cùm fera ductorem rapuit Germania Varum,
Infecitque trium legionum sanguine campos,
Arserunt toto passim minitantiâ mundo
Lumina, & ipsa tulit bellum natura per ignes,
Opposuitque suas vires, finemque minata est.*

De tempore verò acceptæ cladis variant auctores: *Lindebro-
chius* in hist. *Armin.* & *Helmvicus* in theatro, imputant ei an-
num à nato Christo 12. imperii Augusti 52. & U. C. 762. sub P.
Cornelio Dolabella, & C. *Junio Cos.* quibus de anno Christi
Baronius, & plures consentiunt; etli *Browerus*, *Horrius* & *Cal-
visius*

visius 9. & alii 10. ponant : similiterque, juxta Pighium tom. 3. Annal. lib. 18. ac Sigonium comment. in Fastos, annum U. C. vel 761. vel 763. Coss. Sulpitio Camerino & Poppæo Sabino, ut Browero & Stangevolio placet. Quod spectat ad tempus anni, longius ætatem processisse, ex Velleio colligitur : *Mediam ingressus Germaniam, jurisdictionibus agendoque pro tribunali ordine, trahebat æstiva*. Diem denique cladistam memorabilis, quem Augustus *mastrum ac lugubrem quotannis habuit*, 1v. Non. Sextil. diem enimvero, ut notat Gellius lib. 5. cap. 17. & Macrobius lib. 1. cap. 16. *inominalem*, quo malè ad Cannas pugnatum est, Pantaleon, Eberus, & qui præterea Beroaldum sequuntur, assignant, eò, quòd Florus lib. 4. cap. 12. scribat, *Varus res perditas eodem, quo Cannensem diem Paulus, & fato est & animo secutus*. Putarunt enim sensum horum verborum esse, Varus eo die periit, quo Paulus Cannensi prælio. Verùm, ut Casaubonus in Suet. de Aug. c. 23. animadvertit, diem pro clade eleganter Florus usurpavit. Nonnulli cum Aventino malunt 1v. Non. Julii. Sed frustra dies quæritur, quem veteres historici quasi ex compacto siluerunt, aut certum ideò definire fortè nescierunt, quòd, ut auctor est Dio, triduò cum Romanis fuerit dimicatum, & quidem, quod observat Henricus Hagelgans in suo Arminio, primo die haud procul Alifone ad caput Luppia, altero indè paulò remotius juxta arcem Falckenberg, tertio & ultimo prope Hornam aut Dethmoldiam.

14. ARMINIO DUCE.] Flor. l. 4. c. 12. *Duce Arminio arma corripunt*. Strabo lib. 7. *Arminii, qui belli dux fuerat Cheruscis, cum violatis pactis Varum Quinctilium invaderent*. Tacit. 2. Ann. *His nationum, virtus ducum in aquo : sed Maroboduam regis nomen inuisum apud populares, Arminium pro libertate bellantem favor habebat*, desertus tamen ab Ingviomero fuit, non aliam ob causam, quàm quia fratris filio juveni patruus senex parère dedignabatur. Tacit. 2. Annal. Dux igitur Arminius gentis suæ, & sociorum ejus fuit, omnibus hujus muneris partibus egregiè functus, imò & militis, qui manu, voce, vulnere sustentabat pugnam. Tacit. 2. Annal.

15. A CHERUSCIS.] Inter Germaniæ populos, à quibus Variāna strages edita, eminuere Cherusci, validissima tum natio, à Cæsare lib. 6. Velleio lib. 2. Strabone lib. 7. Tacito l. 1. 2. 11. 12. 13. Annal. & de morib. Germ. Plinio lib. 4. c. 14. Floro l. 4. c. 12. Dione l. 54. 55. 56. Fastis Capitolinis apud Onuphr. & Pighium, Nazario in panegy. descripta celebrataque. Non omnes inter Albim & Visurgim, ubi vera & præcipua sedes eorum fuit, & silva *Bacenis* pro nativo muro objecta, Cheruscos à Suevis, Suevosque à Cheruscis, injuriis incursionibusque prohibuit; etiam pro parte aliqua cis Visurgim habitârunt. Dio lib. 54. de Druso: *Lupia fluminis ripis ponte junctis, Sigambros irruit, perque eos in Cheruscorum fines usque ad Visurgim processit.* Velleius lib. 2. *Intrata protinus Germania, &c. recepti Cherusci, & amnis mox nostrâ clade nobilis transitus Visurgis.* Isac. Pont. de orig. Franc. l. 1. c. 9. *pro parte cis Visurgim coluisse non abnuerim.* Cluver. l. 3. Ger. antiq. c. 19. Maximè Arminio duce gens hæc floruit, qui Chattos & Cheruscos, cum quibus illi, teste Tacito 12. Ann. *aterrum discordant*, conciliaverat, ut aliquamdiu junctis viribus Romanorum imperium propulsarent; eo vero defuncto recrudit vetus odium, evenitque quod Tacit. de morib. Germ. memorat. *In latere Cauchorum Castorumque, Cherusci nimiam ac marcentem diu pacem illacessiti nutrierunt; idque jucundius, quam tutius fuit. quia inter impotentes & validos falsò quiescas. ubi manu agitur, modestia ac probitas nomina superioris sunt. Ita qui olim boni equique Cherusci, nunc inertes ac stulti vocantur. Cattis victoribus fortuna in sapientiam cessit. tacti ruinâ Cheruscorum & Fosi, contermina gens.* Mansere tamen adhuc ævo Claudiani veteres ad Albim sedes, nomenque Cheruscorum: quod ipse testatur in panegy. de iv. consulatu Honorii:

— Et ingentes Albim liquere Cherusci.

16. BRUCTERIS.] Non solum Cherusci, verum etiam Bructeri Variānam cladem effecerunt, qui propterea sua exusserunt, atque à Germanico vastati. Tacit. 1. Ann. *Bructeros, sua urentes, expedita cum manu L. Stertinius, missu Germanici, fudit: interque cadem & prædam reperit undevicesima legionis aquilam, cum*
Varo

Varo amissam. Ductum inde agmen ad ultimos Bructerorum: quantumque Amisiam & Luppiam amnes inter, vastatum.

17. MARSIS.] Antiqua, & claræ originis in Germania gente. Tacit. de morib. Germ. *Celebrant carminibus antiquis Tuistonem deum terrâ editum, & filium Mannum, originem gentis conditoresque. Manno tres filios assignant, &c. Quidam autem, licentiâ vetustatis, plures deo ortos, pluresque gentis appellationes, Marfos, Gambrivios, Suevos, Vandalios affirmant: eaque vera & antiqua nomina. Maximè iis infestus Germanicus fuit, abolendæ infamiæ causâ, ob amissum cum Quinctilio Varo exercitum, à Tiberio in Germaniam missus. Tacit. 1. Ann. Ventumque ad vicos Marforum; & circumdata stationes. Quinquaginta millium spatium ferro flammisque pervastat. Profana simul, & sacra, & celeberrimum illis gentibus templum, quod Tanfana vocabant, solo aquantur. Idem lib. 2. Ipse (Cæsar) majoribus copiis Marfos irrumpit, quorum dux Malovendus, nuper in deditionem acceptus, propinquo luco defossam Variana legionis aquilam, modico præsidio servari indicat. Causa igitur hujus vastationis, & irruptionis non alia, quàm quòd Varum, per fines Marforum ad Amisiam, Dalichium, & Aldenbecam porrectos, ad Visurgim proficiscentem, ab iisdem & conterminis populis cæsum meminerat. Cluver. lib. 3. Germ. antiq. c. 11. Marforum vestigium adhuc extat in Dithmarsen / pago diœcesis Paderbornensis.*



SALTUS TEUTOBURGIENSIS. MEMORIÆ. SACRUM

TEUTOBURGENSIS. SALTUS. LOCA. VASTA. PERAGRANS
PAULISPER. COEPTUM. SISTE. VIATOR. ITER
HIC. RAPTAS. AQUILAS. CLADIS. MONUMENTA. LATINÆ
INVENIES. VARI. RELIQUIASQUE. DUCIS
EGIT. ET. HIC. CELEBREM. THIETMALLO. TESTE. TRIUMPHUM
SAXONICAM. CAROLUS. DEPOPULATUS. HUMUM
UT. MERITO. DUBITES. ROMANA. CÆDE. CRUENTO
ARMINIO. MAJOR. NUM. SIT. HABENDUS. HONOS
SAXONIS. AN. CAROLO. VICTORI. SÆPIUS. HOSTEM
FREGIT. HIC. INDOMITUM. CONTUDIT. ILLE. SEMEL

FERDINANDUS. DEI. ET
APOSTOLICÆ. SEDIS. GRATIA. EPISCO-
PUS. PADERBORNENSIS. COADJUTOR
MONASTERIENSIS. S. R. I. PRINCEPS
COMES. PYRMONTANUS. ET. LIBER. BA-
RO. DE. FURSTENBERG

SALTUM. LATINIS. TEUTOBURGIENSEM. OS-
NEGGUM. FRANCIS. APPELLATUM. QUINCTILII
VARI. LEGIONUMQUE. TRIUM. TUMULO. ET. CA-
ROLI. M. VICTORIA. DE. SAXONIBUS. PROPE
THIETMALLI. AN. DCC. LXXXIII. REPORTA-
TA. NOBILEM. POSITO. HOC. MONU-
MENTO. ILLUSTRAVIT

NO.

N O T Æ.

1. **S**ALTUS TEUTOBURGIENSIS.] Meminit hujus saltus Tacitus lib. 1. Ann. *Ductum inde agmen ad ultimos Bruëtorum: quantumque Amisiam & Luppia amnes inter, vastatum: haud procul Teutoburgiensi saltu.* Quibus verbis satis designavit, quo loco situs sit, & ubinam inquirendus; nempe inter *desertum Sinedi*, & *Dethmoldiam Hornamque* oppida, ubi mons Teuteberg antiquum nomen hodie retinet; cui descriptio Taciti, Velleii, ac Dionis de Variana clade testimonia conveniunt. Lipsius in Tacit. lib. 2. Ann. n. 211. Reineccius in Poëtam Anonym. de Carol. M. lib. 1. Horrion lib. 2. Panegy. Pad. c. 9. Althamerus in Tacit. de morib. Germ. Fallitur igitur Aventinus, qui in hist. Boiorum, *Teutoburgensem Taciti saltum cum silva Duisbergen- si* in Clivia, vicina Rheno, & ab Amisii & Luppia fontibus longè remota confundit; atque ex hoc errore in alium lapsus, Varum in ea cum legionibus cæsum scripsit. Fallitur Joannes Tybius in antiq. Duisbergi, qui Aventino astipulatur. Nec refert, quòd ad saltum, qui pro vero *Teutoburgiensi* hìc habetur, non videatur esse *Teutoburgium*, à quo tamen originem istius cognominis petere oportet, minimum autem *Duisburgum* à *Teutoburgio* sono vocis discrepet: sicuti enim *Duisburgum*, *Dispargum* Greg. Turonensi dictum, celeberrima olim Francorum regia fuit; ita *Teutoburgium* antiquum id ipsum est oppidulum, quod postea *Thietmallum* & *Dethmoldia* dici cœptum, neque adhuc vetus suum nomen totum amisit. Cluver. l. 3. Germ. antiq. c. 15. & 19. Dietmelle esse antiquum illud *Teutoburgium*, à quo *Teutoburgiensis saltus cognomen accepit, ipsa hodierna appellatio manifestò indicat*; quippe *Diet* idem esse nomen quod *Theuth*, jam dudum innumeris argumentis probatum habeo. Atque vulgare quidem fuit hoc tractu vocabulum *Theut*, locis impositum. Nam ab eodem dictus est antiquissimo nomine vicus ille, medio inter *Luppia fontem* & *Theutomellum situ*, *Teutenmeyer*: item oppidulum *Dietenhille* / xv. millibus

bus passuum ab Theutomello in orientem versus diffusum. Caterum apud Ptolemaum legitur Germania locus, haud procul levâ Visurgis ripâ, Τελισέργιον, quod ego vocabulum ex situ & literarum ductu, corruptum esse judico pro Τελισέργιον. Accedit Teutonicos montes à Tacito collocari, ubi extrema sunt Bructerorum; quæ sanè nemo requireret in Duisbergensi saltu ad Ruram, sed ad Amisii & Luppiæ fontes. Forsan ab hoc antiquiore Teutoburgio Westphalico, in memoriam ejus, appellatum fuit Teutoburgium in Pannonia, ad confluentes Dravi & Istri, ubi hodie Draslad pagus, Teutonum, ut verisimile, colonia, & quantum conjecturâ assequi licet, à Sicambriis forsan condita. Lazius lib. 12. comm. Reip. Rom. c. 6. Sicambros enim, ante emigrationem, finitimos Cheruscis, ubi Dethmoldia, & late in dioecesi Paderbornensi habitasse, ex Dione supra probatum.

2. *LOCA VASTA.*] Tum ob solitudinem, tum ob amplitudinem *Teutoburgiensis saltus*, qui in dioecesi Paderbornensi exurgens, per Lippiensem; Ravensbergensem, Osnabrugensem, Monasteriensem, & Oldenburgensem ditionem longissimo montium silvarumque tractu porrigitur. Vasta enim loca appellantur, quæ vel magnitudinis terminos excedunt, vel deserta & solitaria sunt, nec sine horrore peragrantur. Vossius in etymolog. In eadem Paderbornensi dioecesi occasum versus conspicitur *mons Lulli*, quem, dum vigeret potentiorum licentia, & facilis quavis de causa apud Majores bellandi rapiendique propria auctoritate libido, nobiliorum Westphalorum *Purgatorium*, seu pœnarum locum appellarunt. Nec longè hinc abest *mons Hunnorum*, in quo veterum castrorum vestigia ac munimenta etiamnum apparent, similia iis aggeribus, qui hodie dum prope *Brencken / Bevelsburg / Kerckborken* pagos cernuntur, & *Hunegraven* / sive Hunnorum fossæ, nuncupantur. Bollandus in addendis ad XXI. Januarii.

3. *SISTE VIATOR ITER.*] Vetus in monumentis, & frequens his verbis compellendi viatorem formula. Meretur hanc moram propter Vari cladem, & victoriam Caroli M. in Romana & Francica historia inclytus saltus.

F

4. Hic

4. HIC RAPTA AQUILAS CLADIS MONUMENTA LATINÆ, &c.] Tacit. l. i. Ann. Florus lib. 4. c. 12. alii- que suprâ citati.

5. VARI RELIQUIASQUE DUCIS.] Tacit. lib. i. Annal. *Haud procul Teutoburgiensi saltu, in quo reliquia Vari, legionumque insépulta dicebantur; & locis glebosis calvæ, seu crania hominum disjecta ossaque passim effodiuntur.* Hamelman. in genealogia Com. Lipp. Isaac. Pontanus lib. i. orig. Franc. c. 9.

6. EGIT ET HIC CELEBREM THIETMALLO TESTE TRIUMPHUM.] Celebrem hîc triumphum Carolus M. egit; bellum enim illud non ducum operâ, ut pleraque alia, sed auspiciis & ductu suo gessit, aciem componendo, versandoque inter medios pugnantium conflictus, inde mox ingentem illam victoriam, innumerabili hostium multitudine interfectâ, reportavit. Eginhardus in vit. Caroli M. Astronomus in reb. gest. à Carol. M. apud Reuberum An. 783. Vita Caroli M. à Pithæo edita, Annales Francici incerti, sed vetusti scriptoris apud eundem, Poëta Anonym. lib. 16. An. 783. Adelmus Benedictinus in Annal. Reg. Franc. An. 783. Annal. Francorum apud Canisium, Regino in chron. Ursperg. in chron. eodem anno.

Ex his omnium antiquissimus Eginhardus ita de hoc prælio scribit: *Hoc bellum licet per multum temporis spatium traheretur, ipse non amplius quàm bis acie conflixit; semel juxta montem, qui Osnegge dicitur, in loco Thietmelle nominato, & iterum apud Asam fluvium; & hoc uno mense, paucis quoque interpositis diebus. His duobus præliis hostes adeò profligati ac devicti sunt, ut ulterius Regem neque provocare, neque venienti resistere, nisi aliquâ loci munitione defensi, auderent.* Vita Caroli M. apud Pithæum: *Iterum rebellant Saxones, & Dominus Rex Carolus super eos ad Teotmalli venit, ibi Saxones præparaverunt se ad pugnam in campo; sed viriliter Domino Rege Carolo pugnantem Saxones terga vertunt, & Franci victores existunt: ceciditque ibi multitudo Saxonum, ita ut pauci fugâ evaserint.* Priusquàm verò alterum prælium ad Hasam iniit, Paderbornam Carolus victor venit. Adelmus: *Arridente veris tempore, cùm ad expeditionem Sa-*

xonicam se preparasset, nam de omnimoda eorum defectione perlatum fuerat, priusquam de memorata Theodonis villa se moveret, Hildigardis Regina uxor ejus decessit pridie cal. Maii, in vigilia ascensionis. Regino: Cujus funeri cum more solenni iusta persolveret, in Saxoniam, sicut disposuerat, duxit exercitum. Cumque Saxones in eo loco, qui Thietmelle vocatur, ad pugnam se preparare cognovisset, ad eos summâ celeritate contendit; commissoque cum eis praelio, tantâ eos cæde prostravit, ut de innumerabili eorum multitudine perpauci evasisse dicantur: cumque de loco praelii ad Paderbrumnam se cum exercitu recepisset, atque ibi castris positus partem exercitus, qua adhuc de Francia venire debuerat, opperiretur; audivit Saxones in finibus Westphalorum Hasam ad hoc congregari, ut ibi cum eo, si venisset, acie confligerent. Quia in Thietmellensi pugna singularem Carolus M. Dei opem expertus fuerat, in ejus memoriam sacellum in monte Osnegg condidit, & utique à divino auxilio nomen indidit. Pideritius in chron. Lippiens. Poëta Anonym. l. c.

Sed tandem Carolus divino munere victor,

Casis innumeris reliquos exinde fugavit.

Chron. Tremon. apud Strangevol. lib. 2. Ann. Carolus Rex in monte, ab antiquo Asneggi dicto, milliare à Lemgau civitate distante, Saxones usquequo rebelles, iteratò aggressus, illos ad internecionem occidit, & transfugas dissipat: qua in pugna, manifestum ei divinum adfuit auxilium, eapropter religione tactus, ne ingratus erga Deum reperiretur, montem hunc divino cultui consecravit, montem sancti adjutorii cum baptizando, atque Ecclesiam ibidem fundando, ubi posteri multis saculis, piâ & ab antiquo usitatâ devotione, illinc peregrinantes divinum auxilium non rarò senserunt. Crantzius lib. 2. Saxon. c. 4. Ego montem accipio, in quo à memoria Caroli erecta est capella, divini auxilii nominata, hoc referens posteris, quod propter celeste presidium in eo misum, memoria ibi magni miraculi consecrata est. Laici vocant montem Sancti Adjutorii. Nomen Germanicum Sant hülffe diutissimè mansit, senum sermonibus, ut Reineccius in not. ad Poët. Anonym. hætenus conservatum, & fortè etiamnum manet; Sacellum jacet desertum, imò funditus destructum. Cur verò idem Reineccius, posteaquàm ab Hermanno Hamelman-

no etiam vicum *Sant* fuisse hodieum in Diepholtano Comitatu haud procul Diepholdiâ arce extare didicisset, mutatâ priori sententiâ suâ, locum *Thietmelle* diversum ab oppido *Diethmolde* esse crediderit, causam meo iudicio perexiguam habuit. Siquidem Dethmoldiensis victoria divinâ ope parta, uti sacello, in Lippiensi Comitatu, *Sancti auxilii* olim nomen dedit; ita eodem anno ac mense, & paucis quidem diebus interjectis, alter de Saxonibus ad Hasam fluvium à Carolo M. deportatus triumphus, Diepholtano vico ac sacello idem *divini auxilii* nomen potuit imponere; ut eò minùs fuerit necesse, antiquum Thietmali nomen Dethmoldiæ nostræ abrogare, quod ipsa An. 1011. Ecclesiâ Paderbornensi donata, in diplomate S. Henrici etiam retinuit; ac melius quàm Diepholdia hodie exprimit. Ad Diepholdiæ quidem vicum Drebbenam postremam hanc victoriam contigisse perhibent Chron. Brunswicense, & Saxonicum ms. Hermannus Hamelmannus in delineat. urbium Westphaliæ, Merian in topographia Westphal. & Justus Winckelmannus vir in primis eruditus; attamen alii memorabilem hanc pugnam eò loci pugnatam negant; qui longè ab Hasa flumine, prope quod dimicatum esse prodidère veteres, remotus est. Unde Bernardus Wittius in Chron. suo ms. hujus praelii locum Haselunæ assignat, oppido Hasæ fluvio incumbenti. Vero autem similis videri ait Henricus Turckius in Annal. mss. de inferiori Germania, uno milliari ab Osnabrugo, apud Hasam flumen, ubi incolæ celebrant Wallenhorstiam pagum, & Bocholtiam vicum, prope parthenonem Rullensem, Saxonum castris ac stativis nobilitatos, inter utrumque locum concurrissè exercitus; devictosque Saxones.

7. THIETMALLO.] Loco in Annal. Francisci *Theotmelli*, *Thietmelle*, *Thiormelli*, *Teormala*, *Theormallin*, *Theormaldi*, *Teotmalli*, *Thietmalli* nuncupato, atque ob antiquitatem maximè claro; utpote cui nomen *Teutoburgum* olim fuit, quod Henricus Tybicus in antiq. Duisburg affingit Duisburgo: at Thietmallo nostro debitum adhuc manet quoad priorem sui partem. Nam *Thiet* & *Theut* re eadem, solâ dialecto differunt, posterior verò
pars,

pars, sive burgium solita Germanicorum populorum municipii gentilitiaeque appellatio. Lazius lib. 12. c. 6. in Mallum postea, incertum quo tempore, commutatum, seu quod *Teut*, sive *Tuisconis* signum Germanis *mal*, ibidem esset, Piderit. p. 1. & 2. chron. Lipp. seu verius iudicii locus. *Mallus* enim & *mallum* iudicium seu placitum, in quo maiora negotia à Comite finiebantur, Francis multisque aliis gentibus significavit: id quod nos etiam docet Zventeboldi Lotharingiae Regis, Arnulfi Imperatoris filii nothi, diploma, Abbatiae Werthinenfi ad Ruram concessum. *In nomine sanctae & individuae Trinitatis. Zventeboldus misericordiae Dei Rex. Comperiat omnium fidelium nostrorum presentium & futurorum prudentia. qualiter fratres monasterii S. Lindgeri quod dicitur Werthina nostra suggererint dominationi. quatenus seipsos & quae sua in nostro regno sunt. sub nostro patrocinio ac tuitione susciperemus & privilegia quae Priores nostri pro tuitione illi monasterio contulerunt. nostri dignaremur praecepti auctoritate firmare. Quorum suggestioni ob amorem Dei & interventum honorabilis Ratbodi Trevirorum Episcopi & Oddonis fidelis nostri libentissimè annuentes. volumus ut sub nostro mundiburdio res quascunque in nostro regno habent securè possideant. Donationem sive illius fisci quod dicitur Frimersheim. sive aliarum quarumque possessionum cum mancipiis & silvis. pratis. & omni integritate. ratam teneant & immobiliter stabilitam: Item concedimus eis. ut in omnibus mercatibus qui per Rhenum sunt à teloneis sint liberi. nec aliquid exigatur ubicumque ad suas utilitates indigent emere aut vendere. Item precipimus ut nullus iudex publicus in eorum hominibus habeat ditionem. sed Advocatus eorum super eis iustitias agat. nec ad publicum MALLUM quisquam succelamationem faciat priusquam Advocatum eorum interpellaverit pro iustitia facienda. Et ut haec auctoritatis nostrae concessio firmiter in Dei nomine perseveret. manu propria eam firmavimus & anuli nostri impressione eam sigillari praecepimus. Signum Zventeboldi gloriosissimi Regis. Waltgerus Notarius ad vicem Ratpoti Archiepiscopi summiq; Cancellarii recognovit. Data v. idūs Maii. Anno incarnat. dominica DCCC. XCVIII. Indictione primā. anno vero Regis piissimi Zventeboldi III. actum Aquisgrani palatii. in Dei nomine feliciter amen. Hinc mallare in iudicium vocare, Mallobergium*

gium plebs, quæ ad unum placitum convenire solet. Hieron. Bignolus in notis ad veteres formulas Marcolfi, Lindenbrog. in glossario, Goldastus in notis ad part. I. tom. I. veterum Germ. script. Plenæ exemplis Salica, Alemannorum, Longobardorum & Ripuariorum leges, Capitula, & Capitulationes Caroli M. & Ludovici Pii, Capit. quæ facta Suess. An. 853. Comes convenientem locum consideret, & inveniet, ubi stationem ad MALLUM tenendum constituat. Talem verò locum seu stationem Thietmalli fuisse, præter nomen, hoc diploma S. Henrici regis confirmat. In nomine sanctæ & individue Trinitatis. Heinricus divinâ ordinante providentiâ Rex. Divina pietatis clementia qua nos ad culmen regie majestatis perduxit ad hoc voluit regnare. ut ecclesiarum ordini firmando atque corroborando subveniamus. his autem maximè locis qua ab antecessoribus nostris regibus imperatoribus fundata. sed jam peccatis exigentibus panè videbantur annullata. quapropter omnium fidelium nostrorum præsentium scilicet ac futurorum industria notum esse volumus. qualiter nos divini amoris instinctu. pro remedio animæ nostræ seu parentum nostrorum. nec non & tertii Ottonis. bonæ memoriæ imperatoris. dilectæque conjugis nostræ. CUNIGUNDÆ. reginæ interventu. atque Meginwerc sanctæ Podrebronnensis ecclesiæ venerabilis episcopi rogatu. sibi. suæque sanctæ ecclesiæ à KAROLO MAGNO imperatore olim fundata. nostris verò temporibus incendium passæ. in honore etiam sanctæ Dei genitricis semperque virginis MARIÆ. & Sancti KILIANI. martyris. LIBORIIque confessoris dedicata. comitatum quem Hahold comes dum vixit tenuit. situm scilicet in locis. Haverga. Limga. THIAMMALI. Aga. Patherga. Treveresga. Langaneka. Erpesfeld. Silbiki. Matfeld. Nihterga. Sinatfeld. Balleuan. propè Spriada. Gambiki. Gession. Seuuardeshusun. cum omni legalitate in proprium concedimus atque largimur per hanc nostram regalem paginam. eo videlicet rationis tenore. ut præfatus episcopus Meginwerc. sui que successores præscriptæ ecclesiæ præsidentes. dehinc liberam habeant potestatem de eodem comitatu. ejusque utilitatibus quicquid eis placuerit faciendi. ad eorum tamen utilitatem ecclesiæ. omnium videlicet inquietudine remotâ. Et ut hæc nostræ traditionis seu confirmationis auctoritas stabilis & inconvulsa omni habeatur tempore. hoc præceptum inde

inde conscriptum manu propriâ firmare curavimus. & sigillo nostro insigniri jussimus. Signum Domni Heinrici Regis invictissimi. Guntherius Cancellarius ad vicem Erkambaldi Archicappellani recognovi. Datum. IIII. idus APRIL. Indictione. VIII. Anno dominicæ incarnationis millesimo XI^{mo}. Anno verò Domni secundi Heinrici regnantis. VIII. Actum Triburâ regiâ villâ. FELICITER AMEN. Cæterum Thietmalle, veteri linguâ Theudiscâ, locum augustum & heroicum sonare monet Christophorus Browerus in notis ad vitam B. Meinweri, qui lapidem quendam altaris, spectabilis magnitudinis, à B. Leone Papa consecratum, de ecclesia Thietmelle allatum, in crypta nova monasterii sui, in honore S. Stephani Protomartyris IV. Non. Januarii consecravit, & adorandas ejusdem Protomartyris reliquias, cum aliis multorum Sanctorum in eo reposuit. Auctor vitæ B. Meinweri. Thietmalle hodiè Dethmoldia vocatur, primum Comitum Lippiensium domicilium, qui Episcoporum & Principum Paderbornensium beneficio, seu feudi nomine, hunc locum, aliaque oppida, arces & pagos obtinent. Unde hallucinari colliges Bollandum ad xxviii. Januarii, in Notis ad vitam Caroli M. Thietmallum in diœcesi Osnabrugensi collocantem.

8. SÆPIUS HIC HOSTEM.] Sextâ Caroli M. in Saxoniam expeditione, Dethmoldienſis victoria contigit. Anno 786. quatuordecim ejus prælia numerabantur. Fabr. l. 4. orig. Saxon. nec tamen belli adhuc finis: quo plures tam ex nobilitate Francorum, quàm Saxonum, & functi summis honoribus viri, consumpti sunt; tandemque anno tricesimo tertio finitum est. Eginhard. in vita Caroli M. Locum confecti hujus belli, qui Salz ad Salam dicitur, acceptum ferimus Poëtæ Anonymo, qui verissimiliter fuit Paderbornensis; nam Annal. Franc. Regino; Adelmus & alii, ut rem totam suppressere? Nec Eginhardus, quem auctor citat, in vita Caroli M. πάντα τοῦ πάντων habet. Ut eundem auctorem ex alio Eginhardi opere de gestis Saxonum pleraque mutuatum suspicetur Rein. Reineccius in not. ad Poëtam Anonym. ad An. dccc. lli. Sed audiamus ipsum Poëtam:

Nobilis hic annus longi certamina belli

Tan-

*Tandem Saxones inter Francoſque peracti,
Firmo perpetua conſuſit fœdere pacis.
Auguſtus pius ad ſedem SALZ nomine dictam
Venerat, &c.*

9. CONTUDIT ILLE SEMEL, &c.] Clade ſcil. Varianâ, quâ factum eſt, ut Germania mox magis turpiter amiſſa ſit, quàm glorioſè acquiſita, atque imperium, quod in litore Oceani non ſteterat, in ripa Rheni fluminis ſtaret. Flor. l. 4. c. 12. nec ſtabilem deinceps Romani ad Luppiam & Viſurgim figere pedem poterunt.

10. OSNEGGUM FRANCIS.] Eginhard. in vita Caroli: *Semel juxta montem, qui Osnegge dicitur, in loco Tietmelle nominato.* Crantz. l. 2. Sax. c. 4. recitatis hiſ verbis, mox ſubdidit: *ita ſcribunt Galli proprietatem lingua non tenentes.* Atqui Eginhardus Germanus fuit, rectiùſque montis nomen, quod Crantzius *Aſneggi* vocat, expreſſit: ita enim ſcriptum legitur in diplomate Caroli M. de quodam nemore in ſilvâ *Oſning*, Wihoni Oſnabrug. Epifcopo in perpetuum proprietatis uſum donato, quod infra ex autographo fideliter deſcriptum leges. Ottonis M. An. 965. de eodem apud Ertwinum in Chron. Oſnab. & S. Heinrici literis, in quibus An. 1002. regni ſui 1. *Incendio Paderbrunnensis Eccleſia miſerabili condolens, & petitioni fidelis ſui Retharii venerabilis Epifcopi annuens, in ſupplementum Eccleſia, in juſ conceſſit, & per regale præceptum corroboravit, foreſtum, quod incipit de Luthera flumine, & tendit per Oſnig & Sinidi uſque in viam, qua ducit ad Horihufam.* Præterea in literis An. 1153. & 1338. datis mentio fit ſilvæ *Oſnine*, prope quam prædium *Kiveninchenſen* dictum, & *Montanorum*, qua Oſnine appellantur, & Gobeliniſ Perſona in Coſmod. ætat. 6. cap. 85. pag. 276. partem illam ſilvæ Teutoburgiendiſ, quæ inter Dringenbergam, præcipuum tranſmontanæ diœceſis caſtrum, & Paderbornam jacet, pariter *Oſning* circa annum 1398. nuncupat. Fuit igitur *Oſnegge*, *Oſnig*, *Oſning*, *Oſnine*, *Oſning* nomen ejuſdem ſaltûs, quem *Teutoburgiendiſem* Tacituſ vocavit, & non pauca, nec obſcura antiqui nominis veſtigia, tum in tractu vicino Oſnabrugæ, forſan priuſ *Oſninebruchteria*. Moller. in deſcript.

script. Rhēni lib. 5. tum prope Dethmoldiam alibique supersunt. Nam vallis, quā illuc ex *Sinedi* deserto itur, *Ossenthal* / quasi *Osinthal*, jugum seu cacumen montis Dethmoldiensis *Esge* / ubi Lippiensis silva desinit, campi *Ossenfempe* / velut *Osninkempe*, hodieque vocantur. Idem Teutoburgiensis silvæ tractus in diplomate Ottonis III. anno MI. & Henrici Sancti anno MIII. quæ infra in monumento Sendæ leges, *Ardenna* appellari videtur, de Foresto quod incipit de *Delhina* flumine & tendit per *Ardennam* & *Sinede* usque in viam qua ducit ad *Herisiam*. In Henriciano eadem verba, præterquàm quod *Sinedi*, *Herisi*, & *Delhna* in eo legimus. Cæterum *Dellina* seu *Delhna* hodie *Dalste* dicitur, & fines diocesis Paderbornensis in *Stufenbroick* præterfluit. *Ardenna* Celtis silva est, & plures eo nomine in Gallia silva. Bucherius in Belg. Rom. lib. v. cap. CII. n. 8.

II. AN. DCC. LXXXIII.] Annales Francici apud Pithæum, Astronomus apud Reub. Regino in Chron. Poëta Anonym. lib. I. Annales Canisiani, ita habent: *Rex Carolus iter fecit per partes Saxonia, eò quòd Saxones rebellarent, & cum paucis Francis ad Theotwaldi pervenit, ibi Saxones præparaverunt pugnam in campo, &c. Theotwaldi, ait, quasi Tentenberg, seu Teutoburg, infra saltum denotaret.*



FONTES AMISII.

MEMORIÆ. SACRUM

ILLE. EGO. SUM. AMISIUS. SURGENS. HIS. FONTIBUS. AMNIS
 OLIM. ROMANA. NOTUS. IN. HISTORIA
 QUI. CENTUM. DE LABOR. AQUIS. COMITATUS. IN. ÆQUOR
 ANTE. PERERRATIS. URBIBUS. ET. POPULIS
 NUNC. CAPUT. OCCULTUM. RIMATUS. VALLE. SUB. IMA
 FERNANDUS. NIVEO. CONDECORAT. LAPIDE
 AT. TIBI. NESTOREI. MERITIS. PRO. TALIBUS. ANNI
 LÆTAQUE. PERPETUO. TEMPORA. VERE. FLUANT
 ET. NOMEN. FERNANDE. TUUM. SIC. CRESCAT. EUNDO
 AUCTA. VELUT. NOSTRÆ. GLORIA. CRESCIT. AQUÆ

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

AD. FONTES. AMISII. ROMANIS. NOTISSIMI. FLU-
 MINIS. IN. DITIONE. PADERBORNENSI
 NASCENTIS

M. H. P

HOSPES. VIVE. TUÆ. SORTIS. MEMOR. EN. EGO. PARVIS
 NOBILIS. HIC. ORIOR. FONTIBUS. AMISIUS
 ET. POSTQUAM. FLUVIIS. INGENTIBUS. AUCTUS. IN. ALTUM
 VELA. TULI. VASTO. MERGOR. IN. OCEANO
 SIC. UBI. PRINCIPIIS. MORTALIA. TENUIBUS. ORTA
 CREVERUNT. MAGNIS. AUCTIBUS. INTEREUNT

N O T Æ.

1. **FONTES AMISII.]** Qui linguâ vernaculâ Emſ/ à Mela & Plinio *Amisius*, *Amisia* à Tacito, Strabone *Α'μασία*, Ptolemæo *Α'μασις* & atque indè *Amasius*, *Amasis*, *Amisis* & *Amusius* appellatur. Soliti enim Romani in fluviorum nominibus *e* in *a* commutare; exempla in *Alifone*, *Albi*, *Adrana*, *Ambra*, *Amisio*, pro *Elsen*, *Elb*, *Eder*, *Emmer*, & *Ems*. Ex tanti variis verò ejusdem rei nomen proferendi scribendique modis rectissimus is, quo Plinius & Mela antiquiores Tacito, Strabone & Ptolemæo usi, & fluvius ab urbis, castelli & præsidii loco distinguitur: non enim solum *Α'μασία* & *Α'μείρεα* apud Strab. Ptol. & alios geographos, verum etiam *Amisia* apud Tacit. l. 2. *Classis Amisia relicta*, *lævo amne*, oppidum vel munimentum significavit. Cluver. l. 3. c. 18. Schildius de Chaucis, lib. 1. c. 9.

2. **ILLE EGO SUM AMISIUS.]** Clarissimus & nobilissimus amnis. Mela l. 3. c. 3. *In Oceanum Amisius, Visurgis, & Albis clarissimi*. Plin. l. 4. c. 14. *Amnes clari in Oceanum defluunt, Guttalus, Vistillus sive Vistula, Albis, Visurgis, Amisius, Rhenus, Mosæ*. Adamus Bremenſ. lib. 1. hist. eccles. c. 2. *Nobilissimi Saxonie fluvii sunt, Albis, Sala, Wisura, quartus (situ, non dignitatis ordine, quo Salam longè præcedit,) ex magnis Saxonie fluminibus est Emisia, qui Westvalos à reliquis illius provincie dirimit populis. Isque oritur in saltu Padarburnensi, currit autem per medios Fresonum terminos in Oceanum Britannicum.*

3. **OLIM ROMANA NOTUS IN HISTORIA.]** Præcipuè Annalibus Taciti, lib. 1. c. 60. *Cecinam cum quadraginta cohortibus Romanis distrahendo hosti per Bructeros ad flumen Amisiam mittit. Quantumque Amisiam & Luppiam amnes inter, vastatum. c. 36. Mox reducto ad Amisiam exercitu, legiones classe, ut advenerant, reportat.* lib. 2. c. 8. *Usque ad Amisiam flumen secundâ navigatione pervehitur. Classis Amisia relicta, lævo amne.* cap. 23. *Plures Cæsar classi impositas per fluvium Amisiam Oceano invexit.* In Strabone l. 7.

Inter

Inter hos & alia sunt navigabilia flumina, de quibus est Amasia, in quo Bructeros Drusus navali praelio vicit.

4. QUI CENTUM DELABOR AQUIS COMITATUS IN ÆQUOR.] Mela, Plin. supra citati num. 2. in *Britannicum*. Adamus Brem. ad *Aquilonem*, sive *Borealem Oceanum*. Strabo l. 7. infra *Embdam*, illustre in Frisia emporium, evolvitur. Isac. Pont. lib. 1. orig. Franc. c. 9. longissimum enim cursum tenet, & quòd si Martiano Heracleotæ fides habenda, in periegesi orbis, à fontibus Amisii ad ostia numerat stadia 2310. plurimosque interim amnes recipit, atque in Oceanum defert: Quos inter nobiliores censentur *Wersa* seu *Wesa* infra Telgetum, *Alpha* Monasteriensis ad Schoneffitam, haud procul Lingâ *Alpha* Tecklenburgicus, ad Meppenam *Hasa*, ad Oortum *Sofsa* in Amisium confluentes.

5. ANTE PERERRATIS URBIBUS.] Falsò inter urbes, quas Amisius pererrat, Althamer. in Tac. de morib. Germ. *Paderbornam*, *Bekenam*, *Monasterium* & *Osnabrugum* numerat: nam partim longiore, partim breviori intervallo ab iis distat. Quas autem verè alluat, tabulæ geographicæ demonstrant; nimirum *Ritbergam*, *Widenbruggum*, *Rhedam*, *Varendorpium*, *Telgetum*, *Rhenam*, *Lingam*, *Meppenam*, ubi *Hasa*, ut dixi, altero Caroli M. cum Saxonibus prælio & victoriâ inclytus amnis confluit; pervagatus inde paludosa & sterilia loca, inque Frisix aditu *Sofsa* auctus, & relicto ad sinistram Dollartæ lacu, ad dextram vero *Embdâ* civitate, immenso ore in Oceanum effunditur.

6. ET POPULIS.] ANSIVARIIS olim, qui pulsi à *Chaucis* Frisiorum limitaneos agros occupavère, Tac. 13. Ann. & nomine quaesito ab Amisio aliter *Ampsiarii* vocantur. Cluver. Germ. antiq. l. 3. c. 16. ANGRIVARIIS, quorum defectio à tergo *Cæsari Germanico* ab Amisia ad Visurgim profecto, & castra in lava metanti nuntiata, Tac. 2. Ann. Cluver. Germ. antiq. lib. 3. c. 14. BRUCTERIS, quos in Amisia Drusus navali praelio vicit, Strabo l. 7. & filius Drusi Amisiam & Luppiam amnes inter, haud procul Teutoburgiensi saltu vastavit, Tac. 1. Ann. CHAMAVIS, qui Bructeria veris & antiquis Amisii accolis pulsus & excisis, cum Angri-

variis in fedes eorum migraverunt. Tac. de morib. Germ. Cluv. Germ. antiq. l. 3. c. 14. CHAUCIS, Isac. Pont. l. c. orig. Franc. c. 9. Altham. in Tac. de morib. Germ. Cluv. l. 3. c. 18. & FRISIIIS, de quibus Ptolemæus l. 2. c. 12. Frisii usque ad Amisiam, post hos Chauci parvi. Hodie post Frisios, Westphalos, atque ex horum genere Monasterienses, Rhedenses, Osnabrugenses, Ritbergenses & Delbruggenses pererrant.


7. IN DIOECESI PADERBORNENSI NASCENTIS.] Non in montibus *Hassicis*, ut Altham. in Tac. de morib. Germ. nec è saltu Teutoburgensi, quà der Stapelagerberg dicitur, ut Hamelmannus nugatur in genealogia Comitum Lippiensium; neque in Comitatu *Ritbergico*, uti Stangevolius lib. 2. Ann. circuli Westphal. sed in vasto & arenosò deserto *Sende*, profunda vestitaque arboribus vallis, circa quam vasta planities, lentà ac copiosa scaturigine surgentem, 40. stadiis à fontibus Luppiae effundit.

8. SIC UBI PRINCIPIIS MORTALIA.] Alteram, quam hic subjecimus, Amisii inscriptionem ex ipso monumento documentum reputes velim. Initia nimirum ingentium fluminum ex parvis fontibus; indè rivis atque amnibus undique influentibus intumescunt, donec pleno aquarum impetu & Neptuni pompà devolvantur in mare. Ibi nomen, ibi fluxum, ibi alveum amittunt, sistuntque cursum tanquam ad metam à Deo præscriptam, qui & Oceano limites posuit. Ita Amisus, Vidrus, Luppia, Visurgis, Albis, Rhenus, postquam cæteros ad se traxère fluvios, se demum abscondunt. Hunc in modum videas ex parvis initiis maximas quasque urbes excrevisse, arte naturæ opera imitante. Una Roma hoc docet, quæ pastoritiâ juvenum manu à Romulo collectâ, in eam potentiam, quâ post orbi dominata est, assurrexit. Idem celeberrimi per Europam urbium ortus; sed nostra hic cum primis spectare libet: *Nullas Germanorum populis urbes habitari satis notum esse*, scribit Tacitus de morib. Germ. *nec pati quidem inter se junctas sedes, colunt discreti ac diversi, ut fons, ut campus, ut nemus placuit.* Eò Tencteri cæterique Transrhenani populi missâ ad Ubios legatione postulaverunt abiis, ut pro communis gentis societate *muros Colonia, munimen-*

nimenta servitii detraherent, etiam fera animalia, si clausa teneas, virtutis oblivisci. Tacit. lib. 4. Hist. Hæc & C. Julii Cæsaris de bell. Gall. lib. 6. Senecæ lib. de gubernat. mundi, Plinii, Herodiani lib. 7. Capitolini in Maxim. assertio. Quin post Taciti ætatem ad Carolum M. nullæ per Saxoniam civitates, in quibus ex Canonum sacrorum præscripto Episcoporum sedes collocaret, uti ipse querebatur Carolus. Hinc illas in frequentioribus vicis & castellis posuit. Verum in quas urbes villæ ac vici illi, Christianorum cultu, post excreverint, testis Brema, Osnabruga, Minda, Verda, Monasterium, Paderborna, Halberstadtium, Hildesum, Hamburgum, ne quid de Magdeburgo dicam, & aliis Episcoporum sedibus. Erfurtum cum se primùm mœnibus integeret, D. Bonifacius *Paganorum rusticorum urbem* appellabat. Serar. lib. 3. rer. Mogunt. not. 29. Idem aliarum urbium ortus, cum primis ab Henrici Aucupis regno, quæ ex villis in vicos, ex vicis in oppida, ex oppidis in civitates ac potentes urbes etiam dominis suis formidandas emerferunt. Sed & magnarum urbium occasus aspicias. Bardevicum olim apud nos, Julinum & Wineta, urbium nobilissimæ emporiaque celeberrima, modò vix sua vestigia monstrant. Meibom. in Bardov. Ita quæ olim, teste Ovid. lib. 13. Metamorph.

— *Magna fuit censuque virisque,
Nunc humilis veteres tantummodo Troia ruinas.
Et pro divitiis tumulos ostendit amorum.
Clara fuit Sparte, magna viguere Mycena.
Oedipodionia; quid sunt nisi nomina Theba?
Quid Pandionia restant nisi nomen Athena?*

Stant nostræ per Germaniam urbes, & quot interim sua fata expertæ? quæque liberæ erant, in alterius imperium transiere, cum supra libertatem ingenia se ferrent: Et quæ alia res civiles furores peperit, quàm nimia felicitas? Florus lib. 3. c. 12. Luxus, superbia, Religionis contemptio, cæteraque civium mala, quàm multas pessum dederunt? Magna flumina, non nisi ubi maxima sunt, absorbentur à mari.



DELBURGIA,

ULTIMA VETERUM BRUCTERORUM SEDES.

MEMORIÆ. SACRUM

BRUCTERUS. HÆC. COLUIT. LOCA. FOETA. PALUSTRIBUS. UNDIS
 QUOD. NUNC. INDIGENIS. NOMEN. UT. ANTE. MANET
 HIC. VARUM. INFESTO. GERMANICUS. AGMINE. CÆSAR
 ULTUS. ET. HOSTILES. DEPOPULATUS. OPES
 VICINAM. DRUSO. GENITORI. CONDIDIT. ARAM
 ET. TULIT. AUSONIIS. MANIBUS. INFERIAS
 POST. UBIUS. FERRO. PARITER. GRASSATUS. ET. IGNI
 OBRUTUS. HIC. MAGNA. CLADE. REPENTE. FUIT
 VICTAQUE. TERGA. FUGÆ. DEDIT. ET. SUA. SIGNA. RELIQUIT
 INCLYTA. VIRTUTIS. BRUCTERE. SIGNA. TUÆ

FERDINANDUS. DEI. ET

APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

DELBURGIIIS. VETERUM. BRUCTERORUM. UL-
 TIMIS. QUOS. GERMANICUS. CÆSAR. VARIANÆ
 CLADIS. ULTOR. BELLO. PERSECUTUS. QUAN-
 TUM. AMISIAM. ET. LUPPIAM. AMNES. INTER
 HAUD. PROCU. TEUTOBURGIENSIS. SALTU. VA-
 STAVIT. COLONIENSES. VERO. CLIVIIQUE. PA-
 DERBORNENSIBUS. INFESTI. ACCEPTA. INSIGNI
 CLADE. AN. M. CCCC. X. XV. CAL. DEC. EMB. ILLUSTR-
 RUNT. OB. FORTITUDINEM. EORUM. AC
 FIDEM. REIP. PRÆSTITAM

M. H. P

H

NO-

N O T Æ.

1. **DELBRUGGIA.**] Peculiaris inter *Luppianam*, *Amisiam*, *Vurlam*, *Glennamque* amnes, & *Teutoburgienſem* ſaltum, Diœceſis & Principatûs Paderbornenſis ditio ſeu territorium, in quo, uno magno vico excepto, cæteri incolæ diſperſis longo latoque ſpatio villis & tuguriis habitant, induſtrii, laboris patientes, & militiæ apti, quos *feroces* & *indomitos* injuriâ nominat Gryphiander lib. de Weichbild. Saxon. c. 57. & ex Allobrogibus illuc migrâſſe fabulatur Reineccius p. 2. Syntag. fol. 229. & in append. 1. ad Helmoldum. Iſdem imputari, ait idem Gryphiander, quod in proverbium abiſſe dicit Freiherrus de occultis judiciis, reos primùm in furcam tolli, deinde de illorum admiſſis, aut innocentia demum inquire ſolère. Sed mittamus putidas Gryphiandri calumnias, quas res ipſa refutat. Hic inter bellicoſæ gentis viros, natales ſuos habuit *Joannes Sporckius*, humili quidem inter colonos ortu, ſed militari & præcelſâ ſupra natalium ſortem indole: Ideò dum Martius calor juvenem ageret, & circum arma Cæſaris ſonarent, abjecto ligonè armis ſe induit, ultroque ad Catholici ſœderis, & inde ad Cæſaris caſtra tranſiit. Hinc per omnes militiæ gradus provectus, bello Suecico, Gallico, Polonico, Danico & Turcico præclaris ſemper facinoribus gloriam præſtantiffimi militis ac ducis exæquavit; dum bello demum Hungarico ſupremus exercitus Cæſarei dux, rebelles Cæſari ſubmitteret, Hungariamque perdomaret. Quippe duo ſemper Cæſarei belli fulmina *Joannes Werthius*, & *Joannes Sporckius*, uterque tanquam Cincinnati ætatis noſtræ ex agro ad exercitus ducendos, hoſtesque fatigandos evocati. Nec Cæſar minùs liberalis in *Sporckium*, quàm ille bello fortis, amplis bonis, arcibus & honoribus exornavit; videtque nunc Delbruggia *Sporckium* Imperii Comitem, quem colonum genuit.

2. **ULTIMA SEDES.**] Tacit. lib. I. Annal. *Ductum inde ægmen*

agmen ad ultimos Bructerorum; quantumque Amisiam & Luppiam amnes inter, vastatum: haud procul Tentoburgiensi saltu. Ultima verò Bructerorum sedes Delbruggia vocatur, non eo sensu, quasi novissima fuerit: Fuit enim hoc modo & ordine prima, aut certè antiquissima; sed respectu temporis, quo Germanicus bellum in Germania gessit, & reliquorum *Bructerorum*, qui ad inferiores utriusque fluvii ripas & ostia pænè pertinuerunt.

3. VETERUM BRUCTERORUM.] Et sedes & nomen sæpe vetus hic clarusque populus mutavit. A Velleio, Tacito, Plin. lib. 3. epist. 7. Suetonio, Apollinari, Claudiano, *Bructeri*, à Ptolemæo *Βρυκτιροι*, Strabone, *Βρυκτιροι*, vitiosè ab utroque & contra etymon nominis; in Tabula Itineraria *Burcturi* & *Bructuri*, in panegyrico Nazarii *Bruteri*, apud Sulpitium Alexandrinum *Bricteri*, à Beda in histor. Anglorum, Marcellino in vita S. Swiberti *Borucluarii*, à Gregorio 2. Papa in epistola quæ exstat in vita S. Bonifacii, *Borthari* appellantur. Postquam verò pulsus *Bructeri* ac penitus excisis vicinarum consensu nationum, seu superbia odio, seu prada dulcedine, in fines eorum antiquos *Chamavi* & *Angrivarii* immigrarunt, Tacit. de morib. Germ. superstites partim ultra *Luppia* & *Amisia* fontes ac saltum *Tentoburgium* domicilia ad *Visurgim*, & silvam *Hercyniam* quæsivere. Claud. de 4. conf. Honorii,

— venit accola silvæ

Bructerus Hercyniæ.

Partim ad Ruram confederunt, ubi hodieum manet vestigium gentis, *Bruchium* arx, dynastiæ *Bruchianæ* caput, sedesque Comitum. Inde resumptis paulatim viribus ausi proferre pomœria, totum Ducatum Montanum, subactis pulsisque Tencteris, sui juris fecerunt, in Westerwaldiam usque progressi: nec semel negotium facessiverunt Constantino M. Imp. Hinc in Tabula Itineraria locantur è regione Colonix Agrippinæ: à Nazario item & Sulpitio Alexandrino affiguntur ripæ Rheni, numeranturque inter primarios Francorum populos, Romanis semper formidabiles; donec unà cum cæteris Francis Gallias invaserunt. Reliquiæ circa *Ratingam* & *Dusseldorpium*

hærentes, vivente Sancto Swiberto, à Saxonibus deletæ feruntur.

4. BRUCTERUS HÆC COLUIT LOCA.] Si, ut Tacitus habet, inter *Amisiam & Luppiam*, *haud procul Teutoburgiensi saltu ultimi Bructerorum* fuerint, manifestum est, tractum eos *Delbruggium* tum tenuisse, qui *Minores* sunt dicti, per quos, teste Strabone lib. 7. *Luppia fluit*, cum *Majores* Amisii fuerint accolæ. Unde ad mentem Strabonis & Taciti dicendum, Delbrugios, Rittbergenfes, Rhedanos, Strombergenfes, Widenbrugios fuisse *Minores Bructeros*; Transifalanos, Osnabrugios, Monasterienfes, Lingenfes, *Majorum* titulo gloriatos.

5. QUOD NUNC INDIGENIS NOMEN UT ANTE MANET.] Mollerus in descript. Rheni lib. 5.

Quin & Dalbrugis vestigia nominis insunt.

Sive enim *Bructeri* nomen à paludibus, ut Pighius, alique complures sentiunt, quas *Broucken* vocitamus, ut sint *Brouckers* quasi paludum accolæ, sive à pontibus, qui *Brucken* appellantur, est deductum, *Delbruggia* utrumque convenit, quæ & paludosa est, & propterea pontibus aggeribusque abundat. vide orig. Franc. Isacii Pontani l. 1. c. 9. Quos haud dubiè Tacit. lib. 1. Annal. de hac in ultimos Bructerorum expeditione Germanici agens, his verbis indicat: *Pramisso Cacinâ, ut occulta saltuum scrutaretur, pontesque & aggeres humido paludum & fallacibus campis imponeret*, &c. Huc etiam illi *Pontes longi* pertinent, de quibus idem Tacit. lib. 1. Annal. *Angustus is trames, vastas inter paludes, & quondam à L. Domitio aggeratus*. Cujus si uspiam, tum in his Westphaliæ paludosis locis usus fuit, cum viâ militari à Rheno & ostio Luppia duceretur exercitus ad interiora Germaniæ; quocunque tandem loco cum Lipsius designet.

6. HIC VARUM INFESTO.] Hæc potissima causa fuit expeditionis adversus Germanos, quâ *ultimi Bructerorum* vastati. Tacit. 1. Annal. *Bellum eâ tempestate*, quâ Augustus obierat, nullum, nisi adversus Germanos supererat: *abolenda magis infamia, ob amissum cum Quinctilio Varo exercitum, quàm cupidine proferendi imperii, aut dignum ob pramium*.

7. GERMANICUS.] Drusi filius, cui, liberisque ejus, & posteris cognomen illud à Senatu datum. Flor. lib. 4. c. 12. Dio lib. 55. Suetonius in Claud. c. 1. *Præterea Senatus inter alia complura decrevit Germanici cognomen ipsi posterisque ejus. Quod alii deinde Imperatores, ut Vitellius, in vita Galba Plutarch. qui etiam infantem filium Germanicum appellavit. Tacit. lib. 2. hist. Trajanus, in Panegyrico Plin. M. Aurelius Antoninus, Capitolinus. Commodus Antoninus, Lampridius. Antoninus Caracalla, Spartianus, aliique Cæsares immeritò sibi arrogarunt, quando aliis in provinciis parvâ strage excursantes quosdam milites Germaniæ vel vicerant, vel in amicitiam receperant, vel domitâ modicâ Germaniæ regione, mox totam Germaniam se domuisse sunt gloriati. Elias Schedius de diis Germanis pag. 27. Domitianus autem, cui nomen, teste Martiale, Nobilius tribuit domito Germania Rheno, tam vanus & appetens hujus tituli fuit, ut post duos triumphos, Germanici cognomine assumpto, Septembrem mensem & Octobrem, ex appellationibus suis Germanicum Domitianumque transnominaverit: quòd altero suscepisset imperium, altero natus esset. Sueton. in Domitiano cap. 13. Macrobi. lib. 1. Saturnal. c. 13. Quàm falsus autem triumphus, & quàm indebitum hoc illi cognomen fuerit, auctor est Xiphilinus è Dione, qui in Germaniam Domitianum cum exercitu profectum, hoste nusquam viso, ait, revertisse. Hinc Tacit. in vita Agricola. testatur derisui fuisse (Domitiani) falsum è Germania triumphum, emptis per commercia, quorum habitus & crines in captivorum speciem formarentur. Imitatus nimirum ridiculam hac in re C. Cæsar. Caligulae vanitatem, qui teste Suet. l. 4. c. 45. Mox deficiente belli materiâ, paucos de custodia Germanos trajici, oculique trans Rhenum jussit: ac sibi post prandium quàm tumultuosissimè adesse hostem nuntiari. Quo factò, proripuit se cum amicis, & parte equitum pratorianorum in proximam silvam: truncatiffique arboribus, & in modum tropæorum adornatis, ad lumina reversus, eorum quidem, qui secuti non essent, timiditatem & ignaviam corripuit: comites autem & participes victoriæ, novo genere ac nomine coronarum donavit, quas distinctas Solis ac Lunæ siderumque specie, exploratorias appellavit. Ludicra, & à Germanis nostris meritò irrisa*

expeditio, ut propriè verèque dixerit Tacit. de morib Germ. *Ingentes Cæii Cæsaris minæ in ludibrium verse.* Pergit Suetonius cap. 47. *Conversus hinc ad curam triumphi, præter captivos & transfugas barbaros, Galliarum quoque procerissimum quemque, & ut ipse dicebat, ἀξιόθραυλον, ac nonnullos ex principibus legit ac seposuit ad pompam: coëgitque non tantum rutilare, & submittere comam, sed & sermonem Germanicum addiscere, & nomina barbarica ferre.*

8. VICINAM DRUSO GENITORI CONDIDIT ARAM.] Tacit. 2. Annal. *Tumulum nuper Varianis legionibus structum, & veterem aram Druso sitam disjecerant: restituit aram, honoriq; patris princeps ipse cum legionibus decucurrit. antiquissimo ritu in funere illustrium virorum, quem Virgilius lib. 5. & 11. Æneid. Livius lib. 25. Lucanus lib. 8. Statius lib. 6. descripserunt. Diverfa fuit hæc ara à tumulo honorario, cujus Sueton. in vita Claudii cap. 1. meminit: Exercitus honorarium ei tumulum excitavit, circa quem stato die, quotannis decurreret, & Galliarum civitates publicè supplicarent. Hic enim ad Rhenum erat, (teste Dione lib. 55. honorarii ad ipsum Rhenum tumuli dati. è quibus unum Eutropius lib. 7. hist. Rom. apud Moguntiacum fuisse perhibet, & Serarius lib. 1. rer. Mogunt. cap. 15. describit) illa verò Luppia & Alifoni vicina, in ea planitie, ut sentit Horrion in Panegy. Paderb cap. 1x. quæ inter Alifonem jacet & Luppia caput, à Germanis disjecta, conditorem seu restitutorem habuit Germanicum Cæsarem, primam verò originem debet Alifonensi præsidio, vel L. Domitio Ænobarbo, Neronis Imp. avo, qui Alifone relictus, tanquam Germaniæ præses sive legatus, viam militarem, seu tramitem, teste Tacit. l. 1. Annal. à Rheno Alifonem usque aggeravit, ac deinde referente eodem Annal. lib. 4. exercitus flumen Albim transcendit, longius penetratâ Germaniâ, quàm quisquam priorum, easque ob res insignia triumphi adeptus est.*

9. ET TULIT AUSONIIS MANIBUS INFERIAS.] Sueton. in vita Caligulæ c. 3. de Germanico: *Sicubi clarorum virorum sepulcra cognosceret, inferias manibus dabat. Cæsorum clade Varianâ veteres ac dispersas reliquias uno tumulo humaturus, colligere suâ manu, & comportare primus aggressus est.* Tacit. lib. 1. Annal. Igi-

sur cupido Cesarem invadit solvendi suprema militibus ducique; permoto ad miserationem omni qui aderat exercitu, obpropinquos, amicos, denique ob casus bellorum & sortem hominum. Pramisso Cacinâ ut occulta saltuum scrutaretur, pontesque & aggeres humidopaludum & fallacibus campis imponeret, incedunt mæssos lucos visusque ac memoriâ deformes. Prima Vari castra lato ambitu & dimensis principiis trium legionum manus ostentabant: dein semiruto vallo, humili fossâ, accise jam reliquia consedisse intelligebantur: medio campi albertia ossa, ut fugerant, ut resisterant, disjecta vel aggerata: adjacebant fragmina telorum, eorumque artus, simul truncis arborum antefixa ora; lucis propinquis barbara ara, apud quas tribunos ac primorum ordinum centuriones mactaverant. & cladis ejus superstites pugnam aut vincula elapsi, hic cecidisse legatos; illic raptas aquilas; primum ubi vulnus Varo adactum; ubi infelici dextrâ, & suo ictu mortem invenerit; quo tribunali concionatus Arminius; quot patibula captivis, quæ scrobes; utque signis & aquilis superbè illuserit. Igitur Romanus qui aderat exercitus, sextum post cladis annum, trium legionum ossa, nullo noscente alienas reliquias an suorum humo tegeret, omnes ut conjunctos, ut consanguineos, auctâ in hostem irâ, mæsti simul ac insensu condebant. Primum exstruendo tumulo cespitem Casar posuit, gratissimo munere in defunctos, & presentibus doloris socius. Dio lib. 57. At Germanicus expeditione in Germanos properâ ad Oceanum usque processit: barbarisque vi devictis, ossa eorum, qui cum Varo ceciderant, lecta humavit. Non omnium porro cæforum ossâ illic condita, sed quædam aliò, ut terræ mandarentur, transmissâ, indicat lapis, haud ita pridem Veteribus erutus, qui teste Tefchemachero, in arce nobilium de Loë in Wissen adhuc extat, & multis, qui cum Varo occubuerant, Veteribus cenotaphia posita demonstrat. Deinde Georgius Agricola in metallicis tradit, transmissâ sibi ex Hispania ab amicis hanc inscriptionem Helerenæ repertam, cujus fides sit penes auctorem, OSSA. MILIT. V. ET. XIX. LEG. CUM. QUINCTILIO. VARO. INTERFECTOR. JUSSU. GERMANICI. IMP. HUC. COLLATA. QUIESCUNT

IO. POST UBIUS.] Gobelinus Persona in cosmodrom. ætat. 6. c. 91. Anno Domini M. cccc. x. supradictio inter Dominum Wilhelmum

helmum Electum Paderbornensem ex una, & Dominum Fridericum Archiepiscopum Coloniensem, & Adolphum Comitem de Clivis & de Marke parte ex altera, orta sunt guerra gravissima. Unde Archiepiscopus & Comes valido exercitu conflato terram quandam Domini Electi paludibus & fossatis undique cinctam, Delbrugge nominatam, die XIIIX. mensis Decembris, potenter intrabant. Villani tamen terra illius eis occurrentes ingressum illorum per plures horas retardabant: Sed tandem inermes cedentes armatis in paludes se receperunt. Dominus verò Electus à loco ingressus hostium per plusquam sexaginta distans stadia, huius facti penitus ignarus, in castro suo (Neuhusio) residebat. Cumque flamma incendii domorum, perlustrans aëra, sibi indicavit adesse praesentiam, ipse de exercitus eorum informatus potentia, bellum cum ipsis inire primo non praesumpsit. Et licet Archiepiscopus & Comes antedicti, in terram illam nocte sequente castra metari decreverant, mulierum tamen loci illius dispendioso agente ministerio domibus, quas pro unius duntaxat noctis commodo, & incendio crastino praesumpserant reservare, furtivum per incendium frustrati, subito ipsi, tanquam principes, plus deliciis, quam nocturni frigoris incommodis assueti, sub dio noctem ducere sibi grave nimis arbitantes, terram illam pro tunc exire, & ipsius exterminationem crastino reservare, seque ad alia loca vicina ditioni suae subiecta transferre, consilio deliberabant immaturo. Cumque viam per quam paulo antè intraverunt, progressu festino petiverunt, illam sudibus & fossatis factam prorsus inviam, & balistariorum custodiâ munitam invenerunt: quapropter declinantes abinde, locum alium per paludes sibi pervium effecerunt, & postquam Archiepiscopus & Comes, cum nonnullis armatis equitibus, & peditibus suis universis, transirent: villani per paludes discurrentes, viam hanc, de novo factam, occupant, & adversariorum plastra, sagittas ferentia, cum bombardis, in transitu angusto, fortiter evertunt. Nam quidam villani, ipsi quasi quatuor millibus sagittis emissis, fuerant telis prorsus destituti: unde tunc telis in plaustreis hostium eversis, nequissimis, ballistas sursum trahunt, sagittas hinc inde, ante & retrò, dirigunt, & adversarios propriis eorum jaculis viâ sic praclusa arcant ab accessu. Unde, nocte superveniente, principes ipsi inopinatis incommodis fatigati, divisim per devia, quasi totâ nocte laborantes, recesserunt: signa sua, cum ma-


gna

gna parte gentis sue, in terra illa dolenter relinquendo. Illos igitur qui sic inviti remanebant, villani cæcis ictibus sagittarum totâ nocte fatigare non cessabant. His auditis, Dominus Electus suos fideles eadem nocte, prout circumquaque colligebat, & se diluculo cum suis ad terram illam festinanter conferebat. Illucente igitur diei luce, hostes hinc inde per ipsius terra devia pererrantes, exitûs sui locum undique querunt: nec Dominus Electus, tanquam suorum fidelium adventûs spe suspensus opportuni, pugnam cum eis subito inire præsumpsit, sed ipsis tanquam laqueis suis comprehensis diligentius observatis, quasi fugam simulando, primò divertit ab illis. Illi autem se sic illaqueatos perpendentes, & adversariorum suorum numerum videntes plus & plus augeri, tanquam mortis desperatione, per paludis invia transitum facere tentaverunt: sed pedites Dn. Electi, præsertim cives Paderbornenses, illos inter paludes excipientes fortiter, quibusdâ captis, & nonnullis occisis, hunc eorum frustrabantur exeundi conatum. Multi tamen ex eis, priusquam pedites prædicti eos attigerunt, cum vexillo Comitis evaserunt. Tandem quasi horâ post meridiem transactâ secundâ, Dn. Electus eos bello constanter aggreditur, & ipsi ex adverso instruentes aciem, equorum cursum calcarium stimulis excitabant. Sed ipsi, priusquam ferri probaretur acumen, occursum, quem equorum impetu, armorum collisione, & objectu lancearum exhibuerunt terribilem, declinantes in obliquum, subito verterunt in fugam: sicque strati sparsim per agros, & equis, ac cursu devio, & palude deviçti, capti sunt armati numero trecenti sexaginta, & inermes propè sexaginta: paucique ex eis vel occisi, vel palude submersi sunt, quorum numerus ad sedecim fuit aestimatus, & numerus equorum quos victi perdiderunt ad octingentos equos fuit aestimatus: quamvis inter dividendum spolia, nequaquam tot equi producti fuerunt. Sequente die Electus Dominus à singulis captivis juramento sub certa forma recepto, qui de genere fuerunt militari, unius mensis inducias eis dedit, populares jussit custodiae mancipari. Volens tamen cives de Soso, ceteris popularibus famâ celebriores, militarium prærogativâ gaudere, eis consimiles inducias dedit, puerisque ministerio cursûs equorum deputatis, induciarum tempus ultra tres menses prorogavit. Elapso igitur induciarum mense supradicto, singuli captivi militaris generis, juxta terminum eis constitutum, vi juramenti tacti in captivitatem redierunt.

runt. Cives autem de Sosato, armati quippe octoginta octo, & famuli eorum sedecim, à quodam Comitibus prædicti capitaneo in via, quâ ad red-eundum in captivitatem tendere videbantur, studiosè capti & custodia mancipati, in captivitatem minimè redierunt. An autem cives isti, vel ex eis aliqui, hujus captivitatis, sic ab eorum litis consorte ipsis illatae, conscii fuerint consilii, tunc multi dubitabant: de consensu tamen Dominorum suorum prædictorum, captivitatem illam prodisse, multi crediderunt. Tolerabilius tamen nonnullis visum est, factum hoc in illis, quàm si factum fuisset in istis, qui de genere militari fuerunt procreati: cum principes regni Teutoniae, more Romanorum antiquorum, qui Marcum Regulum, suis temporibus gloriâ militari Romanos supergredientem universos, juramenti religione tactum, in captivitatem redire volentem, prohibere reveriti pudendum esse censebant, milites suos victos, in fide servanda, usque ad illa tempora non consueverunt impedire. Exacerbatis autem sic, ut præmissum est, Archiepiscopo & Comite prædictis, guerrarum cursus dirius instauratur, ipsique in quatuor oppidis, videlicet Brilon, Ruden, Geseke, & Lippe in multitudo armatorum præsidia ponunt, quibus Dominus Electus in duobus diocesis sua oppidis fideles suos opponit, & contractis secum in ligam unam Ducibus, Comitibus, nobilibus & Baronibus numero XXI, eis potenti manu restitit. Hinc fiunt hominum cades, domorum incendia, præda multiplices & varii hostiles incursus utrinque. Nunquam tamen Archiepiscopus vel Comes antedicti, post bellum supradictum, in personis propriis terram ipsius Domini Electi intrare præsumpserunt: sed ipse Dominus Electus sapius in persona propria ducens exercitum, terras eorum prædis & incendiis tentavit pervagari, unde oppidum Kalenhart captum ignis incendio dedit. Magna utrobique fiebant expensæ, sed quânto magis Domini Archiepiscopus & Comes divitiis abundabant, tantò in eorum præsidiis fiebant expensæ potiores. Sed Dominus Electus in expensis victualium, quas in magna parte ab adversariis suis potenter extorsit, & donorum largitione, præsertim in equis militariis, quorum ultra ducentos infra tempus hujusmodi litis largiebatur, tam liberalem se exhibuit, quàm benignum familiaritatis affatu cunctis se præbuit: quòd plures militares de partibus exteris famâ ejus tracti ad ipsum convenerunt. Tandem postquam guerrarum hac tempestas IX. duravit mensibus, Episcopus Leodiensis & Archiepi-

chiepiscopi Coloniensis favorem Electo Paderborn. literas diffidationis direxit. Cujus Domini potentiâ ipsum Electum adversarii sui plurimum terreri aestimabant Archiepiscopus & Comes supradicti, magnoque conflato exercitu, cum quadrigis multis victualibus & armis onustis, tanquam terram Electi manu potenti pervasuri, ad prasidiorum suorum loca se contulerunt: viros tamen solennes ad certum locum, quasi inter ipsa adversa prasidia medium, ipsi, & Dominus Electus ex adverso consimiles illis suos fideles super pace tractanda miserunt. Arbitrabantur enim illi, Dominum Electum, exercitus eorum fama magnitudine territum, vel saltem in aggressu potenti eorum necessitate coactum, pacem ab eis petere, relaxationis sponsione captivorum: quod Electus prasentiens, convocatis amicis, ad numerum panè mille lancearum armatorum militarium, absque popularibus armatis subditis suis equitibus peditibusque pervenit. Demum verò, multis tractatibus per amicos utriusque partis habitis, sextâ die mensis Septembris, illarum guerrarum tempestas per viam compositionis amicabilis ad pacis tranquillitatem est redacta.





V I S U R G I S.

MEMORIÆ. SACRUM

EXERAT. AMISTUS. STERILES. CAPUT. INTER. ARENAS
ET. PADERÆ. SOCIAS. LUPPIA. JACTET. AQUAS
SOLUS. EGO. PATRIAS. CLARISSIMUS. AMNIS. AD. ORAS
NAVIBUS. EXTERNAS. PORTO. VISURGIS. OPES
NEC. ME. BELLA. MINUS. CELEBRANT. ADVERSA. QUIRITUM
QUAM. QUÆ. PER. FRANCO. GESTA. FUERE. DUCES
SED. QUOTA. PARS. RERUM. SUPERARET. ROMA. TUARUM
AUT. QUISNAM. ARMINII. NOSCERET. ARMA. MEI
NI. MIHI. QUAM. TACITUS. SCRIPTOR. DEDIT. INCLYTUS. ILLI
REDDITA. CORBEIÆ. MUNERE. VITA. FORET

FERDINANDUS. DEI. ET
APOSTOLICÆ. SEDIS. GRATIA. EPISCO-
PUS. PADERBORNENSIS. COADJUTOR
MONASTERIENSIS. S. R. I. PRINCEPS
COMES. PYRMONTANUS. ET. LIBER. BA-
RO. DE. FURSTENBERG

IN. RIPA. VISURGIS. ROMANORUM. FRANCO-
RUM. ET. SAXONUM. BELLIS. NOBILISSIMI. A-
MNIS. DIOECESIN. PADERBORNENSEM. IN-
TERFLUENTIS. E. REGIONE. HERI-
STALLI. SAXONICI

M. H. P

N O T Æ.

1. **P**ORTO VISURGIS OPES.] Visurgis, qui Werrihá & Fuldâ, infra Mundam, confluentibus, hoc nomen nactus, usque retinet, dum in Oceanum effunditur, mutuâ Romanorum Germanorumque clade nobilis amnis, à Paterculo, Strabone, Mela, Plinio, Tacito, Floro, Dione, Ptolemæo, Sidonio Apollinari, aliisque memoratur. Carolo M. in diplomate An. XIII. imp. dato *Wiseraa*, scriptori Annalium Caroli Magni *Wisaracha*, Astronomo, Adelmo, Poëtæ Anonymo ad An. 797. *Wisura*, Adamo Bremenli histor. Ecclesiast. l. 1. c. 2. *Wisura*, & *Wirraha*, auctori vitæ Caroli M. apud Pithæum *Wifora*, Adoni Viemensi *Wisor* & *Wisara*, in LL. Frisonum tit. 1. §. 2. & Reginone *Wisara*, scriptori vitæ S. Adalardi apud Bollandum *Wifira*, auctori vitæ S. Bonifacii *Wisaraha*, in hist. Bremensi ad An. 1164. *Wirra*, Ludovico Pio Imp. in diplomatibus Corbeienli Monasterio datis anno X & XIII ejus imperii, Epitomatori Gest. Franc. & Aimoino *Wisera*, hodie accolis *Weser* appellatus. Nonnulli viri docti in carmine Ovidii, sive Albinovani ad Liviam Augustam, *Iturgim* pro *Visurgi* accipiunt. Quod Cluverius improbat, & *Ilargum*, qui amnis est Vindelicæ, legendum ostendit in Vindelica & Norico cap. 6.

Visurgim porrò fines diœcesis Paderbornensis ingressum, infra Helmershusam, celeberrimum olim S. Benedicti Monasterium, mox salutatur, suisque lymphis auget *Dimola*, Westphaliæ Hassiæque limes, qui supra Eresburgum, nunc *Stadberg* / è montibus Westphalicis devolutus, Warburgum diœcesis Paderb. oppidum præterfluit. Indè *Bevera*, & *Netha*, post Huxariæ *Grova*, ad Corbeciam *Scelpa*, ad Albaxam *Saumera*, *Visurgi* illabuntur. Major omnibus *Netha*, prope novam Herisiam, nobilem in diœcesi Paderbornensi parthenonem, ortus, campos glebasque inprimis felices circa Braculenam oppidum, quod in translat. S. Viti An. 836. *villa Brechal* dicitur, latè fecundat.

Dein-

Deinde *Ambra*, seu *Emmera* supra *Hameliam*, *Lutera*, *Alpha* & *Wehrna* coeuntes *Hervordia*, unà cum *Begha* *Lemgoviam* aluente, propè vicum *Remen*, in *Visurgim* se evolvunt; amnes ad unum omnes, aut in diœcesi *Paderbornensi* nati, aut aquis suis eam irrigantes.

2. NEC ME BELLA MINUS CELEBRANT.] Primus Romanorum *Drusus* exercitum in *Cheruscus* usque ad *Visurgim* duxit, non sine periculo regressus; quod *Dio Cass.* l. 54. his verbis prodidit. *Initio veris* (An. U. C. DCCXLII. Q. *Ælio Tuberone*, & *Paulo Fabio Maximo Coss.*) *rursus ad bellum profectus*, *Rhenum* transiit, *Usipetas* subjugarvit, *Lupia*que fluminis ripis ponte junctis, in *Sicambros* irrupit, perque eos in *Cheruscorum* regionem usque ad *Visurgim* processit: id ut ei liceret, *Sicambrorum* in *Chattos*, qui soli finitimorum auxilia negaverant, totius populi viribus facta expeditio effecerat; quo tempore *Drusus* iis imprudentibus regionem peragravit, *Visurgim* etiam transiturus, ni eum inopia alimentorum, ac hyemis propinquitas, praterea examen apum in castris visum deterruissent. Regressus in sociorum terram, in summum devenit periculum, insidiis hostium frequenter latus, & aliquando in loco angusto ac concavo circumclusus, haud procul absuit, quin cum toto exercitu periret, à qua eum pernicie nihil aliud eripuit, quàm hostium temeritas, qui cum uno omnes Romanos impetu deleri posse crederent, nullo ordine servato eos aggressi, victi inde, ferociâque suâ fractâ discessere. Ex eo Barbari propius adire veriti, eminus tantum hostem infestavere, ita ut *Drusus* vicissim iis contemptis, castellum contra eos ad *Lupia* & *Alisonis* fluviorum confluentes, aliudque in *Chattis* ad ipsum *Rhenum* extruxerit.

Cæterum locus ille concavus & angustus, in quo conclusum à *Sigambri* reducem à *Visurgi* *Drusum* refert *Dio*, non alibi inquirendus videtur, quàm in vallibus & silvis circa *Aldenbecam*, vicum diœcesis *Paderbornensis*, vel in aditu saltûs *Teutoburgiensis*, ubi, prope *Hornam* oppidum *Lippiensis* Comitatus, admirabilis illa *Picarum* rupes, vulgò *Exterenstein* nuncupata, & hic exhibita, conspicitur.



Altera ad Visurgim expeditio (An. U. C. DCCXLIII. Nerone Claudio Druso & T. Quinctio Crispino Coss.) adhuc magis infausta accidit Druso, *Qui in Chattorum fines ingressus, obvia quaque non sine magno labore subigendo, congressosque praeliis haud incruentâ victoriâ superando, usque in Suevos pervenit: indè in Cheruscos converso itinere, Visurgim transgressus, omnia populando ad Albim usque perrexit, qui ex Vandalicis montibus profluens, in Oceanum septentrionalem magnus admodum factus effluit. Hunc cum frustra conatus esset transire, tropais constitutis recessit: etenim mulier quadam, humanâ amplior formâ, ei obviam facta: Druse, inquit, quò tandem nullum cupiditati tua modum statuens contendis? non tibi satis concessum hac omnia videre. quin tu abi: jam enim & operum tuorum, & vitæ instat tibi terminus. Oblatam à deo aliquo hanc vocem, mirum profectò est: neque tamen mihi fides abroganda videtur huic rei, quam statim eventus comprobavit: nam & continuò retrò ire Drusus capit, & in itinere, priusquam Rhenum attingeret, morbo decessit. Ita Dio l. 55. Illum, inquit, Velleius l. 2. magna ex parte domitorem Germania, plurimo ejus gentis variis in locis profuso sanguine, fatorum iniquitas consulem, annum agentem trigesimum rapuit. Suet. in Claudio c. 1. ait, in æstivis castris exstinctum, qua deinde scelerata sint appellata. Liv. l. 140. redeuntem, ex fracturâ, equo super crus collapsò, trigesimo quàm acciderat die, mortuum. Inter Salam & Rhenum decessisse affirmat Strab. l. 7. Quis ille Sala? an is qui in Albim influit, an qui in Mœnum? an quem nos Isalam nuncupamus in diœcesi Monasteriensi surgentem? Pro hoc faciunt Isaacus Casaubonus, & Pontanus, Bertius & Hadrianus Junius, & fusè Wassenbergius in Embrica lib. 1. c. 2.*

Drusi deinde fratre Tiberio ad bellum, quod ante triennium sub M. Vinicio immensum exarserat, ab Augusto in Germaniam missò: *Intrata protinus Germania, subacti Caninefates, Attuarii, Bructeri, recepti Cherusci gentes, & amnis, mox nostrâ clade nobilis, transitus Visurgis: Vellei. l. 2. Reductus indè in hyberna ad Luppiae caput Romanus miles, & insequentis anni ætate, sub duce Tiberio, perlustrata armis tota Germania, & usque ad flumen Albim Romanis cum signis perductus exercitus, & necessariò iterum trajectus Visurgis. Quæ hic de Tiberio, pro more suo, Velleius tam gloriosè prædicat, Dio Cass. l. 55. refellit, ingenuè fassus, Tiberium quidem*

primò ad Erygrum, deinde ad Albim fluvios progressum, nihil tamen magnoperè memorandum egisse: Quanquam de Germanis Imperatoris nomen non Augustus modò, sed Tiberius etiam invenerit, honoresque triumphales C. Sentius Germania præfectus, quòd horum metu bis Germani pacem accepissent, &c. Hic loco τὸ Ερύγρον, scribendum monet Lipsius in notis ad Velleium, τὸ Οὐεούργρον, reducťa syllabá à vocula priori. Idem sentit Hadrianus Junius c. 21. Batav.

Tiberio Augusto Germanicus Cæsar, Drusi filius, in administrando bello Germanico successit, cujus legatus Vitellius cum duabus legionibus, multis Oceani periculis defunctus, penetravit ad Visurgim, quo Cæsar classe contenderat. Quamvis Lipsius ad hunc locum Tac. Ann. 1. n. 234. scribendum putet, ad amnem Vidrum, qui Ptolemao in hoc tractu notus, & ille ipse est, inquit, quem Vechtam hodie vocant, &c. Idem Tac. l. 2. Ann. clariùs meminit Visurgis, quando Germanici prælium cum Arminio initium describit. Flumen Visurgis Romanos Cheruscosque interfluebat, ejus in ripa cum ceteris primoribus Arminius adstitit, &c. Postero die, Germanorum acies trans Visurgim stetit, &c. Cæsar transgressus Visurgim, indicio perfugæ cognoscit, delectum ab Arminio locum pugnae, &c. Sic accensos & prælium poscentes in campum, cui Idistaviso nomen, deducunt: is medius inter Visurgim & colles, &c. Evocato demum in Orientem Germanico, ab infestis Romanorum armis Visurgis tandem conquievit. Ita, postquam Claudius Imperator ad eò novam in Germanias vim prohibuit, ut referri præsidia cis Rhenum juberet, Tac. xi. Ann. altum in historia Romana de Visurgi silentium. Interim nemo dubitabit, quin Maximinus, Probus, Diocletianus & Maximianus, Constantinus Magnus, Julianus, & Valentinianus, Germaniam hanc transrhenanam, Francosque ejus indigenas, bello persecuti, ad Visurgim accesserint, cùm satis sit compertum, Franciam veterem, quam post Saxoniam dixerunt, intimè horum armis penetratam esse, quantumvis historici ejus temporis, quotquot supersunt, nullam Visurgis faciant mentionem.

3. QUAM QUÆ PER FRANCOS.] Visurgis itaque diu inglorius, victoricibus Francorum armis iterum inclaruit, quando An. DLV. primum à Francis bellum, cujus quidem apud scriptores extet memoria, illatum est Saxoniae, quod à successoribus Francorum

eorum Regibus, per duo amplius secula, variâ fortunâ ductum, ac sæpe intermissum, Carolus demum Magnus, debellatis prorsus Saxonibus confecit. Saxones contemptâ Theodoaldi Francorum Regis pueritiâ, assiduis incursionibus Austrasiæ fines infestare cœperant. Auditâ verò ejus morte, ascitis in societatem Thuringis, majoribus viribus in arma consurrexerant. Clotharius Austrasiæ populis, Sueffionibusque sub signa vocatis, transmissio Rheno in Saxoniam perrexit, ac multis utrimque cæsis, tandem apud Visurgim triumphavit. Quod gesta Francorum epitomata c. 27. ita referunt: *Eo anno rebellantibus Saxonibus Clotharius rex commoto Francorum exercitu, contra eos pugnam iniit super Wiseram fluvium, exercitum eorum maximum interfecit, terramque eorum vastavit.* Et Aimoinus l. 2. c. 27. *Posthac, inquit, idem rex (Clotharius) in Saxones rectum iter direxit, qui assiduis excursionibus Francorum devastabant fines. Quibus super Wiseram fluvium bello subactis, Thoringos quoque, eò quod Saxonibus auxilium tulissent, depopulatus est.* Vid. Gregor. Turonens. lib. 4. c. 10. Sigebertum, Marium Aventicensem Episcopum, citatum à Valesio lib. 8.

Alterum Francorum prælium cum Saxonibus ad Visurgim initum An. DCXXX. secundum Sigeberti calculum, literis consignavit Aimoinus l. 4. c. 18. *Austrasiis verò Francis rex (Dagobertus) institutus à patre (Clothario) adversus Saxones, qui rebellare tentaverant, arma movit: transgressusque Rhenum, cum Bertoaldo Saxonum duce pugnam commissâ, ense percussus in caput, decisos cum parte galeæ crines patri per armigerum mittit, & ut sibi, antequam cunctus corruat exercitus, in auxilium properet, mandat.* Forte fortuna affuit: Clotharius enim venationis gratiâ Longolariam sylvam petierat, ubi accepto periculorum filii nuntio, gravi exagitatus dolore, raptis quos in promptu habebat juvenibus, ad alios etiam, ut se sequerentur, directis legatis, brevi tempore longum iter emensus, (nam & noctibus viam carpebat) ad filium usque pervenit, & eâ quidem nocte fixis super Wiseram fluvium tentoriis, quieverunt. Mane autem factò, dum Franci plausus ac voces lætitiæ pro adventu regis Clotharii ederent, Bertoaldus Saxonie dux super ripam fluminis præstolans, audito tumultu interrogat, ut quid tantus in Francorum castris oriretur tumultus? dictum est ei, Clotharium advenisse regem, atque ob id diem festum agere Francos. At ille ad hæc, falsa,

ait, spe decepti, præ timore desideria somniant sua. Nam Regem, quem secum gratulantur manere, certâ ferente famâ nos compertum habemus vitâ jam defunctum. Clotharius citeriori armatus superflans listori, dum talia superbè profantem audiret, nil dicens, quò major taciturnitate suâ hostibus incuteretur timor, celerrimè galeâ nudavit caput. Erat quippe ejus casaries pulchrâ canitie variata, in cujus aspectu ab adversariis maximè dignoscebatur. Denique statim à Bertoaldo agnitus, incongrua accepit responsa, in hunc modum à præfato contraria partis duce prolata. Tunc, dixit, hic muta aderas bestia? Tunc Rex hujusmodi commotus convitio, & ultra quàm dici possit, excandescens irâ, capiti repositâ casside, calcariibus equum versùs eum impulit, ut transmeato flumine, se de inimicis suis ulcisceretur. Franci itidem, injuriâ ducis permoti, atque ejus exemplo animati, flumen natantes transibant, sequentes Regem: qui fugienti Berthoaldo infestus insistebat. Gravabatur sanè ad insequendum, & pondere armorum, & quòd dum transnataret fluvium, aqua sinum ejus, nec non ocreas impleverat. Bertoaldus tamen recedendo clamabat ad Regem, non aquo & bono illum esse intentum, qui se persequeretur; sed quòd sola hac ageret, laudis cupidine ductus, qui tanti aestimaretur, ut sequestratus à suis, hostem terga dare sibi compelleret. Verendum verò, ne hac res in contrarium versa, ipsum potiùs pessumdaret. Ista autem dum diceret, fugere non cessabat; & sæpe se ejus servum, illum verò suum fatebatur dominum. Viderique injustum, ut vel servus à clementissimo domino, vel dominus à servo, licet invito ac coactò, perimatur. Verùm Clotharius callidè hac eum prosequi sciens, nec ea qua dicebantur curans, tandem pernicitate equi, quo vehebatur, eum assecutus interemis. Sublatoque ejus capite, ad filium, & ceteros Francos (qui tristes eò quòd eum consequi nequirent, ejus salutem timentes, post eum iter pro posse accelerabant) regreditur; indèque relevatis maestitiâ eorum animis, unâ cum eis Saxoniam ingressus, ita depopulatus est eam, ut nullum in ea hominem viventem relinqueret, qui longitudinem spathæ, quam tunc fortè gerebat, excessisset. Et Clotharius quidem hoc taliter egit. Eadem leges in gestis Francorum epit. c. 41. Adon. Vienn. Regin. Sigeberto. Ur. Vales. l. xviii. rer. Franc. immeritò fidem hujus narrationis suspectam habere videatur. At rifum meretur Bern. Furmerius l. 3. Ann. Fris. qui contendit Bertoaldum à Lothario cæsum natione fuisse non Saxonem, sed Frisium, quartumque ejus gentis

tis Regem. Plura is addit de Yglone Galamæo Frisio, Sufati præfecto, qui fortiter Aufrasiarum aggressiones exceperit, repuleritque, quique Dagoberti galeam perfregerit, capillos amputarit, adhæc de loco prælii, de Adgillo Bertoaldi filio, post patrem Frisiarum Rege. Quæ cum nullo idonei auctoris testimonio ab eo confirmentur, quâ facilitate narrantur, eadem rejiciuntur.

Postea Carolus Martell. fortissimus Aufrasiæ Princeps, Saxones adortus An. dccxxi. armis etiam suis Visurgim nobilitavit; quod paucis, ut solet, meminit Ado Viennensis in Chron. *Carolus major Domus, & Aufrasiarum princeps, vastans omnia, & Saxonum agros diripiens, ad Wisorem pervenit.* Vid. Aimoin. l. 4. c. 52. Annal. Fuld. Annales incerti auctoris apud Pithæum, Valesium lib. xxiv. rerum Francicarum pag. 446.

Paternis deinde vestigiis insistens Carolomannus, Martelli filius, ducto in Saxoniam exercitu, ad Visurgim castra habuit An. dccxliiii. teste Adone Viennensi, quando Saxonibus trans flumen confidentibus, Gerviliebus, aliis Gervilius, Episcopus Moguntinus, ad familiare colloquium dolo evocavit eum ex hostibus, qui patrem suum Geroldum Episcopum itidem Moguntinum anno superiore interfecerat, quem adequitantem in medio fluminis confodit, cujus morte sublato clamore, ad arma concursus, initoque atroci prælio, victi tandem Saxones. Quæ Othlonus lib. i. c. 44. vitæ S. Bonifacii apud Serarium fusiùs sic narrat. *Illis temporibus Saxones devastabant Thuringiam regionem. Quamobrem populi ejusdem regionis confugientes ad supradictum Principem Karolomannum, querebant ab eo auxilium, qui mox pro eorum ereptione exercitum misit, in quo simul Geroldus Moguntiaccnsis tunc Episcopus, pater scilicet præfati Gerviliebus, jussus transivit. Cumque congregatio facta fuisset bellantium, & invicem semet ferientium: Geroldus Episcopus interfectus ibi inter alios occubuit. Deinde filius ejus Gerviliebus, adhuc laicus in palatio constitutus, pro sedando patris dolore, Clericatus officio promovebatur, & ad regendam Ecclesiam Moguntiaccensem post obitum patris subrogabatur. Post non multum verò temporis iterum Karolomannus exercitu congregato contra Saxones perrexit, secumque eundem Gervilieben duxit. Confidentibus autem utriusque populi exercitibus, eis citraque ripam fluminis Wisraba, præcepit Gerviliebus puerum suum inter*

hostes pergere, illicque nomen ejus, qui patrem suum occiderat, diligenter inquirere. Cumque puero jussa complenti responderetur à quodam, proxime illum adesse, quem quæreretur, venire rogare, inquit, cum huc quamtoocius, quin secum sermocinari senior appetit meus. Quo veniente, & utrimque alterius adventu denuntiato; mox praparat is equis ab utroque itur, & in medio amne occurrentibus, atque colloquentibus, ait Gewilieb Episcopus: Accipe jam ferrum, quo patrem vindico carum. Hac igitur dicens, gladio mox perfodit illum. Qui statim corruens ex equo exhalavit spiritum. Cùmque sui talia agnoscerent, ab omnibus clamabatur, utrimque consertis cuneis summo opere dimicabatur, superatisque Saxonibus Karolomannus cum suis ad propria remeavit, nemine id quod factum est à Gewiliebe in homicidii crimen imputante. Unde & reversus solitos Episcopales sibi vindicavit usus. At S. Prasul Bonifacius inter cetera correctionis colloquia, hac pariter in conventu Synodali protulit, attestans nullum homicidii reatu pollutum debere Episcopali sacerdotio fungi. Adhac etiam ei objecit, propriis oculis se perspexisse, illum cum avibus canibusque jocantem, quod Episcopo nullatenus liceret. Audiens autem hac Gewilieb, sentiensque se nullo modo contra stimulum vel secularis potentia, seu auctoritatis Canonica, qua mediante S. Bonifacio in omnes coram positos deferebatur, calcitrare posse, judicio consentit communi, depositusque est ab ordine Episcopali. Quo deposito statim S. Bonifacius à supradictis Principibus Karolomanno videlicet & Pipino fratre ejus, Ecclesie Moguntiacensi præsicitur. Tom. xvii. Conc. Gener. Parisiis ed. p. 441. De Pipini & Caroli M. Francorum Regum expeditionibus ad Visurgim, post in tempore memorabimus.

4 SED QUOTA PARS RERUM.] Romanis scriptoribus, atque inprimis Cornelio Tacito acceptum ferri debet, quicquid de bellis Romanorum in Germania gestis, quicquid de Arminii præliis & triumphis, quicquid de Majorum nostrorum moribus ac virtutibus adhuc superest. Enimverò Germani, uti *litterarum secreta* ignorabant, & quod unum apud illos, teste Tac. de mor. Germ. *memoria & annalium genus erat*, præclara suorum facinora *carminibus celebrabant*; ita etiam Arminium libertatis suæ vindicem, auctore eodem Tac. l. i. Ann. *cecinerunt*, ac positis nonnullorum opinione, Eresburgi statuis, famæ quidem posterorum commendarunt; sed jam diu collapsis simulacris perierunt *agrestia* hujusmodi *carmina*, ut Julianus ait in Antioch. *similia clangoribus avium aspe-*

asperè clamantium; dum interim Arminii virtutes ac res fortiter gestæ, immortalibus literarum monumentis consignatæ perennant. Verissimum enim est, quod scribit Diodorus Siculus, cetera monumenta ad breve tempus perdurare variis casibus obnoxia, historia virtutem per univèrsam orbem diffusam, ipsum, quod cetera consumit, tempus sui habere custodem.

5. NI MIHI QUAM TACITUS SCRIPTOR DEDIT.] *Et si Tacitus Imperator, auctore Fl. Vopisco, Cornelium Tacitum, scriptorem historiae Augustæ, quod parentem suum eundem diceret, in omnibus bibliothecis collocari; & ne lectorum incuriâ deperiret, librum per annos singulos decies scribi publicitus iussit: parùm tamen abfuit, quin priores quinque Annalium libri interirent, nisi insigni Corbeie nostræ beneficio essent conservati. Id quod J. Lipsius nos docuit in not. ad Taciti Ann. l. 2. n. 34. Visurgis mutuâ Romanorum Germanorumque clade nobilis amnis. Cui famam præcipuè Tacitus dedit: & ipse Tacito (mirum factum) vitam. Nam quinque hi primores libri inventi Corbeie, quod Monasterium ad Visurgim est, atque illinc depromptum verè hunc thesaurum Quæstor quidam Pontificius ad magnum Leonem detulit, donatus ab eo aureis quingentis. Idem in dispuñt. Notar. Cod. Mirand. Codicem, inquit, illum tuum advocas: quorum unicè unicum in tota Europa exemplar esse hæcenus audimus. Id Leoni X. Pont. Opt. Max. oblatum, in Corbeienſi Monasterio ad Visurgim repertum, servat etiamnum inclita illa Bibliotheca Medicea. Hæc ille, pro more suo, candidè & sincerè. Andreas Alciat. Germanis tanti thesauri conservati laudem invidens, in quodam historiæ encomio, ad Galeacium Vicecomitem scripto, ejusdem rei meminit, sed cum injuria nostræ gentis, ac veritatis dispendio. Sic enim garrit: *Esset adhuc ἀνέφαλος Tacitus, nisi Christiani orbis Max. Pontifex Leo X. priores quinque libros de barbaris redemptos, postliminiò ut tandem reverterentur, effecisset.* Meibom. in vita Widichindi Corbeienſis præfixâ ejus Annalib.*

Nec solus Tacitus, verùm etiam Quintilianus, Asconius, Silius Ital. Argonautica Val. Flacci, Ciceronis libri de finib. & leg. in Germania à Poggio reperti, Germanis debentur. Gerh. Vossius de hist. Lat. l. 3. c. 5. p. 550. Quibus utinam aliquando Plinii xx volumina de bellis Germanicis accedant! quæ Contr. Gesnerus Augustæ Vindelicorum, alii Tremonie in Westph. apud Casp. Swartzium Patricium Tremonienſem extitisse tradiderunt.



R E M A

AD CONFLUENTES WARNÆ ET VISURGIS,
PAGUS RAVENSBERGICI COMITATUS.

MEMORIÆ. SACRUM

INCLYTA. FRANCORUM. FASTIS. UBI. WARNA. VISURGIS
AMNE. RECEPTA. SUÆ. NOMINA. PERDIT. AQUÆ
SAXONE. PIPINUM. FUSO. SPECTAVIT. OVANTEM
REMA. TRIUMPHALI. FERRE. TROPÆA. MANU
HILDIGARIQUE. NECI. VICTRICIA. CASTRA. SECUTI
FRANCIGENAS. MOESTIS. ILLACRYMARE. MODIS
FORTIS. ET. EXEMPLO. CAROLUM. GENITORIS. AVIQUE
SAXONICÆ. VALIDAS. FRANGERE. GENTIS. OPES
TALIBUS. ILLUSTRIS. TITULIS. PLUS. REMA. SUPERBIT
QUAM. QUOD. RHEMORUM. NOBILE. NOMEN. HABET

FERDINANDUS. DEI. ET
APOSTOLICÆ. SEDIS. GRATIA. EPISCO-
PUS. PADERBORNENSIS. COADJUTOR
MONASTERIENSIS. S. R. I. PRINCEPS
COMES. PYRMONTANUS. ET. LIBER. BA-
RO. DE. FURSTENBERG

REMÆ. AD. CONFLUENTES. WARNÆ. ET. VISUR-
GIS. SITÆ. PIPINI. EJUSQUE. FILII. CAROLI. M
FRANCORUM. REGUM. SAXONICIS. EXPEDITIO-
NIBUS. AN. DCCLIII. ET, AN. DCCLXXXIII. CELE-
BRIS. PAGI. MEMORIÆ

M. H. P

L

NO.

N O T Æ.

I. **INCLYTA FRANCORUM FASTIS.**] Post Romana monumenta procedimus ad Francica & Saxonica. Quare de utraque gente pauca præmonere, non inconueniens ingratumve fore censuimus. Nec enim ut de Romanis, ita de Francorum Saxonumque origine constat; neque eâ hætenus quicquam obscurius fuit, quæ nunc à tot scriptoribus pertractata explicataque certius lumen accepit, ut qui fimus, & quibuscum gentibus bellatum sit, & à quibus hæc monumenta posteris relicta sint, planius affirmare & profiteri liceat.

Franci populus, qui sub Francico nomine bella gessit contra Romanos, primum audiri & innotescere cœpit Valeriano & Gallieno Impp. circa annum Christi cc. xxiii. Ideò nec apud C. Julium Cæsarem, Tacitum, Velleium, Plinium, Strabonem, Dionem, Ptolemæum, ceterosque præcos scriptores Francorum mentio. Celebre autem Francorum nomen apud posteriores historicos ac scriptores, Aurelium Victorem, Eutropium, Ammianum, Vopiscum, & quotquot Augustam Cæsarum historiam scripserunt. Inde apud Zosimum, Procopium, Agathiam, Aethium, D. Hieronymum, Claudianum, Ausonium, Gregorium Turonensem, Apollinarem, ac ceteros auctores; quemadmodum id Franci scriptores Tillsius & Valesius, Nuenarius Comes, Cluverius & Pontanus, & quotquot Francorum originem tradiderunt, probè agnoscunt. Ex quibus eruditi passim viri deducunt, ante tempora Gallieni nullum extitisse certum populum nationemve Francorum nomine insignitam. Sanè si qua gens Francica extitisset ante Gallieni imperium, non eam omisisset Tacitus, tam accuratus Germanarum gentium scriptor, non ceteri historici & geographi.

Ideò gentis Francicæ origo hætenus multum obscura latuit, multisque fabulis aspersa, & erroribus obnoxia fuit. Reperies enim primum, qui cum Francicis aliquot scriptoribus, & Trichemio





derides.

DIOECESIS PADERBORNENSIS
sub Imperio Francorum
et Saxonum
descriptio nova.
MDCCLXXII.

HASSIA.

OSTFALI.

Orie





themio Hunibaldi fabulas secuti, Francos à Trojanis reliquiis, & ex Pannonia deducunt ad Rhenum; atque hi auctores, ut fabulam fabulâ augeant, tradunt Francos, postquam diu in Pannonia resedissent, conditâ etiam Sicambriâ urbe, Valentiniani Imperatoris rogatu domuisse Alanos, ob id tributo ab Imperatore liberatos, ac Francos, hoc est, *feroces* Atticâ linguâ primùm appellatos esse, cùmque Romani rursum tributa exigent, rebellasse, & ad Rhenum penetrasse. Egregii sanè historici, quasi Valentiniani primùm ævo Franci exorti sint. Et quæ Attica vox Francos sonat? Et tamen hæc opinatio Sigebertum, Paulum Æmilium, & plures celebres historicos abduxit, tanquam gentem Francicam nobiliorem facturi essent, si ab exteris magis quàm ex Germanis origines arcesserent; Simul tamen hi auctores fateri coguntur è Germania prodiisse Francos, qui rupto Rheni limite Gallias invaserint. Inde alii Francorum quidem gentem ab antiquissimis Romanorum temporibus in Germania extitisse asserunt, sed parvâ invalidamque latuisse, donec aucta sensim populis atque armis emerferit, & ad Rhenum proruperit, ideò Tacito incognitam fuisse. Sed tam facile hæc refelluntur, quàm asseruntur, nullo gentis ejus tam diu latentis indicio in medium allato. Haud dissimili commento Turnebus Francos ex Scandinavia educit à Firasslis populis, Ptolemæo memoratis. Genebrandus lib. 2. & 3. chron. Stephanus Forcatulus l. 5. de Imp. & Philosophia Gall. Bodinus in meth. hist. cap. 9. Francos primâ origine Gallos fingunt, qui inter cæteras migrationes gentium sedes in Germania & Pannonia habuerint. Ibi verò postquam à Romanis acerbâ premerentur servitute, rediisse in Gallias ad natale solum. Nova rursum figmenta ingenii. Nam ubi hi Franci Gallicæ nationis tam diu latuerint, nemo ex his auctoribus docere potest, nec quales fuerint, Boiine, an Teutofages, an Scordisci, ne inter ipsos quidem convenit.

Alii denique Francos ex prima gentis origine ex Franconia deducunt. Plausibilis hæc multorum sententia fuit, sed jam dudum ex suis erroribus reiecta, quando Franconia Alemanniæ

pars cognita, & à Clodoveo Franc. Rege, aut filio ejus Theodorico Austrasiæ Rege, devictis Alemannis, cum omni ea regione ad Francorum regnum accessit. Nec antè Francorum nomen ibi auditum, tamen si Franci fortè jam antè ad Nicrum aliquando proruperant. Sed & diu ante hæc tempora Francorum nomen celebre inter Rhenum, Visurgim, atque Albim, priusquam arma Francorum in eas regiones penetrarent. Nec minùs antiquitatis periti hæc explodunt, quàm qui ex Mæotide palude, aut Pannonia Francos evocant, aut mutato Sicambrorum nomine, à Franco quodam fictitio Trojanæ stirpis Rege appellatos scripsere.

Illa demum certa & explorata sententia est, veterem Franciam inter Rhenum, Visurgim, atque Albim requirendam esse. Nec alibi magis quàm in ipsa Westphalia, vicinisque ad Ifalam & Frisiæ oras, aut Rheni ostia regionibus Francos reperiri. Hæc priscorum omnium scriptorum, à quibus Francorum primùm nomen & bella cum Romanis nobis sunt consignata, una consensus est. Neque de hac re quisquam integrè judicare poterit, ut rectè Cluverius pronuntiat, nisi in omni veteri Romanorum historia probè versatus sit. Quod cum nostro demum ævo viri docti & antiquitatis periti præstiterint, (quorum magnus apud nos est numerus,) in hanc nobiscum sententiam convenerunt, Trithemius lib. 3. c. 20. de orig. Franc. Nuenarius Comes præfat. in Eginhardum, Rhenanus lib. de Germ. cap. de Francis, Althamerus in Tacitum, Reineccius de Orig. Sax. Hadrianus Junius in Batavia, Miræus in Chron. Gelenius in sacr. Colon. & Plectrude, Browerus lib. Antiq. Trevir. ad An. Christi cccclxxxviii. Crumbachius in historia D. Ursulæ, Petavius in Rat. temp. lib. 6. c. 13. Bucherius in disp. hist. & Belg. Romano, Rivius dec. 1. l. 1. Cluver: l. 3. c. 20. Pontan. de Orig. Franc. Chytræus in Prolog. Horrion in Paneg. Paderb. Valesius in præfat. Gest. Franc. Res ita se habet. Postquam bellicosi intra Rhenum & Visurgim populi, Sicambri, Bructeri, Tencteri, Usipetes, Catti, Angrivarii, Chauci, Chamavi, Cherusci, Marfi, Chattuarii sive Attuarii, Frisii, Tubantes, cæterique jam inde à C. Julii Cæsaris ævo continua cum Romanis bella gessit-

gessissent, nunc victores, nunc victi, veritque ne toti in Romanorum servitutem venirent, factâ conspiratione in unum fœdus & belli societatem pro insita gentis libertate conveniunt, sumptoque ad id *Franco* nomine, tanquam libertatis signo (quod *Franckon* liberum gentis linguâ hominem sonat) tot sæculis acerrima bella adversus Romanos gesserunt, exciti cum primis Alemannorum exemplo, qui jam sæpius in Gallias excusso Romanorum jugo irruperant: atque ex his, quos diximus, populis conflata esse hanc belli societatem evincunt prisci scriptores. Nam Sicambros Claudianus & Apollinaris, aliique Francos toties compellant, Bructeros Sulpitius Alexander, Nazarius & Eumenius in Panegyricis, Chaucos & Cherufcos Claudianus, Chamavos Ausonius, Catros Sulpitius Alexander, Attuarios Marcellinus, Frisios Panegyricus Constant. M. dictus, Salios Marcellinus denuò, & Zolimus, aliique scriptores inter Francos numerant. Adhibeatur in hanc rem tabula itineraria circa annum cccxxx. conscripta, in qua à Rheno ostio ascendendo ad dexteram ripam, leguntur hi populi, *Chauci, Ampsivarii, Cherusci, Chamavi, qui & Franci*; sequitur in eadem ripa magnis literis scriptum F R A N C I A. Inspiciantur vetera monumenta, interque hæc vetus lapidis inscriptio à Ruperto detecta, quæ Divitense munimentum seu Tuitium ex adversa Agrippinæ ripa à Constantino M. in terra Francorum structum exhibet. Extat apud Spanhemium de præstant. & usu numism. dissert. 8. pag. 750. è cimel. Reg. Gall. & Card. Leopold. Med. erutus aureus Constantini M. nummus, qui ex una parte Constantini effigiem signat, ex altera tropæum, jacentem videlicet mulierem, consuetum debellatæ provinciæ symbolum, hac inscriptione: G A U D I U M R O M A N O R U M. Infra, F R A N C I A. Ubi verò hæc Francia requirenda sit, docent nos res gestæ Constantini M. & pons ab eo Cæsare apud Ubios Rheno intratus, per quem exercitus in Francos tractus.

Pervolvantur omnes Historici, Panegyrici, Poëtæ, qui veterum Francorum res gestas nobis tradiderunt: laud alibi veteres Francorum sedes magis reperientur, quàm intra Rhenum &

Visurgim, quæ regio post Westphalia dicta est. Quapropter Sidonius Apollinaris Franciæ regionis flumina perscribens, Vahlim, Vidrum, Visurgim atque Albim introducit, ac Vahlim quidem, quod eâ tempestate Franci Salii Rhenum transgressi illas Bataviæ Belgicæque oras invaserant. Fines adeò veteris Franciæ, ne quis in his anceps hæreat, descripsit D. Hieronymus, in vita D. Hilarionis: *Inter Saxones & Alemannos gens extat, non tam lata, quàm valida, apud historicos Germania, nunc verò Francia vocatur.*

Hæc paucis de Francorum origine & veteri Francia, quæ à multis multò explicatiùs traduntur, nos brevitatis, & hujus incisæ, per modum commentarii, scriptionis memores, verbo commonstrare volumus, Francos à prima stirpe sua fuisse Germanos, eosque indigenas, quales plerique Germani Taciti iudicio censentur, ac populi qui diversis ante nominibus ferebantur, ii haud secus quàm Alemanni in idem Francicum nomen & belli societatem pro libertate convenerunt. Ac nihil jam certius, quàm Francos hosce non fuisse Germanos superiores, ut ii volunt, qui ex Franconia & superiori Germania deducunt; sed inferioris Germaniæ inter Rhenum & Visurgim incolas, eâ potissimùm regione, quæ Westphaliæ nomen obtinet. Atque hi inferioris Germaniæ Franci rursus duplices, alii absolutâ voce Transrhenani; alii cum additamento vocis Salii, quorum frequens mentio apud scriptores; iidemque Transrhenani, haut secus quàm omnes Franci à prima origine sua, quibus Saliorum nomen adhæsit indutum, quòd Salæ seu Ifalæ fluminis in Westphalia orti incolæ fuerint. Ii post Rhenum transgressi, Galliam ac Romanum solum ut cæteri Franci occupavêre. Inde libro Notitiæ Imperii Salii Gallicani, & Salii conjuncti Tubantibus referuntur, ubi trans Rhenum nativas sedes incolêre, secus quàm quidam censuerunt, cum Chifletio & Pontano, qui Francos in Ansivarios & Salios diviserunt, illos Transrhenanos, hos Cisrhenanos asserendo, quibus postremùm accessit Bollandus in vita Sigeberti Regis ad primum Febr. diem. Omnium enim Francorum nativa origo Germania Transrhenana.

nana. Sanè Constantinus Cæsar, ac filii Cæsares, Julianus, alique exinde Imperatores, ac Romani duces, qui in iis Galliarum regionibus oppugnantur Francos, non ex patrio, sed alieno solo, quod transito Rheno infederant, toties rejecerunt, nec aliter comperiet, qui Marcellinum aliosque eorum temporum scriptores sincerè expendit, quæ disceptatio hoc loco aliena est.

Hinc omnis Francia quadripartitò traditur. Prima Transrhennana, eaque antiquissima Francia. Altera Gallicana minor, complexa totam ferè Germaniam secundam, maximamque utriusque Belgiæ partem, quæ primis Francorum Regum armis, superato Rheni limite, parta regni sedes, ex quo regni Francici sedes Dispargo Cameracum provecta est. Gallicana major, postquam feliciore armorum successu interior quoque Gallia à Clodoveo rege adjecta, regnique sedes à Francis Parisiis collocata fuit; cæptumque regnum Francicum in Neustriam & Austrasiam, in Occiduum videlicet & Orientalem Franciam dividi. Quarta Francia nova, seu Orientalis Germania, quæ novo armorum & fortunæ cursu, debellatis Alemannis accessit ad Austrasiæ regnum, in eaque Franconia, quæ ab his victoribus Francis nomen retinet. Tantum abest, ut Franconia prima Francorum sedes fingi possit. Ampla scriptiois materia, quæ historiæ servatur. Hic paucis indicare visum, dum ex hoc progressu Francorum Regum monumenta Franciæ introducimus.

2. UBI WARNA.] In diplomate Ludovici Germaniæ Regis, & Caroli M. nepotis, anno xxxiii. regni ejus in Orientali Francia, dato Herivordensi monasterio, eo, quo hodie, nomine *Werna* appellatur. Auctori vitæ Caroli M. apud Pithæum dicta *Warana*, Adelmo *Waharna*, Annalib. Francor. apud Reuberum *Wagarna*, apud Canisium *Vinharna*, Reginoni *Waahna*, Poëtæ Anonymo *Warna*, qui Hervordiâ urbe permeatâ ad pagum Xemen Visurgi infunditur. Ab hoc *Warna* nonnulli denominatos volunt *Varnos* seu *Varinos*, populum Cornelio Tacito in Germania, & Procopio lib. 4. hist. Goth. memoratum. Alii aliunde

liunde hujus gentis nomen arcessunt. Quod nos in medio relin-
quimus.

3. SAXONE.] Saxonum populus haud secùs quàm Franco-
rum, ex parvis initiis ad magnam potentiam per inferioris Ger-
maniae provincias emerfit, successitque in gloriam Francorum,
ac priùs etiam Saxonum nomen, quàm Francorum auditum,
traditumque à Ptolemæo. Eò gentis origo non minùs quàm
Francorum obscura, multisque fabulis involuta à scriptoribus.

Widichindus Corbeienfis vetus ad Visurgim scriptor, inqui-
rendo gentis incunabula, dum certa tradere voluit, fabulis præ-
lulit. Ita enim lib. 1. Annal. Saxonum origines alii à Danis &
Normannis, alii à Macedonibus deducunt, sibi autem certum,
inquit, navibus advectos Saxones in Hardolaun, quæ aliis Ha-
deleria, locus in Archiepiscopatu Bremensi ad Albis ostia. Quo
verò tempore, aut unde, qualesve illi advenæ fuerint, ipse æ-
què incertus non expreslit. Hinc alii arrepto fabulæ indicio, ex
Macedonia multò liberius finxerunt, & profugam partem ex A-
lexandri M. exercitu, cum 300 triremibus appulisse in ostia Al-
bis, factâque excursionè Thuringos fugasse, eorumque exinde
terras insedisse. Canoræ nugæ, quæ nullum fidei indicium apud
ullum priscum probatumque auctorem reperiunt.

Alii deinde cum eandem sibi fingendi licentiam patère con-
spicerent, Saxones à *Sagis* seu *Sacis* Asiae populis deduxerunt.
Hæc Peuceri, Reineccii, Furmerii, Cisneri, Lertzneri, aliorum-
que opinatio, quam magno quidem plausu, sed nullo alio argu-
mento obtrudunt, quàm ex nominis quadam similitudine, quæ
inter *Sacos* & *Saxones* se obrulit. Quo figmenti genere alii apud
Crantzium Saxones à *Saxona* fluvio in Moldaviam se exoneran-
te arcessunt, quos origine alii Boios, alii Gallos comminiscun-
tur: verùm hæc commenta retulisse inter doctos, refutasse est.
Ad quorum figmenta referas Saxonem Grammaticum, Suffri-
dum Petri, Furmerium, ipsumque Crantzium, apud quos
multis ante Christi natalem sæculis Saxones maria navigant,
commercia, foedera, bella, connubia agitant cum Danis, Sue-
vis, Finnis, Britannis, Frisiis, quæ nonnisi ex traditis vulgi fa-
bulis

bulis, sine ullo probato antiquitatis auctore, ad vulgi oblectamenta narrantur. At Lucanus Poëta, inquiunt, jam ævo suo Saxonum meminit :

Et Biturix, longisque leves Saxones in armis.

Falluntur, non Saxones, sed Axones & Auxones, aut Suefones sunt, ut cum Turnebo meliores legunt. Quos verò Egesippus lib. 5. c. 15. de bell. Jud. ex oratione Josephi Saxones introducit Vespasiani ævo, ad Gratiani Cæsaris tempora spectant, quo Cæsare auctor scripsit, accommodavitque suo sæculo Saxonum & Scotiæ nomina.

Primus ergo qui Saxonum meminit Ptolemæus est, ut diximus. Collocat is gentem hanc lib. 2. geograph. apud Cimbricam Chersonesum, eo loco, ubi nunc Holfatia est. Vixit Ptolemæus, teste Suidâ, Antonino Pio Imperatore, cujus imperii initia circa annum clxi. Indè ad Diocletiani tempora nihil memorabile de Saxonibus. Eo Cæsare, uti Eutropius refert lib. 9. c. 15. littora Belgicæ & Aremoricæ, ipsamque Bataviam piraticis infestare cœperunt. Celebres posthæc, & Juliano cumprimis Cæsare, ab Amisii ostio omnia maris littora obsederunt, Gallisque adeò infesti, ut totum illud litrus ad Garummam fluvium *Saxonicum* dixerint, Ducesque *Saxonici littoris*, qui vim piraticam arcerent, imposuerint Romani. Inter primos Valentinianus Cæsar impetum stitit, uti hæc ab Orosio lib. 7. c. 32. Zosimo lib. 3. & Apollinari lib. 13. c. 6. perscripta sunt. Valuit Saxonum vis dominatu maris à Diocletiani ævo ad Theodoricum primum Austrasiæ Regem, postquam ejus armis victi exactique ex Austrasia, terrâ simul per eas regiones, quæ Saxonum postea nomen induerunt, invalescere cœperunt. Valentiniano III. Imperatore, unâ cum Juttis & Anglis Britanniam invasere, sub idem ferè tempus, quo Franci Galliam. Ita duæ Germanæ gentes terrâ marique nova sibi regna extra Germaniam armis peperere.

Igitur ut veram Saxonum originem reddamus, asseveranter dicimus, Saxones Germaniæ indigenas, &, quod jam plerique re melius exploratâ sentiunt, *αὐτόχθονες* esse, haud secus quàm

de ipsis Francis à nobis assertum est. Hæc Crantzii in præf. in Sax. Conradi Celtis, Althameri, Wilichii, Cluverii & aliorum sententia est. Figmenta enim ingeniorum sunt, qui vel advenas ex Macedonia, vel ex Africa, vel aliunde arcessunt. Quod enim Tacitus certissimus accuratissimusque scriptor universim de Germanis nostris lib. de mor. Germ. pronuntiat: *Ipsos Germanos indigenas crediderim, minimeque aliarum gentium adventibus & hostiis mixtos*; id quemadmodum de cæteris Germaniæ transrhenanæ populis plerique sentiunt, ac nos de Francis ostendimus, ita de Saxonibus persuasum habemus. Hic jure possessionis pedem figimus, donec prodeant, qui aliud nos certiùs doceant. Quin Tacito id adeò persuasum fuit, ut repetierit: *Ipsæ eorum opinionibus accedo, qui Germania populos nullis aliarum gentium communibus infectos, propriam & sinceram, & tantum sui similem gentem existisse arbitrantur.* lib. de mor. Germ.

Unum his opponitur, in quo refellendo multi laborant. Si indigenæ, inquit, sunt Saxones, & primâ origine Germani, cur eorum nulla apud Cæsarem, Tacitum, Plinium, Strabonem, aliosque ante Ptolemæum mentio? Crantzii ut id expediat, Cattorum nomine Saxones comprehendi censuit, & Salsos quasi Cattos à Tacito scribi asserit. At Saxones à primo ortu maritimi fuere, & trans Albim collocantur à Ptolemæo. Catti verò mediterranei sunt, & ad Visurgim se porrigunt. Pideritius in Chron. Lipp. Chaucorum nomine designari opinatur. Sed nec illi trans Albim ad Cimbricam Cherfonesum rectè investigantur. Propiùs verò accessit Cluverius l. 3. antiq. Germ. cap. 21. quos enim Tacitus Fosos recenset medios inter Cherufcos & Cimbros, per hos ille Saxones designari contendit, quòd eodem loco Ptolemæus antiquissimæ originis Saxones visus est collocare. Quanquam non desint, qui Anglorum nomen à Taciti ævo in Saxonum commutatum velint; perinde ac Francorum & Alemannorum nomen à diversis populis assumptum est. Tanquam antiquitus Angli & Saxones una ad Albim gens fuerit: Nam Anglos hosce Tacitus ultimos Suevorum facit, collocatque infimos ad Albim, ubi & Saxonum sedes à Ptolemæo assignatur.

gnatur. Adhæc Angli celebris per id tempus gens in Germania fuit, quæ sicuti primaria victæ Britannix nomen imposuit. Ideoque Beda lib. 1. cap. 15. *Tunc Anglorum sive Saxonum gens, invitata à Rege Vortigerio, in Britanniam tribus longis navibus advehitur*: veluti Anglorum & Saxonum gentem unam faceret. Sed cum idem Beda post se planius exprimat, dicatque: *Advenerant autem de tribus Germania populis fortioribus, id est Saxonibus, Anglis, Fatis*, seu ut alii legunt, *Fatis*, iisque postea diversas Britannix partes & provincias assignet, in quibus singuli possessionem ceperant, satis tres diversi populi recognoscuntur. Ac Saxones quidem etiam ævo illo ad Visurgim, & trans flumen sedes suas habuisse dixerim, quando in ea regione, quæ post Westphaliæ nomen obtinuit, scriptores plerique tam prisca quàm recentiores, antiquos Saxones deponunt. Igitur vicinorum quidem & confinium, sed diversorum populorum unum id foedus, unaque belli societas fuit. Nec verisimile est, ab una Anglorum gente, quæ tum angustis adhuc terminis continebatur ad Albim, universam Britanniam subigi potuisse, aliâ semper atque aliâ belli sobole & multitudine è Germania per mare evocatâ. Quæ certius cognoscuntur, si quis superiora bella revolverit, quibus à Diocletiani ævo mare simul piraticis infestum habuere, & Bataviam Galliæque oras occupaverunt, tam ex Visurgis quàm ex Albis ostio investiti.

At gentis nomen quo Saxones dicuntur, unde inditum? Rejetti suprà, qui à *Saxis* ducunt; nec minus exploseris Suffridum Petri, qui lib. 2. de orig. Frison. cap. 5. tres nobis duces Macedonici exercitus finxit, Saxonem, Frisonem, & Brunonem, Hadoleriam appulso, à quibus Saxones, Frisones & Brunwicensis gentium nomina retineant. Sed hæc commenta sunt, quibus auctor ille cætera quoque scripta sua liberaliter respersit. Certius illi, qui à longis cultris gladiisque, quos *Saxs* patriâ linguâ dixere, quibusque accincti ibant in prælia, nomen genti adhæsisse tradunt, haud secus, quàm à *quiri* hastili, Quirites appellati. Hæc Widechindi Corbeiensis, Gregorii Turonensis,

Gobellini nostri, Lipsii, Meibomii, Engelhusii sententia, quam dudum hoc versu consignavit Viterbiensis:

Ipse brevis gladius apud ipsos SAXA vocatur,

Unde sibi nomen SAXO peperisse notatur.

Quanquam hæc non tam de nomine contendere velim, cum multa ejusmodi nomina fortuito indita sint, quando de Saxonum origine inter recentiores convenit, eam non aliunde, quam ex indigenis Germanis arcessendam esse: etsi apud Tacitum nulla Saxonum mentio sit. plures ille Germanorum gentes præterit, quæ à posterioribus demum scriptoribus proditæ; quales Turcilingi, Heruli, Scyri, aliæque, quas Odoacer alique barbari Germanorum Reges in imperium invexere, claræ tunc demum, postquam bella aperuere. Id potius ex vetustis scriptoribus requirimus, quam bellicosa Saxonum gens fuerit.

Zosimus lib. 3. *Profectò Saxones omnes eas regiones incolentium barbarorum, & animi & corporum viribus, & laborum in præliis tolerantia fortissimi.* Haud dissimilia Orosius lib. 7. c. 32. & Paulus Diaconus perscripserunt: *Saxones esse gentem in Oceani littoribus & paludibus inuisitam, virtute & agilitate terribilem.* Cætera eorum res terræ marique gestæ comprobant: Nam quâ tempestate Franci, eadem Saxones invaluere, quantumque Franci perrupto Rhæni limite depulsisque Romanis protulere per Galliam regni fines, tantum Saxones, transito Albi & Visurgi, se per inferiorem Germaniam explicaverunt; tanquam alterius gentis fortuna cederet locum alteri, in imperium Romanum aliquando successuræ: sensimque in eam provinciarum amplitudinem emerunt, ut Saxoniam triplicem fecerint, aliam Ostphalorum, aliam Angrivariorum, aliam Westphalorum; qui postremi etiam antiquorum Saxonum nomen obtinent apud Bedam, Marcellinum, D. Bonifacium, & Gregorium Pontificem ad *Alisaxones* scribentem, nec alii à recentioribus scriptoribus agnoscuntur. Quanquam harum regionum populi non tam victi armis Saxonum, quam quod ultro in fœdus & Saxonum nomen concesserint; quique prius diversis nominibus Sicambri, Attuarii, Amplivarii, Cherusci, Marfi, alique dicebantur, iidem

dem pòst exuto Francico nomine in Saxonum nomen & Rempubl. transferunt, donec ferocissima gens à Carolo M. postremum debellata Christi religionem susciperet, ac Francorum imperio trans Rhenum expirante, Henricus Auceps & Otto M. imperium ad populares Saxones transferrent. Ita verò bellicosæ harum regionum gentes Franci & Saxones, extinctis Gothorum, Wandalorum, Longobardorum, Alemannorum, cæterorumque barbarorum per Europam regnis, constantissimum ac validissimum imperium tenuère, Francis per Galliam & Italiam, Saxonibus per Germaniam transrhenanam & Britanniam terrâ marique dominantibus; tanquam Virtus & Fortuna semper inter hos contendisse videantur. Quo nescio quid ad gentis nostræ gloriam aut illustrius inter monumenta posteritatis memorari, aut dignius aliquando post hæc præludia nostra excoli possit.

4. PIPINUM FUSO SPECTAVIT OVANTEM.] Quod Annales Francorum apud Reuberum nos docent: *Hoc anno, DCCLIII. Pipinus Rex cum exercitu magno Saxoniam ingressus est: & quamvis Saxones ei obstinatissimè resisterent, pulsî tamen cesserunt, & ipse usque ad locum Rimi, qui est super Wiseram, accessit. In qua expeditione Hildigarius Archiepiscopus interfectus est in monte, qui dicitur Viburg.* Eadem pænè habet ad hunc annum Aimoinus.

5. R E M A .] In Annalibus Francorum, quos modò attulimus, *Rimi* nominatur. In Aimoino legitur: *At ipse, Pipinus, usque ad locum qui dicitur Rum, qui est super fluvium Wisuram, accessit, in qua expeditione Hildigarius Archiepiscopus interfectus est in monte qui dicitur Diburg.* In Adonis Viennensis Chronico habes: *Mox Pipinus Rex Francorum factus, bellum in Saxoniam movit: in quo Childegarius Episcopus à Saxonibus occisus est in castro Wüberg. Victor Pippinus pervenit usque ad locum qui Rhime dicitur.* In vita Caroli M. apud Pithæum, & Chron. Reginonis, *Rimia*, in Annal. Francorum apud Canisium *Rimee*, in diplom. S. Henrici Imp. An. MXIII. *Rimi*, & in literis B. Meinwerci super fundat. Monast. in Abdinghoff An. MXXXI. datis, *Rime*; hodie Remen nuncupatur, ad Wernæ & Visurgis confluentes in Comitatu Ra-

venspergio, & Flotana præfectura non ignobilis vicus. Habuit olim cœnobium monialium titulo Vallis benedictionis, fundatum An. MCCLVIII. de cujus translatione vid. Crantzii Metrop. lib. 8. cap. 9. & Hamelmanni Chron. Oldenburgense parte primâ cap. 21. ita Meibomius in not. ad Irmensulam. Hic etiam generalem conventum à Ludovico Rege Germaniæ An. DCCCLII. habitum putant, qui in Annal. Francorum apud Pithæum & Reuberum, loco *Nimia, Rimia* legunt, cum in ripa Visurgis nusquam sit *Nimia*, sed procul inde distet, si quidem Nihemium oppidum diœcesis Paderb. eo nomine intelligatur. Verba sunt hujusmodi: *Igitur in loco, qui appellatur Nimia, super amnem, quem Cornelius Tacitus scriptor rerum à Romanis in ea gente gestarum, Visurgim, moderni verò Wisuracha vocant, habito generali (Saxonum) conventu, tam causas populi ad se perlatas justo absolvit examine, quàm ad se pertinentes possessiones, judiciorum gentis decreto recepit.*

6. HILDIGARIQUE NECI VICTRICIA CASTRA SECTI.] Hildigarii, Archiepiscopi Colonienfis eadem, Francorum Annales ad unum omnes, quos & ego præ aliis sequor, in annum DCCCLIII. conjiciunt, ex quibus Fuldenses ita narrant: *Pipinus iterum Saxonum perfidiâ provocatus, regiones eorum devastat: in qua expeditione Hildigarius Colonienfis Archiepiscopus à Saxonibus interimitur.* Locum necis designat Aimoinus *Duburg*, Annales Francorum apud Reuberum vocant *Viburg*, Annal. Canisiani *Castrum Viberg*, Ado Viennensis *Castrum Witbergh*, Regino *Nigberg*, Gerhardus Cleinsorgius *Iborg* interpretatur, castrum diœcesis Osnabrugensis. In vetustis Colonienfium tabulis apud Cæsarium Heisterbacensem dicitur *mons Wiburg*. Quem Meibomius in notis ad Irmensulam, & Bernardus Malincrodus, Decanus olim Monasteriensis, non minus doctrinâ, quàm genere nobilis, lib. 2. de Cancellariis cap. 1. asserunt esse montem *Wedenberg*, hunc Bernardus Luderus in encomio urbis Mindæ, *Montem Vedegonis* appellat, horarii itineris spatio ad Visurgim, non procul Rhemâ, supra Mindam situm. Cæterum Hildigarium Carolus M. sepelivit in monte *Ovesberg*, teste Henrico de Hervordia lib. 2. c. 69. Quem pro constantia fidei
& re-

& regni, Petrus Mersæus Cratepolius ait, *ab hostibus casum fuisse.* De anno obitus pluribus agit Ægidius Gelen. in Hierotheca Engelbertina.

Non immeritò hic quispiam requireret, quid Episcopi in castris, quid in bellis egerint, quorum vita Deo consecrata est ad cultum divinum, ad Cleri populique curam, utque gregi suo præsentés ac vigilés adsint? Alia illis militiâ præscripta est, in sacra toga, non militari sago. Arma eorum quibus pugnent pro Ecclesiâ Dei, quotidianum pro Regibus & populo sacrificium, publicæ statæque pro grege preces, libri sacri, ex quibus verbum Dei doceant, sacri Canones, ad quorum præscripta regant, sacrorum administratio, & quæ ejusmodi in hanc rem objici solent, imperitè magis, quàm prudenter. Quasi verò militiâ non sit etiâ congregatio Christianorum hominum, quibus & hæc arma & subsidia Sacerdotum præstò esse debent in castris & bello, haud secus quàm aliis, qui domi remanent, & pro quibus milites pugnant. Ideò religiosissimi Reges & Imperatores sibi Episcopos, ut sacrorum prælides, & castrensiùm Sacerdotum moderatores adesse voluerunt; Sacerdotes verò tanquam animarum curatores, qui Sacramenta militibus administrarent. Quam in rem, ut cætera prætermittantur, sistimus Concilium Germanicum, auctoritate Zachariæ Pontificis, per Legatum ejus D. Bonifacium Archiepiscopum, Ratisbonæ sub Carolomanno Majore Domûs, Caroli Martelli filio, & Caroli M. patruo xi. Kal. Maii, An. Christi dccxlii. habitum. Ita enim Can. ii. ejus Concilii perscribit: *Servis Dei per omnia armaturam portare vel pugnare, aut in exercitum & in hostem pergere, omnibus prohibuimus, nisi illis tantum, qui propter divinum mysterium, Missarum scilicet solemnia adimplenda, & Sanctorum patrocinia portanda ad hoc electi sunt: Id est unum vel duos Episcopos, cum Capellanis & Presbyteris eorum, Princeps secum habeat, & unusquisque Præfectus unum Presbyterum, qui hominibus peccata consistentibus judicare, & indicare penitentiam possit.* Concil. General. tom. 17. Othlonus in vita D. Bonifac. lib. 1. c. 41. & 42. Willibaldus cap. 10. Serarius lib. 3. not. 31. Benedictus Levita lib. 5. in præfat. Baron. ad An. dccxlii. Surius

rius in vita D. Bonifac. Nauclerus generat. 25. aliique de hoc celebri Episcoporum concilio.

Jam ante Hildigarium Coloniensem Episcopum, amiserat Moguntia Geroldum Episcopum suum in bello cæsum, uti ab Othlono relatum lib. 1. c. 41. Vastantibus quippe Thuringiam Saxonibus, Geroldum Moguntinum cum exercitu misit Carolomannus, quo in prælio cecidit Episcopus cum aliis. Id factum ut excuset Serarius, *soliti*, inquit, *fuere hi Principes etiam Episcopos ad bella, præsertim qua contra infideles gererentur, quasi sacra forent, ducere; sed modum, & commissum Episcopi munus prætergressus videtur Geroldus, qui miscendo se praliantibus, arma induit.* Ideo in Ratisbonensi Synodo hæc præscripta, confirmataque mox in Liptinensi Concilio. eò inter Canones illos relatum: *Interdicimus servis Dei, ne pompato habitu, vel sagis, vel armis utantur. Quæ & Bonifacius epist. 105. ad Cudbertum Archiepiscopum à se cæterisque Episcopis statuta fuisse perscribit.*

Post ubi res ad priorem libertatem rediit, multique Episcopi, deserto grege suo, castra denuo secuti sunt, questus ipse populus supplicem Carolo M. libellum porrexit, hisce verbis, quæ ex Capitulis Carolinis WORMATIÆ decretis recensentur: *Flexis omnes precamur poplitibus Majestatem vestram, ut Episcopi deinceps, sicut hætenus, non vexentur hostibus, sed quando vos nosque in hostem pergimus, ipsi propriis resideant in parochiis, Deoque fideliter famulari studeant, & eorum sacrosancta mysteria canonicè & Deo placitè peragere satagant, atque pro vobis ac cuncto exercitu vestro, unà cum omnibus sibi commissis orare viriliter, Missasque decantare, & Litanias atque eleemosynas facere decertent. Quosdam enim ex eis in hostibus & præliis vulneratos vidimus, & quosdam periisse cognovimus. Hæc vero valde periculosa, & oppidè sunt cavenda. Quæ idcirco suggerimus, ne pro talibus vos & nos simul pereamus.* Et quæ in hunc modum libellus supplex exponit, lib. 6. c. 285. Capitulorum, tom. xx. Concil. General.

Ad ea respondit Carolus, promptum se quidem esse justæ petitioni satisfacere, sed hæc priùs *ad proximum synodalem conventum ac generale placitum, ubi plures Episcopi & Comites convenerint, referenda*

renda esse. Igitur proximo Episcoporum & Comitum conventu hâc lege sancitum: *Carolus Dei gratiâ Rex, Regni Francorum rector, devotus sanctæ Ecclesiæ defensor, atque adjutor in omnibus; Apostolica sedis hortatus, omniumque fidelium nostrorum, ac maximè Episcoporum ac reliquorum Sacerdotum consultu, servus Dei per omnia omnibus armaturam portare, vel pugnare, aut in exercitum & in hostem pergere omnino prohibemus, nisi illis tantummodo, qui propter divinum ministerium, Missarum scilicet solemnia adimplenda, & Sanctorum patrocinia portanda, ad hoc electi sunt. Id est, unum vel duos Episcopos, cum capellanis presbyteris, Princeps secum habeat, & unusquisque Præfectus unum presbyterum, qui hominibus peccata confitentibus judicare, & indicare penitentiam possit.* lib. 7. Cap. Carolin. c. 91. tom. xx. Concil. General.

Ita verò Canon Ratisbonensis Concilii repetitus, & quod à Carolomanno patruo, id auctoritate quoque Caroli M. sancitum est. Sed non eo contentus Carolus M. aliâ post lege hæc multò dilucidius sanxit. Referam decreti verba. *Secundâ vice propter ampliorem observantiam, Apostolicâ auctoritate, & multorum sanctorum Episcoporum admonitione instructi, sanctorumque Canonum regulis edocti, consultu videlicet omnium Nobilium nostrorum nosmetipsos corrigentes, posterisque nostris exemplum dantes: volumus, ut nullus Sacerdos in hostem pergat, nisi duo vel tres tantum Episcopi, electione caterorum, propter benedictionem & prædicationem, & cum illis electi Sacerdotes, qui beneficiant populis penitentias dare, Missas celebrare, de infirmis curam habere, sacratique olei cum sacris precibus unctionem impendere, & hoc maximè providere, ne sine viatico quis de seculo recedat. Hi verò nec arma ferant, nec ad pugnam pergant, nec effusores sanguinum, vel agitadores fiant, sed tantum Sanctorum pignora, & sacra ministeria ferant, & orationibus pro viribus insistant, ut populus qui pugnare debet, auxiliante Domino, victor existat, & non sit Sacerdos sicut populus. Reliqui verò qui ad Ecclesias suas remanent, suos homines bene armatos nobiscum, aut cum quibus jusserimus, dirigant, & ipsi pro nobis, & cuncto exercitu nostro Missas, Litanias, oblationes, eleemosynas faciant, orantes Deum cæli, ut proficiamus in itinere quo pergitur, victoresque Deo adminiculante existamus. Gentes enim &*

N.

reges

reges earum, quæ Sacerdotes secum pugnare permiserunt, nec prævalebant in bello, nec victores extiterunt, quia non erat differentia inter laicos & Sacerdotes, quibus pugnare non est licitum. Hac enim Galliarum, Spaniarum, Longobardorum, nonnullasque alias gentes, & reges earum fecisse cognovimus, qui propter prædictum nefandissimum scelus, nec victores extiterunt, nec patrias retinuerunt. Quam foveam caventes, malumus cum paucis & licitis, Domino opem ferente, victores existere, quàm cum multis & illicitis serga, quod absit, vertere, & cum prædictis gentibus perire. Qualis enim victoria datur, ubi Sacerdotes unâ horâ Dominica pertractant Mystéria, & Christianis Dominicum porrigunt Corpus pro suarum animarum redemptione, & post Christianos, quibus hoc ministrare debuerant, aut paganos, quibus Christum prædicare, propriis sacrilegisque manibus necant? Ita Carolus M. religiosissimus Imperator, quemadmodum hæc inter ejus Capitula & decreta recensentur ab Andegiso l. 7. c. 103. & tom. xx. Concil. General.

Quâ præclarâ Caroli M. constitutione multa ad omnem posteritatem memoranda traduntur. Nam præter sollicitudinem, quam pro militibus suis gessit, ne quis miles inter bella neglectus, & Sacerdotum ope destitutus periret; tum vel maximè Episcoporum auctoritati consultum voluit, ne suo imperio Episcopum quempiam ad castra evocaret: sed quem libera inter ipsos electio, aut Metropolitani judicium ad id castrense munus admoveret. Dum verò cæteros Episcopos, qui domi ad Ecclesias remanent, hortatur Carolus, ut homines suos bene armatos submittant ad exercitum, satis opinor demonstrat, quæ tum etiam Episcoporum potentia fuerit. Nec modò Geroldus Moguntinus Episcopus, sed & cæteri suo milite, suoque ductu cum regio exercitu processerint ad bella adversus Paganos, quæ ob id sanioribus deinde legibus coërcita sint. At nihil in hac constitutione illustrius, quàm recognoscere, quam Carolus M. religionem coluerit. Reperias enim hâc tempestate, qui Carolum M. Catholicam cum Romano Pontifice religionem coluisse negant, quique id editis etiam hac super re libris per summam, nescio, infaniam, an impudentiam dicam, persuadere volunt.

volunt. Hic ego ut prætermittam, quam familiaritatem & conjunctionem religionis habuerit Carolus M. cum Hadriano Pontifice tot annis, quam cum Leone; quâ observantiâ Romanam sedem veneratus, ut ob id quater Romam profectus sit ad limina Apostolorum invisenda; quo cultu religionis Episcopatus Saxonix, collegia Sacerdotum, & cœnobia Monachorum instituerit dotarique, & quæ innumera sunt ejusmodi. In præfens ad hæc Caroli decreta illos revoco. Intelligent hic sacrificium Missæ prisco majorum ritu, Episcoporum venerationem, discrimen inter Episcopos & Presbyteros, Sacerdotum potestatem in judicando absolvendoque, pœnitentiam quæ confitentibus injungitur, sacri Olei unctionem, ne quis sine viatico hac exeat è vita, oblationes ad altare, Sacerdotalem benedictionem, Litanias, & in his Sanctorum invocationem, Divorum patrocinia ex cultu pignorum, quæ ob id in bello etiam circumferebant, Corpus Dominicum etiam sub una specie præbitum militibus. Antiqua hæc, ex quo Saxonia Christi religionem primùm à Carolo accepit, indè ad nos continuâ successionem Episcoporum, & perpetuitate religionis traducta; sed tam diversa & discrepantia à nova hujus sæculi doctrina, quàm heterodoxi à Catholicis, falsum à vero disjunguntur. Quantò nunc æquiùs ejusmodi scriptores, ac magistros novarum religionum, illo D. Hieronymi pronuntiato, ex epistola ad Pamachium & Oceanum, convenias. *Quisquis assertor es novorum dogmatum, quas te, ut parcas Romanis auribus, parcas fidei, quæ Apostolico ore laudata est. Cur post quadringentos annos docere nos niteris, quod antè nescivimus? Usque in hanc diem sine vestra illa doctrina Christianus mundus fuit.* Mille & sexcenti sunt anni, ex quo orbis Catholicus à Christo & Apostolis, octingenti sunt anni, ex quo Saxonia per Apostolicos viros, & Episcopos à Carolo M. introductos, hanc Catholicam fidem accepit. Igitur ut S. Hilarius lib. 6. de Trinit. *tardè hos Doctores atas nunc hujus sæculi protulit, serò hos habuit fides mea,* & omnium Majorum nostrorum.

7. FORTIS ET EXEMPLO CAROLUM.] Caroli M. paternis vestigiis inhærentis expeditionem ad confluentes


Wernæ & Visurgis, literis consignavit ad annum DCCCLXXXIV. Adelmus: *Rex autem congregato iterum exercitu in Saxoniam profectus est, celebratoque in castris natalis die Domini, supra Ambram fluvium in pago Huthagoë, juxta castrum Saxonum, quod dicitur Skidroburch, ad locum vocabulo Rum, quo Wisura & Waharna confluunt, populabundus accessit, &c.* Eadem ferè habent Annal. Francor. apud Reuberum. Et auctor vitæ Caroli M. apud Pithæum ait: *Inde abiens in Saxoniam, pervenit ad Rimia supra fluvium Wisora, ubi confluit Warana.* Annales Canisiani: *Tunc dominus Rex Carolus supradictum iter peragens, usque ad Rimee pervenit super fluvium Wiserah, ubi confluit Virharna.* Regino: *Pervenit super fluvium Wisaram, ubi confluit Waahna.* Poëta Anonymus:

— processit ad ostia Warne,

Quà fluit in Wisuram.

8. GENITORIS AVIQUE.] Superiorum Franciæ Regum bella cum Saxonibus gesta paulò antè attigimus, nunc de Caroli Martelli, & Pipini ejus filii expeditionibus breviter agamus. Et quidem Carolus Martellus Anno DCCXXI. Saxones vastavit. Annal. Fuldens. Et Anno DCCXXXVII. eosdem tributarios fecit. Annal. Pithæi. Anno autem DCCXLV. Carlmannus & Pippinus simul Saxonum perfidiam, vastatâ eorum regione, ulciscuntur. Annal. Fuld. Anno DCCXLIIX. Pippino per Thuringiam ingressò Saxoniam supra fluvium Obacra, in loco qui dicitur Horobeim, Saxones occurrunt, &c. Annal. Pithæi. Anno DCCLIII. Pipinus iterum Saxonum perfidiâ provocatus regiones eorum devastat. Annal. Fuld. Annales Franc. apud Reuberum, Aimoinus. Anno DCCLVIII. Pipinus Rex in Saxoniam, ibi & firmitates Saxonum per virtutem introivit, in loco, qui dicitur Sithma. (Regino Sitina vocat, hodie Sithen / in diocesi Monasteriensi Nobilium de Ketteler sedes, nuncupatur.) Annales Francorum apud Canisium. Et victis Saxonibus tributum imposuit, ut trecentos equos singulis annis sibi solverent. Annal. Franc. apud Pithæum & Reuberum, Aimoinus. Quemadmodum olim quingentas vaccas inferendales à Clothario seniore, Clodovei filio, Chilperici patre, regia mensa inferre jussi fuerant, quæ ideo inferendales dicebantur, quòd singulis inferrentur annis. Aimoinus l. 4. c. 26. Fredegarius Scholasticus c. 74.

9. QUAM QUOD RHEMORUM.] Henricus de Hervordia lib. 2. c. 69. affirmat *Rema* à Carolo M. templum esse conditum, locoque nomen inditum à *Rhemis*, urbe Archiepiscopali in Galliis, quod Meibomius facile se credere ait: fuisse enim familiare Carolo M. peregrina nomina nostris locis inferre. Sed ego potius à superioribus Francorum Regibus ad Visurgim beligerantibus, quàm à Carolo M. *Rema* hoc nomen impositum crediderim; cum satis sit cognitum, jam ante Carolum M. *Rema* nomen ad confluentes Wernæ & Visurgis extitisse. Hæc de *Rema*; quæ licet ad Paderbornenses propriè non pertineat, quia tamen Diocesis nostræ fines proximè contingit, & Mindensis Ecclesia pristinx dignitatis statum, fatali rerum hoc sæculo conversione, jam amisit, jure vicinitatis eam nobis, quoad fas est, vendicamus.



E R E S B U R G U M

A D D I M O L A M.

M E M O R I Æ . S A C R U M

HOSPES. ERESBURGI. PRÆRUPTAM. CONSPICIS. URBEM.
 ANTIQUA. CELEBREM. RELIGIONE. LOCUM
 MARTIS. IBI. QUONDAM. SIMULACRO. NOBILE. FANUM.
 SAXONIÆ. COLUMEN. PRÆSIDIIUMQUE. FUIT
 QUOD. LEO. VASTATUM. CAROLI. VICTRICIBUS. ARMIS
 SACRAVIT. VERO. RESTITUITQUE. DEO
 MANSIT. ET. HOC. NOSTRÆ. GENTI. DUM. BARBARUS. HOSTIS
 AUGUSTUM. NOSTRO. TEMPORE. VERTIT. OPUS
 NONNE. GIGANTEOS. MERUIT. RENOVARE. TRIUMPHOS
 QUÆ. MANUS. IN. SUPEROS. HOC. FUIT. AUSA. NEFAS.

F E R D I N A N D U S . D E I . E T
 A P O S T O L I C Æ . S E D I S . G R A T I A . E P I S C O -
 P U S . P A D E R B O R N E N S I S . C O A D J U T O R
 M O N A S T E R I E N S I S . S . R . I . P R I N C E P S .
 C O M E S . P Y R M O N T A N U S . E T . L I B E R . B A -
 R O . D E . F U R S T E N B E R G

E R E S B U R G I . I N . D I O E C E S I . P A D E R B O R N E N S I
 F I R M I S S I M I . O L I M . S A X O N U M . P R O P U G N A C U L I
 N E C . M A G I S . F R A N C O R U M . A R M I S . E T . I R M I N S U -
 L Æ . E X C I D I O . Q U A M . E J U S . L O C O . A . C A R O L O . M
 E X S T R U C T I . A . L E O N E . I I I . P . M . D E D I C A T I . B E L L O
 A U T E M . S U E C I C O . F U N D I T U S . E V E R S I . T E M P L I
 R E L I G I O N E . C E L E B R I S . M E M O R I Æ

M . H . P

N O .





P. 102.
*Fresburgum, hodie Mons Martis
 seu Stadtberg.*





N O T Æ.

1. **E**RESBURGUM.] Celeberrimus in Francica & Saxonica historia locus, quem Leo III. Pontifex in diplom. dato in *Eresburg*, Astronom. de rebus à Carol. M. gestis apud Reuberum, Annal. Canisiani, Annal. Francici, & vita Carol. M. à Pithæo edita, Ado Viennens. Ægil in vita S. Sturmionis, Urspergensis, Poëta Anonym. Crantzius, Aimoinus, *Eresburg*, *Eresburgum*, *Heresburg*, *Eresberg*, *Heresberg*; alii *Mersenburg*, *Mersberg*, *Marsburg*, *Montem Martis*, nominant, & docto commentario Meibomius in *Irminsula Saxonica* illustravit. Etymon nominis quoad posteriorem partem clarum & obvium, prioris obscurum & dubium. Gobelinus Persona natum vult à religione, quod illuc è tota gente Saxonica quotidie sacrificandi, oracula petendi, votique solvendi causâ multi confluerent, ut idem sit *ERESBERG*, quod mons venerationis. Idem tamen aliam adfert notionem, ac dictum putat ab Hera, quæ Græcis *Ἥρα*, Latinè Juno, priscis Saxonibus culta. Scribit de Germanis Tacit. de morib. German. in commune *Herthum*, id est terram matrem, colunt. Hinc credi potest Heram eandem esse cum Hertho, & nomen dedisse. Meibom. de Irminsul. c. 5. & in notis, Althamer. ad Tacit. de morib. Germ. Justus Winkelmannus *Hiresburgum*, hoc est, *Sacrum burgum* dictum putat: nam priscis Saxonibus *Hire* idem esse, quod sacrum dicunt, quod probat ex antiquis rhythmis Saxonice.

2. **AD DIMOLAM.**] Nulla aut levis dubitandi causa, utrum *Eresburgum* sit in veteri Saxoniam, an ad Salam Thuringiæ fluvium, ubi Episcopalis civitas Mersburgum; de hoc enim minime intelligi possunt, quæ in historia Francica de *Eresburgo* memorantur. An. 772. *Carolus Saxoniam bello aggressus Eresburgum castrum cepit*. Annal. Franc. vita Carol. M. apud Pithæum, Astronom. Urspergen. Regin. quod (An. 775. Poëta Anonym. alii An. 774.) iterum Saxones per mala ingenia & iniqua placita capientes, *Francos expulerunt, & castrum destruxerunt*. Vita Carol. M. apud Pi-


Pithæum p. 23. An. 775. *Carolus Saxonum perfidiam ultius Eresburgum readificat.* Annal. Franc. editi à Pithæo; Astronomus, vita Carol. M. Regin. An. 776. *Cui (Carolo) viæ Alpes transgresso occurrerunt, qui nunciarunt Eresburgum arcem à Saxonibus expugnatam, & præsidium Francicum, quod in eo posuerat, expulsam.* Astronom. apud Reuber. Annales Francici incerti auct. apud Pithæum. *Tunc Rex cum Francis restauravit Heresburgk castrum.* Regin. ad An. 776. Astronom. l. c. An. 780. *Transiensque per arcem Eresburgum ad fontem Lippia venit.* Astronom. apud Reuber. *Carolus Saxoniam ingressus ad Heresburgk venit, & inde ad locum ubi Lippa consurgit.* Regino in Chron. An. 784. *Cumque cum ulterius progredi tam hyemalis temporis asperitas, quam aquarum inundatio prohiberet, Eresburgum arcem in hyberna concessit.* Astron. apud Reub. An. 785. *Rex Carolus in Heresburg super hyemem residebat, & Saxones in pace conquiescunt.* Fragment. Annal. Francic. p. 88.

Nusquam deinde Leonem Papam ad Salam Thuringicum penetrasse scribitur, qui tamen, ut suo loco ostendetur, Paderbornam ad Carolum venit, atque Ecclesiam *Eresburgi* consecrav. In hac Ecclesia, teste Widekindo & Gobelino, cæsus Dancmarus, cum quo Otto M. non in Thuringia, sed Westphalia bellum gessit. Fuit igitur *Eresburgum* in Saxonia veteri seu Westphalia, non tamen ad ripam *Visurgis*, ut Ado Viennensis autumat; neque ad fontem vel fluvium *Lippia*, ut Ernestus Brotufius hist. Anhal. l. 1. c. 14. Marcus Wagner. in vita Carol. M. & Joannes Lampadius in mellificio hist. opinantur; nec etiam ad *Ruram* fluvium, ut Letznerus in hist. Caroli M. c. 21. adfirmat; nec ad arcem *Driburgum* diœcesis Paderborn. ut vult Tilemannus Frisius in speculo de monetis l. 3. c. 1. & 8. Nec ad *Ambram* seu *Emmeram* haud procul Ludâ oppido; id quod Piderit. in Chron. Lippiensi sentit: Sed ad *Dimolam*, qui magnam diœcesis Paderborn. partem emensus, haud procul *Heristallo Saxonica* in *Visurgim* effunditur; ubi etiamnum superest Præpositura à Ludovico Pio Monasterio Corbeiensi donata. *Domnus Ludovicus Imperator Augustus Caroli M. filius tradidit Monasterio (Corbeiensi) locum Huxeri cum omnibus suis: Eresburg & Meppiam Abbatias, & cetera pradia.*

in Aquilone. *Juditha Imperatrix hac à viro suo obtinuit.* Chronicon Corbeienſe editum à Meibomio. Henricus de Hervordia citatus ab eodem ex Ordinario Corbeienſi. Diutiſſimè præterea vetus nomen *Eresberg & Heresberg* conſervatum, uti ex his literis Wiboldi Abbatis Corbeienſis anno milleſimo centeſimo quinquageſimo ſecundo, & Conſulum ac populi oppidi Eresbergenſis anno milleſimo ducenteſimo vigelimo nono, datis apparet. *In nomine Domini noſtri JESU Chriſti. WIBOLDUS Dei gratia Corbegenſis eccleſia Abbas omnibus præſentibus & futuris in perpetuum. Quoniam res geſtas literarum monumentis tradere tam ad præſentium memoriam quam ad futurorum notitiam cautiſſimum eſt. idcirco & nos præſentibus ac poſteris per hos apices inſinuamus. qualiter Venerabilis Epiſcopus Paderbornenſis Bernhardus ex noſtro & Corbegenſis Capituli conſenſu. emit à fratre noſtro Reinhero Præpoſito & cæteris fratribus noſtris de monte ERESBERGH VIII. talentis denariorum domum quandam & aream in villa nomine Frenkenhuſen. & XL. jugera dimenſa terra ad eandem domum pertinentis. Cujus poſſeſſionis empta à prædicto Venerabili Epiſcopo legitimam per hæc ſcripta emancipationem facientes. ei quod factum eſt ſcripto atteſtamur. & ad perpetuam firmitatem ſigillo noſtro hæc ſcripturam munimus. Data Corbeia anno Dominice Incarnationis MCLII. indiſtione prima. XVI. Kalend. Octob. publicè in capitulo Corbeia. ſub teſtimonio Henrici Prioris. Adelberti Præpoſiti. Conradi Cellerarii. & reliquorum fratrum tam majorum quam minorum. Coſſ. & populi Eresbergenſis tabulæ ſunt hujusmodi. Nos Conſules & univerſitas Montis qui dicitur Heresberg univerſis præſentem paginam inſpecturis præſentium tenore ſignificandum duximus. quod cum nos à villa Horehuſen ad montem qui dicitur Heresberg Paderbornenſis Diæceſis noſtra domicilia tranſſuſſeſſemus. ac montem muniētes eundem ab obedientia Eccleſia Paderburnenſis. quæ eidem in ſpiritualibus eramus ſubjecti. inobedienter reſceſſeſſemus. tandem cum eadem Eccleſia convenientes. inter ipſam & noſtram univerſitatem talis ordinatio intervenit. quod nos errorem noſtrum recognoſcentes. & ad obedientiam matris noſtræ Eccleſia videlicet Paderburnenſis redeuntes. debitum in ſpiritualibus ad ipſam habebimus reſpectum. & Clericum quem Epiſcopus Paderburnenſis.*

nensis. apud nos Ecclesia constructa sive construenda. & à nostra universitate dotanda. prefecerit. quemque Archidiaconus loci. dono altaris investiverit. tanquam nostrum plebanum modo ad presens recipiemus reverenter. remanente nihilominus apud nos post mortem ejusdem plebani. alium nobis eligendi plebanum libertate. dummodo electus à nobis Archidiacono. ad recipiendum donum altaris & curam animarum presentetur. ipsamque Ecclesiam nostram Dominus Episcopus parrochiam faciendo. & sepulturam ibidem indulgendo. tempore opportuno consecrabit. Præterea Archidiaconum de Capitulo majoris Ecclesie Paderburnensis. qui synodo Horehusen præsidere consuevit. in monte & præfata Ecclesia synodo presidentem tanquam nostrum Archidiaconum cum omni jure quod ipse Archidiaconus antequam nos ad montem transferremus in Capella S. Dyonisi Horehusen habuit. & adhuc circa universam plebem ejusdem Archidiaconatus habere dinoscitur. admisimus. duobus tamen articulis non de jure sed de benignitate & gratia Archidiaconi & Ecclesie. exceptis. quod nec denarios vel obulos synodales persolvemus. & quod homines inter nos servilis conditionis. à scabinis accusari. non in ferro candenti. sicut alias consuetum est. sed manu duodecimâ suam expurgationem præstabunt. Ne autem hac præscripta ordinatio. tam ab Ecclesia Paderburnensi. quam à nostra universitate valeat in posterum revocari. vel aliquid in ipsa immutari. presentem cartam sigilli nostra universitatis appensione. ac testium annotatione roboratam. quam cartam etiam sub eodem tenore. Domini Episcopi & Capituli sigillorum impressione munitam. ab ipsa Ecclesia accepimus. ad exhibendum pro & contra nos si necesse fuerit. Ecclesia dedimus eisdem. Acta sunt hæc Anno Dominice incarnationis M. CC. XXIX. VII. Kalend. Septembris. Testes hujus rei sunt. Herman de Vesperthe. Johan de Eleren. Tetmar de Durslo. Johan de sancto Magno. Johan de Westhem. plebani. Milites vero. Andreas de Durslo. Olicus de Westhem. Alradus. Henric de Brocbike. Stephanus. fratres de Dalhem. Tideric de Estlen. Bodo. Henric & Johan de Schnevethe. Consules vero Vollant. Alrat. Herman. Conrat. Monetarii. Tideric de Gesnaria. Tideric de Velrebergh. Ludolff de Capella. Henric Westval. Henric de Dune. Regenhart de Hoburgehusen. Regenhart

hart de Hattepe. Johan de Fabrica. & tota universitas montis ejusdem.



Proximo tamen superiori anno Eresburgum etiam Montem Martis appellatum esse testatur hoc diploma. Henricus Dei gratia Romanorum Rex & semper Augustus. Universis Imperii fidelibus quibus presens scriptum exhibitum fuerit gratiam suam & omne bonum. Ad notitiam universorum volumus pervenire. Nos mandatum Domini Imperatoris patris nostri recepisse. quod nequaquam ratam habere vellet Warandiam. quam in solenni curia nostra apud Herbipolim fecisse dinoscimur de MONTE MARTIS Archiepiscopus Colonienfis in Abbatis dilecti Principis nostri prejudicium Corbeiensis. Et quod eundem Abbatem in possessionem dicti montis remitteremus. eidem plenam Warandiam praestando praedictus Dominus noster Imperator nobis firmiter injunxit. Nos verò mandatum Domini Imperatoris patris nostri conservare & implere in omnibus cupientes. auctoritate praesentium in possessionem ejusdem montis dictum Principem nostrum Abbatem Corbaisensem mittimus cum omni jure. nullam jurisdictionem in ejusdem montis possessione recognoscantes Archiepiscopo Colonienfi. Mandamus itaque per gratiam nostram firmiter praecipientes. quatenus nullus ausu ductus temerario. memoratum Abbatem in possessione praedicti montis impedire vel molestare praesumat. quod qui fecerit gravem indignationem nostrae celsitudinis se noverit incursum. Testes hi sunt. Henricus Venerabilis Eistetensis Episcopus. Henricus illustris Dux Bavariae. Comes H. de Dilingen. F. de Drühendingen. E. Dapifer de Walpruc. C. Pincerna de Winterstede. & alii quàm plures. Datum apud Ulmam. Anno Domini M. CC. XXVIII. indict. prima.

Postea verò Eresburgi nomen prorsus obsolevit: nam litteris anno 1247. conscriptis, Mons Martis, & deinceps perpetuò appellatur. HERMANNUS Dei gratia Abbas. Strigerus Praepositus. Albertus Prior. totusque conventus Corbogensis Ecclesiae nec non Themo

*Præpositus Montis Martis & fratres sui ejusdem montis. Universis Christi
 fidelibus hanc paginam inspecturis salutem in Domino. Super dissensione
 mota inter Dominum Simonem Electum & Capitulum Paderburnense ex
 parte una. & nos ex parte altera super parochia. Archidiaconatu. & ju-
 risdictione Dioecisani ordinaria MONTIS MARTIS. quam Domi-
 nus Paderburnensis & Ecclesia sua petebat ratione juris communis. & nos
 privilegiis & præscriptione defendebamus. Magistro Ottone Decano Bre-
 mensi. Magistro Thetmaro Canonico Monasteriensi. Heinricho Decano &
 Hermanno Scholastico nova Ecclesia mediantibus talis compositio interve-
 nit. quod tenore præsentium publice & solemniter confitemur. quod vene-
 rabili Domino Simoni Electo & Capitulo Paderburnensi ordinariam ju-
 risdictionem & jura spiritualia Dioecisano & sue Ecclesia de jure commu-
 ni debita in Monte Martis secundum formam recognoscimus infra scri-
 ptam. Consistentes & eligentes quod Volradus Canonicus Paderburnensis
 Archidiaconus in Horehusen & sui successores qui pro tempore fuerint ha-
 bitatoribus Montis ejusdem sive in Monte in Capella B. Nycholai. sive in
 Horehusen in Ecclesia B. Dionysii prout ipsis placuerit synodo præsideant.
 Et quia Præpositus & fratres prædicti montis ad Abbatem tantum & Con-
 ventum Corbegensem in spiritualibus & temporalibus respectum habere
 debent. ipsi tam ab Episcoporum quam Archidiaconorum Paderburnen-
 sium juribus sunt exempti. Consensus est etiam inter Paderburnensem &
 Corbegensem Ecclesias quod illi tantum sunt excepti à frequentatione sy-
 nodi & à juribus synodalibus qui infra ambitum Claustri cum Præposito &
 fratribus habitant & in emunitate existentes eorum servitiis sunt specia-
 liter deputati. Præterea Præpositus ejusdem loci nomine Abbatis & Con-
 ventus Corbegensis denarios synodales. tantum de habitatoribus Montis
 colliget annuatim. Archidiacono contra eosdem habitatores si necesse fue-
 rit in hoc per censuram ecclesiasticam adjuvante. de quibus synodalibus
 denariis Præpositus idem sex solidos graves Archidiacono statim dum colle-
 cti fuerint annis singulis sine qualibet difficultate persolvet. Themo etiam
 nunc Præpositus qui parochia præest in eodem Monte à Domino Volrado
 Archidiacono curam animarum & donum altaris recepit & obedientiam
 Archidiacono debitam repromisit. & deinceps Præpositi Montis Martis vel
 alii qui ab Abbate Corbegensi Archidiacono in Horehusen Canonico Pader-
 burnensi fuerint præsentati ad eandem parochiam donum altaris & cu-
 ram*

ram animarum perpetuo recipient in futurum. & Præpositi vel alii qui parochiam eandem habuerint ratione ejusdem parochia in Ecclesia Paderburnensi Episcopales synodos frequentabunt. Quod autem ea quæ præscripta sunt Ecclesia Paderburnensi perpetuo servabimus. Nos & Ecclesiam Corbeensem Paderburnensi Ecclesia sub pœna quingentarum marcarum hiis literis obligamus. Acta & completa sunt hæc in Ecclesia Corbeensi Anno Domini M. CC. XLVII. in crastino natiuitatis B. Mariæ Virginis.

L. S.

L. S.

3. HOSPES ERESBURGI PRÆRUPTAM CONSPICIS URBEM.] Eresburgum præcelso lateque conspicuo monti impositum Widekindus & Ditmarus urbem, civitatem Auctor vitæ Caroli M. Annales Franc. vitæ Caroli M. apud Pith. Astronom. apud Reuberum, Ado Viennensis, & complures alii *castrum*; Ægil in vitæ S. Sturmionis *castellum*; alii *arzem* appellarunt. Castri veteris aut nulla aut exigua vestigia supersunt. Urbs paulo ante An. 1247. instaurata videtur, domicilium ex villa *Horhusen* in montem *Heresberg* translatis, monteque munito, ut ex diplom. cit. liquet. Complectebatur, ut Meibom. scribit, 500. domicilia non inelegantia, ciuesque ob commercia opulentos: sed numerum ædium fortunæque civium multum imminuit proximum bellum, quo An. 1646. 25. Maii oppidum à Suecis expugnatum, direptum, & munitionibus nudatum. Superiorum verò sæculorum calamitates, quæ post Caroli M. devastationem Eresburgo acciderunt, vetus nobis ms. fragmentum membranæ Corbeiensis his verbis repræsentat ad annum Christi M C X L V. Tercio destructa est urbs Eresburg. Primò per Karolum M. qui undecimo anno obsidionis fraude cepit & devastavit. Secundo per Fridericum Principem Arnesburgensem precatu Erkenberti Abbatis. Tercio per Volcwinnum virum præpositum Sualenbergensem. Nam Werra inter ipsum & dominum Heinricum filia Friderici præmissi filium de Arnesberg oborta.

quem & incola montis Eresburg ad contuendos se cum urbe adtraxerant. & ipse fortes viros dominos videlicet Scardenbergenses & Casebergenses inibi collocare decreverat ad humiliandum ipsum Volcwinum. qui & ei videbantur inimicari. ad condiētam ergo diem quando convenire in monte debebant. ut unusquisque suam turrim altam & firmam inibi construeret. D. Henricus Abbas qui & urbem reedificaverat. & D. Volcwinus animotenus retractantes jacturam ditioni suae & circumjacentibus latè bonis suis de his eventuram. diem praevenierunt. montem ascenderunt. quid factū opus foret cum non reperirent. totā die illā consultantes ut sine populi damno inhabitantis fieri ullatenus posset. in crastinum distulerunt. Cumque sol subsequētis diei aurora indicio se prōdidisset. inconsulto & inscio abbate. adhuc etiam & dormitante. per milites D. Volcwini nutu ipsius circumquaque urbs succenditur & consumitur.

4. ANTIQUA CELEBREM RELIGIONE LOCUM.] Erat namque Eresburgi fanum nobile, siue, ut Meibom. scribit, religione augustum, magnitudine ingens, structurā operosum, splendore magnificum, divitiis inclytum, atque in hoc delubro vastissimum idolum totius Saxoniae, numen gentis tutelare & commune. Solebant antiqui Saxones, & cumprimis militares homines certis iisdemque solemnibus & festis diebus armis induti, atque etiam cataphracti, gladiisque accincti, dextrā verò celsus ferreos vibrantes, alternis circa idolum patrium obequitare, interdum in genua procumbere, opemque presentem & in bello secundam fortunam efflagitare. Huc quoque frequens populus ibat & vota reddebat. Multa ibi opulenta regum populorumque viscebantur munera, ingens auri argētiue ostendebatur copia. Avent. l. 4. Annal. Boicorum.

5. MARTIS IBI QUONDAM SIMULACRO.] Non uno eodemque modo ab antiquis Francicarum Germanicarumque rerum scriptoribus nomen hujus simulacri, seu idoli enunciat. Annales Francici, Fuldenses, Adelmus, habent *Irminful*: Hos sequuntur Ditmarus Mersburgensis, Schaffnaburgensis, Hermannus Contractus, Urspergensis; modicè variant Adam. Brem. qui *Irminful*, Albert. Stad. qui *Erminful*, auctor vitæ Carol. M. qui *Ermenful*, & Annal. Canisii *Ermenfil*, scribunt: alii aspirationem adjungunt, in quibus Regino, *Hermanfsaul*, Ro-

Roleving. *Hermesful*. Sigebertus, Auctor lib. Ms. de Caroli M. Canonizat. & Chron. Belg. mag. *Hermensul*, Ado Viennens. *Adurmensul* appellant, Chronicon Saxonicum *Armensul*. Quia ex duabus dictionibus compositum, de utraque controvertitur, an posterior cippum, seu columnam, an verò aulam significet; præcipuè verò de posteriore dissentiunt. Nonnulli, ut Crantzius in Saxonia, *Irmensul* interpretantur statuam publicam. Coniici permittitur dictam *Idermansful* quasi commune profugium & asylum omnium. Favet huic etymo Adam. Brem. qui patriâ linguâ idem esse vult, quod Latinis *universalis columna*, quasi *universa statuens*; Gobelin. statuam *Mercurii* fuisse opinatur; Aventin. *Herminioni* sacram fuisse contendit; Plurimi memorix *Harminii Cheruscorum ducis* dicatam existimant; Gorop. Becan. *hieroglyphicam* esse affirmat. Verùm magis credibile est, sicut Teneteri & Ulipetes apud Tacit. lib. 4. hist. *Martem* præcipuum suorum deorum vocant, ita Saxones gentem bellicosam *Martem* in eo coluisse: nam ut Widekind. lib. 1. (quem sequuntur Rolevingius & Theodoricus Niemius) *Secundum errorem patrum sacra sua propriâ veneratione venerati sunt, nomine Martem effigie columnarum innitentes.* Chron. Saxon. vetus: *Hac erat forma idoli Martis Marsburgi, quod Carolus M. destruxit in Westphalia.* Marti præterea similior quàm Mercurio imago à Crantzio descripta. *Erat armati toto corpore effigies, cuius in dextra signum militare (nostri vexillum vocant) præferens rosam: cuius breve momentum & facilis ortus & interitus, ita eventus præliorum. In sinistra libram expandit, dubiam pugnantium sortem facile huc illuc inclinantem; pectus inermis ursum præferebat, interritum bellatorum animum insinuans. In clypeo leo, qui bestiis imperitat, invictum ad fortia facta animum monstrat: floribus consito campo, in quo stabat, quod nihil jucundius solet videri fortibus, quàm in acie virtutem ostendere.*

6. NOBILE FANUM.] Adamus Brem. Ursperg. Rhenanus, Huldricus Mutius, tradere videntur Irmensulam sub dio in aperto campo stetisse; at fani seu templi meminit vita Caroli M. apud Pithæum: *pervenitque usque ad Ermensul, & ipsum fanum destruxit, & aurum & argentum, quod ibi reperit, abstulit.* Regino

gino totidem verbis ex vita Caroli M. Henricus de Hervordia ad annum Constantini Imp. 31. apud Meibomium in Irminfula Saxonica cap. 7. De Eresburgensis fani & Irminfulæ sacerdotibus & sacrorum ritibus, Letzner. in Chron. Corbeienf. & ex eo Meibom. c. 4. Irminfulæ. Quibus illustrandis magnopere servit memorabilis, si quidem vera, historia, quam narrat Nicolaus Caufinus in fine lib. Aulæ Sanctæ, ubi citat Chronic. Saxon. & Relationes Schaumburgii, Evodii, & Albini.

7. VASTATUM CAROLI VICTRICIBUS ARMIS.] Annal. Franc. apud Pithæum: *Carolus Saxoniam ingressus, Eresburgum cepit, & idolum Saxonum, quod vocabatur Irminful, destruxit.* Ursperg. Regin. Quo tempore Irminfulam, ejusque fanum Eresburgi Carolus destruxit; res mira contigit, ab Astron. auctore Annal. Franc. Ursperg. Reginone aliisque scriptoribus magno consensu prodita. *Fuit siccitas magna, ita ut aqua deficeret in supra dicto loco, ubi Ermenful stabat. Et dum vellet ibi tres dies stare gloriosus Rex ad destruendum fanum ipsum, & valde homines & jumenta sitirent, subitâ Christi gratiâ, mediâ die cuncto exercitu quiescente, apparuit eis torrens ebulliens salubres aquas, & cunctus exercitus & jumenta eorum sufficienter recreati sunt, & tam diu ebullit aqua viva, donec fanum destructum est.* Sed quæ ad Dimolam amnem esse potuit aquæ penuria? an victorem Francum Saxones hostes aquatione prohibuere? certè exercitui sitiienti vix magis defuit, quàm ingenio sedem Eresburgi ad Dimolam, nedum ad Luppiam aut Visurgim propugnanti, aqua hic hæret. Majorum quidem habet traditio, quam incolæ referunt, Dimolæ aquas veneno à Saxonibus infectas, & Carolum cum preces ad Deum fudisset, ejus equum in montis declivi descensu, quadrante circiter horæ ab Eresburgo, ungulâ fontem elicuisse, cui hodie dum *Regii fontis* sit nomen, & aqua perennis. Sed vereor ne equi fontem aperientis ungula Pegasi magis fabulam sapere, quàm historiæ veritati consentire videatur. Non satis autem pietati Caroli fuit impium Irminfula fanum evertere: nam in eodem loco Christianum mox templum condidit, de quo Auctor vitæ Caroli M. ms. lib. 1. cap. 14. *Apud Eresburgum*

civitatem Saxonia, quam propter inhabitantium perfidiam, & indomabilem contumaciam deleverat, sed tamen post casum in majori splendore zelopietatis restruxerat. Post everisionem idoli, HERMENSUL, id est, STATUA HERMETIS, ab incolis vocati, basilicam imperialis munificentia & celsitudinis construxit: ut quem locum cultura demonum sordidaverat, Christiane religionis veneratio emundaret. Hanc Basilicam ipsum Leonis III. Pontif. & Ludovici Pii Imp. & Lotharii ejus filii diploma, quo Corbeienfi Monasterio donatur, Capellam vocat, quod est hujusmodi.

IN nomine Domini Dei & Salvatoris nostri JESU Christi. HLUDOVVICUS & HLOTHARIUS divina ordinante providentia Impp. Augusti. Omnibus fidelibus sancta Dei Ecclesia & nostris, presentibus scilicet & futuris notum sit. quia nos pro divini cultus amore & animæ nostræ remedio. quoddam Monasterium quod nova Corbeia vocatur in honorem B. Stephani Protomartyris infra Saxoniam supra fluvium Wisera. in loco qui dicitur Huxori construi jussimus. quod & viro Venerabili Adelhardo construendum regendumque commisimus qui erat Abbas in altero antiquiori monasterio quod aequè Corbeia vocatur. à quo & novum supraddictum monasterium nomen constat esse sortitum. Itaque nos divina inspiratione compuncti & celestis patriæ amore succensi. ob animæ nostræ salutem concessimus eidem monasterio Capellam. quam dudum Dominus & genitor noster KAROLUS Imperator in Castello quod dicitur HERESBURG construi jussit. cum omnibus rebus ac mancipiis ac decimis ad eam pertinentibus. quantumcumque Dominus & genitor noster eidem Capella pia devotione contulisse dinoscitur. cum omni integritate prædicto monasterio ad subsidia monachorum ibidem Deo famulantium per hanc nostræ auctoritatis donationem à die præsentis perpetuo habendum atque possidendum concessimus. & in ditionem ejus transtulimus. eo videlicet modo. ut quicquid ab hodierno die de prædicta capella vel de his quæ ad eam pertinent. Rectores & Ministri supra memorati monasterii. vel fratrum in eo degentium voluerint. absque ullius injusta contradictione ordinent atque disponant. & faciant quicquid utilitatibus prædicti monasterii congruere & convenire perspexerint. Et ut hæc auctoritas largitionis nostræ per futura tempora inviolabilem atque inconversam obtineat firmitatem. & à fidelibus nostris tam presentibus quam futuris seu etiam

successoribus nostris verius certiusque credatur. eam manibus propriis subter signavimus. & anuli nostri impressione signari iussimus.

Signum HLUTHOVVICI

Serenissimi Imperatoris.

Signum HLOTHARII

gloriosissimi Augusti.

Durandus Diaconus ad vicem Fridagisi recognovit. Data XII. Kal. Julii. Anno Christo propitio XIII. imperii Domni HLUDOVVICI piissimi Augusti. Indict. IV. Actum Ingilinheim palatio regio. in Dei nomine feliciter. Amen. Hanc Majorum suorum munificentiam insigni diplomate auxit Ludovicus Germanix Rex. anno 900. quod subjungimus.

IN nomine sanctæ & individue Trinitatis. HLUDOVVICUS divina gratia Rex. Si petitiones nostrorum fidelium quas pro utilitatibus Ecclesiarum Dei nobis suggererint ad effectum perducimus. ad aterna retributionis augmentum id nobis profuturum liquido credimus. Unde noverit omnium fidelium nostrorum presentium & futurorum industria. qualiter per interventum Venerabilis ac dilecti Comitis nostri Cuonradi. monasterium quoddam nova Corbeia nominatum cui praeest fidelis noster Bavo Abbas. in nostram tuitionem ac munde burdium suscepimus. & omnes concessionem seu donationes antecessorum nostrorum eidem Canobio collatas. nostra auctoritate firmamus atque corroboramus. Videlicet ut & immunitatem habeant ab omnibus publicis exactionibus & iudicialis potestatibus homines ejusdem Ecclesie liti & coloni. & Rectores ipsius monasterii in expeditionem cum suis hominibus ire non cogantur. sicut à nostris progenitoribus olim eis concessum fuisse constat. Sed & hoc pro nostra mercedis augmento ad eorum utilitates addere decrevimus. ut infra ipsam Abbatiam. in villa Horohusun nuncupata publicum eis liceat habere mercatum & monetam. & ibi potestatem habeant accipiendi teloneum. quod ipsorum Advocatus nostro exigat. banno ab his qui illuc causa emendi veniunt. intra marcam memoratae ville & montis ERESBURG nuncupati. Præterea quod ab exordio constructionis ejusdem monasterii à nostris antecessoribus concessum. in eorum praeceptis cognoscitur. Nos quoque iterum confirmamus. ut licentiam habeant fratres illius loci eligendi inter se Abbatem dum ita res postulat. quamdiu ad hoc idoneam inter se personam potuerint invenire. Et ut hoc nostrae auctoritatis praeceptum plenior in Dei nomine obtineat firmitatem.

manu

manu propria affirmavimus. & anuli nostri impressione signari iussimus.

Signum Domni HLUDOVVICI.

Serenissimi Regis.

Ernustus Cancellarius ad vicem Theotmari Archicappellani recognovit. Data IIII. iduum Octobrium die. Anno Incarnationis Domini DCCCC. Indictione III. Anno Domni HLudovvici I. actum Triburias. in Dei nomine feliciter. Amen.

8. SACRAVIT VERO RESTITUITQUE DEO.] Hujus consecrationis seu dedicationis luculentum testimonium perhibet diploma seu privilegium Leonis III. Pont. Max. Eresburgi datum, quod extat apud Henricum de Hervordia, Bernardum Wittium, Gerhardum Cleinsorgium, Card. Baronium tom. IX. ad annum 799. & in tom. XVII. Concil. General. Parisiis edit. pag. 226. Nos exemplum hujus diplomatis, quod Wittius protulit, & in Eresberg ait haberi, utpote antiquius emendatiusque sequimur, licet in illo signatus dies IX. Kal. Jan. uti in Baronio VII. Kal. Jan. suspectæ nonnullis fidei, ejusque loco IX. aut VI. Kal. Jun. vel Jul. ponendus esse videatur; si modò verum est, quod Anastasius Bibliothecarius narrat, Leonem è Saxonia nostra redeuntem à Romanis ad Pontem Milvium in vigiliis B. Andrea Apostoli fuisse susceptum. Quod utique anno 799. factum esse oportet, cum idem Pontifex Carolum anno proximè censecuto Romam venientem, jam ante festum D. Andrea diem, hoc est, VII. Kal. Decemb. magnificè exceperit, atque ipso Christi Natali in Basilica B. Petri Apostoli Imperatorem coronavit, ut omnes hist. Franc. scriptores consentiunt. Diploma Leonis III. est hujusmodi.

LEO servus servorum Dei. KAROLO M. Francorum Regi. Pax tue intentioni per omnia congaudentes. quod jubes annuere non tardamus. Igitur hunc montem ERESBURG quem expugnatum cum tota Saxonia Deo obtulisti. & per nos B. Petro consecrasti. liberum ab omni humana potestate esse. & fratrum ibidem ad Christi servitium adunatorum ditioni tantummodo parère censemus. Qui ne aliquid in hoc impediementi patiantur. neve regni vestri invasoribus aliqua rebellandi fiducia præparetur. Sub anathemate B. Petri auctoritate interdicimus. ne quis

*unquam bellica in ipso monte praesidia collocare. aut per te collata praedia:
 aut decimas circa montem per duas Saxonicas ristas quas illuc delegasti
 audeat diripere. Hac conservantibus sit pax à Deo Patre. infringentibus
 execratio. & à Catholicorum collegio sit separatio in aeternum. Datum
 ERESBURG per manum Joannis Bibliothecarii & Cancellarii Ec-
 clesiae Romanae. IX. Kal. Jan. Anno Domini Leonis tertii quarto. Indi-
 ctione septima. die dedicationis Capella in ERESBURG. Veritatem
 hujus Leonini diplomatis asserit & illustrat diploma Adriani
 IV. Pontif. Guichaldo Abbati Corbeiensi ejusque fratribus regularem
 vitam professis datum Roma apud S. Petrum per manum Rolandi S. Ro-
 mana Ecclesiae Presbyteri Card. & Cancellarii v. Kal. Martii. Indict.
 II. Incarnat. Dominica Anno MCIIIII. Pontificatus vero Domini A-
 driani PP. IV. annoprimum. Adjicientes quod monasterium HERES-
 BURG cum decimis circa montem per duas ristas Saxonicas. sicut à
 beata memoria Domno LEONE Papa ex petitione CAROLI M.
 Imperatoris. qui ipsum montem expugnauerat collata noscuntur. Mona-
 sterium quoque in Groninga. & monasterium in Kemnade nunquam ab
 eodem Corbeiensi alienentur Canobio, &c. Porro Henricus de Her-
 vordia qui ad annum Caroli M. 4. Christi 804. hoc ipsum Leo-
 nis PP. diploma recitat, in eo longè fallitur, quòd hanc dedi-
 cationem in alterum Leonis cum Carolo in Germania congres-
 sum rejicit. Item perlatum est, inquit, ad Imperatorem sanguinem
 Domini in Mantua civitate fuisse repertum: misitque ad Papam, ut
 hujus rei veritatem perquireret. Qui nactus occasionem exeundi, primo
 in Lombardiam, quasi pro dicta inquisitione progressus est, indeque subito
 arrepto itinere ad Imperatorem venit ad Karisiam, villam juxta Re-
 mis, & Natalem Domini secum celebravit. Deinde Aquisgranum Pa-
 pam Imperator perduxit, & post in Saxoniam antiquam, ibi Capellam
 in Bergferden prope Mindam consecravit. Campanula quadam, quam
 reliquit, etiam nunc videtur ibidem. Capellam etiam S. Petri in Eres-
 berg, quae nunc Mersberg dicitur, consecravit. Ita Henricus de Her-
 vordia. Contrà Astronomus & vita Caroli M. per Engolismen-
 sem scripta, Adelmus & Regino, uno ore testantur: Leonem
 Pontif. Aquisgrano, ubi octo dies mansit, per Boiariam ire volentem,
 ductum esse usque Ravennam, magnis ab Imperatore muneribus dona-
 tum.*

tum. Nullâ Saxoniz, hoc tempore, sive à Leone Pontif. sive à Carolo intratâ factâ mentione. His consentiunt Poëta Anonym. Hermannus Contractus, Lambertus Schaffnaburgensis, Sigebertus Gemblacensis, Marianus Scotus, Urspergenis Abbas, cæterique chronologi & scriptores, qui nihil de Leonis vel Caroli accessu in Saxoniam. Nihil item Sigonius, qui hunc congressum satis exactè describit in hist. regni Italiæ. Quare quicquid per Leonem Pontif. gestum est, referendum ad annum 799. & primum illius in Saxoniam ingressum, quo etiam Paderbornæ cryptam, seu sacellum subterraneum, & in eo altare S. Stephani, rogatu Caroli M. consecravit. Vita S. Liborii apud Bollandum cap. 2. pag. 88. §. 5. & 6. vita B. Meinweri apud Browerum, pag. 13. n. 1. Gobel. Person. Cosmodr. ætat. 6. c. 38. Id quod etiam de Ecclesia in Sidinghusen pago diœcesis Paderbornens. in dynastia Burana, refert Caspar Schioppius in genealogia Burana; & de lapide altaris in Ecclesia Titemelle seu Dethmoldiensi, à Leone III. consecrato, atque indè in usum cryptæ Abdinghoffsensis à B. Meinwerco translato mentionem facit scriptor vitæ B. Meinweri apud Browerum. Porro Saxoniz nostræ, quam Leo III. Pont. Max. Eresburgi per Carolum M. Deo oblatam, & per se B. Petro consecratam dicit, partem aliquam ad fidem Christi conversam, idem Carolus jam anno 774. Deo in sacrificium obtulerat, ut scribit Luitprandus Ticinensis de Vitis Pontificum Romanor. Moguntiz anno 1602. editus. *Hadrianus Papa Carolum M. Francorum Regem Romam vocavit. qui cum quinto anno regni sui illuc venisset, inter cetera, quæ ab ipso magnificè gesta sunt, etiam partem aliquam Saxoniz in provincia Westphalia, quam ad fidem Christianitatis convertit, ut ipse jam prædictus Papa præcepit & docuit, secundâ feriâ Pascha in Basilica S. Petri inter cetera quæ ad manum Papa offerebat, Deo in sacrificium obtulit, & in loco Osnabrugge vocato Episcopatum constituere, & decimis noviter ad fidem conversorum, si sanus & incolumis remeasset, Papâ ita dictante & privilegiis suis confirmante, dotare devovit. Quæ eadem de Saxonia B. Petro oblata ex epistola Gregorii VII. Pont. Max. apud Baronium ad An. 804. licet recognoscere; ita enim habet: Idem verò Magnus*

Imperator Saxoniam obtulit B. Petro, cujus eam devicit adjutorio, & posuit signum devotionis & libertatis, sicut ipsi Saxones habent scriptum, & prudentes illorum satis sciunt. Huic tam insigni religiosissimi Principis pietati ac munificentiae, Sedes Apostolica pari in Saxones studio egregie respondit, quando Saxones nostros Romam missos, ut Christianam fide & ecclesiasticam disciplinam imbuerentur, humanissime in Urbe accepit & fovit, locumque eorum habitationi, apud Basilicam D. Petri, ubi nunc est ecclesia & nosocomium S. Spiritus, assignavit; qui & à novis accolis nomen mutuatus, olim *Vicus Saxonum*, & *Schola Saxonum*, hodie *Saxia* vocatur. Ex Anastasio Bibliothecario, Card. Baron. in Ann. Eccles. ad An. 804. & in Notis ad Martyrolog. Rom. iv. Idus Novemb.

9. MANSIT ET HOC NOSTRÆ GENTI.] Ab anno 826. quo *Capella Eresburgensis*, ut prædiximus, à Ludovico patre, & Lothario ejus filio *Corbeiensibus* fuit donata. Postea *Eresburgi*, seu *Montis Martis* mediam partem Hermannus Abbas & coenobitæ *Corbeiensis*, Henrico Archiepiscopo Colonienfi An. 1230. mense Augusto suscipere cessare: alteram verò partem Franciscus Abbas & conventus *Corbeiensis*, Hermannus Archiepiscopo Colonienfi & Administratori Paderbornensi, Marspergi An. 1507. postridie S. Ægidii, reservato sibi ad Kalendas Græcas reluendi jure, vendiderunt.

10. DUM BARBARUS HOSTIS.] Quidquid *Eresburgi* Suecus hostis paulò antè reliquum fecerat, immixtus ad excidium augusti operis Hassicus miles devastavit. Quod insigne facinus ad posteritatis memoriam publicis tabulis *Eresburgensis* civitatis consignatum, his verbis legi meretur. Anno MDCXLVI. die XXIV. Sept. facta est duarum Hassicarum legionum, (quarum altera equestris, altera pedestris erat) subita in Montem Martis irruptio; ductor prædatorii agminis Ufflenus cum duobus fratribus. Clades illata haud modica fuit: nam templum primarium subjecto pulvere nitrato disjectum, porta civitatis incensa, cetera pari ruinâ vastata. Quicquid cives & accola post nuperam Suecicam expugnationem urbis, huc convexerant, spolio abreptum. Postridie tres præstantes campanæ unâ cum turri corruerunt. Absit verbo invidia, si insigne facinus dixi eorum, qui Basilicam
Eres-

Eresburgensem vetustate tam nobilem, opere tam magnificam, reverentiâ loci tam celebrem, religione tam sanctam, nostro demum ævo barbarum in modum subverterunt. Uti verò Principum voluntati & imperio id non adscribimus, quod privatæ militum tribunorumque audaciæ fuit: ita factum meritò damnamus in Christianis. & quis non sanæ mentis? Quando & inter ipsos barbaros reperti sunt, qui pro majori veneratione religionis Christianæ, locorumque sacrorum, ejusmodi sacrilegia non sunt ausi. Alaricus barbarus Gothorum rex, antequam Romam, quam mox cepit, intraret, edicto publico vetuit, ne quis militum sacra Urbis loca violaret. tantum aberat, ut templa barbaris suis subtruenda permetteret. Orosium (lib. 4. cap. 42.) hîc præ cæteris, quem testem inspectoremque eorum temporum habemus, audire lubeat. *Adest, inquit, Alaricus. trepidam Romam obsidet, turbat, irrumpit, dato tamen præcepto prius, ut si qui in sancta loca, præcipueque in sanctorum Apostolorum Petri & Pauli Basilicas confugissent, hos imprimis inviolatos securosque esse sinerent. Imperio barbari regis parvire barbari milites. Aliud in hanc rem subjicit Orosius haud minus in barbaris commendandum. Discurrentibus per Urbem barbaris, fortè unus Gothorum, idemque potens & Christianus, sacram Deo virginem, jam atate provectam in quadam ecclesiastica domo reperit. cumque ab ea aurum argentumque honestè exposceret; illa fidei constantiâ, esse apud se plurimum, & mox proferendum, respondit, ac protulit. Dumque expositis opibus attonitum barbarum magnitudine ac pondere & pulchritudine, ignotâ etiam vasorum qualitate intelligeret: Virgo Christi ad barbarum ait: Hæc Petri Apostoli sacra ministeria sunt. præsume si audes, de facto tu videris. ego quia defendere non valeo, neque tenere audeo. Barbarus verò ad reverentiam religionis, timore Dei & fide Virginis motus, ad Alaricum hæc per nuntium retulit: qui continuo reportari ad Apostoli basilicam universa ut erant vasa, imperavit; Virginem etiam eodem cum defensione deduci. Itaque magno spectaculo omnium, disposita per singulos, & super capita elata palam aurea atque argentea vasa portantur: exertis undique ad defensionem gladiis piâ pompâ munitur, hymnos Deo Romanis Barbarisque publicè concinentibus. Non ultrâ barbaricus ille furor progressus, ædificia quidem aliquot per Urbem, nullæ verò ædes sacræ dirutæ. Tam intacta à*

Go-

Gothis barbaris loca sacra fuerunt. Eò nunc detestabilior illorum impietas, qui ædem Eresburgensem, locumque à Carolo M. donatum, à Leone III. Pont. Max. dum Paderbornæ apud Carolum M. ageret, non minùs, quàm Vaticana fuit Basilica, Divo Petro consecratum, ausi sunt subiecto nitrato pulvere disjicere. nequod istic vestigium antiquitatis extaret, ubi perpetuum religionis monumentum poscebat Christiana veneratio. Laudabilior etiam Theodorici Gothorum regis, Gothorumque barbarorum præ Alarico pietas. Romam ille & Italiam tot annos cum imperio tenuit, ac barbaræ licet gentis, Arianæque hæresis dominatu omnibus per occidentem formidabilis esset, non modò regiis muneribus Vaticanam Apostolorum Petri & Pauli Basilicam exornavit, sed & mirificè Sacerdotes & templa Catholicorum excoluit, interque fabricas ab eo reparatas, templa quoque & bona Ecclesiæ reddita, suum liberalitatis locum habuerunt. Uti id ex aliis, tum vel maximè ex Anastasio Bibliothecario in Hormisda, & Cassiodori scriptis constare potest. Maius est, quod de ethnicis Imperatoribus tradidit Lampridius. Is de Alexandro Imperatore: *Christo templum facere voluit, quod & Hadrianus cogitasse fertur, qui templa in omnibus civitatibus sine simulacris iusserat fieri: quæ hodie idcirco, quia non habent numina, dicuntur Hadriani, quæ ille ad hoc parasse dicebatur: sed prohibitus est ab iis, qui consulentes sacra, repererant omnes Christianos futuros, & templa reliqua deferenda, si id optatò evenisset.* Sed quid longiùs ab eo? domestica nobis propiùs adsunt exempla. Legem Salicam appello, quæ Francorum nostrorum est, eorum videlicet populorum, qui ex Sicambris, Bructeris, Angrivariis, Tencteris, Cheruscis, Cattis, Marfis, cæterisque in unam belli societatem convenère. Lataque est hæc lex auctoritate populi per quatuor gentis procures, cùm barbari adhuc essent, seu, ut vetustus in eas præfatus est scriptor, *cùm adhuc barbarico ritu tenerentur.* antequam à Pharamundo quartus Francorum rex Clodoveus Christi religionem susciperet. Harum verò legum una est titulo LVIII. leg. I. *Si quis Ecclesiam sanctificatam, vel ubi reliquiæ Sanctorum recondite sunt, incenderit, vel infra ipsa Ecclesia expoliationem de altari, aut infra Ecclesiam aliquid tulerit; VIII. denariis, qui faciunt sol. cc. culp. jud. excepto capitali & dila-*

dilaturâ. Tanta vel in Majoribus nostris harum regionum, cum adhuc barbari essent, & nullo Christianæ religionis lumine donati viverent, veneratio sacrorum fuit. Hæc paucis. nec plura attinet inter hos cancellos scriptionis adferre: quando ex his nemo non intelligit, à Christianis fieri, quæ à barbaris facta non sunt; facinusque eò fœdus esse in Christianis, quò magis abhorruit ipsa barbaries. *Optimus animus pulcherrimus Dei cultus est,* inquit Seneca. Si avitæ, si veræ Majorum religioni inhæreat. Nec monumenta pulchriora, quàm Majorum templa, in quibus post everfa idola verum Deum Christianorum Sacerdotes, & Christianus populus à Carolo M. ad hanc usque ætatem nostram coluerunt. Quare cum nostris etiam temporibus vetus ac celebris illa Corbeiensium Basilica, infirmis nixa fundamentis, & longi temporis labe, bellicque injuriis corrupta, in ruinam incumberet, Christophorus Bernardus Princeps & Episcopus Monasteriensis, idemque Corbeiensium Administrator, eam à fundamentis restituit. Conspiciebat nimirum hunc sacrum antiquitate locum, cultumque jam inde à Ludovici Pii Cæsaris ævo tantâ religiosorum Sacerdotum frequentiâ & sanctimoniâ, pristinum suum decorem à se expetere, qui jam antè per suam diœcesin Monasteriensem tot sacrorum monumenta posuerat, instauraveratque. Eò magnanimus ac togâ sagoque gloriosus, atque ad omnem posteritatem memorandus Episcopus, suæ quoque liberalitati & religioni, hujus vetustate collabentis basilicæ fabricam sumpsit, quæ nunc opere solido & magnifico dignoque sui nominis splendore ad fastigium usque assurrexit.

Eresburgense verò templum, Corbeiensis, ejus loci rectores, pari studio & religione instaurandum susceperunt; & jam opus illud simul ex ruinis pristinæ integritati & splendori propè est restitutum; aspiciunturque nunc veneranda illa Caroli M. Imperatoris monumenta tanto illustriora, quanto hosticus furor obscuriora, extraque memoriam avitæ religionis esse voluit. Dispari sanè famâ ad posteros eorum, qui profanaverunt, & qui pristino religionis cultui reddiderunt. Tacitum hic audias lib. IV. *Ann. Suum cuique decus posteritas rependet.*

Q

BRU.



BRUNISBERGA

PROPE HUXARIAM.

MEMORIÆ. SACRUM

ARX. UBI. BRUNONIS. CIRCUMSPICIT. ALTA. LATINI
 MILITIS. INFECTAS. CÆDE. VISURGIS. AQUAS
 SAXONES. HIC. AMNEM. CAROLUM. TRANSIRE. PARANTEM
 NEQUICQUAM. TELIS. IMPEDIERE. SUIS
 SED. DARE. VERSA. FUGA. VICTORI. TERGA. COACTI
 CESSERUNT. TOTUM. FLUMINIS. IMPERIUM
 LITORE. NUNC. ILLO. REGNAS. CORBEIA. SACRUMQUE
 HUXARIÆ. DICT. JUS. PADIBORNA. TUÆ
 QUÆ. SI. POSTERITAS. SERVASSET. FOEDERA. NUNQUAM
 RELIGIO. SCISSIS. PLANGERET. ORBA. COMIS

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG.

BRUNISBERGÆ. NOBILI. IN. DIOECESI. PADER-
 BORNENSI. ET. DITIONE. CORBEIENSI. LOCO. UBI
 CAROLUM. M. TRAJECTU. VISURGIS. PROHIBE-
 RE. FRUSTRA. CONATI. SAXONES. AN. DCC. LXXV
 FUSI. FUGATI. QUE. FRANCIS. CESSERUNT

M. H. P

Q.

NO.

NOTÆ.

1. **BRUNISBERGA.**] Manet etiamnum nomen hujus loci & insignis fama, cui fidem faciunt scriptores antiqui, atque hos inter Poëta Anonym. l. 1. An. 775. Annal. incerti Auct. & vita Caroli M. apud Pithæum, Astronom. apud Reuberum, Annales Canisii, & Regino.

2. **ARX.**] *Montem* Poëta Anonymus, *locum* Astronom. Ado Vienn. & vita Caroli M. *arcem omnium fortissimam*; Crantzius; Widekindus Abbas Corb. in literis An. 1198. *castrum* appellant. Cujus instaurationem cum nobiles de Amelungfen, ope Comitum de Waldeck freti, impedirent, Siffridus Episcopus Paderbornensis Widekindo Abbati Corbeiensi suppetias tulit. Letznerus in Chron. Corbeiensi. Hodie mœnium tantum, vallorumque & fossarum vestigia supersunt.

3. **BRUNONIS.**] Frequens hoc nomen apud optimates Saxonum antiquorum. Is qui *Brunisbergam* ad Visurgim condidit, nomen ei dedit, & sedem ibidem habuit, frater Widi-chindi Magni fuit, non æquè ac ille ad retinendam patriam superstitionem obstinatus; nam prior religionem Christianam amplexus legitur. Demum An. 790. obiit, Paderbornæ sepultus. Fabr. l. 2. orig. Saxon.

4. **LATINI MILITIS INFECTAS CÆDE VISURGIS AQUAS.**] Vellei. lib. 2. cap. 105. & *annis mox nostrâ clade nobilis transitus Visurgis.* Varianam intelligit, quæ in via Visurgim versus contigit. *Varum ita acceperunt, ut omnibus ejus jussis ebtemperaturi viderentur: proculque cum à Rheno in Cheruscorum fines ad flumen Visurgim abduxerunt.* Dio lib. 56. Nondum tamen illuc pervenerat, in itinere, antequam ad castra sita Alifone posset reverti, à Germanis oppressus & cæsus. Cur igitur ad Varianam cladem alibi illatam, Visurgim Vellei. & Dio nominarunt? *factum id samâ annis, quia hic ex nobilissimis annibus cladi illi proximus fuit, xx circiter millibus passuum dissitus.* Cluver. lib. 3. cap. 19.

Ad

Ad ipsam postea ripam, ut diximus suprà, Germanicus Cæsar accessit, & flumen quod Romanos Cheruscosque interfluebat, tranſiit; sed non sine periculo, prælio & cæde.

5. SAXONES HIC AMNEM CAROLUM TRANSIRE PARANTEM.] Quemadmodum acies Germanorum trans Visurgim stans, Germanicum transitu prohibere conata est, ita Carolum quoque, juxta *Brunesbergam*, Saxones arcere tentarunt, ut Poëta Anonym. lib. 1. An. 775. vita Caroli M. apud Pithæum, Annales incerti Auðt. apud eundem, Annal. Canisiani, Regin. Adelm. & Astronom. apud Reuberum, cujus hæc verba: *Indè ad Wisaram fluvium veniens, in loco, qui Brunesberg vocatur, congregatam Saxonum multitudinem offendit, qua cum transitu fluminis arcere conabatur. Sed frustra, nam in prima congressione pulsi fugatique sunt, & magnus eorum numerus ibidem interfectus est. Non tam facillè fuit Brunisbergam expugnare. Crantz. lib. 2. Saxon. cap. 10. Indè verò majore apparatu ducens Rex in provinciam, Siburg & Eresburg arces, iterum à Saxonibus communitas, denuo expugnavit, & in arcem Brunsberg, qua omnium firmissima erat ad Visurgim fluvium, duxit oppugnandam: fuerat enim validum Saxonum præsidium. Firmata est obsidio: ferunt remanere in hodiernis villis nomina ex castris Regis, qua tunc erant tripartita: ut alio loco Rex cum robore exercitûs, alio etiam auxiliares tenderent: & tertio loco suis erant in castris qui stipendia mererent. Adjiciunt Gallici, Regem obsidionis pertasum, duxisse partem copiarum in Westphalos, Angarios, &c. Hæc fusiùs paulò enarrat Letznerus in Chron. Corbeienf. & vita Caroli M. c. 20.*

6. TELIS.] Varia armorum telorumque genera Cluver. lib. 1. c. 45. enumerat, ex quibus Saxones longis lanceis, parvis scutis, & cultellis magnis usi fuerunt. Widekind. lib. 1. Annal. illis hæc loquentibus mirati sunt *Franci præstantes corpore & animo viros, & novum habitum, arma quoque & diffusam scapulis casariem, & supra omnia ingentem animi constantiam: nam vestiti erant sagis, & armati longis lanceis, & subnixi stabant parvis scutis, habentes ad renes cultellos magnos: quos Sachs appellabant, & Viterbiensis suprà citatus, breves gladios interpretatur; atque exinde putat Isaacus Pontanus lib. 2. orig. Franc. c. 1. Saxoniam in clypeo vetustio-*

ri duos gladiolos adhuc ostentare, in formam crucis transversim constitutos. Eorundem meminit Gregor. Turon. l. 4. c. 46. *Tunc*, inquit, *duo pueri cum cultris validis, quos vulgò Scramasaxos vocant, utraque ei latera feriunt.* Lips. Cent. 3. epist. 44. ex vetustissimo Plalterio Latino-Germanico probat novaculam dictam fuisse *Scharfahs*; & Gobelinus Persona in Cosmodrom. ætat. 6. c. 11. apud vos, ait, *novacula quâ pili raduntur, senioribus dicitur sas, & habemus inde verbum vulgare sassen, id est, novacula cæsariem radere.* Hinc igitur Saxones appellatos volunt, vel quia *sassius*, brevibus gladiis, in præliis utebantur, vel quia novacula cæsariem radebant; quod proprium primorum Saxonum fuisse discimus è Sidonio Apollinari lib. 8. epist. 9. Francis contra *spatha* aut bipennis genus maximè fuit familiare, quod Agathias ἀγκύρα, ipsi *Franciscam* vocabant, teste Aimoino lib. 1. cap. 12. Sidonius Apollinaris in panegyrico Majorani August. ita describit Francorum arma, & generosum præliandi modum:

*Excussisse citas vastum per inane bipennes,
Et plaga præcisse locum, clypeosque rotare
Ludus, & intortas præcedere saltibus hastas,
Inque hostem venisse prius. Puerilibus annis
Est bellimaturus amor: si fortè premantur
Seu numero, seu sorte loci, mors obruit illos,
Non timor: invicti perstant, animoque supersunt
Jam propè post animam.*

Insignis fanè locus de bellicosa veterum Francorum nostrorum indole, quam etiam celebrat Libanius in Orat. de laudibus Constantii & Constantis AUGG. in qua *Francos*, inquit, *multitudine innumerabiles, haud paulò tamen quàm pro multitudine validiores, non mare magis, quàm continentem timere, frigus septemtrionale calis temperie gratius, otium calamitatem maximam, quietem languorem ducere; contra summam sibi felicitatem in bello positam existimare.*

7. LITORE NUNC ILLO REGNAS.] Ex quo primùm in loco *Hetha* appellato, quem in silva Sollingensi designat Lertznerus


nerus in Chron. Corbeiensi, ædificandi monasterii consilium, minus processit, & Cænobitæ sterili solo derelicto ad Visurgim commigrarunt, ut tradit auctor libelli de translat. S. Viti, & institut. novæ Corbeix à Meibomio editus, post notas ad Widedkindi Corbeiensis hist. pag. 141. *Factum est autem eodem tempore, ut Serenissimus Imperator Luduvvicus haberet placitum in Saxonia in loco, qui dicitur Patherbrunna, in secundo anno regni sui, Incarnationis verò Domini octingentesimo decimo quinto. Tunc accessit presatus Abba (Adalhardus) ad eum, & locutus est ei, cum consilio suadens, ut ad profectum Christianæ religionis in eadem provincia Monasterium Monachorum construere juberet: quod cum piissimus Princeps benignè suscepisset; PLACUIT ACCERSERE EPISCOPUM NOMINE HATHUMARUM, AD CUIUS DIOECESIN PERTINEBAT LOCUS, UBI CONSTRUENDUM ERAT MONASTERIUM, UT CUM EJUS FIERET IMPERIO ET VOLUNTATE. Sicque factum est, ut ab ea die, & deinceps religio Monachorum etiam in regione Saxonica succresceret, atque proficeret. Capit autem adificare in loco, qui dicitur Hethi, ubi cum per sex, & eo amplius annos laborassent, nihil proficere potuerunt, nisi quod religio sancta in loco deserto tradebatur. Augebatur tamen quotidie numerus Monachorum ex nobilissimo Saxonum genere, pueri quoque bonæ indolis nutriebantur optimè. Paucis deinde interjectis sequitur: Venerunt ergo anno octingentesimo vicesimo secundo Dominica Incarnationis, sub die octavo Id. August. regnante Luduvvico Serenissimo Augusto undecimo anno ad locum memoratum: circumspectoque ex omni parte & undique circuientes, prostrati in orationem decantaverunt psalmos ad hoc officium pertinentes, & postquam compleverunt litaniam & orationem, jacerunt lineam, & infixerunt paxillos, & ceperunt mensurare, prius quidem templum, inde habitationes fratrum; quod cum peregissent, constituentes, qui quedam habitacula initiarent, ad propria sunt reversi: SED PRIMUM PETIERUNT EPISCOPUM UT VENIRET, ET SANCTIFICARET LOCUM, VEXILLUMQUE S. CRUCIS IN LOCO ALTARIS PONERET, NOMENQUE UT CORBEIA VOCARETUR APTARET. Quod factum esse octavo Kal. Septembris exstat.*

Episco-

Episcopus qui nomen imposuit, & Ecclesiam dedicavit, BADURADUS FUIT, SUCCESSOR HATHUMARI. Chronic. Corbeien- se editum à Meibomio, in membrana conscriptum & hodie dum Corbeix superstes: An. Incarnationis Dominica 822. indict. 15. 8. Kal. Sept. 2. feriâ, Monachi qui in loco, qui Hetha dicitur, per septem annos prius demorabantur, inde egressi cum crucibus & reliquiis in hunc locum pervenerunt: LOCOQUE AB EPISCOPO BADURADO, QUI TUNC PRÆSENS ADERAT, CORBEIA NOMEN IMPOSITUM EST, erectoque tentorio, illatisque crucibus & reliquiis, locum dedicaverunt, in honore & nomine S. Stephani Protomartyris, infodientes crucem Christi, ubi nunc altare esse dignoscitur. Ex his antiquissimis testimoniis manifestum est Corbeiam jam inde ab ejus incunabulis in diœcesi Paderbornensi sitam esse; id quod etiam Apostolicæ Abbatum Corbeiensium confirmationes, codex antiquus Cameræ Apostolicæ, in quo Episcoporum & Abbatum confirmandorum jura taxantur, diplomata Pontificum & Cæsarum, & ipsæmet Cobeiensium literæ, in quibus Paderbornensem Ecclesiam pro Cathedrali, quo præminet honore, semper revereri se velle profitentur; Ecclesiarum in Corbeien- si ditione fundatarum confirmationes, consecrationes, transla- tiones, & innumera illic exercitæ jurisdictionis ordinariæ do- cumenta. Ex historicis, scriptor vitæ B. Meinweri, Dithma- rus lib. 7. Gobelinus Persona in Cosmodromio, Crantzius l. 1. Metropol. c. 24. & lib. 4. c. 4. Baronius tom. III. ad An. 1015. Letznerus in Chron. Corbeienf. cap. 26. aliique testantur. Cor- beienfes contrâ, nescio quibus exemptionis literis gloriantur. Sed manus nostræ oculata sunt, credunt quod vident. Certè Alexan- der IV. Pontifex aut exemptionis privilegia ostendere, aut Pa- derbornensibus Episcopis obedire jussit Corbeienfes. Diploma Apostolicum est hujusmodi:

ALEXANDER Episcopus servus servorum Dei. dilectis filiis. Decano &.. Scholastico Frislariensi &.. Archipresbytero Ecclesia Nuembur- gensis. Maguntinensis diœcesis salutem & Apostolicam benedictionem. Sua nobis venerabilis frater noster.. Episcopus & dilecti filii Capitulum Padeburnense. petitione monstrarunt. quod.. Abbas & Conventus Mo- nasterii

naſterii Corbeiſis Ordinis ſancti Benediſti Padeburnenſis Dioceſis aſſe-
rentes Monaſterium ipſum fore exemptum & ſe in exemptionis poſſeſſio-
ne fuiſſe à tempore cujus memoria non exiſtit. eidem Epifcopo tanquam
Dioceſano ſuo intendere denegavit. & ſibi de ſuis juribus reſpondere. in
eorundem Epifcopi & Capituli & Padeburnenſis Eccleſia præjudicium &
gravamen. quanquam dicti Abbas & Conventus exemptionis privile-
gium non oſtendant. Quare dicti Epifcopus & Capitulum nobis humili-
ter ſupplicarunt. ut providere iſſis & eidem Padeburnenſi Eccleſia pa-
terna ſuper hoc ſollicitudine curaremus. Quocirca diſcretioni veſtra per
Apoſtolica ſcripta mandamus. quatenus eoſdem Abbatem & Conventum
ex parte noſtramoneatis & inducere procuretis. ut infra quindecim dies
poſt monitionem veſtram obediant dicto Epifcopo. vel privilegia exem-
ptionis oſtendant. Alioquin vocatis qui fuerint evocandi & auditis hinc
inde propoſitis quod canonicum fuerit appellatione poſtpoſita ſtatuatis.
Facientes quod decreveritis per cenſuram eccleſiaſticam firmiter obſerva-
ri. Teſtes autem qui fuerint nominati ſi ſe gratia. odio vel timore ſubtra-
xerint. per cenſuram eandem appellatione ceſſante compellatis veritate
teſtimonium perhibere. Quod ſi non omnes hiis exequendis potueritis in-
tereſſe duo veſtrum ex nihilo minus exequantur. Datum Laterani v.
Kal. Martii Pontificatus noſtri anno tertio.



8. CORBEIA.] E cujus diſciplina complures olim viri pie-
tate ac doctrinâ inſignes prodierunt, qui diverſis populis dati
Epifcopi, & fidei Doctores, Septemtrionem præne univerſum
Chriſtianæ religionis luce colluſtrarunt, & hâc operâ inſulæ
Rugiæ imperium magnasque per Germaniam opes ſibi pepe-
rerunt. Sed prædolor!

Πάλιν πρὸς τοὺς ἀρχιερεῖς Μιλήσιος.

R

Cate-

Cæterum Corbeia nomen suum debet *aurea Corbeia*, Gallix cœnobio, haud procul Ambianis, ad ripam Somonæ fluvii, An. Christi 660. à Bathilde, Saxoniei generis heroina, Clodovæi 11. Francorum regis conjuge fundato, ex quo in novam *Corbeiam Saxonicam* ad Visurgim Ludovicus Pius ejus fundator religiosorum hominum colonias deduxit. Quod Joannes Trithemius ex Henrico de Hervordia annotavit, & vita S. Adelhardi Corbeienfis Abbatis apud Bollandum 2. Januarii, pag. 107. & 117. confirmat, & liquido patet ex his Ludovici Pii diplomatibus Corbeia datis.

IN nomine Domini Dei & Salvatoris nostri J E S U Christi. HLUDOVVICUS divina ordinante clementia Imperator Augustus. Cum petitionibus servorum Dei justis & rationabilibus divini cultus amore favemus. superni muneris donum largiri non diffidimus. Idcirco noverit omnium fidelium nostrorum tam presentium quam & futurorum sagacitas. quia adiens serenitatem culminis nostri vir reverentissimus Adalardus Abba ex monasterio Corbeia. quod ei dudum in provincia Saxonica ad augmentum mercedis nostræ ex novo construere jussimus super fluvium Wisera in Villa regia in loca nuncupante dudum Huxori dicatum in honore S. Stephani Protomartyris. suggestit mansuetudini nostræ. ut idem monasterium & monachos ibidem per tempora degentes cum rebus & hominibus non solum sub nostra tuitione & defensione constitueremus. verum etiam & talem immunitatem fieri jubermus. qualem omnes Ecclesie in Francia habent. Cujus petitioni dignam & proficua judicantes. hanc auctoritatem immunitatis erga prædictum monasterium Corbeia ejusque rectores fieri jussimus. per quam decernimus atque jubemus. ut nullus Judex publicus vel quilibet ex judiciaria potestate in Ecclesias. aut loca. vel agros. seu reliquas possessiones memorati monasterii. quas presenti tempore in quibuscumque pagis & territoriis habet. vel deinceps ibidem conlata fuerint. ad causas judiciario more audiendas. vel freda exigenda. aut mansiones vel paratas faciendas. aut fidejussoras tollendos. aut homines ipsius monasterii tam ingenuos quam & latos distringendas. aut ullas redhibitiones aut illicitas occasiones requirendas. ullo unquam tempore ingredi audeat. vel ea quæ supra memorata sunt penitus exigere præsumat. Sed
liceat

liceat memorato Abbati suisque successoribus res predicti monasterii sub immunitatis nostrae defensione quieto ordine vivere ac residere. & quicquid exinde jus fisci exigere poterat. totum & ad integrum nos pro aeterna retributione ad pauperes alendos. & luminaria eidem monasterio concinnanda concedimus. qualiter monachi ibidem degentes. pro nobis proleque nostra atque statu totius nostri imperii nobis ad regendum commissi. Domini misericordiam adtentius exorare delectet. Sed & hoc placuit nobis huic inserere auctoritati. ut licentiam habeant rectores hujusce monasterii cum quibuslibet hominibus liberis. res & mancipia legaliter commutare. Videlicet ut quicquid justè & rationabiliter pars alteri contulerit parti. per hanc nostram auctoritatem jure firmissimo teneant atque possideant. & quicquid exinde facere voluerint libero in omnibus persuantur arbitrio faciendi quicquid elegerint. Et ut hac auctoritas immunitatis atque confirmationis nostrae per futura tempora inviolabilem obtineat firmitatem. manu propria subter firmavimus. & anuli nostri impressione signari jussimus.

Signum HLUDOVVICI Serenissimi Imperatoris.
Durandus Diaconus ad vicem Fridagisi recognovi. Data VI. Kalend. August. Anno Christo propitio X. Imperii domni HLUDOVVICI piissimi Augusti. indictione prima. Actum Ingilnheim palatio. in Dei nomine feliciter. Amen.

IN nomine Domini Dei & Salvatoris nostri JESU Christi. HLUDOVVICUS divina ordinante providentia Imperator Augustus. Omnibus sanctae Dei Ecclesiae nostrisque fidelibus praesentibus scilicet atque futuris notum esse volumus. Quomodo Corbagense monasterium in Saxonia propitiante Domino cum consensu fidelium nostrorum in honore sancti Stephani Protomartyris Christi devotissima intentione fundavimus. & ibi competentia subsidia quaeque prae manibus invenimus debita largitate predicto sanctificationis loco nostra in elemosina contulimus. Insuper etiam quia locum mercationis ipsa regio indigebat. monetam nostrae auctoritatis publicam ultra ibi semper inesse Christo militantibus proficuum statuimus. Quatenus cum omni integritate absque ullius contradictione vel impedimenti occasione locus ipse sanctitatis omnem inde redditum nostrae auctoritatis publicum possideat. & utilitatibus monasterii perpetuis temporibus multiplicatum

nostrum hoc largitatis donum proficiat. & ut fiduciali perpetuitate hæc omnia auctoritatis nostra dona sibi potiatur & teneat. annuli nostri inpressione subter roborando firmare decrevimus.

Signum

HLUDOVVICI Serenissimi Imperatoris.

Hirminmarus Notarius ad vicem Theogonis recognovi.

Data Kal. Junias. Anno Christo propitio XX. Imperii domini HLUDOVVICI piissimi Augusti. Indictione XI. Actum Wormatia civitate. in Dei nomine feliciter. Amen.

2. HUXARIÆ DICIT JUS.] Quam Ludovicus Pius VII. Kalend. August. Indict. 1. Imperii sui X. qui fuit annus Æræ Christianæ 823. Adelhardo Abbati & monasterio Corbeienſi donavit in Ingilinheim; Vid. diploma apud Gerhardum Cleinsorgium in histor. Ecclesiasticæ Westphaliæ ms. & Stangevolium in Annal. Circuli Westphal. lib. 2. pag. 130. Inde Huxaria (in cujus confiniis BRUNISBERGA) à Letznero in Chron. Corbeienſ. cap. 67. 68. 69. & 70. descripta, hodie in ditione est Corbeienſi; attamen quoad ecclesiasticam sive sacram jurisdictionem, ut prædiximus, ad Paderbornensem Episcopum pertinet. Quapropter in divisione sedium Archidiaconalium Diœceseos Paderbornensis, auctoritate Sedis Apostolicæ Legati, tempore Bernardi IV. Episcopi Paderbornensis facta, quartum locum obtinet, ut patet ex his literis.

Frater Conradus Prior Provincialis fratrum Prædicatorum Theutonia. & frater Ernestus ejusdem Ordinis. Visitatores à Legato per Paderburnensem dyocesiſſim. dati. Universis ad quos præsens scriptum pervenerit utriusque vitæ salutem. Ne ordinatio nostra super divisione Ecclesiæ parrochialis S. Othelrici in Paderburna. & super aliis articulis infra annotatis. processu temporis quod sua vetustatis celeritate delere solet omnia. memoriam effugiat humanam. præſenti scripto declaramus. quod nos accedentes ad Ecclesiam Paderburnensem. Abbate de Bridelare nostro Collega legitime excusato. Ecclesiam præſatam sancti Othelrici. secundum quod à D. O. sancti Nicolai in Carcere Tulliano Diacono Cardinali Apostolica Sedis Legato acceperamus in mandatis. de majoris Præpositi & singulorum ac universorum

rum de Capitulo. nec non D. Conradi ejusdem Ecclesie Plebani consensu post resignationem ejusdem Ecclesie à prefato Plebano coram D. Bernardo 1^o V. Paderburnensi Episcopo. Volrado Prapposito. Amelungo Decano. Folquino de Swalenberch. & nobis factam. de consilio ejusdem D. Episcopi in has tres divisimus partes. Unam qua est à domo Hildebrandi Wapenrocht. usque ad curiam Episcopi qua vocatur Stathelhorve. & deinde ad murum civitatis. & à domo jam dicti Hildebrandi usque ad domum Harmodi de Alride. & ab eadem domo usque ad molendinum Episcopi. & ab illo molendino usque ad pontem lapideum. Ecclesia sancti Pancratii. Aliam vero partem Nortelwinke & Aspelhere. usque ad domum Cristina ante Urbem. & ab eadem domo usque ad portam qua itur Herisiam. & omnes domos & villas extra civitatem versus Orientem & Septentrionem inferiori Choro sancti Liborii assignantes. Ecclesia vero sancti Othelrici omnes domos qua inter has duas partes sunt & omnes villas & singulares domos qua extra civitatem sunt versus Occidentem. contulimus. Volradus vero major Prappositus ad instantiam Domini Episcopi & nostram. Ordinationem nostram ac partium assignationem approbando. prefatam parochiam videlicet Ecclesiam sancti Othelrici cum omnibus suis pertinentiis Dominabus in Paderburna Ordinis Cisterciensis in eadem Ecclesia in perpetuum mansuris. Auctoritate Patronatus de consensu Capituli majoris Ecclesie in remissionem peccaminum suorum & ut in perpetuum ipsius Prappositi à prefatis Dominabus. maxime quia earundem in eodem loco fundator extitit. memoria habeatur jure contulit perpetuo possidendam. ita tamen quod quemcumque Sacerdotem Abbatissa & Conventus dictarum Dominarum ei suisque successoribus presentaverint. ab ipso suisque successoribus sine difficultate curam recipiat animarum. & ei suisque successoribus sicut tenetur obediet. Et ut gratiam uberiores Dominabus exhiberet eisdem ordinavit ut post mortem Prappositi ejusdem loci. dimidia marca in recognitionem subjectionis. & pro jure Synodatico majori Prapposito dimidia marca persolvatur. Ecclesiam vero sancti Pancratii. D. Rothezero & Ecclesiam sancti Liborii in inferiori Choro. debita sicut verus Patronus ad quem debitum in omnibus habebunt respectum. à quo etiam & curam animarum &

temporalia simul accipiunt & eorum successores accipient debita contulit solemnitate. Ha autem Parrochia omnia jura parochialia habebunt. nisi quod Crusem diebus dominicis & in solemnitatibus non ferent. sed in processione majoris Ecclesiae cum suis erunt Rectoribus. nisi legitima fuerint necessitate praepediti. in Parasceve sepulturam Crucifixi non facient. & in Nativitate Domini. in Pascha. in Ascensione. in Pascha. in Pentecostes. in festo Patroni & in die Dedicationis ad Ecclesiam convenient majorem divinum officium audituri.

De Archidiaconatibus verò ordinantes totum Episcopatum in sex Sedes. prater duos Archidiaconatus videlicet majoris Praepositura. cui haec tres villa Himminchusen. Dale & Buke sunt adjunctae. & Praepositura sanctorum Apostolorum Petri & Andreae. de D. Episcopi consilio & Capituli consensu distinximus. Unam Sedem Horhusen in Ecclesia sancti Dyonisii. cui duas Ecclesias Curbike & Athorp cum ipsarum Ecclesiis & Capellis adjunximus locantes. Secundam Sedem Wartberch. cui Ecclesias Dasburch. Lovene. Wellerthe. Kulete. Rothern. Bylinchusen. Scerve. Offenthorp. cum earum Ecclesiis & Capellis adjunximus. ipsum Archidiaconatum Cantoriae deputantes. Tertiam Sedem Yburch. cui has Ecclesias Eisnen. Natesunken. Brakel. Volstesen. Herstelle. & omnes Ecclesias quas modo habet Helmworthishusensis Ecclesia. Herisiam. Wilbodissen. cum ipsarum Ecclesiis & Capellis adjunximus. ipsam Sedem Camera assignantes. Quartam Sedem HUXARIA. cum hiis Ecclesiis: Corbeia. Meinbragtesen. Brachusen. Orberch. Erclen. Amelunkessen. Godelmen. Hellingenberg. Bernninchusen. Bodikissen. Albagtissen. Heienhusen. Homersen. Boffesen. sanctus Aegidius. Niepovere. Oldenthorp. Dunc. duo Holteswinne. Lugterinken. cum earum Ecclesiis & capellis. Quintam Sedem Stenhem cum hiis Ecclesiis. Beldersen. Oldenberge. Holt-husen. Sumerisle. Monasterium. Leverinethorp. Colterbike. Valckenhagen. Burghagen. opidum Svalenberch. Scutbere. Wichilethe. Byche. Capella Relinkerke. Sandenebike. Pumesen. Lugethe. cum earum Ecclesiis & Capellis. Sextam Sedem Lymege. cum hiis Ecclesiis. Scutemere. Orlinohusen. Hepen. cum earum Ecclesiis & Capellis. quam Sedem Custodia deputavimus. adicientes quod cum Archidiacono

diaconatus Scildefe & Hervordie vacaverint. Prapositura Scildefensi permaneant, ita si eadem Prapositura Capitulo remanebit. alioquin & Hervordia & Scildefe ad Custodiam devolventur, quatenus Sedes non nisi post mortem eorum qui nunc ipsarum Ecclesiarum Archidiaconi sunt, vel nisi forte voluntarie resignaverint, vacabunt. Auctoritate etiam D. Legati districtè sub anathematis vinculo, omnibus Sacerdotibus & Plebanis prefatarum sex Sedium precipiendo mandamus, quatenus cum ipsas Sedes vacare contigerit, ad Archidiaconos suos, curam animarum & donum altaris ab ipsis accipiendo, debitum in obedientia & procuratione eisdem faciendam, habeant respectum. Cum vero inter cetera de mandato D. Legati de obedientia sapediecta Ecclesia ordinaremus, Canonicis non per omnia nobis consentientibus, tandem, D. Volradi majoris Prapositi, & nostro se commiserunt arbitrio, pœna centum marcarum ipsum arbitrium validantes. Juramento igitur ab omnibus accepto ut nostris parerent mandatis, sub pœna arbitrii videlicet centum marcarum primo precipimus, ut omnis cessaret rancor qui erat inter majores Canonicos & minores de inaequalitate bonorum, & pacis osculum fuit utrinque datum & acceptum. & postmodum divisione facta bonorum, sub pœna arbitrii scilicet centum marcarum precipimus, ne quis de cetero querimoniam Episcopo vel Praposito moveret, de collatione obedientiarum. Sed sit in potestate eorum conferre obedientias suas cui voluerint, & plures uni secundum quod ipsis videbitur expedire, nisi Dominus Papa vel ejus Legatus providerit aliter ordinandum. Precipimus etiam sub eadem pœna, ne quis vindictamumat de Praposito majore pro eo quod arbitratus est obedientias quorundam Canonico-
 rum esse dividendas, & excommunicavimus omnes qui de cetero rancorem verbo vel facto pro illa divisione obedientiarum contra dividentes vel eos qui bona receperunt demonstrarent, id est, qui eos pro illo facto contumeliis & obprobriis afficerent, vel eis hoc factum inproperarent, & decernimus eos qui hoc fecerint excommunicatos, perjuros, & pœnam centum marcarum incurrisse. De mandato etiam D. Legati & nostra ordinatione, omnes Canonici à majore usque ad infimum de Capitulo majoris Ecclesia juraverunt, quod cum in ipsorum Ecclesia non sint nisi XXIV. majores prabende & sex pueriles.


Nullus

Nullus de cetero ad non vacans. nec duo ad unum vacans eligantur. & quod nullus Canonicoꝝ de cetero emancipabitur quin idem juret. ne numerus Canonicoꝝ excedat numerum præbendarum.

10. PADIBORNA TUÆ.] Qui nobis Ptolemæi tabulas egregiè illustratas ediderunt, eum inter Germaniæ oppida *Tenderium*, quod Antoninus vocat *Theudurum*, reperissent; non dubitarunt affirmare esse Paderbornam. In qua sententia est Petrus Montanus, Althamerus, Henricus Harius in ms. descript. Diocesis Paderborn. & Klocnerus, qui citat Albertum Thonerium Vicarium Paderbornensem anno 1190. asserentem eo in loco, quem modò Paderborna occupat, situm fuisse quondam pagum *Tutorium* sive *Dutorium*, ita nuncupatum à *Dute*, quod veteri Saxonum lingua Deum significat, & est, ut ait, hic frequens in ore hominum *Iodute* idolum, à Majoribus nostris, ut fertur, divinis honoribus cultum. Verùm quicquid sit de pago *Dutorio*, & isto idolo, certum est *Theudurum* non alibi, quàm in ulteriori Rheni ripa, ubi Antoninus posuit, inquirendum esse, & ut Cluverius ac Bertius rectè opinantur, *Tudder* hodie appellari, non incelebrem Juliæ vicum, qui uti pristinum nomen servat, ita plurima antiquitatis monumenta hodie dum illic è terra eruuntur, signa loci olim cultissimi. Nihil igitur *Tenderium* ad Paderbornam, quam à fonte Paderæ nomen accepisse ita est comperit, uti *Born* sive *Borne* & *Brunne* Teutonice fontem significat.

11. QUÆ SI POSTERITAS SERVASSET FOEDERA.] Diversissimus religionis in Paderbornensi & Corbeiensi ditione est status. In Paderbornensi solius Catholicæ fidei cultus floret vigetque; in Corbeiensi heterodoxæ Lutheri opiniones, per ordinariam Episcopi Paderborn. jurisdictionem, præpostero sanè tempore, nec cum exiguo æternæ salutis dispendio violatam turbatamque, ita prò dolor! invaluerunt, ut Huxaria novæ religionis infrænata licentiâ lasciviens, unà cum vero Numinis cultu, obsequium Abbati debitum, non semel exuerit; & nunc etiam, dum hæc scribimus, Brunswicicum præsidio muni-

munita adversùs Corbeienses, fœdum in modum tumultuetur. Quibus idcirco providendum, ne dum ipsi extra Monasterii septa, sacræ jurisdictionis phylacteria student dilatare, civilis interim potestatis fimbriæ ab aliis quotidie magis accidunt. Quin illa potior sit cura, ut *fortunam velut tunicam magis concinnam probemus quàm longam.* Apul. in Apol.





BOCA AD LUPPIAM.

MEMORIÆ. SACRUM

BOCA. VETUS. CAROLO. MEMORABILIS. HOSPITE. PAGUS
 LUPPIA. QUAM. RAPIDIS. PRÆTERIT. AMNIS. AQUIS
 ANGARIOS. VIDIT. PACEM. VENIAMQUE. PRECANTES
 SUPPLICITER. FRANCO. SUBDERE. COLLA. JUGO
 OBSIDIBUSQUE. DATIS. JURANDO. JURE. PACISCI
 OBSEQUII. STABILEM. TEMPUS. IN. OMNE. FIDEM
 ANGARIÆ. GENS. VICTA. SACRO. LÆTARE. TRIUMPHO
 QUEM. CAROLUS. DE. TE. RELIGIOQUE. TULIT
 SI. SUB. REGE. PIO. LIBERTAS. GRATIOR. EXSTAT
 SERVITIO. MAGIS. ES. LIBERA. FACTA. TUO

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

BOCÆ. CELEBRI. OLIM. PAGO. UBI. CAROLUS. M
 FRANCORUM. REX. ANGARIOS. DATIS. OBSIDI-
 BUS. ET. JURE JURANDO. FIDEM. OBSEQUII. FIR-
 MANTES. AN. DCC. LXXV. IN. DITIONEM. ACCEPIT
 ET. A. SANCTÆ. MEMORIÆ. BADURADO. PADER-
 BORNENSI. EPISCOPO. RELIQUIÆ. B. LANDOLI-
 NI CONE. QUAS. E. CAMERACENSI. DIOECESI
 ILLUC. TRANSTULERAT. COLLOCA-
 TÆ. FUERUNT

M. H. P

S z

NO.

N O T Æ.

1. **B O C A .**] Brunisbergam castra Caroli M. prælium cum Saxonibus in transitu Visurgis, & diuturna obsidio; *Bocam* non minùsejusdem hospitium, pax & religio, ab Astron. in Annal. rerum gest. à Carolo M. apud Reuberum, Auctore vitæ Caroli M. edit. à Pithæo, Annal. Canisii, Adelmo, Poëta Anonymo, Reginone, & literis antiquis commemorata commendant, & dignam monumento reddunt.

2. **L U P P I A .**] Ubi etiamnum arx, vicus & præfectura *Boca* appellata superest, sunt qui castrum steterisse opinentur, de quo Astronomus: *Eresburgo castro, quod dirutum erat, restaurato, aliisque castello super Lippiam exstructo, & in utroque non modico prasidio relicto, ipse in Galliam reversus.* Quod Henricus de Hervordia, quem sequitur Rolevingius, *Vechtelar* appellatum scribit, & Cleinsorgius Lipstadii collocat: Wittius verò Leisbornensis monachus, nomen ei fuisse putat *Borchvechteler*, impositumque Glennæ flumini, haud procul Lipstadio. Verosimilius Gobelinus Persona, & Panegyri. Paderborn. rudibus antiqui Alisonis, prope Luppix caput, ubi Carolus castra tunc habebat, inædificatum hoc castellum, & Francos illic stationem egisse putant, ut eo in loco, ubi facilis esset Westphalis ad Angarios, & ab his ad Westphalos commeatio, nullo negotio utrosque in officio contineret. Quod & sub Augusto impulit Drusum, ut munitionibus locum circumdaret, poneretque ibi Romana castra ad coercendas Rhenum inter & Visurgim sitas nationes. *Sancta* deinde memoria **B A D U R A D U S** Episcopus Paderbornensis, ossa *B. Landolini*, cujus honori dicatum templum *Boca* hodiedum exstat, è diocesi Cameracensi translata, *Boca* collocavit; quæ ad annum usque 1101. religiose asservata. Paucis annis antè, Monasterium ordin. S. Benedicti super eadem sacra ossa Erpo Comes de Padberg, consilio & adjutorio Henrici de Werle Paderbornensis Episcopi, inchoavit.

IN nomine Domini. Erpo dictus Comes in Patberg, ad notitiam omnium fidelium pervenire desideramus, quod nos ad honorem Domini nostri Jesu Christi, & sanctæ ejus Genitricis Virginis Maria, & super reverenda ossa beati Landolini Confessoris, quæ sancta memoria Baduradus Paderbornensis Episcopus de diocesi Cameracensi transtulit, & in loco, qui dicitur BOCA, integraliter deportavit, novellam plantationem religionis S. Benedicti construximus, super fluvium, qui dicitur Lippia; quod opus structura mea consilio & adjutorio Domini Henrici Paderbornensis Episcopi inceptum, Comites de Nitehe minis & terroribus, ne perficeretur, impediunt, asserentes se veros hæredes loci illius esse post mortem Domina Beatricis conjugis nostræ. Unde inito consilio prædicti Episcopi, transmigravimus Abbatem & fratres ejus, qui cum ipso erant, in villam nostram, quæ vocatur Fletorp, & ibi incepimus structuram nostram consummare, anno gratiæ millesimo centesimo primo, ad honorem Pie Matris, & ut ardentius instarem, benignissimus Dominus flagello suo me torpentem excitavit hoc modo. Quodam tempore oppidanis in Horhusen fortè injustè in tantum offensus, ut incendio oppidum totaliter destruere & consumere vellem, etiam ignem immittendo; quidam de ipsis oppidanis ad Ecclesiam sancti Magni gloriosi Martyris fugientes imaginem Crucifixi Domini rapuerunt, & eam ferentes obviam mihi furenti processerunt. At ego rationem præ furore non capiens, ad portitores crucifixi evaginato gladio, ut stultus, miser irrupi, & quod crucifixo pro corona capiti impositum est, percussi, & partem in terram dejeci: Nec sine mora ultio divina defuit, nam digiti mei, quibus ferrum ad contumeliam sanctarum reliquiarum strinxeram, & manus in volam contracti, præsentiam æterni judicis ibi adesse & iram persensi. Tunc igitur ejus flagello castigatus, & tamen de eo quod scriptum est, flagellas omnem filium quem recipit, fiduciam sumens, præsumebam à misericordia Dei me diligi, quod merebar affligi, præfata Ecclesia beati Magni de meis possessionibus mansum unum, & Monasterio meo Fletorpensi omnia mea & me ipsum, Ministeriales meos cum beneficiis & possessionibus, servos omnes mihi bene in hoc consentientes, Domina mea perpetua Virgini Maria contradidi. Constituo, & præsentis scripto sigillo nostro roborato jubeo, ut post mortem meam aliam personam Ecclesiasticam Abbas, & qui cum eo sunt fratres eligant, & ei proprietatem

Monasterii mei tradant; & ejus consilio & permissione, Advocatum ad tempus unius anni vel duorum, si opus sit, eligant: finito verò Advocatia sua termino, iterum, si necesse sit, non de progenie priorum, sed alium; ut caveatur ne aliquis in Advocatia hereditario jure succedere possit. Ministeriales mei qui modo sunt, Ministeriales Monasterii, in quacunque parochia moriantur, sepulturam in prædicto meo Monasterio eligant & habeant, & optimum equum, quem quis habeat, & arma ibidem offerat. Jura verò in accipiendis vel dandis hereditatibus, secundum jura Ministerialium ubi se tradiderint habeant. Actum Anno M. C. IV. tertio nonas Julii.

Anno verò 1371. Bernardus de Horte Eques, arcem *Bocam*, Henrici Episcopi, & successorum ejus, feudum ligium semper fore professus, extruxit; filius Bernardus facellum ibidem condidit, quod ejus nepos Philippus Westphaliæ & Angariæ Marefcallus, & conjuge defunctæ Præpositus Monasteriensis, insigni sacrâ suppellectile, & sacrarum reliquiarum atque indulgentiarum thesauro locupletavit. Arcem quidem, stirpe Bernardi conditoris extinctâ, sæculo proximè præterito à Theodoro Furstenbergio Paderborn. Episcopo recuperatam, An. 1646. Sueci unâ cum sacello incendere; verum eandem Theodorus Adolphus Episcopus Paderbornensis instauravit munivitque. Hic igitur locus, si Reinero Reineccio, in Poëtam Anonymum notas componentî, in mentem venisset, minimè is dubitasset, utrùm quæ Annales Francorum de *Boca* memorant, sint de Monasterio S. Menolfi, an de Bufenborg arce ditionis Schawenburchicæ intelligenda; cum hæc trans Visurgim in Ostfalis sita, illud verò Bodefe semper fuerit appellatum.

3. BOCA VETUS CAROLO MEMORABILIS HOSPITE.] Astronomus: *Indè reversus cum in pagum qui Buchi vocatur pervenisset.* Poëta Anonymus:

In pagum rediit quem dicunt nomine BUKKI.

Non postrema loci alicujus gloria censetur, Cæsarem Regemque hospitio excepisse. quàm multa hac sola de causâ monumenta posita?

4. PAGUS.] Antiqua regionum agrorumque in pagos divisio.

visio. De Numa Pompilio, Dio & Plutarchus tradiderunt: *Divisit totam regionem in partes, quas pagos nominavit.* Eodem modo *Helvetia*, Cæsar lib. 1. *Suevia*, idem lib. 4. *Alemania*, Ammian. Marcellin. lib. 16. *Germania omnis*, Cluver. præcipuè verò *Saxonia* in pagos distributa erat. Meibom. in comment. de pagis Saxon. Præter *Bocensem* complures in Historia Francica, Imperatorum Regumque Saxoniorum diplomatis, & antiquarum donationum literis pagi nominantur, plerique toti, nonnulli ex parte Ecclesiæ Paderbornensi donati: nimirum, *Aga*, *Almenga* sive *Almunga*, *Auga*, *Engere*, *Hessi*, *Hemmerveldun*, *Hertega*, *Hutagoe*, *Lacni*, *Lisna*, *Morunga*, *Nihterga*, *Paterga*, *Rittega*, *Sorehtfeld*, *Treveresga*, *Treini*, *Thietmelli*, *Tilichi*, *Ventzga*, *Wessiga*, *Wetiga*, *Westphalon*. Significabatur itaque hoc nomine non vicus, sed major minorve amplioris regionis tractus, non paucos vicos villasque complectens; sæpe magnæ provinciæ partem veteres Germani *Gaw/ Börde* Saxones verò pagos *Scyre* vocabant: unde *Warwickseyre*, *Nicolseyre*, *Leycesterscyre*, &c. appellationem invenerunt. Lindenbrogius in glossario Cod. LL. antiquar. Desiit hæc appellatio paulatim circa annum 1100. cum pagi in Ducatus, Principatus, diversi generis Comitatus, migrarunt, ac hæreditario jure pollideri cœpti. In his pagis Duces, Principes, Satrapæ, Comites jus dicebant. Cæsar lib. 6. Comm. *In pace nullus est communis magistratus, sed principes regionum atque pagorum inter suos jus dicunt, controversiasque minuunt.* Tacit. de morib. German. *Eliguntur principes, qui jura per pagos vicosque reddunt.* Poëta Anonym.

Sed variis divisa modis plebs omnis habebat,

Quot pagos, tot penè Duces.

Beda hist. Ecclesiast. lib. 5. c. 11. Rolevingius: *Regem antiqui Saxones non habebant, sed per pagos Satrapas constitutos.* Qui Satrapæ in generali conventu designabantur, quem Saxones, teste auctore vitæ S. Lebvini, quotannis in *Marcalo* ad Visurgim celebrabant. A Caroli M. demum tempore Comitum nomen usurpari cœptum. Hinc Saxones & reliqui Germani quoties situm loci exprimere volebant, in quo pago, & pagus in cujus Comi-

Comitatu esset, soliti describere. Exempli causâ, diplomata S. Henrici Imp. An. 1012. Ecclesiæ Paderborn. data, memorant: *Curtem Honstede in pago Rittiga, in Comitatu Bernardi. An. 1019. Abbatiam Scheldice sitam in pago Westfiga, & Comitatu Friderici Comitis. Conradi Imperatoris, An. 1027. Curtem Ervite in pago Engere, in Comitatu Marquardi. An. 1030. pradium Padberg in pago Nishega, & Comitatu Haholdi. An. 1033. in loco Halmwardeshusen, in Comitatu Bennonis Comitis, & pago Angera sito.*

5. ANGARIOS VIDIT.] Vita Caroli M. apud Pichæum: *Indè revertente Domino mitissimo Rege Carolo, venerunt Angarii in pago Bocensi, unâ cum Brunone & reliquis optimatibus eorum, & dederunt ei obsides. Annal. Francor. apud Canisium: Similiter indè jam revertente mitissimo Domino Rege, venerunt Angarii, in pago qui dicitur Buckhi, unâ cum Brunone, & reliquis optimatibus eorum, & dederunt ei obsides sicut Austrasii. Regino in Chron. Simul eò revertente venerunt Angarii in pagum qui dicitur Bucki, unâ cum Brunone duce eorum, & fecerunt sicut Orientales Saxones fecerant. Annal. Franc. apud Reuber. An. 775. Indè reversus cum in pagum, qui Buchi vocatur, pervenisset, Angrarii cum suis primoribus ei occurrerunt, & sicut Ostfali, juxta quod Rex imperaverat, obsides & sacramenta dederunt. Imitati sunt hîc Angarii majores suos Angrivarios, de quibus Tacit. lib. 2. Annal. Mox bellam in Angrivarios Sertinio mandat, nî deditionem properavissent, atque illi supplices nihil abnuendo veniam omnium accepere. Rectè utrique, cum hi Germanici Cæsaris, illi verò Caroli potentia impares se agnoscerent. Quamobrem etsi tot insignes inter Visurgim & Rhenum populi, Sicambri, Bruçteri, Tençteri, Uspetes, Dulgibini, Tubantes, Marfi, vel translati, vel excisi, vel emigrarint, vel vetus nomen amiserint, atque in unum cum Francis primùm, deinde cum Saxonibus populum coaluerint; mansit tamen semper, & cum finibus Angrivariorum seu Angariorum, fama, nobilitas & potentia crevit. Adjungere se quidem Saxonibus, sed ita ut Angarii appellari non desierint: in tres enim populos Saxonia tota, Westphalos, Angarios, & Ostphalos, divisâ olim fuit. Poëta Anonym. lib. 1. W idekind. lib. 1. Quem locum in hac divisione obti-*

obtinuerint, facilè tum ex eo, quòd ex *Angariis* Widichindus fuerit, ad cujus posteros Saxonia universa, & imperium Romanum postea pervenit, tum ex amplitudine provinciæ colligi potest. Habitaverunt enim primùm *Angarii*, à campestri planitie, van den *Angern* / ut contrà *Marfi* & *Bructeri* à paludibus dicti, AD CONFLUENTES ANAGRI ET ALBIS, ubi Angermunda; & hæc antiquissima eorum sedes. Reinerus Reineccius. INTER AMISIUM ET VISURGIM, ad cuius lavam castra metanti Germanico, *Angrivariorum* à tergo defectio nuntiata, & mox vindicata. Tacitus, Cluver. BRUNISBERGÆ, arce à Brunone *Angrivariorum* duce, & deditionis hujus auctore inchoatâ. AD DIMOLAM, ubi *Helmershusa*, quæ in diplom. Chuonradi Imper. An. 1033. locus vocatur in pago *Angerisitus*. IN COMITATU RAVENSBERGENSI, in quo vicus *Enger* / & sedes Widichindi. IN FINIBUS BRUCTERORUM, juxta *Tencteros*, atque post *Dulgibinos* & *Chasuaros*. Tacit. de mor. Germ. Juxta *Tencteros* *Bructeri* olim occurrebant: nunc *Chamavos* & *Angrivarios* immigrasse narratur, pulsos *Bructeris*. *Angrivarios* & *Chamavos* à tergo *Dulgibini*, & *Chasuari* cludent. INTER OSTFALOS ET WESTFALOS, ab Austro Francis, ex Aquilone Oceano propinqui. Poëta Anonymus:

*Inter prædictos mediâ regione morantur
Angarii, populus Saxonum tertius; horum
Patria Francorum terris sociatur ab Austro,
Oceanoque eadem conjungitur ex Aquilone.*

AD CAPUT AMISII, Altham. INTER EJUSDEM ET LUPPIÆ RIPAS, BOCÆ, Winckelmannus. IN ERVITE, Diploma Conradi Salici, quo Meinwerco Episc. Paderborn. curtem imperialem *Ervete* in pago *Engeri*, in Comitatu *Marcwardi*, An. 1027. donavit. IN DUCATU ANGARIÆ, SUSATI capitegentis, WERLIS, ARENSBERGÆ, literæ Friderici Com. apud *Cleinsorgium*, datæ in castro *Arnsberg*, pago *Engern*. Fortassis etiam in DUCATU MONTANO, in quo *Anger* fluvius, *Angerort* & *Angermunda* oppida.

6. ANGARIÆ GENS.] Ab Angariis dictus vicus Engern/ oppidum olim non incelebre, tempore belli Saxonici; cujus adversus Francos auctor & dux fuit Widichindus, in potestatem Caroli M. devenit. Sed ubi Christianam religionem amplexus Widichindus cum Carolo pacem fecit, Angaria ad ipsum rediit. Quæ cum deinde cum reliquo Saxonix & Westphaliæ Ducatu aliquoties dominos mutasset, tandem post Henrici Leonis calamitatem celsisse Comitibus Lippiensibus perhibetur. Ex his Simon Bernardi filius acerrimas cum Osnabrugensibus similtates habuit, & anno 1299. ex arcibus *Angaria & Rheda*, magnis eos cladibus affecit. Quas injurias Ludovicus Osnabrugensis Episcopus è Comitibus de Ravensberg haud inultas passus, Simonem, prælio victor cepit, Osnabrugam deduxit, & dura in custodia ferè per sexennium detinuit; donec An. 1305. die S. Kiliani in Scottmar, eâ, inter alias, conditione liberatus fuit, ut *Angaria* arcem & mœnia solo æquaret. Chron. Osnabrug. Hermannus Hamelmannus in Genealog. Comitum Lippiens. Pideritius in Chron. Lippiens. pag. 504. Rein. Reineccius in Comment. de Angrivariis & Angaria. Qui hoc insuper addit: *Interea tamen jus, nomen & magistratus civitatis Angaria retinet, cum alioqui planè vicum referat. mansit & colli, in quo arx sita fuit, nomen: appellatur enim die Burgstede. Collis autem in quo positum est fanum S. Dionysii, quod unà cum collegio Canonorum Widichindus illic condidit, eo, qui arcem habet, editior est.* Illo in fano Mausolæum habet Widichindus, quem anno 807. Letznerus & Reineccius, anno 812. Wittius & Cleinsorgius, alii vero anno 805. & quidem in prælio à Geroldo Suevorum Duce, ut vult Crantzius lib. 2. Saxon. cap. 24. cæsum fuisse affirmant. Cujus effigiem, ut nunc est, affabrè designatam hîc proponimus.

Carolus IV. Imperator anno 1377. 18. Novembris Bilefeldiam appulsus, cum audivisset in vicinia in vico *Angaria* superesse Widichindi M. Saxonum Ducis quondam celeberrimi, antiqui operis sepulchrum, visendi gratiâ eò divertit. Erat tum temporis tumba vetustate nonnihil deformata, quod non ferens Cæsar, interpolari renovarique eam jussit, additis ad caput

BONE SPIRITVS AVDIT OMNE MVNDA




HOC COLLEGIUM DIONISIANVM IN DEI OPT. MAX. HONOREM PRIVILEGIIS
REDITIVS Q. DONATVM FVNDAVIT ET CONFIRMAVIT. OBIIT AÑO
CHRISTI DCCCVII RELICTO FILIO ET REGNI HEREDE WIGBERTO
TVR HVNC REGENS Q. VENERATVR EGROS HIC MORBIS CELI REX

MONVMENTVM WITTIKINDI WARNECHINI FILII ANGERVARIORVM
REGIS XII SAXONIAE PROCERVM DVCIS FORTISSIMI

SALVAT ET ORBIS

OBIIIT ANNO DOMINI MCCCXVII REGIS XII SAXONIAE PROCERVM DVCIS FORTISSIMI



put Caroli M. ad pedes Regni Bohemici insignibus: nempe Leone flavo, cum cauda bifurcata in puniceo campo. Meibom. in notis ad Chron. Comitum Schawenburg. Imitatus in hoc Ottonem III. Imperatorem, quem in Westphaliâ profectum, Wildeshusii primorum Saxonie Principum è Widichinde stirpe Majorum suorum monumenta inspexisse, auctor est Crantzius lib. 4. Saxon. cap. 23. Fabricius in origin. Saxon. & meminit Adam. Bremens. lib. 2. cap. 14. Cæterum, ut hoc breviter moneam, antiqua sepulchri inscriptio, quam habet Wittius, Cleinsorgius & alii, ab hodierna aliquantulum discrepat; & fortè emendatius, *claudit loco munit, & sanat loco salvat*, in ea legetur. *Angariense* indè collegium auctoritate Pontificiâ anno 1414. 16. Januarii translatus, Hervordiam migravit cum cineribus Widichindi, qui cistæ lignæ parum reverenter inclusi, unâ cum aliis quibusdam cimeliis ex *Angaria* asportatis, solent advenis commonstrari. Quare falli videtur Crantzius, auctor Chron. Saxon. & Bernardus Wittius, qui Widichindi reliquias ab Henrico Aucupe Paderbornam transportatas, ibique reconditas esse tradiderunt.

7. SI SUB REGE PIO.] Claudian. in secundo Consulatu Stiliconis lib. 2.

*Fallitur egregio quisquis sub Principe credit
Servitium. nunquam libertas gratior extat,
Quàm sub Rege pio.*

Sub quo optimus reipub. status, Senec. lib. 2. de benef. & *principatus ac libertas miscentur*: Tacit. in vit. Julii Agric. seu ut cum Polybio lib. 6. planius dixero, in quo *justitia & clementia vigent*. Id quod idem Tacit. lib. 12. Annal. Princeps videlicet *non dominationem & servos, sed rectorem & cives cogitet, clementiamque & justitiam capeffat*. Hæc illa cælestia Principum dona sunt, quibus militant, & Rempub. feliciter administrant. His tamen ut cæteris virtutibus prudentia moderatrix adsit, temperamentumque præscribat, ne justitia severitate in sæviciam, & clementia impunitate scelerum in segnitiam transeat. Innumera horum sapientum Principum exempla nobis omnia historiarum monu-

menta dedere. Hic unus nobis Carolus M. Regum & Caesarum sapientissimus occurrit, qui admirabili rerum successu iustitiam cum clementia miscuit.

Bellum ille suscepit contra Saxones anno Christi DCCLXXII. gessitque in trigessimum tertium annum adversus gentem bellicosam & libertatis amantem, quod virtutis fuit; sed quoties illa, quod crimini datum, perfida & rebellis post juratam fidem ad arma resiliit? Testem Eginhardum audiamus. *Difficile dictum est, quoties superati ac supplices Regi se dediderint, imperata facturos polliciti sint, obsides qui imperabantur, absque dilatione dederint, Legatos qui mittebantur susceperint, aliquoties ita domiti & emolliti, ut & cultum demonum dimittere, & Christiana religioni se subdere velle promitterent; Sed sicut ad hac facienda proni, sic ad eadem pervertenda semper fuere precipites: ut non facile estimari possit, ad utrum horum faciliores verius dici possint. Quippe cum post inchoatum cum eis bellum vix annus unus exactus sit, quo non ab eis huiusmodi facta sit permutatio. Sed magnanimitas Regis, ac perpetua tam in adversis quam prosperis constantia mentis, nullâ eorum mutabilitate vel vinci poterat, vel ab iis qua agere caperat defatigari. Et quanta in his iustitia? dum nunquam eos huiusmodi aliquid perpetrantes impune ferre passus est. Quanta simul clementia? dum toties perfidos in gratiam recepit, foedera alia super alia iniit, obsides admisit, ratus gentem humanitate prius quam severitate vincendam; viderique poterat, non tam iustitiæ quam clementiæ terminos transire, toties perjuræ genti fidendo ignoscendoque. Cassiodori hic illud recolas lib. xi. Var. Lect. *Benigni Principis est ad clementia commodum, transire interdum terminos aequitatis, quando misericordia est, cui omnes virtutes cedere honorabiliter non recusant.* Sed barbari erant Saxones, quæ nec ara, nec fides, nec ulla firma pactio est: Et Carolus ubi compertum habuit indulgentiâ suâ gentis perfidiam ali, provocari ferociam, illud majestatem regiam Francorumque nomen; mutatâ scenâ severitatem advocavit, sed poenâ primùm mitiore fueratque in his, terrendo, minando, vastandoque agros: quibus cum Saxones nihil à perfidia & ferocia remitterent, redirentque ad perduel-*

lio-

lionis arma, immissi exercitus, qui ferro flammâque grassarentur. Verùm cum nec hisce impetraret, ut juramento fidei pactisque starent, ad acerbiora progressus, anno demum belli Saxonici decimo, Christi DCCLXXXII, *super Alleram fluvium in loco qui Ferde vocatur*, estque is, ubi post Verdensem Ecclesiam constituit, *unâ die quatuor millia & quingentos Saxonum manu carnificis capite plecti iussit*. Francorum Annales. Durum, inquires, supplicium! sed barbari toties perfidi & perduelles, non aliter, quàm barbarum in modum tractari merebantur. Neque tamen hoc supplicio gens aut territa aut emollita, aut ad quietem & obedientiam se duci passa, altero mox anno multò furiosius rebellando ad arma rediit, productumque bellum, donec anno Christi DCCCIV, victor *ad Albim cum exercitu progressus, decem hominum millia ex iis qui utrasque ripas Albis incolebant, cum uxoribus & liberis sublatis transferret, & hac atque illuc per Galliam & Germaniam distribueret*. Eginhard. in Carolo M. & Franc. Annal. Hâc postremâ gentis castigatione, bellum triginta trium annorum ita finitum est, *ut abjecto demonum cultu & relictis patriis ceremoniis, Christiana fidei ac religionis sacramenta perciperent, Saxonesque Franci consociati in unum populum & regnum transirent*. Eginhard. in vit. Carol. M. Hæc iustitiæ fuerunt, simulque clementiæ, plusquam regiæ. Nam cum omnes perduelles capite plectere, gentemque totam exscindere liceret, sanguini pepercit, & exilii pœnâ multavit. Senecam hic probes lib. de Clement. *Principi non minùs turpia multa supplicia, quàm medico funera*. Et cum supplices se sisterent perduelles, totam adèò gentem, condonatione omnium scelerum factâ, in gratiam recepit, unâque demum clementiâ gentis pertinaciam & ferociam vicit. Non hic stitit pietas & clementia Caroli Imperatoris. Quippe, cum ex tam ærumnoso bello, & tanto Francorum sanguine victam prostratamque gentem, ad omne servitii genus sibi obnoxiam haberet; ille tamen pristinæ libertati donatam, & omni debito censu solutam pronuntiavit, ut in diplomatis profitetur Carolus. Hoc illud Poëtæ nostri de Carolo:

Plus

Plus Regis pietas, & munificentia fecit,

Quàm terror.

Ac nulli hominum generi magis ex hac victoria consultum voluit, quàm Sacerdotibus. Nec enim decimarum pensitatione solum Saxoniam illis tributariam fecit: sed & in Episcoporum diœceses divisit, magnamque partem eorum imperio subjecit; quod religione per ipsos introductâ, & miti lenique eorum imperio gentem libertatis amantem, impatientemque alieni dominatûs, tolerabilius & tutius regendam continendamque censeret. Longè enim *valentior amor adobtinendum quod velis, quàm timor*, Plin. lib. 8. epist. ult. Imò ut Claudianus cecinit in Panegyri. Mallii:

— *Peragit tranquilla potestas*

Quod violenta nequit, mandat aque fortiùs urget

Imperiosa quies.

Cessère Ducibus, Comitibus & Præfectis sua ex hoc bello præmia & bona; at quibusnam ita stabili & hæreditariâ possessione in successores transmittenda ex hoc Caroli dono, ut Episcopis, quos Christianæ fidei doctores rectoresque populorum imposuit? Caroli munificentia in hæsit filius Ludovicus Pius Cæsar. Illius hoc elogium ab Helmoldo mediæ ætatis scriptore, lib. 1. cap. 4. *Postquam Carolus Francorum Rex & Romanorum Imperator Augustus cum magno bonorum fructu, addam & luctu, ad calos emigravit, Ludovicus filius ejus successit in regnum, qui paternis per omnia votis concordans, eadem liberalitate, quâ pater ejus erga cultum domûs Dei, & omnem Clerum usus est, amplissimas regni divitias ad decorem & gloriam Ecclesiæ intorquens, in tantum, ut Episcopos, qui propter animarum regimen Principes sunt celi, ipse eosdem nihilominus Principes effecerit regni. Quâ liberalitate hæc cæteri Imperatores ac Germaniæ Reges auxerint, singulorum diplomata & donationum tabulæ monstrabunt. At quantum hæc fata temporum contraxère? Postquam in aliam à Carolo religionem descivit pietas, & ex aureo illo itum est in ænea & ferrea sæcula, ac positâ tantisper togâ, sagum necesse fuit sumere pro Ecclesiæ possessionibus conservandis; donec postremum in multò iniquiora tempora*

pora conjecti sumus, quibus ipsa Christiana religio se divisit, ortumque est bellum Saxonicum, quo longè dispere, quàm à Carolo M. pugnatum est causâ, refixisque tot donationum tabulis, interverſa est prima illa Caroli M. & tot indè Cæsarum ac Regum munificentia in Ecclesiam. Liceat nunc vetus illud Demadis dictum, sed inversum cum inverso sæculo proferre: *Vide, ne dum terram defendis, cælum amittas.* Et quanto hæc salutis periculo Ecclesiæ patrimonia quærantur, satis ex tanto sapientum virorum numero, nos ipse Carolus docuit, cum jam ævo suo potentiores sibi persuaserant, posse Episcoporum & Abbatum bona dividi trahique in res suas. Hinc anno regni sui xxi. Aquisgrani in palatio xiv. Aprilis, hæc lege, quæ inter Capitularia ejus lib. i. cap. lxxxiii. refertur, cautum sancitumque voluit: *Quia juxta sanctorum Patrum traditionem novimus RES ECCLESIAE VOTA ESSE FIDELIUM, PRETIA PECCATORUM, ET PATRIMONIA PAUPERUM, (Divi Prosperi dictum est lib. 12. de vita contempl. c. 9.) cuique non solum habita conservare, verum etiam multa Deo opitulante conferre optamus. Tamen ut ab Ecclesiasticis de non dividendis rebus illius suspensionem dudum conceptam penitus amoveremus; statuimus, ut neque nostris, neque filiorum, & Deo dispensante successorum nostrorum temporibus, qui nostram vel progenitorum voluntatem vel exemplum imitari voluerint, ullam penitus divisionem aut jacturam patiatur.* Patris exemplo statutoque in hæsit filius Ludovicus Pius Cæsar, idemquæ D. Prosperi dicto, quod legis instar receptum erat in Ecclesia, iterum sanxit in Concil. Aquisgranensi anno Imperii xxiii. ne vel Episcopi ipsi sibi potestatem sumant abalienandi avertendique in profanos usus Ecclesiæ bona: uti hæc Can. vii. inter leges ejus Concilii tam sanctè præscribuntur. Et Caroli quidem legem supra relatam cum expenderet Baronius ad annum Christi DCCLXXXIX. exclamat: *Audiant hæc Principes, si Caroli summæ gloriæ summique imperii hic amuli, & æterni in cælo regni ejus velint esse participes.*



D E S E N B E R G A

PROPE WARBURGUM.

MEMORIÆ. SACRUM

DESENBERGA. GRAVES. QUÆ. FINIBUS. ARDUA. CATTOS
LÆTAQUE. WARBURGI. DESPICIT. ARVA. JUGO
PARUIT. IMPERIO. CAROLI. CUM. FRANCUS. ADEGIT
SAXONA. DEGENERI. VERTERE. TERGA. FUGA
VICTA. DEHINC. CESSIT. SUEVIS. HOSTILITER. ARMIS
HENRICUS. PATRIAS. CUM. LACERARET. OPES
NUNC. JACET. INDIGNA. LATE. COLLAPSA. RUINA
ARX. VETUS. ET. RERUM. GLORIA. SOLA. MANET
QUIS. NISI. MENTIS. INOPS. FACTIS. EXTENDERE. FAMAM
NEGLIGAT. IPSA. VIDET. SI. QUOQUE. SAXA. MORI

F E R D I N A N D U S . D E I . E T
A P O S T O L I C Æ . S E D I S . G R A T I A . E P I S C O -
P U S . P A D E R B O R N E N S I S . C O A D J U T O R
M O N A S T E R I E N S I S . S . R . I . P R I N C E P S
C O M E S . P Y R M O N T A N U S . E T . L I B E R . B A -
R O . D E . F U R S T E N B E R G

D E S E N B E R G A M . A R C E M . I N . M O N T E . C O G N O -
M I N E . O L I M . M U N I T I S S I M A M . Q U A M . C A R O L U S
M . P R Æ S I D I O . F R A N C O R U M . F I R M A V I T . S A X O -
N E S . A N . D C C L X X V I . F R U S T R A . O P P U G N A R U N T
H E N R I C U S . I V . C Æ S A R . A N . M . L X X . O C C U P A V I T
H O D I E . V E R O . E P I S C O P I . E T . P R I N C I P I S . P A D E R -
B O R N E N S I S . B E N E F I C I O . N O B I L I S . S P I G E L I O -
R U M . F A M I L I A . P O S S I D E T . P O S I T O . H O C
M O N U M E N T O . E X O R N A V I T

N O T Æ.

1. **D** ESENBERGA.] Ægidius Gelenius in pretiosa hie-
 rotheca pag. 119. contra Ortelium multis agit, & vetu-
 stam Francici regni sedem *Dispargum*, (quod Gregorius Turo-
 nensis lib. 2. hist. Franc. cap. 9. *Chlogioni nobilissimo Francorum re-
 gi habitatum*, & in termino *Thoringorum* situm fuisse tradidit, &
 Aimoinus *Disbargum*, Ado Viennens. *Dysporum* nominant) *De-
 senbergam* ad Dimolam, non autem *Duisburgum* prope Rhenum,
 ut Ortelius, Petavius in Ration. temp. part. 1. lib. 6. Isaacus
 Pontanus lib. 2. Gelr. Teschemacherus, aliique plures sentiunt,
 esse affirmat. Huic Gelenii opinioni quantum *Dasburgum*, pro-
 ximus ad pedem *Desenbergæ* vicus, & prisca Thuringiæ situs,
Desenbergæ, quàm *Duisburgo* propinquior faver; tantum refraga-
 ri videtur Aimoinus l. 1. de gest. Francorum cap. 4. *Finitimos ita-
 que* (Franci) *bello laceffendo Thoringorum*, qui Germania incolunt *fi-
 nes*, depopulantes, castellum quoddam *Disbargum* nomine occupant, in
 quo rex Clodio sedem sui constituit regni. Et cap. 5. Rex autem Clodio,
angustos regni sui fines dilatare cupiens, exploratores à *Disbargo* trans
Rhenum dirigit : & ipse cum exercitu subsequutus, *Cameracum* civita-
 tem obsidens expugnavit & cepit. *Carbonariam silvam ingressus Tor-
 nacum urbem* obtinuit. Ita ille. Si igitur *Dispargum* est in termino
Thoringorum, & *Thoringi* Germania fines incolunt, hos certius *Duis-
 burgi* prope Rhenum, quàm *Desenbergæ* ad Dimolam inquiras.
 Imò verisimilius est Clodionem Francorum regem, *Duisburgo*
 Rheno proximo, quàm *Desenbergâ*, in Belgicam secundam, ad
 obsidendum *Cameracum*, & *Tornacum* expugnandum trans-
 portasse exercitum. Quamvis autem vetustissimam Gregorii
 Turonensis lectionem *Tungros* pro *Toringis* habere testetur in sua
 editione Morelius, & Isac. Pont. lib. 4. orig. Franc. cap. 12. ita
 legi debere in Turonensi, & reliquis omnibus chronologis, ut
 Sigeberto & aliis, qui eum secuti, centendat: non ideo ta-
 men nobis placet Godefridi Wendelini Ecclesiæ Tornacensis
 Cano-

Canonici & Officialis, in eruditis ad legem Salicam commentariis pag. 99. sententia, qui secundum Godefridum Henschenium è Societ. Jesu doctissimum virum & nobis amicum, in Diatriba sua de tribus Dagobertis, lib. 4. cap. 8. pag. 246. *Diesthemium*, Brabantiae oppidum, *Dispargum* esse autumat; nec Broweri in Antiq. Fuldens. lib. 1. c. 2. *Dietsburgum* in saltu Buchonio; nec aliorum *Heinsbergam* in Julia, eò quòd in Fredegario Scholaft. pro *Dispargo* *Hesbargum* legunt, *Dispargum* interpretantium opiniones arriident. Quo enim modo Rex Clodio exploratores à *Disbargo*, si illud est *Diesthemium* Wendelini, si *Heinsberga* Juliae, *trans Rhenum dirigere*, & illis reversis Rhenum trajicere potuit, ut in Belgica secunda Romanos opprimeret, & Cameraco & Tornaco potiretur?

2. GRAVES QUÆ FINIBUS.] Sicut antiqui *Saxones* *Cattis* sive *Hassis*, limitaneo populo, maximè infesti, à *Luppia* & *Padera* tractu imminebant, odio religionis Christianae, quâ à S. Bonifacio Hassones cum Thuringis fuerant imbuti, & imperii Francici metu, quod Hassi acceperant, Saxones detrectabant. Christoph. Brow. in Scholiis ad Poëm. HRaban. Mauri cap. 118. pag. 141. & Annales rerum Franc. ad An. 774. *Dum hac in Italia geruntur, Saxones velut opportunam de absentia Regis nacti occasionem, contiguos sibi Hassorum terminos ferro & igne populantur. Cumque in eo loco, qui nunc Frideslar ab incolis nominatur, basilicam à beato Bonifacio Martyre dedicatam, incendere molirentur, atque hoc efficere casso labore conarentur, immisso sibi divinitus pavore subitaneo, turpi trepidatione confusi domum fugiendo revertuntur.* Ita infecutis temporibus Hassi Paderbornensibus, qui sunt antiqui Saxones, parem gratiam retulerunt, praesertim anno 1465. avulso ingenti ad Dimolam ditionis Paderbornensis tractu, & Abbatia Helmershusana perquam insigni sibi vindicata. Dili-chius in Chron. Hassiae. Recentiora belli incommoda hinc silentur, quorum ubique exstant vestigia, & pax publica Germaniae sanxit oblivionem.

3. CATTOS.] *Suevorum gentem longè maximam, & bellicosissimam Germanorum omnium*, C. Julii Caesaris commentariis ma-

gnopere celebratam, eandem cum *Chattis* esse, pluribus nos argumentis docet Cluver. lib. 3. German. antiquæ cap. 5. qui eorum etiam fines determinat, & *Cattis* dimidiam *Episcopatus Paderbornensis* partem *Visurgi* adfixam assignat. Militarem eorum virtutem, mores, ac disciplinam Tac. lib. de morib. German. satis disertè descripsit his verbis: *Duriora genti corpora, stricti artus, minux vultus, & major animi vigor. Multum, ut inter Germanos, rationis, ac solertia: praponere electos, audire prapostos, nosse ordines, intelligere occasiones, differre impetus, disponere diem, vallare noctem, fortunam inter dubia, virtutem inter certa numerare: quodque rarissimum, nec nisi ratione disciplina concessum; plus reponere in duce, quam in exercitu. Omne robur in pedite, quem super arma, ferramentis quoque & copiis coonerant. Alios ad prælum ire videas; Castos ad bellum. rari excursus & fortuita pugna. Et aliis Germanorum populis usurpatum, rara & privata cujusque audentia apud Castos in consensum vertit, ut primum adoleverint, crinem barbamque submittere, nec nisi hoste cæso, exuere votivum obligatumque virtuti oris habitum. Super sanguinem & spolia revelant frontem, seque tum demum pretium nascondiretulisse, dignosque patriâ ac parentibus ferunt. Ignavis & imbelibus manet squalor. Fortissimus quisque ferreum insuper annulum (ignominiosum id genti) velut vinculum gestat, donec se cade hostis absolvat. Plurimis Cattorum hic placet habitus. Jamque canent insignes, & hostibus simul suisque monstrati. omnium penes hos initia pugnatum: hæc prima semper acies, visu nova. Nam ne in pace quidem vultu mitiore mansuescunt. Chattorum item meminere præter Tacit. in Annal. & de morib. German. Dio, Strabo, Plinius, Ptolemæus, & *Cattimelibocum* ab iis denominatum putat Isac. Pont. lib. 1. origin. Franc. cap. 9. Porro autem vetus Chattorum nomen retinere nunc Hassos haud dubitandum ait Cluver. l. c. & rationem commutati nominis affert. Hassi autem Widekindo sunt *Hassigani*, Aimoino *Assi*, Saxonum contermini, Adamo Bremensi *Hassones*. nunc *Hessos* appellamus. Reinerus Reineccius in notis ad Poëtam Anonym. lib. 1. pag. 9.*

4. LÆTAQUE WARBURGI.] Warburgum duplex oppidum Dimolæ fluvio appositum, quasi *Variburgum* à Varo dictum

etum opinatur Serarius lib. 3. rerum Mogunt. not. 29. ad vitam S. Bonifacii. Veriorem nominis originem indicat adjunctum Dodiconis Comitis diploma, in quo Meinwerco Episcopo Paderbornensi donatum, Wariberhgi, id est, Montis specula, appellatur.

IN nomine Patris & Filii & Spiritus Sancti. Dodico Comes peccaminum suorum atque humana fragilitatis memor ac divinâ ammonitione compunctus pro remedio & commemoratione anima sua ad altare. & ad servitium S. Dei genitricis Mariae & S. Kiliani Martyris & S. Liborii Confessoris cum consensu matris sua videlicet Hildigunda heredis sue primitivæ. fratrisque sui Sigobodonis assensu & stipulatione suum prædium tradidit in proprium in his locis quorum nomina hic subsequuntur. WARTBERHGI. Rainleffsun. Erungun. Radi. Radi in superiori Wurmlahun. Rohhem. Garametti. Rodwardeshusun. Illandehusun. Silihem. cum agris cultis & incultis. silvis. aquis aquarumque discursibus. pratis. pascuis. nec non cum utriusque sexûs mancipiis. & cum omnibus ad hac loca pertinentibus appendiciis. videlicet octo molendinis ceterisque qua adhuc nominari queunt vel nequeunt. & tamen in eis sunt vel fieri possunt utilitatibus. exceptis Ministerialibus ejus hominibus Eilbeht. Randwigh. Acilin. Gela. Doda. Hoikalsi. Ainza. Tamma. Hibuke. Hizule. ceterisque mulieribus jam ad gynacæum ejus assumptis. non ulterius assumendis. Eâ ratione atque pactione interpositâ. ut dum Deo jubente Monasterium Paterbrunnense maneret incolume. pro eodem Dodicone Sacerdoti atque Diacono & Subdiacono cotidie publicam Missam celebrantibus stipendialis refocillatio. qua convenit uni ejusdem Ecclesia fratri constipendiali dari. daretur. Sin autem ab Episcopo vel Prapósito publica Missa celebraretur. eadem ejus stipendialis refocillatio pro anima ejus remedio inter duodecim egenos divideretur. Cum verò idem Comes Dodico divinâ sic disponente providentiâ hujus vitæ terminum transiret. in omnigena re commemorationem quam pro ejusdem Monasterii Episcopo agere consuetudo est. pro eodem Comite Dodicone celebrari debere. Videlicet in Missarum & Psalmorum celebrationibus. luminorumque incendiis. eulogiarumque donationibus. centenorumque pauperum refocillationibus. & in omnibus qua in Episcopi ejusdem loci annuali depositionis die convenit facere. Hâc traditione & pactione peractâ

ante altare S. Dei Genitricis Maria Dominus Episcopus Mainwercus cum suo Advocato Amulungo pro eodem pradio in precariam eidem Dodiconi prastitit. Quicquid in DESBURG. Astnederi. Westnederi. Dalpanbusun. Dueriun. Uslahun. Rasbiki. Silihem. Wepplithi. ad Ecclesiam Paterbrunnensem proprietatis pertinebat. atque eandem traditionem quam idem Comes Dodico ad altare S. Mariae tradidit. ut utrumque dum ipse viveret traditionis atque precaria usufructus uteretur. Illo autem mortem obeunte in integrum precaria & traditio ad supradictam Paterbrunnensem Ecclesiam restitueretur. similiter exceptis tribus ministerialibus viris. Tiazone. Bennone. Mainzone ac duabus familiis in Wepplithi habitantibus & ad Heristelli pertinentibus. quas ei in precariam non concessit. Hac autem traditio tali tenore atque interdictione facta est. ut si isdem Episcopus vel aliquis ejus successor de precaria vel pactione eodem Dodicone vivente infringere voluerit. isdem Dodico supradictum pradium recipiendi licentiam habeat. Hujus rei testes sunt. Sibodo. Immed. Siberht. Thiatmar. Bernhard. Amulung. Bernhard. Erp. Ailbrat. Volcpold. Kono. Rodward. Haika. Hager. Wored. Helm-vure. Alfric. Mainheri. Ratheri. Wiking. Adalbarc. Imuka. Asman. Folcmar. Hiddi. Becilin. Wal. Wither. Aisfa. Bunald. Thiadmar. Hiriman. Frithuric. Rainhald. Hiriman. Redald. Hildward. Asdag. Acca. Bacca. Unaca. Aica. Isic. Redig. Imuca. Mainbald. Duda. Tamma. Thiadmar. Isger. Bardered. Mainwerc. Hiriman. Ova. Hamaca. Heilward. Frithuric. Godeffcalc. Vulvered. Waldhard.

Hanc Dodiconis Comitissiam munificentiam S. Henricus Imperator hoc suo diplomate auxit & confirmavit.

IN nomine Sanctae & individuae Trinitatis. Henricus divina gratia Romanorum Imperator Augustus. Divina pietatis clementia qua nos ad culmen imperatoriae majestatis perduxit. ad hoc voluit imperare. ut Ecclesiarum ordini firmando atque corroborando subveniamus. his autem maxime locis quae ab antecessoribus nostris Regibus & Imperatoribus fundata. sed jam peccatis exigentibus paene videbantur annullata. Quapropter omnium fidelium nostrorum praesentium scilicet ac futurorum industria notum esse volumus. qualiter nos divini amoris instinctu pro remedio animae nostrae seu parentum nostrorum. nec non & tertii Ottonis bonae memoriae Imperatoris dilectaeque conjugis nostrae Chunigunde Augu-

Augusta interventu. atque Meinweri S. Paderburnensis Ecclesia venerabilis Episcopi rogatu. sibi sanctæque suæ Ecclesiæ à Karolo M. Imperatore olim fundata. nostris verò temporibus incendium passa in honore S. Dei genitricis Mariæ semper virginis. & S. Kiliani martyris Liborii-que Confessoris dedicata. Comitatum quem Dodico Comes dum vixit tenuit. situm videlicet in locis Hessiga. Netga, Nihterga cum omni legalitate in proprium concedimus atque largimur per hanc nostram imperialem paginam eo videlicet tenore rationis. ut præfatus Episcopus Meinweri sui-que successores præscriptæ Ecclesiæ præsidentes. dehinc liberam habeant potestatem de eodem Comitatu ejusque utilitatibus quicquid eis placuerit faciendi ad eorum tamen utilitatem Ecclesiæ. Omni videlicet inquietudine remota. Et ut hac nostræ traditionis seu confirmationis auctoritas stabilis & inconvulsa omni habeatur tempore. hoc præceptum inde conscriptum manu propria firmavimus & nostro sigillo re-percussu insigniri jussimus.

Signum Domni HEINRICI victoriosissimi Imperatoris Augusti.

Gunterius Cancellarius ad vicem Hercumbaldi Maguntini Archiepiscopi & Archicapellani recognovit.

Data XIII. Kal. Mart. Indictione IIII. Anno Dominicæ Incarnationis millesimo vicesimo primo. Anno vero Domni Heinrici secundi regnantis XVIII. imperii autem VIII. actum Padebrun. feliciter. Amen.

Quemadmodum autem Dodiconis Comitis traditionem, Bernardus ejus propinquus sæculari judicio, ut loquitur scriptor vitæ B. Meinweri, infirmare attentavit, & demum in præsentia S. Heinrici Imp. Aribonis Moguntini Archiepiscopi, & aliorum multorum, omni querelâ postpositâ, plenariâ reconciliatione placatus cessavit; ita postea S. Henrico Imp. defuncto, Aribo Archiepiscopus Mogunt. Comitatum Dodiconis jam antè Ecclesiæ Paderbornensi donatum à Conrado novo Rege, & juris Paderbornensis ignaro, per obreptionem impetravit. nec tamen diu illo est fructus: siquidem Conradus jus Ecclesiæ Paderborn. edoctus, ipsam in integrum restituit hoc diplomate.

IN nomine Sanctæ & individue Trinitatis. CHUONRADUS divina favente clementia Romanorum Imperator Augustus. Notum sit omnibus Christi nostrisque fidelibus præsentibus ac futuris. qualiter ante-

cessor noster beata memoria Heinricus Imperator. cujus semper animus in Dei Ecclesiis meliorandis & amplificandis invigilavit. Paderbrunnensis paupertatem miseratus Ecclesia. multa ei bona tam in pradiis. quam in aliis facultatibus larga manu pro Dei amore dilectique sibi Praesulis Meginwerci assiduo & devotissimo obsequio contulit. Inter quae etiam Comitatum Dodiconis quondam Comitis eidem Ecclesiae imperiali munificentia legitime donavit. tradidit. delegavit. Illo autem antecessore nostro defuncto nos qui loco illius in regnum successimus. per suggestionem Magontini Praesulis eundem Comitatum à praefata Ecclesia tulimus & in jus Magontina Ecclesiae rudes adhuc in regno injusto persuasi consilio irrationabiliter transfulimus & transmuvimus. Imperiali autem nostra potestate Dei gratia magis magisque in regno confirmata & corroborata. Meginwercus Praesul Imperatorum devotissimus servitor & amator. Marthe sedulis satagens obsequiis non cessavit nec quievit supplicando serviendo. quoadusque nos omnipotentis Dei in cujus manu corda sunt Regum commoniti instinctu. dilectaeque Conjugis nostrae Gisela. nec non Heinrichi filii nostri magnifici Regis interventu. Ecclesia sua scilicet Paderbrunnensi. totum Bernardi Comitis quondam Comitatum. qui situs est in locis Hesse. Nitergo. Netgo. Bothersge. legitima traditione reddidimus. restituvimus. redonavimus. praecaventes autem nos & praecogitantes ne aliqua postmodum inter ipsas Ecclesias de hac re controversia fieret & discordia. Maguntina Ecclesia Comitatum qui situs est in Cluvinga propter pacis confirmationem imperiali nostro jure concessimus. & hoc nostra parte ita est compactum sicque definitum. ut neutra Ecclesiarum illarum aliquod de praedictis rebus sibi inquisitis aliquo modo patiatur detrimentum. Si quis autem diabolica suasionem seductus. hanc nostram traditionem in aliquo infringeret. sciat se odium Dei Sanctorumque ejus habiturum. & M. libras auri puri compositurum. medietatem Camera nostra & medietatem praedictae Paderbrunnensis Ecclesiae Rectori. Quod ut verius credatur & diligentissime ab omnibus in perpetuum servetur. praeceptum hoc inde conscriptum manu propria subtus firmavimus. & sigillo nostro insigniri jussimus.

Signum Domini CHUONRADI Romanor. Imperatoris invictissimi.

Burchardus Cancellarius ad vicem Bardonis Archicapellani recognovit.

Data

Data IIII. Non. Aug. Indict. prima. Anno autem Dominica Incarnationis M. XXXIII. Anno autem Domni Chuonradi Secundi regnantis VIII. imperantis VII. Actum Linburg feliciter. Amen.

Ex eo tempore Warburgum in fide ac ditione Ecclesiæ Paderbornensis perpetuò manlit: Qua de causa Simon Episcopus Paderbornensis, cives novi oppidi hoc diplomate impertivit.

SIMON Dei gratia Paderbornensis Episcopus universis presentia visuris in perpetuum salutem in eo qui est omnium vera salus. Ut factarum rerum memoria perpetuo perseveret. expedit actus nostros temporales per scripturas authenticas aternari. Hinc est quod nos novum oppidum in WARTBERGH. per quod Ecclesia nostra Paderbornensis in omnibus suis necessitatibus est suffulta. cupientes in omnibus specialiter promovere. Consulibus & universitati ejusdem oppidi. Capituli nostri Paderbornensis. Ministerialium & universitatis ejusdem Ecclesia nostra communi accedente conniventia & consensu. ex dilectione & gratia speciali duximus indulgendum. ut oppidum suum muro necessario inter se & oppidi vicinum & sibi contiguum & munitionibus circumquaque necessariis muniant & circumdant. Et ut hæc nostra ordinatio & gratia sibi facta à nobis & nostris successoribus & ab Ecclesia nostra perpetualiter firma & inviolabilis observetur. prasens scriptum nostro sigillo. & Ecclesiæ nostræ Paderbornensis. Hermannii Nobilis de Oesede nomine omnium Castellatorum in WARTBERGH. Bertoldi. Weneri & Hermannii Dominorum de Brakelo. Civitatis Paderbornensis & oppidanorum in WARTBERGH sigillorum munimine jussimus & fecimus roborari. coram testibus subnotatis. Gerhardo Prapósito Bremensi & Widekindo de Oesede Canonico Patherbornensi. Adolpho Comite de Waldeck. Hermannio de Oesede. Hermannio de Holthusen. Nobilibus. Bertoldo & Wenero de Brakelo. Conrado de Ettelen. Conrado de Reckelinghusen. Henrico dicto Pankoken & Helia nato ejus. Theodorico de Mederike. Johanne de Offerhusen. & Castellanis nostris Friderico de Istorp. Conrado & Alberto fratribus de Welde. Gotscalco de Welde. Conrado & Volperto fratribus de Eysen. Denhardo de Noerde. Gerhardo & Gotscalco fratribus de Dinckelenbergh. Conrado Gerhardo & Helmico fratribus & Scultetis. Johanne de Nedere. Ludolfo de Humbranen Militibus. Hermannio Marscalco. Joanne de Vellede. Bertramo & Frederico

Theodorico & Theodorico de Noerde. Berhardo & Helmico fratribus Schultesi nati, Conrado Luscho & Conrado de Ettelen. Famulis. Conrado de Sindessen. Regene Budone condicō Bassen. Henrico de Hoegeden. Johanne de Oissen. Ernesto & Henrico de Grimmelsen Militibus. Adolpho de Binelsdorp. Gerhardo Alexandro & Conrado de Nedere. Johanne & Alberto fratribus de Nedere. Amelungo & Gotscalco fratribus de Nedere. Volperto de Rosbecke. Conrado de Ofsendorp. Frederico de Dasbergh. Joanne de Harveden. & sororio ejus Hermannō Ruffo. Henrico. & Conrado fratribus de Rotworsen famulis. & civibus pradioti oppidi. Proconsulibus Alberto & Siffrido. Monetariis & Consulibus pro tempore Hermannō de Dalhem. Conrado de Wickelen. Wernero Schulteto. Conrado dicto Radt. Hermannō de Amelunxen. Conrado de Papenheim. Johanne de Natzung. Conrado Bruwardi nato. Henrico Sartore. Alberto dicto Lethe. Arnolde de Helmerdeshusen. Eckardo Ernberti nato. Hermannō de Heindessen. & universitate oppidorum in WARTBERGH cum aliis quam pluribus. Nos enim omnes suprascripti. vel Ministeriales Vasalli & universitas Ecclesia Patherbornensis. qui sigilla nostra non apposuimus. vel sigilla propria non habemus. sigillis appensis contenti sumus. & omnia supradicta dicimus ita esse vera. Actum & datum WARTBERGH Anno millesimo ducentesimo sexagesimo. in Kalend. Junii. Pontificatus nostri anno quarto.

5. PARUIT IMPERIO CAROLI.] Ita Regino lib. 2. Chron. ad An. 776. Ex pradioti igitur loco (Eresburgo) cum tanta confusione discedentes (Saxones) venerunt ad aliud castrum, quod appellatur Desuburgh, ubi voluerunt similiter facere, sed Deo auxiliante, Francisque eis viriliter repugnantibus, nihil prevaluerunt. Oppidani vero persecuti sunt eos usque ad flumen, quod Lippa dicitur, & multos ex eis interfecerunt. Haecenus ille. Desuburgh verò idem esse quod Defenberg, ostendit Fabricius lib. 2. orig. Saxoniarum. Saxones jugi Francici impatientes & fœderis immemores, ducum suorum levitate, ipso absente (Carolo M.) rursus tumultuantur, arcem Heresburgum obsident, & Francis astute deditionem conantur persuadere, propositâ incolumitate & premiis, suspectam habentes Franci Saxonum fidem, id facere detrectant, nec viribus de presidio dejici possunt, &c. Tentantes deinceps (Saxones) castrum Defenbergum

in monte altissimo situm, & Hassia finitimum, nihilo felicius id oppugnant: Nam erumpentes Franci è prasidio, eos ad fluvium usque Luppiam insequuntur; nec paucos intercipiunt & obtruncant. Et lib. 4. Idem cum tentarent ad arcem Disemburgiam, etiam cum dedecore & clade suorum rejecti, & fugati usque ad Lippam fluvium sunt. Quæ hîc Regino de nostra Defenbergâ recenlet, alii de Siburgi obsidione, quæ omnium Franc. hist. scriptorum calculo in hunc eundem annum incidit, intelligenda existimant. Quasi verò in Saxonia non fuerint tunc plures munitiones, seu firmitates, ut loquuntur Annal. Canisii, quas aut Franci præsiidiis occupatas tenuerint, aut Saxones recuperare studuerint. Enimverò Defenbergâ, campis undique patentibus, in arduo cognominis montis jugo posita, inexpugnabilis munimenti situm, ad tuendos Hassiæ fines maximè opportunum, nec ulli Saxonix propugnaculo secundum, repræsentat.

6. VICTA DEHINC CESSIT.] Quod, Ægidii Gelenii iudicio l. c. de hac nostra Defenbergâ locutus, Lambertus Schaffnaburgensis memoriæ prodidit, his verbis ad An. 1070. Deinceps Rex (Henricus IV.) collecto exercitu egressus, extremam operi manum per se ipsum imposuit. Principes, quos ei (Ottoni) consanguinitate vel aliâ necessitudine obnoxios noverat, aut acceptis prasidiis, aut jurejurando, ne ad eum deficerent, obligavit: castellum Hannenstein, à quo ad primum statim belliterrorum prasidium abductum fuerat, funditus everti jussit; alii castello, quod DESENBERG dicitur, exercitum jam admoverant, sed hi qui intus erant, etsi loci situ inexpugnabiles essent, & copiis omnibus, quæ administrando bello necessaria erant, affatim affluerent, ultimo tamen se dedere, quàm anticipem belli fortunam tentare maluerunt.

7. NUNC JACET INDIGNA.] Quæ vastatio sub annum 1203. contigisse videtur; cùm enim pane primo Pontificatus anno, Bernardo III. Episcopo Paderbornensi cum Widekindo de Defenberg Abbate Corbeiensi, gravis intercessisset controversia, super castro Defenberg, & super quibusdam damnis, quæ se Widekindus à Bernardo Episcopo, & maximè ab illius Prædecessore sustinuisse dicebat; per arbitros utrimque lectos reconciliati ambo consensere,

ut castrum Defenberg pari labore & paribus expensis destrueretur, & ut de cetero mons ille nulli hominum conferretur, neque odii neque dilectionis intuitu, qui praesidium vel aliquam munitionem in eo exstrueret, sed terra fieret arabilis, &c. Testes hujus rei, Lambertus Prapositus, Tidericus Decanus, Henricus Prapositus S. Petri, Tidericus Scholasticus, Conradus Custos, Johannes Cellerarius, Vulframms, Hermannus nova Ecclesia Prapositus, Hermannus, Tetmarus, Cratto, Eberhardus, Volquinus, Conradus, Hermannus, Volcbertus, Frethericus, Adolfus, Laici: Bernhardus Bercule, Hermannus de Scardenberch, Bernhardus de Northe, Hermannus Comes de Wartberch, Henricus Dapifer de Parborne, Hermannus Pincerna, Gerhardus Schultetz: & iidem hi fuerunt arbitri Domini Episcopi de praedicta ordinatione. Fuerunt autem hi arbitri Domini Abbatis: Bodo de Hoenborch, Hermannus Bercule, Conradus de Amelungeffen, Raveno de Ortberche, Ludolfus dictus Burgravius, Arnoldus de porta, Henricus de Lutmersen. Ex literis antiquis An. Incarnat. Domini M CC III. Indiēt. VI. Pontificatus Bernardi III. Episcopi anno tertio, datis. Hanc tamen eandem Defenbergam aut non planè dirutam fuisse, aut è ruinis resuscitatam, colligi videtur ex antiquis literis An. 1393. die B. Matthiae Apost. datis, quibus Henricus Spiegel, Ruperto Episcopo Paderb. ejusque successoribus ac dioecesi cavet: quòd nec ipse, nec ullus ratione ipsius, ex parte suae arcis Defenbergensis damnum illis inferre debeat. Dissidio deinde inter ipsos Spiegelios de Defenbergam orto, Simon Episcopus Paderb. An. 1472. die Jovis post Dominicam Cantate, litem decedit, pacem Burgensem sanxit, & certum ejus colendae modum praescripsit: reservato sibi suisque successoribus beneficii, aperti castri, & territorii jure. Hanc pacificationem confirmavit Ericus Episcopus Paderb. An. 1524. festo die S. Andreæ Apostoli. Ex quibus apparet Defenbergam, cā tempestate Spiegelios adhuc incoluisse: quam tamen Henrici Saxonis Episcopi Paderb. literæ eadem de re datæ, An. 1581. 17. Nov. desertam corruisse arguunt, in quibus Art. 8. Henricus decernit & mandat Spiegelis: ut cum in monte & arce Defenbergensi, tanquam primariâ feudi parte, omnis jurisdictio Defenbergensis domini sit fundata, & indè originem ducat, ne ipsum castrum funditus

ditus collabi sinant, sed superiorem ejus arcam bene conclusam, per janitorem custodiant, atque ipsam turrin instaurant, ac sartam tectam conservent.

8. IPSA VIDET SI QUOQUE SAXA MORI.] *Hem nos homunculi indignamur, si quis nostrum interit aut occisus est: quum, uno loco, tot oppidorum cadavera projecta jaceant. Sulpit. ad Cicer. epist. famil. lib. 4. epist. 5. In eundem sensum Rutilius in itinerario de Populonia everfa:*

Non indignemur mortalia corpora solvi,

Cernimus exemplis oppida posse mori.

In quæ mortalium oblivionum fata ne incurrerent res apud nos præclarè gestæ, dignæque omnis posteritatis memoriâ: Nos per hæc adornata Monumenta tam sollicitè singulis consultum volumus: quemadmodum id Varro lib. 5. de lingua Latina sapienter olim suasit. *Monère, inquit ille, à memoriâ dictum, quòd is qui monet, perinde sit ac memoria. Sic Monumenta, quæ in sepulchris, & ideò secundum viam, quo pratererunt admoneant, & se fuisse, & illos esse mortales. Sed cum & ipsos lapides, qui memoriæ conservandæ ponuntur, subverti, & ex oculis hominum tolli videamus; eò literarum monumenta reperta sunt, quæ ipsis saxis multò fidelius & constantius ætatem memoriæque ad posteros ferunt. Quam in partem & nostras has operas venire cupimus, illo cum primis Sallustii, de bello Jugurthino, monito invitati. Ingenii præclara facinora, sicut anima, immortalia sunt.*

P A D E R Æ F O N T E S .

M E M O R I Æ . S A C R U M

HIC. UBI. FONS. PADERÆ. MEDIA. SURGENTIS. IN. URBE
 DUCO. VETUS. MAGNI. NOMEN. AB. AMNE. PADI
 MARTE. DIU. ANCIPITI. CAROLUS. CERTARE. COACTUS
 DELEGIT. CASTRIS. CONCILIISQUE. LOCUM
 JUSSIT. ET. HIS. UNDIS. LUSTRATAM. SUBDERE. GENTEM
 SAXONICAM. VERO. COLLA. SUPERBA. DEO
 HIC. LEO. ROMANA. DEDUCTUS. AB. URBE. SACELLUM
 SACRAVIT. PRIMUM. RELIGIONIS. OPUS
 HIC. SEDES. LONGO. FUIT. ORDINE. DEINDE. SECUTIS
 TERRARUM. DOMINIS. INCLYTA. CÆSARIBUS
 VIRGINIS. HIC. CONJUX. VIRGO. CUNIGUNDA. MARITI
 ACCEPIT. MERITIS. REGIA. SERTA. COMIS
 VASTUM. ALIUS. SUBEAT. SEPTENA. PER. OSTIA. PONTUM
 NOBILIUS. NULLUS. ME. CAPUT. AMNIS. HABET

F E R D I N A N D U S . D E I . E T
 A P O S T O L I C Æ . S E D I S . G R A T I A . E P I S C O -
 P U S . P A D E R B O R N E N S I S . C O A D J U T O R
 M O N A S T E R I E N S I S . S . R . I . P R I N C E P S
 C O M E S . P Y R M O N T A N U S . E T . L I B E R . B A -
 R O . D E . F U R S T E N B E R G

A D . F O N T E S . P A D E R Æ . C A S T R I S . C O M I T I I S . E T
 F R E Q U E N T I I M P E R A T O R U M . R E G U M Q U E . G E R -
 M A N I Æ . E T . F R A N C I Æ . H O S P I T I O . A C . R E G I A
 S . C U N I G U N D Æ . C O R O N A T I O N E . C E L E B R A T O S

M. H. P

NO.





1. Ecclesia Cathedralis D. M. V. 2. Collegium Societatis Iesu. 3. Gankereb Ecclef. Parochialis
 3. Abdinghoff. - Monasterium ord. S. Benedicti. ord. S. Benedicti.
 4. Collegiata S. S. Petri et Andreæ, dicta in 'Bischoff'. 6. Marchkerb Ecclef. 'Parochialis'.



7. Novum Templum P.P. Francigenae. Obfervat.
 8. Templum Capucinefforum. 9. Renshae port.
 10. Porta occidentalis. 11. Novus ther.
 12. Monasterium Monachorum. 13. S. Pancratii.



N O T Æ.

1. **H**IC UBI FONS PADERÆ.] *Padera*, in carmine apud Canisium de Leonis III. ad Carolum adventu, *Patra* vocatur:

*Est locus insignis, quo PATRA & Lipa fluent ant,
 Altus & in nudo campo jacet, undique largo
 Vestitus spatio: celfo de colle videri
 Namque potest legio omnis, & hinc exercitus omnis,
 Castra Ducum & Comitum, radiantiaque arma virorum.*

In vita S. Adalhardi, per S. Paschasium Ratbertum, apud Bollandum 2. Januar. cap. 16. num. 66. *Pater* appellatur. ita enim describitur Corbeix Saxonica situs: *Est autem locus pergentibus ad ortum solis de fonte PATRIS, situs supra litus Wisrae, &c.* Franciscus Irenicus lib. 12. Germaniæ Exegeleos *Padam*, alii *Padum*, *Padram*, *Pather*, nuncupant. *Pader* Gobelinus *Persona*, & communis loquendi usus retinet.

2. MEDIA SURGENTIS IN URBE.] Nomen hujus Urbis, pro cujusque scriptoris dialecto, variis modis enuntiat. In Adone Viennensi, *Paterbrurna* & *Padrabrunne*; in Annal. Canisii, *Paderbrunnen*, *Padenbrun* & *Padesbrunen*; *Patresbruna* & *Patresbrunnas* appellatur in Joannis Tili Annalibus minoribus; in auctorioribus, *Patresbrunna* & *Patresbrunno*; in fragmento Annalium Alex. Petavii, *Padresbrunnon* & *Padresburnon*; in Annalibus Loiselii, *Paderbrunnen* (uti & in aliis quibusdam) & *Padabrunno*; in vita Caroli M. per incertum, *Paderburnen* & *Paderburnum*; in ejusdem vita per Monachum Engolismensem, *Paderbrunnem* & *Padabruno*; in Poëta Saxone, *Pathalbrunnon* & *Paderbrunnon*; apud Eginhardum, *Padabrunna*; in vita Ludovici Pii, *Patrisbruna*; in historia constructionis novæ Corbeix, *Patherbruna*; in Annal. Fulden. *Padrabrunno* & *Padrabprunno*; in hist. translationis S. Viti, *Patherbronna*. Vid. Bollandi notas in vitam S. Liborii, cap. 1. 11. quæ horum fontium sic meminit:

Y

Ac-

Accedit ad ornamentum loci, (Paderbornæ) saluberrimorum fontium intra ipsum oppidum in unum pariter alveum confluentium, incomparabilis tam species, quàm numerositas; in tantum, ut eorum latitudini & amantitati similes esse alibi minimè compertum habeamus.

3. DUCO VETUS MAGNI NOMEN AB AMNE PADI.] Vocis originem fontesque præ cæteris explicatè nobis descripsit Gobelinus in Cosmod. recito verba illius: *Sciendum quod hic locus nomen trahit à fluvio ibi surgente, qui Pader dicitur, quem Carolus loci amantitate delectatus, vel fortè Saxones, qui olim de Italia, quam cum Longobardis invaserunt, reversi fuerant, de quibus suprà dictum est, à Pado fluvio Italia nominarunt: & inde fortassis est, quòd in literis Apostolicis scribitur Padeburnensis. Relatione quippe seniorum traditum esse dicitur, quod Carolus huic loco nomen indiderit: hic etenim fluvius, (quemadmodum Padus maximus fluvius Italia ex tribus fontibus sibi invicem propè surgentibus, ad pedes Alpium in unum alveum concurrentibus oritur) in pede montis ex tribus fontibus, quasi profundis ex abyssis, scaturiens, multis rivulorum decursibus, ab eodem monte concurrentibus, inter unius alvei ripas, intra mænia civitatis excipitur. Et horum trium fontium quilibet Pader appellatur, tamen cum sua determinatione. Et fons versùs occidentem extremus, prout à quodam piscatore hoc mihi referente, intellexi, à superficie effluentis aqua usque ad fundamentum ejus, centum minus duobus pedibus altitudinis est: quemadmodum validè se mensurasse idem piscator fatebatur. Et hi tres fontes tantam profundentes aquarum abundantiam cum rivulis suis flumen generant, cui in tota Europa, quantum ad ortum ejus, simile non contingit reperire. Dilatat quippe gremium mox fontibus egrediens, quod intra civitatis, in qua surgit, mænia viginti molarum rotas, quarum nulla posterior rota præcedentis aquam recipit, sicut jugiter fluit, indefinenter volvere potest. Neque quisquam miretur quod dixi huic fluvio nomen prædictum à Carolo fuisse inditum, quamvis ante ejus adventum apud incolas regionis aliquo certo nomine fuisse fluvium ipsum nominatum dubium non existit. Quoniam nomina fluviorum successu temporum, adventu novorum populorum aut Principum, & de cætero mutata quandoque legimus. Et verisimile est nomen pristinum Lippe fuisse, quod ex illo conjicio, quòd fluvius à nulla civitate, villa, vel vico, extra locum, in quo surgit, sub*
hoc

hoc nomine Pader, recipitur, quoniam statim in loco, in quo surgit, ad stadia quasi xv. duobus fluvii commiscetur, quorum quilibet isto minor est. Et inde omnium illorum trium fluviorum congregatio Lippe nominatur, quo nomine nullus illorum trium fluviorum simpliciter nominatur, sed fluvius qui occurrit ab oriente, qui respectu istius quasi rivus apparet, STRICTA LIPPA nominatur, utique ad differentiam alterius fluvii, qui etiam Lippe cum alia determinatione, vel sine determinatione sit vocatus, & major illo sit, cum nomina fluviorum minorum sibi concurrentium, sicut & aquam, soleant absorbere communiter. Et fluit sub hoc nomine Lippe donec Rheno commiscetur. Ita ille, ætat. 6. c. 38. p. 188. Certè familiare fuisse Francis peregrina nomina nostris locis inferre, & sic Remam, pagum ad Warne & Visurgis confluentes, à Remis urbe Archiepiscopali in Gallis, à Pado Italico Padum nostratem, ab Heristallo Francico Heristallum Saxonicum, à Corbeia Francica Corbeiam Saxonicam denominatam, scribit Meibomius in notis ad Irminfulam Saxonicam. Cui ex parte consentit Reinerus Reineccius, in notis ad Poëtam Anonymum. p. 14. Ut contrà in Annalibus Franc. perpetuò legitur Paderborna. Est enim nomen à Padi fontibus. De his lectu dignissimum Cosmodromion Gobelini. Ibidem & hoc traditum. Padum, cum aliud antè nomen habuisset, ita à Carolo Mag. de Italico indigitatum. Sed hoc in medio relinquamus. Quanquam negari non potest, utrique multa communia esse. Atque ut Italicus inter fluvios Italia maximus est, sic Germanicus tantum à capite aquarum vehit, quantum totius Europe nullus. Contrà, inquit Bollandus l. c. Alii à Romanis, cum iis in locis castra haberent, PADERAM dictum volunt ob eandem Padi similitudinem. Quod ut absque veteri auctore affirmare mihi non est animus, ita consentaneum rationi usuique non inficior, & aetolarum traditione celebratum. Cæterum Poëta Anonymus ad An. 777. vetustum fuisse urbis nomen significat, ergo & fluvii, à quo urbi nomen:

— *Conventum placiti generalis habere
Cum Ducibus se velle suis denuntiat illic.
Tanto concilio locus est electus agendo,
Quem Pathalbrunnon vocitant, quo non habet ipsa
Gens alium naturali plus nobilitate
Insignem, qui præcipue redimitus abundat*

Fontibus, & nitidis & pluribus, & trahit inde

Barbarica nomen lingua sermone VETUSTUM.

Joanni Horrioni eruditissimo elegantissimoque Panegyrici Paderbornensis scriptori lib. II. cap. XI. videtur omnino incerta Paderæ nominis origo, ita enim ait: *Sed quid sibi vult illud Pather? Colligimus enim sic à majoribus enuntiatum esse, quòd ita crebrò scriptum reperiamus, nimirum cum lingua Germanica veterem illam suam asperitatem retineret. Quemadmodum enim paullatim articulum THI mollius pronunciarunt DIE, ita ex Pather fecerunt Pader. Testatur Gobelinus à Pado derivatum, qui, ut ait, ex tribus fontibus sibi invicem propè surgentibus ad pedes Alpium in unum alveum concurrentibus oriatur. Quæ descriptio non congruit cum iis quæ à Strabone, Plinio, Ptolemaeo, Leandro Alberto de origine Padi memorantur. Sed faciamus non spectatam esse in hac appellatione tam accuratam similitudinem, si cui id sequi libebit, dicet à Pado factam esse Paderam, quemadmodum brachium Padi, quod est ad Ravennam, Padusam dictum accepimus. Reperitur quoque in Annal. Canisii An. 777. scriptum Padesbronnen, ubi videri possit deductum nomen ab eadem origine, atque ipsum Padi vocabulum. Refert enim Plinius lib. 3. c. 16. ex Metrodoro, Padum nomen accepisse ab arbore picea, quæ multa circa fontem, quæ Gallicè Pades dicatur. Verùm unde Saxonibus nostris, quos eo tempore quasi more ferino vixisse ait Venantius lib. 3. c. 7. ea eruditio & cognitio linguarum? Equidem malim fateri nescire me, unde illud PATHER, in nomine Patherborna, perinde atque obscurum est, quid sibi velit Mimigarna, in nomine Mimigarnafordæ, quo aliquot sæculis dicta fuit ea Westphaliæ urbs, quam hodie Monasterium nuncupamus.*

4. MARTE DIU ANCIPITI.] Ejus luculentus testis est Eginhardus in vita Caroli M. qui causas & tempus belli Saxonici his verbis prodidit: *Post Longobardici belli finem, Saxonicum, quod quasi intermissum videbatur, repetitum est: quo nullum neque prolixius, neque atrocius, Francorumque populo laboriosius susceptum. Quia Saxones, sicut omnes ferè Germaniam incolentes nationes, & naturâ feroces, & cultui demonum dediti, nostræque religioni contrarii, neque divina, neque humana jura vel polluere, vel transgredi inhonestum arbitrantur. Suberant & causæ, quæ quotidie pacem conturbare*

bare poterant, termini videlicet nostri & illorum panè ubique in plano contigui, præter pauca loca, in quibus vel silva majores, vel montium juga interjecta, utrorumque agros certo limite determinant: in quibus cades & rapina & incendia vicissim fieri non cessabant. Quibus aded Franci sunt irritati, ut jam non vices reddere, sed apertum contra eos bellum suscipere dignum judicarent. Susceptum est igitur contra eos bellum, quod magnâ utrinque animositate, tamen majore Saxonum, quàm Francorum damno, per continuos triginta tres annos gerebatur. Plures eo bello tam ex nobilitate Francorum, quàm Saxonum, & summi honoribus viri, consumpti sunt: tandemque anno tricesimo tertio finitum est. Vid. Poëtam Anonym. vit. Ludovici Pii apud Pithæum.

5. DELEGIT CASTRIS CONCILIISQUE LOCUM.]

Anno 777. Rex (Carolus) post celebratam Norviomagi Paschatis festi solemnitatem, ad locum, qui Paderbrunna vocatur, generalem populi sui conventum in eo habiturus, cum ingenti exercitu in Saxoniam profectus est. Eginhard. in vit. Caroli M. vita Caroli M. apud Pithæum, vita ejusdem per incertum auctorem tom. 11. script. hist. Francicæ, Annal. fragment. ex ms. Nazariano apud Freherum inter scriptores Francicos, Poëta Anonymus, Ado Viennens. Annal. Canisii, Regino.

An. 783. Cumque de loco pralii ad Paderbornam se cum exercitu recepisset, atque ibi castris positus partem exercitus opperitur, audit Saxones in finibus Westfalarum supra fluvium Asam congregari. Astron. apud Reuberum, vita Caroli M. per Engolismensem Monachum, Regino.

An. 785. Rex Carolus placitum habuit apud Paderbrunnon cum Francis & Saxonibus. Annales Francorum tom. 11. inter script. hist. Franc. Astron. apud Reuberum, vita Caroli M. per incertum auctorem tom. 11. inter script. hist. Franc. vita Caroli M. per Engolismensem, vita Caroli M. apud Pithæum, Regino.

An. 786. Ludovicus filius pro sapere & posse obedienter parens, occurrit (Carolo patri) ad Patrisbrunnam, habitu Vasconum cum coevis sibi pueris indutus, amiculo scilicet rotundo, manicis camisia diffusis, cruralibus distentis, calcaribus caligulis insertis, missile manu fe-

rens: hac enim delectatio voluntasque ordinaverat paterna. Vita Ludovici Pii apud Pithæum.

An. 799. *Interim Rex in Saxoniam profectus Rhenum ad Lipeham transiit, & in loco qui dicitur Padeburnum positis castris confedit. Vita Caroli M. per incertum auctorem tom. 11. script. hist. Franc.*

6. JUSSIT ET HIS UNDIS LUSTRATAM SUBDERE GENTEM.] An. 777. *Dominus Rex Carolus publicam synodum habuit ad Paderbrunnen, ibi convenerunt omnes Franci & omnes Saxones, excepto, quod Widochindus rebellis exstitit, & cum paucis aliis sociis suis in Normandiam confugit. Ad idem placitum venerunt Saraceni de Hispania tres reges, Ibnalarabi & filius Devizesi, qui Latine Joseph nominatur, & gener ejus Alarviz, ibique multitudo Saxonum baptizata est. Vita Caroli M. apud Pithæum, Annal. Francorum inter script. hist. Franc. tom. 11. Annal. Fuldens. apud Freher. Ibi Saxones baptizati ingenuitatem, & omnem proprietatem suam, secundum morem gentis, abdicantes regi tradiderunt, si à die illa, & deinceps Christianitatem, & regi ac filiis fidelitatem abnegassent.*

7. HIC LEO ROMANA DEDUCTUS AB URBE.] An. 799. *Leo Papa à Romanis in Letania majore lingua truncatâ cruciatus, & per Wirundum Abbatem, & Winigisum Ducem Spoletanum ereptus, ad Carolum in Saxonia ad Paderprunno deductus est. Annal. Fuldens. apud Freher. vita Caroli M. per Engolismens. tom. 11. script. hist. Franc. Astronom. apud Reuberum, Poëta Anonym. Annales incerti auctoris apud Pithæum, Regino, Sigonius l. 4. hist. de Regno Italix.*

Pompam, quâ Paderbornæ exceptus est LEO Pontifex, prolixè & accuratè descripsit, qui interfuisse videtur, vetus Poëta, diversus à nostro Paderbornensi, quem Reineccius edidit, & nos sæpe citavimus. Extat apud Henricum Canisium, cujus judicio putatur esse Alcuinus Flaccus, Caroli M. & S. Ludgeri præceptor. Libet attexere carmina, ut palam omnibus fiat, quo honore maximus Rex Pontificem Opt. Max. coluerit.

Est locus insignis quo Patra & Lippa fluent ant,

Altus

Altus & in nudo campo jacet, undique largo
 Vestitus spatio, celsò de colle videri
 Namque potest legio omnis, & hinc exercitus omnis,
 Castra Ducum & Comitum, radiantiaque arma virorum.
 Huc CAROLUS multis stipatus millibus Heros
 Advenit, & tandem jurat hic succedere tectis.
 Missus Apostolici regalem tendit ad aulam
 Interea, & summum manifestat quippe venire
 Pontificem expulsam Romana à sede LEONEM
 Civibus à propriis, & tot tolerasse recenset
 Verbera commemorans extinctum lumine vultum;
 Narrat & abscissam liquido de gutture linguam,
 Nunc medicante Deo sanatum, & ab omnibus istis
 Esse malis animis: stupet ipse exercitus omnis
 Audita, & CAROLUS recolendo somnia retrò,
 Præteriti indicio agnoscens vestigia visus;
 Hoc fore non dubitat, quòd tristes fundere fletus
 Pontificem in somnis jam dudum vidit eundem.
 Hinc jubet extemplo Pippinum occurrere magno
 Pastori, pacem & placidam portare salutem.
 Obvius ire parat genitoris jussa facessens
 Pippinus, centum latus cum millibus ibat.
 Ipse sedet solio CAROLUS Rex justus in alto,
 Dans leges patriis, & regni fœdera firmat.
 Utque videt patulo adversum se tendere campo
 Pastor Apostolicus, centum cum millibus altum
 Pippinum, geminas extendit ad æthera palmas,
 Pro populoque preces effundens pectore largas.
 Ante Sacerdotem ter summum exercitus omnis
 Sternitur, & supplex vulgus ter fusus adorat.
 Mox LEO Papa solo Pippinum more benigno
 Excipit, & sacris circumdans colla lacertis,
 Hareret in amplexuque diu placida oscula libans.
 It comes, & supra se confert vertice toto
 Pippinus, varias miscens sermone loquelas,

Inque

Inque vicem diversa levant problemata verbo.
 Rex pius interea solium conscendit, & omnem
 Alloquitur populum CAROLUS venerabilis Heros.
 Ergo agite ó Proceres, inquit, quibus induite arma
 Ire estis soliti ad bellum, Martemque severum
 Temptare, & crudo vosmet considerare pugno,
 Pontifici celeri cursu occurremus opimo.
 Vix hac dixit Heros: fremit undique turba tumultu,
 Tela manu glomerat, mox loricasque trilices
 Et latos clypeos, galeasque & spicula, pelta
 Æratæ resonant; acies hinc inde videntur
 Ire equitum, sparsæ nigrescunt pulvere nubes,
 Et tuba lugubri medio strepit aggere voce.
 Classica signa sonant, campi densantur aperti,
 Agmine cristatus fulgetque exercitus omnis.
 Tela micant pariter, vexilla levata coruscant;
 Armati incedunt, juvenes & freta juvenus
 Gaudet equis, siccus fervescit in ossibus ardor
 Audendi, ac CAROLUS medio micat agmine latus.
 Aurea crista tegit frontem, & conspectus in armis
 Fulget, equo ingenti portatur ductor opimus.
 Ante Sacerdotum porro castra, agmina ternis
 Stant divisa choris, in longis vestibus alme
 Sacra crucis vexilla levant, & Præsulis omnis
 Adventum expectat Clerusque & candida plebes.
 Jam pater in campo CAROLUS vidit agmina aperto,
 Pippinum & summum Pastorem tendere contra
 Constat, & inque modum populum expectare corona
 Precipit, atque aciem hinc dividit urbis ad instar.
 Ipse autem medio consistere in orbe beatus
 Præsulis adventum expectans, & vertice toto
 Altior est sociis, populum supereminet omnem.
 Jam LEO Papa subitque externo se agmine misect.
 Quàm varias habitu linguas, tam vestis & armis,
 Miratur gentes diversis partibus orbis.

*Extemplo properans CAROLUS veneranter adorat,
 Pontificem amplectens magnum, & placida oscula libat,
 Inque vicem dextras jungunt, pariterque feruntur
 Gressibus, & multo miscentes verba favore.
 Ante Sacerdotem ter summum exercitus omnis
 Sternitur, & supplex vulgus ter susus adorat,
 Pro populoque preces ter fundit pectore Praesul,
 Rex pater Europa, & summus LEO pastor in orbe
 Congressi, inque vicem vario sermone fruuntur.
 Exquirat CAROLUS casus auditque laborum
 Diversos, sceleris populi impia facta stupefeit,
 Miratur geminas jam dudum luce fenestras
 Extinctas, & nunc reparatum lumine vultum,
 Truncatamque loqui miratur forcipe linguam,
 Alter in alterius configunt lumina vultus,
 Et parili sedis tendunt ad culmina gressu.
 Ante Sacerdotes sacri stant ostia templi,
 Alternis vicibus modulantes carmina laudum;
 Atque Creatori grates laudesque frequentant,
 Qui nova Pontifici reddebat lumina summo,
 Et desperatam condebat in ore loquelam.
 Exoritur clamor, vox ardua pulsat olympum.
 Intrat Apostolicus, CAROLO ducente beato,
 Templi Creatoris, solito solemnia more
 Concelebrare, pio Missarum sacra favore.
 Exhinc officiis divinis ritè peractis
 Invitat CAROLUS celsa inter tecta LEONEM.
 Clara intus pictis conlucet vestibus aula,
 Auro ostro ornantur hinc inde sedilia multo.
 Ad mensas resident lati, variisque fruuntur
 Deliciis, medio celebrant convivium tecto;
 Aurea namque tument per mensas vasa falerno.
 Rex CAROLUS simul & summus LEO Praesul in orbe
 Vescitur, atque bibunt pateris spumantia vina.
 Post lasas epulas & dulcia pocula Bacchi,*

*Multa pius magno CAROLUS dat dona LEONI.
Hinc latus repetens aula secreta revisat
Rex; & Apostolicus repetit quoque castra suorum:
Cum tali à CAROLO LEO sit susceptus honore,
Romanos fugiens propriis repulsus ab oris.*

8. SACRAVIT PRIMUM RELIGIONIS OPUS.]

Hujus rei testis est antiquus scriptor vitæ S. Liborii apud Bol-
landum, c. 11. pag. 88. §. 5. Nam & vir sanctissimus & verè Apo-
stolicus Papa sedis Romana, LEO nomine, injusta civium odia perpes-
sus, illic eum (Carolus) adiit, pro sedandis contra se ortis simul-
tatibus, imperialem opem quasiturus. A quo cum ingenti, ut par erat,
honore susceptus, religiosum ejus ac salutare Christianitatis dilatanda
studium nobiliter inchoatum, Apostolicâ auctoritate firmavit, atque in
Ecclesia tunc ibidem noviter constructa quoddam altare consecrans, ado-
randas in eo reliquias Protomartyris Stephani, quas secum Româ detu-
lerat, collocavit; fiducialiter id Principi promittens, quod oratorium
illud, tanti Martyris patrocinio munitum, non ulterius passurum fo-
ret injuriam, quam, ipso referente, prius ei contigisse cognovit; ut vi-
delicet ob incolarum loci perfidiam, & odium in religionem Christianam,
aliquoties igni traderetur. Et ob hanc maximè causam easdem reliquias
ibi, rogatu Imperatoris, recondidit; non sine effectû congruo, fiducia
sponsionisque suæ, cum nihil tale postmodum illic perpetratum esse certis-
simum sit. Eadem fere habet auctor vitæ B. Meinweri apud
Browerum n. 1. p. 13. Gobelinus Persona in Cosmod. ætat. 6.
cap. 38. insuper addit diem Leoninæ consecrationis: sed utrûm
rectè, vide in Notis ad Monumentum Eresburg §. 8. Verûm au-
diamus Gobelinum. Pontificatûs Hatumari primi Episcopi Pader-
bornensis anno 4. Leo Papa III. venit ad Carolum in Paderborne, que-
rens de injusta Romanorum persecutione, quem Carolus honorificè susce-
pit, & rogavit ut Capellam quandam ibi noviter constructam, cum jam
Ecclesiam, quam præsens ibidem erexerat, ipsi rebelles vastaverant igne,
dignaretur consecrare. Qui precibus Regis gratanter susceptis, in eadem
Capella altare in honorem S. Stephani Protomartyris devotè consecravit,
ac reliquiis ejusdem Martyris, quas secum Româ detulerat, in eodem
altari reconditis, visitantibus eandem Capellam in anniversario dedi-
catio-

cationis ipsius, qui est VIII. Idus Decemb. de benignitate Sedis Apostolicæ magnas indulgentias concessit, & sedem ibidem Episcopalem auctoritate Apostolicâ confirmavit. Vid. adhæc Crantzium Metrop. lib. 1. cap. 11. Casp. Bruschiū, & Kerffenbrochium in catalogo Ep. Paderb. Baronium ad annum 799.

9. HIC SEDES LONGO FUIT ORDINE DEINDE SECUTIS.] Unde non immeritò ab Erinhero, qui vitam S. Heimeradi Presbyteri, tutelaris Hafungenſis, versibus descripsit, appellatur SEDES REGALIS. Sicenim ille ingressus sermonem de B. Heimeradi cum Meinwerco Antistite congressu:

Est locus egregius Patherbrunnon vocitatus,

Is quoque REGALIS SEDES, & Pontificalis.

Hactenus illa produximus, quibus Paderborna à Carolo M. celebrata; nunc uti à cæteris Imperatoribus ac Regibus sit frequentata ac decorata, paucis subjungamus.

An. 815. Ludovicus in loco, qui dicitur *Padrabrūna*, generalem populi sui conventum habebat. Ibi ad eum omnes orientaliū Sclavorum primores, & legati venerunt. Astron. apud Reuber. vita Ludovici Pii incerto auctore apud Pithæum, Adelmus Benedictinus, Annal. Franc. apud Freher. pag. 416. Chron. Hildesienſe tom. 11. inter scriptores hist. Francicæ: An. 815. anno secundo imperii, HLudovicus Imperator suum placitum cum Francis in Saxonia ad *Phaderobrunnon* habuit, & illuc venit filius ejus HLotharius Rex Bojariorum, & alius filius ejus, Pippinus Rex Aquitaniorum: Bernardus quoque filius Pippini Rex Longobardorum. Et erat illud placitum Kalend. Julii mensis. Ejusdem placiti meminit libellus de translatione S. Viti, & institutione novæ Corbeicæ à Meibomio editus.

An. 845. HLudovicus tempore autumnii in Saxonia apud *Padraprunno* generale placitum habuit, ubi fratrum suorum, & Nordmannorum, Sclavorum quoque, & Bulgarorum legationes suscepit, audiuit & absolvit. Annal. Fuldenſes apud Freherum, & apud Pithæum tom. 11.

An. 958. Otto divinâ gratiâ Rex, ob remedium animæ suæ, ad interventum dilectæ conjugis suæ Adelheidæ, & amantissimi fratris sui

Brunonis Archiepiscopi, Sanctimonialibus, Deo sanctaque Maria semper Virgini, & sancto Cyriaco devote servientibus, in proprium donavit quicquid Malhure in Gifci marcâ habuit. Signum Domni Ottonis invictissimi Regis. Luidulfus Cancellarius ad vicem Brunonis Archicancellarii recognovit. Data VII. Kal. Jul. An. Dom. Incar. DCCCCLVIII. Ind. 1. regnante piissimo Rege Ottone Anno XXIII. Actum Patherbrunnon. Amen.

An. 1013. *In proxima quadragesima Rex (Henricus) ad Werlu veniens, diu cholicâ passione ibi infirmatur, & multa per visionem sibi revelata sunt. Ad ultimum lacrymis & oratione multorum convalescens, quia in tam brevi intervallo ad prædestinatum non valuit pervenire locum, Paschale festum, cum Meinwerco sibi admodum familiari, in Patherbrun dignâ veneratione peregit. Ditmari Chron. lib. 6. pag. 81. vid. etiam Broweri scholia in vitam B. Meinwerци num. 22.*

An. 1014. *Imperator hac audiens de tantorum detrimento patrum turbabatur, qualiterque loca bene suppleret vacua, cum familiaribus suis tractavit, & Natalem dominicum in Pathebrun festivois peregit gaudiis. Ditmari Chron. lib. 8. pag. 91.*

An. 1016. *Imperator (Henricus) Christi nativitatem Patherbrunna celebravit. Chron. Hildesiense inter script. hist. Franc. tom. III.*

An. 1017. *Casar verò (bellum moturus magnis copiis adversus Boleslaum Poloniæ Ducem) ad orientem tendens, Imperatricem (Cunigundam) ad se in loco, qui Patherbrunnum dicitur, venire jubet. Inde ambo usque ad Magdaburg profecti. Ditmari Chron. lib. 7. pag. 30. & ibidem dedit diploma, quo IV. Idus Junii B. Meinwerco Episcopo Paderbornensi certa prædia largitur.*

An. 1018. *Imperator (Henricus) Natalem Christi Patherbrunnen, Pascha Babenberg egit. Chron. Hildesiense inter script. hist. Franc. tom. III.*

An. 1021. *Heinricus divinâ gratiâ Romanarum Imp. Aug. Meinwerco Episcopo & Ecclesia Paderborn. Comitatum Dodiconis Comitiss, quem dum vixit, tenuit, situm in locis Heffiga, Netga, Nihterga, cum omni legalitate in proprium concedit atque largitur. Data XIII. Kal.*

Mart.

Mart. Indictione II II. Anno Dominica Incarnat. MXXI. Anno verò Domni Heinrichi secundi regnantis XVII II. Imperii autem VII II. Actum Paderbrun. feliciter. Amen.

An. 1023. Heinrichus divinâ favente clementiâ Romanorum Imperator Augustus, ad interventum dilectissimæ conjugis suæ Cunigunde Imperatricis Augustæ, Paderbrunnensi Ecclesiæ quoddam suum prædium Hohunseli dictum, situm in pago Westfalon, in Comitatu verò Bernardi Comitis, cum omnibus ejusdem prædii pertinentiis concedit & largitur. Signum Domni Heinrichi Romanorum invictissimi Imperatoris Augusti. Gunterius Cancellarius vice Aribonis Archicappellani recognovit. Datum XVI. Kal. Febr. Indict. VI. Anno Dominica Incar. MXXII. Anno verò Domni Heinrichi secundi regnantis XXI. Imperii autem ejus VII II. Actum Paderbrunnon feliciter. Amen. Idem eodem loco & anno, XVII II. Kal. Februarii, Paderbrunnensi Ecclesiæ quoddam prædium suum Steini dictum, situm in pago Westfalon, in Comitatu verò Bernardi Comitis concedit & largitur. Idem eodem anno, die, & loco, Monasterio Cofungensi donat juris sui prædium Hardinghuson.

An. 1025. Conradus Rex primum suæ felicitatis annum in Natali Domini Minde iniitavit, & Epiphaniam Patherbrunnensi civitate morere regio peregit. Inde post Epiphaniam Hildenesheim venit. Chron. ms. apud Christoph. Browerum, vid. ejusdem scholia in vitam B. Meinweri num. 93.

An. 1030. Imperator Natalem Christi Patherbronna egit, ubi Aribio Metropolitanus, in sancto die inter Missarum solemniam publico sermone habito, licentiam ab Imperatore, & confratribus Romam pergen- di rogavit, simulque à Clero & populo indulgentiam sibi à Deo impetrari postulavit. Sicque post Purificationem S. Mariæ iter assumens Romam adiit. Vita S. Godehardi apud Browerum cap. 10. Eadem habet Chron. ms. apud Christoph. Browerum, vid. ejusdem scholia in vitam B. Meinweri num. 500.

An. 1031. Indict. XIV. Cuonradus Imperator Natalem Domini Patherbrunnen, & Pascha Nuvimago feriavit. Chron. Hildesf. inter script. hist. Franc. tom. III.

An. 1032. Chonradus divinâ favente clementiâ Rom. Imp. Aug. confirmat donationes à venerabili Meinwerco factas Abdinghoffensi Mo-

naſterio. Data XIII. Kal. Febr. Indiſt. XV. An. Dom. Incarn. MXXXII. An. verò Domni Chonradi ſecundi, Regni VIII. Imperii autem V. actum Paderburn. in Dei nomine feliciter. Amen.

An. 1033. *Imperator Natalem Domini Patherbrunna, Paſcha Niu-
magen feriavit. Chron. ms. apud Browerum, vid. ſcholia ejus-
dem ad vitam B. Meinwerci num. 121. Chron. Hildeſienſ. cit.*

An. 1035. *Imperator Paſcha Patherbrunna; Aſcenſionem Seligan-
ſtadt; Pentecoſten autem Bavenberg celebravit. Chron. ms. apud
Chriſtoph. Brow. l. c. Chron. Hildeſienſ. l. c.*

An. 1036. *Imperator Paſcha Ingelenheimi ſeriatuſ eſt; Aſcenſio-
nem verò Domini, Paderbrunne; Pentecoſten, nativitatemque Johan-
nis Baptiſta Niumagi. Cruſius in Annal. Suev. lib. 6. part. 2. cap. 8.
Chron. Hildeſ. cit.*

An. 1043. *Henricuſ Imperator Pentecoſten egit Paderborna. Ger-
hard. Cleinſorgiuſ in Annal. Weſtphaliæ ms.*

An. 1051. *Imperator (Henricuſ) Pentecoſten celebravit Podel-
brunnen, ubi Bardo Archiepiſcopuſ (Moguntinuſ) ad Miſſam ha-
bito ſermone, obituſ ſuū inſtare prædicenſ, orationi fidelium ſe com-
mendavit, qui eodem menſe diſceſſit. Lambertuſ Schaffnaburgenſiſ.*

An. 1056. *Imperator (Henricuſ) reſgreſſuſ de Italia ſanctum
Paſcha Padelbrunna celebravit. Lambertuſ Schaffnab.*

An. 1152. *Fridericuſ I. Imperator, teſte Bernardo Epiſcopo Pader-
born. jura Advocati Eccleſia Marnenſiſ declarat, diplomate Paderborne
dato. Indiſt. XIV. Anno Domni Regiſ Friderici primo. Auberti Miræi
notitia Eccleſiarum Belgii cap. 158. pag. 402.*

An. 1212. *Otto IV. Imp. cum fratre ſuo Henrico Saxonia Duce, &
Rheni Palatino, in aquaſ propemodum parteſ Saxoniam diviſit Pader-
borna. Matthæuſ Pariſ in hiſt. majore, citatuſ à Marquardo
Frehero in reſponſo ad epiſtol. monitoriam Chriſtophori Ge-
woldi, in cauſa Palatina, edita Heidelbergæ An. 1614.*

A. 1375. *Karoluſ Imperator volenſ Wenceſlauſ filiuſ ſuū pro-
movere ad regnuſ, parteſ Weſtſalia pertranſiit, & venienſ Paderbor-
nam à Domino Henrico Epiſcopo, ac Clero, ac civibuſ reverenter ſuſce-
ptuſ eſt. Et poſtquam unâ nocte moram traxit ibidem, Henricuſ Epiſco-
puſ ipſuſ recedentem honorificè proſecutuſ eſt. Gob. Perſon. Coſmod.
ætat.*

ætat. 6. cap. 71. pag. 248. vid. etiam Panegyric. Paderborn. lib. 2. cap. 13.


10. VIRGINIS HIC CONJUX VIRGO CUNIGUNDA MARITI.] AN. 1002. *Indict. xv. novus Rex Henricus S. Laurentii Natalem Paderbrunnen celebravit. Et ibi Domna Cunigundis regalem benedictionem, & corona impositionem à Willigiso Metropolitano suscepit. Sed & Sophia ad Gandeshemensē regimen electa, obtentu Principum, Domni Bernwardi (Hild. Episc.) licentiam à Palligero benedicendi ibidem obtinuit.* Chron. Hildesiense sæpius citatum, vita S. Bernwardi apud Browerum, vita S. Godehardi apud eundem, vita B. Meinwerici apud eundem. Quæ autem in ipsa Regina consecratione, ceu sereno tempestas intervenerit, coortis in arma mutua Bavaris & Saxonibus, ex Adelboldo de rebus gestis S. Henrici, apud Jacobum Gretserum in Divis|Bambergensibus, licet cognoscere: *Interea Regi à Saxonia in regnum Lothariense properanti Gruona occurrit uxor sua, Domna Cunigunda nomine jam extans, sed re citò Regina futura. Indè enim Paderbronomam veniens in festo S. Laurentii acclamatur, benedicitur, coronatur, & fit Kuningunda Kuninga, quod Latine interpretari potest Regia Regina. Sed ut nunquam serenitas, quam non sequatur nubilositas, sic rarò jocunditas, quam non sequatur adversitas. Nam in benedictione Regina cunctis exultantibus Bavarii (quorum mos est in aliena terra velle, quod in sua volunt) circa civitatem fruges colligere, & agricolas sua defendere volentes irrationabiliter cæperunt tractare. Quæ res indigenas commovit, & ad resistendum etiam fortiter animavit. Domestici igitur Regis, & indigenæ, invalescente contentione, confluunt, concurrunt, conveniunt. Pugna gravis oritur, ex domesticis Regis juvenis unus interficitur, frater scilicet Domni Eilberti, qui tunc temporis erat Cancellarius, postmodum verò Frisensis factus est Episcopus. Hujus interfectione omnes Regis fideles commoti graviter, cives cæperunt persequi, & eos persequendo insatiabiliter grassari. Et nisi regiâ potestate retinerentur, omnes usque ad internecionem prosequerentur. Cum plurima igitur difficultate sedato tumultu, castigatisque illis quorum stultitia causa seditionis exstitit: inde Rex Dinsberg properat, & illic Lothariensium adventum expectat.*

11. No-

II. NOBILIUS NULLUS ME CAPUT AMNIS HABET.] Præter Pontificis Max. Imperatorum & Regum hospitium, regalem S. Cunigundæ coronationem, externorum Principum legationes, Francorum & Saxonum conventus, & castrorum metationes; caput Paderæ nobilitat singularis amœnitas, & aquarum copia vix ulquam uberior admirabiliorque, in Pannegyrico Paderborn. Joannis Horrionis ad vivum depicta, lib. 2. cap. 7. Quod si, ut est apud Strabonem, Gymnasio liberalium artium, quod erat Tharsi in Cilicia, Cydnus amnis, cujus saluberrima aqua ferebatur, plurimum celebritatis attulit, nihilne habebit ad illustrandam Paderbornæ Academiam, hæc salubrium fontium copia, quibus ambigere possis, plusne palati & valetudinis, an aspectus & voluptatis gratiâ delecteris? Neque enim sentio, quæ possit species esse jucundior, quàm trium fontium in media urbe, ex eodem colle, modico intervallo exorientium, tantamque subito vim aquarum erumpentium, ut, non modicis effusi rivis, antè in unum alveum visendo sanè agmine confluant, compluresque molas frumentarias prius versent, quàm se effundant è manibus. Quanta amœnitas singulorum cùm seorsim fluunt? quanta omnium cùm uno amne labuntur? quàm juvat aquam ipsam omni crystallo puriorem intueri, & innascentes viridissimas herbulas numerare? quale spectaculum anaticulas, & cygnos videre in mediis undis pendulos, suspensâ caudâ, nitentibus contra profluentem pedibus, prono rostro piscantes? quæ voluptas, ne sevea quidem bruma inclementiâ unquam eripitur. Quâ enim tempestate nive omnia fæda sunt & gelu, non modo intra urbem, sed etiam non modico foris spatio, ne secundum quidem ripas, ut fert mos caterorum amnium, vel in tenuissimas crustas congelat. Quid quod eodem tempore peregrinas aves ad se noster amnis allicit, quæ fluviiis assuetæ, ubi glaciæ cateris prohibentur, ad hunc confugiant? Æstate verò, potestne quicquam illis viridariis, hortis, pomariis, quibus utraque ejus ripa pratextitur, esse formosius? Non enim nunc vacat aquam commemorare totâ propè urbe per canales singulari artificio dispensatam, non salientes fontes, non piscinas, non lavatrinas, non sexcenta commoda. Quod si collibitum erit egredi urbe, quem non delectet cursum ejus prosequi, modo pleno incidentis amne, modo divisis quasi copiis insulas ambientis, modo vario flexu,

flexu, & grato errore pervirentia prata serpentis, modò limpidissimos rivos amplectentis sinu, modò celeberrimum Romanis Annalibus flumen Luppiam, vel cum jactura sui nominis generantis? Sed concludamus has Paderæ notas insigni elogio Gobel. Personæ in Cosmodr. ætat. 6. cap. 38. quod ipse ab antiquo scriptore Vitæ S. Liborii est mutuatus: Ad hunc locum Karolus sæpè divertit, quoniam ut scribit quidam, qui postea in eodem loco, tempore Arnulphi Regis, vitam duxit religiosam: HIC LOCUS VIRIS OMNI NOBILITATE GENERIS ANIMIQUE SEMPER INSIGNIBUS ABUNDABAT, UT NON ESSET DUBIUM, QUIN PATRIA CIVIBUS ET CIVES PATRIÆ CONGRUERENT, AC SIBI UTRINQUE ORNAMENTO FORENT.





D R I B U R G U M,

OLIM IBURGUM APPELLATUM.

MEMORIÆ. SACRUM

SEU. ME. DRIBURGUM. VETERI. SEU. NOMINE. DICAS
 IBURGUM. MERITIS. LAUS. MANET. ÆQUA. MEIS
 SAXONIS. UT. PERHIBENT. MUNIMEN. GRANDE. VETUSTAS
 IMPOSUIT. NOSTRIS. MOENIA. CELSA. JUGIS
 PRÆSENTIS. CAROLUS. PRECIBUS. DONATA. LEONIS
 QUÆ. PADERÆ. SACRO. SUBDIDIT. IMPERIO
 VENA. ACIDÆ. TANTUM. ME. NUNC. UBERRIMA. LYPHÆ
 NOBILITAT. VARIIS. SÆPE. MEDENDO. MALIS
 SI. MIHI. LONGA. DIES. PRIMOS. SUBDUXIT. HONORES
 SERVAT. ADHUC. NOSTRUM. QUÆ. FUGIT. UNDA. DECUS

F E R D I N A N D U S. D E I. E T
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

DRIBURGI. OLIM. IBURGI. ANTIQUI. SAXONUM
 MUNIMENTI. A. CAROLO. M. EXPUGNATI. S. HA-
 THUMARO. EPISCOPO. PADERBORNENSI. EJUS-
 QUE. SUCCESSORIBUS. CUM. OMNI. AGRO. ET. DI-
 TIONE. LEONIS. III. P. M. PRÆSENTIS. ROGA-
 TU. DONATI. ET. SALUBRITATE. ACIDU-
 LÆ. HODIE. NOBILIS. MEMORIÆ

M. H. P.

Aa 2

NO-

N O T Æ.

1. **S**EU ME DRIBURGUM.] *Driburgi* vocabulum *Iburgo* esse recentius, & *Driburgum* hodiernum *Iburgum* olim appellatum, testimonio sunt hæ literæ Bernardi Episcopi Paderbornensis An. 1136. & An. 1142. datæ.

IN nomine sanctæ & individua Trinitatis. **BERNARDUS** Dei gratia Patherbornensis Episcopus. Quoniam tempora quæ sanctus Apostolus ventura prædixit jam venisse timemus. cum dixit. erunt homines se ipsos amantes. unde sapius accidit. quod hi qui in quiete mentis Deo serviunt ab importunis hominibus injuste turbantur. Officii nostri cura nos admonet. cunctis Deum diligentibus sollicitudinem Pastoris impendere. his tamen præcipue qui nostro regimini specialiter commissi sunt. non solum de præsentibus sed & de futuris quæ provenire possunt incommoditatibus auctore Deo removendis diligentia circumspectiori invigilare. Eapropter notum esse volumus tam præsentis quàm futuri temporis Christi fidelibus. qualiter pusillus adhuc Ancillarum Dei grex. qui primitus in monte **I**BURG congregatus fuerat. & ab Ecclesia in Herse locum & bona Ecclesia in monte Christo ibi famulantibus profutura perceperat. Postea autem saniori consilio in locum Gerdinensem transmigravit. & iuste privilegium possessionis loci prioris obtinuit. quamvis habitationem dictante necessitatis ratione mutaverit. Nos itaque securitati jam dicti Ancillarum Dei collegii providentes. pro remedio animarum & parentum nostrorum. & pro cavendo quod succedere posset injusto gravamine. curam Ecclesia in prædicto monte ab omni potestate cujuscumque Archidiaconi. consilio & conniventia totius Ecclesia Patherbornensis absolvimus. Et ut Deo in Gerdinensi Monasterio servientibus molestia occasio tolleretur. Pralato Cænobii illius exclusa Clericorum vel laicorum potestate. eam assignavimus. Ut igitur hæc nostra ordinatio in omnia post futura tempora rata & inconcussa permaneat. auctoritate Patris & Filii & Spiritus Sancti. & sanctorum Apostolorum Petri & Pauli eam confirmamus. & præsentem paginam banni nostri & sigilli nostri impressione munitam. eorum etiam qui infra nominati sunt testimonio conscribi fecimus.

mus. Testes. Weno Prapositus majoris Ecclesie. Rembertus Prapositus sancti Andrea. Almarus Decanus. Ekbertus. Lentfridus. Bernhardus. Evergisus. Meinricus. Canonici majoris Ecclesie. Hameko Abbas sancti Pauli. Lambertus Monachus. Laici. Widikindus de Swalenberg. Hermannus de Lippia. Thetmarus de Buiren. Wernerus de Brack. Heinricus Comes. Adelbertus de Rickefwigk. Luidoldus de Osdagesheim. Conradus Stapel. Uffo. Anshelmus. Eilbertus. Koto. Burgenses. Cono dives. Acta sunt hac anno Domini millesimo centesimo tricesimo sexto, regnante Lothario Romanorum Imperatore. anno regni ipsius XII. imperii autem IIII. Datum Patherbornis duodecimo Kalendas Aprilis.

IN nomine sancte & individua Trinitatis. BERNHARDUS Dei gratia sancte Patherburnensis Ecclesie Episcopus. Quanti apud Deum meriti sint, quibusque bona vita documentis vel operibus claruerint, quos Dominus populi sui Pastores esse voluit eorum instituta sancta declarant, & ipsorum auctoritate roborata in sua stabilitate Christi monstrat Ecclesia. Quorum dum ego successor licet minus idoneus, gratia tamen Dei praeventus Pontificalis culminis arcem ascendissem, omni studio vestigiis eorum inherendo, pro voto semper habui, Ecclesias Dei ampliare, easque oportunis locis fundatas nostra sollicitudine firmare, atque in cautius positas saniori consilio transponere pia provisione elaboravi. His animo pro Pastoralis cura debito intentus Ancillarum Dei quas in monte IBURG ad Deo serviendum consensu Beatricis Abbatisse de Herffen collegimus, laborem cogitare cepi, quem ob loci difficultatem & adjacentis terra sterilitatem, silvarumque vel solitudinis vastitatem patiebantur. In hac igitur me proximorum compassione occupato, pius Dominus pauperum suorum miseratus angustias, igne amoris sui accensum nobilem virum quendam Hinricum de Gerdenen ad hujus calamitatis terminum consolatorem nobis donavit. Nam ipse conditori suo gratias agens, pro spe vita aeterna eum & beatam ipsius genitricem Mariam & beatum Petrum omnium bonorum suorum heredem elegit, atque in fundo domatis sui videlicet Gerdenen Canobium construxit, quia ipse locus aptus sanctae conversationi videbatur, cujus etiam loci defensionem sub meo & successorum meorum patrocinio sancta Patherbrunnensis Ecclesiae pro perpetua ipsius libertate devotus commisit, heredibus suis Meregarde, sorore sua, & filiis ejus Wernone, Godefrido, & Basilio, hoc postmodum

bona voluntate collaudantibus. & ut omni stabilitate divina & humane legis sub Regali & Episcopali banno confirmaretur assentientibus. Ego igitur ut ipsorum devotionis apud Deum particeps existerem. pro majori quiete & pace Deo ibi servientium. Ecclesiam ipsius villa à Samuele Sacerdote cui commissa erat. mihi resignatam cum omni dote sua. & quinque mansis in Gerdenen & quatuor in Dallesheim. communicato Ecclesie meae consilio ab omni jurisdictione & subjectione Ecclesiastica secularisve persona exceptam. sub manu Episcopi vel Abbatis & Prioris. regendam ipsi Canobio concessimus. & libera eis possessione firmam esse statuimus. His ita pro voto nostro cum multorum fidelium Christi gaudio dispositis, predictas Dei Famulas de loco calamitatis & miserie in Gerdenen transduximus. ibique eas uti vere Christi sponsas pro omni Ecclesia ac totius Christianismi conservatione semper orantes inclusimus. Ut igitur hac firma & inconvulsa omni in posterum aeo permaneant. auctoritate Patris & Filii & Spiritus Sancti. & beatorum Apostolorum Petri & Pauli. & Domni Papa. ac nostra humilitatis banno firmantes sancimus. nequa Ecclesiastica secularisve persona contra hac agere presumat. Quod si presumpserit. fiat ei sicut Dathan & Abiron. & cum Juda proditore perpetuo anathemate nisi resipuerit feriatur. eaque presentis pagina scripto & sigilli nostri impressione roboramus. Acta sunt hac me mediante. multis etiam Christi fidelibus tam Ecclesiasticis quam secularibus. quorum nomina subscripta sunt astantibus & gratias Deo agentibus. Anno Domini millesimo centesimo quadragesimo secundo. regni verò Domni Conradi quarto. Pontificatus vero mei anno xv. Indictione quinta. Testes Weno majoris Ecclesie Prapositus. Odelricus Decanus. Conradus Abbas de sancto Paulo. Conradus Abbas de Helmwardeshusen. Boldewinus Abbas de Lesborne. Daniel Abbas de Herfetheshusen. Rembertus Prapositus. Almarus. Thietmarus. Leuthfridus. Ecbertus. Heribertus. Sifridus. Godescalcus. Hugo. Laici nobiles. Volcquinus de Swalenberg. Otto Comes de Ravensberg. Thietmarus de Buiren. Liudolphus de Bsethe. Bertholdus de Everfchut. Ministeriales. Henricus. Adelbertus de Ricketfwic. Conradus. Liudolphus. Bertholdus. Andreas. Eilbertus. Nanzo. Herredagus.

Cujus antiqui monasterii Gerdenam translati vestigia, in montis vertice adhuc conspiciuntur. Rationem deinde nominis

nis duabus primis literulis aucti, innuit Gobel. Persona. Cosmod. ætat. 6. c. 38.

2. SAXONIS UT PERHIBENT MUNIMEN GRANDE.] De *Iburgo* silent veteres Francorum Annales. Inter recentiores historicos Ertwinus Ertmannus consul Osnabrugensis in Chron. Osnabrug. ms. hæc memorat : *Tria præcipua & eminentiora castella concordie relatione antiquorum scribuntur, videlicet in Herisburch in Saxonia Hassionumque situm confinio, Sigeburch quoque super Ruram fluvium positum, & nostrum Iborch, quod ex jucundo situ terrarum egregium fuisse nemo est qui dubitet.* Contra Gobelinus Persona Ertwino antiquior in Cosmod. ætat. 6. cap. 38. pag. 188. de *Iburgo* Paderbornensi sic narrat : *Carolus anno regni sui VII. ingressus Saxoniam cuncta devastavit, & castrum Iborg, quod nos dicimus corrupto nomine Driborg, capit.* Gobelino Theodoricus Engelhusius, qui An. 1426. Chronicon scripsit, Helmeftadii hoc anno editum, pag. 153. & Crantzius lib. 1. Metrop. cap. 11. pag. 24. consonant : *Dedit Rex (Carolus Hathumaro) cum attinentiis arcem Iborg, vetustum Saxonum receptaculum: nunc paulisper detorto vocabulo Driborg vocant.* Et Hermannus Hamelmannus de antiqua Westphalia ex Peucero refert : *Ut Angrivarii à Visurgi ad Luppitemque ripam sederunt, ita Iburgum, quod nunc Driburgum dicitur, fuit præcipuum propugnaculum ultra Luppiam, quod dedit Carolus M. Paderbornensibus.* His subscribit Gerhardus Eleinsorgius in Annal. ms. Westphal. ad annum 776. *Carolus M. ex Italia redux, exercitu in Saxoniam rebellem ducto, Iburgum seu Driburgum, aliaque Saxonum munimenta & castella expugnavit, & prope Luppia fontes castra habuit.* Et si igitur Paderbornensis Diocesis tot monumentis abundans, *Iburgum* suum Osnabrugensibus haud invidet; nihil tamen causæ apparet, cur antiquis literis, & vetustiorum scriptorum testimoniis celebratam *Iburgi* sui, præcipitis loci situ, montis altitudine, & murorum turriumque, quam ruinæ indicant, firmitate olim munitissimi, & ad omnes belli à Carolo M. gesti rationes accommodati, gloriam Osnabrugensibus cedere debeat, cum illud Ecclesia Paderbornensis à Carolo M. in dotem foundationis acceperit, non exiguum utique munus,

munus, sed Episcopatus dignitati, & Leonis III. Pontif. præsentis commendationi, & regie pietati par beneficentie monumentum.

3. PRÆSENTIS CAROLI PRECIBUS DONATA LEONIS.] Gobel. Persona in Cosmodrom. ætat. 6. cap. 38. pag. 190. Anno Domini 799. Leo Papa III. venit ad Carolum in Paderborne, querens de injusta Romanorum persecutione, quem Carolus honorifice suscepit, & rogavit ut Capellam quandam ibi noviter constructam, cum jam Ecclesiam, quam præsens ibidem erexerat, ipsi rebelles vastaverant igne, dignaretur consecrare. Qui precibus Regis grater susceptis, in eadem Capella altare in honorem S. Stephani Protomartyris devotè consecravisset, ac reliquiis ejusdem Martyris, quas secum Româ detulerat, in eodem altari reconditis, visitantibus eandem Capellam in anniversario dedicationis ipsius, qui est VIII. Decemb. de beniguitate Sedis Apostolicæ magnas indulgentias concessit, & sedem ibidem Episcopalem auctoritate Apostolicâ confirmavit. Et tunc ad petitionem Papæ, Carolus dedit Ecclesiæ Paderbornensi castrum Iborg, de quo suprâ dictum est. Albertus Crantzius, & Hermannus Hamelmannus §. 2. suprâ citati, Gasp. Bruschius, Kerffenbrochius, & Hovelius in catalogis Episcoporum Paderbornensium, & Bruschius quidem ita: Donavit hunc Episcopum (Hathumarum) Carolus M. præsentem Leone III. arce Triburgensi cum adjacente territorio omni. Cæterum, teste Gobel. Persona in Cosmod. cap. 60. pag. 228. Bernardus II. Episcopus Paderbornensis anno 1189. montem Iburg occupavit, & munire cepit.

Castrum autem DRIBORG adhuc anno 1309. stetisse, ostendunt literæ Capituli Paderbornensis, quibus fatentur: quod cum consensu Guntheri Episcopi Paderbornensis, elegerint Bernardum Præpositum in tutorem Ecclesiæ, cum obligatione, ut redimi sinat castra Dryburg, & Nyggenhusen, pro 1400. maris denariorum oppignorata. Licet autem Gobelinus Persona loco citato subjungat, suo adhuc tempore, id est anno 1418. quo Cosmodromium suum absolvit, castrum Driburgum perseverasse, hoc de parietinis ejus accipio: ex quo enim Bernardus V. Episcopus Paderbornensis, ipso Gobelino Persona in Cosmodromio cap. 68. pag. 240. referente, in-

tra annum 1320. quo coepit, & annum 1340. quo defunctus, fundavit castrum Dringenberg, & redditus castri Driborg illo translulit; verisimillimum nobis videtur, Driburgum castrum habitari desuiffe, & veteres ejus incolas, ob incommodum montis ascensum, ad illius pedem demigrasse. Tantum de DRIBURGO seu Iburg nostro, ubi Tilemannum Frisium, in speculo de monetis lib. 3. cap. 1. & 8. sedem seu templum Irmensulæ falsò posuisse, superius in Eresburgi notis demonstravimus.

4. VENA ACIDÆ TANTUM.] De ea agemus postea, nunc hic elegantem de Driburgi deliciis Oden Nobilissimi Viri JOANNIS ROTGERI TORCKII, Præpositi Mindensis, Canonici Paderbornensis ac Monasteriensis, hydropotæ Driburgensis, hoc anno 1671. nobis dicatam, publicamus.

*Teutonum saltus, acidaque nostræ
Fontium venas repetunt Camænæ,
Et per umbrosos nemorum recessus
Frigora captant,*

*Tinnulis blandè fidibus canentes
Inter argutas volucrum querelas,
Calle saxoso fugientis inter
Murmura rivi.*

*Adstrepunt lenes Zephyri susurri,
Fluctuans densis seges alta spicis
Annuat, picto variata rident
Gramina flore.*

*Mille dum laudes Tibi FERDINANDÆ,
Lesbia concors modulis Puellæ
Grata testudo canit icta nostræ
Pollice Musæ.*

Ut Driburgensi decori est popello

*Pinguibus nascens faba multa campis,
Et sacri fontis liquor, & vetusti
Rudus Iburgi.*

*T E Tuis summum decus esse terris,
Omnis hic cantat chorus, omnis atas,
Et cave rupes, & amicta flavis
Messibus arva.*

*Nempe T E crebras vigilante noctes,
Et Tuis pacem redimente curis,
Tutus & pagos sopor & quietas
Occupat urbes.*

*Orium gaudens agitat juventus,
Otio felix fruitur senectus,
Carpit immunes pecus otiosum
Suaviter herbas:*

*Quæque fallaces alibi per artes
Sanguinem plebi Patribusque passim
Ebibunt, vasa bene T E secantur
Judice lites.*

*Quæque vesanis animos potentum
Semper irritat stimulis voluptas,
Omnibus ventri placitura quarens
Pabula terris:*

*Nec peregrino satiata Baccho,
Nec mari vasto, aut stabulis ferarum,
Blanda T E pestis fugitat, Tuâque
Exulat aulâ.*

T E juvant cantus, citharæque Phœbi,

*Et susurrantes Heliconis umbra,
Et coronata TIBI festa præbent
Gaudia Musa.*

*O Sacrum Regni decus! O Deorum
Vita, qua sævis potior triumphis,
Orbe terrarum feret ac Olympo
Judice palmam!*





1. *Cedrus Libani*
2. *Cedrus Libani*

3. *Cedrus Libani*
4. *Cedrus Libani*

5. *Cedrus Libani*
6. *Cedrus Libani*

LUDA AD AMBRAM.

MEMORIÆ. SACRUM

HIC. UBI. LUDA. VETUS. JUCUNDÆ. MARGINE. RIPÆ
 URBS. SEDET. ET. CULTOS. AMBRA. PERERRAT. AGROS
 AMBRONES. HABITASSE. FERUNT. QUOS. CIMBRICUS. OLIM
 MILITIÆ. SOCIOS. TRAXIT. IN. ARMA. FUROR
 ILLIS. ARMINII. SUCCEDENS. ARCE. PROPINQUA
 GENS. TENUIT. VALIDA. SCEPTRA. CHERUSCA. MANU
 ANNUA. DEINDE. PIO. CAROLUS. SACRA. MORE. FREQUENTANS
 NASCENTEM. COLUIT. SUPPLICE. VOCE. DEUM
 ET. SCHIDROBURGUM. PROPIUS. DUM. SAXONA. BELLO
 FULMINAT. HOC. POSUIT. FRANCICA. CASTRA. LOCO
 HÆC. OLIM. DECORI. FUERINT. NUNC. PROXIMA. LUDAM
 CONCELEBRAT. NOTÆ. VENA. SALUBRIS. AQUÆ

F E R D I N A N D U S . D E I . E T
 A P O S T O L I C Æ . S E D I S . G R A T I A . E P I S C O -
 P U S . P A D E R B O R N E N S I S . C O A D J U T O R
 M O N A S T E R I E N S I S . S . R . I . P R I N C E P S
 C O M E S . P Y R M O N T A N U S . E T . L I B E R . B A -
 R O . D E . F U R S T E N B E R G

LUDÆ. AD. AMBRAM. PERANTIQUÆ. AMBRO-
 NUM. ET. CHERUSCORUM. SEDI. CAROLI. M. CA-
 STRIS. IN. QUIBUS. AN. DCCLXXXIV. CHRISTI NA-
 TALEM. EGIT. ET. PYRMONTANÆ. ACIDULÆ
 VICINITATE. CELEBRATÆ

M. H. P

Bb 3

NO-

N O T Æ.

1. **H**IC UBI LUDA VETUS.] *Ludam* seu *Lugdum* à Carolo M. illic castra metato, ad similitudinem *Lugduni* Galliarum, *Lugidunum* Saxonix appellatum esse, fingit Joannes Pideritius in Chron. Lippiensi pag. 205. Huic fabulæ aliam æquè incertam nominis originem attexit Joannes Seilerus in Chron. Pÿrmontano ms. cap. 20. Verum nomen exhibet nobis vita Caroli M. apud Pithæum, ubi *villa Luidi* nuncupatur; quod in Annal. Canisii *Lutundi*, & apud Reginonem ad An. 784. *Linhidi* pro *Liuhidi* corruptum legitur. Vetus nomen tempore Immadi Episcopi Paderbornensis, qui An. 1052. cœpit, & An. 1076. desiit, adhuc obtinuit. testes sunt literæ antiquæ, quæ sic habent. *Notum sit omnibus tam futuris quam presentibus. qualiter Wirinbertus cum consensu & laude filii justissimi heredis sui Bovonis. duo curtilia in pago Thietmelli & in villa Aldenthorpe. & XL. jugera & X. jugera in Remikenbusun. & insuper medietatem cujusdam sylvula in Bennenberge sancta Patherbrunnensi Ecclesia. & domino ac venerabili Immado ejusdem sedis Episcopo in proprium tradidit. legavit. concessit. ea videlicet ratione. ut præfatus Episcopus Immadus tres villas Odisthorp. Lavenbusun. Thesperi. ad Ecclesiam qua in Odisthorpe sita & consecrata est terminaret. & interminationem Episcopali banno terminaret. Quod ut firmitus ac magis ratum inconcussumque permaneat. idem Wirinbertus Ecclesia qua est in LIUITHI. & Widikindo presbytero de cujus parochia tres præfata villa sumpta sunt. ipso annuente & collaudante unum mansum in Ubbenbrocke in proprium tradidit. condonavit. Quod si præfatus Episcopus. vel aliquis successorum ejus terminationem hanc infringere. & prædictas villas auferre voluerit. liberam habeat potestatem Wirinbertus vel heres ejus sua recipiendi. vel quod voluerit inde faciendi. Hi sunt testes. Bernhard. Ibo. Benno. Bernhard. Wiribrath. Thiammo & Wirinzo. Bescelin. Acelin. Brunig. Hocil. Ermindag. Ekbraht. Postea in divisione Sedium Archidiaconalium, Bernardo IV. Episcopo Paderbornensi*

bornensi per diœcesin Paderbornensem facta, LUGETHE appellatur.

Quantum ex vetustis literarum monumentis licet colligere, primi hujus urbis domini fuere Comites de Hallermundt, & deinde nobiles Domini de Homburg; ex quibus Wernerus nobilis Dominus de Homburg An. 1003. filiam suam Adelheidam Sigefrido Comiti de Eberstein in matrimonium dedit, *Ludamque* dotem despondit. Quam longo post tempore Eberstenii possederunt, & Albertus Comes de Eberstein are alieno oppressus, An. 1212. Abbati Corbeiensi primò oblatam, sed per somnolentiam, ut ferunt, neglectam, Paderbornensi Episcopo vendidit. Joannes Seilerus in Chron. Pyrmontano ms. cap. 21. & 22. Cæterùm graves ac diuturnæ, de Comitatu Pyrmontano & Ludensi præfectura, cum Spiegelbergiis, Lippiensibus, Gleichiis, & Waldecensibus Comitibus subinde exortæ lites, quæ multo utrimque sanguine, ac damnis impensisque maximis steterant, faustis denique auspiciis An. 1668. compositæ, constabilitâ in Pyrmontanum Comitatum successione Paderbornensis Ecclesiæ, & omni Ludensis agri jurisdictione eidem transcriptâ, nunc tandem conquiescunt.

2. AMBRA PERERRAT AGROS.] *Emmera* major, ut distinguatur ab *Emmera* minore, qui in *Wersam* haud procul urbe Monasteriensi illabitur, sic ad An. 784. appellatur Astronomo apud Reuberum, Auctori vitæ Caroli M. apud Pithæum, Adelmo, Auctori Annal. Francicorum apud Canisium, Reginoni, & Poëtæ Anonymo. Accolis est *Emmer*, qui sub radicibus silvæ Teutoburgiensis ad *Langelandam* vicum in Paderbornensi diœcesi oritur, & Steinhemium, Schidram, Ludam & arcem Pyrmontanam prætervectus, in Visurgim effunditur.

3. AMBRONES HABITASSE FERUNT.] Alii aliis terrarum oris *Ambrones* collocent; Nos cum Reinero Reinccio in commentario de origine Mysorum, & cum Joanne Pideritio in Chron. Lippiensi part. 1. cap. 6. ad *Ambra* nostratam illorum sedem ponimus, & ab *Ambra* denominatos censemus.

4. QUOS CIMBRICUS OLIM.] Florus lib. 3. cap. 3. & quotquot *Cimbrici* belli meminerunt, *Cimbrorum* in Italiam irruentium socios faciunt Teutonos, qui *Ambronibus Ambra* accolis vicini, siquidem in diœcesi Paderbornensi & Lippiensi Comitatu, *Teutoburgium*, & *Teutoburgiensem saltum* tenuerunt, & nomine suo donarunt, faciliè in societatem hujus belli *Ambronas* pertraxerint, junctis copiis Italiam invasuri. Hi igitur *Ambrones*, *Cimbris* per Noricum Italiam aggredientibus, in Gallias deflexerunt, unà cum Teutonis fociis suis alià viâ irrupturi. Sed, teste Plutarcho in Mario, ad Druentiam flumen, haud procul Aquis Sextiis, quas Teutoni tenebant, à Mario sunt delati, cùm ipsi soli Cæpionem, ac deinde Manlium Coss. unà cum exercitu Romano jam antè profligassent.

5. ILLIS ARMINII SUCCEDENS ARCE PROPINQUA.] De Germanorum veterum consuetudine solum faciliè crebroque mutandi, & de causis cur id facerent, ita Strabo l. 7. *Commune omnium est qui istis in locis degunt, facilis & expedita soli mutatio, ob tenuitatem victus, & quod neque colunt agros, neque fructus recondunt: sed in casis habitant structurâ in unum diem constantibus, cibus eis à pecore plurimus, ut & Nomadibus: quorum etiam imitatione rebus suis in currus impositis faciliè cum pecore suo abeunt quò visum fuerit. Unde, vix invenies, ait Seneca de Consol. ad Helviam, ullam terram, quam etiam nunc indigena colant; permixta omnia & insititia sunt. Alius alii successit. Hic concupivit, quod alii fastidio fuit; unde ille expulerat, ejectus est. Sic in Ambronum ad Ambram sedes Cherusci immigrarunt, quos etiam cis Visurgim habitasse, suprâ in notis ad cladem Varianam §. 15. ex Dione lib. 54. ostensum est, & ex ejusdem hist. l. 55. patet: Drusum Chattorum fines ingressum, ad Sueviam usque processisse. Inde in Cheruscorum agros conversum Visurgimque transgressum, Albim usque penetrasse, cuncta depopulando. Winkelmannus etiam in notitia veteris Westphaliæ lib. 1. cap. 8. num. 105. Nec dubium est, inquit, *Arminium* hic sedem habuisse: extant enim adhuc reliquie arcis dicta, die Harnesborg / ab Harminio propè Echier / versus Luidam oppidum. vid. Annal. Stangevolii lib. 1. Pideritium in Chron.*

Chron. Lippiensi. Certè arx ipsa, quæ vulgò *Hermingsburg* nominatur, etiam si diruta, in altissimo monte, situ ad bellum opportuno, veteris munitiois vestigia adhuc ostentat, & Arminii nomine gloriatur: qui illam, *abscedentibus Romanis*, & pulso *Maroboduo*, teste Tacito lib. 2. *Annalium*, *regnum adfectans*, libertati popularium sibi adversæ, tanquam frænum imposuisse perhibetur. Hanc à Carolo M. everfam memorat Joan. Seilerus in Chron. Pyrm. ms. cap. 19. Pideritius autem in Chron. Lippiensi part. 2. pag. 206. falsò putat hoc in loco Irmensulam Saxoniam, & Heresburgum stetisse, quæ ad Dimolam erant indaganda.

6. ANNUA DEINDE PIO.] Id quod memoriæ prodidit vita Caroli M. apud Pithæum pag. 31. *Rex Carolus inivit consilium ut hiemis tempore ageret in Saxonia, & celebravit Natale in Cidrioburgi (aliàs Sknidnosburg in pago Waizawaga in villa LUIDI) super fluvium Ambra. Inde abiens in Saxoniam pervenit usque ad Rimia. Annal. Francor. apud Canisium: Ibi inito consilio cum Francis, ut iterum tempore hiemis iter faceret Dominus Rex in Saxoniam, quod & ita factum est, & celebravit Natalem Domini juxta Kidrioburg in pago Wazzaganni supra fluvium Ambram in villa LUTUNDI. Regino in Chron. An. 784. Rex itaque consultis fidelibus, iteratò hiemis tempore Saxoniam intravit, & celebravit Natalem Domini juxta Kichrisburg Wizzagani, super fluvium Ambra, in villa que dicitur LINHIDI.*


7. ET SCHIDROBURGUM.] Ita olim *Schira*, seu *Schidra* vetus, locus in Comitatu Swalenbergeni, nunc Lippiensi, inter Steinhemium & Ludam situs, vocabatur. Adelmus Benedictinus ad An. 784. *Rex autem congregato iterum exercitu, in Saxoniam profectus: celebratoque in castris Natalitio Domini die, supra Ambram fluvium in pago Huthagoe, juxta castrum Saxonum, quod dicitur SKIDROBURG, ad locum vocabulo Rimi, quo Wisura & Waharna confluunt, populabundus accessit. Eadem verbis iisdem commemorat Astron. apud Reuberum; Poëta Anonym. ad An. 784.*

*Arva petens, juxta fluvium confederat Ambram,
Est ubi castellum, quod Skideronburg vocitatur.*

Porro hic Carolum M. fundasse Ecclesiam Cathedralē, *quæ tamen post per Brunonem & Tanquardum Saxones in Vallerstleve super Ericam, & inde per Henricum primum in Vroße oppidum Northuringia, & tandem per Ottonem Magnum An. 967. Magdeburgum sit translata, testatur Chron. Mindense à Meibomio editum, Henricus de Hervordia, Joannes de Essendia, Rolevingius in lib. de laudibus antiquæ Saxonie, Hartmannus Scheidelius in Chron. & descriptione Magdeburgi, Pideritius in Chron. Lippiensi part. 2. pag. 206. Cleinsorgius in ms. Annal. Ecclesiast. Westphaliæ. Quemadmodum igitur Episcopatus hic institutus, ex alio loco in alium migravit, & prorsus hodie evanuit, ut de eo, & similibus Germaniæ Ecclesiis illud Severi Imp. pro dolor! usurpare jam liceat, *Omnia fui & nihil.* ita etiam *Schiram novam, veteri Schira* proximam, opulentum Blombergensis Monasterii Canonorum Regularium S. Augustini prædium, Lippienses Comites in rem suam, hoc est, ulum profanum converterunt. Piderit. in Chron. Lippiens. pag. 626. Heu pietas! heu prisca fides!*

8. CONCELEBRAT NOTÆ VENA SALUBRIS AQUÆ.] Fontes Pyrmontanos describit Henricus de Hervordia in Cod. ms. de tempor. memor. ætat. 2. cap. 112. *In Westphalia quoque juxta oppidum, inquit, LUDE diæcesis Paderbornensis fons est, qui dicitur SACER FONS, de quo si quis pronus biberit, in faciem ejus exilit, & quasi expergi videtur. Ibidem est & alius fons, qui dicitur FONS BULLIENS. Iste quasi quadratus est de quatuor lateribus equalibus; quolibet latere forte 12. pedum existente, & fundus subter rubeus ad pallorem declinans. Nil in ipsum influit nec effluit, sed continuè bullit & sonorè, sic quòd ad jactum balistæ potest audiri. Propter ampullas magnas & viscosas in ipso jugiter elevatas & disruptas, perpetua est bullitionis. Ita Henricus de Hervordia, qui An. 1370. defunctus, & An. 1377. jussu Caroli IV. Imperatoris Mindæ præsentis exhumatus, & honestiori loco denuò sepultus, Mindæ in templo Patrum Dominicanorum quiescit. Chron. Mindense à Meibomio editum, pag. 119. Postea An. 1556. sacrum hunc fontem mirâ vi multis gravibusque morbis*
me-

medendi inclaruisse, & magno externorum concursu celebratum narrat Joan. Seilerus in Chron. Pyrmont. ms. cap. 3. & Joannes Gigas medicus & Mathematicus insignis, ortu Ludensis, & Henricus Harius J. C. in descript. diœcesis Paderbornensis singulariter jam olim commendarunt. Quem etiam nunc salubritate nobilem, viri Principes ac Dynastæ complures, quotannis certatim frequentant, non exiguo accolarum, & Ludensium præcipuo emolumento.



TROPÆA CAROLI M.

FRANCORUM REGIS,

IN CAMPO SINTFELD.

MEMORIÆ. SACRUM

NUNC. UBI. FERTILIBUS. LATE. FLAVESCIT. ARISTIS
 TAM. CERERI. GRATUS. QUAM. SPATIOSUS. AGER
 OLIM. CAMPUS. ERAT. QUO. PRÆLIA. SAXO. MINATUS
 FRANCORUM. SIGNIS. OBVIA. SIGNA. TULIT
 SED. VICTUS. CESSIT. TITULO. VICTORIA. DONAT
 MOENIA. VICINO. CONSPICIENDA. JUGO
 SI. MARATHON. PERSIS. NOMEN. FATALE. PEREMPTIS
 MILTIADÆ. JACTAT. CLARA. TROPÆA. DUCIS
 GLORIA. MAJOR. ERIT. CAROLI. QUI. PARCERE. VICTIS
 MALUIT. HOSTILI. QUAM. JUGULARE. MANU

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

CAROLO. M. FRANCORUM. REGIS. SAXONIBUS. IN
 CAMPO. SINTFELD. AN. DCCXCIV. SUBACTIS. ET
 TERTIA. EORUM. PARTE. ALIO. TRADUCTA. DE
 RELIGIONE. CHRISTIANA. ET. PUBLICA. TRAN-
 QUILLITATE. OPTIME. MERITO

M. H. P

Cc ;

NO-

N O T Æ.

1. **T**AM CERERI GRATUS, QUAM SPATIOSUS
 AGER.] Quamvis hic ager longè latèque patens fru-
 mentis hodie abundet, fertiliores tamen segetes illic olim pro-
 venisse credibile est, quando frequentibus pagis habitatus dili-
 gentiùs colebatur; qui plerique omnes unà cum oppido *Blan-*
kenroda Sufatensi bello vastati, Theodorico Colonienſi Archie-
 piscopo & Administratori Paderbornensi, suum debent exci-
 dium. Tanti Ecclesiæ Paderbornensi, cujus Sufatum nihil in-
 tererat, primum stetit consilium, potentiorẽ è vicinia Prin-
 cipem cooptandi; qui hanc insuper gratiam Paderbornensibus
 retulit, ut à Martino V. Pont. Max. An. 1429. VIII. Kal. De-
 cemb. Pontif. ejus An. 13. clam impetratis UNIONIS literis,
 diœcesin Paderanam Colonienſi conjungere & subjicere studue-
 rit. Sed hæc illius molitio frustra fuit, siquidem Eugenius IV.
 Pont. Max. ab universis Paderbornensis diœcesis ordinibus de
 vero Ecclesiæ statu certior factus, hanc *Martini unionem* malâ fi-
 de quæsitam, diplomate suo An. 1431. VI. Kal. Julii, Pontif.
 An. 1. rescidit, & Ecclesiam Paderbornensem Antistitis sui frau-
 de circumventam in integrum restituit.

2. OLIM CAMPUS ERAT.] Quem vita Caroli M.
 apud Pithæum *Sinitfelt*, Annal. Franc. incerti Auct. apud eun-
 dem *Sinifelde*, Annal. Fuldenſ. *Sinitfeldt*, Astron. apud Reube-
 rum *Sintfelt*, Adelmus *Smerfeldum* pro *Sinetfeldun*, Regino
Finisfelt pro *Sinitfelt*, Poëta Anonym. *Sinothfeld*, diplomata
 Ottonis III. Imp. & S. Henrici Regis, infra ad monument.
 Sendæ, *Soretfelt* & *Sorehtfeld*, quasi infœcundum & sterilem
 campum dicas, & ejusdem Henrici literæ in monument. Saltus
 Teutoburgienſis editæ, *Sinatfeld* nuncupant. Item literæ Theo-
 dori de Herſe An. 1445. *de donatione bonorum in devaſtatis pagis,*
& marciſ in SENTFELDE, in Haren, Knickenhagen, Wulſeſen.
 Et literæ Stephani, Gerlaci, & Theodori de Malsborch, *de de-*

cima

cima vastati pagi Ostelrein in SENTFELDE An. 1481. data, SENTFELDE appellant. Unde, cum hodiernum nomen Sentfelt ab antiquo parum discrepet, miror Reinerum Reineccium, eruditissimum cæteroquin scriptorem, & Paderbornensium locorum, utpote qui Steinhemii ad Ambram natus fuit, haud dubiè gnarum, in notis ad Poëtam Anonym. Sendam, Paderbornensis & Lippiensis ditionis vastum desertum, pro Sintfelt, interpretatum. Pari errore labitur Letznerus, qui pro Sentfeld hic nobis Wintfeld obtrudit; & Henricus Hovellius in speculo Westphaliæ veteris ms. qui Sintfelt in Delbrugia collocat. Vocabulo Felt, campum jam olim appellatum esse, liquet ex Aimoino lib. 2. c. 13. Quo tempore Longobardi relictâ Rugorum patriâ venerunt in campos patentes, qui sermone barbarico Felth appellantur. Quid verò illud Sinit, Sini, Sinet, Sinot, Sinat, denoret, equidem nescio. Bernardus Mollerus lib. 5. de Rheno, à synodo, quæ nostratibus hodièdum Sent dicitur, unde Sentgericht, hoc est, judicium synodicum, hoc nomen deducit; quasi Quintilius Varus, qui jurisdictionibus, agendoque pro tribunali ordine trahebat astra, jus ibi dixerit, sive antiqui nostri Saxones conventus egerint: quibus si æquè notum, usitatumque Centenarum judicium fuisset, atque Alemannis & Francis fuit (de quo lex Alemannorum, & Beatus Rhenanus lib. 2. rer. German. Regnum siquidem Francorum in Comitatus divisum erat, hi in Centenas: harum autem Præsides Centenarius & Centgrafius, Assessores Scabini dicebantur) suspicari forsàn liceret campum Sentfeld ex eo denominatum, quòd hujusmodi judicia illic exercerentur.

3. QUO PRÆLIA SAXO MINATUS.] Saxones etsi tot præliis, tot cladibus fracti, identidem tamen Francorum jugum excussere, quemadmodum victores victique nunquam solidâ, ut Tacitus ait hist. lib. 2. c. 7. fide coalescunt. Quare teste Astron. apud Reuberum An. 794. Rex bipartito exercitu Saxoniâ petere statuit, eo videlicet modo, ut ipse cum dimidia parte copiarum ab Australi parte intraret; Carolus verò filius ejus cum alia medietate Rhenum apud Coloniam trajiceret, & in eandem regionem

ab occidente veniret. Quo facto, licet Saxones in campo, qui SINITFELT vocatur, quasi pralium cum Rege commissuri confedissent, ibique adventum ejus opperirentur, amissâ victoria spe, quam sibi paulo antè falsò pollicebantur, ad deditionem omnes conversi sunt, victique sine pralio, victoris potestati se subdiderunt. Dederunt igitur obsides, & jurejurando fidem Regi velle servare promiserunt. Eadem, sed brevius, narrat vita Caroli M. apud Pithæum. Saxones autem congregati preparaverunt se ad bellum in campo SINITFELT: sed cùm audissent se ex duabus partibus esse circumdatos, timore pleni promiserunt se esse Christianos, & fideles Domino Regi.

4. FRANCORUM SIGNIS OBVIA SIGNA TULLIT.] Antiquis Germanis nostris militaria signa fuisse in usu testatur Tacit. de Morib. Germ. effigies, & signa quadam, detracta lucis, in pralium ferunt, & lib. 4. hist. de Civili Batavo & Germanis hiberna legionum Romanarum in Rheni ripa obsidentibus. Hinc veteranarum cohortium signa, inde deprompta silvis lucisque ferarum imagines, ut cuique genti inire pralium mos est, mixta belli civilis externique facie obstupefecerant obsessos. Quarum autem fuerint ferarum imagines, nec Tacitus, nec alius ququam declaravit. Omnis generis animalium fuisse, quemadmodum apud Romanos & Ægyptios, maximè credibile esse, ait Cluverius Germ. antiq. lib. 1. c. 49. De Saxonum signis hæc scribit Widekindus Corbeiensis lib. 1. Annal. Hic arripiens signum, quod apud eos habebatur sacrum, leonis atque draconis, atque desuper aquila volantis insignitum effigie. Francis verò tempore Pharamundi Regis usitatos tres bufones aureos in area nigra, seu nigros bufones in area aurea; à Meroveo ex objecto viso bufones versos in leones; à Clodoveo leones in lilia, quæ cùm essent indefinita, Caroli VI. edicto tria retenta, asserit Theodorus Hoppingius Sufatensis in suo de insignibus opere erudito.

5. SED VICTUS CESSIT. TITULO VICTORIA DONAT MOENIA.] Annal. Fuldens. Saxones in SINITFELT congregati à Carolo subacti sunt, & tertius ex eis homo transfatus. In Annal. incerti auctor. apud Pithæum eadem iisdem præne verbis referuntur. Ab hac victoria oppidum Wunnenberg in

in agro *Scntfelt* / edito loco situm, nomen accepisse creditur, sicut *Wintfelt* / id est, campus victoriæ, à clade *Variana*. *Lipsius* in notis ad lib. 1. *Annal. Taciti*.

6. SI MARATHON.] *Campi Marathonis, qui abest Athenis circiter millia passuum decem, ingenti Persarum clade nobilis, meminit Cornelius Nepos in Miltiade. Eundem magnarum & multarum virtutum testem nominat Pomponius Mela lib. 2. vid. Herodotum lib. 6. Pausaniam lib. 1. Justinum lib. 2. Agellium lib. 7. cap. 21.*

7. PERSIS NOMEN FATALE PEREMPTIS.] *Pugnâ Marathonis nihil nobilius, nulla enim unquam tam exigua manus tantas opes prostravit. Cornelius Nepos l. c. Ducenta enim millia Persæ eo pralio, sive naufragio amiserunt. Justin. l. 2. cap. 9. Orosius. Ex Atheniensibus contrâ centum & nonaginta tantum milites desideratos refert Herodotus.*

8. MILTIADÆ JACTAT CLARA TROPÆA DUCIS.] *Miltiadi, qui Athenas totamque Græciam liberavit, talis honos tributus est in porticu, quæ Pæcile vocatur, quum pugna depingeretur. Marathonis; ut in decem Prætorum numero prima ejus imago poneretur, isque hortaretur milites, præliumque committeret. Cornelius Nepos l. c. Alterum Miltiadis præmium sunt, tropæa ex hostium manubiis, quibus se à somno quotidie excitari jactabat Themistocles. Cicero 4. *Tuscul. quæst.* & *Plutarchus*. Porro de Græcorum tropæa figendi consuetudine, tum aliunde, tum ex *Plutarchi Pelopida*, & *Cornelii Nepotis Datame* liquet. Quinam autem primi inter Romanos tropæa posuerint, tradit *Florus lib. 3. cap. 2. Domitius*, inquit, *Ahenobarbus*, & *Fabius Maximus*, ipsis quibus dimicaverant locis, saxæas erexere turres, & desuper exornata armis hostilibus tropæa fixere, cum hic mos inusitatus fuerit nostris. Nunquam enim populus Romanus hostibus domitis suam victoriam exprobravit. Quod sanè *Germanicus Cæsar Germanis, Arminii militibus*, in campo *Idistaviso*, prope *Eisdorffium*, haud procul *Mindâ*, inter *Oldendorpium* & pagum *Stennen* / si *Cluverio* credimus, si verò *Lipσιο*, in notis ad *Tacit. Annal. lib. 2. n. 44. infra Bremam*, mare versûs, ad pagum *Vegeſack* /*

superatis haud observavit: ita enim hac de re scribit Tacit. lib. 2. *Annal. Miles in loco praelii Tiberium Imperatorem salutavit. struxitque aggerem, & in modum tropaeorum arma, subscriptis victarum gentium nominibus, imposuit. Haud perinde Germanos vulnera, luctus, excidia, quam ea species dolore & irâ adfecit. Chytræus in deliciis itinerum, tradit hæc tropæa stetisse erecta cis Visurgim in Comitatu Diepholtano, prope stagnum Dumeram.*

9. QUI PARCERE VICTIS MALUIT.] Sic Carolus tertio quôque Saxonum, quos in *Sintfeld* subegerat, ut supra meminimus, in alias oras traducto, reliquis supplicibus, more suo ignovit: *Praclaram victoriam ratus, in qua plus esset clementia, quam crudelitas.* Cornelius Nepos in Timoleonte, Probè etiam gnarus, *novum imperium inchoanti utilem esse clementia famam.* Tacit. hist. lib. 4. c. 63. *& si egregium est hostem dejicere, non minùs esse laudabile infelicis scire misereri.* Valerius Max. lib. v. Cæterùm de Saxonibus utriusque Albis ripæ accolis in Galliam & Germaniam deportatis, supra diximus in monumento Bocæ §. 7. Bonfinius etiam in remotiores provincias trajectos memorat, Decad. 1. lib. 9. *Non solum, inquit, è Saxonibus abducti obsides Principum filii, sed us corum vires honestius extenuarentur, multa quoque ex his in Daciam, Pannoniam, diversasque regiones deducta colonie, quarum adhuc innumera Sarmatiam, ulterioremque Daciam incolunt.* Secutus nimirum hac in re Carolus exemplum veterum Romanorum: Tiberius namque ex his ipsis locis, ubi Drusus adversus Sicambros castellum Alifonem posuerat, *Sicambros traduxit in Galliam, atque in proximis Rheno agris collocavit.* Sueton. in Aug. cap. 23. *Quantus autem eorum, quos in Gallias Tiberius trajecit, numerus fuerit, Eutropius, quem sequitur Lipsius libro 1. de magnitud. Rom. & Cluverius, memoriæ prodidit lib. 7. Tiberius quadringenta millia captivorum ex Germania translulit, & supra ripam Rheni in Gallia collocavit.* Eodem usus consilio Probus Imp. teste Vopisco, *accepit sedecim millia tyronum, (è Germanis nostris) quos omnes per diversas provincias sparsit, ita ut numeris vel limitaneis militibus, quinquagenos vel sexagenos*

genos interfereret, dicens: sentiendum esse, non videndum, cum auxiliaribus barbaris Romanus juvatur. De Vandalis & Burgundionibus à Probo devictis, & in Britanniam deportatis, Zosimus lib. 1. De Francis à propriis ex origine sedibus avulsis, ut in desertis Gallia regionibus collocati, etiam pacem Rom. Imperii cultu juvarent, & arma delectu, Panegyrici, Constantino Imp. & Maximiniano Aug. dicti, meminerunt.





HERISTALLUM SAXONICUM,

IN RIPA VISURGIS.

MEMORIÆ SACRUM

SEU. TE. CÆRULEUS. PLACIDO. VEKIT. AMNE. VISURGIS
SIVE. FACIS. TERRA. CARE. VIATOR. ITER
PARVA. MORA. EST. FAMÆ. RELEGAS. MONUMENTA. VETUSTÆ
ET. PRECOR. HÆC. PAUCIS. CARMINA. SCRIPTA. NOTIS
MAGNUS. HERISTALLO. CAROLUS. DUM. SAXONAS. URGET
HIC. POSITIS. CASTRIS. NOMEN. HABERE. DEDIT
LEGATOS. HIEMANS. HIC. REGIA. DONA. FERENTES
AUDIIT. ET. NATOS. JUSSIT. ADESSE. SUOS
HIC. COEPTAM. RETULIT. FATO. MELIORE. CATHEDRAM
AD. VITREAS. PADERÆ. LENE. FLUENTIS. AQUAS
NON. TAMEN. OMNIS. HONOS. ABIIT. QUIN. ÆMULA. FRANCO
CERTAT. HERISTALLI. GLORIA. SAXONICI

FERDINANDUS. DEI. ET
APOSTOLICÆ. SEDIS. GRATIA. EPISCO-
PUS. PADERBORNENSIS. COADJUTOR
MONASTERIENSIS. S. R. I. PRINCEPS
COMES. PYRMONTANUS. ET. LIBER. BA-
RO. DE. FURSTENBERG

HERISTALLI. SULIN. RIPA. VISURGIS. CAROLIM
HIBERNIS. PIPINI. ET. LUDOVICI. FILIORUM. E-
JUS. CONVENTU. HUNNORUM. ET. ASTURIÆ
GALLECIÆQUE. REGUM. LEGATIONIBUS. AN
DCCXCVII. CELEBRATI. MEMORIÆ. POSUIT

N O T Æ.

I. **H**IC POSITIS CASTRIS NOMEN HABERE DEDIT.] Ita Astronom. apud Reuber. ad An. 797. *Consilium iniit, ut ad conficiendum Saxonicum bellum in ipsa regione hyemaret. Sumpto igitur comitatu suo, Saxoniam petiit, castrisque super Wisuram positis confedit, & locum castrorum HERISTELLI vocari jussit. Eadem fermè habet vita Caroli M. apud Pithæum: Et Novembrio mense mediante, ad hibernandum cum exercitu Saxoniam intravit, positisque castris apud Wisoram fluvium, locum castrorum HERISTELLI vocari jussit. Adelmus ad An. 797. Sumpto igitur comitatu suo, Saxoniam petiit, castrisque super Wisuram positis confedit, & locum castrorum HERISTALLUM vocari jussit: Qui locus ab incolis usque in præsens ita nominatur. Poët. Anonymus:*

— *Wisura positis in littore castris*

Sedit, Heristellique locum jussit vocitari.

Hactenus hoc & habet nomen.

Item Gobelinus Persona in Cosmodr. ætat. 6. cap. 38. Crantzii Metrop. lib. 1. cap. 12. Georgii Fabricii Origin. Saxon. lib. 4. hæc sunt verba: *In eo loco, qui à stabulis Principum Herenstelle appellatus fuit. Henricus de Hervordia nominat Ereſtal, alibi tamen Hereſtelle. Contrà Henricus Meibomius, non tam à castris eo loco positus, quàm à palatio Francico in Annal. Francorum percelebri, cui situ loci & amœnitate simile fuerit, denominatum Heristallum putat.*

2. LEGATOS HIEMANS HIC REGIA DONA FERENTES] Annal. Francici incerti auctoris apud Pithæum: An. 798. *Carlus cum exercitu hiemavit in Heristallio Saxonico. Hadofuns Rex Gallitiae & Hasturia, per Floram legatum suum, papilionem mira pulchritudinis Regi transmisit. Vita Caroli M. apud Pithæum: Venit autem ad eum legatus Adefonsi Regis Gallitiae & Asturia nomine Froia, præsentans papilionem mira pulchritudinis. Adelm. Poëta Anonym. Regino.*

3. AU-

3. AUDIIT, ET NATOS JUSSIT ADESSE SUOS.] Astronom. apud Reuber. *Exercitum verò quem secum abduxit, per totam Saxoniam in hyberna divisit. Illuc Pipinum de Italica, & Ludovicum de Hispanica expeditione regressos ad se venire iussit. Ibi legatos Hunorum cum magnis muneribus ad se missos audiuit & absolvit. Ibi legatum Adelphonji Regis Asturica atque Galetia sibi dona deferentem suscepit. Inde Pipinum ad Italiam, Ludovicum ad Aquitaniam remisit: cum quo & Abdellam Saracenum ire iussit, &c. Rex autem in Saxonia residens, ibi & Natalem Domini & Pascha celebravit. Item vita Caroli M. apud Pythæum: Illuc venerunt legati Avarorum cum muneribus multis. Inde Abdellam Saracenum cum filio suo Ludovico in Hispaniam reverti fecit, & filium suum Pipinum ad Italiam misit: ipse ad disponendam Saxoniam totum hyemis tempus impendit, & ibi Natale Domini, & Pascha celebravit. Venit autem ad eum legatus Adefonsi Regis Gallicia & Asturia nomine Froia, præsentans papilionem miræ pulchritudinis. In ipso quoque Pascha tempore Nortluidi trans Albiam sedentes, seditione commotæ, legatos ejus, qui ad justitias faciendas apud eos conversabantur, quosdam occiderunt, quosdam ad redimendum reservaverunt: ex quibus aliqui fugerunt, ceteri redempti sunt. Rex Carolus collecto exercitu de HERISTELLI ad locum, qui dicitur Minda, perrexit, & contra desertores inter Albim & Wisoram peragravit totam Saxoniam. Nortluidi, cum Trascone Duce Abodritorum, & Eburiso legato Domni Regis commisso prælio, victi sunt, & caesi ex eis quatuor milia, ceteri qui evaserunt, de pacis conditione tractaverunt. Vide Adelimum ad An. 797. Poëtam Anonymum, Reginonem, aliosque.*

4. HIC COEPTAM RETULIT FATO MELIORE CATHEDRAM.] Designatæ hîc sedis Episcopalis nullum antiquiorem testem habemus Henrico de Hervordia, & auctore Chronici Mindenlis ab Henrico Meibomio editi, qui unde hoc acceperint, ignoramus. Quòd si autem vera est ipsorum sententia, necessario hanc foundationem, post Ecclesiam primò Paderbornæ conditam, & ob incolarum loci perfidiam, & odium in religionem Christianam, ut scriptor vitæ Liborianæ apud Bollandum cap. 2. refert, aliquoties igni traditam, contigisse crediderim. Certè exiguo hîc tempore Cathedralis Ecclesia hæsit, ad primum locum antè reversa, quàm An. 799. Leo III. Pontif. Max. religiosum Caroli

li ac salutare Christianitatis dilatanda studium nobiliter inchoatum, Apostolicâ auctoritate firmavit, atque in Ecclesia tunc Paderborna noviter constructa quoddam altare consecrans, adorandas in eo reliquias Protomartyris Stephani, quas secum Româ detulerat, collocavit. Vita S. Liborii l. c. Hermannus Kerstenbrochius in catalogo Episcop. Paderborn. Verum enim verò *Heristalli* ingentia murorum rudera, Patribus Franciscanis in monte domicilii sui fundamenta, hortique planitiem molientibus, sub terra deprehenſa, amplum sanè ædificium hic designatum fuisse commonſtrant.

5. QUIN ÆMULA FRANCO.] *Heristallum Francicum*, palatium olim regium, (à quo Pipinus *Heristallius*, Caroli Martelli pater, Major domus Regiæ, cognomentum induit) nunc vicus, *Herſtal*, Baronix titulo clarus, ad Mosam, haud procul à Leodico. Censetur juris Brabantini, spectatque ad gentem Nassaviam, Diplom. Belgica Miræi, pag. 141. & 272. Crebra ejus mentio, in vita Caroli M. & Ludovici Pii Imp. in Poëta Anonym. Reginone, aliisque Francicæ hist. scriptoribus, occurrit; quod Reineccius in notis ad Poëtam Anonym. cum *Saxonico* nostro malè confundit.

6. CERTAT HERISTALLI GLORIA SAXONICI.] Complura rerum gestarum monumenta *Heristallum Saxonicum* præ *Francico* illustrent: Caroli M. castra & hiberna, Pipini & Ludovici filiorum ejus congressus, Hunnorum & Asturiæ Galliciarque Regum legationes & munera, Cathedralis Ecclesiæ dignitas, atque hinc suscepta in Saxones Transalbianos fausta expeditio. Nostrâ memoriâ An. 1632. mense Octob. *Heristalli* arcem finibus suis imminentem, Hasli vastarunt, ac demum An. 1637. mense Martio incenderunt. Pari in hunc locum clementiâ jam olim usi, An. 1465. D. Christinæ sacro die, ut vetus habet inscriptio: HASSONES. URBEM. HERSTELLE. CU M. VILLA. DEVASTARUNT. ATQUE. CREMARUNT. Nobilis porrò *Falckenbergiorum* familia *Heristallum* diu possedit, & Henricus Dux Saxonix repigneravit quidem, sed litibus inde exortis, ac demum compositis, Theodorus Furstenbergius Episcopus & Princeps Paderbornensis, à *Falckenbergiis* aliisque creditoribus, præſenti pecuniâ 17666. aureorum redemptam, An.

An. 1608. 13. Novemb. Ecclesiæ suæ recuperavit. Inter alia tum etiam conventum fuit, ut prope *Heristallum* certus *Falckenbergius* concederetur locus novæ arcis exstruendæ opportunus. Hoc loco & genere *Falckenbergiorum*, ortus est *Theodorus Falckenbergius*, Gustavi Adolphi Sueciæ Regis aulae Marescallus, pedestris & equestris legionis ductor, & qui Regis sui nomine Magdeburgum adversus Tillium Catholici exercitus ducem propugnavit, atque urbem à Cæsareo milite captâ, direptâque, in ipso ejus vallo occubuit. *Mauritius* contra *Falckenbergius* equestris legionis Götziæ legatus, Cæsari militavit; post captus à Suecis, & paucis diebus antè dimissus, quàm ad Lutzam fuit dimicatum, eidem prælio interfuit, Regemque Sueciæ, quem paulò antè captivus, & propter merita *Theodori Falckenbergii* familiariter habitus, optimè de facie norat, plumbeâ glânde fauciatum equo primus dejecit, pariterque hostili telo transfixus concidit proximè Regem; cui humi prostrato, fatali ictu superveniens Georgii ab Oynhausen Götziæ legionis equitum magistri legatus, *Joannes Schneberg* / ex *Bosendorp* / diocesis Paderbornensis vico oriundus, illa ense confodit, peremit, spoliavitque exanimem.

Placuit hoc recens Paderbornensium militum facinus, dum vetera monumenta perensemus, hîc subnectere, & verbo ad posteritatis memoriam consignare: Ne qui alii, ut post victoriam ignavi etiam gloriantur, hanc sibi laudem præcerpant. Nobis cùm certa fides ex iis, qui prælio interfuere, tum torques aureus Regi inter opima spolia à *Schnebergio* detractus, relatusque testis est. Neque aliud nobis propositum, quàm partam Paderbornensium nomini gloriam candidæ veritati asserere.

WEVELSZBURG

*Arx à Reverendissimo et Illustrissimo Principe
THEODORO Episcopo Paderbornensi aedificata. ubi alim
Hunnorum temporibus. et postea à Friderico
Arnsbergæ Comite. castellum situm fuit.*



WEVELSBURGUM

PROPE BODECAM, MONASTERIUM S. MENOLPHI.

MEMORIÆ. SACRUM

ECCE. WEVELSBURGI. SAXO. FUNDATA. VETUSTO
 ARX. QUÆ. TURRITUM. TOLLIT. AD. ASTRA. CAPUT
 INDOMITIS. OLIM. PATRIAM. DEFENDIT. AB. HUNNIS
 DAMNA. DEDIT. PATRIÆ. NEC. SEMEL. ILLA. SUÆ
 QUANDO. FEROX. ARMIS. FRIDERICUS. SÆVIT. HOSTIS
 NON. IMPUNE. TAMEN. QUÆ. TULIT. ARMA. NEPOS
 SIC. VARIAS. EXPERTA. VICES. DOMINOSQUE. FREQUENTES
 SUBDIDIT. IMPERIO. SE. THEODORE. TUO
 FORTUNATA. NIMIS. SI. QUAS. NON. LÆSERAT. HUNNUS
 INTACTAS. SINERET. GOTTHICUS. IGNIS. OPES

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

WEVELSBURGUM. VETUSTISSIMUM. AB. HUN-
 NORUM. GERMANIAM. DEVASTANTIUM. MEMO-
 RIA. CASTELLUM. A. FRIDERICO. ARNSBERGÆ
 COMITE. INSTAURATUM. ET. MUNITUM. A. CO-
 MITIBUS. WALDECENSIBUS. AD. ECCLESIAM
 PADERBORNENSEM. TRANSLATUM. A. BURANIS.
 DYNASTIS. TUM. BENEFICILTUM. PIGNORIS
 LOCO. DIU. POSSESSUM. A. THEODORO. EPISCO-
 PO. ET. PRINCIPE. PADERBORNENSI. RECUPERATUM.
 ET. A. FUNDAMENTIS. EXSTRUCTUM. A
 SUECIS. INCENSUM. A. THEODORO. ADOLPHO
 EPISCOPO. ET. PRINCIPE. PADERBORNENSI
 MAJORI. EX. PARTE. RESTITUTUM. POSITO.
 HOC. MONUMENTO. EXORNAVIT

Ec 2

NO.

N O T Æ.

1. **W**EVELSBURGUM] Etymon *Wevelsburgi* obscurum atque incertum est. Bodecenses quidem in literis suis memorant, senum traditione quendam Wevelonem Buranum, permissu Abbatisſæ Bodecensis, primum hoc loco posuisse domicilium, & *Wevelsburgo* nomen dedisse. Verùm in genealogia Burana Gasparis Schioppii, atque antiquis literarum monumentis, neminem è Buranis hoc nomine usum lego. Huic cognominis locus est in Helvetiis, dictus *Wevelsburg*, qui viris doctis est Aventicum Taciti, & Avanticum Ptolemæi.

2. PROPE BODECAM, MONASTERIUM S. MENOLPHI.] Gobelinus Persona in Cosmodromio ætat. 6. cap. 40. de auctore Bodecensis Monasterii, sancto Menolpho, ita narrat: *Carolus postquam Westphalos subegit, S. Meinulphum de fonte levavit, & matrem ejus Wichtrud dictam, patre ejus defuncto, in suam protectionem recepit: quoniam frater mariti defuncti vim stupri sibi conabatur inferre. Hic Meinulphus nobilibus parentibus exortus, Archidiaconus in Ecclesia Paderbornensi, de bonis paternis Monasterium Monialium seu Canoniarum regularium, in villa Bodicken Paderbornensis diæcesis, fundavit & dotavit. Etsi verò idem Gobelinus Persona cap. 41. hæc subjungat: Quòd Meinulphus (qui erat unus è legatis, quos An. 836. B. Baduradus Episcopus Paderbornensis, ad reliquias S. Liborii impetrandas, ad Cenomanos miserat) in Ecclesia S. Vincentii Cenomanensi vovit Monasterium Sanctimonialium fundare, in honorem B. Mariae & S. Liborii, in loco, qui dicitur Bodicon; & Crantzius Metrop. lib. 1. cap. 28. asserat, ideò S. Meinulphum fundandi Monasterii votum nuncupasse, ut prosperare dignaretur Deus legationem eorum. Nulla tamen hujus voti apud Cenomanos nuncupati sit mentio in vita S. Menolphi, quæ extat, & quam ipse Gobelinus conscripsit. Imò huic narrationi adversari videtur, quòd S. Menolphus jam antè, quàm ad Cenomanos legatus iret, Ludovicum Pium Imperatorem, sua-*

suasu Baduradi Episcopi, An. 816. Aquisgrani in Concilio provinciali accesserit, facultatem ædificandi Monasterium ab eo impetraturus, & quòd Ludovicus grato animo petitionem ejus acceptans; litteras suo signatas sigillo super suo consensu gratiosè concesserit. Vita S. Menolphi, & ex ea Baronius ad An. 816.

De fundatione aliquantò accuratiùs agunt veteres Bodecensis Monasterii literæ, his verbis. *Beatus Maynulfus divina revelationis instinctu celestique visione instructus, quoddam Monasterium, quod Westfalica lingua Bodeken, quasi parvum dolium appellavit, in terra patrimonii sui, approbante Imperatore, qui tunc Aquisgrani fuerat, solemniter construxit, & ipsum Monasterium de bonis suis temporalibus, quæ multa erant, largiter dotavit; & inibi nobiles feminas & devotas, quæ vulgariter Doemvrouwen nuncupantur, instituit, quibus sanctus vir omnem foris evagandi occasionem in vim majoris stabilitatis præcludere volens, providâ dispensatione constituit sex Armigeros circumjacentes, tanquam procuratores Monasterii prædicti, quibus bona sua abundanter distribuit, tam in villis, quàm in grangiis, ut de his bonis Monasterio prædicto certis temporibus anni omnia necessaria pro victu & vestitu ministrarent. Sed & aliis Vasallis Armigeris bona pheodalia contulit, ut & ipsi essent fideles defensores Monasterii prædicti, & subjecti eidem. Propter hoc omne jus in feodandi, & conferendi ipsa bona pheodalia transtulit in ipsas Dominas, & earum Monasterium. Porro his munitionibus seminarum non contentus sanctus Pater Maynulfus, potentiorē nobilem de vicinis constituit in præfectum, & superiorem defensorem omnium bonorum Monasterii, ac causarum emergentium, quantumcunque certis sibi bonis, ac pensionibus de singulis officiis, ut commodius onus hujusmodi portare posset, deputatis, ut his vallata circumquaque tutoribus prædicta femina Deo devotis famularentur obsequiis. Cujus quidem ordinationis & institutionis dispositio literis sigillatis expressius habetur in prædicto Monasterio, & stetit hac ordinatio per plures annos post mortem beati viri Maynulphi. Sed heu convenerunt inimici omnis religionis, dignitas generis, ocium, & voluptas, & castra Dei ac patrimonium Christi funditus devastantes nihil reliquerunt, proinde dicti officiati, & vasalli bona sibi deputata pro ministratione necessariorum Monasterii sibi appropriarunt, vendiderunt, & he-*

redibus suis tanquam propria, nemine contradicente, reliquerunt. Ita Bodecensis Monasterii virgines multis domesticis difficultatibus conflictatas, haud minoribus damnis atque injuriis externi affecerunt, quando Nobiles de Furstenberg ex Waterlappe, propter Nobiles de Brencken, Ecclesiam Bodecensem unâ cum Monasterio incenderunt, id damnum ipsos quidem Furstenbergios resarsisse, sed dono ab aliis interverso, nihil inde commodi Bodecenses esse consecutos, in literis suis Bodecenses ipsi jure conqueruntur. Verumtamen ne similes in Paderbornensem ditionem incurSIONES deinceps fierent, Henricus Spiegelius Episcopus Paderb. cavere videtur voluisse his literis, quas Latine vertimus, & Arnoldus de Brencken, nobili genere, virtute ac doctrinâ vir æquè conspicuus, in schedis suis repertas, & ab Henrico Episcopo Paderbornensi, securitatis utique causâ, ipsius majoribus relictas, nobiscum antehac communicavit. Nos Wenemarus de Forstenberg, & Fridericus ejus filius presentibus literis profiteamur, & testatum facimus, nos cum venerabili D. Henrico Episcopo Paderbornensi in hac pacta amicè convenisse, quòd omnibus actionibus, quæ nobis in illum, & illius subditos possent competere, superscedebimus, quoad prædictus Dominus vixerit. Quòd si autem inter ipsum, aut ejus subditos, & nos nova deinceps oriretur controversia, eam intra quatuor hebdomadas, coram Episcopo prædicto, jure prosequemur: quo temporis spatio si jus redditum non fuerit, liberum nobis erit, salvâ hâc transactione, eum adire, qui jus nostrum nobis tribuat. Contrâ si Episcopo, aut illius subditis nova nobiscum controversia posthac intercedet, eâque super re appellabimur, intra proximas quatuor hebdomadas id, quod justum erit, faciemus. Casu autem quo Episcopus officio Mareſcalli Westphaliae abiret, & Colonienſibus bellum inferret, fas erit nobis, salvis his pactis, Colonienſi Archiepiscopo opitulari. Porro si Episcopus, aut illius subditi nos hostiliter aggredierentur, salvis item his literis, nobis licebit vicissim hostilia facere. Quæ uti conventa sunt, nos Wenemarus ac Fridericus ejus filius bonâ fide, quæ juramenti loco valeat, firmiter, ac sine dolo nos observaturos pollicemur. In cujus rei testimonium sigilla nostra presentibus literis appendimus. Datum Anno Domini MCCCXX. feriâ quintâ post octavam Apostolorum. Bodecensis igitur Monasterii for-

tunis

tunis unà cum disciplina, & cultu divino miserandum in modum ita dilapsis, ut ex omnibus ipsius adificiis sola Ecclesia, plus tamen, fimo & immunditiâ ejus testantibus, pro receptaculo bestiarum, quàm pro divini cultûs exhibitione perduraret, & in Capellis eidem Ecclesia quondam annexis, tunc verò dirutis, imò super ipsa altaria Capellarum, sicut in saltu, virgulta succrescerent, & tam Canonica, quàm Rector parochialis cura, ac etiam Clerici ceteri, solâ Abbatisâ ibidem in tugurio rusticano degente, terram fructiferam tanquam eis versam in salsuginem abhorrentes, locum ipsum dudum reliquerint, Walburgis de Walde, Abbatisâ Bodecensis, ipsam Abbatiam cum Monasterio, reservato sibi usufructu certæ pensionis annuæ, Wilhelmo de Monte Episcopo Paderbornensi, An. 1408. Indict. 1. Kal. Septembr. resignavit: is verò An. 1409. 17. mens. Julii, idem Monasterium à se reformatum, honorabili viro Joanni Wail Priori Monasterii Canoniorum regularium in Swollis, Trajectensis diœcesis, tradidit, concessit & assignavit. Ex antiquis literarum Bodecensium monumentis, & Gobelini Person. Cosmiodromio ætat. 6. cap. 90.

3. INDOMITIS OLIM PATRIAM DEFENDIT AB HUNNIS.] Sicut Carolus M. bello per octo annos gesto Hunnos egregiè contudit, quo tota eorum nobilitas, tota gloria decidit; omnis pecunia, & congesti longo tempore thesauri direpti sunt, quibus Franci antè pauperes tunc ditati, & opibus aucti: Eginhardus in vita Caroli M. ita Hungari, Hunnorum progenies, jam indè à Ludovici III. & Conradi I. imperio, assueti flammâ ferroque interiorem Germaniam depopulari, Henricum Aucupem Germaniæ Regem inprimis exercuerunt, qui nusquam tutus, in præsidio urbis Werlaon (quæ nunc Werla, ditionis Colonienfis in Westphalia oppidum) Hungarorum impetum declinavit; donec pactis novem annorum induciis, atque urbibus interea communitis, & legibus Reipublicæ salutaribus latis, omnibusque ad vim propulsandam compositis, Hungaros tributum exacturos, magnoque cum exercitu iterum in Saxoniam irruentes, ingenti clade hostibus illatâ, repulit fugavitque. Luitprandus lib. 2. hist. cap. 8. & 9. Widekindus Corbeiensis Annal. lib. 1. Adamus

mus Bremensis lib. 1. cap. 46. & ex eo Albertus Stadenfis, Gobelinus Persona in Cosmodromio ætat. 6. cap. 47. *Posthac Hungari invadunt Saxoniam, & undique savientes omnia vastant, & Monasterium in Hervorde Paderbornensis diæcesis destruunt. Id quod Henrici ipsius diploma Hervordienfi Parthenoni datum etiam nos docet.*

IN nomine sanctæ & individue Trinitatis. HEINRICUS divina favente clementia Rex. Omnium namque fidelium nostrorum petitionibus Serenitatis nostra aurem accommodare oportet. maxime tamen eorum qui de sacris mentionem faciunt canoniis obtemperare decrevimus. Nam nostris crebrescentibus peccatis multimodas paganorum castigationes quibus Christicolæ afflixi sentimus. Inter quas etiam Mathildam dilectam conjugem nostram unâ cum Bodarbrunnensis ecclesiæ Episcopo videlicet Unwano. seu & cæteris fidelibus nostris. de sanctis Hervurdensis monasterii monialibus interpellantem cognovimus. quatinus illarum præcepta regia. quæ ab ethnicorum infestatione exusta sunt. renovari præciperemus. Quapropter noverit omnium fidelium nostrorum industria. quia miseratione earum repleti. ob amorem Dei Sanctorumque. petitionibus eorum assensum præbentes. prout ea ab antecessoribus nostris habere videbantur. nostra auctoritatis renovatione prænotare jussimus. ea videlicet ratione. ut quicquid in vestitura supradicti loci. sive de Regum vel cujuslibet personæ traditione appareat. nullo injustæ contradictionis impedimento. æternaliter ad ejusdem congregationis nutrimina perseveret. quatinus absque alicujus secularis vexationis conflictu. sub nostra tuitionis munimine. dignas ac Deo placitas persolvere studeant laudes. Nostrasque nostrorumque antecessorum quam & successorum frequentent orationes. Quorundam autem locorum vocabula. quæ quidam falsitatis fraude abstrahere conantur. huic conscripto subnectere præcepimus. Angeresgawe. Wineswalde. Overanberh. Liudwidesdorp & Hunbech secus fluvium Sigina. Hæc omnia cum reliquis cunctis possessionibus tam in agris cultis & incultis. quam & in omnibus appendiciis ad præfatum locum respicientibus. firma stabiliq; statione in jam dicta familia potestate perenni tempore consistent. Et ut hoc nostra confirmationis præceptum firmum stabileq; permaneat. manu nostra subtus illud firmavimus. anuloque nostro sigillari præcepimus.

Signum Domni HEINRICI

Serenissimi Regis.

Simon notarius ad vicem Herigeri Archiepisc. Cappellani recognovit.

Data XV. Kal. Apr. Anno incarnationis Domini DCCCCXXVII. Indictionum XV. Anno vero regni gloriosissimi Heinrich VII. Actum Aftnid. in Dei nomine feliciter. Amen. Idem nobis innuit auctor vitæ B. Meinweri apud Browerum §. 49. his verbis: Meinwerus in Herivordia basilicam S. Mariae, quæ vocatur ad Crucem, dedicavit; quare ipsa unica spes mortalium ad singulare inibi miserorum refugium sibi construere mandavit: siquidem Ecclesia Herivordensis, sicut Ecclesia Corbeiensis, in Episcopatu Paderbornensi sita, à Ludovico filio Caroli M. constructa, & à B. Badurado Paderbornensi Episcopo dedicata, quæ omni pristini honoris & decoris ornatu, tam Ungarorum devastazione, quàm fratris Bernardi Ducis Saxonia Thietmari invassione spoliata, propemodum fuerat destituta. Quæ hic de Thietmaro, qui teste Ditmaro lib. 7. ipsum etiam Meinwerum Episcopum Paderbornensem dissipavit, paucis attinguntur, ea ab auctore vitæ ejusdem B. Meinweri, cujus autographum ms. Paderbornæ apud coenobitas Abdinghoffsenses extat, fusiùs enarrantur, & hoc loco referre juvat, ut nostri homines, illibatam illo sæculo Ecclesiastici magistratus in castigandis improbis vim & auctoritatem, & principum virorum adversus Episcopos reverentiam, obsequium & submissionem, vel hoc veteris disciplinæ exemplo, condiscant. Thietmarus, inquit, senior frater Bernhardi Ducis Saxonia, vir in hoc mundo valde idoneus fuit, sed tam vitiis plenus, quàm rebus, superbiâ tumidus, in acquirendis rebus avaritiæ facibus accensus. Denique contra jus & fas ubique fidelium res invadens & diripiens, inter cetera tyrannidis suæ opera, quodam tempore iter suum ad Monasterium Herivordia direxit, faciensque ibi magnam munitatem, Sanctorum ibidem requiescentium, & suæ sororis Abbatisæ nomine Godesta, & congregationis S. Mariae thesaurum confregit, & inde plus justo pecuniæ detraxit. Postea ad synodum secundum canonicam constitutionem ab Episcopo Meinwerco vocatus, ad corrigendum commissæ est admonitus. Quo salubriter compuncto, & utiliter correcto, constitutum est, cum Episcopo dare XXX. talenta denariorum. Illo autem pecuniæ pondus tantum non habente, omne prædium, quod habuit in Bruninchtorpe, cum

omnibus appendiciis, cum consensu & voluntate sui heredis Bernhardi Ducis atque fratris sui, ad dominium Patherburnensis Ecclesie, pro reconciliatione illius pecunie, in proprium dedit. Hanc traditionem Episcopus hanni sui minime firmavit, Udono, Herimanno, Bernhardo, Liudero Comitibus, & aliis multis assistentibus. Tantum de Thietmari in Hervordientes, & Hunnorum in Saxoniam incurfione. Quam etiam tempestate castrum Wefelsborg constructum refert Gobelinus Persona in Cosmodromio. ætat. 6. cap. 58. Albertus Crantzius Metrop. lib. 6. cap. 9. Joannes Horrion in Panegyrico Paderbornensi lib. 2. cap. 3.

4. QUANDO FEROX ARMIS FRIDERICUS ÆVIIT HOSTIS.] De Friderico Arnsbergensi Comite ita Gobelinus Persona l. c. Anno sequente, id est, An. 1123. Fridericus Comes Westfalia de Arnsburg, homo ferocissimus mortuus est, qui castrum Wefelsburg, antiquitus tempore Hunnorum constructum, vetustateque temporis neglectum restauraverat, anno uno ante obitum suum: à quo totam viciniam multiplicibus angaribus vexare non cessavit. Ejusdem etiam meminit Crantzius l. c. Erat eadem tempestate homo ferox, Comes de Arnsberg Fridericus, qui se Westphalia Dominum prætenderet. Is cum arceps vetustissimum ab Hunnorum memoria Wefelsburg renovasset & multos undò incurfatos, presidio firmavit: sed ille haud diu post vitam finivit. Item Egidius Gelenius lib. 3. hist. S. Engelberti cap. 42. Fridericus Comes de Arnsberg ab inquieto animo dictus bellicosus, bellum gessit contra Fridericum Coloniensem An. 1102. quo tempore ab Imperatore proscriptus fuit; Burchardum cepit Monasteriensem An. 1105. Castrum Wefelsburgense instauravit ac manavit An. 1122. Tandem cum improbius prius generi sui S. Godefridi Cappenbergensis consiliis obsisteret, in prædicti castri, quo & S. Norbertum tenebat conclusum, obsidione mortuus An. 1123. Abbas Stadenfis An. 1124. obitum affirmat. Vita MS. B. Godefridi Cappenbergensis à Chrysostomo van der Sterre citata, de mortis genere hæc nominatim: *Dirupto ventris thorace idem Fridericus sedens in prandio medius crepuit.* Quantus autem Ecclesiasticorum hostis Fridericus, tantus fautor Godefridus ultimus Comes Arnsbergensis fuit, qui una cum sua conjuge

Anna

Anna Clivensi, Comitatum Arnsbergensem An. 1368. 25. Augusti, Cunoni Administratori Coloniensis Ecclesiæ vendidit, cum juribus, dominiis, jurisdictionibus altis & bassis, ac mero & mixto imperio, ac specialiter cum castris & oppidis in Arnsberg, in Nehem, in Eversberg, in Hirtzberg, item in villis & oppidis, in Hustene, in Aldendorp, in Sundern, in Langescheid, in Hachen, in Frehenolen, in Stegenhagen, in Bodensfelde, in Mescheide, item cum villis & parochiis in Korbecke, Allagen, Bremen, Völswinkel, Eggrinhusen, Balue, Affele, Stochheim, Hielvelde, Kalle, Velmede, Remmelinckhusen, Bye, Reste, Weenholthusen, Haerböcke, Yffelse, Oeverenkirchen, Esselne, Wurmbecke, Lene, Oversunderne, Oldinge, Berghusen, ceterisque villis & parochiis universis. Item cum dignitate, officio, seu prerogativa juris Primipilariatus, seu Antebellatoris inter Weserem & Rhenum, nec non cum omnibus & singulis Hominibus, Ministerialibus, Castrensibus, Fidelibus, Vassallis, Militaribus, oppidanis, villanis, litonibus, servis & ancillis, & subditis quibuscunque. Hæc ad verbum ex literis, quas præter Godefridum & Annam Comites obsignarunt, Antonius de Reidere, Rutgerus dictus Ketelère Milites, Heidenricus dictus de Wolff, Arnoldus Hacken, Wilhelmus dictus Quaterland, Arnoldus de Berninghusen, Joannes dictus Schureman, & Conradus dictus Wrede, Armigeri, Castrenses, & Fideles; nec non Proconsules, Consules ac Universitates oppidorum, Arnsberg, Nehem, Grodenstein, Hirtzberge. Postea Fridericus Archiepiscopus Coloniensis, ut obiter hoc referam, diæcesi suæ Coloniensi, summum militia gubernatorem & Arnsbergensi provincia primum Satrapam, magno cum imperio præfecit, Wenemarum Furstenbergium, consiliarium suum intimum; jussitque insuper Marescallo Westphalia (Henrico Episcopo Paderbornensi) ditionem Coloniensem tuenti adesse, omnibusque Ecclesiæ Coloniensis hostibus, tanquam suis, adversari; nec permittere, ut quis ullum Castellum aut munimentum in ditione Coloniensi, aut ejus vicinia excitet, citra suam voluntatem & veniam; si quid autem horum extructum fuerit, dejicere ac vastare, & præterea jussit stipendiis publicis eò loci cum copiis suis excubare, ubi major provincia necessitas fuerit hostibus resistendi atque incommodandi, &c. Ex literis An. 1371. die Jovis post festum S. Lucie datis.

5. NON IMPUNE TAMEN QUÆ TULIT ARMA NEPOS.] *An. Conradi Caesaris* 6. id est, *An. 1143.* Comes de *Arnsberg* depredationes, & incendia exercet in diocesi *Paderbornensi*, teste *Gobelino Persona* in *Cosmodrom.* ætat. 6. cap. 59. Quem *Henricum* nōminat *Gaspar Bruschi* in catalogo *Episcoporum Paderbornensium*; *Conradum* verò vocant, & multoties *Bernardo I. Episcopo Paderbornensi* injurium, ingenti pralio ab eo victum tradunt, *Gerhardus Cleinsorgius* in *hist. Ecclesiast. Westphaliæ* ms. *Hermannus Kerffenbrochius*, & *Henricus Hovelius* in catalogo *Episcoporum Paderbornensium*. Item *Ægidius Gelenius* lib. 3. *hist. S. Engelberti*: *Conradus Comes in Arnsberg*, qui in pralio contra *Bernardum Episcopum Paderbornensem* suscepto, occubuit circa annum *Christi 1143.* *Hardehusanus* quoque codex membraneus ms. de gestis *Bernhardi primi Episcopi Paderborn.* fundatoris *Hardehusani* testatur, contra potentem *Comitem de Arnesberg*, qui infestabat *Ecclesiam Paderbornensem*, multis expensis eum dimicasse.

6. SIC VARIAS, EXPERTA VICES, DOMINOS QUE FREQUENTES.] Post *Comites Arnsbergenses Wevelsburgum* in potestatem venit *Comitum Waldecensium*, à quibus ad *Ecclesiam Paderbornensem* transiit, mediâ ejus parte *Bartholdo* nobili de *Büren* beneficii loco concessâ, ut habent *litteræ antiquæ.*

Nos OTTO Dei gratia *Monasteriensis Ecclesiæ Electus* & *Confirmatus*, ac *Simon nobilis Dominus de Lippia*, universis presentia visuris, & audituris cupimus esse notum, quod translato *Castro de WEVELSBURG* per nostrum nobilem *Comitem de Waldeck* in *Ecclesiam Paderbornensem*, de voluntate & consensu heredum suorum, cum omni jure, quod idem Comes se habere dicebat in eodem, inter venerabilem Patrem *D. Ottonem Paderbornensem Episcopum* nomine prædictæ *Ecclesiæ suæ*, & *Bartholdum nobilem juniorem de Büren*, per Nos de consensu parentum prædictorum talis est ordinatio instaurata, videlicet quod præfatus *Bartholdus* & sui heredes medietatem dicti *Castri* ab *Episcopo Paderbornensi* qui nunc est, & pro tempore fuerit, nomine jam dictæ *Ecclesiæ* jure homagii recipient & perpetuâ possi-

possidebunt; Prefatus etiam Bartholdus & sui heredes dictum Castrum expensis vigilum & custodum portarum, unâ cum Episcopo & Ecclesia custodient, & custodiri equaliter procurabunt, equali jure portarum clavibus utendo; Episcopus quoque pralibata Ecclesia ipsum Bartholdum, & suos heredes in omni jure eorum conservabit, & permittet eosdem in jure suo liberè permanere; è converso Bartholdus & sui heredes facient fidelitatem, & debita servitia Episcopo & Ecclesie supradictae, prout de jure tenentur. In pramissorum testimonium, fidem & firmitatem sigilla nostra cum sigillo sepedicti Bartholdi presentibus duximus apponenda, & ego Bartholdus nobilis supradictus sigillum meum presentibus apposui in testimonium pramissorum. Datum Anna Domini MCCC. Feriâ quartâ post assumptionem Beatae Mariae. Hanc dimidiam partem dynastiae Wevelsburgensis, cum dominio, frigraviatu, advocatia, mero & mixto imperio, jurisdictionibus & juribus, cum villis & parochiis in Erlen, Borne, Haren, Helmeren, Attelen, Hengelern, Hufen, Dalem, Verste, Bocken, Nuttelen, Hattope, Sinkessen, Snevelde, Schwafern, & reliquis omnibus villis in iisdem parochiis sitis, Simon Nobilis de Büren, consentientibus Bartholdo Præposito Abbatiae Werdinensis, Bernardo & Joanne fratribus suis, vendidit Ruperto Episcopo Paderbornensi An. 1391. in Octava omnium Sanctorum. Ab iisdem tamen fratribus jam antè Simoni Episcopo Paderbornensi venditam fuisse, indicant literæ antiquæ An. 1384. crastino decollationis S. Joannis Baptistæ datæ, in quibus fatetur Simon Episcopus se Wevelsburgi arcem & dynastiam cum parochiis Bodeken, Kerchberge, utriusque Tudorpe, villis Haren, Ettelen, cum omnibus proventibus & hominibus, in Grassefem, Borchler, Holthus prope Wevelsburg, Adene, Tedekenlo, Hoyerinchus, Alberinchus, Aldenbodeken, Wulferdesen, Tyndelo, Knyckenhagen, Swafern, Eldynchusen, Meyngerinchus, item parochia Elren, Dalhem, Nuttelen, cum pagis eò pertinentibus, Elren, Hattope, Syrekesen, Snevelde, Verste, & Bokelen, excepto Bodene, à Simone Burano, ejusque fratribus coëmptam, Friderico de Brencken Militi, pro quadringentis & viginti quatuor marcis argenti puri, obligasse pignori; quod postea Ericus Episcopus Paderbornensis An. 1513. die Lunæ post S. Kiliani exstinxit, & Wevelsburgum, Bernardo

& Joanni nobilibus de Büren pro 2936. aureis Rhenanis, iterum oppigneravit.

7. SUBDIDIT IMPERIO SE THEODORE TUO.] Theodorus Furstenbergius Episcopus ac Princeps Paderbornensis An. 1589. 9. Aug. Joanni seniori & Joanni juniori Dynastis Buranis, 3536. aureis Rhenanis numeratis, *Wevelsburgum* Ecclesiæ suæ demum recuperavit, atque arce inchoatâ An. 1604. & An. 1607. absolutâ, proprio sumptu 36000. nummorum imperialium, haud computatis eorum operis ac vecturis, qui jure angariarum illas præstiterunt, formâ triangulari, specie sanè visendâ atque magnificâ exornavit, additâ hâc inscriptione, quæ in atrio conspicitur.

ARX. CUM. DISTRICTU. PATULIS. INHONORA. RUINIS
IN. THEODORI. USUM. PRÆSULIS. ILLA. VENIT
ÆRE. SUO. PRIMUS. TITULUM. QUL. INFORMAT. INANEM
ET. VALIDA. MUROS. EXHIBET. ARTE. NOVOS
FURSTENBERGIACÆ. PRINCEPS. DECUS. INCLYTE. STIRPIS
SEDI. HOC. QUO. CARUIT. TRADERE. PERGE. TUÆ

Joannes Horrion elegis Panegyrico Paderbornensi subjectis *Wevelsburgum* instauratum ita celebrat.

Indè WEVELSBURGI solido domus ardua saxo

Nubila sublimi culmine celsa ferit:

Hac olim à priscis (fama si credimus) Hunnis

Post varios Dominum Te sibi legit heros.

Nunc Te digna domus, sed erant magalia nuper,

Panè ruinoso semisepulta situ.

Circùm Chaonia texunt umbracula quercus,

Sylvæque vicinas oculis alta feras.

Quasque sub hospitiiis celat frondentibus arbos,

Plurima lascivo gutture vernat avis.

8. INTACTAS SINNERET GOTTHICUS IGNIS OPES.] Anno 1646. hostilis Suecorum exercitus, dum Paderbornam obsidione cinctam Idibus Maii expugnat, *Wevelsburgi* arcem

arcem præsidio Cæsareo firmatam eodem impetu capit, vastat, exurit. Quam deinde Theodorus Adolphus de Reck, Episcopus ac Princeps Paderbornensis laudatissimus, majorem partem restituit, sed morte præreptus, non absolvit. Ejus rei memoriam conservat arcis vestibulum hæc epigraphæ ornatum.

THEODORUS. ADOLPHUS. DEI. ET. APOSTOLICÆ. SEDIS
GRATIA. EPISCOPUS. PADERBORNENSIS. S. R. I. PRINCEPS
ET. COMES. PYRMONTANUS. HANC. ARCEM. A. SUECIS
PADERBORNAM. AN. MDCXLVI. EXPUGNANTIBUS. VA-
STATAM. ET. INCENSAM. REPARAVIT
AN. MDCLVIII

Foribus autem instaurati sacelli in atrio arcis hic titulus inscriptus legitur.

THEODORUS. ADOLPHUS. DEI. ET. APOSTOLICÆ. SEDIS
GRATIA. EPISCOPUS. PADERBORNENSIS. S. R. I. PRINCEPS
ET. COMES. PYRMONTANUS. ARCE. MAGNIS. IMPENSIS. IN-
STAUURATA. SACELLUM. IN. HANC. FORMAM. RESTITUIT
AN. MDCLX



DESERTUM SENDÆ,

OLIM SINEDI APPELLATUM.

MEMORIÆ. SACRUM

DESERTOS. SINEDI. TRACTUS. HUMILESQUE. MYRICAS
 QUI. PERAGRAS. TUTUM. CARPE. VIATOR. ITER
 NON. HIC. INSIDIAS. NON. MILITIS. ARMA. TIMEBIS
 QUÆ. SECURA. QUIES. ARCET. ET. ALMA. THEMIS
 APTA. QUIDEM. PECORI. DEEST. ET. PASTORIBUS. UMBRA
 RARAQUE. POPULEAS. VENTILAT. AURA. COMAS
 ATTAMEN. HIC. APIBUS. DULCEM. GREGIBUSQUE. MINISTRAT
 UNDA. FREQUENS. POTUM. PABULA. GRATA. SOLUM
 ET. CAPUT. AMISII. MEDIIS. HINC. EXIT. ARENIS
 ILLINC. UBERIBUS. LUPPIA. SURGIT. AQUIS
 NUNC. ETIAM. VIDEN? UT. CELEBRET. LOCÀ. VASTA. COLONUS
 SOLLICITARE. RUDEM. VOMERE. DOCTUS. HUMUM
 OMNIA. SIC. VINCIT. LABOR. IMPROBUS. OMNIA. CONTRA
 AGRICOLIS. PESSUM. SEGNIBUS. IRE. SOLENT

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

IN. DESERTUM. SENDÆ. OLIM. SINEDI. APPEL-
 LATUM. NOVIS. COLONIS. CUM. PUBLI-
 CO. COMMODO. DEDUCTIS

M. H. P

Gg

NO.

N O T Æ.

I. **D**ESERTOS SINEDI TRACTUS.] Hos nonnulli cum *Wintfelt* & *Sintfelt* malè confundunt; quandoquidem *Senda* desertum vastumque ericetum est, quod sub radicibus montis *Tentoburgiensis* longo porrectum spacio, per ditionem Paderbornensem, Lippiensem, Ravenbergensem & Ritbergensem, usque in diœcesin Monasteriensem & Osnabrugensem excurrit, variis amnibus piscosis, ac præcipuè Amisiæ Luppixque fontibus irriguum. *Wintfelt* contra, planities in ipso saltu *Tentoburgiensi* eminet, & *Sendam* despicit. Locus, ut diximus, haud procul Hornâ, Lippiensis ditionis oppido, inclytus Romanâ clade, & victoriæ cognomine insignis. Quod & Lipsius in notis ad lib. I. Annal. Tacit. num. 174. Philippus Cluverius, & alii complures agnoscunt, ut certa id nobis perpetuaque majorum fides tradidit. *Sintfelt* autemager est frumentarius diœcesis Paderbornensis, inter Burenâ oppidum & Cœnobium Dalheim longè latèque inter Wunnenbergam oppidum & arcem Wevelsburgum extentus, magnamque partem Baronatûs Burani, dynastiæ Wevelsburgenlis, & totam præfecturam Wunnenbergensem complexus, ad Eresburgum, seu montem Martis, ut nunc vocamus, planis atque amplis sese fundis explicat, frumentorum quidem copiâ abundans, sed aquæ perennis pauperrimus. Cæterum uti proximè *Sendam* clades Variana contigit, ita in ipsâ *Senda* An. 1640. 16. Octobris, insigni Suecorum strage, Slangius eorum ductor, ab Hatzveldio Cæsariani exercitûs duce prope Luppix fontes est cæsus. Et An. 1353. cum Dux Lancastriæ susceptâ contra Christiani nominis hostes expeditione, copias suas ex Anglia per Westphaliâ ducturus in Borussiam, quadringentos egregios milites è suis, multo cum auro præmisisset, Joannes de *Natberg* / Hunoldus de *Nietenberg* / & Comes de *Nitberg* / præpostero ejus sæculi more, quando latrocinia nullam habebant infamiam, nobiles publicarum via-

viarum prædones, unà cum suis commilitonibus, eodem in loco, Anglos hostiliter adorti profligarunt, ceperunt, dispoliaverunt. Ex Henrico de Hervordia Cleinsorgius in ms. histor. Ecclesiast. Westphaliæ, & Joannes de Berswordt in ms. Alphabeto Nobilit. Westphalicæ. *Sendam* verò antiqua Imperatorum ac Regum Germaniæ diplomata, Caroli M. *Sinedi*, Ottonis III. *Sinede*, S. Henrici, *Sinidi*, *Sinedi*, & *Seneto*, literæ autem Bernardi Episcopi Paderb. de decima Hardehusanis An. 1153. data pro prædio Kiveninchusen, *Sinethe*; aliæque literæ *Synatha*, appellant. Libet ipsa diplomata Cæsarum in medium afferre, ut antiquum hujus deserti nomen, situs, & Paderbornensis in eo **FORESTI** jus, quo tamen maximam partem nunc fruuntur Lippienses Comites, Ecclesiæ Paderbornensis beneficiarii, illustretur.

IN nomine sanctæ & individue Trinitatis. **OTTO** superna favente clementia Romanorum Imperator Augustus. Si locum divino cultui mancipatum igneque subitaneo cum ornatu & corroboracionum paginis concrematum restaurare. ornare & iterum sublimare videbimur. scimus & certi sumus id non solum laude humana prædicandum. verum etiam divina mercede remunerandum. Cunctis igitur Ecclesiæ Dei fidelibus nostrisque astantibus & succedentibus compertum fore volumus. quod de incendio Paterbrunnensis Ecclesiæ nimium condolentes. præcepta antecessorum nostrorum & ea quæ nos ibidem obtulimus memoratæ sedi hac præceptali pagina renovamus iterumque confirmamus. de quibus unum est de Episcopatus statu. dehinc de tuitione atque mundiburdio ejusdem Ecclesiæ. & de omni proprietate ad eandem Ecclesiam pertinenti. & de electione Episcoporum inter clericos ejusdem Ecclesiæ. & de ejus hominibus tam liberis quam & servis nulla judiciaria persona constringendis nisi coram Advocato quem ipse Episcopus elegerit. Insuper renovamus & confirmamus jam habitæ sedi Comitatus super pagos Paterga. Aga. Treveresga. Auga. Soretselt dictos. pro decimis nova Corbeia ad monasterium pertinentibus. & de proprietate clericorum siquis sine herede illorum obierit eidem Ecclesiæ concessa. & de tribus mansis in Tuisburg & in Trutmannia. & de Foresto quod incipit de Dellina flumine & tendit per Ardennam & **SINEDE** usque in viam quæ ducit ad

Herisiam. Hac igitur omnia quae supra scripta habentur & quae illa die tenere & possidere videbatur. quando combusta fuit. saepe nominata sedi Paterbrunnensi in jus proprietarium donamus. & firmissima traditione restauramus. Ea scilicet serie ut Dominus Retharius memorata sedis venerabilis Antistes omnesque sui successores universa quae ad Episcopum aliqua legali datione pertinent securiter obtineant. nostra omniumque nostrorum successorum & omnium mortalium contradictione remota. & ut hac renovatio & confirmatio stabilior cunctis permaneat temporibus. hanc paginam manu propria corroboravimus & sigilli nostri impressione insigniri praecepimus.

Signum Domni

OTTONIS Caesaris invictissimi.

Heribertus Cancellarius vice Willigisi Archiepiscopi recognovit.

Data Kal. Jan. Anno Dominica Incarnationis MI. Indict. XIII. Anno tertii Ottonis regnantis XVI. Imperii VI. Actum Roma feliciter. Amen.

IN nomine sanctae & individuae Trinitatis. HEINRICUS divina favente clementia Rex. Notum sit omnibus fidelibus nostris presentibus scilicet & futuris. qualiter Nos incendio Paderbrunnensis Ecclesiae miserabili condolentes. petitionique nostri fidelis Retharii venerabilis Episcopi. qui eidem sedi modo praesse videtur. ut oportuit annuentes. in subplementum jam dictae Ecclesiae in jus concedimus. & per hoc regale praeceptum corroboramus FORESTUM. quod incipit de Luthe-
ra flumine. & tendit per Osuig & SINIDI usque in viam quae ducit ad Horihusam. & de hominibus praedicti Episcopi tam liberis quam & servis nulla judiciaria potestate constringendis. nisi coram Advocato quem ipse Episcopus elegerit. nostra omniumque nostrorum successorum & omnium mortalium contradictione remota. & ut hac confirmatio stabilior cunctis permaneat temporibus. hanc paginam manu propria corroboravimus & sigilli nostri impressione insigniri praecepimus.

Signum Domni HEINRICI

Regis invictissimi.

Egilbertus Cancellarius vice Willigisi Archicapellani recognovi.

Data XVII. Kal. Octob. Anno Dominica Incarn. MII. Indict. I. Anno vero Domni Heinrichi Reg. I. Actum BOCHBARDON.

IN nomine sanctae & individuae Trinitatis. HEINRICUS superna favente clementia Rex. Si locum divino cultui mancipatum igne-
que

que subitaneo cum ornatu & corroborationum paginis concrematum, restaurare, ornare, & iterum sublimare videbimur. scimus & certi sumus, id non solum laude humana predicandum verum etiam divina mercede remunerandum. Cunctis igitur ecclesia Dei fidelibus nostrisque astantibus & succedentibus, compertum fore volumus, quod de incendio Paterbrunnensis ecclesia nimium condolentes, precepta antecessorum nostrorum & oblationes fidelium, memorata sedi hac preceptali pagina renovamus, iterumque confirmamus, de quibus unum est de Episcopatus statu, dehinc de tuitione atque mundiburdio ejusdem ecclesia & de omni proprietate ad eandem ecclesiam pertinenti, & de ejus hominibus tam liberis quam & servis nulla judiciaria persona constringendis, nisi coram Advocato quem ipse Episcopus elegerit. Insuper renovamus, & confirmamus, jam habita sedi, Comitatus super pagos Paterga, Aaga, Threveresga, Auga, Sorehtfeld dictos, pro decimis nova Corbeia, ad monasterium pertinentibus, & de proprietate clericorum, si quis sine herede illorum abierit, eidem ecclesia concessa, & de tribus mansis in Tuisburcg & in Trutmannia, & de FORESTO quod incipit de Delhna flumine, & tendit per Ardennam, & SINEDI, usque in viam quae ducit ad Herisi. Hac igitur omnia quae superscripta habentur, & quae illa die tenere & possidere videbatur quando combusta fuit, sepe nominata sedi Paterbrunnensi, in jus proprietarium donamus, & firmissima traditione restauramus. Ea scilicet serie, ut Dominus Retharius memorata sedis venerabilis Antistes omnesque sui successores universa quae ad Episcopum aliqua legali datione pertinent, securiter obtineant nostra omniumque nostrorum successorum & omnium mortalium contradictione remota. Et ut hac renovatio, & confirmatio stabilior, cunctis permaneat temporibus, hanc paginam manus propria roboravimus & sigilli nostri impressione insigniri praecepimus.

Signum Domni HEINRICI

Regis invictissimi.

Egilbertus Cancellarius vice Willigisi Archicapellani recognovi.

Data II II. Non. April. Anno Dominica Incarn. M III. Indict. I. Anno vero Domni Heinrichi Reg. I. Actum Quidilingabure.

Hæc ex autographis Paderbornensibus damus, quod subjicimus, exemplar est diplomatis Osnabrugensis.

IN nomine sanctæ & individue Trinitatis. HEINRICUS di-

vina favente clementia Rex. Noverit omnium fidelium nostrorum industria. qualiter Vir venerabilis Wodilulfus Osnabrugensis videlicet Ecclesia Episcopus nosterque fidelis. Serenitatis nostra clementiam adiens postularvit. ut eidem Ecclesia sua immunitatis & libertatis nostra preceptum fieri mandaremus. per quod res & potestates quo suo Episcopo jure debentur. licentius ac plenius habere valuisset. Cujus petitioni ob amorem Domini nostri J E S U Christi assensum prabentes insuper decrevimus. & hoc preceptum pro voto ejus conscribi jussimus. per quod firmiter precipimus. ut sicut S. Ecclesia Clerici per totam Franciam & Saxoniam. & immunitatis tutione. & antecessorum nostrorum Regum videlicet & Imperatorum auctoritate confirmantur. ita prafati Prafulis sedes sancta perpetuo per hoc nostrum preceptum Domino opitulante stabilita consistat eo pacto. ut nullus judex publicus neque aliqua judiciaria potestas. aut Comites vel Vicecomites siue Missi Dominici per tempora discurrentes. loca illius Episcopalis ad placita habenda. vel freda vel parasfreda exigenda. aut paratas faciendas. vel fidejussores tollendos. aut servos vel liberos siue Liddones & ceteros. & eos qui censum persolvere debent quod Mandischatt vocatur. ad pontem restaurandum aut corrigendum ullo unquam tempore astringendos ingredi valeant. Licent etiam in eodem loco Osnabrugensi mercatum habere & monetam publicam instituire. & teloneum seu vectigal inde accipere omni tempore nemine contradicente. Sit quoque licentia prafato venerabili Episcopo ejusque successoribus & suo Advocato res pradieta Ecclesia cum omnibus quae possidet vel deinceps adquisierit quieto ordine possidere. suasque Ecclesias juste corrigere. & suas causas absque ulla contrarietate ordinare atque disponere. Insuper etiam ad ejusdem Ecclesia quoddam nemus vel forestum intra hac loca situm. Farwinckel. Brutausjen. Angarn. Osnung. S E N E T O. Bergeshovel. Drenunameri & Wesfeldumeri. cum omni integritate. in porcis videlicet silvaticis atque cervis omnique venatione. quae sub banno usuali more ad forestum deputatur. in perpetuum proprietatis usum donavimus ea videlicet ratione. ut nullus contumacia deditus nemus praelibatum nostro scilicet banno munitum. sine pradieta sedis Episcopi vel Pastoris licentia studio venandi vel aliquod hujuscemodi negotium peragendi. sicuti nostri patres & antecessores suis praeceessoribus sanxerunt prassumat intrare. Quod si quispiam parvipendens tentaverit. sciat se

tam divina quam & nostra ultionis vindictam incursum. nec non debitum pro delicto in regalem fiscum redditurum. Et ut hoc verius credatur. ac per futura tempora diligentius conservetur. hoc Regia immunitatis in signe manu propria firmavimus. & sigillo nostro imprimi iussimus.


Signum Domni HEINRICI

Regis invictissimi.

Egilbertus Cancellarius vice Willigisi Archicapellani recognovit.

Data v. Kal. August. Anno Dominica Incarnationis MII. Indictione XV.

Anno vero Domni Heinrichi Regis primo. Actum Merseburg.





FONS RESONUS,

VULGO

B B L L E X B D X N/

PROPE BECAM VETEREM, PAGUM
DIOECESIS PADERBORNENSIS.

MEMORIAE. SACRUM

TEUTOBURGENSIS. SILVÆ. RADICIBUS. ORTUM
 QUÆ. TRAHIT. ET. RESONIS. NOMINA. DEBET. AQUIS
 ARTE. SCATENS. MIRA. PELAGI. NUNC. MORE. FREMENTIS
 ÆSTUAT. ALTERNA. NUNC. SILET. UNDA. VICE
 ET. PEDE. DECURRIT. LIQUIDO. DUM. PROXIMA. SENSIM
 PER. CAVA. LABENTEM. SAXA. RESORBET. HUMUS
 MOX. EADEM. VIRES. SUBTER. TELLURE. RECENTES
 COLLIGIT. ET. LARGAS. AUCTIONES. REFUNDIT. AQUAS
 NE. JACTES. ARETHUSA. TUL. MIRACULA. FONTIS
 SOLA. ETIAM. NOSTRAS. FAMA. LOQUETUR. OPES

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

AD. FONTEM. BULLERBORN. PROPE. BECAM. VE-
 TEREM. MIRA. NATURA. PRÆDITUM. ET. FRE-
 QUENTIBUS. PRINCIPUM. ET. NOBILIUM. VIRO-
 RUM. CONVIVIIS. EXCUBIIS. ET. EXPERIMEN-
 TIS. OLIM. CELEBRATUM

M. H. P

Hh

NO-

N O T Æ.

1. **T**EUTOBURGENSIS SILVÆ RADICIBUS OR-
TUM] De saltu Teutoburgienſi ſatis ſuperque egimus
in notis ad ejus monumentum, quibus ex Ortelii Theſauro geo-
graphico id, quod ipſe ex Chron. Mansfeldico Cyriaci Span-
genbergii hauſit, nunc adjicimus. *Teutoburgienſis*, inquit, *ſal-*
tus, *Germania locus inter Amſiam & Luppiam amnes, apud Tacitum*
1. Annal. clade Romanorum ſub Quintilio Varo nobilis. Hodie Teute vel
Teuteberg ſilva eſt ſic dicta, prope quam locus eſt, qui Wintſeldt, id eſt,
campus victoriæ dicitur. Tractus hic patet longitudine 400. paſſus, &
200. latitudine, non longè ab arce Falckenburg, & oppidulo Horn, in
itinere, quo itur Paderbornâ Bylfeldiam & Monasterium, conſpicuus.
Quare idem Ortelius meritò erroris arguit Pancirolum ad No-
titiam Imperii, qui homonymiâ quâdam deceptus, hunc ſal-
tum putavit eſſe in Pannonia.

2. **QUÆ TRAHIT, ET RESONIS NOMINA DEBET**
AQUIS:] Nomen hujus fontis accolis eſt Buſſerborn / Buſter-
born / Boſterborn / & Buſterborn: buſſeren enim, ſive buſſeren &
boſſeren / Teutonicè cum ſtrepitu blaterare aut detonare dici-
mus. Hunc Bernardus Mollerus l. 5. de Rheno pag. 217. elegis
ſuis, & Leonardus Thurneiſſerus de aquis frigidis, calidis, mi-
neralibus & metallicis, lib. 1. cap. 1. deſcribunt. Ejusdem etiam
meminèrè, Prodrômus geographicus Joannis Gigantis in tabu-
la Episcopatus Paderb. Atlas geographicus Wilhelmi Blaeu,
Joannes Horrion l. 2. Panegyri. Paderborn. c. 7. *Ad veterem ve-*
rò Becam in ſilva fons eſt, quem TUMULTUARIUM vocant. Is
ſitus eſt ſub clivo montis, è quo magna vis ferri ac æris eruitur. Non
jugiter ſed intervallis fluit, ſic ut cùm unam circiter horam curſum te-
nuerit, mox inhibeat, ac tres aut ampliùs horas quieſcat. Neque ta-
men ſtata ſemper tempora obſervat aut vices. Eſt enim cùm his eodem
die aquam profundat, eſt cùm ſemel, interdum antè, interdum longè
poſt meridiem. Ferunt, quoties ſe ad curſum refert, ſibillum per cacu-
mina

mina arborum exaudiri, velut exsurgentis venti, & primus prodeuntis impetus, quodam cum murmure fit ac strepitu, quasi se ad cava montis allidentis, & foras erumpere gestientis aqua. Reinerus autem Reineccius, in notis ad Poët. Anonym. multum sanè à vero aberrat, dum hunc fontem eum torrentem esse putat, cujus ad An. 772. Carolo Irmensulam, ejusque fanum Eresburgi destruente, magno consensu meminerunt Annalium Francicorum scriptores. Sed audiamus ipsum Reineccium: Procul dubio, inquit, eum torrentem innuit, qui in agro Paderbornensi hodie nominatur der Bullerborn. Convemiunt enim *Βούλας* tam ex annalibus Francic. (unde certatim repetiere, Regino, Aimoinus, Schafnaburgensis, & Gemblacensis) quam ex auctore nostro. Et si quod utrobique numen aspicitur, neque ipse exclusi, ita tamen ut torrentem tum non erupisse primum, sed innotuisse opiner, forsan tali quopiam casu, quem de thermis Carolinis in Boemia memoria prodidit Fabianus Sommerus. Nomen Germanicum natura torrentis peperit. De qua cum varia ad me perlata essent, nodum propemodum mihi Gordium visum, dissolvère. Hermannus à Beckheim & Jacobus Theodoricus DD. ille Fureconsultus, hic Medicus, & Henrici Antistitis è domo Saxonica, quoad is in vita fuit, Archiater, uterque singulari necessitudine mihi conjunctissimus. Alterius verba ex epistola ipsius ascribo: Aqua illa, que in radice montis prope vicum, quem nostri Oldenbecke appellant, cum strepitu frementes erumpunt, dulces sunt, nec ullum acoris sensum præbent, (ut rectè in Acidulis à Theodoro non sint numeratæ) nec servant in eruptione certas horas, sed pro aëris constitutione variant. In siccitatibus rariores sunt eruptiones, ut in die naturaliter solum fiant: in humiditatibus crebriores, ita ut singulis quatuor horis egrediantur, modo copiosiores, modo pauciores. Abundantiores sunt in vere & autumno, itidem hyeme, si pluviosa est; deficiunt magis in æstate, si valde sicca existit. Durat autem effluxio non ultra octavam horæ partem, quæ tantas aquas educit, ut rivus in vicinia scaturientes valde augeat, ita ut duplicatis cant aquis. A terra rursus recipitur, & absorbetur prope vicum, quem Oldenbecke nominant: terra vero illam reddit ad fontes Luppia. Post aquam absorptam locus unde fluxit, gramine consitus ita resiccatur, ut illic sæpius Principes & nobiles viri convivium habeant. Diversum

quid est, sed aquè mirabile in thermis, quæ à pipere dicuntur, in agro Curienti Rhætorum, quæ scaturiunt 5. Non. Maii, & fluunt usque ad Idus Septemb. Post vena clauduntur, nec referantur ante Maium secuturum. Hac ille. Quibus istud addendum duxi, de postrema eruptione ad fontes Luppia, remiis incolarum experimentis probatam & confirmatam, quæ de Arethusa scriptorum monumentis prodita.

Libet his adjungere quæ Christophorus Browerus in scholiis ad vitam B. Meinweri §. 1. de hoc Tumultuario fonte, ex epistola Josephi Mangoltri Soc. J E S U Paderbornæ data, commemorat.

Existit duobus hinc milliariis in nemore Fons Tumultuarius appellatus. Is postquam fluxit horæ circiter aut amplius spatium, quiescit horis ferè tribus; inde velut resumptis viribus, iterato fluit: quod ubi continuavit, iterum sese ad hauriendum, quod effundat, recolligit, idque perpetuo in orbem facit, stasis ferè horarum intervallis, ut oculis deprehendi. Fons hic dum fluit, exonerat se in quendam alveum, qui aliunde, non procul tamen aquam desers, eamque tam copiosam, ut plura molendina impetu circumagat. Sed aquæ hujus regnum est admodum breve: nam ultra milliare Westphalicum non procurrit, quin ita absorbeatur, ut ejus vix guttam inde reperias. Nam hinc inde in ripa voragine, terræque magni hiatus existunt, per quos tanto fertur impetu sub terram, ut ad restringendum inferorum flammæ properare diceret. Reliqua, quæ gurgites hos evadit, guttasim in ipso sensim alveo ita consumitur, ut alibi talos tibi madescat, alibi in arena sicco insistas vestigio. Sic ille. Mirum certè hujus fontis ingenium. An. 1630. mense Decembri Hassli diœcesin Paderbornensem ingressis fluere desit, qui antea tantâ vi aquarum proruperat, ut ferrariæ molæ rotam, proximam fontis capiti, versaret. An. dehinc 1638. restitutâ diœcesi manare iterum, & plenis rivis effundi cœpit. Sed mutato variatoque fluxu. Nimirum fons qui ab hominum memoria per horarum intervalla bulliens suo impetu profiliebat fluebatque, is nunc continuò, more aliorum fontium, manat, cessatque prodigium illud latentis naturæ, quo antea mirantium oculos in se converterat.

3. N E J A C T E S A R E T H U S A T U I M I R A C U L A F O N T I S.]

TIS.] Arethufam fontem Plinius lib. 2. c. 103. inter aquarum naturæque miracula ponit, quòd in terram se abdat, & alibi se reddat. *Quidam fontes*, inquit, *odio maris ipsa subeunt vada, sicut Arethusa fons Syracusanus, in quo redduntur jacta in Alpheum, qui per Olympiam fluens Peloponnesiaco littori infunditur.* Quin de ipso Alpheo l. 31. c. 5. *Alpheus sub ima maria permeat.* Addit & alios ex hoc miraculo fontes: *Subeunt & terras, rursusque redduntur Lycus in Asia, Erasinus in Argolica, Tigris in Mesopotamia; & qua in Æsculapii fonte Athenis immersa sunt, in Phalerico redduntur, & in Atinense campo fluvius mersus, post xx. m. passuum exit.* At quæ tantâ admiratione proferuntur inter naturæ opera à Plinio, hîc apud nos quotidie in multis fontibus conspiciuntur. Videas enim passim in Teutonicis montibus, quatenus Paderbornæ in corona prætexuntur, plurimos è terra limpidissimos fontes oriri, magnoque aquarum agmine, ad certa spatia torrentis in modum decurrere, rursusque inter alveos sensim absorberi, condique sub terram, donec per subterraneas venas & apertos etiam petrarum canales collecti, in novos Paderæ & Luppix fontes exeant. Hinc Padera centum in urbe fontibus profilit, tam admirabili aquarum impetu, ut intra ipsam urbem quatuor justos amnes faciat, molasque verſet. Luppia uno alteroque vasto & profundissimo lacu emergit, intraque horæ spatium Padera & Luppia in unum alveum confluunt, Luppixque exinde nomen manet. Infra hos fontes in arenoso Sendæ ericeto Amisius compluresque fluvii ex profundis terræ specubus eodem naturæ partu & miraculo, per venas & meatus abditos effusi, prorumpunt. Ad eò, quod in Arethusa & peregrinis hisce fontibus demiratus est Plinius, id in *Resono Fonte* aliisque, qui apud nos se abdunt & reddunt, hodie dum multò certius, multoque aspectabilius est. Et quis unquam peregrinus, æstimatorque naturæ operum, vel solam apud nos Paderbornam lustravit, quin amoenissimum aquarum spectaculum, & fontium, qui uspiam sunt, miraculum nulli secundum pronuntiarit?

Sed Romanis nostra minùs cognita fuerunt. Ideo pauca illi de Germaniæ fontibus, ut de auri argentique venis, cæterisque ad-

mirandis naturæ operibus prodiderunt. Quæ tamen ad Rhenum aliquantò magis illis explorata fuère. *Sunt & Mattiaci*, inquit Plinius, *in Germania fontes calidi trans Rhenum, quorum haustus triduo fervet.* Et quinam illi *Mattiaci fontes*, Marcellino l. 29. *aqua Mattiaca* dicti, præter *Wysbadenses* calidos fontes, quales hodie dum fervent in veteri Mattiacorum solo ac sede? Quippe *Mattium*, de quo Tacitus l. 1. Ann. *gentis Mattiaca caput*, quod nunc *Marpurgum* creditur, fuereque *Mattiaci* pars quondam *Cattorum*, qui pulsis *Ubiis* agros eorum obsederunt. Cluverius lib. 3. Germ. antiq. c. 7. Quanquam Dilichius Hassorum scriptor *Mattium*, quod Ptolemæo est *Ματτιάκων* seu *Mattiacum*, nobis ex alio istic vico ostendat. Sed nihil Plinius de Aquisgranensium thermis, aliisque calidis ac medicatis Germaniæ fontibus, nihil de acidulis, ut mirum non sit etiam nostra præteriisse.

Alter Germaniæ fons à Plinio monstratur apud Tungros: Ita enim l. 31. c. 2. *Tungri civitas Gallie fontem habet insignem, plurimis bullis stellantem, ferruginei saporis: purgat hic corpora, tertianas febres discutit, calculorumque vitia.* Cui nunc forsitan *aqua Spadana* est nomen. Habet & Paderbornensis diœcesis fontes in modum fervidi aheni toto anno bullientes. Hos apud Pymontanas & Smechtanas acidulas reperias. Mira res! tenui intervallo acidulæ istic & bullientes fontes, colore, sapore & virtute diversi. Nimirum, ut Plinius l. 31. c. 4. censuit: *Tales sunt aqua, qualis terra per quam fluunt, qualesque herbarum, quas lavant, succi:* Imò quales venæ inter viscera terræ, per quas labuntur, talem indolem attrahunt aquæ. Hinc aliæ potabiles, aliæ medicæ tantum, & ad multa morborum auxilia salubres; ut hæc Medici etiam in nostris fontibus præclare probarunt, & balneis cum primis salutares censuerunt, quod etiamnum quotidianis experimentis sentiunt morbidum. Ideò *majorem fontem Mellitum* etiam apud Smechtanos Theodorus Furstenbergius Episcopus & Princeps Paderbornensis, secto lapide inclusit, & sui nominis inscriptione exornavit. Sed & noxiæ quædam halitu & vaporibus aquæ, quales apud Soracten memorantur à Plinio l. 31. c. 2. *Ad Soracten*, ait, *sole oriente fontem exundare, ferventi similem, avesque quæ gustaverint, juxta à*

mor-

mortuas jacere. Comperias id quoque apud Smechtanum fontem in colle situm, quem hominibus innoxium, si avis degustet, enectam saepe conspicias. Nec mirum id Plinio, qui fontes hofce medicos ad hominum, non animalium usum datos scribit. Tertius Germaniæ fons, isque in noxiorum genere apud Frisios, memoratus à Plinio l. 25. c. 3. *In Germania trans Rhenum castris à Germanico Casare promotis, maritimo tractu fons erat aqua dulcis solus, quâ potâ, intra biennium dentes deciderent, compagesque in genibus solverentur. Stomacacen Medici vocabant, & sceletyrben ea mala. Reperta auxilio est herba, quæ vocatur Britannica, non nervis modo & oris malis salutaris, sed contrâ anginas quoque & serpentes. Frisii, quâ castra erant, nobis demonstravere illam.* Ita Plinius: qui tamen multum se fatigat in Britannica herba, unde nomen illud transierit in eam regionem. Lipsius in notis ad l. 1. Ann. Taciti n. 217. ut Plinium juvet, *Bretania uligines ex prisco istic nomine ostendit, paludes nimirum haud procul Amisîâ flumine, inter Lingam, Weddam & Cævordam;* tanquam herba illic nata, ex Bretanico ericeto, vulgò *Bretansche Heyde*, nomen traxerit. At quis ista Lipsii ita probet, ut non per commercia utriusque gentis herbæ illius vis salutifera à Britannis monstrari potuerit Frisiis? Verùm ista non tanti sunt. Ipsa naturæ providentia magis suspicienda, quæ suis regionum morbis, suas quoque medicas herbas dedit monstravitque; haud secus quàm nasturtium iis in locis frequens gignitur, ubi corpora ex insalubriori aqua & aëre putredini magis obnoxia sunt. Accessit nostra ætate Nicotiana Panaceæ instar, Indica illa herba, multis modis artibusque populis maritimis efficax medicina.

Sed fontem hunc noxium mittamus, illud verò aquarum miraculum apud Germanos, & eosdem Septentrionales populos olim spectatum multò dignius, quod ex Plinio l. 16. c. 1. adscribam: *Altissima haud procul Chaucis, qui majores minoresque appellantur, circa duos præcipue lacus. littora obtinent quercus, maxima aviditate nascendi: suffossaque fluctibus, aut propulsa flatibus, vastas complexu radicum insulas secum auferunt: atque ita librata stantes navigant ingentium ramorum armamentis, sæpè territis classibus Romano-*
rum,


rum, cum velut industriâ fluctibus agerentur in proras stantium noctu, inopesque remedii illa prælum navale adversus arbores inirent.

Redeo cum naturæ spectaculo ad *Fontem Resonum*, in quo inæquales olim & subcissivi, ut diximus, fluxus per abruptas noctis & diei horas. Causam hujus perscrutari sunt multi, nemo tamen adeò certi quid attulit, in quo acquiescerent alii, quòd naturæ miracula sint, quæ admirari magis quàm pervestigare concessum: Fidem interim adstruunt similia, quæ natura alibi in fontibus aperuit. *In Sicilia circa Messanam & Mylas hyeme in totum inarescunt fontes: æstate exundant, æmnemque faciunt. Apollonia in Ponto fons æstate superfluit, & maxime canis ortu. Quadam terra imbribus sicciores fiunt, velut in Narniensi agro: quod admirandis suis inseruit M. Cicero. Plin. l. 31. c. 4. In Dodone Fovis fons meridie deficit, mox increfcens ad medium noctis exuberat. In Comensi agro fons largus singulis horis intumescit & residet. Ita Plinius l. 2. c. 103. In Cantabria tres fontes octonis pedibus distantes, mox in unum alveum cœunt, singulis diebus exsiccantur duodecies, aliquando vicies. Plinius l. 31. c. 2.* Multa hujusmodi apud hunc diligentissimum naturæ investigatorem reperias, quæ admirantem ipsum potiùs deprehendes, quàm rationem singulorum explicantem, nisi quòd universim fateatur, *in nulla parte natura majora esse miracula*, quàm in aquis & fontibus, quorum alii in quotidianum vitæ humanæ usum, alii in admirationem & oblectationem, alii in medelam dati. Et medicos quidem fontes quàm plurimos exhibet, interque hos fontem Ciceronianum oculis purgandis sanandisque natum prope Puteolos, ubi M. Tullius villam habuit, quam nemore, porticu & Academiæ nomine celebrem fecit, Athenarum exemplo, in qua & monumentum sibi instauravit ad posteritatis memoriam. Sed jacent hæc omnia, ut nos ipsi anno 1652. mensè Octobri Neapolim Româ profecti coram spectavimus, inter vetustatis rudera & temporum injurias planè confepulta. Solum carminis monumentum, quod Tulliano fonti inscriptum, integrum atque immortale ad nos pervenit, quia dignum ubique legi censuit Plinius, & hîc ponamus:

*Quo tua Romana vindex clarissime lingua,
 Sylva loco melius surgere iussa viret,
 Atque Academia celebratam nomine villam,
 Nunc reparat cultu sub potiore Vetus:
 Hic etiam apparent lymphæ non antè repertæ,
 Languida quæ infuso lumina rore levant.
 Nimirum locus ipse sui Ciceronis honori
 Hoc dedit, hæc fontes cùm patefecit ope.
 Ut, quoniam totum legitur sine fine per orbem,
 Sint plures, oculis quæ medeantur, aquæ.*

Eò nunc magis, opinor, probabitur, coronari à nobis fontes, celebrari carminum inscriptionibus, commendari virtutes aquarum, extolli naturæ miracula, quæ demum in ipsum naturæ Opificem auctoremque rerum mortalium refunduntur. Quemadmodum ipsos fontes atque aquas vates sacer Daniel c. 3. ad Dei laudem provocat.

Et quid inter naturæ opera præstantius aquis? Quippe hoc elementum ceteris omnibus imperat: terras devorant aquæ, flammæ necant, scandunt in sublime; & cælum quoque sibi vindicant, ac nubium obtentu vitalem spiritum strangulant. Qua causa fulmina elidit, ipso secum discordante mundo? Quid esse mirabilius potest aquis in cælo stantibus? At illa ceuparum sit in tantam pervenire altitudinem, rapiunt eò secum piscium examina. Sape etiam lapides subvehunt, portantes aliena pondera. Eadem cadentes omnium terræ nascentium causa fiunt, prorsus mirabili naturâ, si quis velit reputare, ut fruges gignantur, arbores fruticesque vivant, in cælum migrare aquas, animamque etiam herbis vitalem inde deferre: justâ confessione, omnes terræ quoque vires, aquarum esse beneficii. Idem Plinius lib. 31. c. 1.



FONS PADULUS,

ANTE

NEUHUSIUM,

CONSUEVUM EPISCOPORUM ET PRINCIPUM

PADERBORNENSIIUM DOMICILIUM.

MEMORIÆ. SACRUM

FONS. EGO. SUM. PADULUS. NITIDIS. ARGENTEUS. UNDIS
PURIOR. ELECTRO. FRIGIDIORQUE. GELU
OLIM. VIX. PECORI. NOTUS. NUNC. ARIDA. FEBRI
NOSTER. FERNANDI. PROLUIT. ORA. LIQUOR
UNDE. MEO. PRINCEPS. RECREATUS. MUNERE. CLAUSAS
MARMORIBUS. GRATO. CARMINE. SIGNAT. AQUAS
NE. MIHI. CASTALIOS. LATICES. OPPONE. NEC. UNDAM
BELLEROPHONTEI. CARE. VIATOR. EQUI
ILLA. ETENIM. DOCTIS. INSPIRAT. VATIBUS. ÆSTUM
HÆC. LEVAT. ET. MEDICAM. LYMPHA. MINISTRAT. OPEM

FERDINANDUS. DEI. ET

APOSTOLICÆ. SEDIS. GRATIA. EPISCO-
PUS. PADERBORNENSIS. S. R. I. PRIN-
CEPS. COMES. PYRMONTANUS.

AQUA. FONTIS. PADULLIN. FEBRIS. ARDORIBUS
RECREATUS. P. C. AN. MDCLXV

N O T Æ.

FONS *Padulus* à Pado nostro Saxonico, sicut ab Italico *Padusa*, denominatur, tam perlucidæ aquæ salubritate, dulcedine & frigore, quàm *Neuhusii* viciniâ celebris. Nos certè, in summis aliquando febris ardoribus, grato ejus potu recreati, secundùm antiquam parœmiam, *aquam hausisti, puteum corona*, memoriam accepti beneficii hoc monumento consecravimus. Proximum *Padulo Neuhusium*, Episcoporum Paderbornensium, per quatuor amplius sæcula, consuetum domicilium, Scriptor Panegyrici Paderbornensis pluribus argumentis demonstrat, ipsum esse Alifonis castellum, quod Drusus contra Sicambros, ad Luppix & Alifonis confluentes, exstruxit, & multis pòst annis Carolus M. instauravit, ut ejus præsidio finitimas gentes uterque compesceret, atque in potestate retineret. Insecutis indè temporibus Episcopis Paderbornensibus eodem in loco arcem ponendi, habitandique causam dedisse videntur acerrimæ simultates, quas cum civitate non semel habuerunt. *Antea siquidem*, inquit Horrion in Panegyri. Paderbornensi, *in urbe sua Paderborna apud Cathedralem Ecclesiâ habitabant; quo tempore civium erga suos Præsules amor & reverentia tanto eis præsidio erat, ut vallum turreisque minimè requirerent: At postquam ab iis sacrosancta dignitas contemnicæpta, gravesque sunt motus adversus Ecclesiasticum ordinem excitati, faciendum visum, ut ab eorum injuriis semoti, hujus se arcis præsidio tuerentur.*

Eandem aliò commigrandi necessitatem aliis etiam Episcopis suæ jam olim urbes imposuerunt, quando primùm ab Episcopis conditæ, auctæ, & communitæ, opibusque dein suis insolenter elatæ, adversus proprios Dominos in arma consurrexere. Sed hocce magnis civitatibus perquàm fatali sæculo contrarium accidit, quo (ut nihil de Paderborna nostra dicam, quam crebris seditionibus laborantem, suisque Episcopis contumacem, & hoc sæculo maximè, licentiâ novæ religionis infanien-

sanientem, THEODORUS Episcopus & Princeps Paderbornensis, per Joannem Frisiæ Orientalis & Ritbergæ Comitem, egregium belli ducem anno MDCIV. VI. Kal. Maii, admirabili providentiâ ac celeritate expugnatam compescuit) Leodium, Hervordia, Monasterium, Erfordia, Magdeburgum, Brunswiga, præpotentes claræque urbes in ordinem redactæ, aliis urbibus parem fortunæ ludum comminantur. Annum porro, quo Paderbornenses Episcopi ex urbe huc concefferint, non habeo certum affirmare. Suspicio tamen circa annum partæ salutis MCC. Certè Otto Ritbergensis, qui anno MCC LXXVII. ad Paderbornensem cathedram est evectus, in hac se arce tenebat, dicebaturque vulgò eodem, quo hodie nomine, fortasse, quod in veteris arcis Drusianæ & Carolinæ vestigiis esset collocata: quam à civibus Paderbornensibus postea incensam refert Gobelinus Persona in Cosmodr. ætat. 6. cap. 66. his verbis. *Otto de Ritberg Episcopus Paderbornensis multas guerras cum civibus Paderbornensibus habuit. Unde accidit, quòd cùm ipsi Castrum Novum igne devastaverant, & post hoc quadam die ad implendum fossata ejusdem convenissent, Episcopus Otto cum fidelibus suis manu forti irruit super eos, & commisso pralio, de civibus occisi sunt plusquam quingenti, quorum cadavera in plaustris ducebantur in civitatem, & in una fossa magna sepulta sunt. Fuit enim inter Episcopum & cives per certos arbitros facta compositio, qua cùm servari non videbatur, ut debuit, per multas guerras, clades prædicta secuta est. Erat enim hæc compositio facta anno Domini MCC LXXXI. priusquam ipse Dominus Otto esset consecratus in Episcopum; & utrinque fuit juramentis & sigillis firmata, in qua, inter cetera, ipsi cives promiserunt libertates emunitatum illas servare & liberas: & in familias Canonorum & Ecclesiasticarum personarum civitatis Paderbornensis, nisi prius coram Dominis suis conventos, nullam penitus jurisdictionem exercere, & excommunicatos strictius vitare, & eos in officio Consulatus non habere. Deinde ortâ discordiâ super judicio seculari, quod exercetur in foro Paderbornensi, electi sunt arbitri, qui visis & auditis propositis hinc inde, pronuntiaverunt, officium prædicti judicii esse feudum Ecclesiæ Paderbornensis, & hæc pronuntiatio facta est anno Domini MCC XCIX.*

Eam igitur ita inflammata & propè complanata Otto Episcopus, aut ejus successor Guntherus restituerit, quando consentiente dicto Gunthero, Bernardum Præp. Eccl. Paderb. tutorem eâ conditione An. 1309. electum comperimus, *ut castra Dryburg & Nyggenhusen pro 1400. Marcis denariorum oppignorata, redimi pateretur.* Postea Henricus Spiegelius, ac præcipue Ericus Dux Brunswicensis An. 1525. & Hermannus Comes de Weda, Episcopi Paderbornenses, splendidis firmisque ædificiis Neuhausum exornarunt. *Nostrâ verò memoriâ, inquit Horr. Paneg. Pad. l. 2. c. 13. dignam veteri illâ nominis sui gloriâ speciem hæc arx aliquando est consecuta, postquam ingenti sumptu, à Theodoro Furstenbergio Episcopo & Principe Paderbornensi, in hanc amplitudinem excelsitatemque exadificata, fossis & turribus communita, laxis elegantibusque conclavibus, pomariis, hortis, fontibus ornata est. Itaque quamvis splendido Augustoque Principi accipiendi est idonea. Quæ Fridericus Rörigh S. J. non minùs clarus poëta, quam disertus orator, tersis versibus suis ita expressit.*

Quid memorem celsis spectandas turribus arces,

Et tantum Domino tecta minora suo?

Ornamenta olim pacis, munimina belli,

Sumptibus ad cælum surgere iussa tuis?

Hinc NOVA deterso veteris squalore senecta,

Famque suo demum nomine digna DOMUS,

Regalem tectis immanibus explicat aulam,

Laxaque formosis atria porticibus.

Quas circum virides ventis crispantibus undas

Plaudit lascivis squamea turba choris.

Flora favet, favet attiguis Pomona viretis,

Certatimque suas utraque promit opes.

Utraque certatim vernantes divitat hortos,

Floribus illa suis, fructibus ista suis.

Cæterum Theodorianæ ædificationis annum nobis indicat hæc inscriptio, quæ in atrio arcis interiori adhuc conspicitur.

HANC. STRUIT. ÆRE. SUO. THEODORUS. EPISCOPUS. AULAM
EX. FURSTENBERGIS. STEMMA. NATUS. AVIS
ANNO. MILLENO. QUINGENTENO. NONAGENO
TALIS. AB. ELECTO. PRINCIPE. QUARTUS. ERAT

NO-

NEUHAUS

*Arx à Reverendissimo et Illustrissimo Principe
THEODORO Episcopo Paderbornensi in confluentis Lippe &
Aliponis edificata. non àlm NERO Claudius Drusus contra Sicam
pros. & D. Carolus. Magnus contra Sacones castellum posuerat.*



Posthæc ea, pro dolor! inciderunt tempora, quæ non solum hujus arcis excidium, sed etiam totius diœcesis jacturam Ecclesiæ Paderbornensi intentarent, quando inter calamitosa Germaniæ bella, An. MDCXLVI. Idib. Maii à Vrangelio Succici exercitûs duce expugnatâ Paderbornâ Neuhusium simul in potestatem Suecorum venit, ac quarto pòst die tam Paderborna quàm Neuhusium Hassis traditur in possessionem, & socialis belli præmium. Hoc felici rerum successu agitata consiliis inter Succos & Hassos, utrumne Paderborna præmunienda esset, in eaque dominatus, & perpetuæ possessionis sedes firmanda; an verò Neuhusium oppidum ad id deligendum munendumque? hîc diversis inter se collisi sententiis hostes, Vrangeliu Neuhusium præmuniendum censuit, quòd is locus ad confluentes Paderæ, Luppiæ atque Almæ, plano & à Natura monstrato situ opportunissimus, brevi inexpugnabili munimento includi posset, ac modico exinde præsidio multò tutius validiusque teneri; eò Paderbornam muris nudandam, & ejus ruinis Neuhusium firmandum esse. Contrà pertinaciter contendebant Hassi, Paderbornam communicandam firmiùs, Neuhusianam verò arcem subjecto pulvere pyrio funditus evertendam esse. Quæ cum Vrangeliu non probaret, & in his sua consilia, quæ bellandi artibus magis inniti videbantur, abjici indignè ferret; neque Hassis permittere voluit, ut tam nobilem Principum arcem ac sedem tot Episcoporum subruerent; simul Hassos commonens, Paderbornam diligenter fervarent, vereri enim se ne brevi spreti sui consilii eos penitentia subitura esset; dictum mox probavit eventus.

Nam sub exitum ejusdem anni Kalend. Decembris, quod saluberrimum fuit consilium imperiumque Francisci Wilhelmi Episcopi Osnabrugensis, ejus miles duce Balduino de Remont Gubernatore oppidi Widenbrugenſis, Paderbornam luculento die, sine bellicis machinis, sine vineis & cuniculis, paucarum horarum aggressione, Hassis ereptam Ferdinando Episcopo suo reddidit. Tam facilè Deo consilia Politicorum, quæ in jacturam hujus diœcesis conspiraverant, ex
eorum

eorum etiam dissidiis subvertere. Interim Hassi arcem Neu-husianam militis sui præsidio firmatam , etiam pace jam per Germaniam compositâ , unâ cum Novesio & Coesfeldia civitatibus retinuerunt , dum sibi ex pactiōe Imperii Ordinum , sexies centena Imperialium nummum millia numerarentur.

Anno deinde consequente MDCXLVII. die XVIII. Aug. Rabenhauptius Hassicæ militiæ præfectus Paderbornam circumfedit , cui altero mox die Koningsmarckius cum Suedicis copiis subsidio venit ; certi hi duces , non tam ignominiam superioris anni ulcisci , quàm Paderbornam in perpetuam possessionem & incrementum principatûs Hassiæ occupare ; Eò enim ab exordio belli Suedici & Hassici omnia eorum consilia spectare visa , ut captis diœcesium urbibus & munimentis cætera pro arbitrio decerperent. Sed quæ tum prospicientis Dei erat cura , obtigit urbi Paderbornensi ex Cæsarea militia Præfectus Ernestus Bertramovillius , vir animo interritus , & bellicarum rerum expertissimus , qui unâ cum civibus fortiter propugnantibus urbem adversus Suecos Hassosque defendit. Jam magnam partem murorum hostes dejecerant , prolatis ad fossam vineis ; cum gubernator , quòd intra urbis pomeria novis se fossis vallisque , & omni arte bellicâ , instrumentisque præmunierat , ausus ultrò hostem provocare ad aggressionem : quibus Koningsmarckius & Rabenhauptius perterriti , coactique insuper subitâ irruptione Lamboyi in Frisiam Orientalem , intra decimum quintum obsidionis diem , solutis castris urbem deseruerunt , quò suis in Frisia laborantibus auxilium ferrent.

Anno proximo MDCXLIX. cùm publica Imperii comitia Monasterii & Osnaburgi ad exitum vergerent , atque Hassi certa promissio facta esset , si initæ pacis tempore Paderbornam tenerent , iis , quidquid intra Dimolam & Netham fluvios fertilissimi agri , pagorum atque oppidorum continetur , attributum iri ; atque adeò Hassi certâ spe præcipuam hanc diœcesis partem , Hassiæ contiguam devorassent ; novâ rursus

ac repentinâ obsidione v. Octobris urbem sunt aggressi, ducibus Ernesto Hassiæ Landgravio & Gisio. Animum Hassis fecerat, quod urbis præfectus Papius temerè binas cohortes in Mindensem diœcesin emiserat, modico præsidio retento, & jam Hassi productis vincis, admotis tormentis, injectisque ignibus urbem ad extrema deduxerant: cum interea Ferdinandus utriusque Baviaræ Dux, Paderbornensis Episcopus, de obsidione & periculo urbis certior factus, Lamboyum Comitem cum suis & Lotharingicis copiis submittit: Et Lamboyus festinatis ab Rheno itineribus, inobservatusque, citius ante urbem stetit cum exercitu, quàm Hassi adesse senserint. Ita ille auspiciis Ferdinandi Episcopi, vel ob id æternâ memoriâ digni, intra duodecimum, quo oppugnari cœpta, diem, urbem obsidione, quæ altero die dedenda erat, & patriam perpetuâ servitute felicissimè liberavit.

Magnam hîc divini Numinis providentiam venerabere, quisquis ex posteris hæc recoles. Tot nimirum Episcopatus per Saxoniam à Carolo M. conditi, auctique consequentium indè Cæsarum ac Principum munificentia, hâc demum tempestate naufragium fecerunt, quibus ne ipsæ quidem Carolinæ donationum tabulæ ad salutem valuere. Servatus ex hoc communi naufragio cum paucis aliis Paderbornensis. Ita summo illi Gubernatori placuit,

Qui terram inertem, qui mare temperat


Horat. Ode
4. lib. 3.

Ventosum, & urbes, regnaque tristia.

Sed idem inspector & supremus arbiter adest, à quo omnium quidem potestates, ut D. Augustin. dixit lib. 5. de Civit. Dei, sed non omnium voluntates. Stetere tot annis à Caroli ævo ad nostram usque ætatem cæteri Episcopatus longâ Præfulum serie, altisque radicibus innixi; sæpe concussi, vulnerati, amputati; quos una demum procella dejecit. Ut constaret magnas arbores diu crescere, unâ horâ exstirpari. Procubuerunt nunc, & ad fatum venere suum, quando in summa fortuna id æquius, quod validius, Taciti judicio lib. 15. Annal. Nec hîc alio solatio cum Seneca occurrimus, quàm pati quod emendare

non

non possis, & Deum, quo permittente omnia eveniunt, sine murmure comitari. Tanto nunc consultius iis, quibus pepercit, Fortunam pressis manibus tenere, & magnos rerum transitus capere ad providentiam malorum.





ACIDULA SMECHTANA.

MEMORIÆ. SACRUM

NON. EGO. VICINIS. DUBITEM. CONTENDERE. NYMPHIS
 TANTA. LICET. NOSTRÆ. COPIA. DESIT. AQUÆ
 FRIGIDIOR. GLACIE. CERTE. MEA. NECTAR. ACORE
 UNDA. REFERT. VITRO. SPLENDIDIORQUE. FLUIT
 UTILIS. ET. CALIDO. JECORI. STOMACHIQUE. DOLENTI
 ET. PRÆSENS. ÆGRIS. RENIBUS. AUXILIUM
 PRINCIPIS. HINC. PATRUI. PRINCEPS. EXEMPLA. SECUTUS
 FERNANDUS. PATRIÆ. MAXIMA. CURA. MEÆ
 MARMOREO. POTAS. ORNAVIT. MARGINE. LYPHAS
 ADDIDIT. ET. GRATA. CARMINA. DUCTA. MANU
 TU. MERITI. CONTRA. MEMOR. ILLIUS. USQUE. LIQUORES
 ARENTI. SITIENS. QUI. TRAHIS. ORE. MEOS
 POCULA. FERNANDI. FAC. LIBES. PRIMA. SALUTI
 INCOLUMIS. PADERÆ. QUAM. DABIT. ILLE. SUÆ

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

AD. MEMORIAM. ACCEPTI BENEFICII
 P. C. AN. M. DC. LXIX

NAUSEAT. AUT. SIQUIS. CALET. HINC. BIBAT. ÆGER. OREXIN
 NOSTRA. FACIT. STOMACHO. PELLIT. ET. UNDA. SITIM
 NECTAR. ACORE. VITRUM. SPLENDORE. ET. FRIGORE. BRUMAM
 EXSUPERAT. MEDICÆ. NEC. CARET. ARTIS. OPE

N O T Æ.

S MECHTANAM Acidulam, accolis, Metbrunne / hydro-
meli dictam, nos olim his elegis celebravimus.

*Nympha decus silvæ, pulcherrima Nympha sorores
Inter Hamadryadas, Naiadasque deas.*

*Quis te præsentis sparsit medicamine? quis te
Melliti fontis nomen habere dedit?*

*An, magis ut scaperent, acidas tibi dulciter undas
Ambrosia succis diluit ipsa Salus?*

*An, velut Hyblæis è floribus omnia libat
Fingendi studio sedula mellis apis:*

*Sic, dum nunc ferri venas, nunc aris oberras,
Vim trahit inde tuæ, quæ fluit, humor aquæ?*

*Quicquid id est: stomachi fastidia vincis inertis,
Nec finis accensum bile tumere jecur;*

*Et quæ præterea versu comprehendere non est,
Sapiens innumeris pota medere malis.*

*Salve Natura mulsam, gratissima morbis
Sospita, languentium nectar, inempta salus.*

*Quod mihi si bilem solitâ virtute coërces,
Quæ jecori, nimio dum furit igne, nocet;*

*Carminibus nostris decorataque marmore, nomen
Grande salutiferas inter habebis aquas.*

Quibuscum concinit Musa JOANNIS ROTGERI TOR-
KII nostri, Mindensis Præpositi, Canonici Paderbornensis ac
Monasteriensis, non semellaudata.

*Fons in umbroso venerande luco,
Fam diu Phæbo sacer, ac Saluti,
Qui levas fessum jecur, & palato
Mella propinas*

*Atticis longè potiora succis,
Quos per Hyblaos studiosa colles
Turba formosi populata florem
Condidit anni.*

*Montis intonsi decus & voluptas,
Cujus extremo pede, bullienti
Profilis astu gravis è metalli
Divite vena;*

*Principem serva mihi FERDINANDUM,
Patria Patrem, tua concinentem
Nobili pleetro, tua mella pleno
Ore bibentem.*

Virtutem hujus aquæ singulariter etiam commendat Tabernæmontanus in suo aquarum Thesauro cap. 59. salubritatem illius coram periclitatus. Tabernæmontano assentitur Rottendorffius noster in literis, quas Driburgensis acidulæ monumento subjungimus. Inter Smechtanos fontes numero plures, unus in colle situs, avibus ex eo potantibus exitialis, hominibus innoxius, petigini & scabiei medetur. Largiar hoc præstantiæ & celebritati hujus acidulæ, ut antiquitatem vici *Smechten* à quo denominatur, eruam ex hoc Caroli Crassi Imp. diplomate, Herisfensi Parthenoni datò, cujus etiamnum beneficio Smechta à Nobilibus de *Assenberg* possidetur.

IN nomine sanctæ & individua Trinitatis. KAROLUS divina favente gratia serenissimus Imperator Augustus. Si loca divino cultui mancipata nostro levamus juvamine. hoc nobis ad aternæ remunerationis præmia capessenda profuturum fore liquido credimus. Quapropter omnium fidelium nostrorum præsentium scilicet & futurorum cognoscat industria. qualiter Bisò venerabilis Paderbrunnensis Ecclesiæ Episcopus attulit nostra Serenitati quoddam conscriptum in quo continebatur. qualiter quoddam monasterium sanctarum monialium in loco qui dicitur Herisi. una cum licentia piissimi genitoris nostri Liutbardus Episcopus. una cum decreto Liutberti Archiepiscopi. atque omnium consynodaliū suorum Coëpiscoporum. simulque omnium consacerdotum & Clericorum à fundamentis fuerat constructum ea videlicet.

cet ratione. quia ipse Liuthardus Episcopus. & soror ejus nomine Wald-
 burc in sanctimoniali proposito permanens. tradiderunt suam proprie-
 tatem ad prafatam sanctam Ecclesiam Padrabrunnensem. qua est con-
 structa in honore sanctae Dei Genitricis Mariae. quatinus eadem res per-
 petualiter in ejusdem Monasterii potestate consistant. Et deprecatus est
 nos idem venerabilis Episcopus Biso. ut ipsum Monasterium & res ad
 illud pertinentes sub nostra immunitatis tuitione & defensione suscipere-
 mus. & tales casus. sicut ipse in beneficium habuit in villa Nadri pro
 remedio animae nostrae illuc ad Dei servitium ipsis monialibus concedere-
 mus. Nos vero ejus petitioni libenti animo satisfaciētes. ita fieri
 decrevimus. Concessimus igitur illuc in ipsa villa Nadri hobas x. cum
 casa & curte. vel cum omnibus juste ad ipsas hobas pertinentibus
 vel respicientibus. & jussimus eis fieri hoc nostra auctoritatis prae-
 ceptum. per quod decernimus atque jubemus. ut memorata Wald-
 burc prafatum Monasterium Herisi diebus vite suae securiter per
 hoc nostrae auctoritatis praeceptum habeat atque possideat. Post suum
 vero descessum licentiam ipsae sorores habeant inter se eligendi Ab-
 batissam. una cum consensu illius Padrabrunnensis Ecclesiae Praefulis.
 Et mundeburdum de eadem Ecclesia habeat prafatum monasterium
 Herisi. & per unumquemque annum 1111. solidos ad eandem Ec-
 clesiam persolvant. simulque mansa x. in villa nuncupata Haionhus.
 qua Liuthardus venerabilis Episcopus illuc perpetualiter permanenda
 concesserat. cum decimis villarum quae vocantur Herisi. SMAH-
 TIUN. Northgardinun. & Suthgardinun. cum appendiciis sibi vil-
 lulis in usibus Ancillarum Dei tradita. per hoc nostrae auctoritatis
 praeceptum plenius in Dei nomine confirmatum. nullo inquietante. sed
 Deo auxiliante perpetuis temporibus consistant absque alicujus con-
 tradicentis obstaculo. Volumus etiam atque precipimus. ut saepe jam
 dicti monasterii Ancillarum Dei homines. non alio modo à judiciariis
 personis constriuantur. nisi sicut Padrabrunnensis Ecclesia praeceptis
 concessimus. Episcoporum quoque synodale decretum conscriptum & si-
 gno subscriptionis roboratum super memoratum monasterium Dei no-
 mine Herisi nostrae quoque largitatis concessione firmatum permaneat.
 Et ut haec auctoritas largitionis nostrae firmior habeatur. & per fu-
 tura tempora à cunctis fidelibus nostris verius credatur & diligen-
 tius

tius conservetur. manu propria nostra sup̄ter eam confirmavimus. & sigillo nostro assignari iussimus.

Signum Domni KAROLI

Serenissimi Imperatoris Augusti.

Amalbertus Cancellarius ad vicem Liutberti Archicapellani recognovi & ss. Data XI. Kalend. Octob. Anno Dominica incarnationis DCCC LXXXVII. Indictione. V. anno vero regni Domni Karoli serenissimi Imperatoris Augusti. in Italia VII. in Francia V. in Gallia III. Actum ad Justinauna curte regali. in Christi nomine feliciter. Amen.





A C I D U L A D R I B U R G E N S I S . M E M O R I Æ . S A C R U M

HIC. EGO. VISCERIBUS. MAGNÆ. PRORUMPO. PARENTIS
LARGA. SALUTIFERÆ. VENA. PERENNIS. AQUÆ
DOCTA. GRAVI. MORBO. RENES. ET. FÆCE. LIENEM
ET. TUMIDUM. FLAVA. BILE. LEVARE. JECUR
ET. TORPENS. ACIDO. STIMULANTE. LIQUORE. PALATUM
TÆDIA. VENTRICULO. PELLERE. FAUCE. SITIM
QUI. BIBIT. ERGO. MEOS. LATICES. ET. CIVIS. ET. HOSPE
INCOLUMIS. NOSTRIS. RITE. PRECETUR. AQUIS
MAGNUS. UT. HAS. ARMIS. CAROLUS. VICTRICIBUS. UNDA
SAXONICO. FERTUR. SUPPOSUISSE. PADO
SIC. FERNANDE. TUO. DECORATÆ. MUNERE. LONGO
TEMPORE. TE. SALVO. SUB. TUA. JURA. FLUANT

F E R D I N A N D U S . D E I . E T
A P O S T O L I C Æ . S E D I S . G R A T I A . E P I S C O -
P U S . P A D E R B O R N E N S I S . C O A D J U T O R
M O N A S T E R I E N S I S . S . R . I . P R I N C E P S
C O M E S . P Y R M O N T A N U S . E T . L I B E R . B A -
R O . D E . F U R S T E N B E R G

A D . A C I D U L A M . D R I B U R G E N S E M . S A L U B R I T A -
T E . M E D E N D I S Q U E . C O R P O R I B U S . N O B I L E M
C O M M O D I U S . H A U R I E N D A M . E D U C T A . H U M I -
D O . S O L O . A R B O R I B U S Q U E . C O N S I T A . A D . D E A M -
B U L A N D U M . V I A . E T . F O N T I S . C E L E B R I T A T I
E T . P U B L I C Æ . U T I L I T A T I . C O N S U L U I T


N O T Æ.

DIOECESIS Paderbornensis tam multas atque uberes pal-
 sim aquarum perennium venas habet, ut nullam facilè re-
 gionem tot amœnis, dulcibus, & copiosis fontibus putem irriga-
 ri. De fluviis omnibusque celebrioribus, in notis ad Luppiæ, A-
 misii, & Paderæ fontes, aliquam suprà fecimus mentionem. Ut
 nihil nunc dicam de Saltcotena oppido, aquâ, unde sal coqui-
 tur, nobili: ut præteream Upsrungam, ubi primum est *Hedera*,
 in actis S. Liborii commemoratæ, caput: *habemus in propinquo*
Alpheum, inquit Horrion in Panegyri. Paderb. lib. 2. cap. 7. *cujus*
Arcthusam frustra rerum naturalium curiosi jam pridem persequuntur.
Nempe non longè à nova Beca rivus est non modicus, qui terrâ haustus
sepe, nescio quò, oculis mortalium eripit. Mirabilius propè est, quòd duo
riveri ad Liechtenauum oppidum confluentes repentè absorbentur, verùm
non uno semper meatu, sed prout aqua impetus tulit. Itaque admodùm
quinque jam patent, neque dubitat interdum novos aperire. Tantum
de aquis dulcibus.

Nec Acidulis saluberrimis carent Paderbornenses. De *Smechtana* paulò antè. *Bracula* & *Driburgum* etiam acidulis abundant:
Braculenses non adeò celebrantur. *Driburgenses* sub radicibus silvæ
 Teutoburgiensis, hodiè *Driburgensis* dictæ, in medio prato, u-
 berrimâ scatebrâ emicantes, ut acore suo & colore, quo tinctus
 fontis limus, & solum rubescit, aluminis ferrique venas refe-
 runt; ita salubritate, præstantiâ & copiâ aquarum excellunt. Sed
 recitemus hoc loco Bernardi Rottendorffii, Archiatri Monaste-
 riensis, & medicinæ arte, & humaniorum literarum, quæ ejus
 morte ingens hoc anno ceperunt detrimentum, scientiâ celeberrimi viri, epistolam, ad amicum An. 1668. 27. Martii hac super
 re datam.

Famotus sum, inquit, in acidularum salsularumque facultatibus
investigandis: & juratò ausim adseverare, quod Paderbornenses suâ
præstantiâ Egranis, Schwalbacensibus, Antoninis, Wildungensibus aut
Spa-

Spadanis non cedant, si non illas supergrediantur. Joannes Guintherius Andernacus medicus eximie doctus, dialogo secundo de earundem viribus & usu, in quo simul precipuos Germania fontes acidos describit, post Spadanos sequentia subnectit pag. videlicet 142. In Ducatu Westphalia " fons acidus juxta domum novam extat ferri & aluminis particeps, ad " eadem, quæ superiores possunt, efficax. Fontem scilicet mellitum juxta " Smechtam, den Wietbrunnen intelligit. Idem Guintherius pag. 143. ubi Pymontanum describit: Aqua hujus fontis, inquit, ochrá præcipuè " infecta est, quod acrimonia ejus testatur, eoque acris ille potius, quàm " acidus dici meretur; hinc potio illius aqua periculosa est: nam rodit in- " terranea, præsertim corporum tenerorum, gracilium & adolescentum. " Hæc esse veritati consentanea, experienciâ edoctus sum, & re ipsâ compe- " ri, non in uno, sed pluribus. Subjungit Guintherius: Quia verò aqua " hæc potui non idonea, ad balneas potius accommodari debet: nam tumores " contra naturam, quacunque in parte corporis affligant, discutit, æde- " mata, podagram, & chiram ex pituita contractam, top hosque ar- " ticularum comminuit, membra fluxionibus opportuna, torpida resolu- " taque restituit: impetiginem, scabiem, lepram emendat; &c. Taber- " nontanus in suo aquarum thesauro mihi pag. 395. scribit, quod pyri- " tes, quem Wasserfisz vocat, in fonte Mellito seu Smechtano cæteris me- " tallis antecellat. Pyrites autem propriè vocatur ein Feuerstein/ nobile me- " tallum, cujus usus multiplex in medicina: habet enim calefaciendi, sic- " candi, digerendi ac discutiendi facultatem, præterea humores tartareos incidit, calculum resolvit, & contumaces obstructions referat, ac duros tumores emollit. Idem præstant illa aqua, quæ à minera pyritarum sca- " turunt. Hæc ille de acidulis, & nos de monumentis Paderbor- " nensibus. Quæ benignus Lector, donec universa historia Pa- " derbornensis suo tempore lucem aspiciat, promulsidis vice de- " gustet velim, & æquo animo ferat, si alieno fortassis loco, fami- " liæ Furstenbergicæ memoria, è vicino Westphaliæ Ducatu huc allata, Paderbornensibus monumentis subnecti videatur. Quan- " quam haud aliena ab instituto ejus familiæ mentio videri debet, quæ duos Episcopos ac Principes Paderbornensibus dedit, quo- " rum alter innumeris pietatis ac munificentiae operibus, alter his aliisque monumentis diœcesin exornavit.



OLDENBURGA

IN MONTE FURSTENBERG,

PRIMA BARONUM DE FURSTENBERG IN
WESTPHALIA AD RURAM SEDES.

MEMORIAE. SACRUM

FURSTENBERGIACÆ. TITULIS. ARX. INCLYTA. GENTIS
 OLDENBURGA. TUUM. QUÆ. MODO. NOMEN. HABET
 SIVE. LOCI. DECUS. ANTIQUUM. SEU. NOMINE. PRIMOS
 INDICAT. HOC. ALTÆ. NOBILITATIS. AVOS
 HIC. STETIT. HOSTILI. BELLORUM. SÆPE. TUMULTU
 DIRUTA. PRINCIPIBUS. SÆPE. REFECTA. SUIS
 NUNC. DESERTA. JACET. PRÆCLARÆ. GLORIA. STIRPIS
 USQUE. RECENS. LONGA. POSTERITATE. VIGET
 SIC. MEA. DOCTRINÆ. PRECOR. ET. VIRTUTIS. AVITÆ
 LAUDE. VELUT. GEMINA. STET. TRABE. FULTA. DOMUS

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

AD. ILLUSTRANDAM. HOC. ETIAM. IN. LOCO. MA-
 JORUM. SUORUM. MEMORIAM. ET. POSTEROS
 AVITÆ. VIRTUTIS. EXEMPLO. INCITADOS

M. H. P.

NO-

N O T Æ.

1. **F**URSTENBERGIAE TITULIS ARX INCLYTA GENTIS,
OLDENBURGA TUUM QUÆ MODO NOMEN HABET.]

Locus antiquæ arcis in monte *Furstenberg*, quæ prima *Baronum Furstenbergiorum* in Westphalia ad Ruram sedes, sive à vetustate, sive à prima *Oldenburgicorum* Comitum origine, etiam nunc *Oldenburga* appellatur, & ipsa trecentis jam annis eversæ castelli rudera, ac veterum munitionum reliquiæ, miram hodie spirant dignitatem. Commendarunt hanc olim præter amplitudinem plurima alia decora, in quibus facilè primas tenet situs, ad omnem belli rationem, & Westphaliæ limites ab injuria maleficioque finitimorum Arensbergensium, & Marcanorum Comitum defendendos opportunus. Occupabat crepidinem montis, quâ is & maximè arduum habet ascensum, & magno ad munitionem momento, infra Nehemium, proximum Arensbergensis ditionis oppidum, Rurâ flumine alluitur. Ab lateribus, præruptis vallibus, quarum alteram rivus, Oldenburgicus dictus, interfuit, è regione montis, profundâ atque ingenti fossâ munitur è vivo excisa scopulo. Ipse jugi vertex, olim triplici firmissimo vallo contra omnes hostium insidias coronatus stetit, in cujus medio vetus sacellum, hodie impensis Ferdinandi Episcopi & Principis Paderbornensis restitutum, spectatur, Furstenbergiis quondam inter arma etiam cultæ religionis illustre monumentum. In semirutis aggeribus longâ annorum serie altissimæ excreverunt nunc quercus, quibus pro custodia additos fuisse muros, sat demonstrant cæmenta & lapides, magno indè numero patrum adhuc memoriâ in novi cujusdam ædificii usum egesti.

2. SIVE LOCI DECUS ANTIQUM, SEU NOMINE PRIMOS
INDICAT HOC ALTÆ NOBILITATIS AVOS.]

De *Furstenbergiorum Baronum* ducta ex *Oldenburgicis* Comitibus origine, generatim ita loquitur Joannes Horrion Soc. J E-

su in Panegyrico Paderb. lib. 3. cap. 2. *Non desunt, inquit, qui & antiquarum tabularum auctoritate, & è gentilitiorum insignium formâ, & natalis loci situ demonstrare se posse consulant, Furstenbergiam domum è vetustissima clarissimaque Comitum Oldenburgensium stirpe genus ducere. Eadem Ditmarus Mollerus Tremonienlis in genealogia Furstenbergica, & Theodorus Hoppingius clarus in paucis Jurisconsultus in erudito de Insignibus opere, aliique complures memoriæ prodidère, & avita traditio non minus confirmat, quàm diploma Cæsareum An. 1660. 26. Aprilis Viennæ datum indicat, quo LEOPOLDUS Imperator ita præfatur:*

Benignè itaque considerantes vetustam & nobilem Furstenbergiorum familiam, ipsosque de numero Nostrorum Sacrique Romani Imperii Circuli Rhenani Equitum, sub territorio castri Fridbergensis, plurimis retrò annis, veluti insigne eorundem membrum fuisse recensitos, suamque originem, à temporibus D. quondam Imperatoris Caroli Magni, longâ prosapiâ in hoc usque tempus traxisse, prout id ex diversis fideque dignis ac receptis auctoribus, aliisque documentis, citra cujusquam contradictionem, atque id imprimis etiam manifestè demonstrarunt, quòd sua familia jam tunc temporis nobilium ordini ob splendorem generis ac natalium anteposita fuerit, & quòd ex stirpe sua duos Sacri Romani Imperii Principes, ac primum quidem ante centum annos Wilhelmum magnum Ordinis Teutonici in Livonia Magistrum, alterum verò Theodorum quondam Episcopum Paderbornensem numerarit, qui non solum dilapsam ex prædecessorum suorum negligentia Catholica religionis cultum ab integro illic restituerit, & veluti postliminiò reduxerit, Collegiumque & Novitiatum Soc. JESU, atque etiam Academiam ibidem fundarit, & ex fundamentis exstrui curarit, verum etiam ipsammet Ecclesiam ab omni ere alieno, citra subditorum vel minimum subsidium, propriis suis mediis ac sumptibus planè liberarit, & Capitulum Cathedralæ, uti & ceteras Ecclesias ac monasteria, ad promovendum Dei cultum excitarit; quin etiam eorundem proventus novis foundationibus de proprio auxerit & dotarit, & tam sumptuosas fabricas ac residentias in commodum successorum suorum, suis impensis exstructas, post se reliquerit, quàm paucas aequales illis in partibus reperire sit; atque insu-

per dictis Ecclesiis prateritorum bellorum calamitosis temporibus tanto studio & fidelitate praeferit, ut alter earum fundator jure merito & cum sui singulari encomio dici possit. Perpendentes quoque indelessa, & fidelissima, atque etiam utilissima Divis Praedecessoribus Nostreis, Romanorum Imperatoribus, ac Regibus, Augustaeque Domus Nostra Austriaca, à saepe memorata Furstenbergiorum gente, inconcusso devotionis ac fidei studio, tum pacis tum belli temporibus, togâ & sago, in primis vero à quondam Casparo & Friderico Furstenbergiis, dum binis nuper defunctis Electoribus Colonensibus Ernesto & Ferdinando ab intimis consiliis essent, & Ducatus Westphaliae gubernacula tenerent, in diversis tum publicis Imperii, tum particularibus Circularum conventibus, aliisque multifariis occasionibus, praeter reliquis demississimè praestita obsequia atque servitia: & quòd horum laudatissimis exemplis atque vestigiis insistentes Honorabiles, Nobiles, devoti Nobis dilecti, Theodorus Casparius, Fridericus, Wilhelmus, Ferdinandus, Franciscus Wilhelmus, & Joannes Adolphus, fratres à Furstenberg, Cathedralium & respectivè Collegiatarum Ecclesiarum Moguntina, Trevirensis, Hildesheimensis, Spirensis, Monasteriensis, & Paderbornensis Capitulares, nec non Beatissimi in Christo Patris nostri Alexandri VII. intimus cubicularius, ad S. Crucis in Hildesheim Praepositus, & Campeonensis Prior, atque etiam Ordinis Teutonici in Balivia Westphalica Eques, à teneris veluti aetatis suae annis, post adeptas in plerisque celeberrimis Cathedralibus & Collegiatis Ecclesiis praebendas, probatamque generis, ac stirpis suae avitam vetustatem, juxta exemplum praedictorum Caspari & Friderici à Furstenberg, Avi ac Patris sui, in omnibus tam Sacri Imperii publicis, quàm aliis etiam conventibus, & quovis aliàs modo à Sacri Imperii Electoribus & Principibus sibi persaepe concreditis maximi momenti legationibus & commissionibus, omnia studia, consilia & actiones suas in Nostrum duntaxat, sacrique Imperii, atque boni publici, Augustaeque Domus Nostra Austriaca commodum, quòd benignè probamus, incessanter contulerint, atque intenderint, quemadmodum id etiamnum pari fidelitatis & devotionis obsequio faciunt ac praestant, atque posthac quoque in omne subsequendum tempus dimississimè se, pro dotibus naturae atque ingenii sui à Deo sibi concessis, semper praestituros pollicentur, praestareque desiderant ac possunt. Motu itaque proprio, ex
certa

certa scientia, animo bene deliberato, sano accedente consilio, deque Casarea potestatis Nostra plenitudine, Theodorum Casparum, Fridericum, Wilhelmum, Ferdinandum, Franciscum Wilhelmum, & Joannem Adolphum, fratres à Furstenberg, liberos, heredes & successores eorum legitimo matrimonio natos & nascituros, utriusque sexûs, & ex eis in infinitum descendentes, ac descensuros, nostros & Sacri Romani Imperii, Regnorumque & Dominiorum Nostrorum hereditariorum liberos Barones fecimus, creavimus, & ereximus, ac tenore presentium facimus, creamus, erigimus, & ad liberorum Baronum statum atque gradum clementer evehimus, & attollimus, ac Baronalis honoris, dignitatisque titulo per presentes gratiosè insignimus, nec non aliorum liberorum Baronum verè natorum ordini, numero, consortio, catuique favorabiliter adscribimus, & aggregamus, &c. Verùm Joannes Veldeè Soc. JESU antiquitatis patriæ peritissimus, singulari commentario de ortu ac progressu familiæ Furstenbergicæ, ante triginta ampliùs annos composito, jam indè à Widichindo Magno Saxonix Duce deductâ Oldenburgicæ domûs origine, Furstenbergios pariter illustravit; ex quo, & Ditmaro Mollero, sigillatim hæc decerpimus. Sigefridus Comes Oldenburgicus, primus Marchio Brandeburgicus, & Ruperti Archiepiscopi Trevirensis, & S. Mechtildis Imperatricis frater An. 939. defunctus, ex Heilwige Arensbergenfi suscepit Ulricum filiorum natu maximum, quem in exercitu Henrici Cæsaris ad Merseburgum, contra Hunnos An. DCCCCXXXIII. militasse, & Jadderiense Collegium condidisse memoriæ proditum est, atque ex Zwana Hollanda Ottonem filium sustulisse. Is ductâ in matrimonium Mechtilde Alveflebiensis ditionis hærede, novum Comitatum avito adjecit. Ottoni liberi fuere Joannes, cui Oldenburgensis; Henricus, cui Bruchusanus; Bluso & Otto, quibus maternus Alveflebiensis Comitatus deinde obtigit: quem tamen ad posteros, quos nullos reliquerant, haud transmisérunt. Felicior fuit Joannes ex Adelheide Sigifridi Marchionis Stadenfis filia liberis susceptis, ex quibus Conradum Alveflebiensi Comitatu, ad se post fratrum mortem reverso, novum Comitem præfecit. Conradi fratres fuere Huno, qui major natu

in Oldenburgensi ditione successit; Udo, qui Hildesienſis Epiſcopus cum Conrado fratre An. M LXXXV. Comitibus Gerſtungenſibus interfuit, & vitæ periculum pro Henrici Cæſaris partibus præſentiſſimum adiit, THEODORICUS & Joannes, ac demum Rixa ſoror unica, quæ Hajoni Dythmarſiæ Regulo nupta Elimarum peperit. Hunc Fridericus, memorati Hunonis & Willæ Vechtenſis Comitibus filius unicus, Monachorum Raſtedenſium inſtitutum amplexus, heredem ex aſſe ſcripſit, præteritis omnino patruis poſterisque eorum. Quamvis autem Elimarus graves propterea lites ac diuturnas cum avunculis habuerit, ſummorum tamen Pontificum ſententiâ cauſam tenuit, *teſte Hermannſio Hamelmannſio in Chron. Oldenburgico*, atque hodiernos Daniæ ac Norwegiæ Reges, Holſatiæ Duces, & Oldenburgi Comites procreavit. THEODORICUS verò Hunonis & Conradi frater, quem à fraternis Comitibus, nunc Oldenburgicum, nunc Alveſlebianum, prout cuique alter altero notior erat, pariter cum filio vocatum eſſe conſtat, fratrum natu majorum jure paternis ditionibus excluſus, in Weſtphaliæ Ducatu infra oppidum, cui Nehemio nunc eſt nomen, conſedit in monte Ruræ flumini imminente, quem à celebratis illic, Caroli Magni tempore, Principum Saxoniorum comitiſ, antiquitus *Furſtenberg* eſſe appellatum ſunt qui opinentur. Ibi arcem poſuit, atque amplas deinde opes, & nonnullas in propinquo ſitas hereditatis *Oldenburgica* reliquias, quæ ab Hermannſio Hamelmannſio in *Chronico Oldenburgico*, è diplomatis Pontificiſ An. 1124. 1158. 1160. & 1190. datis, & à Gerhardo Cleinſorgio in *hiſtoria Eccleſiaſt. Weſtphaliæ* MS. ad annum 1124. recitantur, & quarum partem etiam nunc *Furſtenbergii* poſſident, fortè confeſtus, ex illuſtri femina Hermannſii Arensbergienſis Comitibus ſore Reinhardum filium ſuſcepit. Is An. M C XV. IV. Idus Febr. pugnâ ad ſilvam Wolphonis commiſſâ, unâ cum avunculo, aliisque Saxonibus inter ſe ſœderatis, perquàm glorioſam ab Henrico V. Cæſare victoriam reportavit, *teſte Cod. MS. Moguntino de rebus geſtis Archiepiſcoporum Magdeburgienſium, & Cyriaco Spangenbergio in Chron. Saxonia. cap. 214.* Hujus deinde poſteris, etſi
aboli-

abolito sensim *Oldenburgici* atque *Alveslebiani* Comititis titulo, novus adhæserit, ut recepto antiquis illis temporibus more, à vetusto montis habitati vocabulo, Nobiles Domini de *Furstenberg* cognominarentur; retentus tamen ab omni memoria fuit gentilitius *Oldenburgicorum* Comitum clypeus, iisdem planè tratribus, eodem numero, colore, & posito insignis, quamvis haud pares antiquo generi opes honoresque manserint. *Joannes Velde, & Ditmarus Mollerus.*

3. HIC STETIT HOSTILI BELLORUM SÆPE TUMULTU

DIRUTA, PRINCIPIBUS SÆPE REFECTA SUIS.]

Nam cum Henrici Leonis Saxonie Ducis, à Friderico Imperatore proscripti, auctoritatem & fidem secutus Fridericus Nobilis Dominus in *Furstenberg*, Reinhardi filius, (quod etiam de *Oldenburgi* Comitibus memoriae proditur) contra Philippum Colon. Archiepiscopum, Westphalie Ducatum, Friderici Cæsaris munificentia Ecclesie sue An. MCLXXX. donatum, armis vindicantem stetisset, non solum arx *Furstenberga* intercepta, ac munimentis exuta est, sed etiam ejus dominus à Philippo castelli possessione depulsus, & fundis pluribus, ac jurium avitorum maximam imminutione multatus, haud mediocrem pristinae dignitatis & amplitudinis jacturam fecit. *Ex antiquis literis Ditmarus Mollerus Tremoniensis, in genealogia Furstenbergica.* Jacuit autem suis in ruinis quadraginta ferme annos sepulta *Furstenberga*, quibus elapsis S. Engelbertus Colonienfis Archiepiscopus, summam utique loci ad tutandos Westphalie fines opportunitate illectus, anno MCCXIX. Castrum in *Furstenberg* edificavit, seu potius dirutam superiori bello Saxonico arcem restituit, *Furstenbergicis* adeo non invitis, ut Hermannus *Furstenbergius*, Friderici filius, eam sibi redditam acerrime adversus nobilem virum Gerhardum de Brubach, S. Engelberti hostem, defenderit & conservavit. *Joannes Velde in orig. Furstenbergicis.* Quo tempore ibidem insigne Beatissimæ Virginis ac Matris Dei in clientem quendam suum beneficium accidisse memoriae tradidit *Casarius Heisterbacensis*. Porro Henrico Archiepiscopo Colonienfi An. 1225. impiam S. Engelberti necem, Friderici Imperat. jussu,

vindicanti, & Fridericum Isenburgicum hujus parricidii reum bello persequenti, idem Hermannus præstò fuit, acceptique olim à S. Engelberto beneficii memor, ejus causam armis propugnavit. Nec minori fide Coloniensis Ecclesiæ partes tutatus est, cum Henricus Archiepiscopus de jure Advocatiæ Sibergensis, cum Limburgensi Duce & Montium Comite An. 1230. bello decertaret. *Ex antiquis literis Ditmarus Mollerus.*

Hermanni hujus liberi, Wenemarus *Furstenbergam*, Fridericus *Waterlappiam*, deinceps tenuerunt: quam avus eorum primâ sede exturbatus, proximè montem *Sürstenberg* / inter Werlam & Nehem oppida, cum suburbio, fossis, munitionibus, & ædificiis multis olim exstruxerat, & Friderici posterius deinceps soli possederunt, communi cum Wenemaro, ejusque posteris jure, *Furstenberge*, quoad illa stetit, dominati. *Ditmarus Mollerus, & Joannes Velde.* Cum deinde Simon Comes Lippiens. Episc. Paderb. insciente Conrado Archiepisc. Colon. Westphaliæ Duce, geminas munitiones, alteram in Vilcensi castro, Saldkottenæ alteram excitasset, & confinem ejus ditionem hostiliter aggressus, Werlam, Callenhardam, Warstenam, & *Furstenbergam*, anno MCCLIV. diripuisset, iidem *Furstenbergii* fratres arma, & consilia cum plerisque Westphaliæ Dynastis quamprimùm consociarunt, oblataque fortunâ belli compendio absolvendi, ipsum Simonem belli ducem victum prælio, captumque, Coloniensi Præsuli custodiendum tradidère, usque dum An. MCCLVI. IX. Kalend. Septembris, Wilhelmi Cæsaris intercessione, Ordinumque Imperii, certis legibus, Simoni ejusque fœderatis, pax & libertas, confectis atque obsignatis Essendiæ tabulis, concederetur. *Joannes Velde, aliique.* Anno posthæc MCCLXXVI. Siffridus Archiepiscopus Coloniensis, teste Gerhardo Cleinsorgio, reficit dejectas superiori bello *Furstenberge*, Werlæ, Warstenæ, Callenhardæ & Almenæ munitiones, easque novis operibus circumdat, com meatu & præsiidiis firmat, adversus omnes ferè Dynastas, & finitimos Westphaliæ Principes, inter se fœderibus devinctos, auctore Simone Paderbornensi Episcopo, quem acceptæ, quam diximus, calamitatis memoria inquietum habebat, & Coloniensibus

sibus haud mediocriter infensum. Quod magno usui fuisse Archiepiscopo, multasque opportunitates ad belli consilia adjunxisse, rei mox consecutæ eventus demonstravit. Siffridus enim ubi adversariorum alios morte absumptos, alios captivos, afflictos alios aliis cladibus animadvertit, insperatam nactus occasionem injurias eorum armis ulciscendi, ducto in Juliacensem regionem exercitu, universam rapinis, ferro, flammâque consumpsit.

Indè in Westphaliâ est itum, atque è *Furstenberga* munitionibus in Arensbergensem Comitatum facta impressio, Nehemio proximo ejus oppido, aliisque castellis circumfessis, expugnatis & eversis. Quorundam Godefridus Comes Arensbergensis & Ludovicus ejus filius, in castris prope Nehemium positis, renuntiare coacti reliquis Colonienfium hostibus societatem fœderis, pacem poposcerunt, impetraruntque. Quam deinde An. MCCLXXXVIII. ut refert *Cleinsorgius*, recrudescentibus utrimque dissidiis, interventu Joannis Nobilis Domini de *Wissein* / Westphaliæ Marecalli, aliorumque, Siffridus & Ludovicus redintegrarunt. Sub idem ferè tempus exorta gravis inter Reinholdum Geldriæ, & Adolphum Montium Comites, de hæreditate defuncti Ducis Limburgensis contentio, acerbis partium studiis incensa, funestissimum in bellum erupit. Ejus causa Siffridum Archiepiscopum, Henricum Westerburgium, Henricum Lutzenburgium, Adolphum Nassovium, Theodoricum Clivium, Joannem Limburgium ad Lenam, Walramum Falckenbergium, Theodoricum Morsanum, Walramum à Ruppe, aliosque Geldris adjunxit. Joannes contrà Brabantiæ Dux, qui sibi Adolphi Limburgensem Ducatum vendicantis jus comparaverat, Walramus Juliacensis, Eberhardus Marcanus, Walramus, Joannes & Balduinus Lutzenburgici, Fani S. Pauli, & Lossenses Comites, & Respublica Colonienfis in partes Montani Comitis descenderunt, tantis utrimque animis, tantâ opum & causæ fiduciâ, ut neutro acie decernere verito, prope vicum *Weringen* / collatis signis dimicarint. Brabantinus & Montanus eo prælio victores, Reinholdum ceperunt multis vulneribus affe-

affectum, nec antè libertate donarunt, quàm omne jus suum remisisset; Siffridum verò, qui etiam in potestatem eorum venerat, per septem annos in custodia habuere. *Annales Colonienſes, & Levoldus à Northoff in Chronico Marcano.*

Toto illo tempore Eberhardo Marcano impunè licuit conterminam Westphaliæ provinciam, pro suo in Colonienſem Archiepiſcopum implacabili odio, vexare, ac prædari, Werlæ mœnia dejicere, *Furſtenbergâ* potiri, & direptionibus omnia latè infeſta habere; quoad Siffridus in integrum reſtitutus hoſtiles injurias ultum ivit, amiſſâ recuperavit, Marcános coërcuit, & continuo Adolphum perſecutus bello, ſuperioris cladi ſauctorem devicit, & captivum, dum vixit, artiſſimâ custodiâ aſſervavit. Sed Eberhardo in magnas propterea anguſtias adducto, nec animus, nec conſilium deſuit ſe ſuaque defendendi. Siquidem Rutgeri de Altena / Dapiferi ſui operâ, redemptum D. marciſ ab Hunoldo de Plettenberg / Milite An. MCCXCVI. caſtrum Walddenberg / munivit, commeatu inſtruxit, præſidio firmavit, & nobilem Dominum de Biſſem / & Caſtrenſes in Walddenberg / potentiâ virtutiſque gloriâ excellentes, ſuas ad partes traxit, quò crebras Colonienſium excuſſiones, Attendoriæ, & Snellenbergæ excubantium, reprimeret, & inprimis Joannem de Plettenberg / Mareſcallum Westphaliæ imminentem occaſioni rei bene gerendæ pluribus in locis diſtineret. *Levoldus à Northoff.*

Wichboldus poſtea Archiepiſcopus Colonienſis eundem Marcanum Comitem non minus acrem, quàm Siffridus ejus deceſſor habuerat, adverſarium expertus, belli conſilia renovat, ad quæ privatis etiam rationibus impellebatur: Eberhardus enim cædem ultus Engelberti patris ſui, architectum hujus facinoris Hermannum de Loen / qui Wichboldi ab Holte ſorem in matrimonio habebat, oppugnatum fugatumque Bredenvordæ poſſeſſione dejecerat, atque Ottone Richbergio Monafterienſi Epifcopo conſentiente, ejus imperium ſibi retinebat. *Levoldus à Northoff.* Quare Wichboldus cupiditate incenſus reſtituendi in integrum affinem ſuum expedito exercitu Dorſtenam

nam iter intendit, nec tamen ultra, concessis hosti induciis, progreditur. Interea Eberhardus oblatâ occasione Hovestadium, ditionis Colonienſis caſtrum, invadit ac diruit; perque omnem latè provinciam Weſtphaliæ, rapinis, cædibus incendiisſque graſſatur; Archiepiſcopus contrâ adjunctis ſibi Landgravii Haſſiæ, & Henrici Naſſoviæ Comitibus auxiliis, Hovestadium recuperat & inſtaurat. Unnam Marcani Comitatus oppidum exurit, & magnam cæteris infert vaſtitatem; nec deſtitiffet porro injurias ſibi factas ulciſci, niſi gravi morbo implicitus ſenex inducias pacifci, & redire Suſatum coactus mortem illic obiiffet.

Henricus deinde Virneburgius, Wichboldi ſucceſſor, conſtitutis Paderbornæ rebus, quò fortè gravis eum diſſenſio Guntheri Comitibus Swalenbergienſis, & Theodori Baronis Itterani, de Episcopatu inter ſe contendentium, evocaverat, ut Weſtphaliam ab injuriis finitimorum Comitum tueretur, & in fines eorum incuſſiones commodiùs faceret; *Furſtenbergam* ſuperiore memoriâ ab Eberhardo exciſam, An. MCCCVII. reparat & novis operibus communit. *Levoldus à Northoff, & Cleinſorgius.* Eandem tamen Henricus ipſe An. MCCCIX. iterum demolitur, *teſte Henrico de Hervordia*, ſive hoſtium inſidiis intercepta, niſi propriâ ruinâ recipi nequiverit, ſive *Furſtenbergii* ejus domini in Eccleſiam Colonienſem quid commiſerint, de quo nihil certi habeo affirmare. Non multò poſt *Furſtenbergiorum* opibus utcunſue inſtauratam, Engelbertus denuò patris ſui Eberhardi exemplo, An. MCCCXI. obſidet, evertitque. *Levoldus à Northoff, & Henricus de Hervordia.* Quod Henricus Colonienſis, & Ludovicus Haſſus Monaſterienſis Episcopos, privatis de cauſis uterque Marcano inſenſus, haud inultum ferendum rati, ejus ditionem populabundi invadunt, & *Furſtenbergiis*, ob egregiam operam in hac expeditione ſibi navatam, An. MCCCXII. *Furſtenbergam* novis ſeptam munitiombus reſtituunt. *Wernerus Teſchenmacherus Annal. Clivie & Marckie, parte II. cap. I. Levoldus à Northoff.*

Immaturus deinde obitus Henrici VII. Cæſaris, gravioris belli incommoda Germaniæ importavit, maximumque in diſcri-

men Coloniensis præcipuè Archiepiscopi provincias adduxit. Cum enim Henricus Coloniensis Fridericum Austriacum, Moguntinus contrà, & Trevirensis Ludovicum Bavarix Ducem, dissidentibus inter se suffragiis, ad Imperium evexissent, & Cæsareâ coronâ exornassent, tantum hinc odii Bavarus in Coloniensem Archiepiscopum concepit, ut ipse in præsentia Austriaci belli curis distentus, Wilhelmum Arensbergensem, Engelbertum Marcanum, Simonem Lippiensem, aliosque Westphaliæ Comites ac Principes finitimos, ad divexandas diripiendasque Henrici provincias impulerit. *Levoldus à Northoff, & Cleinsorgius.* Itaque Coloniensis Archiepiscopus, & Rupertus Comes de Virneburg Westphaliæ Marecallus, in summas difficultates coniecti, cum *Furstenbergiis*, cæterisque Westphaliæ Castrensis in *Rüden / Horestad / Enellenberg / Werle / Hallenberg / Almene / Aldenwils / Scaryenberg /* & civitatibus Tremonia, Sufato, Brilonia, Monte Martis, Attendoria, Recklinghusa, Dorstenâ, Werlâ, Geseckâ, Rudenâ, Warstenâ, Callenhardâ, Bedelickâ, Medebaco, Winterbergâ, Hallenbergâ, Smalenbergâ, & Volckmarliâ An. MCCCXXVI. pacem, quam vocant Burgensem, ineunt, ac fœdus mutuæ defensionis, Castrenses inter, & Westphaliæ civitates jam An. MCCCXXV. factum, confirmant, adversus immensas opes à Ludovico Bavaro contra se comparatas. *Ex tabulis fœderis, & antiquis literis.* Eo pacto indomitum hostium furorem undique ingruentium Henricus opportunè refrenavit, & Westphaliæ securitati tantisper consulit, dum Walramus Juliacensis, ejus successor, dissidia omnia similitatesque felici demum fine componeret. Etsi autem is postea à Ludovico Cæsare alienatus, etiam cum Godefrido Arensbergensi, & Adolpho Marciano Comite, aliisque Westphalam bello prementibus graves inimicitias An. MCCCXLIV. suscepit, Wilhelmus tamen Juliacensis, & Adolphus Montanus Comes, pacem inter eos tandem conciliarunt.

Hujus belli tempestate, quemadmodum Mendenam, *Furstenberge* vicinum in Westphalia oppidum, direptam ac vastatam fuisse constat, ita verisimilis multorum est opinio à majoribus

accepta, & veluti per manus tradita, etiam *Furstenbergam* Arensbergensi agro, & Marcano plus vice simplici infestam, solo æquatam funditusque deletam esse, utpote cujus post hæc nulla in literis extet memoria. Itaque *Furstenbergii* adversæ toties rebus suis fortunæ pertæsi, sedem antiquam, tot bellorum periculis, & cladibus obnoxiam atque expositam, planè deseruerunt, aliamque sub radicibus montis posuere, domicilii superioris cognominem, pari atque olim ratione *Waterlappiam* ædificaverant. Ex eo tempore divisim inter se avitis possessionibus, *Furstenbergam* novam, & *Waterlappiam*, separatim habitare cœperunt, & genus deinceps propagarunt; binis *Oldenburgicis* trabibus in aureo scuto rubentibus utrimque retentis: sed galeâ *Furstenbergæ* novæ cornibus antiquis, *Waterlappia* pennis distinctâ. Tametsi hoc discrimen non fuerit perpetuum, utriusque domûs posteris pennigerâ galeâ promiscuè ulis. *Ex antiquis literis, & actis de Furstenbergiorum defenso jure venandi. art. 4. & 5. Joannes Velde.*

4. NUNC DESERTA JACET, PRÆCLARÆ GLORIA STIRPIS
USQUE RECENS LONGA POSTERITATE VIGET.]

Bini igitur fratres suprâ memorati, Fridericus & Wenemarus, numerosam posterorum sobolem procrearunt. Fridericus auctor est *Furstenbergiorum* in *Waterlapp*, *Hollinghoven*, *Hörde*, *Stirpe*, & in *Livonia*. A *Wenemaro* genus ducunt *Furstenbergii* in *Furstenberg*, *Nehem*, *Senden*, & in *Geldria*. In *Wenemari* posteris claruerunt *Hermannus*, & *Wilhelmus*, *Wenemari* filius, ac nepos, & *Gothardus* *Wilhelmi* filius, *Marescallus* *Westphaliæ*, & *Satrapa* *Nehemensis*: quam præfecturam An. 1446. *Theodoricus* *Archiepiscopus* *Coloniensis* pro 5000. florenis aureis ipsi oppigneravit, posterique illius possederunt, usque dum *Salentinus* *Archiepiscopus* *Coloniensis* An. 1570. pignus liberavit; Uxorem habuit *Gertrudim* de *Cronenberg*. Utriusque filii fuere; *Philippus* *Marescallus* *Caroli Ducis Geldriæ*, *Jodocus* & *Philippus* *Milites* *Ordinis Teutonici* in *Livonia*, *Antonius* & *Wilhelmus* *Satrapæ* *Nehemenses*, qui postremus è *Sophia* de *Witten* conjuge suâ, suscepit *Wilhelmum* magnum *Magistrum* *Ordinis Teutonici* in *Livonia*, *Godefridum*

Canonicum Rigensem, & Georgium Satrapam Nehemensem, ejus uxor Elisabetha de Gent fuit, & utriusque filius Laurentius, cujus uxor Catharina de Reck, ei peperit Jodocum Furstenbergium in Furstenberg & Senden, qui è conjugē sua Joanna de Strunckede, nullis susceptis liberis, ex Hungaria revertens, ubi legionis equestris legatus, auspiciis Ordinum Circuli Westphalici, Cæsari adversus Turcas militaverat, obiit An. 1596. 11. Novembr. Viennæ in æde Cathedrali sepultus, stirpis suæ ultimus. Antonii supradicti & Petronellæ Wrede filia, Cordula, Abbatissam Gesckensem egit. Furstenbergios in Livonia, & in Hollinghoven ex Waterlapporiundos, illustrarunt, Otto, fœderati Belgii Ordinum nomine, Juliaci gubernator, tribus in Hungariam adversus Turcas expeditionibus clarus, Wenemarum Ordinis Teutonici Commendator Mariæburgi, & Philippus, Gaudentius, Georgius, & Gothardus Milites in Livonia. Inter Furstenbergios è castro Stirpe eminuerunt, Antonius Assessor Spirensis, & Fridericus Judex aulicus Monasteriensis fratres, & Joannes Schönebergius Consiliarius Colonienfis, hujus stemmatis postremus, An. 1645. 30. Novemb. Susati exstinctus. Antequam nunc ad *Furstenbergios* in Waterlapp progrediamur, operæ precium erit nonnihil referre de Guilhelmo Furstenbergio suprâ memorato Ordinis Teutonici in Livonia Magistro, in quo principatu Henrico à Galen successit, & Gothardum de Ketteler successorem reliquit. *Huic*, ut ait Joannes Horrion in Panegyri. Paderborn. lib. 3. cap. 2. *dua res dissimillima egregiam demonstranda virtutis suæ facultatem dedere, Principatus, & adversa fortuna. Nam cum florenti ætate sacram illam militiam administrandam accepisset, in multiplici reip. perturbatione consiliis atque armis integritatem Catholica religionis, dignitatemque Ordinis sartam tectam conservavit. Quod eo fuit difficilius, quod cum frequentibus præliis lacefferetur à Moschis, interea neque vicinorum Dynastarum dissidia, neque orientes jam tum pestifera secta, res ejus esse quietas sinebant. Ubi verò jam ingravescente ætate, post tantam jactationem, portum sibi quasi quendam providit, & designato sibi successore, in munitam imprimis arcem Vellinum se contulit, ut, quod supererat ætatis in honesto*

otio contereret, ibi verò majus, quàm in medio mari, naufragium invénit. Nam anno MDLX. cum Moschi magnis copiis in Harriam & Lettoniam se effudissent, tandem caso Teutonicorum Equitum exercitu, exeunte Quintili, Vellinum oppidum, quatefactis vi tormentorum muris, & ignibus in tecta conjectis ceperunt. Arcem verò ipsam, in qua Princeps versabatur, conscelerati milites, qui in prasidio erant, pacti corporum suorum, & omnium, quæ efferre possent, incolumitatem, nefariè prodiderunt. Quid plura? direptis, quæ in arce erant, Principis opibus, ipsum frustra quiritantem, & fidem eorum appellantem Moschis dedunt. Neque tamen perfidis suâ prædâ diu frui licuit. Nam Moschi re cognitâ spoliatos omnibus, quæ rapuerant, inanes dimiserunt. Princeps ipse captivus ductus in Moschoviam, illustre barbaris patientiæ & pietatis exemplum fuit. Cum enim templo careret, in quo Romano ritu sacra fierent, velut quondam Abraham, sub quercu Mambre, sic optimus senex statis temporibus, sub quâdam arbore Deum colebat. Felicius omnino, qui conservatâ majorum religione in exilio & custodia diem obiit, iis, qui illâ repudiatâ, fumosos titulos & fluxas opes sibi pepererunt. Ejusdem meminere Balthasar Russovius in Chron. Livoniæ, Joannes Lewenclaus in commentario de Moschorum bellis adversus finitimos gestis, Paulus Oberbornius in vita Joannis Basilidis M. Moschorum Ducis, David Chytræus, Jacobus Aug. Thuanus, aliique. Munsterus in sua Cosmographia p. 1118. hæc de illo sigillatim: An. 1560. circa festum S. Jacobi obsidebat Moschus Vellinum arcem, & captum ibidem seniore Magistrum Wilhelmum à Furstenberg, vinctum catenis mittit in Moscoviam, & in singulas noctes semel catenatum instar ursi producit ad spectaculum, atque extremâ inediâ macerat. Unus servorum illius secutus ultro, volebat à Domino suo divelli. An. dein 1564. Wolfgangus magni Magisterii in Borusliâ Administrator, & Ordinis Teutonici per Germaniam & Italiam magnus Magister, suo & totius Ordinis Teutonici nomine, legatos misit in Moscoviam, ingenti nobilium ac famulorum catervâ stipatos, commendatitiisque Ferdinandi Cæsaris literis, & multis donis 3000. scutatorum precium excedentibus instructos, ut Wilhelmum in libertatem vindicaret, quos quidem legatos mense Novembri ab irato Livonibus

Moscovix tyranno auditos, & munera fuisse accepta, sed petitam captivi Principis restitutionem successu caruisse, oculatus testis est Raphaël Barberinus, Mariæ Anglorum Regina in Moscoviam legatus, in sua narratione Italica An. 1565. 16. Octobr. Antwerpiâ ad Comitem Nubarolæ de rebus Moscovix data, & An. 1658. Viterbii edita. Sed plenius hæc licet recognoscere ex relatione ipsorum Legatorum, quæ in Archivo Ordinis Teutonici Marienhemii conservatur, & legatos hisce nominibus nobis exhibet, nimirum Bernardum de Bever/ Commendatorem in *Othmarsheim* / Theobaldum de *Ramswagen* Commendatorem *Friburgi* in *Brisgovia*, Melchiorum Termo Commendatorem in *Weissenburg* / Franciscum de *Hansfeld* / Commendatorem in *Griffstett* / Ordinis Teutonici Equites, & Joannem *Wagener* / & Oswaldum *Lurzing* / J. V. Doctores. Quæ tanta calamitas, justo Dei judicio, haud dubiè propterea illi accidit, quod Gulielmo Brandenburgico Archiepiscopo Rigenfi, manus & vincula injecerit, captumque in arce *Caconhusia* acta in custodia habuerit. E tanto igitur, ut ad propositum revertamur, *Furstenbergiorum* numero, soli hodie superstites *Furstenbergii* ex *Waterlapp* / divino beneficio adhuc florent vigentque. Quorum primam quidem originem Joannes Velde utcunque explicuit, posteriorem autem genealogiam morte præreptus non absolvit. Nos in gratiam illustri familiæ, ex antiquis literarum monumentis, *Ditmari Molleri* tabulis genealogicis, & Joannis à *Bersivordt* / nomenclatore nobilitatis *Westphalicæ*, eam breviter decerptam posteritati nunc consecramus, quæ contra *Boëtiani* illius dicti perpetuò meminerit velim. SI QUID EST IN NOBILITATE BONUM, ID ESSE ARBITROR SOLUM, UT IMPOSITA NOBILIBUS NECES- SITUDO VIDEATUR, NE A MAJORUM VIRTUTE DEGENERENT.

STEM.

S T E M M A

B A R O N U M

FURSTENBERGIORUM

In Waterlapp, Snellenberg, Furstenberg, Herdringen,
Advocatorum hæreditariorum in Graffschafft,
Dynastarum in Oberenkirchen.

*Ex originibus Furstenbergicis Joannis Velde è Societate JESU, ta-
bulis genealogicis Ditmari Molli Tremoniensis, Joannis à Berf-
wordt nomenclatore nobilitatis Westphalica, & antiquis
literarum monumentis deductum.*

Fridericus nobilis Dominus in Furstenberg, Reinhardi, qui Hermanni Comitis Arensbergensis è sorore nepos An. 1115. 1v. Id. Februar. commisso à Saxo-
nibus ad silvam Wolphonis prælio interfuit, filius, in bello Saxonico Henri-
ci Leonis An. 1180. exauctorati Saxonie Ducis partes adversus Philippum
Archiepiscopum Coloniensem secutus, navatae operæ præmium tulit, Fur-
stenbergæ excidium, & avitorum jurium maximam imminutionem. Quare
Furstenbergæ vastatae proximam Waterlappiam, inter Werle & Nehem op-
pida sitam, cum suburbio, fossis, & munitionibus, quas superiori sæculo
diruit Truchsesianus furor, ædificavit. Uxorem habuisse legitur Adelhei-
dam de Ardeia, Everhardi nobilis domini de Ardeia sororem.

Hermannus Furstenbergius S. Engelberti beneficio instauratam An. 1219. Fur-
stenbergam recuperavit, & defendit adversus nobilem virum Gerhardum
de Brubach, S. Engelberti Archiepiscopi Colonienfis hostem. Nec minori
fide, & grati animi obsequio, Henrico de Mollenarck Archiep. Colonienf.
An. 1225. S. Engelberti cadem ulciscenti, & An. 1230. jus Advocatiæ Si-
bergenfis propugnanti suppetias tulit. Uxor ejus fuit Agnes nobilis Domina
de Wildenberg.

Fridericus Furstenbergius Dominus in Waterlapp,
unà cum Wenemaro fratre, & aliis Westphaliæ
Dynastis, An. 1254. capit in prælio Simonem

Wenemarus Furstenber-
gius Dominus in Fur-
stenberg, auctor fami-
liæ

Episcopum Paderbornensem, Werlam, Callenhardam, Warstenam, & Furstenbergam deprædatum, & Colonienſi Archiepiſcopo cuſtodien- dum tradit. Anno verò 1264. feria 4. poſt Re- migii, civitas Callenhardenſis occaſione defun- cti conſulis, vaſalli hætenus perſonam ſuſtinen- tis, per literas eum rogat novam feudi vacantis con- ceſſionem. Hic pari jure cum fratre ſuo Furſtenbergæ, dum vixit, dominatus fuit. Uxor illius Mechtildis de Graſſſchafft, filia Craſſtonis nobilis Domini in Graſſſchafft.

liæ Furſtenbergiorum in Furſtenberg, An. 1290. Eccleſiæ Colo- nienſi feudi nomine obligat decimas in Hu- ſten. Hujus ſtemma, An. 1596. 11. No- vembriſ Jodoco Fur- ſtenbergio Viennæ extincto, unà emori- tur.

Fridericus Furſtenbergius omnibus iis bellis, quæ ſuo tempore Colonienſes Ar- chiepiſcopi cum vicinis Marcanis, & Arenſbergenſibus Comitibus geſſere, & quibus Furſtenberga, An. 1295. ab Eberhardo Comite Marcano, An. 1309. ab Henrico Archiepiſcopo Colonienſi, An. 1311. ab Engelberto Comite Marcano, & An. 1345. à Godefrido Arenſbergenſi, & Adolpho Marcano Comite obſeſſa, expugnata, & deleta, atque identidem à Furſtenbergiis, & Archiepiſcopis Colonienſibus reſtaurata & munita fuit, multum inclaruit. Eidem An. 1309. octavâ die aſſumptæ Virginis Mariæ, Arnoldus Dungal vir nobilis bellum denunciat. Cum eodem, & patruelibus ejus, ac pluribus Weſtphaliæ Caſtrenſibus & civitatibus, Henricus Archiepiſcopus Colonien- ſis, & Rupertus Comes de Virneburg, Weſtphaliæ Mareſcallus, publicæ ſe- curitatis cauſâ ſœdus faciunt An. 1326. Uxorem habuit Juttam de Biſſtein, filiam Theodorici nobilis Domini de Biſſtein.

Wenemar	Antonius	Wilhelmus	Hermannus
Wenemar	Antonius, & Wilhelmus,	cum fratri-	ejus uxor
ſtenbergius, Pa-	Archiepiſcopo Colo-	bus anno	Ermgardis
derbornenſium	nienſi Friderico Tremo-	1365. tranſ-	Bock ex
hoſtis, Monaſte-	niam oppugnanti anno	egit, & in	Palſter-
rium Bodecen-	1388. & An. 1390. ex-	obſidione	kamp, filia
ſe, unà cum Ec-	orto bello de veſtigali	Tremo-	Jacobi
cleſia vaſtat, in-	Cæſaris Inſulæ, & de	nienſi, a-	Bock. æ-
cendit, & An.	Linnenſi ditione, con-	liiſq; bellis	mus.
no 1370. feriâ	tra Adolphum Cliven-	Eccleſiæ	
quintâ poſt o-	ſem, & ejus fratrem En-	Colonienſi	
ctavam Apo-	gelbertum Marcanum	adſuit. æ-	
ſtolorum, Si-	Comitem, opẽ tulerunt.	mus.	
moni Epifcopo			
Paderbornenſi			

reconciliatur. An. 1371. consiliarius Colonienfis intimus, à Friderico Archiepiscopo Colonienfi, universæ Dicecesi, summus militarium copiarum ejus dux, ac gubernator, & primus Satrapa Arensbergensi provinciæ magno cum imperio præficitur. Quare Colonienfi Ecclesiæ, pro munere suo, utilem fidamque operam præstitit in bello An. 1383. ab Engelberto Marcano Comite Colonienfis illato, quo Werla Westphaliæ oppidum conflagrav. Defunctus An. 1386. Uxor ejus Catharina nobilis de Pattberg.

<p>Fridericus Furstenbergius strenuus miles, variis in bellis pro Ecclesia Colonienfi gestis, claruit: siquidè An. 1388. Friderico Archiepiscopo Colonienfi Tremoniam obsidione premententi, unà cum Wenemarō fratre, patruo, &</p>	<p>Wenemarū conditor stemmatis Furstenbergici in Livonia, Friderici fratris sui in plerisque omnibus bellis adjutor & socius. Uxor ejus Godula Fresken, filia Joannis Fresken, heres in Hollinghoffe, quam Joanni Schneidewindt venderunt.</p>	<p>Ludolphus—Uxor ejus Anna Ludescheid dicta Altena. Possederunt Wilshufam pignoris loco. Eorum filius Joannes arcem Hollinghoffen redemit à Gerhar-do Schneidewindt An. 1457. & Furstenbergios in Hollinghoffen propagavit, cujus stemma cum Ludolpho ejusdem nominis ac stemmatis ultimo An. 1581. interiit. Arce Hollinghoffen per Annam ultimi Ludolphi filiam, Laurentio de Furstenberg in Furstenberg & Senden toparchæ nuptam, ad Furstenbergios in Furstenberg devolutā. Hujus etiam stemmate extincto, ab Ernesto electore Colonienfi cōempta transiit in dominium Wilhelmi de Bavaria, Baronis in Hollinghoffen, nunc ab ejus sororis filiis Baronibus de Bylé possidetur.</p>
---	--	--

patruelis suis tulit suppetias. An. 1390. Timannus à Selbach dictus Loe, propter Fridericum Archiepiscopum Coloniensem, cujus hostis erat, bellum ei indicit. Contrà An. 1394. ipse & Wenemarū ejus frater Ruperto de Raesfeldt in Ossendorp hostilitatem denuntiant. Illorum vicissim hostes, in gratiam Bitteri de Raesfeldt, ac Joannis illius filii, eodem se tempore profitentur, Theodorus de Bynnehove, Lubertus de Lange, Theodorus Rodenberg, Henricus & Arnoldus Rodenberg, Gerrus de Wisse, Jordanus de Loe, & Joannes Rodenberg, Sanderus & Wesselus de Galen fratres, Spingerus de Galen dictus Rodensterdt, Everhardus de Pusepe, Engelbertus & Joannes de Sendene fratres, Joannes Tule, Theodorus de Pepele, Lambertus Schmeck, Bickerus & Walterus de Brabeck, Wernekus de Dollenkunde, Hugo de Dorstene, Webetus de Brabeck nothus, Albertus Krief, Theodorus Crane, Joannes Schyle, Hermannus ab Heydene dictus

Aldenbach, Henricus de Baysdunck dictus Summer, Bernardus Oyrman, Joannes Lepele, Sanderus de Bernevelde, Wenemarum Unbekunde, Everhardus Heybe, Hermannus Vogelstat, Joannes Vule, Joannes Spiel, Everhardus Bolte, & Hubertus de Tenderinck. Quod idem facit Joannes Spiegel ex Defenberg, qui An. 1395. unà cum socio suo Henrico Amepe, Friderico Archiepiscopo Colonienſi inimicus, iisdem fratribus Furſtenbergiis, ob eorum in Eccleſiam Colonienſem ſtadium, bellum indicit. Cùm deinde Friderico Archiepiscopo Colonienſi An. 1403. bellum eſſet cum Naſſovicis, & Limburgicis Comitibus, Fridericus Eccleſiæ Colonienſi opem tulit. Poſtea An. 1407. pro Arnolſo Dungen, Henricus de Droſte, Everhardus de Wickede, Albertus Sobbe, Wenemarum Sobbe fratres, Fridericus de Latte, Theodoricus de Dingen, Henricus de Berneholt, Rotgerus de Eſſo, Henricus Danus cum ſamulis & auxiliis ſuis inimicitias cum Friderico ſuſcipiunt. Compoſitis deinde controverſiis, Fridericus adverſus Arnolſum Dungen, & ejus ſocios, & Arnolſus Dungen, ejusque ſocii Godhardus Stecke, Rotgerus de Werderden, Gerhardus de Plettenberg, Bernardus ab Hagenbecke, Joannes ab Aldenbockem, Arnolſus Henſveld, Everhardus de Wickede, Henricus ab Hölte, Theodorus de Dungen, Everhardus ab Endorpe, Theodorus Schenckeber, Rotgerus Schenckeber fratres, Iſebrandus de Schwalmen, Theodorus Schade, Joannes de Sovene, Walter de Kore, Beſo de Brabecke, Theodorus Weſternich & Wachand fratres, Henricus Ovelken, Adolphus de Weſterholt nothus dictus Korte, Wenemarum Hemmerberg, Fridericus Kekelenkegen, Bruno ab Huſchede, Joannes Wenever, Bernardus Hagenveld dictus Brige, Joannes de Sterenberg nothus dictus Schukosten, Werlagus Schampert, Joannes Schulte, Wilhelmus Schulte, Joannes Heſſe, & eorum ſamuli, & auxiliares, adverſus Fridericum hoſtilia reſumunt. Quando etiam Fridericus Archiepiſcopus Colonienſis, & Adolphus Clivenſis & Marcanus Comes, Wilhelmo de Monte Episcopo Paderbornenſi bellum intulerunt, & An. 1410. Deſbrugiam Paderbornenſis Diœceſis regionem depopulati, magnam illic cladem acceperunt; idem Colonienſi Eccleſiæ præſto fuit. Demum An. 1416. Friderico & Wenemaro fratribus; & Wilhelmo ſeniori de Furſtenberg, Antonius de Scheidungen, Rutgerus de Klotyngen, Engelbertus de Hilbecke, Henricus de Schwane dictus Kleyne Hynze, Wolſfurt op dem Berge, Spenwert de Schorlenberg dictus Strylauſſ, cum ſamulis & adiutoribus ſuis, Theodorici de Mœrſa Archiepiſcopi Colonienſis hoſtes, propter dominum ſuum Wilhelmum de Monte Episcopum Paderbornenſem, cum Theodorico de electione Colonienſis Archiepiſcopi contendentem, bellum denuntiant. Friderici hujus uxor fuit Walburgis de Ketterer.

Hermannus Furstenbergius Theodorico Archiepiscopo Coloniensi in bello Susatensi auxiliatus, & an. 1446. Sabbatho post festum SS. Simonis	Wilhelmus = Uxor Gerdrudis. <i>an. 1471.</i>	Fridericus Hildesienfis Canonicus & sacerdos, sanctimonialibus in Himmelpfort & Olinghausen, certos annuos redditus donat, pro sui suorumque memoria servanda	Alberta nupta Friderico Fresken.
--	--	---	----------------------------------

& Judæ, in prælio à Susatensibus captus fuit, qui ingravescente jam ætate religioni se totum dedit, & diversa cœnobîa largo censu donavit, ad servandam sui suorumque in sacrificiis & suffragiis jugem memoriam. An. 1450. pridie S. Jacobi Apostoli inter complures Westphaliæ procures testis subscribit confectis tabulis de Juliæ & Montium Ducatu, si Gerhardum eorum Ducem sine liberis mori contingeret, Ecclesiæ Coloniensi accessuro. Idem An. 1417. Nolkoni de Beringhusen prædium in Loen, Vranconi de Heygen, & Bernardo de Lunen prædium Brockhusen, Joanni de Lunen decimas in Gerlinckhusen, Joanni de Hahnleden, & Rotgero Lurwaldt prædium in Stockenberg, Goswino Lurwald prædium in Sutterpe & Miste, Raboni de Thulen in Brucken prædium in Gerlinckhusen, Hermannno de Wette prædium in Loen, Civitati Callenhardensi prædium Gerlinckhoff. An. 1433. ipso die S. Benedicti Theodoro Torck in Edinckhusen prædium in Langeveld. An. 1437. Theodoro de Lunen prædium in Gerlinckhusen. An. 1470. Bernardo de Landsberg prædium in Brenchusen, nobilibus vasallis, & cliëntibus suis, in beneficium seu feudum concedit. Defunctus An. 1471. Uxor ejus Hedwigis de Reck, Werlæ sepulta in Ecclesiâ Parochiali, ante aram Deiparæ Virginis Mariæ.

Wenemarum Furstenbergium Deo vixit, & sibi. Defunctus An. 1484. 23. Aprilis. Sepultus in Ecclesiâ Monasterii Himmelpfort. Uxor ejus Cordula de Galen, filia Rotgeri de Galen, Domini in Herten, & Catharinæ de Bolefwinckel, miræ sanctitatis matrona, quæ 36. annis vidua, in Himmelpfort apud filiam Ursulam	Fridericus Archiepiscopo Coloniensi Theodorico Susatum oppugnanti præstò fuit. An. 1446. feriâ sextâ post Dominicam Judica in prælio ante Werlam à Susatensibus captus. <i>an. 1471.</i>	Antonius Monasteriensis Canonicus, mortuus An. 1459. feriâ secundâ Paschæ. Tremonia in templo PP. Franciscanorum sepultus, qui An. 1467. die S. Martini fatentur se obligatos esse ad annuam ejus memoriæ in sacrificiis, & suffragiis celebrandam.
--	--	---

fulam ejus loci Abbatissam, optimè de Monasterio merita, consenuit. An. 1516. 4. Decembr. defuncta, & prope maritum ibidem tumulata.

Fridericus Furstenbergius, Satrapa Werlensis, An. 1519. ab Hermanno Archiepiscopo Colonienſi inter consiliarios cooptatur. An. 1484. 24. Junii cum Wenemaro, & Hermanno fratribus fundat beneficium Ecclesiasticum in parochiali æde in Bremen. An. 1496. civitatem Callenhardensem, aliosque clientes feudis investit. An. 1543. 3. Aprilis moritur, sepultus Werlæ in monumento aviæ suæ. Ejus uxor Metta de Plettenberg in Neilen, filia Remberti de Plettenberg ex Neilen, & Adelheidis ab Ermelen, nupta An. 1503. defuncta An. 1511. sepulta in Himmelport.

Wenemarus auctor Furstenbergiorum in castro Stürpe, obiit An. 1503. 22. Aug. Sufati; cujus stemma, in Joanne Schonebergio de Furstenberg consiliario Colonienſi An. 1645. 30. Novembr. extincto, desit.

Hermannus Canonicus Monasteriensis & Paderbornensis, Presbyter, & in choro psallentium Deo assiduus, obiit An. 1547. pridie exaltationis S. Crucis, Monasterii sepultus, fundator perpetuæ memoriæ in Himmelport.

Joannes Abbas Sibergensis, alter ejus Monasterii fundator, optimè suis præfuit, An. 1549. 7. Decembr. defunctus, & sepultus Sibergæ in sacello à se extructo.

Antonius Ordinis Præmonstratensis Canonicus Cappenbergensis, Præpositus in Bürick prope Wefaliam inferiorem, & SS. Canonum Doctor.

Caspar & Wernerus milites Ordinis Teutonici in Livonia, quorum primus obiit An. 1532. 19. Octobris.

Agatha Uxor 1. D. Pentling, 2. D. Schungel in Wokelem.

Ursula Abbatissa in Himmelport, præclarè de illo Monasterio merita, 48. annis præfuit. An. 1548. 16. Julii defuncta.

Elisabetha & Hadwigis Moniales in Monasterio Paradisi propè Sufatum.

Anna Monialis in Olinghausen obiit An. 1535. 12. Julii.

Catharina Decanissa in Freckenhorſt, bene de Monasterio Himmelport merita, obiit An. 1526. 16. Aprilis.

Fridericus Furstenbergius quatuor Principum Electorum Colonienſium, Adolphi, Antonii, Joannis Gebhardi, & Friderici consiliarius, & Satrapa Werlensis, cujus integritas, doctrina, prudentia, dicendi vis, cum in patriæ negotiis,	Caspar infans mortuus.	Elisabetha uxor Christophoro à Plettenberg in Lenhusen desponsa An. 1529. 2. Feb.	Catharina obiit infans.
--	------------------------	---	-------------------------

gotiis, tum in publicis imperii conventibus, sæpenumerò cognita est. An. 1564. 25. Octobr. per contractum antichreseos, pro decem aureorum millibus, acquirit sibi suisque præfecturas Bilslein & Waldenburg. An. 1559. interfuit comitiis Augustæ Vindelicorum celebratis, consiliarius Joannis Gebhardi Archiepiscopi Colonienfis. An. 1564. ab Ordinibus Westphaliæ Ducatûs ad Electorem Coloniensem pro impetranda privilegiorum patriæ confirmatione missus, in magnum propterea odium & offensionem Friderici Archiepiscopi Colonienfis incurrit. An. 1566. ab eodem mittitur legatus ad conventum Lubecensem. an. 1567. 21. Martii moritur, ætatis suæ An. 57. Scheidæ sepultus. Uxor Anna Westphael, filia Rabani Westphael, Satrapæ in Lichtenau & Wunnenberg, & Helenæ ab Horde dominæ in Bocke. nupta An. 1538. 4. August. obiit An. 1583. festo S. Joannis Baptistæ die, Olinghusæ sepulta.

Caspar Furstenbergius An. 1544. 11. Novembr. nascitur. An. 1566. Kal. April. ætatis suæ 19. Coloniz licentiam utriusque juris interpretandi adeptus, quinque Electorum Colonienfium, ac trium Moguntinorum, & Principis Paderbornensis Consiliarius intimus, & Satrapa in Bilslein, Fredeburg, Waldenburg, Lenne, Fritzlär, & Naumburg. Archisatrapa Westphaliæ An. 1613. 19. Aug. Ratisbonæ præficitur. Satrapius Bilslein, Waldenburg, & Fredeburg, præfuit annis 49. Ducatûs Westphaliæ gubernacula 5. annis tenuit. Omnibus Imperii conventibus, ab anno 1567. usque ad an. 1618. habitis, interfuit, vel legatus, vel à consilii primoribus, & calamitosi Reipubl. temporibus, incredibili fide, labore, integritate, constantiâ, Religioni Catholicæ, Romano Imperio, Patriæ servivit. Truchsesiano motu omnibus fermè nutantibus, solus ex Equestri Ordine constans in fide Ecclesiæ Romanæ, & Colonienfis mansit, omnibusque eâ tempestate fortunis spoliatus, & in exilium actus, apud fratrem suum Præpositum Paderbornensem hæsit, usque dum ab Ernesto in locum Truchsesii electo Archiepiscopo Colonienfi, ad Francosurtensem conventum An. 1583. 23. Sept. adversus Truchsesianos legatus, & An. 1584. 19. Martii, Bavari exercitûs ducibus adjunctus, & Westphaliæ recuperandæ consilia moderatus, unâ cum Reipub. in integrum restitutâ, amissas opes suas cum fænore recepit, & plerisque omnibus indigenis, Truchsesii partes secutis, veniam iterum ac gratiam impetravit. Quare summo loco apud Ernestum, & Ferdinandum ejus successorem fuit, & ille pro sex millibus aureorum florenorum, Satrapiam Fredeburgensem ei oppigneravit An. 1585. 18. Octob. Hanc deinde Maximilianus Henricus Archiepiscopus & Elector Colonienfis, utriusque successor & nepos, An. 1665. 6. Maii unâ cum Bilsstenienfi & Wallenburgensi præfecturâ repigneravit, eo modo, & emolumento familiæ Furstenbergi-

ca, ut illius posterius mnemosynon, & causam habituri sint, Principum gratia, majorum suorum meritis, & chirographis parum confidendi, sibi que à mutuo potentioribus dando posthac diligentius cavendi. Demum vir imprimis doctus, prudens, facundus & diligens, familiari usus symbolo, *Præsum ut prosum*, podagræ doloribus confectus, An. 1618. 111. Non. Martii obiit. relicto ob sua in rempub. merita ingenti patriæ luctu. natus An. 72. mens. 4. dies 2. Arensbergæ sepultus in Æde Wedinghusana, ante aram marmoream cum epitaphio ejus positam. Uxor Elisabetha Spiegel ex Peckelsheim, Joannis Spiegel ex Peckelsheim, & Godæ Spiegel in Defenberg filia. nupta An. 1573. 4. Octobris. obiit Bilsenii An. 1587. Kal. Junii, sepulta in Veschede.

Fridericus Canonicus Moguntinus & Paderbornensis, S. Albani & S. Petri Moguntia. natus An. 1538. fundat An. 1605. perpetuam eleemosynam pro sex pauperibus Artendoria alendis. obiit An. 1608. 9. Januarii, ætatis suæ 70. Moguntia in sacello S. Joannis Baptistæ in Æde Metropolitana sepultus.

Theodorus Canonicus Trevirensis, Præpositus Paderbornensis & Melschedensis An. 1546. nascitur. An. 1585. 5. Junii eligitur Episcopus & Princeps Paderbornensis. Diœcesi difficillimis temporibus per annos xxxiii. mens. vi. dies xxix. præfuit, tanta cum laude, ut optimorum Præsulum nulli secundus habeatur, restituit religionem Catholicam, ære alieno Ecclesiam liberavit, auxit vestigalia, duas arces principales Neuhausium & Wevelsburgum exstruxit, reliquas collabescentes refecit: oppignoratas recuperavit, Paderbornam rebellem compescuit, Collegium & Novitiatum Societatis Jesu, cum Academia publica instituit, Ædis Cathedralis Canonicos, & universa Diœcesis Monasteria non uno annuo censu locupletavit, & egenis hominibus perpetuam eleemosynam largitus. Obiit an. 1618. 4. Decemb. ætatis suæ 71. maximo sui desiderio relicto. Paderbornæ in Ecclesia Cathedrali sepultus. Ejus symbolum, *Judicium melius posteritati erit*, fama post obitum superstes approbavit.

Othilia An. 1585. 11. Kal. Februarii. ætat. suæ 33. eligitur Abbatisa in Olinghusen, An. 1589. 5. Julii postulat Abbatisa Herisfensis, utrobique auctis vestigalibus, exstructis domiciliis, ornatis templis, & perpetuis eleemosynis fundatis immortalem laudem promerita, obiit An. 1621. Non. Martii, ætatis 72. cum Herisfensi Ecclesiæ An. 33. Olinghusanæ 35. maximo cum fructu præfuisse.

Anna, post mortem sororis, Abbatisa Olinghusana. obiit An. 1626. 29. Novemb. Olinghusæ, cum Othilia sorore, proximè matrem suam Annam à Westphael sepulta.

Ursula monialis in Himmelpfort. obiit An. 1560. 2. Aprilis.

- Helena, uxor Joannis Wulff in Fuchten desponsa An. 1552. Kal. Novembr.
 Barbara, uxor Henrici Smiling in Tatenhusen desponsa An. 1574. 25. August.
 obiit An. 1614. 30. Jan. Bilsfeldiæ in templo Franciscanorum sepulta. Ma-
 ter Theodori Smilingii An. 1580. nati, & 10. Aprilis baptizati, sponsoribus
 Ottone Durgello Præposito Monasteriensi, & Elisabetha Spiegelia conju-
 ge Caspari de Furstenberg, qui institutum S. Francisci amplexus Lovanii, sin-
 gularis famâ sanctitatis, & Theologiæ scientiâ inclaruit, genere & scriptis
 libris nobilis.
- Agatha, Godeschalci ab Haxthausen in Vorden, Archisatrapæ Paderbornensis,
 & Satrapæ in Dringenberg conjux, desponsa An. 1583. 28. Maii. obiit An.
 1637. 7. Septembr. Gerdenæ sepulta.
- Ursula, Rabani Spiegel in Peckelsheim, & Sweckhusen uxor, desponsa an. 1577.
 29. Aprilis. obiit An. 1621. Paderbornæ in templo Societatis Jesu sepulta.

Fridericus Furstenbergius, dynasta in Bilsheim & Waldenburg, natus An. 1576.
 Kal. Martii. humanioribus liberis, philosophiæ, & juri civili operam dedit
 Coloniae, usus deinde Pontimusti præceptore & hospite, Jurisconsulto sanè
 præclaro, Gulielmo Barlaio. A Joanne Swichardo Moguntino Electore
 ditioni Königsteniæ An. 1610. Kal. Februarii, à Ferdinando Colonienfi Se-
 ptemviro, & utriusque Bavariz Duce, Westphaliæ & Angariæ, summo cum
 imperio An. 1624. 22. Februarii præficitur. Pro utroque ad quatuor Augu-
 stos, ad Sueciæ Regem, ad Principes diversos, ad plura Imperii Comitata le-
 gatus ivit, Moguntinus, Colonienfis, & Paderbornensis consiliarius inti-
 mus. An. 1622. 9. Maii à Ferdinando Electore Colonienfi, consentiente Col-
 legio Metropolitano, in beneficium seu feudum accipit Bilsheimensem, &
 Waldenburgensem dynastias jam olim sibi suisque oppignoraes. An. 1637.
 27. Novemb. Meschedenæ in negotiis patriæ ablegatus capitur ab Hallsis, &
 Lipstadium abducitur; demum An. 1638. mense Martio liberatur. Suecis
 verò Westphaliæ An. 1646. vastantibus exul Bonnam abiit; & 9. Aug. piè
 illic decessit. Natus annos 70. menses 5. dies 9. & Aroenbergæ An. 1647.
 25. Februarii sepultus proximè parentem. Uxor ejus Anna Maria de Ker-
 pen Domina in Illingen, è Westphalia; Joannis de Kerpen dynastæ in Illin-
 gen, & Claudiz Baronis de Wiltz filia Moguntiz ei nupta an. 1608. 13. Oc-
 tobris maximis virtutibus ornata matrona, cum marito 37. An. summâ con-
 cordiâ vixit, piè defuncta Bilsheim An. 1646. 15. Martii ætat. suæ 58. se-
 pulta 9. Aprilis in Veshede.

Joannes Godefridus Canonicus Moguntinus, Trevirensis, & Paderbornensis,
 Præpositus Meschedensis, natus An. 1576. Kal. Februarii ægròtus in itinere
 moritur prope Sigenam in Comitatu Nassaviæ An. 1624. 11. Septemb. se-
 pultus Attendoriæ in Eccl. Parochiali.

Theodorus natus An. 1585. 24. Maii, obiit 23. Decemb.
sepultus in Vefchede.

Goda nata An. 1574. 23. Julii. Uxor Bernardi ab Heiden ex Bruch
desponsa An. 1594. 30. Novembris.

Anna nata 1577. 23. Novemb. Uxor Georgii ab Oenhausen in Eckhoft, Sa-
trapæ Paderbornensis in Neuhaus. desponsa An. 1600. 6. Februarii. mori-
tur An. 1641. 3. Martii singularis probitatis matrona.

Helena Monialis ordinis S. Benedicti trans aquas Monasterii. nata An. 1580.
moritur An. 1647. 3. Aprilis magnâ sanctitatis opinione.

Othilia nata An. 1582. 6. Octob. eodem moritur.

Elisabetha nata An. 1587. 9. Januarii. Uxor Christophori ab Horde in Stor-
mede, & Erinckerfeldt. desponsa An. 1608. 15. Junii. moritur An. 1632.
5. Novemb. sepulta in Stormede 22. Novemb.

Fridericus Purltenbergius, S. R. I. Libro Baro. natus in Koningstein An. 1618.
31. Octob. circa horam tertiam pomeridianam, baptizatus 20. Novemb.
Cubicularius aureæ clavis, & intimus consiliarius Colonienfis, & Paderb.
Satrapa in Fredeberg, Advocatus hæreditarius in Graffschafft, Dynasta in
Bilstein, Waldenburg, & in Oberenkirchen. Optimis literis in Germa-
nia, Italia, & Gallia excultus, in diversis legationibus, & S. R. I. Comitibus
prudentiam, fidem, & eloquentiam suam ostendit. An. 1646. 29. Janua-
rii Ferdinandi, & An. 1651. 6. Januarii Maximiliani Henrici Electorum
Colonienfium intimis consiliis admovetur. An. 1652. 19. Febr. de Bilste-
nienfi, & Waldenburgensi dynastia, sibi suisque in beneficium jam olim con-
cessa, cum Ordinibus Ducatus Westphaliæ transigit, & An. 1653. 12. No-
vemb. diuturnam ac difficilem litem de Advocatia Monasterii Graffschafft,
quam cum Abbate, & Cœnobitis Graffschafftanis avus ejus ac parens habue-
rant, certis legibus componit. An 1654. mense Aprili. Electoribus Mo-
guntino, Colonienfi, & Trevirenfi arcem Hammerstein ad Rhenum à Lo-
tharingis infessam, & vicinæ diu multumque gravem expugnantibus, ipse
copiis Colonienfibus imperat. Patriæ inprimis amans, & amatus, in arce
sua Herdringa piè moritur An. 1662. 7. Julii. Attendoriæ 10. Julii, sub
vesperam in templo PP. Franciscanorum, juxta primam conjugem, sine
pompa funebri, quam vetuerat, tumulatus. Prima ejus Uxor Anna Cathari-
na de Petra ex castro Leyen, filia Joannis Caspari von und zu der Leyen,
Domini in Eltz, Trevirensis consilarii, & præfecti in Muastermeyfelt,
Cobern, & Aleken, & Catharinæ de Metternich, sororis Lotharii Archi-
episcopi Trevirensis. Nupta in Laenstein An. 1645. 23. Decemb. defuncta
in Bilstein An. 1658. 11. Martii. Attendoriæ sepulta 3. April. in templo
PP. Franciscanorum strictioris observantiæ, pia inprimis femina. Altera
fuit

fuit Maria Elisabetha de Breidtbach ex Borresheim , filia Wolsfangi Henrici de Breidtbach , vicedomini , & intimi confilarii Moguntini , dynastæ in Borresheim , & Mariæ Magdalenæ Dominæ in Eltz. Nupta An. 1659. 9. Junii in Borresheim.

Theodorus Gasparus Canonicus Senior Moguntinus , Spirensis , & ad S. Albanum Moguntiaë in exercitu Regis Catholici Chiliarchus legionis equestris in Belgio , nascitur in Königstein An. 1615. 9. Martii.

Wilhelmus Chorepiscopus Trevirensis S. Mauritii in Tholeia , Præpositus Monasteriensis , Canonicus Salisburgensis , Paderbornensis , & Leodiensis , Præpositus in Bultorff , & Meschede , Prior S. Mariæ de Campeio in Alpibus Tridentinis , intimus confiliarius Salisburgensis , & Monasteriensis , Alexandri VII. Clementis IX. & Clementis X. PPP. Maximorum Cubicularius intimus , multis ad Cæsarem , Principes , & Comitum Imperii legationibus clarus . Nascitur Bilstenii An. 1623. 13. Novemb. circa horam tertiam matutinam , baptizatus 26. Novemb. sponfore Wilhelmo de Westphael Archisatrapâ Paderbornensis Diocesis.

Ferdinandus Canonicus Hildesienfis , Paderbornensis , & Monasteriensis , Præpositus S. Crucis in Hildesheim , Prior S. Mariæ de Campeio in Alpibus Tridentinis , Alexandri VII. P. O. M. Cubicularius intimus . An. 1661. 20. Aprilis , dum Romæ versatur , absens eligitur : 30. Maii confirmatur , 6. Junii in Urbe ab Eminentissimo Julio Rospigliosio Cardinale , post verò Clemente IX. P. M. consecratur , & 4. Octob. Paderbornæ inauguratur Episcopus ac Princeps Paderbornensis . An. verò 1667. 19. Julii eligitur , & An. 1668. 30. Aprilis confirmatur Coadjutor , & Successor Monasteriensis . Ejus symbolum , *Suaviter & Fortiter* . Nascitur Bilstenii An. 1626. 21. Octob. baptizatur 29. Novemb. sponforibus Ferdinando Electore Coloniensi , & utriusque Bavarie Duce , & Annâ de Furstenberg conjugè Georgii ab Oenhausen in Eckholt.

Franciscus Wilhelmus Archicommendator Ordinis Teutonici per Westphaliâ , Commendator in Mulheim , & Monasterii ad S. Georgium , intimus Confiliarius Paderbornensis . Nascitur Herdringæ An. 1628. 29. Septemb. An. 1650. 14. Febr. Mulhemii inauguratur Eques Ordinis Teutonici . An. 1666. 15. Decemb. eligitur Coadjutor , & An. 1671. 20. Maii in Capitulo Generali Marienheimii præsens confirmatur Archicommendator Balivie Ordinis Teutonici in Westphalia.

Joannes Adolphus , Camerarius & Canonicus Paderbornensis , Hildesienfis , & Monasteriensis , Præpositus S. Crucis in Hildesheim , Satrapa in Bilstein , Waldenburg , & Fredeburg . Nascitur Colonia An. 1631. 16. Martii inter horam octavam , & nonam matutinam.

Anna Ursula nascitur An. 1609. 16. Augusti , moritur eodem die.

Maria Catharina nata An. 1611. 28. Januarii, inter horam nonam & decimam vespertinam. uxor Georgii Christophori Baronis ab Haselang, utriusque Bavariæ hereditarii aulae præfecti, Electoris Bavariæ cubiculo præpositi, consilarii intimi, & dynastæ in Hochkammer & Gisingen. desponsa Coloniz An. 1635. mense Febr.

Anna Barbara Ordinis S. Francisci Monialis Capucina Coloniz. Nascitur An. 1612. feriâ 4. Paschatis in Königstein, baptizata 14. Maii.

Urfula nata in Königstein An. 1614. 6. Junii, inter 6. & 7. horam matutinam, Decanissa in Herse. moritur An. 1667. 30. Junii, singularibus virtutibus prædita, sepulta in templo Heriliensi.

Othilia An. 1643. 7. Junii desponsa Bernardo de Plettenberg in Lenhausen, Bergstrate, & Frilentorp, Ordinum Westphaliæ Deputato.

Joannes infans moritur.

Joannes Godefridus natus An. 1622. 31. Januarii infans moritur.

Anna Wilhelma nata An. 1620. obiit dysenteria An. 1624. 4. Septemb.

Anna Helena infans moritur.

Anna infans moritur.

EX PRIMA CONJUGE.

Franciscus Emericus, Metropolitanæ, & Nobilis Collegiæ Ecclesiæ S. Albani Canonicus Moguntiz. nascitur Billstenii An. 1646. 7. Octob. defunctus Lugduni Galliarum An. 1667. 16. Decemb. & ibidem sepultus.

Anna Elisabetha, uxor Joannis Matthiæ de Nehem in Sundermüllen, Satrapæ Osnabrugensis in Furstenaw & Vorden. nupta An. 1667. 20. Febr. nata An. 1648. 15. Februarii Billstenii.

Fridericus natus An. 1649. 23. Januarii Billstenii, suscepto baptismo moritur, sepultus in Veschede.

Wilhelmus nascitur An. 1650. 27. Jan. Billstenii, & accepto baptismo moritur, in Veschede sepultus.

Anna Margaretha Urfula nascitur 1651. 9. April. moritur An. 1652. 9. Martii. sepulta Bonnæ apud PP. Franciscanos Minores.

Maximilianus Henricus designatus Satrapa in Billstein, Waldenburg, & Fredenburg, nascitur Bonnæ An. 1654. 13. Maii, intra horam quartam & quintam matutinam. Moritur Heidelbergæ, ubi Jurisprudentiæ operam dabat, omnibus Ecclesiæ Catholicæ Sacramentis munitus, An. 1671. 6. Aprilis hora 4. matutinâ, sepultus Moguntiz in æde Metropolitana, in sacello Propatru sui Friderici Canonici Moguntini & Paderbornensis.

Maria Barbara nascitur Herdringæ An. 1655. 4. Decemb. baptizata altero die. Nupta A. 1671. 10. Maii Melchiori Godefrido Lib. Baroni de Hatzfeld, Dynastæ in Wildenberg, Domino in Schönstein, Werther, & Mertens.

Wil-

Wilhelmus Ferdinandus nascitur Herdringæ An. 1657. 9. Julii. moritur Bilstenii An. 1658. 12. Martii, sepultus Attendoræ unâ cum matre in templo PP. Franciscanorum.

EX ALTERA CONJUGE.

Anna Maria Magdalena nascitur Snellenbergæ An 1660. 22. Martii.

Ferdinandus Canonicus Moguntinus & Paderbornensis, nascitur An. 1661.

22. Augusti, circa horam nonam matutinam Snellenbergæ, baptizatus 4. Septembr. testibus Ferdinando Episcopo & Principe Paderbornensi, & Mariâ Jacobâ ab Eltz Abbatissâ Monasterii Marienrhat.

5. SIC MEA DOCTRINÆ PRECOR, ET VIRTUTIS AVITÆ

LAUDE, VELUT GEMINA STET TRABE FULTA DOMUS.]

Domus *Furstenbergica*, more omnium antiquarum tam illustrium, quàm nobilium familiarum, primordia generis sui, armis debet & militiæ, progressum verò atque incrementum, doctrinæ & liberalium artium disciplinis, quibus hoc & superiori sæculo ita incubuit, ut Archisatraparum, Marescallorum, Satraparum, Legatorum, intimorumque Consiliariorum munera, Ecclesiasticas dignitates, Præsulum honores, Maximorum Pontificum, & Cæsarum gratiam, titulos Principum, atque infulas Episcopales indè promeruerit. Alterum hujus stirpis fulcrum jure dixeris AVITAM VIRTUTEM, quæ summam in Catholica religione constantiam, pietatem erga Deum, fidem & obsequium erga Principem, singularem patriæ caritatem, in egenos & afflictos homines misericordiam, erga religiosas familias benevolentiam, sacrorum curam, & præcipuum Ecclesiasticæ vitæ studium, fraternamque concordiam nunquam interruptam in se complectitur. His, tanquam *binis gentilitiis trabibus*, dum posteritas innitetur, ruinæ usque secura stabit perennabitque. Nequa verò doctrinæ, & virtutis avitæ exempla posterii desiderent, in quæ continuò oculos possint conjicere, præsentem genealogiam contexuimus, eique nonnulla *Furstenbergiorum* monumenta, pleraque Paderbornensibus affinia, modò subijcimus.

A R X N E U H U S A N A

A THEODORO EPISCOPO ET PRINCIPE PADER-
BORNENSI, AD CONFLUENTES LUPPÆ ET
ALISONIS, EXSTRUCTA:

HANC. STRUIT. ÆRE. SUO. THEODORUS. EPISCOPUS. AULAM
EX. FURSTENBERGIS. STEMMATE. NATUS. AVIS.
ANNO. MILLENO. QUINGENTENO. NONAGENO
TALIS. AB. ELECTO. PRINCIPE. QUARTUS. ERAT.

A R X W E V E L S B U R G

AB EODEM ÆDIFICATA.

ARX. CUM. DISTRICTU. PATULIS. INHONORA. RUINIS
IN. THEODORI. USUM. PRÆSULIS. ILLA. VENIT
ÆRE. SUO. PRIMUS. TITULUM. QUI. INFORMAT. INANEM
ET. VALIDA. MUROS. EXHIBET. ARTE. NOVOS.
FURSTENBERGIACÆ. PRINCEPS. DECUS. INCLYTE. STIRPIS
SEDI. HOC. QUO. CARUIT. TRADERE. PERGE. TUÆ.

H E R I S I A

AB OTHILIA FURSTENBERGIA, ABBATIS-
SA HERISIENSI, INSIGNI DOMICI-
LIO ORNATA..

OMINE. FELICI. DE. PRINCIPE. COGNITA. MONTE
NEC. MINUS. AGNATO. HOC. OMINE. NOMEN. HABENS
OTHILIA. HERISIÆ. SACRIS. ÆVOQUE. SEQUENTI
HANC. SUPERUM. FLAGRANS. FECIT. AMORE. DOMUM

IN-

INSCRIPTIO VESTIBULI
ACADEMIÆ THEODORIANÆ
P A D E R B O R N Æ .

THEODORUS. A. FURSTENBERG. DEL. AC. SEDIS. APOSTO-
LICÆ. GRATIA. ECCLESIAE. PADERBORNENSIS. ANTISTES
AC. S. R. I. PRINCEPS. AFFECTU. ZELOQUE. BONI. PUBLICI
QUA. RELIGIONE. QUÆ. SAPIENTIA. PROCURANDI. PRO-
PAGANDIQUE. RELIGIONI. QUIDEM. TEMPLUM. SAPIEN-
TIÆ. VERO. GYMNASIUM. ACADEMICUM. COLLEGIUM
PORRO. PATRIBUS. SOCIETATIS. JESU. TANQUAM. FIDIS
UTRIUSQUE. THESAURI. DISPENSATORIBUS
ÆTERNUM. CONSECRAVIT

ANNO. EPISCOPATVS
SVI. PADERBORNENSIS
TRIGESIMO

CUL. VIVO. MORTUOQUE
BENE. QVISQVIS. ISTA. PER-
LEGES. APPRECIARE

M O N U M E N T U M

IN LAPIDE MARMOREO SNELLENBERGÆ CONSPICUUM.

REVERENDISSIMORUM. SERENISSIMORUM. ET. ILLU-
STRISSIMORUM. ARCHIEPISCOPORUM. ET. EPISCOPORUM
ELECTORUM. AC. PRINCIPUM. D. DOMINORUM. WOLFF-
GANGI. ET. JOANNIS. ADAMI. MOGUNTINORUM. D. DO-
MINORUM. FRIDERICI. SALENTINI. GEBHARDI. AC. ERNE-
STI. COLONIENSII. DOMINI. THEODORI. PADERBOR-
NENSIS. FIDELIS. CONSILIARIUS. NONUM. AD. CÆSAREM
ET. IMPERIALES. CONVENTUS. LEGATUS. PRÆFECTUS. IN
BILSTEIN. FREDEBURG. WALDENBURG. LENNE
FRITZLAR. ET. NAUMBURG

CASPAR. A. FURSTENBERG. EX. WATERLAPP. &c.
JURIS. LICENTIATUS. IMPERII. LIBER. NO-
BILIS. RHENANI. TRACTUS.

HANC. ARCEM. RUINOSAM. ET. COLLAPSAM. ΤΗΝ. ΣΚΙΑΤΟ-
ΦΙΑΝ. ET. POSTERIS. SUI. IN. SUI. MEMORIAM. COM-
PARAVIT. CONSECRAVIT. ET. DONAVIT
PERGITE

MONUMENTA
ARX ET JURISDICTIO

B U R A N A.

MEMORIÆ. SACRUM

FERDINANDUS. DEI. ET. APOSTOLICÆ. SEDIS. GRATIA. E-
PISCOPUS. PADERBORNENSIS. S. R. I. PRINCEPS. ET. COMES
PYRMONTANUS. COMPOSITA. DIFFICILI. AC. DIUTURNA
CONTROVERSIA. ET. COLLEGII. SOC. JESU. HIC. DESIGNATI
FUNDATIONE. APOSTOLICA. AUCTORITATE. VARBUR-
GUM. TRANSLATA. DIVINÆ. GLORIÆ. INCREMENTO. A-
NIMARUM. SALUTI. ET. REIPUB. TRANQUILLITATI. CON-
SULUIT. FEUDUM. BURANUM. ECCLESIAE. SUÆ. VENDI-
CAVIT. PROLATOS. JURISDICTIONIS. FINES. CONSTITUIT
ARCEM. HANC. SIBI. SUIQUE. SUCCESSORIBUS. ACQUISIVIT
AN. MDC LXII

TEMPLUM PAROCHIALE
IN SUPERIORI TUDORP INSTAURATUM.

MEMORIÆ. SACRUM

FERDINANDUS. DEI. ET. APOSTOLICÆ. SEDIS. GRATIA. E-
PISCOPUS. PADERBORNENSIS. S. R. I. PRINCEPS. ET. COMES
PYRMONTANUS. TEMPLUM. ET. TURRIM. DE. CÆLO
TACTAM. INSTAURAVIT
AN. MDC LXIII

ÆDES S. MICHAELIS ARCHANGELI
IN PAGO WIRRIESSEN TRANS VISURGIM, E REGIONE
HERISTALLI, EXSTRUCTA ET DOTATA.

D. O. M. S.

FERDINANDUS. DEI. ET. APOSTOLICÆ. SEDIS. GRATIA. E-
PISCOPUS. PADERBORNENSIS. S. R. I. PRINCEPS. ET. COMES
PYRMONTANUS. SACELLUM. S. MICHAELIS. ARCHAN-
GELI. EXSTRUXIT. ORNAVIT. DEDICAVIT
AN. MDC LXIII

TEM-

TEMPLUM PAROCHIALE

IN PAGO CORBEKE ÆDIFICATUM.

D. O. M. S

FERDINANDUS. DEI. ET. APOSTOLICÆ. SEDIS
GRATIA. EPISCOPUS. PADERBORNENSIS. S. R. I
PRINCEPS. ET. COMES. PYRMONTANUS

TEMPLUM. SANCTI. BLASII. EPISCOPI. ET
MARTYRIS. FUNDITUS. COLLAPSUM
RESTITUIT. ET. ORNAVIT

AN. MDCLXIII

SACELLUM SS. PHILIPPI ET JACOBI

IN MONTE FURSTENBERG RESTITUTUM.

D. O. M. S

FERDINANDUS. D. G. EPISCOPUS. PADER-
BORNENSIS. S. R. I. PRINCEPS. ET
COMES. PYRMONTANUS

SACELLUM. GENTILITIUM. SS. PHILIPPO. ET
JACOBO. APOST. ANTIQUA. FURSTENBERGIO-
RUM. RELIGIONE. POSITUM. THEODORI. EPI-
SCOPI. PADERBORNENSIS. MAGNI. PATRULSUI
IMPENSIS. REFECTUM. INJURIA. DEINDE. TEM-
PORIS. ET. BELLORUM. ITERUM. LABEFAC-
TUM. INSTAURAVIT. ORNAVIT. AMPLIAVIT

AN. MDCLXV

TEM-

TE M P L U M P A R O C H I A L E
IN OBERNKIRCHEN, FURSTENBERGIORUM
DYNASTIA, EXSTRUCTUM.

D. O. M. S

FERDINANDO. DEI. ET. APOSTOLICÆ. SEDIS. GRATIA
EPISCOPO. PADERBORNENSI. S. R. I. PRINCIPI. ET
COMITI. PYRMONTANO. HUIUS. ECCLESIE. IN
OBERNKIRCHEN. S. GERDRUDI. VIRG. SACRÆ
RESTITUTORI. BENEFICENTISSIMO

THEODORUS. CASPARUS. MOGUNTINUS. ET. SPIRENSIS
CANONICUS. ET. CONSILIARIUS. WILHELMUS. S. D. N. A-
LEXANDRI. VII. P. O. M. CUBICULARIUS. INTIMUS. PRÆ-
POSITUS. MONASTERIENSIS. CANONICUS. TREVIRENSIS
SALISBURGENSIS. ET. PADERBORNENSIS PRÆPOSITUS. IN
BUSTORFF. PRIOR. S. MARIE. DE. CAMPEIO. IN. ALPIBUS
TRIDENTINIS. SALISBURGENSIS. ET. MONASTERIENSIS
CONSILIARIUS. INTIMUS. FRANCISCUS. WILHELMUS. OR-
DINIS. TEUTONICI. EQUES. COMMENDATOR. IN. BRACKEL
MARESCALLUS. AULICUS. ET. CONSILIARIUS. PADERBOR-
NENSIS. JOANNES. ADOLPHUS. HILDESIENSIS. MONASTE-
RIENSIS. ET. PADERBORNENSIS. CANONICUS. ET. CA-
MERARIUS. SATRAPA. IN. BILSTEIN. WALDEN-
BURG. ET. FREDEBURG. FRATRES. GERMANI

ET. FRIDERICI. FRATRIS. SUI. SATRAPÆ. IN. BILSTEIN
WALDENBURG. ET. FREDEBURG. COLONIENSIS ET. PA-
DERBORNENSIS. INTIMI. CONSILIARII. SUPERSTITES. FILII
FRANCISCUS. EMERICUS. CANONICUS. MOGUNTINUS
MAXIMILIANUS. HENRICUS. ET. FERDINANDUS. LIBERI
BARONES. DE. FURSTENBERG. IN. SNELLENBERG. FUR-
STENBERG. WATERLAPP. HERDRINGEN. ADVOCATI
HEREDITARII. IN. GRAFFSCHAFT. DYNASTÆ. IN
OBERNKIRCHEN. GRATI. DEMISSIQUE. IN. FRA-
TREM. PATRUUM. ET. PRINCIPEM. SUUM
ANIMI. MONUMENTUM. POSUERUNT

A. N. MDCLXV

MONA-

MONASTERIUM
BRACULENSE

PP. CAPUCINORUM ORDINIS S. FRANCISCI
ÆDIFICATUM.

D. O. M. S

FERDINANDUS. DEI. ET. APOSTOLICÆ. SEDIS. GRA-
TIA. EPISCOPUS. PADERBORNENSIS. S. R. I. PRIN-
CEPS. ET. COMES PYRMONTANUS

FRATRUM. CAPUCINORUM. ORDINIS. S. FRANCISCI
BRAKELÆ. FUNDATOR. MONASTERIUM. S. KI-
LIANI. EPISC. ET. MARTYR. EXSTRUXIT
AN. MDCLXV

TEMPLUM MONASTERII
IN GRAFFSCHAFFT, ORD. S. BENEDICTI,
EXORNATUM.

D. O. M. S

FERDINANDUS. DEI. ET. APOSTOLICÆ. SEDIS. GRA-
TIA. EPISCOPUS. PADERBORNENSIS. S. R. I. PRIN-
CEPS ET. COMES. PYRMONTANUS

AD. SUAM. SUORUMQUE. FRIDERICI. PROAVI. CASPARIS
AVI. FRIDERICI. PATRIS. ET. FRIDERICI. FRATRIS. L. B. DE
FURSTENBERG. HUIUS. MONASTERII. IN. GRAFFSCHAFFT
ADVOCATORUM. MEMORIAM. DONATO. PERPETUO
CENSU. QUINQUE. SACRA. ANNIVERSARIA. SOLEMNI. RI-
TU. CELEBRANDA. INSTITUIT. ET. TEMPLUM. ARA
MAXIMA ET. NOVIS. IN. UTROQUE. LATERE
POSITIS. ALTARIBUS. EXORNAVIT
AN. MDCLXV

TEMPLUM PAROCHIALE
IN CLEINENBERG REPARATUM

D. O. M. S

FERDINANDUS. DEI. ET. APOSTOLICÆ SEDIS. GRA-
TIA. EPISCOPUS. PADERBORNENSIS. S. R. I. PRIN-
CEPS. ET. COMES. PYRMONTANUS

PAROCHIALEM. S. CYRIACI. MART. ECCLESIAM
MALE. TECTAM. ET. VETUSTATE. COLLA-
BENTEM. REFECIT
AN. MDCLXVI

TEMPLUM BUSTORFFIANUM,
ARA MAXIMA ET PORTICU ORNATUM
PADERBORNÆ.

D. O. M. S

FERDINANDUS. DEI. ET. APOSTOLICÆ. SEDIS. GRA-
TIA. EPISCOPUS. PADERBORNENSIS. S. R. I. PRIN-
CEPS. ET. COMES. PYRMONTANUS

ÆDEM. DIVORUM. PETRI. ET. ANDREÆ. APOSTOLO-
RUM. AD. FORMAM. HIEROSOLYMITANÆ. EC-
CLESIAE. OLIM. CONSTRUCTAM. EXORNAVIT
AN. MDCLXVI

TEM-

T E M P L U M P A R O C H I A L E

N E U H U S I I

D. O. M. S

FERDINANDUS. DEI. ET. APOSTOLICÆ. SEDIS. GRA-
TIA. EPISCOPUS. PADERBORNENSIS. S. R. I. PRIN-
CEPS. ET. COMES. PYRMONTANUS

ÆDEM. SS. HENRICI. IMP. ET. CHUNIGUNDÆ. AUG. AD
DIVINI. CULTUS. INCREMENTUM. ANIMARUM
SALUTEM. ET. PUBLICAM. COMMODITATEM
A. FUNDAMENTIS. EXSTRUXIT
AN. MDCLXVI

S E P U L C R U M

PRIMORUM EPISCOPORUM PADERBOR-
NENSIIUM, RESTAURATUM IN CRY-
PTA ÆDIS CATHEDRALIS.

FERDINANDUS. DEI. ET. APOSTOLICÆ. SEDIS. GRA-
TIA. EPISCOPUS. PADERBORNENSIS. S. R. I. PRIN-
CEPS. ET. COMES. PYRMONTANUS

PRIMORUM. HUJUS. ECCLESIAE. EPISCOPORUM. CORPO-
RA. AN. DOM. INCARNAT. MLXVIII. INDICT. VI. HENRI-
CI. IV. IMP. AN. XIII. ORDINATIONIS. VERO. IMMADI. EPI-
SCOPI. PADERBORNENSIS. AN. XVI. INVENTA. ET. COLLE-
CTA. TRANSLATA. AUTEM. ET. SEPULTA. VII. ID. SE-
PTEMB. NE. RECLUSO. SUPERIORIBUS. TEMPORIBUS. SE-
PULCRO. NEGLECTA. DIUTIUS. JACERENT. INSTAU-
RATO. PRISTINO. MONUMENTO. COMPOSUIT
ET. ANTIQUÆ. VENERATIONIS. MEMO-
RIAM. RENOVAVIT
AN. MDCLXVI

SACELLUM S. PHILIPPINERII

EXSTRUCTUM NEUHSIL.

S. PHILIPPO. NERIO. CONF. FERDINANDUS. DEI. ET. APO-
STOLICÆ. SEDIS. GRATIA. EPISCOPUS. PADERBORNENSIS
ELECTUS. COADJUTOR. MONASTERIENSIS. S. R. I
PRINCEPS. ET. COMES. PYRMONTANUS

GRAVI. MORBO. LIBERATUS. SACELLUM
EX. VOTO. POSITUM. PERFECIT
AN. MDCLXVII

ÆDES S. AGATHÆ VIRG. ET MART.

POSITA IN SIDDESEN.

D. O. M. S

FERDINANDUS. DEI. ET. APOSTOLICÆ. SEDIS. GRA-
TIA. EPISCOPUS. PADERBORNENSIS. COADJUTOR
MONASTERIENSIS. S. R. I. PRINCEPS. ET
COMES. PYRMONTANUS

SACELLUM. D. AGATHÆ. VIRG. ET. MART. AD
INCOLARUM. RELIGIONEM. AMPLIFI-
CANDAM. EXSTRUXIT
AN. MDCLXVIII

EPI-

EPITAPHIUM

THEODORI ADOLPHI,

EPISCOPI ET PRINCIPIS PADERBORNENSIS,
IN ÆDE CATHEDRALI, E REGIONE MAU-
SOLEI THEODORIANI, SEPULTI.

D. O. M. S

H. S. E

THEODORUS. ADOLPHUS. D. G. EPISCOPUS. PADERBOR-
NENSIS. S. R. I. PRINCEPS. ET. COMES. PYRMONTANUS

QUI. NOBILISSIMA. RECKIORUM. IN. CURL. FAMILIA. OR-
TUS. PRÆSTANTI. INGENIO. DOCTRINA. ET. MAGNARUM
RERUM. USU. PRÆDITUS. PERQUE. OMNES. DIGNITA-
TUM. GRADUS. AD. EPISCOPATUM. EVECTUS. AFFLICTIS-
SIMAM. PROVINCIAM. SINGULARI. TUM. RELIGIONIS
TUM. PRUDENTIÆ. LAUDE. ADMINISTRAVIT. ÆDEM. CA-
THEDRALEM. ARA. MAXIMA. THOLO. SACELLO. ORNAVIT
ARCES. DIOECESIS. SUÆ. SUECICO. BELLO. VASTATAS. ET
EXUSTAS. MAJOREM. PARTEM. RESTITUIT. TEMPLUM
VIRGINUM. CAPUCINARUM. EXSTRUXIT. COLLEGIO. CA-
NONICORUM. PRIMARIÆ. HUIUS. ECCLESIAE. ANNIVER-
SARIAM. SUI. MEMORIAM. ET. OPTIMI. PASTORIS. EXEM-
PLUM. SUCCESSORIBUS. IMITANDUM. RELIQUIT
PIE. UT. VIXIT. DEF. III. KAL. FEB

AN. MDC LXI

VIXIT. AUTEM. AN. LIX. MENS. VII. DIES. XIII

PRÆFUIT. AN. X. MENS. II. DIES. XXVIII

FERDINANDUS. DEI. ET. APOSTOLICÆ. SEDIS. GRATIA
EPISCOPUS. PADERBORNENSIS. ELECTUS. ET. CONFIR-
MATUS. COADJUTOR. MONASTERIENSIS. S. R. I
PRINCEPS. ET. COMES. PYRMONTANUS

DECESSORI. SUO. DE. SE. ET. R. P. OPTIME. MERITO
H. M. P. AN. M. DCLXVIII

Qq 3

COE-

COENOBIIUM ET TEMPLUM
 P P. P R Æ D I C A T O R U M
 ORD. S. DOMINICI,
 RESTITUTUM ET ORNATUM WARBURGI.
 M E M O R I Æ. S A C R U M

FERDINANDO. DEI. ET. APOSTOLICÆ. SEDIS. GRATIA
 EPISCOPO. PADERBORNENSI. COADJUTORI. MONASTE-
 RIENSI. S. R. I. PRINCIPI. COMITI. PYRMONTANO. ET. LIB
 BARONI. DE. FURSTENBERG. HUIUS. TEMPLI. ET. MONA-
 STERII. B. MARIÆ. VIRGINIS. IN. VINEA. VETUSTATE
 COLLABENTIS. INSTAURATORI. BENEFICENTISSIMO

CRESCENTIUS. BOEKER. PRIOR. ET. CONVENTUS
 WARBURGENSIS. ORD. PRÆDICATORUM
 MONUMENTUM. HOC. POSUERUNT
 AN. MDCLXIX

TEMPLUM S. CRUCIS,
 EXSTRUCTUM IN ALTENBECA.

FERDINANDUS. DEI. ET. APOSTOLICÆ. SEDIS. GRATIA
 EPISCOPUS. PADERBORNENSIS. COADJUTOR. MONASTE-
 RIENSIS. S. R. I. PRINCEPS. ET. COMES. PYRMONTANUS

AD. CONSERVANDAM. AUGENDAMQUE. HOC. IN. LO-
 CO. ANTIQUAM. S. CRUCIS. VENERATIONEM
 P. C. AN. MDC. LXIX

SACELLUM S. ANNÆ,
EXSTRUCTUM IN AMERUNGEN.

FERDINANDUS. DEI. ET. APOSTOLICÆ. SEDIS. GRATIA
EPISCOPUS. PADERBORNENSIS. COADJUTOR. MONASTE-
RIENSIS. S. R. I. PRINCEPS. ET. COMES. PYRMONTANUS
VETUSTO. SACELLO. S. ANNÆ. COLLAPSO. PRO. SUA
IN. DEIPARÆ. VIRGINIS. MATREM. PIETATE
NOVAM. HANC. ÆDICULAM
P. C. AN. MDCLXIX

TEMPLUM PAROCHIALE
IN LICHTENAW, RESTITUTUM ET EXORNATUM.

D. O. M. S

FERDINANDUS. DEI. GRATIA. EPISCOPUS. PADER-
BORNENSIS. COADJUTOR. MONASTERIENSIS. S. R. I
PRINCEPS. COMES. PYRMONTANUS
ÆDEM. PAROCHIALEM. S. KILIANI. MARTYRIS
VETUSTATE. ET. INCENDIO. DEFORMATAM
RESTITUIT. ORNAVITQUE
AN. MDCLXX

TEMPLUM CUM MONASTERIO
P P. F R A N C I S C A N O R U M
STRICTIORIS OBSERVANTIÆ, D. JOSEPHO
SACRUM, PADERBORNÆ A FUND-
MENTIS EXSTRUCTUM.

FERDINANDUS. D. G. EPISCOPUS. PADERBORN. COADJU-
TOR. MONASTERIENS. S. R. I. PRINCEPS. COM. PYRMONT
LIB. BARO. DE. FURSTENBERG. IN. HONOREM. S. JOSEPHI
DEIPARÆ. VIRGINIS. SPONSI. TEMPLUM. CUM. MONA-
STERIO. PP. FRANCISCANORUM. STRICT. OBSER-
VANTIÆ. A. FUNDAMENTIS. EXSTRUXIT
AN. MDCLXXI

MAUSOLEUM

THEODORI, EPISCOPI

ET PRINCIPIS PADERBORNENSIS,

IN ÆDE CATHEDRALI,

QUOD FRIDERICUS FURSTENBERGIUS, FRATRIS
EJUS FILIUS, PERFICIENDUM CURAVIT.

PRINCIPIS. HIC. TUMULUS. THEODORI. EST. CARMINA
QUÆRIS

GRANDIBUS. IN. TUMULI. MARMORE. SCRIPTA. NOTIS
ASPICE. TEMPLA. ARAS. ARCES. COLLEGIA. LIBROS

ASPICE. VEL. TUMULI. QUEM. MODO. CERNIS. OPUS
NIL. REFERT. ISTIS. ALIUD. SUPER ADDERE. CARMEN
CUM. LAPIDES. CLAMENT. CARMINA. JURE. TACENT

THEODORUS. E. FAMILIA
FURSTENBERGIACA. DEI. ET
APOSTOLICÆ. SEDIS. GRATIA
ECCLESIAE. PADERBORNEN-
SIS. EPISCOPUS. S. R. I. PRIN-
CEPS. IN. HOC. SEPULCHRO
QUOD. VIVUS. AC. VALENS
FACIENDUM. SIBI. LOCAVIT
NOVISSIMAM. TUBAM. EXPE-
CTAT

DECESSIT. ANNO. CHRI-
STIANO. MDCXVIII. DIE
IV. MENSIS. DECEMB.
ÆTATIS. SUÆ. LXXI. CUM
PER. ANNOS XXXIII. DIOE-
CESIN. PADERBORN. DIF-
FICILLIMIS. TEMPORIBUS.
GUBERNASSET

MORS. CERTA SCIO. QUOD ET. RURSUM MORTUUS
EST. INCER- REDEMPTOR CIRCUMDA- UT. VIVAS. VI-
TA. DIES. NE- MEUS. VIVIT BOR. PELLE VUS. MORIA-
QUE. CERTA ET. IN. NOVIS- MEA. ET. IN RIS. OPOR-
TUORUM SIMO. DIE. DE CARNE. MEA TET. ERGO
CURA. TIBI TERRA. SUR- VIDEBO DISCE. PRIUS
TUMULUM RECTURUS DEUM. MEUM QUAM. MO-
SI. SAPIS. IPSE SUM. JOB. xix Ibidem RIARE. MORI
LOCA

EPI-

EPI TAPHIUM

CASPARI DE FURSTENBERG,

ARCHISATRAPÆ WESTPHALIÆ
ARENSBERGÆ IN TEMPLO WEDING-
HUSANO TUMULATI.

CASPARO. A. FURSTENBERG. VIRO. PRÆNOBILI. AC
STRENUO. QUI. ANNO. ÆTATIS. XIX. LICENTIAM. V. J. AD-
EPTUS. ET. EXCULTUS. DOCTRINÆ. PRUDENTIÆQUE. AR-
TIBUS. PRÆFECTURIS. AMPLISSIMIS. REGENDIS. DANDO
CONSILIO. PRINCIPPP. MOGUNT. COLON. PADERB. DIF-
FICILLIMIS. LEGATIONIBUS. OBEUNDIS. INCREDI-
BILI. FIDE. LABORE. INTEGRITATE. CONSTAN-
TIA. CALAMITOSIS. REIP. TEMPORIBUS. RE-
LIGIONI. CATHOLICÆ. ROMANO. IM-
PERIO. PATRIÆ. SERVIVIT

FRIDERICUS. A. FURSTENBERG. PARENTI. OPT. MERITO
POSUIT. VIXIT. ANNOS. LXXII. MENSES. IV. DIES. II. SATRA-
PIAM. IN. BILSTEIN. WALDENBURG. ET. FREDEBURG. AN-
NOS. XLIX. ADMINISTRAVIT. ARCHISATRAPA. WESTPHA-
LIÆ. IN. ARENSBERG. FUT. ANNOS. V. OMNIBUS. IMPE-
RII. CONVENTIBUS. QUI. ANNIS. XL. HABITI. INTERFUIT
VEL. LEGATUS. VEL. A. CONSILII. PRÏMORIBUS. OBIIT
ANNO. SALUTIS. MDCXVIII. III. NON. MARTII
RELICTO. OB. BENE. PROMERITA. INGEN-
TI. PATRIÆ. LUCTU. CUJUS. ANIMA
REQUIESCAT. IN. PACE. AMEN

EPITAPHIUM
FRIDERICI DE FURSTENBERG,
SATRAPÆ IN WERLE, BILSTEIN,
ET WALDENBURG.

D. O. M. S

ET MEMORIÆ

FRIDERICI. DE. FURSTENBERG. EX. WATERLAPP. IV. ELE-
CTORUM. COLONIENSIIUM. CONSILIARII. INTIMI. ET. SA-
TRAPÆ. IN. WERLE. BILSTEIN. ET. WALDENBURG. QUI
SUA. INTEGRITATE. DOCTRINA. RELIGIONE. PRUDEN-
TIA. DICENDI. VI. CUM. IN. PATRIÆ. NEGOTIIS. TUM. IN
PUBLICIS. IMPERII. CONVENTIBUS. SÆPENUMERO
COGNITA. IMMORTALEM. LAUDEM. PROME-
RITUS. DECESSIT. AN. MDLXVII. XII. KAL
APRIL. NATUS. AN. LVII. SCHE-
DÆ. SEPULTUS

FERDINANDUS. DEL. ET. APOSTOLICÆ. SEDIS. GRA-
TIA. EPISCOPUS. PADERBORNENSIS. COADJUTOR.
MONASTERIENSIS. S. R. I. PRINCEPS. ET. CO-
MES. PYRMONTANUS. PROAVO. SUO.

M. H. P

EPI-

EPITAPHIUM

ANNÆ A WESTPHALEN,

CONJUGIS FRIDERICI DE FURSTENBERG,

SATRAPÆ IN WERLE, BILSTEIN,

ET WALDENBURG.

D. O. M. S

ET MEMORIÆ

ANNÆ. A. WESTPHALEN. FILIÆ. RABANI. A. WESTPHALEN
SATRAPÆ. IN. LICHTENAW. ET. WUNNENBERG. NOBI-
LISSIMÆ. ET. PIENTISSIMÆ. MATRONÆ. ET. X. LIBERO-
RUM. MATRI. QUOS. IPSA. AD. OMNEM. VIRTUTEM. SE-
DULO. INFORMAVIT. HOC. UNO. VISA. INFELICIOR. QUOD
FRIDERICO. DE. FURSTENBERG. MARITO. SUO. DIU. SU-
PERSTES. LIBERORUM. TAMEN. GLORIÆ. NON. IN-
TERFUERIT. PIE. UT. VIXIT. DEFUNCTA. ANNO
M D LXXXIII. IPSO. DIE. S. JOANNI. BAPTISTÆ
SACRO. SEPULTA. IN. OELINGHUSEN

FERDINANDUS. DEI. ET. APOSTOLICÆ. SEDIS. GRA-
TIA. EPISCOPUS. PADERBORNENSIS. COADJUTOR
MONASTERIENSIS. S. R. I. PRINCEPS. ET. CO-
MES. PYRMONTANUS. PROAVIÆ. SUÆ

M. H. P

Rr 2

EPI-

EPITAPHIUM
ELISABETHÆ SPIEGEL
EX PECKELSHEIM,

CONJUGIS CASPARI A FURSTENBERG,
ARCHISATRAPÆ WESTPHALIÆ,

ET

ANNÆ MARIÆ DE KERPEN,
CONJUGIS FRIDERICI DE FURSTENBERG,
ARCHISATRAPÆ WESTPHALIÆ.

D. O. M. S.

ELISABETHÆ. SPIEGEL. EX. PECKELSHEIM. NOBILISSIMÆ
ET. VENUSTISSIMÆ. FEMINÆ. IN. QUA. TANQUAM. IN
SPECULO. OMNES. VIRTUTES. RESPLENDUERUNT
AN. MDLXXXVII. KAL. JUN. MORTUÆ.

ET

ANNÆ. MARIÆ. DE. KERPEN. EX. ILLINGEN. IN. WESTRA-
SIA. QUÆ. PRÆCLARAM. STIRPEM. SUAM. MODESTISSIMIS
MORIBUS. PRUDENTIA. RELIGIONE. ET. PRÆCIPUA. IN
PAUPERES. BENIGNITATE. ORNAVIT. ET. CUM. FRIDERI-
CO. DE. FURSTENBERG. DYNASTA. IN. BILSTEIN. ET. WAL-
DENBURG. PRÆFECTO. IN. FREDEBURG. ARCHISATRAPA
WESTPHALIÆ. ET. ANGARIÆ. ANNOS. XXXVII. MENS. V
SUMMA. CONCORDIA. VIXIT. ET. AN. MDCXLVI
ID. MART. OBIIT. NATA. ANNOS. LVIII

FERDINANDUS. DEI. ET. APOSTOLICÆ. SEDIS. GRA-
TIA. EPISCOPUS. PADERBORNENSIS. COADJUTOR
MONASTERIENSIS. S. R. I. PRINCEPS. ET
COMES. PYRMONTANUS

AVIÆ. AC. MATRI. CARISSIMÆ. EODEM. SEPULCRO
HIC. IN. VESCHEDE, CONDITIS. M. H. P

EPI-

E P I T A P H I U M

O T H I L I Æ F U R S T E N B E R G I Æ ,

A B B A T I S S Æ H E R I S I E N S I ,

E T O L I N G H U S A N Æ .

D . O . M . S

O T H I L I Æ . F U R S T E N B E R G I Æ . A B B A T I S S Æ . H E R I S I E N S I . E T
O L I N G H U S A N Æ . Q U Æ . T H E O D O R I . E P I S C O P I . P A D E R -
B O R N E N S I S . E T . S . R . I . P R I N C I P I S S O R O R . N O N . I L L I U S
F O R T U N A . Q U A M . P R O P R I I S . V I R T U T I B U S . C L A R I O R . U -
T R O B I Q U E . A U C T I S . V E C T I G A L I B U S . E X S T R U C T I S . D O M I -
C I L I I S . O R N A T I S . T E M P L I S . E T . P E R P E T U I S . E L E E M O S Y N I S
F U N D A T I S . I M M O R T A L E M . S U Æ . I N . D E U M . R E L I G I O N I S
E R G A . I N D I G E N T E S . M I S E R I C O R D I Æ . E T . S I N G U L A R I S . I N
U T R U M Q U E . C O L L E G I U M . B E N E F I C E N T I Æ . M E M O R I A M
R E L I Q U I T . P I E . U T . V I X I T . M O R T U A . A N N O . M D C X X I .

N O N . M A R T I I . Æ T A T I S . L X X I I . C U M . H E R I S I E N S I

E C C L E S I Æ . A N . X X X I I I . O L I N G H U S A N Æ . X X X V

M A X I M A . C U M . L A U D E . P R Æ F U I S S E T

F E R D I N A N D U S . D E I . E T . A P O S T O L I C Æ . S E D I S . G R A -

T I A . E P I S C O P U S . P A D E R B O R N E N S I S . C O A D J U T O R

M O N A S T E R I E N S I S . S . R . I . P R I N C E P S . E T

C O M E S . P Y R M O N T A N U S

M A G N Æ . A M I T Æ . S U Æ . I N . O L I N G H U S E N . S E P U L T Æ

M . H . P . A N . M D C . L X X

MONUMENTA
EPITAPHIUM
FRIDERICI DE FURSTENBERG,
CANONICI MOGUNTINI.

D. O. M. S
ET MEMORIÆ

FRIDERICI. DE FURSTENBERG. CANONICI. MOGUNTINI
PADERBORNENSIS. S. ALBANI. ET. SPETRI EXTRA. MUROS
MOGUNT. QUI. PRUDENTIA. RELIGIONE. ET. SINGULARI
ERGA. PAUPERES. QUIBUS. PERPETUUM. PECUNIÆ. RE-
DITUM. DONAVIT. LIBERALITATE. EXCELLENS. DECESSIT
MOGUNTIÆ. SEPULTUS. IN. ÆDE. METROPOLITANA. AN
MDCVIII. V. ID. JANUARIAS. ÆTATIS. VERO. SUÆ. LXX
FERDINANDUS. DEI. ET. APOSTOLICÆ. SEDIS. GRATIA
EPISCOPUS. PADERBORNENSIS. COADJUTOR. MONA-
STERIENSIS. S. R. I. PRINCEPS. ET. COMES. PYR-
MONTANUS. MAGNO. PATRUO. SUO. M. H. P

EPITAPHIUM
JOANNIS GODEFRIDI DE FURSTENBERG,
CANONICI MOGUNTINI.

D. O. M. S
ET MEMORIÆ

JOANNIS. GODEFRIDI. DE FURSTENBERG. CANONICI. MO-
GUNTINI. TREVIRENSIS. ET. PADERBORNENSIS. PRÆPOSI-
TI. IN. MESCHEDE. QUI. PERAGRATA. ITALIA. GALLIA
HISPANIA. INCORRUPTOS. MORES. ET. EXTERNARUM
RERUM. SCIENTIAM. IN. PATRIAM. REPORTAVIT. RELI-
GIONIS. ET. PRUDENTIÆ. SPECIMEN. ALIIS. FUIT. ET. IN
MEDIO. HONORUM. CURSU. PRÆREPTUS. IN. VIA. DUM
AD. SUOS PROPERAT. LENTA. TABE. OBIT. AN
MDCXXIV. III. ID. SEPTEMB. SEPULTUS. AT-
TENDORIÆ. IN. ÆDE. PAROCHIALI
FERDINANDUS. DEI. ET. APOSTOLICÆ. SEDIS. GRATIA
EPISCOPUS. PADERBORNENSIS. COADJUTOR. MONA-
STERIENSIS. S. R. I. PRINCEPS. ET. COMES. PYR-
MONTANUS. PATRUO. SUO. M. H. P

EPI T A P H I U M
FRIDERICI FURSTENBERGII,
ARCHISATRAPÆ WESTPHALIÆ,
BILSTENII ET WALDENBURGI DYNASTÆ. AD-
VOCATI HEREDITARII IN GRAFFSCHAFFT,
SATRAPÆ FREDEBURGENSIS, ARENS-
BERGÆ, JUXTA PATREM, SEPULTI.

D. O. M. S

H. S. E

MAGNO. PARENTI. PAR. NATUS

NOMEN. ROGAS? FRIDERICUS. FUIT. QUOD. MORIBUS. IMPLEVIT. STIR-
PEM? FURSTENBERGICA. QUÆ. NOBILISSIMA. NI. ESSET. HINC. FIERET
NEMPE. HOC. EGIT. QUOD. PAUCI. UT. NE. AVORUM. ID. EST. ALIORUM
TANTUM. LUCE. LUCERET. JUBEN? ID. PLANIUS. DICI. PAREO. SED. AD-
DITA. LEGE. UT. IMITERIS. VIRTUTEM. ET. SCIËNTIAM. A. PRIMA. ÆTA-
TE. PRIMÆ. CURÆ. HABUIT. UTRAMQUE. AUXIT. UBI. PERDUNT. MUL-
TI. IN. AULIS. PRINCIPUM. HINC. TANTO. IPSI. IN. PRETIO. LITERATI
ET. PII. HINC. TANTUM. IPSE. PRETIUM. LITERATIS. ET. PIIS. PRO
JOANNE. SWICHARDO. MOGUNTINO. ELECTORE. CONIGSTEINÆ. DI-
TIONI. PRO. FERDINANDO. ELECTORE. COLONIENSI. ET. UTRIVSQUE
BAVARIÆ. DUCE. WESTPHALIÆ. ET. ANGARIÆ. SUMMO. CUM. IMPERIO
PRÆFUIT. PRO. UTRIQUE. AD. IV. AUGUSTOS. AD. SUECIÆ. REGEM. AD
PRINCIPES. DIVERSOS. AD. PLURA. IMPERII. COMITIA. LEGATUS. GRA-
VISSIMISQUE. REIP. NEGOTIIS. ADHIBITUS. CONSILIA. NON. AD. QUÆ-
STUM. RETULIT. SED. AD. CONSCIËNTIAM. NOVIT. ID. PATRIÆ. HOSTIS
QUI. FIDEM. PECUNIA. FRUSTRA. TENTAVIT. NOVIT. PATRIA. PRO. QUÆ
SEMEL. CAPTIVUS. BIS. EXUL. NUNQUAM. NON. CURIS. ONERATUS. DE-
MUM. SUECIS. WESTPHALIAM. VASTANTIBUS. BONNÆ. BONAM. MOR-
TEM. VITÆ. ET. EXILII. METAM. REPERIT. HINC. CINERES. ET. SPIRITUS
IN. SUAM. QUISQUE. PATRIAM. REDIERUNT. HIC. AD. SUPEROS. ILLI
IN. HOC. MONUMENTUM. QUOD. DESIDERATISSIMO. PARENTI

FRIDERICUS. LIB. BARO. DE. FURSTENBERG. IN. SNELLENBERG. FURSTEN-
BERG. WATERLAPP. HERDRINGEN. ADVOCATUS. HEREDITARIUS. IN
GRAFFSCHAFFT. DYNASTA. IN. OBERNKIRCHEN. SATRAPA. IN. BIL-
STEIN. WALDENBURG. ET. FREDEBURG. COLONIENSIS. ET. PA-
DERBORNENSIS. CONSILIARIUS. INTIMUS. ET. V. E. JUS. FRA-
TRES. ET. IV. SORORES. CUM. LACRYMIS. POSUERUNT

DECESSIT. V. ID. AUG. AN. MDCXLVI. NATUS. AN. LXX. MENSES. V
DIES. IX. REQUIESCAT. IN. PACE. AMEN

EPI-

EPITAPHIUM

ANNÆ CATHARINÆ DE PETRA,

CONJUGIS

FRIDERICI

LIB. BARONIS DE FURSTENBERG.

D. O. M. S

H. S. E

ANNA. CATHARINA. DE. PETRA. TRIUM. ELECTORUM
TREVIRENSIUM. JOANNIS. LOTHARII. ET. CAROLI-CA-
SPARIS. NEPTIS. ET. CONSANGUINEA. SPLENDORE. NO-
BILISSIMÆ. FAMILIÆ. ET. OMNIUM. VIRTUTUM
ORNAMENTIS. NULLI. SECUNDA. VIII. LIBE-
RORUM. PARENS. AN. MDC LVIII. IV. ID
MART. PIE. UT. VIXIT. DEFUNCTA

FRIDERICUS. LIB. BARO. DE. FURSTENBERG. IN. SNEL-
LENBERG. FURSTENBERG. WATERLAPP. HERDRINGEN
ADVOCATUS. HEREDITARIUS. IN. GRAFFSCHAFFT. DYNA-
STA. IN. OBERNKIRCHEN. SATRAPA. IN. BILSTEIN. WAL-
DENBURG. ET. FREDEBURG. COLONIENSIS. ELECTO-
RIS. INTIMUS. CONSILIARIUS. CONJUGI. CARISSI-
MÆ. CUM. QUA. ANNOS. XIII. MENS. IX
DIËS. X. CONJUNCTISSIME. VIXIT

M. H. P

EPI-

E P I T A P H I U M

F R I D E R I C I

L I B . B A R O N I S D E F U R S T E N B E R G ,

S A T R A P Æ I N B I L S T E I N , W A L D E N B U R G , E T

F R E D E B U R G , A T T E N D O R I Æ S E P U L T I

D . O . M . S

H . S . E

FRIDERICUS. LIB. BARO. DE FURSTENBERG. IN. SNELLEN-
BERG. FURSTENBERG. WATERLAPP. HERDRINGEN. AD-
VOCATUS. HEREDITARIUS. IN. GRAFFSCHAFFT. DYNASTA
IN. OBERNKIRCHEN. COLONIENSIS. ET. PADERBORNEN-
SIS. CONSILIARIUS. INTIMUS. SATRAPA. IN. BILSTEIN. WAL-
DENBURG. FREDEBURG. QUI. EXCELLENTI. INGENIO
PRÆDITUS ET. OPTIMIS. LITERIS. IN. GERMANIA. ITALIA
GALLIA. EXCULTUS. INSIGNEM. IN. COLENDO. DEO. RELI-
GIONEM. IN. JUVANDA. PATRIA. CARITATEM. IN. VARIIS
LEGATIONIBUS. ET. S. R. I. COMITIIS. PRUDENTIAM. FI-
DEM. ELOQUENTIAM. IN. DANDO. PRINCIPIBUS. CONSI-
LIO. INTEGRITATEM. ET. CONSCIENIAM. IN. OBEUNDA
MORTE. PIETATEM. ET. CONSTANTIAM. OSTENDIT. AC
LENTA. DEMUM. TABE. CONFECTUS. MAXIMO. SUORUM

MOERORE. ET. PUBLICO. PATRIÆ. LUCTU. DECESSIT

HERDRINGÆ. AN. MDC LXII. NON. JULII. INTER

X. ET. XI. HORAM. ANTE. MERIDIEM. NATUS

AN. MDCXVIII. PRID. KAL. NOVEMB.

FERDINANDUS. DEL. ET. APOSTOLICÆ. SEDIS. GRA-

TIA. EPISCOPUS. PADERBORNENSIS. COADJUTOR

MONASTERIENSIS. S. R. I. PRINCEPS. ET

COMES. PYRMONTANUS

CONSILIARIO. ET. FRATRI. SUO. CARISSIMO

M. H. P

EPITAPHIUM

URSULÆ
BARONIS DE FURSTENBERG,

DECANISSÆ HERISIENSIS, IN ÆDE
HERISIENSI SEPULTÆ.

D. O. M. S

H. S. E

URSULA. BARO. DE. FURSTENBERG. NOBILIS. HUIUS
COLLEGII. HERISIENSIS. DECANISSA. QUÆ. IN. HOC. DI-
GNITATIS. GRADU. NON. SOLUM. CASTISSIMIS. MORIBUS
RELIGIONE. MODESTIA. ET. SEDULA. REI. DIVINÆ. CURA
ALIIS. PRÆLUXIT. SED. INSUPER. ADMIRABILIS. IN. EGE-
NOS. ET. AFFLICTOS. HOMINES. BENIGNITATIS. IN. MUL-
TIS. AC. DIUTURNIS. MORBIS. SUSTINENDIS. PATIENTIÆ
ET. MEMORIS. DEFUNCTORUM. PIETATIS. EXEM-
PLUM. PRÆBUIT. DEMUM. LENTO. MORBO
CONSUMPTA. PIE. UT. VIXIT. OBDORMI-
VIT. IN. DOMINO. AN. MDC LXVII. PRID
KAL. JUL. ÆTATIS. SUÆ. LIII.

FERDINANDUS. DEI. ET. APOSTOLICÆ. SEDIS. GRA-
TIA. EPISCOPUS. PADERBORNENSIS. COADJUTOR
MONASTERIENSIS. S. R. I. PRINCEPS. ET
COMES. PYRMONTANUS

SORORI. SUÆ. CARISSIMÆ

M. H. P
AN. MDC LXX

BENE-

BENEVOLO LECTORI S.

Finita jam erant hæc monumenta, cum à Decano, & collegio Cathedrali Osnabrugensi, sæpius desiderata Caroli Magni diplomata, & donationum literæ ex arcano tabulario proferuntur, quas ipse Carolus M. propria manu subscriptas, & annulo suo signatas olim Ecclesiæ Osnabrugensi, & Wihoni primo ejus Episcopo dedit. Hæ postquam ad Ferdinandum Episcopum ac Principem Paderbornensem & Coadjutorem Monasteriensem, cum ipso autographo, per Theodorum Henricum de Nehem Canonicum Osnabrugensem & Mindensem, perlatae fuerunt, nihil ille, pro eminente inter Germaniæ Antistites ac Principes doctrina, acceptius, nihil, pro singulari antiquitatis cognitione ac studio, antiquius habuit, quàm ut ab omni mendo purgatas publicæ luci, & communi bono impertiret. Ac licet secundi diplomatis autographum vetustate exoletum, læsum etiam alicubi fuerit, ita tamen, ut legi potuerit, integrum mansit, majorque labor fuit, in prisco ævi illius caractere enodando. Quo in genere cum ipse Princeps apprime versatus esset, facem lectioni accendit, adhibitisque testibus viris eruditis, utrumque diploma suæ integritati ac fidei reddidit. Primum Ertwinus Ertmannus interpolatum tantummodo, mutilumque in suo Chronico Osnabrugensi tradit, alterum nec ipse, nec Crantzius, nec Miræus alique tam exactum dedere, quàm hic ex ipso autographo iisdem planè verbis editum legitur. Cæterum duplex horum diplomatum publicandorum causa fuit. Altera, ut quæ in monumentis saltim Teutoburgiensis, & deserti Sendæ, de Osneppo & Sinedi memorantur, hic benevolus Lector certius cognoscat. Altera ut Caroli M. liberalitas ac munificentia erga primos Saxoniarum Episcopos testatior fieret. Nec enim desunt hujus sæculi scriptores, in primis ex adversa religione Gryphander tract. de Weichb. c. 9. Winckelmannus lib. 2. de Not. Saxon. veteris. c. 5. & 9. alique post Lehmannum in Chron. Spirensi lib. 3. qui, ut jurisdictionem Episcoporum, eorumque Regalia jura convellant, aut ab Ottone M. primum communicata persuadeant, Caroli M. diplomata supposititia, adulterina, & à Catholicis scriptoribus malâ fide obtrusa, quin omnia Caroli M. privilegia nullibi, nisi in jactatione vulgi extare, temerè audent asserere. Inter quæ cum primis reputant diploma Caroli M. Ecclesiæ Bremensi datum, recitatumque ab Adamo Bremensi in historia sua. Extat & Ferdensis Ecclesiæ diploma similis propè formæ, ac fidei à Carolo M. consignatum; utrumque, veri fiduciâ, ad ingressum initiumque monumentorum suprâ allatum est. Neque aliud serè obrendunt adversarii, quàm quòd annus Incarnationis Dominicæ contra ævi illius morem adscriptus; qui etsi alienâ manu accesserit, non proinde totum diploma invalidum damnandumve. Certè ea diplomata si, ut hic fit, ex na-

tivo suo colore, formaque scribendi protulissent, nulla facilè dubitatio intervenire posset. Enimverò Osnabrugensis Ecclesiæ diplomata, quæ hic vides, aut fidem obtinent, aut nulla humana fides ex Cæsarum tabulis asserta valere debet. Leget igitur hic prudens antiquitatis æstimator ampla Episcopi bona, & privilegia, omne Regale, vel Sæculare judicium in subiectos sibi homines eidem donatum, & perpetuum de Regia potestate confirmatam absolutionem. Hic adversarii, qui tam iniquis oculis Sæcularem ac Regalem Episcoporum jurisdictionem aspiciunt, gratum fecerint, si antiquiora, aut his similia à Carolo M. sæcularibus Principibus donata privilegia in medium attulerint. Haud interim dubium, quin reliquis Saxonix Episcopis, primæ donationum tabulæ, pari formâ & liberalitate, iisdemque privilegiis à Carolo M. datæ, & consignatæ fuerint, quas aut temporum injuria subtraxit, aut vetustas abolevit, nisi inter tabularia adhuc pressæ teneantur. Porro hæc monumenta concludere non ante visum fuit, quàm & hoc Carolinæ liberalitatis monumentum cæteris haud ignobilius accederet, & ad posteritatis memoriam consecraretur. Accedit postremum Capitulatio Caroli M. de partibus Saxonix, hæcenus irreperita, neque ab Ansgiso, neque à Benedicto Levita inter Capitularia Caroli relata. Hanc primum Ferdinandus Princeps & Paderbornensis Episcopus, dum Romæ versaretur in aula Alexandri VII. Pontificis, ex Vaticana bibliotheca eruit, communicavitque cum eruditis & amantibus antiquitatum viris, ex quorum numero H. Conringius, vir in omni doctrinarum genere celebris, ac Juliæ Academiæ lumen, eam libro suo de orig. jur. Germ. divulgavit. Verùm quia nova metalli vena detecta ad repertoris etiam laudem pertinet; auctor quoque hujus operis, hic suis accensuit, Monumentum vel cæteris adjungendum, quòd triplicem Saxonix divisionem in Westfaliam, Angariam & Ostfaliam suis nominibus exhibeat, interfuerintque à Carolo evocati ex his provinciis procures, quorum consensu hæc leges sancitæ sunt. Disceet præterea ex his Lector Christianæ religionis initia, proscriptamque ex Saxonix veterem populi superstitionem. Nec deerint fortasse, quod expectamus, qui pro meliori otio & ingenio commentariis illustraturi sint.

P R I V I L E G I U M

C A R O L I M . I M P .


Osnabrugensi Ecclesie datum XIHI. Kal. Jan. An. III.

Imperii, qui est annus Christi DCCC III.

IN nomine Patris & Filii & Spiritus sancti Karolus serenissimus augustus à Deo coronatus magnus pacificus imperator romanum gubernans imperium qui & per misericordiam Dei rex francorum & langobardorum. Quicquid enim locis sanctorum venerabilium ob amorem domini nostri Ihesu Christi & reverentiam sanctorum cedimus vel condonamus hoc ad mercedis augmentum vel stabilitatem regni nostri in Dei nomine pertinere confidimus. Igitur notum sit omnibus fidelibus presentibus scilicet & futuris qualiter donamus ad basilicam sancti Petri principis Apostolorum & sanctorum martirum Crispini & Crispiniani quam nos construximus in loco Osnabrugki & corpora illorum illuc transtulimus ubi præest vir venerabilis Wiho episcopus omne regale vel seculare iudicium super suos servos & liddones & liberos malman & mundman & omnes utriusque sexus homines eidem æcclesiæ pertinentes quos modo possidet vel deinceps acquisierit & perpetuam de regia potestate confirmamus absolutionem ita ut nullus iudex publicus dux comes vel vicecomes vel sculterus sive missi dominici per tempora discurrentes loca illius episcopatus ad placita habenda vel freda exigenda & parafreda aut aliquem de præscriptis eidem æcclesiæ pertinentem ad sua placita bannire vel ad mortem usquam terrarum dijudicare vel aliquo modo ullo unquam tempore aggravare audeant. Sed liceat præfato episcopo suisque successoribus & suo advocato res prædictæ æcclesiæ cum omnibus sibi pertinentibus quieto ordine possidere ordinare atque disponere. Et ut hæc auctoritas firmitior habeatur ac diuturnis temporibus melius conservetur ma-

nu propria subtercam roborare decrevimus & de anulo nostro
figillare iussimus.

Signum



Caroli piissimi ac serenissimi
Imperatoris

..... ad vicem Radoni

Locus annuli
Carolini ve-
tustate de-
triti.

Data XIII. Kl. Jan. anno III. Christo propitio Imperii nostri & XXXVI. regni
nostri in Francia. atque XXX. in Italia. Indict. XI. Actum Aquis
palacio publico in Dei nomine feliciter amen.

PRI-

PRIVILEGIUM


CAROLI M. IMP.

Osnabrugensi Ecclesie datum XIII. Kal. Jan. An. IIII.


Imperii, qui est annus Christi DCCC IIII.

IN nomine Sanctæ & individuæ Trinitatis Karolus imperator
 Iugustus romanum gubernans imperium qui & rex francorum
 & langabardorum nec non modo dominator & saxonum. No-
 tum sit omnibus sanctæ Dei æcclesiæ fidelibus nostrisque præsen-
 tibus scilicet & futuris qualiter nos ob nostræ mercedis augmen-
 tum Wihoni Osnabrugensi episcopo suæque æcclesiæ quam
 nos primam omnium in saxoniam in honore sancti Petri principis
 Apostolorum & sanctorum martyrum Crispini & Crispiniani
 construximus quoddam nemus vel forestum infra hæc loca situm.
 farnevinkil. rutanstein. angeri. ofning. finedi. bergashovid. dre-
 venfmeri. etanarfeld. dumeri. collaudatione illius regionis poten-
 tum cum omni integritate in porcis videlicet silvaticis atque cer-
 vis avibus & piscibus omnique venatione quæ sub banno usuali ad
 forestum deputatur ad similitudinem foresti nostri aquisgranum
 pertinentis in silva ofningi in perpetuum proprietatis usum do-
 navimus ea videlicet ratione quod si quisquam hoc idem nemus
 nostro banno munitum sine prædictæ sedis episcopi licentia stu-
 dio venandi vel silvam exstirpandi vel aliquod huiusmodi nego-
 tium peragendi umquam intrare præsumpserit. sciat se tam di-
 vinæ quam & regis ultionis vindictam incursum. nec non pro
 delicto sexaginta solidos nostri ponderis quos nobis pro banno
 violato deberi statuimus redditurum. Insuper vero eidem epi-
 scopo suisque successoribus perpetuam concedimus libertatem
 & ab omni regali servitio confirmamus absolutionem. nisi forte
 contingat ut imperator romanorum vel rex grecorum conjuga-
 lia federa inter filios eorum contrahere disponant tunc æcclesiæ
 illius episcopus omni sumptu à rege vel imperatore adhibito la-
 borem

borem simul & honorem illius legationis assumat & hoc ea de causa statuimus quia in eodem loco grecas & latinas scholas in perpetuum manere ordinavimus & nunquam clericos utriusque linguae gnaros ibidem deesse in Dei misericordia confidimus. Et ut hæc auctoritas firmitior habeatur ac diuturnis temporibus melius conservetur manu propria subter eam roborare decrevimus & de anulo nostro sigillare iussimus.



Amalbertus ad vicem Ercanbaldi recognovi



Data XIII. Kl. Jan. anno IIII. Christo propitio Imperii nostri & XXXVII. regni nostri in Francia. atque XXXI. in Italia. Actum Aquisgrani palatio in Dei nomine feliciter amen.

CAROLI MAGNI
CAPITULATIO
DE PARTIBUS SAXONIÆ.

Ex antiquissimo MS. Palatino bibliothecæ Vaticanæ.

Hæc de partibus Saxonix constituta sunt.

PRIMUM de majoribus capitulis hoc placuit omnibus, ut ecclesiæ Christi, quæ modo construuntur in Saxonia, & Deo sacratæ sunt, non minorem habeant honorem, sed majorem & excellentiorem, quam fana habuissent idolorum.

I. CAPIT. Si quis confugium fecerit in ecclesiam, nullus eum de ecclesia per violentiam expellere præsumat, sed pacem habeat usque dum ad placitum præsentetur; & propter honorem Dei, sanctorumque ecclesiæ ipsius reverentiam, concedatur ei vita & omnia membra. Emendet autem causam, in quantum potuerit, & ei fuerit judicatum, & sic ducatur ad præsentiam domni regis, & ipse eum mittat, ubi clementiæ ipsius placuerit.

II. Si quis ecclesiam per violentiam intraverit, & in ea per vim vel furtum aliquid abstulerit, vel ipsam ecclesiam igne cremaverit, morte moriatur.

III. Si quis sanctum quadragesimale jejunium pro despectu Christianitatis contempserit, & carnem comederit, morte moriatur. Sed tamen consideretur a sacerdote, ne forte causa necessitatis hoc cuilibet proveniat ut carnem comedat.

IV. Si quis episcopum, aut presbyterum, sive diaconum interfecerit, similiter capite punietur.

V. Si quis a diabolo deceptus crediderit, secundum morem paganorum, virum aliquem aut feminam strigam esse, & ho-

mines comedere, & propter hoc ipsam incenderit, vel carnem ejus ad comedendum dederit, vel ipsam comederit, capitis sententia punietur.

VI. Si quis corpus defuncti hominis secundum ritum paganorum flamma consumi fecerit, & ossa ejus ad cinerem redegerit, capite punietur.

VII. Si quis deinceps in gente Saxonum inter eos latens non baptizatus se abscondere voluerit, & ad baptismum venire contempserit, paganusque permanere voluerit, morte moriatur.

VIII. Si quis hominem diabolo sacrificaverit, & in hostiam more paganorum dæmonibus obtulerit, morte moriatur.

IX. Si quis cum paganis consilium adversus Christianos inierit, vel cum illis in adversitate Christianorum perdurare voluerit, morte moriatur: & quicumque hoc idem fraude contra regem, vel gentem Christianorum consenserit, morte moriatur.

X. Si quis domino regi infidelis apparuerit, capitali sententia punietur.

XI. Si quis filiam domini sui rapuerit, morte moriatur.

XII. Si quis dominum suum vel dominam suam interfecerit, simili modo punietur.

XIII. Si quis vero pro his mortalibus criminibus latenter commissis aliquis sponte ad sacerdotem confugerit, & confessione data agere poenitentiam voluerit, testimonium sacerdotis de morte excuset.

XIV. De minoribus capitulis consenserunt omnes, ad unamquamque ecclesiam curtem & duos mansos terræ pagenses ad ecclesiam recurrentes condonent: & inter centum viginti homines nobiles & ingenuos, similiter & litos, servum & ancillam eidem ecclesiæ tribuant.

XV. Et hoc Christo propitio placuit, ut undecunque census aliquid ad fiscum pervenerit, sive in frido, sive in qualicunque banno, & in omni redibutione ad regem pertinens, decima pars ecclesiis & sacerdotibus reddatur.

XVI Si-

XVI. Similiter secundum Dei mandatum præcipimus, ut omnes decimam partem substantiæ & laboris sui ecclesiis & sacerdotibus donent, tam nobiles quam ingenui, similiter & liti: juxta quod Deus unicuique dederit Christiano, partem Deo reddant.

XVII. Ut in dominicis diebus conventus & placita publica non faciant, nisi fortè pro magna necessitate, aut hostilitate cogente; sed omnes ad ecclesiam recurrant ad audiendum verbum Dei; & orationibus, vel justis operibus vacent. similiter & in festivitatis præclaris Deo & ecclesiæ conventui deserviant, & sæcularia placita dimittant.

XVIII. Similiter placuit his decretis inferere, quod omnes infantes infra annum baptizentur. Et hoc statuimus, ut si quis infantem intra circulum anni ad baptismum offerre contempserit, sine consilio vel licentia sacerdotis, si de nobili genere fuerit cxx. sol. fisco componat, si ingenuus lx. si litus xxx.

XIX. Si quis prohibitum vel illicitum conjugium sibi sortitus fuerit, si nobilis sol. lx. si ingenuus xxx. si litus xv.

XX. Si quis ad fontes, aut arbores, vel lucos votum fecerit, aut aliquid more gentilium obtulerit, & ad honorem dæmonum comederit, si nobilis fuerit sol. lx. si ingenuus xxx. si litus xv. Si vero non habuerint unde præsentialiter persolvant, ad ecclesiæ servitium donentur, usque dum ipsi solidi solvantur.

XXI. Jubemus ut corpora Christianorum Saxonum ad cœmeteria ecclesiæ deferantur, & non ad tumulos paganorum.

XXII. Divinos & sortilegos ecclesiis & sacerdotibus dare constituimus.

XXIII. De latronibus & malefactoribus, qui de uno comitatu ad alium confugium fecerint, si quis eos receperit in sua potestate, & vii. noctibus secum detinuerit, nisi ad præsentandum, nostrum bannum solvat. Similiter si comes eum absconderit, & ad justitiam faciendam præsentare noluerit, & ad hoc excusare non potest, honorem suum perdat.

XXIV. De pignore, ut nullatenus alterum aliquis pignora præsumat; & qui hoc fecerit, bannum persolvat.

XXV. Ut nulli hominum contradicere viam ad nos veniendo

do pro iustitia reclamandi aliquis præsumat: & si aliquis hoc facere conaverit, nostrum bannum persolvat.

XXVI. Si quis homo fidejussorem invenire non potuerit, res illius in forbanno mittantur, usque dum fidejussorem præsentet. Si vero super bannum in domum suam intrare præsumpserit, aut sold. x. aut unum bovem pro emendatione ipsius banni componat, & insuper unde debitor existit, persolvat. Si vero fidejussor diem statutum non observaverit, tunc ipse tantum damni incurrat, quantum manus sua fidejussoris existit. Ille autem qui debitor fidejussori existit, duplum restituat pro eo, quod fidejussorem in damnum cadere permisit.

XXVII. De præmiis & muneribus, ut munera super innocentem nullus accipiat: & si quis hoc facere præsumpserit, nostrum bannum solvat. Et si, quod absit, forte comes hoc fecerit, honorem suum perdat.

XXVIII. Ut universi comites pacem & concordiam ad invicem habere studeant, & si forte inter eos aliqua discordia aut conturbium ortum fuerit, ut nostrum solatium vel perfectum pro hoc non demittant.

XXIX. Si quis comitem interfecerit, vel de ejus morte consilium dederit, hereditas illius ad partem regis eveniat, & in jus ejus redigatur.

XXX. Dedimus potestatem comitibus bannum mittere infra suo ministerio de faida vel majoribus causis in sold. lx. De minoribus vero causis comitis bannum in sold. xii. constituimus.

XXXI. Si cuilibet homini sacramentum debet, aframeat illum ad ecclesiam sacramento ad diem statutum: & si jurare contempserit, fidem faciat, & sold. xv. componat qui in actibus apparuit, & deinceps causam pleniter emendare faciat.

XXXII. De perjuris secundum legem Saxonum sit.

XXXIII. Interdiximus ut omnes Saxones generaliter conventus publicos nec faciant, nisi forte missus noster de verbo nostro eos congregare fecerit. Sed unusquisque comes in suo ministerio placita & iustitias faciat, & hoc a sacerdotibus consideretur, ne aliter faciat.

ALIUD

ALIUD CAPITULARE.

ANNO ab Incarnatione domini nostri Jesu Christi DCCXCVII. & XXI. ac XXII, regnante domno Carolo præcellentissimo rege, convenientibus in unum Aquis palatio in ejus obsequio venerabilibus episcopis & abbatibus; seu illustribus viris comitibus v. Kal. Novemb. simulque congregatis Saxonibus de diversis pagis tam de Westfalahis, & Angrariis, quam & de Oostfalahis, omnes unanimiter consenserunt & aptificaverunt, ut de illis capitulis, pro quibus Franci, si regis bannum transgressi sunt, solidos LX. componunt, similiter Saxones solvent, si alicubi contra ipsos bannos fecerint.

HÆC SUNT CAPITULA.

I. CAPIT. Ut ecclesiæ, viduæ, orfani, & minus potentes justam & quietam pacem habeant; & ut raptum, & fortiam, nec incendium infra patriam quis facere audeat præsumptive, & de exercitu nullus super bannum domni regis remanere præsumat.

II. Si quis supradicta VIII. capitula transgressus fuerit, omnes statuerunt, & aptificaverunt, ut Saxones similiter sicut & Franci LX. sol. componant.

III. Item placuit omnibus Saxonibus, ut ubicunque Franci secundum legem sol. XII. solvere debent, ibi nobiliores Saxones sol. XII. ingenui v. liti IV. componant.

IV. Hoc etiam statuerunt, ut qualiscumque causa infra patriam cum propriis vicinantibus pacificata fuerit, ibi solito more ipsi pagenses sol. XII. pro districtione recipiant, & pro Wargilda, quæ juxta consuetudinem eorum solebant facere, hoc concessum habeant. Si autem in præsentia missorum regalium causæ definitæ fuerint, pro jam dicta Wargilda suprascriptos sol. XII. ipsis pagenses habeant concessos: & pro hoc quia missus regalis ex hac re fatigatus fuerit, alios XII. sol. inde recipiat ad partem regis. Si autem ipsa causa ad palatium in præsentia regis ad definiendum fuerit perducta, tunc utrique solidi XII. id est

pro Wargilda, & quod vicinis debuit componere, eo quod infra patriam definita ratio non fuerit, ad partem regis faciant componere, quod sint solidi xxiv. Nam si fuerit aliquis qui in patria, juxta quod sui convicini judicaverint, seque pacificare noluerit, & ad palatium pro hujus rei causa venerit, & ibi ei fuerit judicatum quod justum judicium judicassent, in prima vice, ut supra dictum est, sol. xxiv. ad partem regis componat. Et si tunc inde rediens se pacificare & justitiam facere renuerit, & iterum pro ista causa ad palatium fuerit convocatus & dejudicatus, bis xxiv. solidos componat. Si vero necdum correptus tertia vice pro eadem re ad palatium remeaverit, triplam compositionem exinde faciat ad partem regis.

V. Si quis de nobilioribus ad placitum manitus venire contempserit, sol. i v. componat, ingenui i i. liti i.

VI. De presbyteris statuerunt, quod si aliquid eis aut eorum hominibus quis contrarium facere aut tollere præsumpserit contra justitiam, omnia in duplum restituat ei & componat.

VII. De missis regis statuerunt, ut si ab eis aliquis interfectus evenerit, in triplum eum componere debeat qui hoc facere præsumpserit. Similiter quidquid aut eorum omnibus factum fuerit, omnia tripliciter faciant restaurare, & secundum eorum euua componere.

VIII. De incendio convenit, quod nullus infra patriam præsumat facere propter iram aut inimicitiam, aut qualibet malevola cupiditate: excepto si talis fuerit rebellis, qui justitiam facere noluerit, & aliter districtus esse non poterit, & ad nos, ut in præsentia nostra justitiam reddat, venire despexerit, condicto commune placito simul ipsi pagenses veniant, & si unanimiter consenserint, pro districtione illius casa incendatur: tunc de ipso placito commune consilio facto secundum eorum euua fiat peractum, & non pro qualibet iracundia aut malevola intentione, nisi pro districtione nostra. Si aliter facere ausus fuerit, sicut superius dictum est, sol. lx. componat.

IX. Item placuit ut quandoquidem voluerit domnus Rex propter pacem & propter faidam, & propter majores causas ban-

bannum fortiorem statuere, una cum consensu Francorum & fidelium Saxonum, secundum quod ei placuerit, juxta quod causa exigit, & opportunitas fuerit, sold. LX. multiplicare in duplum, & sol. c. siue usque ad mille componere faciat, qui ejus mandatum transgressus fuerit.

X. De malefactoribus, qui vitæ periculum secundum eua Saxonum incurrere debent, placuit omnibus, ut qualiscunque ex ipsis ad regiam potestatem confugium fecerit, aut in illius sit potestate utrum interficiendum illis reddat, aut una cum consensu eorum habeat licentiam ipsum malefactorem cum uxore & familia & omnia sua foris patriam infra sua regna, aut in marca, ubi sua fuerit voluntas, collocare, & habeant ipsum quasi mortuum.

XI. Illud notandum est quales debent solidi esse Saxonum: id est, bovem annoticum utriusque sexus auctumnali tempore sicut in stabulum mittitur pro uno solido: similiter & vernum tempus quando de stabulo exiit, & deinceps quantum ætatem auxerit, tantum in pretio crescat. De annona vero bortrinis pro sol. 1. scapilos XL. donant, & de sigale xx. septentrionales autem pro solido scapilos xxx. dent, & sigale xv. Mel vero pro solido bortrensi siglæ 1. & medio donant: septentrionales autem duos siclos de melle pro 1. solido donent. Item hordeum mundum sicut & sigale pro. 1. solido donent. In argento XI 1. denarios solidum faciant; & in aliis speciebus ad istud pretium omnes æstimationes compositionis sunt.

Explicit capitulare Saxonum.

In alio vetusto MS. Palat. subjungitur concilio Listinensi anni DCCXLIII. abrenuntiatio diaboli operumque ejus, & brevis professio fidei, veteri lingua Theotisca, cum indiculo superstitionum, à quibus populum Episcoporum sollicitudine revocandum synodus illa statuit. parte I. can. 5. quo vix ullum antiquitatis Germanica monumentum vetustius extat: annos enim superat DCCCC.

A B R E N U N T I A T I O.

FORSACHISTU diobolae? Et resp. Ec forsacho diobolae. End allum diabol gelde? Resp. End ec forsacho allum diabol gelde. End allum dioboles wercum? Resp. End ec forsacho allum dioboles wercum und wordum; thuna cren de Vuoden end faxnote; ende allem them unholdum, the hira genotas sint. *Professio fidei.*

Gelobistu in got almehtigan fadaer? Resp. Ec gelobo in got almehtigan fadaer. Gelobistu in Crist godes suno? Resp. Ec gelobo in Crist gotes suno. Gelobistu in halogan gäst? Resp. Ec gelobo in halogan gäst.

INDICULUS SUPERSTITIONUM
ET PAGANIARUM.

De sacrilegio ad sepulcra mortuorum.

De sacrilegio super defunctos, i. e. Dadsisas.

De spurcalibus in Febr.

De casulis, id est, fanis.

De sacrilegiis per ecclesias.

De sacris silvarum, quæ Nimidas vocant.

De his quæ faciunt super petras.

De sacris Mercurii vel Jovis.

De sacrificio quod fit alicui sanctorum.

De phylacteriis & ligaturis.

De fontibus sacrificiorum.

De incantationibus.

De auguriis, vel avium vel equorum vel bouum stercore, vel sternutatione.

De

De divinis vel fortilegis.

De igne fricato de ligno, i. e. Nodfyr.

De cerebro animalium.

De observatione pagana in foco, vel in inchoatione rei alicujus.

De incertis locis quæ colunt pro sacris.

De petendo quod boni vocant S. Mariæ.

De feriis quæ faciunt Jovi vel Mercurio.

De Lunæ defectione; quod dicunt Vinceluna.

De tempestatibus, & cornibus, & codeis.

De sulcis circa villas.

De pagano cursu, quem Yrias nominant, scissis pannis vel calceis.

De eo quod sibi sanctos fingunt quoslibet mortuos.

De simulacro de consparsa farina.

De simulacris de pannis factis.

De simulacro quod per campos portant.

De ligneis pedibus vel manibus pagano ritu.

De eo quod credunt, quia feminæ lunam commendent, quod possint corda hominum tollere juxta paganos.

F I N I S.

I N D E X

Rerum memorabilium in

M O N U M E N T I S

P A D E R B O R N E N S I B U S

contentarum.

A.

Abbatis & Conventus Corbeiensis transf-
actio cum Episcopo Paderbornensi,
quoad jus Diocesani in Monte
Martii. 108

*Acidula Driburgenses à Bernardo Rottendorffio
Archiatro Monasteriensi V. C. eleganter de-
scripta. 269. earundem, ut & Smecthana
virtutes medica admiranda. ibid.*

*Acidula Smecthana, accolis Metbranne, sive
hydromeli dicta, à F I R D I N A N D O
Principe versu eleganti celebrata. 262. ut-
dem à Joanne Torckio Praeposito Minden-
si &c. ibid. ejusdem virtutes à Tabernamon-
tano descriptae. 263*

*Adrianus I V. P P. confirmat decimas, aliasque
donationes Eresburgo & Corbeia factas. 116*

*Advocati libera electio confirmatur Episcopo Pa-
derbornensi ab Ottone Imp. & Henrico Rege.
235. 236. 238*

*Aedes sacra per Saxoniam à Leone III. Pontif.
Max. in primo ejus adventu consecrata. 117*

Alarici pietas erga templa & res sacras. 119

*Alexandri Papa I V. monitorium contra Cor-
beienses. 12*

Alexandri Severi de Christo sensus. 120

Alienatio rerum Ecclesia prohibita. 152. 153

*Aliso castellum à Druso constructum. 2. 7. ejus
antiquitas. 7. amplitudo, ingens opus. 8.
proprius situs ad Luppia & Alifonis confluen-
tes. 3. 9. 10*

Alifons Romanorum olim tribunal & forum,

*in id urbs. 8. f. Lipsii de Alifons opinio ex-
plosa. 3. Itemque diversa aliorum opiniones
de Alifonis situ refutata.*

*Aliso praesidium contra Sicanibros. 3. 4. & con-
tra Tencteros &c. 3. à Germanis captus
& destructus. 11. à Romanis restauratus.
ibid.*

Aliso non castelli solum nomen, sed etiam fluvii.

2. Aliso & Alma idem fluvius. 11. Aliso

monumentorum Westphalia vetustissimus. 3.

Aliso an à Carolo M. instauratus? 11. pagani

*Elfen & Neuhusium ambitu suo olim com-
prehendit. 10. Alifonis castelli ruinae crevis*

Paderborna. 11. Alifonis veteris medica nunc

vestigia. ibid.

Ambra sive Emmera, fluvius Diocesis Pader-

bornensis. 199. quae oppida alluat. ibid.

Ambrones populi, illorum sedes ad Ambram in

Diocesi Paderb. 199. à Cheruscis occupata.

200. Ambrones Cimbrorum in Italiam ir-

rumentium socii. ibid. Prope Aquas Sextias à

Mario deloti. ibid.

Amifsa nomen fluvii & oppidi. 3

Amifsis in hist. Romana celebris. 52. ejus ortus

in diocesi Paderborn. varias olim & nunc

gentes & loca alluit. 53. 54

Amicitia Paderborna angetur à limpidissimis

Paderb. fontibus. 185

Angariense Canoniorum collegium, transfertur

Hervordiam. 149

Angarii, eorum Dux Bruno. 144. Angarii von

den Angeren dicti. 145. Angariorum sedes

diversa. ibid.

Angerort & Angermunt oppida ab Angaris

foris

INDEX IN MONUMENTA PADERE.

<i>forte nomen ducatur.</i>	<i>ibid.</i>
<i>Angli celebres olim Germania populus.</i>	91
<i>Ansvarii, aliter Ampsvarii, ab Amisio survio sic dicti.</i>	53
<i>Aquila praprium Romana militia signum. 8. ubi praeferri & ubi desigi, quando velli & moveri solitum.</i>	<i>ibid.</i>
<i>Aquila Romana caso Varo rapta. 29. earum binum nunquam à Romanis recuperata. 30. 31. tertiam Dio repertam tradit Claudio Casare, quod à Lipsio pratermissum & aliis. 30</i>	
<i>Aqua indolem ducens à venis metallorum per quas labuntur. 246. Aquarum miraculum apud Germanos à Plinio descriptum. 247. Aquarum prastantia. 249</i>	
<i>Ara Drusi haud procul Alifone. 4</i>	
<i>Archiepiscopus Colon. & Episcopus Paderbornensis amicorum operâ pacem redintegrant. 67</i>	
<i>Archiepiscopus Col. Fridericus & Adolphus Clivenfis iteratò diocesim Paderbornensem hostiliter invadunt, quibus Wilhelmus Episcopus mille militum lanceas objicit. 67</i>	
<i>Archidiaconus Horehusanus, ejusque Synodus. 106. & 108</i>	
<i>Archidiaconales sedes in Diocesi Paderbornensi sex. 134</i>	
<i>Ardenna Celtis sita dicitur. 49</i>	
<i>Arcthusa fons. 245</i>	
<i>Aribo Moguntinus Archiepiscopus. fraude circumvenit Meinwerum Paderb. Episcopus. 161. & 162. Paderborna in Natali Christi concionem habet ad populum inter Missarum sollemniam. 181</i>	
<i>Arminius & Sigimerus familiares Vari. 27. Arminius raptor filia Segeſtis. 26. ejus genus, mores, laudes &c. 27. 28. Arminii laudes barbaris carminibus à Saxonibus decantari solita. 79</i>	
<i>Arnoldus de Brecken, Vir genere nobili & doctus & conficius. 222</i>	
<i>Arpus Catterium Princeps. 2</i>	
<i>Assuerus Abbas Prunienſis. 17</i>	
<i>Augustus Caesar gravissimè percussus Variâ clade. 33</i>	

B.	
<i>Baconis situa. 36</i>	
<i>Baduradus Episcopus Paderbornenſis. Corbeiensium Ecclesiam consecrat. 128. reliquias B. Landolini à Diocesi Cameracenſi. Boca infer. 140</i>	
<i>Bardo Archiepiscopus. Moguntinus Paderborna sermonem ad populum faciens obitum suum praedicat. 182</i>	
<i>Bardevicum ampla olim urbs. 55</i>	
<i>Bartoldus nobilis de Buren mediam partem caſtri Wewelsburg ab Episcopo Paderbornenſi in beneficium accipit, quam Simon nobilis de Buren vendit Ruperto Episcopo Paderbornenſi. 229</i>	
<i>Bathildis Heroïna Saxonica auctor Corbeia aurea Gallica. 130</i>	
<i>Bavarorum mos in aliena terra velle, quod in sua volunt. 183</i>	
<i>Bazo Abbas Corbeiens. impetrat à Ludovico Rege jus publici Mercatus & Moneta in Monte Marii. 114</i>	
<i>Beatrix Abbatiſſa in Herſſen. 189</i>	
<i>Beatrix uxor Erponis Comitis de Padberg. 141</i>	
<i>Bellum Francorum contra Saxones laborioſum & diuturnum. 172. 173</i>	
<i>Bellum ob ſucceſſionem in Ducatu Limburgenſi inter Principes geſtum. 279</i>	
<i>Bernardi Episcopus Paderbornenſis. cum Widekindo Abbate Corbeiens. controversia ratiōe Deſenberga arcis. 165. 166</i>	
<i>Bernardus de Hörde Eques Bocam arcem facit feudum liguus Ecclesia Paderborn. 142</i>	
<i>Bertoaldus Saxonum Dux prope Viſargim à Clothario Rege Francorum occiditur. 76</i>	
<i>Bertholdus de Buren Prapostitus Abbatia Werthinenſis. 229</i>	
<i>Blankenroda Suſatenſi bello vaſtata. 206</i>	
<i>Boca arx à Carolo M. Alſonis caſtelli rudetibus ſuperſtructa ad Luppiam. 140. ejus boſpicio clara. 142</i>	
<i>Boca arx hodieſum, vico & praefecturâ inſignis. 140. Pagus diocesis Paderborn. 143. Boca capium ab Erpona Comite de Padberg Monasterium ordinis S. Benedicti in Fleſtorp transfertur. 140. 141. Boca arcis ſacellum ſacris reliquiis ornatur. 142. Bocam ar-</i>	

cem, emortuâ stirps Bernardi ab Hörde, recuperas Theodorus Fursenbergius Princeps Paderbornensis. *ibid.* Incensam à Suetis de-
nuo instaurat Theodor. Adolphus Princeps Paderbornensis. *ibid.*

Bodeka primò Monasterium Canonicarum Vir-
ginum à S. Meinolpho conditum. 220. 221.
Bodecensis monasterii miserandus status à
Wilhelmo de Monte Episcopo Paderbornensi in
meliozem mutatur. 223. Bodecensis Monaste-
rii restauratio. 222

Bruchium ad Ruram Dynastia. 59

Bruchii unde dicti. 61. in majores & minores
divisi. *ibid.* Minores Luppia perlabitur. 14. 15.
sape nomen, sape sedes mutarunt. 59. eorum
sedes ad silvam Hercyniam. *ibid.* & ad Ru-
ram fluvium. *ibid.* haud procul Teutobur-
giensi saltu in Diocesi Paderbornensi habita-
runt. 60. in Westwaldiam progressi. 59. ho-
rum reliquia circa Rhatingam & Dusseldor-
pium. *ibid.* rem strenuè contra Varum egere.
36. sed praelio navali in Amisia à Druso vi-
cti. 53. inter primarios Francorum populos
olim numerati. *ibid.*

Bruno Witechindi frater archiepiscopi Brunsvicensis con-
ditior reputatur. 124. ante fratrem Witechim-
dum sacra Christiana amplectitur. *ibid.*

Brunsvig arx omnium firmissima ad Visurgim
à Carolo oppugnatur. 125. Abbatia Cor-
beiensis ab antiquo subjecta. 126. ejusdem fa-
ma hodie dum superest. 124

Brunsvicenses Duces Huxariam Corbeiensis Ab-
batia rebellem defendunt, & mutant. 136

Buckenborg & Bodeke, male à quibusdam ac-
cipiuntur, pro arce Boca. 142

Burchardus Episcopus Monasteriensis anno 1105.
captus à Friderico Comite Arnsvicensi. 226

C.

Capitulatio Caroli M. de partibus Saxonia. 329

Caroli Crassi Imp. diploma Herifensis Partheno-
ni datum, vestustatem pagi Smechtani astringit. 263

Caroli Martelli & Pipini filii ejus in Saxones
expeditio. 100

Caroli Martelli Austriasia Principis expeditio
in Saxones. 77. quos tributarios facit. 15

Carolomannus in Saxones movet. 77

Carolus M. iteratim Sibursum & Eresbur-
gum arces expugnat, Brunsvigam oppu-
gnat. 125. Coloniam venit. 18. de vicinis Sa-
xones prope Thietmullum suo ductu. 42. Loco
Irmunfule in Monte Martii Des & S. Petro
Basilicam condit. 112. expeditio ejus ad con-
fluentes Warnæ & Visurgis. 99. 100. Sape ad
Luppiam castra metatur. 15. frequens ei
commemoratio statique Paderbornæ. 173. 185.
Paderborna excipit Leonem III. PP. à suis
Roma male mutatur. 174. 178. tria prope
Luppiam, 17. itemque Paderbornæ Concilia
celebrat, legatos audit, jus dicit, bella de-
cernit. 173. 174. Lude Natalem Domini ce-
lebrat. 201. & in castris ad Ambram fluvium.
100. Heristalli ad Visurgim legatos ex-
cipit. 214. 215. 216. Saxonibus in campo
Suusfeld subactis parcit, & in Gallias trans-
fert. 210. Carolus M. boni Principis idea.
150. Romano-Catholicus & Romanorum
Pontificum religiosus cultor, & doctrina so-
latur. 99. Partem Saxonia suis armis de-
vicit, tempore Adriani PP. offert Des, &
S. Petro voveitque fundationem Episcopatus
Osnabrugensis. 117. 118. Druidis Saxoniæ
in Dioceses. 152. ejusdem, ut & Ludovici
Pii Imp. decreta circa immunitatem bono-
rum Ecclesiæ. 153. ejusdem de Episcoporum
in hostes profectionibus Canon illustratus. 95.
ejus clementia, justitia, religio. 150. 151.
152. Severitas erga rebelles totius Saxones.
151. Una die ad Alleram quatuor millia
& quingentos Saxonum capite plecti jubet.
151. Frequens ejus de Saxonibus trium-
phus. 48. nulla in Saxonia urbes arce Caro-
li M. 55

Carolus IV. Imp. visitat sepulchrum Witechim-
di M. in Engern, illud renovari & interpo-
lari facit. 146

Cassari Fursenbergii posteritas. 298

Castellum ad Luppiam à Carolo M. conditum
quodnam? an Vechtelar, an Enkenburg arx
aitionis Schanenburgica, & non potius Boca
ad Luppiam? 140. 142

Castrum ad Luppiam à Carolo Magno extru-
ctum.

IN MONUMENTA PADERE.

<i>Elm.</i> 17. De eodem in Monumento Beca fufus.	140	Coloniens Archiepiscopo nulla iurisdiclio in Monte Martu. A. C. MCCXXVIII.	107
Castellum in Catts à Druso possum ad Rhenum.	2	Comitum nomen avo Carolino.	143
Castellum, urbs, aliquo loca commune sapius cum amne nomen habent.	3	Comes Arnbergensis Anceballator Westphalia inter Rbenum & Visurgim.	227
Castellani in Warburg.	163	Comites Lippienses beneficiarii seu Vasalli Episcoporum Paderbornensium.	47
Castrum Driborg adhuc stetit anno 1309. 192		Comitum Oldenburgicorum, à quibus originem trahit Baronum Fursenbergiorum familia, brevis genealogia.	276
Catts, nunc Hassi, Hassenes, Hessi, Aimoio Affi. 158. olim gens Suevorum. 157. partem diocesis Paderbornensis occupans. 158.		Conradus Comes de Arnberg diocesis Paderbornensem infestans, in praelio contra Bernardum Episcopum Paderbornensem occubuit.	228
Castorum virtutes, mores ac bella studia descripsit Corn. Tacit.	ibid.	Conradus Prior Provincialis Theutonicæ Ordinis Prædicatorum.	132
Cella S. Gearii adjudicata Prumia.	17	Corbeia ad Visurgim à Corbeia Gallica nomen accepit. 130. primum trans Visurgim construi coepit in silva Sollingensi. 126. deinde è Sollingæ ad Visurgim translata & constructa. 127.	
Chamarvi & Angrivarii in fines Bructerorum immigrarunt.	59	intra fines Diocesis Paderbornensis probatur jam olim constituta. 128. nutrit fuit olim Apostolicorum virorum fideique Doctorem.	
Cherusti utramque Visurgis ripam incoluerunt. 5. 23. eorum sedes ad Albim Claudiani avo. 36. virtutem suam in pugna adversus Varum præcipue exercere.	ibid.	129. Corbeienfes Monachi magnam olim Saxonia partem, Insulam Rugiam, aliasque Septentrionales gentes ad Christi fidem traxerunt. ibid. Corbeienfis diocesis status in spiritualibus & temporalibus. 136. Corbeienfes exemptionem obtinentes, jubet Alexander IV. PP. literas exemptionis proferre; sin minus, parere Episcopo Paderbornensi.	
Christophorus Bernardus Episcopus Monasteriensis & Corbeiensium Administrator Basilicam Corbeiensem collapsam restaurat ex fundamentis.	121	129. Corbeienfis Monasterii Rectores cum suis subiectis eximuntur ab expeditione militari. 114. Advocati libere eligendi jus accipiunt. ibid. Liti & coloni Abbatis Corbeienfis immunes ab omni judiciaria potestate.	
Chunradus Imp. retractat suo diplomate donationem Comitatus Dodiconis, imprudenter Archiepiscop. Moguniino factam, eumque restituit Ecclesiæ Paderborn.	161	114. Corbeienfes Rectores Eresburgensis Præpositura restaurant basilicam à Carolo M. ibidem olim constructam, sed pulvere nivato ab Hassis hoc saculo diriectam.	111
Cives Montis Martis agnoscunt Episcopum Paderbornensem suum in spiritualibus ordinarium superiorem, ejusque Archidiaconum.	105. 106	Cornelii Taciti Annalium lib. 5. priores Corbeia ad Visurgim reperti, & Leoni X. oblati.	79
Cives Sasenses juramentum præstitum perfide violant.	66	Crassana clades à Parthis illata.	29
Clades Variana à plurimis historicis celebrata. 22. proprius ejus locus. 24. Alifoni. vicinus.	23	Cunigundis Regina, Paderbornæ coronata à Wilhelmo Archiep. Mog.	183
Cleinenberga oppidum.	6		
Clovis Rex Francorum Cameraco positus ac Tornaco.	156		
Clotharii, & Dagoberti Francia Regum contra Saxones bellum.	73		
Collegium Herifensæ locum in monte Driburgensi concedit Virginius sacris, postea Gerdenam transfatus.	188. 189		
Coloniensis Archiepiscopi & C. Clivensis exercitus à Paderbornensibus fugatur & caditur, capti viri 420. equi 800.	65		

D.

Dapifer & Pincerna Episcop. Paderborn. 166
Decurſiones militares ad honorarios tumulos 62
Delbruggia ultima Bruſterorum ſedes. 58. 59.
inſignis Diœceſis Paderborn. pagus. 58. in-
acceſſis ſero incenſa paludibus. 64
Delbruggii injuriâ feroces & indomiti à Gry-
phandro dicti. 58. induſtri & militia apti.
ibid. viriliter hoſtibus ſeſe objiciunt. 64
Dellina amnis Diœceſis Paderb. vulgò Dalcke
hodie dictus. 49
Denari ſynodales. 108
Deſenberg inſignis ſitus, & opportunitas. 165.
quandonam primùm vaſtata. ibid. paruit
elim Carolo M. 164. in poteſtatem Henrici
Imp. venit. 165. conſenſu Episcop. Paderbor-
nen. & Abbatis Corbeienſis diruitur. 166. à
Spiegelii diu inhabitata. ibid. ejus ruina in-
dicant nullius ſtructure robur interitum eva-
dere. 167
Deſcriptio elegans Padere fontium. 184
Deſcriptio pompa quâ Carolus M. excepit Pa-
derborna Leonem Pontif. Max. 175. 176. &c.
Deſcriptio pralii inter Wilhelmum Episcopum
Paderbornenſem & Archiepiscop. Colonien-
ſem inſiti anno 1410. in Vicinia Delbruggie. 64
Detmoldia clade Variana celebris. 24
Diedenſille oppidulum, ejus ſitus. 40. 41
Dies Variana claudis inſignis. 35
Dimola fluvius limes Haſſia & Weſtphalia. 70.
Eresburgum & magnam Diœceſis Paderb.
partem perlabitur. In Viſurgim, haud procul
Heriſtallo ſe effundit. 104
Diploma Zueneboldi Regis. 45. Henrici Regis.
46. Wiboldi Abb. Corb. 105. Coſſ. Eresber-
genſium. ibid. Henrici Rom. Regis. 107. A-
lexandri PP. IV. 129. Ludovici Imp. 130.
131. Erponis Comititis in Padberg. 141. Do-
diſconis Comititis. 158. Henrici Imperatoris.
160. Conradi Imperatoris. 161. Simonis
Episc. Paderborn. 163. Bernardi Episc. Pa-
derborn. 165. Henrici Imp. 180. 181. Ber-
nardi Episc. Paderborn. 188. 189. Inmadi

Episcopi Paderborn. 198. Wenemari de Fur-
ſtenberg. 222. Henrici Regis. 224. Ottonis
Episcop. Monaſterien. 228. Ottonis Imperat.
235. Henrici Regis. 236. 237. Caroli Im-
perat. 263. Leopoldi I. Imperat. 273. Caroli
Magni Imp. 325. 327
Diploma S. Henrici, quo Comitatum Habolt
Meinwerco Episcopo Paderborn. donat. 46
Diploma ſeu Privilegium Caroli M. Imp. Ecclē-
ſia Oſnabrugenſi datum, ex autographo ex-
preſſum. 325. Ejusdem Caroli M. diploma
eidem Eccleſia conſeſſum ex autographo. 327
Diſpargum Cblogionis Francorum Regis ſedes. 196
Diſſidium inter Spiegelios, ob Deſenbergam or-
tum Simon Episcop. Paderbornen. componit. 166
Diehmarsen pagus Diœceſis Paderbornenſis
à Marſis nomen obtinuit. 37
Diverſe gentes in fedus & nomen Saxonum
conſeſſerunt. 92
Diviſio Parochia S. Othelrici in urbe Paderbor-
nenſi. 132
Diviſio ſedium Archidiaconalium in Diœceſi
Paderbornenſi auctoritate Sedis Apoſtolice
facta. 133
Dodico Comes, donat B. Meinwerco Comitatum
ſuum. 159
Dollartus lacus. 53
Driburgum olim dictum Iburgum. 187. 188
Driburgum, ſive Iburgum, præcipuum munu-
mentum Saxonum. 191. Inſtantiâ Leonis
PP. donatur à Carolo M. Eccleſia Paderbor-
nenſi. 192. Driburgi olim fuit Cænobium re-
ligioſarum virginum à Bernardo Episcopo
Paderbornenſi in Gerden tranſlatum. 188.
189
Driburgenſes aciculas eleganti carmine colo-
bravit Jo. Rotgerus Torckius Prapof. Min-
denſis &c. Anno 1671. 193
Druiſi in Sicambros irruptio. 5. ejus à Sicambris
periculum. ibid. per Rhenum L. caſtella diſ-
poſuit. 7. & 8. prope Aldenbecam pericula-
tur, à Viſurgi revertens. 71. Albim tranſire
parans oſtento revocatur. 73. ab Albi rever-
tentis mors. ibid. moritur inter Salum &
Rhenum. quis ille Sala ſtirpis ? ibid.

E. Eber-

E.

Eberhardus Marcanus hostili incurfione
Westphalia vexas. 280. *Werla* mœnia
 dejecit, *Furstenberg* à arce potitur. à *Siffrido*
Archiepiscopo Colonienſi eam ob causam bello
 fatigatur. 280. *Hoveſtadium* caſtrum inva-
 dit ac diruit. ibid.
Elſen pagus. 10. ejus appellatio olim varia.
 ibid.
Elſen ſive *Ileſen* familia equeſtris olim nomen.
 ibid.
Embda nobile in *Friſia* Emporium ad *Amiſſi*
oftium. 93
Engelbertus Comes *Marcanus* inſtaurata *Fur-*
ſtenbergam iterum evertit. 281
Enger vicus, ſedes olim *Wlodechindi* M. 145
Episcopatus à *Carolo* M. fundatus, & à cæteris
Imp. & Regibus nulli, avo *S. Heinrici* mul-
 tum attenuati, idè ſe *Meinwerco* Episcopo e-
 juſque Eccleſia tam liberalem eſſe ſaſetur.
 159
Episcopatus Paderbornenſis ſingulari Dei provi-
 dentia conſervatus, direptis extinctiſque ma-
 gnâ partem aliis *Saxonia* Episcopatibus.
 258
Episcopi armati caſtra ſequuntur. 77. & 78.
 ſuo ductu & milite contra paganos proſciſci
 ſoluti. 98
Episcopis an interdiktum intereſſe militariſ
 expeditionibus, & an iis pugnare permiſſum.
 95. Episcopo interdiktâ alienatio rerum Eccle-
 ſia ſua. 153
Episcopes *Saxonia* ob animarum regimen Prin-
 cipes caſi, *Ludovicus* Pius *Imp.* Principes
 effecit regni. 152
Epitaphium *Elifabetha Spiegel* ex *Precholtheim*,
 conjugis *Caspari* à *Furſtenberg*, *Archiatra*
pe *Westphalia*. 316. *Oſthilia* *Furſtenbergia*
Abbatiffa Heriſienſis & *Olinguſiana*. 317.
Friderici de *Furſtenberg* Canonici *Moguntini*.
 318. *Godefridi* de *Furſtenberg* Canonici
Moguntini. ibid. *Friderici* *Furſtenbergi* *Archiatra*
pe *Westphalia*, *Bilſemii*, & *Walden-*
burgi Dynaſte &c. 319. *Anne Catharina*
de Petra, conjugis *Friderici* lib. Baronis de
Furſtenberg. 320. *Friderici* lib. Baronis de

Furſtenberg, *Satrapa* in *Bilſtein*, *Waldenburg*
 & *Fredeburg* &c. 321. *Urfula* Baronis de
Furſtenberg *Decaniſſa Heriſienſis*. 322. *Theo-*
dori Adolphi Episcopi & Principis *Paderbor-*
nenſis, in adâ Cathedrali, è regione *Mauſolei*
Theodoriani ſepulti. 309. *Anna* à *Westphalen*
 conjugis *Friderici* de *Furſtenberg*. 315. *Fri-*
derici de *Furſtenberg* *Satrapa* in *Werla*, *Bil-*
ſtein & *Waldenburg*. 314. *Caspari* de *Fur-*
ſtenberg, *Archiatra* *Westphalia*, *Arens-*
berga in templo *Wedinghuſano* tumulati.
 313
Eresburgum ſive *Stadberg* ad *Dimolam*. 103.
celebreſano *Saxonum*. 110. *Eresburgi* Caſtri
 ſitus proprius designatus. 104. ejus varia
 appellatio & etymon. 103. *Eresburgum* cum
 tota *Saxonia* Deo & *S. Petro* à *Carolo* M.
 oblatum. 119. 116. *Eresburgi* frequens ſta-
 tio *Caroli* M. 104. *Eresburgi* idolum *Mar-*
tis, *Irmisul* dictum. hujus etymon explica-
 tum. 111. *Eresburgum* urbs poſt terna exci-
 dia, noſtrâ atate poſtremum paſſa à *Succis* &
Haffis. 109. & 118. *Eresburgenſes* cives ac-
 cuſati à *Scabinis*, non in ferro cendenti, ſui
 aliâ conſuetum, ſed manu duodecimâ pur-
 gationem præſtabunt. 105. *Eresburgenſes* ci-
 ves ex ſubjectâ villa *Horehuſen* in montem
 migrant. 105. 109. *jurisdictioni* Episcopi *Pa-*
derbornenſis ſe ſubtrahunt. ibid. eidem E-
 piſcipo certis conditionibus ſe ſubjiciunt, quoad
 jus diœceſanum. 105. 108. *Eresburgenſis*
 templi encomium. 119. ejusdem deſtructio
 barbara. 120. *Eresburgum* quando nomen
 mutavit. 107
Erfurtum à *D. Bonifacio* paganorum ruſtico-
 rum urbs appellata. 102. 103. 105
Erpo de *Padberg* Comes injurius in *Crucifixi*
 imaginem in *Horkuſen* divinitus puniſur.
 141. Vovet fundare Monasterium *Boca*.
 ibid.
Erneſtus Bertramovillius ſortiter *Paderbornam*
 defendit, & *Hafforum* obſidionem ſuſtinot.
 257
Errores variarum, in designando cladis *Varia-*
na loco. 22. *Errores* ſive opiniones de *Franco-*
rum origine. 83
Erygrus apud *Dionem* quâ fluvius. 74
Exempla Episcoporum qui expeditionibus mili-
 tariſ

taribus interfuerunt,	96
Exempla barbarorum hostium templis & rebus sacris parentium.	119
Exterensem siue Picarum rupes.	71

F.

F alsitas eorum recessa, qui nuper scribere ausi Carolus M. non undequaque sedi Apo- stolica Romana ejusque doctrina fidei adha- sisse.	99
Ferdinandi Bavari Episcopi Paderbornensis en- comium.	258
F ERDINANDUS à Furstenberg Episcopus & Princeps Paderbornensis, Coadjutor Mo- nasteriensis S. R. I. Princeps &c. 297. ejus laudes. 194. anno 1668. sopitus controversia, stabilis successionem Paderbornens. Eccles. in Comitatum Pyrmontanum.	199
Flesterpensis Monasterii Advocatia non sit here- ditaria.	142
Fluvii plures trecentis diœcesin Paderbornensem irrigant. 14. Fluvii præcipui diœcesis Pader- bornensis.	ibid.
Fons apud Smechtam hominibus innoxius, avi- bus exitialis. 247. Fontis molliti apud Smech- tanos virtutes. 246. Fons Padulus F ER- DINANDO Principi salutaris. 252. Fons apud Frisios noxius. 247. Fons Eresburgi impetratus Caroli M. precibus, ejus rei veri- tas excussa. 112. Fons resonus vernaculè Bullerborn, Bulderborn &c. dictus. 242. e- jus per intervalla fluxus. 243. Fontium mi- racula circa Paderbornam. 245. Fontes in Diœcesi Paderbornensi in modum fervidi abeni bullientes. 246. Fontium diversorum natura mirabilis. 248. Fontis Tulliani de- scriptio & inscriptio. 248. 289. Fontes, eo- rumque capita olim sacri. 18. Fontes olim sa- crificiis culti.	ibid.
Franci à Trojanis reliquiis originem non tra- hunt, neque ab exteris gentibus, neque ex Scandinavia, neque ex Franconia.	83
Francorum Regum vetus sedes Dispargum. ho- diernum potius Duisburgum censendum est fuisse, quàm Defenberg in Diœcesi Pader- bornensi.	156
Francorum virtus, & diffusum latè imperium.	

93. eorum nomen apud hist. Augusta scri- ptores tantum celebre post imperium Gallum.	82
Francorum Regum insignia primò eras. bufones, deinde Leones. postremò Lilia.	208
Francorum veterum virtus bellica.	126
Francica regionis flumina ab Apollinare reconsi- ta.	86
Francis familiare peregrina nomina nostris locis inferre.	101
Francorum adhuc gentium lex & poena in semporum violatores & incensores.	120
Franci è castro Defenberg resistunt infestisquo Saxones.	165
Francia vetus querenda est inter Rhenum Vi- surgim & Albiem, & cunprimis in Westpha- lia.	84
Francia quadrifariam divisa, in Transhebena- nam, Gallicanam minorem & majorem, & Franciam novam. 87. Francia veteris finis.	86
Frankon liberum hominem lingua Germanica sonat.	85
Francisca armorum genus Francis.	126
Franciscus Abbas Corbeiensis anno 1507. oppi- gnorat Archiepiscopo Colonienfi alteram me- dietatem montis Martis.	118
Franciscus Wilhelmus Furstenbergius Archi- commendator Ord. Tautomici per Westpha- liam &c.	297
Fridericus Archiepiscopus Colonienfis, & Adol- phus Comes Clivie hostiliter invadunt Del- bruggiam.	64
Friderici Furstenbergii dynasta in Bilslein & Waldenburg posteritas & liberi.	295
Fridericus Furstenberge Dominus conditor arcis Waterlappia. 278. ejus situs.	ibid.
Fridericus & Wenemarus fratres auctores Fur- stenbergiorum in Waterlapp, & Furstenberge nova.	283
Fridericus Furstenbergius S. R. I. liber Baro, ejus vita & gestorum brevis synopsis.	296
Fridericus de Brencken miles.	229
Frimersheim Dominium, confirmatur Abbacia Werthinensi à Zuenteboldo Rege.	45
Fulda nomen fluvii & oppidi.	3
Furstenbergica familia primordia generis debet armis & militia, progressum & incrementum.	

tum literis. 299
Furstenberg in *Waterlappia* & *Furstenberga*
 nova, iisdem trabibus utuntur in scuto genti-
 litio, sed Galea coromde distincta. 283
Furstenbergica familia deductio historica à Co-
 mitibus *Oldenburgicis*. 272. 275. Auctores
 qui id solidae probant. 273
Furstenbergici quorum illustre ab antiquo nomen
 & fama. 283
Furstenberg castrum sepe destructum ac repara-
 tum, denique desolatur. 277. 278. 281
Furstenberga vetus totius adversum Martem
 excidiaque experta deseritur à *Furstenber-*
gicis Dominis, novaque constituitur ad radi-
 ces montis. 283
Furstenbergii fœdus ineunt cum Archiepiscopo
Coloniensi ejusque sociis contra *Ludovicum*
Bavarum, 282
Furstenbergii Nobiles ex *Waterlapp* Monaste-
 rium *Bodense* incendunt, sed mox damnum
 illud resarciunt. 222

G.

Gaw, & *Borde*, quid Germanis. 143
Gerdense Monasterium Virginum prius in
 monte *Driburgensi* constructum fuit. 189
 Germani olim solum facile crebroque mutabant.
 200
Germanorum fortitudo & fides vindicata. 28. 29
Germanorum mos *Heroum* facta populari cantu
 celebrare. 78
Germanorum signa bellica, ferarum imagi-
 nes &c. 208
Germania & *Alemania* in pagos olim divisa,
 itemque *Helvetia*. 143
Germanicus *Caesar*, *Drusi* filium *Visurgim* transit.
 74. *caesarum* tlado *Varianâ* legionum reli-
 quias, in otumulo condidit. 62. in *Bructeris*
Drusi patri aram restituit. ibid. ejus de *Ten-*
dorige *Sicambrorum* Principe triumphus. 7.
Visurgim non sine periculo caedis accedit. 125
Cervilibus Episcopus *Moguntinus* patris sui
Geroldi iidem Episc. *Moguntini* interfec-
 tum, in medio *Visurgis* alveo interficit. 78
Godfridi *Henschemi* S. J. viri doctiss. de *Diesl-*
heimio & *Dispargo* opinio. 157
Godfridus ultimus Comes *Arnsbergensis* uni-
 cum conjugem suam Comitatum suum vendit
Ecclesiâ *Coloniensi*. 227

Godfridus *Wendelinus* *Ecclesiâ* *Tornacen.* Ca-
 non. & Officialis scripsit comment. ad Leg.
Salicam. 157
Gothi & *barbari* in parandis Catholicorum
 templis, & sacrorum spoliis moderatores,
 quam nostrâ aetate *Harcicorum* milites. 119.
 & 120
Graci *Romanique* tropæa figere soliti. 209
Gregorius II. PP. in epistola sua *Bructeros* *Bor-*
tharos appellavit. 59
Guilielmus *Furstenburgius* ex *Waterlapp* *Ordinis*
Teutonici in *Livonia* magnus Magister &
 Princeps inclitus. aetate jam gravis successore
 rem delegit *Gothardum de Ketteler*. 284. *Vel-*
linum arcem mutuatam sedem sibi constituit.
 in ea obsidetur à *Moschu*. in quorum potesta-
 tem venit, prodita à proprio milite arce.
 Principis dura captivitas, pietas, constantia
 in fide *Romano-Catholica*. 285. *Wolffgan-*
gus Princeps totius *Ordinis* *Teutonici* magnus
 Magister, Legatione ad *Moschorum* ducem
 missa *Guilielmum* redimere magna auri co-
 pia frustra conatur. Legatorum nomina &c.
 285. 286
Guntherus Comes *Swalenbergensis* & *Theodorus*
Baro *litterarius* de *Episcopatu* *Paderbornensi*
 contendunt. 281

H.

Hameko abbas S. Pauli *Paderborna*. 189
Harmesborg arx ab *Harminio* nomen ac-
 cepit. 200
Hassi inhabitans optimiori *Paderbornensis* *Dioeceseos*
 agro. 257
Hassicus miles *Uffseno* duce pulvere nitrato sub-
 vertit templum S. Petri in Monte *Martus* an-
 no 1646. 118
Hasbunarius & *Eaduradus* Episcopi *Paderbor-*
nenfes auctoritatem suam interponunt adifi-
 cationi *Corbeie*. 127. 128
S. Henricus Imp. confirmat suo diplomate dona-
 tionem Comitatus, B. *Meinwerco* à *Dolicone*
 factam. 161
Henrici Imp. diploma datum *Ecclesiâ* *Osn-*
brugensi. 237. ejusdem diploma *Paderbor-*
nenfi *Ecclesiâ* datum. 236
Henricus Auceps Rex *German.* *Werla* declinat
 furorem *Hungarorum*. 223. *Inducias* pacisci-
 tur. Tributum exacturos cadit. ibid.

<i>Henrici Regii diploma Hervordia datum.</i>	214	<i>Hunorum in Germaniam irruptiones.</i>	213
<i>Henricus Rex anno MCCXXVIII. adjudicat</i>		<i>Hunoldus à Plettenberg Miles.</i>	280
<i>Abbati Corbeienſi poſſiſſionem Montis Mar-</i>		<i>Huxaria ab anno Chriſti DCCCXXII. Corbeia</i>	
<i>tis contra Archiepiſcopum Colonienſem.</i>	107	<i>ſubjecta dono Imp.</i>	132
<i>Henricus Virneburgius Archiep. Colonienſis.</i>	281	<i>Huxaria una ſedium Archidiaconalium Dioce-</i>	
<i>Henrico Aucupe regnante, multa urbes condita</i>		<i>ceſis Paderbornenſis.</i>	131. 134
<i>ſeu munia.</i>	55	<i>Huxeri ſive Huxaria olim villa regia.</i>	130
<i>Henricus Paderbornenſis Epiſcopus à Friderico</i>			1.
<i>Colonienſi Archiep. Mareſcallus Weſtphalia</i>		I <i>ſtaviſſo campus ad Viſurgim, & prælii locus</i>	
<i>conſtitutus.</i>	217	<i>Germanico delectus.</i>	74.
<i>Henricus de Werlo Epiſc. Paderbornenſ.</i>	141	<i>Immunitates & juridiſſio omnium Epiſcopo-</i>	
<i>Henricus de Gerdenen fundator Monafterii Ger-</i>		<i>rum per Franciam & Saxoniam, una à Ca-</i>	
<i>denſis.</i>	189	<i>rolo M. Oſnabrugenſi data, agnoſcunt ab</i>	
<i>Heriſtallum Saxonicum frequens Caroli M. ſta-</i>		<i>Henrico Rege.</i>	235
<i>tio. 215. à caſtris Caroli M. hic poſitu no-</i>		<i>Imp. Romani in tutelam corporis ſui Germanos</i>	
<i>men accepit. 214. ab Heriſtallo Francico ap-</i>		<i>ſoliti adhibere.</i>	29.
<i>pellatum. 171. cum quo gloria ſamaque cer-</i>		<i>Imperii Romano-Germanici inſigne, aquila duc</i>	
<i>tant. 216. Heriſtalli designata à Carolo M.</i>		<i>concorporata. non una tantum biceps.</i>	32
<i>Sedes Epiſcopalis. cauſa huius facti. 215. diu</i>		<i>Inſcriptiones Theodoriana. Arcis Neubusana.</i>	
<i>fuit poſſeſſio Nobilium Falckenbergiorum.</i>		<i>300. Arcis Wewelsburgi. ibid. & 230. Heriſia</i>	
<i>216. à Theodoro Fuſtenbergio Epiſc. &</i>		<i>exornata. ibid. Academia Theodoriana. 301.</i>	
<i>Principe Paderbornenſi redimitur 17666.</i>		<i>Ferdinandea. Arcis & juridiſſionis Burana.</i>	
<i>arcis in uſum Eccleſia ſua.</i>	216	<i>302. Templi Parochialis in Tudorp. ibid. Aedis</i>	
<i>Heriſenſis Parthenonis fundatio, immunitas,</i>		<i>S. Michaelis Archangeli. ib. Templi Parochia-</i>	
<i>prædia.</i>	264	<i>lis in Corbeie. 303. Sacelli SS. Philippi & Ja-</i>	
<i>Hervordenſe Monafterium Virginum, una cum</i>		<i>cobi in monte Fuſtcrberg. ibid. Templi Paro-</i>	
<i>Unwani Epiſcopi Paderbornenſis conſilio ab</i>		<i>chialis in Obernkirchen. 304. Monafterii Bra-</i>	
<i>Henrico Rege reſtituitur præſcis bonis.</i>	214	<i>culenſis PP. Capucinerum. 305. Templi Mo-</i>	
<i>Hervordia & Corbeia intra juridiſſionem E-</i>		<i>naſteri in Graſſſchaffi ord. S. Benedicti exor-</i>	
<i>piſcopi Paderborn. 224. & 225. ab Hungaris</i>		<i>nati. ib. Templi in Clemenſberg reparati. 306.</i>	
<i>deſtruitur Hervordia.</i>	224	<i>Templi Buſtorffiani arâ maxima & porticu</i>	
<i>Hermannus de Loen Wiebholdi Archiepiſcopi Co-</i>		<i>exornati. ibid. Templi Parochialis Neubuſſi.</i>	
<i>lonienſis affinis.</i>	280	<i>307. Sacelli S. Philippi Neru. 308. Aedis S. A-</i>	
<i>Hermannus Abbas Corbeienſis medietatem</i>		<i>gathe V. & M. in Suldſſen. ibid. Canobii &</i>	
<i>Montis Martis oppugnavit Archiep. Colonienſi</i>		<i>Templi PP. Prædicatorum Warburgi reſtitu-</i>	
<i>anno 1230.</i>	118	<i>ti & ornati. 310. Templi S. Crucis exſtructi</i>	
<i>Hermingsburg arx prope Schier ab Arminio con-</i>		<i>in Alſenbeck. ibid. Sacelli S. Anna in Ame-</i>	
<i>ſtructa.</i>	201	<i>rungen. 311. Templi Parochialis in Lichte-</i>	
<i>Hildegardis Regina mors.</i>	43	<i>naw. ibid. Templi cum Monafterio PP. Fran-</i>	
<i>Hildegarii Archiepiſcopi Colonienſis eades, &</i>		<i>ciſc. ſtrictioris obſervantia, à fundamentis</i>	
<i>ſepultura.</i>	93. 94	<i>exſtructi Paderb. ibid. Nummus antiquus cum</i>	
<i>Hiſtoria fundationis monafterii Böldenſis.</i>	221	<i>inſcriptione Francia apud Spanheimium.</i>	85
<i>Hiſtorie monumenta cæteris prævalent.</i>	79	<i>Joannes Adolphus Fuſtenbergius Camerarius</i>	
<i>Honorarii tumuli inſtritus viris conſtituti.</i>	62	<i>& Canonice Paderbornenſis, Hildeſienſis,</i>	
<i>Horna oppidum Lippienſis Comitatus.</i>	71	<i>& Monafterienſis, Præpoſitus S. Crucis in</i>	
<i>S. Hülſſe ſacellum à Carol. M. in memoriam vi-</i>		<i>Hildesheim, Satrapa in Biſtein &c.</i>	297
<i>ſtoria de Saxonibus reporiata ſtrictum in</i>		<i>Joannes à Plettenberg Mareſcallus Weſtph.</i>	280
<i>monte Oſnezz.</i>	43	<i>Joannes Schnetzberg ex Bokendorp Paderb. dioceſ.</i>	

Regem Succie perimit. ejus facti indicia. 217
 Joannis Sporeku Comitus patria Deloruggia.
 ejus laus. 58
 Joannis Werthii laus. ibid.
 Jodute idolum Saxonum. 136
 Irminsula à Carolo M. destructa. 112
 Irminsula descriptio. 111
 Julinum & Wineta urbes olim ampla, vix nunc
 refugia sua monstrant. 55
 Jul. Caesaris in Cheruscos, Suevos, & Sicambros
 expeditio. 5. Jul. Caf. bis cum exercitu Rhe-
 nam transiit. 7
 Jurisdictio absoluta confirmatur Episcopo Pa-
 derbornensi ab Ottone Imp. & Henrico Rege.
 235. 236. 238. Jurisdictio Episcopi Pader-
 bornensis sacra, in subiectas Corbeienſi Ab-
 batia Parochias, pluribus argumentis vin-
 dicata. 128. Jurisdictio politica à Carolo M.
 data. Episcopus, ex diplomatu Osnabrugensis
 Ecclesia asseritur. 325. & 327

K.

K Nockenbecke & Rodenbecke rivis unde dicti. 24

L.

L Amboyus obsessam ab Hassis Paderbornam
 feliciter liberat. 258
 Lancastria Ducis in Bernssiam cum multo auro
 pramissus miles, prope fomes Luppia, à Joanne
 de Paulberg, Hwoldo à Plessenberg, & Comi-
 te de Retberg dispoliatur caditurque. 135
 Lano fl. non conveniunt, qua de Luppia in histo-
 ricis memorantur. 14
 Lapis altaris à Leone III. PP. consecratus, Deth-
 moldia sive Thietmalle Paderbornam à B.
 Meinwerco deportatus. 47
 Legio I. auxiliatrix à Sicambribus conflata. 6. Le-
 gio Romana quot millibus militum constituit. 33
 Leo III. PP. confirmat sedem Episcopalem Pa-
 derbornam, prædicat deinceps ab infestatione
 gentilium Ecclesiam immunem fore. 178.
 Leo III. PP. Paderborna in Ecclesia ibidem
 recens constructa consecras aliare. 178. Ec-
 clesiam in Saxonia dedicat, variaque loca
 peragrat. 117. quando Eresburgi fuerit. 116.
 & consecravit Basilicam Eresburgi à Caro-
 lo M. constructam. 113
 Leopoldus I. Austriacus Imperator Fursenber-

giam familiam, antiquitate, nobilitate, opi-
 bus, meritisque inclytam evehit ad dignita-
 tem gradumque liberorum S. R. Imp. Baro-
 num. 273

Lex Salica vetat spoliari Ecclesias, & Sancto-
 rum reliqua profanari. 120

Libera Episcopi Paderbornensis per Clerum ele-
 ctio confirmatur ab Ottone Imp. 235

Limes inter Sicambros & Catos. 6

Lipſpring arx nomen accepit à Luppia. 16

Lipſpringa oppidum diu conditum post arcem. ib.

Loco, quo olim Aliso stetit, nova arx, & domi-
 cilium Episcoporum Paderbornensium con-
 structum. 11

Lucanus correctus. 89

Lude varia appellatio. 198. Luda in litteris Im-
 madi Episcopi Paderbornensis nuncupatur
 Livithi. ibid. Ludam sive Lugdam à Carolo
 M. ad similitudinem Lugduni dictam fingit
 Pideritius. ibid. Luda primi domini fuere
 Comites de Hallermunds, deinde Domini de
 Homburg. 199

Ludovicus & Lotharius Augg. donant Mon-
 tem Martis Abbatia Corbeienſi. 113

Ludovicus Pius Imp. donat Corbeienſi Monasterio
 Huxeri, Eresburg & Meppiam Abbatia-
 las, aliaque pradia. 104. Ludovicus Pii Imp.
 encomium. 152

Ludovicus Imp. donat Corbeia jus mercatus
 publici, & moneta. 131

Ludovicus Imp. diplomate suo eximit Cor-
 beiam Saxoniam ab omni potestate judicaria,
 aliisque oneribus. 130

Ludovicus Rex concedit Abbati Corbeienſi jus
 publici mercatus in Monte Eresburgi sive
 Stadberg. 114

Luppia varium etymon. 14. qua loca alluat. ibid.
 celebris apud Historicos 15. 19. clade Vari-
 na inclauit. 29. Oritur in diocesi Paderbor-
 nensi sub Lipſpringa castro. 15. prope Wisa-
 liam Rheno miscetur. ibid. ejus aquis Saxones
 baptizati. 18

M.

Magna flumina à modicis fontibus originem
 ducunt. 54

S. Magni Martyris templum in Horhusen. 141

Mallus, sive mallum idem quod judicium, sive
 placitum. 45

<i>Malovendus Dux Marforum.</i>	37	<i>Monumentum Acidula Driburgensis. ib. Acidula</i>	
<i>Marathonis campi Persarum caele nobiles.</i>	209	<i>Smethiana. 261. Alifonis. 1. fontium Amisii.</i>	
<i>Marcalo locus ad Visurgim ubi Saxones olim</i>		<i>§ 1. Boca ad Luppian. 139. Brunisberga prepe</i>	
<i>conveniebant.</i>	143	<i>Huxariam. 123. Gladu Variam. 21. Delbrug-</i>	
<i>Marci Reguli fides laudata.</i>	66	<i>gia. § 7. Desenberg. 155. Driburgi. 187. Eres-</i>	
<i>Marfi eorum sedes, virtus bellica.</i>	37	<i>burgi vel Montis Martis. 102. Heristalli Saxo-</i>	
<i>Matthiaci fontes, nunc Wysbadenses dicti.</i>	245	<i>nici. 213. Luda ad Ambram. 197. Luppia fon-</i>	
<i>Mauritius Falkenbergius frater Theoderici, in</i>		<i>tium. 13. Oldenburga in monte Furstenberg,</i>	
<i>prelio ad Lutzam primus Regem Suecia ex</i>		<i>prima Baronum de Furstenberg in Westphalia</i>	
<i>equo dejecit.</i>	217	<i>ad Ruram sedis. 271. Padera fontium. 168.</i>	
<i>Mausoleum Theodori Episcopi & Principis Pader-</i>		<i>Paduli fontis prepe Neuhusium. 251. Rheina</i>	
<i>bornensis in ade Cathedrali.</i>	312	<i>ad confluentes Warne & Visurgis. 81. Refoni</i>	
<i>S. Meinolphus Archidiaconus Ecclesia Pader-</i>		<i>fontis. 241. Senda deserti. 233. Teutobur-</i>	
<i>bornensis fundator Monasterii Bodecensis. 220</i>		<i>giiensis Saltus. 39. Visurgis. 69. Wevelsburgi.</i>	
<i>Memwicus Episcopus Paderbornensis dedicat</i>			219
<i>Herivordia basilicam S. Maria que vocatur</i>		<i>Monumentum in lapide marmoreo Snellenberga</i>	
<i>ad crucem, in sua diocesi sitam.</i>	225	<i>conspicuum.</i>	301
<i>Mendena Furstenberga arcis vicinum oppidum</i>		<i>Monumentum Wideckindeum, ut nunc est, gra-</i>	
<i>bello Westphalico diripitur ac vastatur, quin</i>		<i>phice representatum.</i>	147. 148
<i>& ipsa Furstenberga Marcano Comitatus in-</i>		<i>Mors infelix Friderici Comitis Arnsbergensis</i>	
<i>festis solo equatur.</i>	283	<i>vexatoris Episcoporum & religiosorum. 226</i>	
<i>Merovingi Francorum Reges à Sicambriis orti.</i>	7		N.
<i>Militaria tropæa in campo Marathonis.</i>	209	<i>N</i> <i>Ecce non conveniunt, quæ de Luppia mo-</i>	
<i>Mindam Carolus M. venit Heristallo.</i>	215	<i>morantur in historicis.</i>	14
<i>Ministeriales Vasalli Episcopi Paderb.</i>	164	<i>Nebemium oppidum evertitur.</i>	279
<i>Monasterii Eltorp origo in Comitatu Waldecen-</i>		<i>Nero Drusus hyberna ad Luppian habuit.</i>	16
<i>sis. 141. Comitor idem Comes de Patberg, qui</i>		<i>Neuhusane arcis inscriptio.</i>	254
<i>Bocensis Cœnobii.</i>	ibid.	<i>Neuhusium domicilium Episcoporum & Princi-</i>	
<i>Monasterium Bodecense Canonicarum Virginum</i>		<i>pum Paderbornensium. 252. illo ipso loco si-</i>	
<i>translatum ab Episcopo Paderbornensi ad Ca-</i>		<i>tium ubi olim Alifonem castellum Drusius con-</i>	
<i>nonicos Regulares.</i>	223	<i>tra Sicambros exstruxit. ibid. à Vrangelio</i>	
<i>Monasterium in Groninga & Kemnade Cor-</i>		<i>expugnatur, unâ cum urbe Paderbornâ Hassis</i>	
<i>beiensibus perpetuo addicitur.</i>	116	<i>traditur, horum de subruendo Neuhusio com-</i>	
<i>Mons Eresburg cum tota Saxonia Deo olatus.</i>		<i>silia improbat & intervertit Vrangeliu. 256.</i>	
<i>115. 117. Fratribus ibi adunatis à Caro-</i>		<i>pignoris loco retinetur ab Hassis.</i>	257
<i>lo M. donatur ab omni humana potestate li-</i>		<i>Nicotiana herba maritimi populi medicinalis.</i>	
<i>ber. 116. attributis eidem decimis circum-</i>			247
<i>quaque ad duas Rastlas Saxonicas.</i>	ibid.	<i>Nili fontes occulit, cur Nilus à tenebris fluere di-</i>	
<i>Mons Himmorum.</i>	41	<i>ctus.</i>	18
<i>Mons Lulli.</i>	ibid.	<i>Nimia que sit ad Visurgim, quo loco convetus</i>	
<i>Mons Martis seu Eresburgum cessit Archiepisco-</i>		<i>Saxonum habitus.</i>	94
<i>po Coloniensi, ex contractu duorum Abbatum</i>		<i>Nobilium de Keiteler sedes Sichen.</i>	100
<i>Corbeiensium.</i>	118	<i>Nordludi trans Albiu populi.</i>	215
<i>Monumentum à monendo dictum. 167. Monu-</i>			O.
<i>menta ingenii sola æterna. ibid. Monumenta</i>		<i>O</i> <i>ldenburga Furstenbergiorum Baronum</i>	
<i>sepulchrorum secundum viam locari solita.</i>		<i>prima sedes unde dicta. 272. ejus situs.</i>	
<i>ibid. Monumentis literarum loca celebra so-</i>		<i>antiquitas, munitiones.</i>	ibid.
<i>lùm æternari.</i>	ibid.	<i>Optimus Dei cultus, optimis animis.</i>	121

Ordinatio Commissariorum Apostolicorum de obedientiis, & prabendis Vacantibus in Ecclesia Paderbornensi.	135. 136
Osnegge montis situs.	43. 48
Othila Furstenbergia Abbatissa Herisfensis & Olinghusana.	294
Ottonis Imp. diploma datum Ecclesia Paderbornensi, in quo desertum Senia Sinede nuncupatur.	235
Otto III. Imp. Wildeshusii majorum suorum monumenta inspicit.	149
Otto Episcopus Neubussum restaurat. 254. & post eum alii deinceps Episcopi aliis atque aliis aedificiis ornant. Theod. denique Furstenbergius ingenti sumptu magnifice exadificat. 254	
Otto Episcopus Monasteriensis. Itemque Otto Episcopus Paderbornensis.	218
Otto Rubergius Episcopus Monasteriensis.	280
Otto Cardinalis legatus Sedis Apostol.	132

P.

PADERA, aliàs Patra, Pather, Pater, dictus, & vulgò Pader. 169. Padera in ipsa Paderbornensi urbe pluribus fontibus scaturit. 169. ejus descriptio. 170. nomen secundum nonnullos derivatur à Pado Italia flumine. ib. Paderborna nomen verustum. 171. 172. à fonte Padera ductum. 136. 171. diversa olim ejus appellatio. 169. encomium. 185. Regalis Sedes dicta. 179. plurium Imperator. & Regum, Ottonum, Henricorum, Conradi, Friderici, Caroli IV. grata frequensque statio. 181. 182. 183. à Ludovico Pio frequentata, ibidem comitia placitaque ab eodem habita, legati ausili, &c. 179. in Synodo Paderborna à Carolo M. contra baptizantur Saxones. 174. Paderborna eripitur Hassis, qui cum subsidio Suevico frustra illam rursus interciperere conantur. 257. Paderborna magnum docus à Padera in ipsa surgentis fontibus. 170. Paderbornenses cives sironie contra Colonensem militem agunt. 65. Ottom Episcopo bellum inferunt, Neubussum succentur, munitiones subruunt. 253. Padi similitudo aliqua cum Padera. 170. 171. Pagi quando in Ducatus & Comitatus transierunt. 143. Pagi Varii sive reginuncle diocesis Paderb. ibid. Pagorum situs per nomina Comitatum designa-

batur olim, exempla ejus rei varia. 143. 144. Pagus Hushago ad Ambram. 100. Pagus erat olim major vel minor tractus, vel pars regionis. 143. Pather in voce Paderborna, unde tractum. 172. Pax Burgenfis. 166. Pernicies allata Ecclesia Paderbornensi à cooptione potentioris Principis, 206. C. Philippus à Ketteler Decanus, J. Wilhelmus & J. Henricus Barones de Sintzig, Canonici Paderbornenses præservant Lippfringam arcem & opidum ab excidio Suevico. 16. Pipins expeditio in Saxones. 93. Pontes Aggeresque quibus militares via olim strata. 23. 60. & 62. Populi inter Visurgim & Rhenum olim celebres. 144. Prabenda Canonicales majores in Cathedrali Ecclesia Paderbor. xxiv. & sex minores. 135. Propositura Montis Martii exempta declaratur ab Episcopo Paderbornensi. 108. Principatus, & bonorum Principum encomia. 149. 150.

Privilegium Leonis III. PP. datum Eresburg. in dedicatione Basilica à se consecrata. 115. Præfati arcebat olim à lucis & fontibus suis Christianos. 18. Prolemaus primus Saxonum meminit. 89. Pugna rixæque graves orta Paderborna in coronatione Reginae Cunigundis. 183. Purgatorium Westphalorum. 41. Pyrmontani fontes celebrantur ac frequentantur à Principibus viris. 202. horum encomium ac virtutes. 203.

Q.

Quinam Germanici nomen, à Germanis de bellatis assumptum. 61. Quinilianus, Aconius, Silius Ital. aliqui auctores Germani vitam debent. 79.

R.

Rema ad Visurgim à Rhemis Gallia dicta. 171. Roma à Carolo M. templum conditum. 101. Rimi, Rimia, alterque olim ducta. 23. Res Ecclesie patrimonii pauperum. 153. Rethartus Episcopus Paderbornensis. 236. 237. Rhemus Imperii Romani limes. 2. 34. Roma à parva unitis in immensam crevit potentiam.

tentiam.	54	Scharfah & Sas noriaculam olim Saxonibus significabant.	126
Roma Schola Saxonum instituta.	118	Scelerata castra unde dicta.	73
Romani in Germania multas urbes & oppida condiderunt, in quibus hiberna, farum & congressus cum barbaris habuerunt, nisi horum nulla amplius mentio apud historicos.	8	Schidroburgi simulata primum à Carolo M. sedes Episcopalis, post varias translationes tandem ab Ottone M. Magdeburgi confirmatur.	102
Romani soliti sunt victas gentes in alias oras deportare.	210	Schidroburgum castrum Saxonum, ad Ambram fluxum.	101
Romanorum praesidia Claudius Caesar cis Rhenum referri iussit.	11. 74	Schira pradium Blombergenfis Monasterii in profano usus conversum.	102
S.		Sclamasaxi gladioli Saxonum.	126
Sachs cultelli Saxonum.	125	Seyre Saxonibus olim quod pagus, vel districtus alicujus regimuncle.	143
Sacellum in vertice montis Furstenberg à FERDINANDO Episcopo ac Principe Paderbornensi &c. restitutum.	272	Senda deserti varia in antiquis diplomatis appellatio. 235. ejus amplitudo.	234
Sacellum divini auxilii S. Hülffe non solum prope Diepholdiam, sed etiam prope Dethmoldiam à Carolo M. structum.	44	Sepulchrum primum Episcoporum Paderb. restauratum in Crypta adis Cathedralis.	307
Salus Teutoburgensis.	24	Sicamborum prima sedes. 5. Sicambri in diocesi Paderbornensi habitantes, cum Drusus Alifonem castellum munit.	6. finitimi Cheruscis olim, ubi nunc Dethmoldia. 41. eorumdem ad Ruram sedes. 5. in Galliam translati. 6. eorum pars aliqua nunc in antiquis sedibus relicta. ibid. 7. Caesaris castra in Eburonum finibus oppugnata. 5. infestissimi Romani nominis hostes. 4. à Claudiano & Apollinari Franci vocati sunt Sicambri. 85. Sicamborum virtus militaris. 4. Sicamborum legio. 5. Sicambra cohors. ibid.
Saltz ad Salam, locus confecti belli Saxonici.	47	Siffridus Episcopus Paderb. fere suppetias Wido-kingo Abbati Corbeienfi contra Nobiles de Amelungsen & Comitem de Waldeck impeditores instaurationem Arcis Brunshergae.	114
Sanctorum reliquia in castris asservari, & cum exercitu circumduci solita.	98	Siegburch castrum Rura immanens.	191
Sassen idem quod casariam radere.	126	Signa vellere quid?	8
Saxonia tota in Westphalia, Angaria & Ostphalia olim divisa. 144. item in pagos complures.	142	Sintfeld campus celebris apud Historicos.	206.
Saxonum nomen unde ductum. 92. Saxonum origo à variis varia assignata, ut plurimum perperam.	88	fuit olim cultior & fertilior.	ibid.
Saxones primi in Cimbrica Chersoneso, ubi nunc Holsatia est, sedem habuerunt. 89. antiquorum Saxonum sedes cis & ultra Visurgim. 91. Saxones indigena sunt Germani. 89. 90. à Salsis dicti. 126. Saxones Franci tributarii. 100. In campo Sintfeld se dedunt Carolo M. 108. Ad Thiermallum & Hasam à Carolo M. victi. 42. & 43. Juxta Brunshergam Carolum prohibere conati transitu Visurgis. 125. Veterum Saxonum carmina barbara. 78. piraticam olim exercere. 89. eorum in acie habitus, arma. 125. Saxones qui longitudinem spathe excedebant occisi à Francis. 76. tributii loco 500. vaccae Francis dare annuatim iussi. 100. infesti olim Hassis, conantur Fridislaria incendere templum Christianorum. 157. Saxonum superstitione in cultu fontium.	15	Simon Episcopus Paderbornen. concedit civibus novi oppidi Warburgensis facultatem illud muniendi.	163
Seculum hoc Magnis Urbibus fatale.	255	Slangius ductor Suecorum ab Hatzveldio Cesareano duce caditur ad fontes Luppia.	234
		Sophia Abbatisa Gandersheimensis benedicatur Paderborna.	183
		Spatha aut bipennes Franci olim in usu.	126
		Stamentum Synodale Caroli M. de Episcoporum expeditionibus in hostem.	96. 97
		Stemma Baronum Furstenbergiorum in Waterlapp.	

IN MONUMENTA PADERE.

Lapp, Smellenberg, Furstenberg &c.	287
Strika Lippa.	171
Stakenbroek pagna diocesfis Paderb.	49
Suor. Chruscius & Cartus confines.	73
Suffridi Petri de nomine Saxamnia opinio reje-	
cta.	91

T.

T Actus Imp. Corn. Taciti historiarum li-
bros per singulos annos decet exhiberi
jussit, & in bibliotheca reponi. 79
Taufhaus templum. 137
Teudericum Prolonus num. j. Paderborna. 136
Teutenberg Romanâ clade inclitus. 28
Teutemeyer. 40
Teutoburgium verus, Dethmoldia posinedium
dictum, ejus etymon. 40
Teutoburgiensis saltus per quas ditiores so porri-
gas. 41. 242. ubi proprio gaudentes. 40.
Teutoburgiensis prope saltum trunus casa-
rum legionum ossa insculpta. 42
Tentoni Montes in extremis Brucheronum. 41
Theodoricus Hunonis & Conradi Comitum Ol-
denburgicorum frater, conditor familia Fur-
stenbergica. 276. fratrem sibi legit ad Ruram
ibid. Oldenburgum arcem exstruit. ibid. Hu-
jus passari abaleis sensus simulacris Comitibus Ol-
denburgici atque Alvestebani, & à vetu-
sto Montis habitas vocabulo, Dominorum de
Furstenberg cognomen affluunt. 277
Theodoricus Archiepisc. Coloniensis clam impa-
trat à Martino V. P.P. litteras unicus, quibus
Episcopatum Paderb. conjungere voluit Colo-
niensis. sed haec infans Eugenius IV. P.P. 206
Theodorus Furstenbergius Episcopus & Princeps
Paderbornensis. ejus oncomium. 294. recepe-
rat arcem Wewelsburg 36000 Imperialibus
nummis. 230
Theodorus Adolphus de Reck Episcopus & Prin-
ceps Paderbornensis Wewelsburgam ex parte
reparat. Sacellum ibidem restituit. 231
Theodorus Casparus Furstenbergius Canonicus
Senior Moguntinus, Spirensis, & ad S. Alba-
num Moguntiae. 297
Theodorus Falkenbergius Gussiavi Adolphus Sue-
ciae Regis aulae Marefcallus. 217
Thietmalle, quid sonet lingua Thuidisca. 47
Thietmalle arverij modo olim scriptum. 42
Thietmalle unde dictum. 40. à loco placiti seu

judicii.	46
Thietmarus Bernardi Saxonie Ducis frater ob Hervordiam dispolatam uxoremque, mul- tatum à B. Meinwercio Episcopo.	225
Tiberis, Draugi fratris expeditio contra Canis- as, Attuarios, Bruderos.	73
Triumphus Romæ de Sicambriis actus.	6
Tropæi Caroli M. in campo Sintfeld.	205
Tumularii sive Reseni fontis descriptio.	242
243. &c. miraculum illius nunc cessat.	244
Tungenses Plinii fontis foris modernus sine Spa- danti.	245

Y.

Vasca inferendales mudo diffia. 100
 Vallis Offenthal. 49
 Vandalis & Burgundionis à Probo victi, & in
 Britanniam deportati. 211. Franci etiam à
 Constantino in Gallias. ibid.
 Varus cum legionib. non procul Alifone casus. 23.
 circumventus à Germanis & casus. 23.
 Q. Varus cum 3. legionib. casus. 9. Dies Va-
 riana cladis cur incerta. 35. Diversis locis
 Varus casus, pugna in iriduum producta.
 Duce Arminio. 35. Magnitudo cladis Varia-
 nae expensa. 32. Varus sibi ipsi manus in-
 fert. 24. ejus cadaver effusum & sanguinem
 laceratur. 29. mores ejus Germanis inuisi.
 26. natales & mores: avaritia & super-
 bia. 25. securitas & fiducia inuisa reprohen-
 sa. 26
 Varienberg. Vari montes, Varimbolsum, Varien-
 gium, Varendorpium à Vario nomen putatur
 duxisse. de Jo. Conrardo de varimbolsum 27
 Vasta loca qua dicuntur. 41
 Vodegans arx. 94
 Vechtelar arx an à Carolo M. ad Lappium con-
 structa. de Jo. Conrardo de vechtelar 140
 Vilur locus necis Hildegarii Archiep. Col. idem
 Driburg & Viberg. & castrum Wisberg. 94
 Viatorem compellantis formula. 41
 Vici & Castrì Engern exitium. 146
 Vici Engern situs, antiquitas, varia Dominorum
 mutatio. ibid.
 Vici & Schola Saxonum Roma, Carolo M. &
 Leone III. Pontif. 118
 Villa Saxonica quam in maximas excreve-
 rint testes. 55
 Visurgu fluvii varia appellatio. 70. clade Varia-

INDEX IN MONUMENTA PADERB.

na quare nobilis. 124. Francorum armis in-
clartit. 74. augetur fluvius, Dimola, Beve-
ra, Neitha, Grova, Scelpa, Saumer, Em-
mer, Luter, Alpha, Wehrna, Begha. 70. 71.
Visurgim quoque accesserunt Impp. Maxi-
mus, Probus, Diocletianus & Constantinus. 74
Ursprung vicus dioecesis Paderbornensis. 16
Urbes Episcopales in Saxonia qua. 55. Urbes E-
piscopales opibus aucta, Dominis suis mox
graves, isdem migrandi alio necessitatem im-
posuerunt. 55. Urbes amplas quid in ruinam
praecipites. 55. Urbium magnarum fata &
excidia. ibid. Urbium olim celebrium occa-
sus. ibid. Ursumina sic urbes, cum maxime
excreverint, occidunt. 54

W.

W Alburgis prima Herisensis Paderbornensis
Antistes. 264
Walramus Fuliacus Archiepiscopus Colon. successor
Henrici, alienatur a Ludovico Casare. 282.
inimicitias suscipit cum Godofredo Arnsber-
gensis & Adolpho Marcano Comitibus, qui-
bus tamen conciliatur, Wilhelmo Fuliacensis
& Adolpho Montensis Comitum opera. 282
Warburgum ad Dimolam. 158. & seqq. situm
olim in Comitatu Dadiconis. 159
Warna fluvius Visurgi miscetur ad pagum Re-
men in Comitatu Ravensburgico. 87
Wartbergum, quasi montis specula dictum. 159
Wenemarus de Furstenberg certis conditionibus
cum Henrico Spingelio Episcopo Paderb. trans-
igit, datis securitatis literis. 222. Wenemarus
Furstenbergius a Friderico Col. Archiepiscopo con-
stitutus summus militaria praefectus, & Arns-
bergensis provincia Supremus Satrapa. 227
Wermodus Archiepiscopus Treverensis. 27
Werthinenfis Abbatia libertas a telonio in Rheino

fluvio.

45

Wewelsburgum arx in dioecesi Paderbornensi co-
gnominis item locus in Helvetiis. 220. Ham-
norum prima irruptione constructum, vetu-
state deinde collapsum, instauratur a Frideri-
co Comite Arnsbergio, qui ibidem S. Norbertum
desinebat. 226. post Comes Arnsber-
gensis, Dominos accipit Waldenses, a quibus
ad Ecclesiam Paderbornensem transiit. 229.
oppignoratur Friderico de Brecken Militi.
ibid. rursum oppignoratur Dominis de Bu-
ren. ibid. a Suevis expugnatur, vastatur &
exurit. 231
Widichindus rebellis. 18. Widichindus M. quo
anno obierit. 146. Widichindi cineres Horu-
dia nunc servantur, monstrantur quoque. 149.
Widichindi reliquia non fuisse unquam Pa-
derbornam translata. 149. ibid.
Widokindus Abbas Corb. 124. Vidokindi Corb.
opinio de Saxonum origine rejecta. 88
Wilhelmus Furstenbergius Coepiscopus Treveren-
sis, Praepositus Monasteriensis, Canonicus Sa-
lisburgensis, Paderbornensis & Leodiensis
&c. Camerarius intus Clem. X. 297
Winsfeld & Simsfeld male confunduntur: nonnulli
cum deserto Sunda. 234. Winsfeld campus
prope Hornam Westphalia oppidulum victoria
cognomine insignis. 28. Winsfeld, idem sonat
quod campus Victoria. 209
Winnenberg a Victoria Caroli M in campo Simt-
feld reportata nomen accepit. 208.
Y.
Y Erog tertia sedes Archiepiscopatus Episcopa-
tus Paderbornensis. 134
Z.
Z Urmiboldus Rex privilegium das Abbatia
Werthinenfis ad Ruraro. 45

ERRATA TYPOGRAPHICA.

In praefat. Auct. in margine lege, Wernerus. pag. 2. l. 1. leg. Aliso. p. 13. l. 9. leg. hospes. &c. olim. p. 32.
l. 25. leg. Antonina. ibid. l. 28. leg. pax ex extitabilis p. 49. l. penult. pro Teutoburg infra saltum, leg. Teuto-
burgienlem saltum. p. 55. l. 20. leg. Bardev. p. 74. l. 15. leg. initum. p. 86. l. 26. leg. indium. p. 89.
l. 20. leg. Gauuonim. p. 113. l. 23. leg. confocuto. ibid. l. 26. leg. coronarit. p. 125. l. 14. leg. ibidem.
p. 128. l. 17. leg. Corbelensium. p. 176. l. 26. leg. videt. p. 230. l. 19. pro Joannes Horion. leg.
Fridericus Rorigh, S. J. p. 234. l. 1. expunre numerum ante vocem Desertos. p. 265. l. ult. leg. Lustineus.
p. 282. l. 25. leg. consulat p. 296. l. 14. leg. Liber Baro. In indice, l. 1. A. column. 3. l. 26. leg. Paderbornensi-
coend. l. 1. D. col. 2. l. leg. Paderborn.

Q. 474.







REVERENDISSIMO CELSISSIMOQUE
P R I N C I P I
F E R D I N A N D O,
EPISCOPO PADERBORNENSI,
COADJUTORI MONASTERIENSI,
S. R. I. P R I N C I P I,
COMITI PYRMONTANO ET LIB.
BARONI DE FURSTENBERG,

*Christianus Theodorus à Plettenberg ex Lenhausen,
Canonicus Hildesienfis gloriam & felicitatem.*



ANEGYRIN, Celsissime
Princeps, quam Joannes
Horrión è Societate Jesu
vir doctissimus Theodo-
ro Episcopo & Principi
Paderbornensi, magno
patruo Tuo dedicavit, elegantiori nunc

E P I S T O L A

typo , multisque munditiis ornatam & expolitam Tibi sisto, gravibusque de causis eam Tuis potissimum auspiciis denuò in publicum produco , atque per omnes Germaniæ nostræ, imò totius Europæ vel potius orbis terrarum regiones atque provincias ostento. Etenim non solum genius meus tot nominibus Tibi obstrictus atque mancipatus hoc mihi suadet & imperat , sed etiam summâ virtute atque doctrinâ clarissimorum & immortalium virorum, Leonis Allatii, Lucæ Holstenii, Rottendorffii, utriusque Grønovii, Wallii, Masenii, Heinsii, Holtermanni, Corvini & aliorum , qui suis operibus quantumvis luculentis semperque victuris æternum nomen Tuum præscribendum esse censuerunt , gravissima auctoritas , & heroicâ indole , virtute ac eruditione Tuâ subnixum iudicium ad idipsum

DEDICATORIA.

ipsum me excitat & impellit. Viderunt enim viri illi sapientissimi, totaque Respublica literaria intelligit, neminem hac tempestate sacri Romani Imperii Principem esse, qui optimarum literarum studia, virosque summis ingeniis exquisitâque doctrinâ præditos magis amet, & in sinu atque deliciis habeat, eorumque lucubrationes ad confluentes Luppia & Alifonis velut ad Permessidos undas devolantes, majori comitate excipiat, quàm Episcopum & Principem Paderbornensem. Quam quidem longè amplissimam laudem ac gloriam tuam etsi livor & obtrectatio conetur arrodere; maximorum tamen Imperatorum ac Principum, Julii Cæsaris, Augusti, Vespasiani, Trajani, Adriani, Antonini, M. Aurelii, Caroli M. Ludovici Pii, Friderici I. Maximiliani I. aliorumque laudatissima

E P I S T O L A

exempla præclarè tuentur, qui doctissi-
 mos ævi sui viros, Sallustium, Titum
 Livium, Athenodorum, Josephum, Plu-
 tarchum, Arrianum, Suetonium, Corne-
 lium Tacitum, utrumque Plinium, Egin-
 hardum, Paulum Warnefridum, Ot-
 tonem Frisingensem, Cuspinianum, Sta-
 bium, Pyrcamerum, aliosque historia-
 rum & antiquitatum scriptores eximiâ
 benevolentia sunt complexi. Quamvis
 autem hæc erga bonas literas egregia vo-
 luntas in principibus viris clara semper æ-
 ternaque sit habita, ea tamen in Te mul-
 tò pulchrior enitescit, quia Tu ipse es o-
 mni liberali doctrinâ politissimus, quam
 assiduâ exercitatione & continuis ab in-
 eunte ætate laboribus atque vigiliis Tibi
 comparasti. Nullum est enim illustrium
 disciplinarum genus, in quo non sis dili-
 gentissimè versatus, ita ut novem Musæ
in

DEDICATORIA.

in Te uno bonis artibus universis erudiendo atque exornando certatim omnes industriæ suæ nervos contendisse videantur. Testem volo non tantum Germaniam nostram, sed etiam Italiam, & imprimis urbem Romam, ubi exquisitissimâ eruditione Tuâ non solum imi subsellii viros, sed etiam majorum gentium Præsules, Principes, Cardinales, ipsum denique summum Pontificem Alexandrum VII, quantum erat hominum literatorum literatissimum, adeo Tibi devinxisti, ut inter primores cubiculi Pontificii ministros allectum familiarissimè Te semper adhibuerit, & quidquid ex immensis supremi imperii curis & occupationibus vacui se temporis obtulit, id Tuæ potissimum consuetudini, ac suavissimis de re literaria sermonibus impenderit. Plura dicerem, nisi vererer grave

ve

E P I S T O L A

ve fore modestiæ Tuæ, omnia quæ in Te sunt virtutis & industriæ ornamenta ab illaudato cliente prolixè laudari. Et certè quid opus est in illa celebritate nominis Tui, & vulgata eruditionis fama multa adferre in medium? Sunt in manibus divini ingenii tui monumenta, quæ omnis æternitas intuebitur, quibus nobilitati Germanicæ ostendisti, *nullam in universo mundo posse esse fortunam, quam literarum non augeat gloriosa notitia.* Ideò quicquid usquam est hominum eruditorum ad Tui nominis venerationem provocasti. Quid enim (ut nihil dicam de carminibus Tuis, quæ ad veterum Poëtarum acumen, & Latini sermonis nitorem ac elegantiam proximè accedunt) MONUMENTIS TUIS PADERBORNENSIBUS, ob reconditam eruditionem & quandam incredibilem varietatem rerum & copiam, atque sua-

Cassiod.
lib. 10.
Var. E-
pist. 3.

D E D I C A T O R I A.

suavitatem orationis admirabilius ? quid limatius ? quid venustius ? ut nullum supersit antiquitatis monumentum , quod invicta tua sedulitas & sagax industria non deprehenderit ? Quamobrem sapientissimo summorum virorum judicio nullum illustrius in diœcesin tuam à te beneficium potuit proficisci , quàm quòd hætenus latentes nobisque incognitas tot antiquitates ab oblivione perpetua vindicasti. *Cum enim omnibus illis , qui civitates vel populos imperio suo subjunctos habent , summo studio summâque curâ in id incumbendum sit , ut suæ gentis & nationis res gestas , bella , fœdera , pacta , leges & mores teneant.* Id à Te, Princeps Celsissime , tantò majori cum gloria perfectum est , quantò graviores eâ gratiâ labores suscepisti atque exantlasti. Erit itaque hoc monumentum nomini tuo perpetuum , quod nullus iniquioris fortunæ

Nicolaus
Cisnerus.
J. C. in
præfat. in
Joan.
Avent.

* *

ca-

E P I S T O L A

*Diodorus
Siculus.*

casus, nulla vetustatis invidia, nulla futuri temporis longinquitas poterit abolere. *Cætera monumenta ad breve tempus perdurant variis casibus obnoxia, historiæ virtus per universum orbem diffusa, ipsum, quod cætera consumit, tempus sui custodem habet.* Verùm enimverò in hac ipsa Academia Tua, quam Theodorus magnus patruus Tuus sanctissimorum Præsulum Baduradi, Meginwerci atque Imadi antecessorum suorum erga bonas literas eximio studio sanctissimoque inflammatus exemplo, cujusque natali die hic Panegyricus, quem Tibi elegantioribus formis recusum consecramus, in lucem editus est, in hoc, inquam, celeberrimo Musarum domicilio, in urbe hujus provinciæ principe constituit. Quali Tu, quantâque curâ ac diligentia omnes bonarum artium disciplinas provehere, & ad summum perfectionis apicem per-

D E D I C A T O R I A.

perducere conaris? Ita quidem, ut id, quod Herricus apud Altisfiodorum Galliae Monachum ad Carolum Calvum olim scripsit, mutatis nominibus tibi sit acclamandum: *Multa sunt tuæ monimenta clementiæ, multa symbola pietatis. Illud autem vel maximè æternam tibi parat memoriam, quòd Patruï Tui magni Theodori studium erga immortales disciplinas non modò ex æquo repræsentas, verùm etiam incomparabili fervore transcendis, dum quod ille sopitis eduxit cineribus, tu fomento multiplici tum beneficiorum, tum auctoritatis usquequaque provebis.* Excipe igitur, Celsissime Princeps, illo Tuo serenissimo bonisque literis semper arridente vultu volumen istud, in quo Majorum Tuorum res in toga sagoque pro patria ac Ecclesia fortissimè gestas magna cum voluptate conspicias, repetesque nobilissimæ gentis Tuæ à vetustissimo Comitum Oldenburgicorum stem-

*Browe-
rus in An-
tiq. Ful-
dens. c. 9.*

EPISTOLA

mate deductam originem, Theodori magni patruī tui religionem, pietatem, justitiam, prudentiam, fortitudinem, atque in omnes honestas disciplinas flagrantissimum studium intueberis; Caspari avi tui sapientiam, fidem ac Orthodoxæ religionis strenuam propugnationem; Guilielmi Livoniæ & S. R. I. Principis invictam animi magnitudinem, & in adversis admirabilem firmitatem atque constantiam; Friderici proavi integritatem, doctrinam, prudentiam, dicendi vim; Joannis celeberrimi Asceterii Sigebergensis Antistitis Oeconomicae rei peritiam, & in veteri disciplina restituenda diligentiam contemplaberis. Ac ne singula familiæ tuæ lumina celebrando sim longior, hîc, inquam, leges Majorum tuorum laudes atque encomia, quæ nulla unquam oblitterabit oblivio.

Tu

D E D I C A T O R I A.

Tu verò, Princeps Celsissime, in quem omnes Majorum Tuorum virtutes admirabilis Dei Opt. Max. benignitas ac munificentia congeffit, & quodammodo ad compendium contulit, fruerè eximiis animi Tui dotibus, fruerè famâ Tui, fruerè dulcibus ante omnia Musis, & ad summam usque ætatem pervive, & felicissimis, Te spirante, populis impera. Paderbornæ Idib. April. M D C L X X I.

I N D E X LIBRORUM ET CAPITUM.

LIBER PRIMUS.

De Academia in Westphalia fundata.

Cap. I. P roœmium.	pag. 1
II. Q uanti Westphalia ingenia fecerit D. Carolus Magnus.	3
III. Ante, & post Academiâ conditâs è Westphalia egregios sapientiâ magistros produisse.	5
IV. Humaniores litteras in Germania præcipuo Westphalorum studio restoruisse.	8
V. Westphali naturâ propensi, & habiles ad doctrinam.	10
VI. Quibus rebus Westphali ad progressum in litteris adjuventur.	12
VII. De alienâ à veteri Religione Academia in Westphalia tentata.	14
VIII. Novum Euangelium cum summo Academiarum odio natum.	16
IX. Philosophia in Academiâ non respuenda.	19
X. De retinenda Academiarum inter se concordia.	22
XI. De Pontificis Maximi in approbandis Academiâs auctoritate.	24
XII. Contra Jordanem Canonicum Osnaburgensem, qui unam in orbe terrarum Parisiensem Academiam volebat.	26
XIII. Cur expediat plures Catholicas Academiâs institui.	28
XIV. Gratia totius Westphaliâ nomine.	31

LIBER SECUNDUS.

De Academia Paderbornæ constituta.

Cap. I. P roœmium.	33
II. A cademiâ fundatio Episcopum maximè decet. Paderborna Episcopatum Westphaliâ urbium dignitate prima.	36
III. Religio Christiana Paderbornâ manavit in universam Westphaliâ. Bonâ littera in Westphaliâ ab initio comitata religionem Christianam.	38
IV. Olim quoque & inferiores & sublimiores doctrinâ Paderborna floruerunt.	41
V. Viri sanctitate & doctrinâ illustres, qui è Paderbornensi Gymnasio prodierunt.	43
VI. Paderborna Imperatorum in Westphaliâ proprium domicilium.	47
VII. Nihil Paderborna eorum decesse, quæ ad Academiâ splendorem & commoditatem requiruntur.	52
VIII.	

VIII. Newhaus Illustrissimi Principis Fundatoris domicilium suum esse, ubi olim Nero Claudius Drusus Augusti privignus Castellum Alifonem contra Sicambros condidit.	58
IX. Summa rerum in Alifone castello gestarum, dum illud Romani tenuerunt.	61
X. In quorum potestatem venerit Alifo à Romanis desertus.	69
XI. De occupato à Saxonibus Alifone, & origine Paderborna.	73
XII. Instauratum videri Alifonem à D. Carolo Magno.	77
XIII. Alifo sedes Episcoporum Paderbornensium.	80
XIV. Gratia nomine civitatis Paderbornensis.	82

LIBER TERTIUS.

De Illustrissimi Principis in fundanda Academia consilio.

Cap. I. Proœmium.	85
II. Illustrissimum Principem, in fundanda Academia, sua, & Majorum praeclara indoli respondere voluisse.	87
III. Miserum statum, in quo à primo Ecclesiam Paderbornensem offendit, Principem in cogitationem Academiae impulisse.	93
IV. Illustrissimum Principem fundanda Academiae paci, & tranquillitati publice consultum ivisse.	97
V. Illustrissimum Principem, in Academia instituenda, Ecclesiasticorum, & Religiosorum hominum commodum & dignitatem spectasse.	110
VI. Proprie dictam Academiam sine Jurisprudencia esse posse.	114
VII. Illustrissimum Principem, condenda Academia, eximiam suam in Societatem Jesu voluntatem declarasse.	116
VIII. Gratia Academicæ juventutis nomine.	123



Theodorus Furstenbergius
Episcopus Paderbornensis, et S.R.I.
electus 8. Junij. An. M D C XXXV.
XVIII. et sepultus Paderbornae

Dei et Apostolicae Sedis Graciam
Princeps. natus An. M D XLV.
defunctus 31. Decemb. An. M D C
in eade Cathedrali.

PANEGYRICUS,

NATALI DIE

ACADEMIÆ THEODORIANÆ

PADERBORNENSIS,

oblatus ejus munificentissimo Fundatori,

Reverendissimo atque Illustrissimo Principi,

D. THEODORO

EPISCOPO PADERBORNENSI

S.R.I. PRINCIPI, DOMINO, AC

PRINCIPI CLEMENTISSIMO.

LIBER I.

De Academia in VVestphalia fundata.

CAPUT I.

Proœmium.



Iceť jam, Reverendissime & Illustrissime Princeps, tandem aliquando huic florentissimæ Juventuti erumpere pressam adhuc animis, clausamque lætitiā, & sua erga Cels. V. studia, condito amplissimo in hac Urbe optimarum artium domicilio jampridem inflammata, publicā gratulatione testari. Quanquam enim alterum jam annum hoc maximo, præstantissimoque beneficio sanè frequentes utebamur, quoniam tamen necdum publicè propositis iis literis, quibus Pontifex Maximus, & Cæsar Academiæ nobis immunitates & jura concedunt, necessarius

quidam splendor deerat, nos quoque gaudia ac vota nostra tantisper in hominum lucem, atque oculos proferre verebatur. At hodierno die quis jam obscurè ferat sensum animi sui, cum ad earum litterarum promulgationem ex omnibus propè Westphaliæ partibus concursus in hanc Urbem fiant? cum tot mortales in te inhient, tibi que gratias agere gestiant, à quo liberis suis potiores omni avità paternaque hereditate esse paratas opes intelligunt? cum omnia DE I immortalis altaria, atque templa, perpetuam se jam tibi doctorum, præstantiumque virorum facultatem & copiam debitura fateantur? cum denique ipsa adeò oppida atque vici videantur, si fieri posset, ejicere se sedibus suis, atque ad hoc novum patriæ decus, hanc arcem disciplinarum, hoc munimentum avitæ religionis, seminariumque reip. coram intuendum velle pervolare? In hac communi lætitia, atque plausu nemo non intelligit, quantum flagitii simus admissuri, si ad quos hæc præcipuè tua merita pertinent, non omnibus, quibus licuerit, gratulationis officiis perfungamur. Quanquam hic omnium ardor, atque concursus non modicam ipse per sese nobis præbet gratulandi materiam. Est enim primus beneficii fructus, non indigno benefecisse: proximus non ingrato. Quos quidem immortalis tui beneficii fructus, jam nunc, Princeps Illustrissime, te ferre sentimus, & gratulamur ex animo, quandoquidem animadvertis, te, hanc primâ Westphaliæ Academiâ moliendâ non in gentem aliquam inertem, atque à Musis abhorrentem, aut magnitudini beneficii æstimandæ imparem, sumptum, atque jacturam fecisse. Hæc enim hodierna alacritas, & faustæ preces omnium ordinum, perinde atque in communi quadam & eximia fortunæ prosperitate gratulantium, satis ostendunt & quanto vulgò sapientiæ amore teneantur, & hoc tuum beneficium quanti omnes faciendum putent. Sed cave existimes, Princeps Illustrissime, repentinum hunc esse quendam animi impetum jam primum tantæ rei novitate commotum. Est enim quædam indoles virtutis & sapientiæ, præclaris majorum in-

stituta-

stitutis, exemplisque corroborata, quæ animos ad bonarum artium cupiditatem sponte suâ assiduò rapit, quarum se tantam modo facultatem tuo beneficio nactos esse gloriantur. Repetenti siquidem mihi memoriam præteriti temporis, atque animo recolenti, quæ adhuc fuerit in Westphalia magnitudo ingeniorum, quis ardor discendi, quæ laborum patientia, subit in mentem mirari, quo tandem fato acciderit, ut amantissima laudabilium doctrinarum natio tam diu integrum, atque perpetuum earum emporium desiderarit. Quade re existimavi nihil me alienum ab hujus diei splendore & lætitia esse facturum, si pauca apud Celsitud. V. verba facerem: idque ut mihi bonâ tuâ veniâ liceat, etiam atque etiam rogo. Cognosces enim ex iis quæ dicam, si omnes, qui jam inde ex eo tempore, cum primum Westphalia veritatis Christianæ lumen aspexit, has oras tenuerunt, modò à mortuis existerent, nihil ex iis, qui nunc adsunt, de studio erga te, atque officio, nihil agendis gratiis esse concessuros. Erit deinde cur præcipuam tibi quandam felicitatem gratulemur, qui DEI singulari munere id absolveris, atque perfeceris, quod antea tot viri graves, ac sapientes vel tacitis votis optarunt, vel aliquâ duntaxat parte tentaverunt. Discet denique nostra juvenus quousque jam progredi in bonarum artium studiis oporteat, tam certis, & expeditis abs te discendi præsidiiis comparatis, sine quibus nostri majores tantâ sunt in iis ingenii, & laborum contentione versati.

C A P U T II.

Quanti Westphalia ingenia fecerit D. Carolus Magnus.

SUnt enim ita ferè comparati præstantes animi: citò arripiunt, quæcunque ad veram laudem, decusque pertinent, sibi que turpe ducunt semel conspectam in pura luce veritatem mediocri ardore complecti. Neque eò contenti, simul cum veritate, omnia persequuntur, atque appetunt præsidia & adjumenta veritatis. Vix Christiana veritas West-

phalis illuxerat, cùm ita non ejus modò, sed etiam liberalium artium, quarum illa comitatu plurimùm gaudet, & operâ utitur, amore sunt capti, ut brevi Carolum Magnum non magis bellicæ virtutis, quàm politæ pacatæque doctrinæ peritum, & acrem æstimatorem, in eam spem adducerent, nulli ceterarum, quæ in ejus essent imperio, gentium, hanc sapientiæ & eloquentiæ gloriâ inferiorem futuram. Nam cùm per id tempus inter suos, & Orientalis Imperatoris liberos nuptias conjunctum iri confideret, optaretque religiosissimus Princeps uti hac affinitate ad utriusque Imperii Ecclesias certâ ac stabili inter se concordia vinciendas, neque, in tanta populorum, qui ei parebant, multitudine, viri eruditi deessent ac diferti, quibus id negotium cum dignitate mandari posset, tamen eam habuit opinionem ingenii & industriæ nostrorum hominum, ut illos potissimùm tantis rebus sustinendis, atque tractandis idoneos esse judicaret. Neque verò unum duntaxat sibi ex eis legatum delegit, (quod tamen in gente præsertim admodum nuper CHRISTO conciliata perhonorificum fuisset) verùm in Westphalia quoddam Orientalium Oratorum seminarium instituendum putavit. Itaque iis tabulis, quibus primam in Westphalia Episcopalem Ecclesiam Osnabrugi collocat, diligenter sanxit, ne unquam in ea Latinarum, Græcarumque litterarum studia intermitterentur, quòd inde, conciliatis aliquando nuptiis, potissimùm sibi placeret, quandocumque ex usu & dignitate Reip. foret, legatum in Orientem decernere. Quâ re prudentissimus Imperator satis ostendit, quid jam tum sibi de Westphalorum ingeniis polliceretur, quos primùm efflorescentes arbitraretur, in luce ipsius facundiæ, omnisque liberalis scientiæ inventricis Græciæ, iis ipsis artibus, quas illa maximè venditare solet, totius Occidentalis imperii dignitatem tueri, & illustrare posse. Neque verò Carolum fefellit opinio. quamquam enim illud ejus de nuptiis consilium Græcorum levitate non processit, non tamen ideo destiterunt unquam nostri homines usque eò præstanti labore ad summam eruditionis.

*Krantzius
Metrop. l. 1.
cap. 2.*

nis gloriam eniti, dum, quorum gratiâ Carolus illustre linguarum gymnasium condiderat, subtiliorum quoque disciplinarum publicam sedem aliquando mererentur.

C A P U T III.

*Ante, & post Acadêmias conditas è Westphalia
egregios sapientiæ magistros prodisse.*

ID quàm maturè sint promeriti vel ex hoc licet intelligi, quòd cùm ceteras ferè gentes, cùm primùm ad Christiana sacra, civilemque cultum traducuntur, complures annos exterorum magistrorum disciplinâ antè formari necesse sit & perpoliri, quàm ex iis ulli ad ceteros docendos idonei possint existere, tamen hujus tanta fuit soli benignitas, ut simul coli cœperit, simul sapientissimos antistites proferre. Quid enim Hatumaro, quid Badurado hujus Ecclesiæ primis Episcopis earum artium defuit, quæ in laudatissimis populorum magistris prædicari solent? At hos ex eorum numero fuisse accepimus, quos gente perdomitâ Carolus obsides accepit. Ab his acceptam pietatis litterarumque gloriam plurimi, quorum memoria Ecclesiarum cœnobiorumque litteris consecrata est, non modò propagarunt ad posteros, verùm etiam in longinquas & barbaras gentes incredibili labore sparserunt. Neque enim ignorare potes, Princeps Illustrissime, Westphaliæ primaria Collegia, ac cœnobia, atque inprimis finitimam terris tuis Corbeiam, eorum propè omnium fuisse gymnasium, qui ulteriorem Saxoniam, Vandaliâ, Daniâ primis Christianæ fidei præceptis & bonis artibus imbuerunt. Hinc enim Ansgarius, Rembertus, Adalgarius, Adamus Unno, Sigebertus, alique viri immortalitate dignissimi prodierunt, qui morum sanctimonix, & scientiæ copiis, quicquid inter Visurgim, & ultimos Borealis oceani sinus terrarum jacet, impleverunt. Neque vetustis modò illis temporibus tales Westphalia viros pariebat, verùm etiam ante annos

*Adamus
Brem. Chronica
Corbeienſis.*

circiter trecentos, cum nobilissimus equester ordo digna suis natalibus, suaque animi magnitudine in Livoniam expeditione suscepta, populos ad eam diem à CHRISTI sacris aversos debellare, & subjugare decrevisset, unà cum iis multi indidem pii, eruditique homines sunt profecti, qui quos illi armis vincerent, ipsi religione, & humanitate excolerent. Cujus rei, ut historiarum monumenta deessent, testes esse possunt nobiles, & locupletes Livoniæ Ecclesiæ, quæ se ad nostram usque memoriam Westphalis ferè præsulibus regendas dederunt. quippe visum est illis æquum esse, ut illi Ecclesiarum opibus fruerentur, quorum eas majores suo labore, doctrinâ, præclarisque exemplis instituissent. Hujusmodi hominum incredibile dictu est, quantam copiam aluerit Westphalia, cum in Ecclesiæ Collegiis, religiosisque domibus omnis Christianè vivendi, rectè sentiendi, atque dicendi ratio tradetur. Sed cum in iis domiciliis ii fere soli formarentur, qui sanctioris vitæ genus inire statuisent, perspicuum est non perinde ad multos ejus disciplinæ fructum permanasse, atque si nostrarum Academiarum more, omnibus honestarum artium amantibus adolescentibus promiscuè patuissent. Verùm hoc incommodum iis temporibus fuit Westphaliæ cum pluribus regionibus commune. At postquam Principum beneficio eorum gymnasiorum publicorum forma, quæ hodie est in usu, tandem increbuit, proprium ejus malum fuit, in tanta præstantium ingeniorum ubertate Academiâ carere. Quanquam Westphaliæ Academia defuit, Academiis Westphali nunquam defuerunt. Si enim ex quæ in Germania & antiquitate, & celebritate nominis cæteris antecellunt, eorum imagines recenscant quorum sunt ingeniis, & laboribus plurimum excultæ, reperient ab ipsis incunabulis plurimum sibi splendoris à Westphalis accessisse. Certè, ut alios præteream, cum paucas etiam Academias haberet Germania, ad Concilium Constantiense, quò constat delectum eruditorum hominum florem convenisse, à duabus primariis duo Westphali viri eruditione & auctoritate præstantes publicè communi consensu

sensu missi memorantur. Aderat è Colonia Agrippinensi *Seff. 13.*
 Theodoricus de Monasterio Theologiæ Doctor, qui & verba
 in conventu habuit ad Patres, & in eorum numerum est alle-
 ctus, qui in pestilentem Joannis Husii doctrinam Concilii
 auctoritate, anquirerent. Aderat ex Heidelbergensi gymna-
 sio Conradus de Susato & ipse Theologiæ Doctor, atque *Seff. 16.*
 apud Ludovicum Comitem Palatinum gratosus in paucis,
 qui voluntate totius Concilii ad Petrum cognomento de Lu-
 na, qui se Benedictum XIII. ferebat, in ordinem redigen-
 dum, in ultimam Hispaniam, inter alios, legatus est profe-
 ctus. Erfurtum verò inter præcipua sua lumina commemo-
 rat Godeschalcum Grefemundum Meschedensem, clarum in-
 primis rerum divinarum scientiâ, cujus germanus eodem
 tempore Moguntiaci Medicus ac Philosophus habebatur
 eximius Theodoricus. Sed hujus famam in eadem Acade-
 mia filius obscuravit, & ipse Theodoricus, quem Erasmus *Trith. de*
 alicubi hominem appellat ab ipsa natura ad humanitatem, *script. Ec-*
 ad bonas litteras, ad eloquentiam illam verè Atticam, scul- *cles.*
 ptum ac factum. Sed quid necesse est omnium Academia- *Annot. ad*
 rum tabularia excutere, cum sit multa à Westphalis relictâ *ep. 9. S. His-*
 teneamus in eorum libris eximie litteraturæ documenta, è *ronym.*
 quibus cognosci liceat, quantum vivi Doctorum exedras
 ornauerint, quorum tanto intervallo, defunctorum lucubra-
 tiones, legentium & laudibus & profectu celebrantur? Ac
 recentibus quidem Academiis cum vigeret etiam illud mi-
 nus comptum, & amœnum, subtile tamen, & argutum dis-
 putandi scribendique genus, Theologiam, ut de ea præcipuè
 loquamur, scripris illustrarunt, præter Susatensem, & Me-
 schedensem, de quibus memini, Henricus de Coesveldia,
 Wernerus Rollevincius, Henricus de Hervordia, Herman-
 nus de Soldis Osnabrugensis, Hermannus in Campo, Hen-
 ricus de Werlis, & alii complures, quorum extant plena eru-
 ditionis, ut iis temporibus, ingenii monumenta.

CAPUT IV.

*Humaniores litteras in Germania præcipuò
Westphalorum studio refluoruisse.*

*Lib. de educ.
Liberor. ad
Ladislaum
regem c. 6.*

In epist.

*Alexander
Hegius in
epigramm.*

AT verò postquam NICOLAI V. PONT. MAX. auspiciis cultiora litterarum studia primùm in Italia reuixerunt, cùm pleræque omnes Academiae Germaniae, rationibus sanè leuibus retardatae, quas alicubi persequitur ac refellit Æneas Silvius, ea admittere, & tractare cunctarentur, Westphali nostri tempus hoc demonstrandae suae in bonas litteras voluntatis, minimè prætermittendum rati, relictas ab aliis, atque despectas non modò sibi recipiendas, sed etiam ornandas, atque omni ope toti Germaniae commendandas existimarunt. Princeps tam illustris facti Rodolphus à Langen, vir equestris in Westphalia ordinis, & in maxima Ecclesia Monasteriensi Canonicus fuit. Is enim cùm unà cum Mauritio Comite Spilembergio Canonico Coloniensi, & Rodolpho Agricola, in Italia Francisco Philelpho, Theodoro Gazæ, aliisque utriusque linguae instauratoribus dedisset operam, tantosque haberet progressus, ut is, quem modò nominavi, Agricola ab hoc demum viro *aliquando*, ut ipse loquitur, *priscam insolenti Italiae, & propemodum occupatam bene dicendi gloriam extorqueri posse* confideret; reuersus in patriam nihil habuit antiquius, quàm ut ad quarum artium quasi mercatum quendam erat profectus, earum suis popularibus copiam faceret. Ille igitur fuit, ut cecinit quidam,

Primus Melpomenen qui rura in Westphala duxit.

In Westphala autem? imo verò, si verum amamus, omninò post restitutas litteras, primus Germanorum eruditum carmen scribere coepit. Scripsit & multa soluto sermone perquam disertè, & veteres illos elegantium artium auctores propè primus, quasi postliminiò, iuventuti restituit. Etenim Conradum, è Comitibus Ritbergensibus, Monasteriensem Antistitem, magni animi Principem, suà auctoritate perpul-

lit, ut in ludo litterario, qui erat in ea urbe ad D. Pauli, repudiatis barbaris & incultis minimè idoneorum magistrorum præceptiunculis, exemplo, atque instituto earum scholarum, in quibus erat in Italia versatus, vetusti scriptores utriusque linguæ explanarentur. Res variis, ut fit, consultationibus in id tempus extracta est, quo in ea Ecclesia Scholastici munus sustinebat vir magno natalium, & prudentiæ splendore Wennemarus Horstius, ex ea ipsa familia, quæ amplissimum hujus nunc Ecclesiæ Decanum tulit; is ascitis in eam rem viris litteratis è Langii ferè disciplina, atque contubernio, universum Gymnasium Timanno Camenero, cujus extant de Philosophia naturali commentationes, administrandum dedit. Neque verò hic Westphalorum ardor unius urbis finibus coerceri potuit, sed annitente eodem in primis Langio, ludis, in celeberrimis quibusque oppidis, apertis, omnibus utriusque linguæ, omnisque politioris litteraturæ copiis Westphalia redundavit. Quid quòd Westphalorum studio, ac labore in alias quoque Germaniæ oras permanarunt? Siquidem Daventriæ versabatur Alexander Hegius homo Westphalus, cui Langius, quondam ejus condiscipulus, è bibliotheca, quam secum ornatam, & locupletem ex Italia detulerat, libros à doctissimis illis Italiæ magistris nuper editos in lucem, sanè quàm benignè & ultrò mittebat. His cum ille assiduò volvendis fieret quotidie eruditior, discipulos, atque æmulos studiorum suorum habuit Desiderium Erasmum Roterodamum, Joannem Murmellium, Ludovicum Bavingum, aliosque complures. In his Conradus quoque Goclenius Paderbornensis fuit, qui postea in nobilissima Academia Lovaniensi è primis fuit ejus Collegii professoribus, quod ad illustrandas linguarum præstantissimas sapienter institutum, trilingue dicitur; plurimumque suâ ætate, dicendi laude præstitit. eum hujus artis præcepta tradentem, audiit inter alios Adolphus Comes Schaumburgius, qui deinde Colonienfis Antistes renunciatus, veteris fuit religionis instaurator & vindex, plurimumque, Princeps Illustrissime, jam

tum exsplendescentem indolem in tenera tua dilexit ætate. Tulit præterea Paderbornensis ager eadem tempestate Ludovicum Dringebergium, qui ad excitandas easdem mansuetiores litteras, magnis propositis præmiis Selestadium in Alsatiam evocatus, Joannem Reuchlinum, Beatum Rhenum, Jacobum Wimphelingium, aliosque erudit, qui deinde insigni scientiæ famâ claruerunt. In Bataviam primus eadem præclara studia, eodem hortante, & adjuvante Langio, Antonius Liber Susatensis invexit, è cujus disciplina Alardus Amsterodamus, doctissimus ac politissimus Lovaniensis Theologus, aliique clari in litteris homines prodierunt. Quo quidem tempore nihil mihi Westphaliæ videtur ad immortalem gloriam præter te unum, Princeps Illustrissime, defuisse. Si enim tui similis quispiam Mæcenas fuisset exortus, qui severas illas veterum Academiarum doctrinas hæc novâ humanitatis, & eloquentiæ dulcedine temperasset, unoque utraq; domicilio collocasset, næ is facile omnibus numeris absolutam Academiæ formam primus Germaniæ demonstrasset.

CAPUT V.

Westphali naturâ propensi, & habiles ad doctrinam.

EQuidem sic sentio: quantum inter frugiferas arbores, & eas interfit, quæ præter foliorum speciem, & umbram nihil afferunt, tantum ea gymnasia quæ sciendi studia, cum linguarum cognitione conjungunt, iis præstare, quæ soli poliendo sermoni, sunt consecrata. Neque id nostrates fugit, quorum ut quisque est ingeniosissimus, ita non contentus his minoribus artibus, ad sublimiorum rerum disciplinas nativo quodam impetu, quando domi facultas non datur, in longinquas terras rapitur. quod enim est in Germania, aut superioribus annis fuit paullo florentius gymnasium? quis doctorum hominum cœtus? quis denique discendi, ac proficiendi locus, qui non Westphalorum sit ingeniis illustratus? Illi verò quos rei familiaris inopia patrios fines egredi non sinit, non
fatis

fatis illâ aviditate, quâ in his litteris percipiendis sunt versati, quarum erat domi copia, declararunt, quid in iis studiis essent facturi, quæ continent naturale quoddam pabulum præstantium animorum? Quibus tametsi Westphalia adhuc publicas sedes nullas posuerat, tamen quàm crebri in ea sunt, & celebres ludi? qui concursus, ardorque discantium? quæ certamina æqualium? quæ cohortationes, & gratulationes parentum? quis labor, & assiduitas magistrorum? Academias profectò commemorare possum, quæ celebritate, & frequentia nullo modo sint cum puerilibus Westphaliæ ludis comparandæ. Quem enim horum nominare possis, qui vastitatem, & solitudinem, ut illæ, metuant? quò, dilabentibus civium populariumque liberis, externos, & peregrinos auditores propè pretio conducere necesse sit? qui fucatæ libertatis illecebris, & indecoris immunitatibus ad pelliciendam juventutem indigeat? Westphalorum ea semper fuit discendi cupiditas, ut & suis gymnasiis complendis soli sufficiant, & plurimum inde redundet in externa. neque verò multum prensandi parentes, ut filios suos ad studia incumbere patiantur, quippe cum ipsi quoque ruri, atque in mapalibus nati, qui nullam doctrinæ partem attigerunt, non temerè quemquam filiorum litterarum prorsus expertem velint. Itaque diu aliis est prius studendum, quàm studia amore esse digna cognoscant: Westphalos jam inde ab ipsis incunabulis quidam ad discendum genius exstimulat. ut vel inde conjecturâ liceat assequi, quantus sit in Westphalia proventus illustrium ingeniorum. Est enim ingenium quidam mentis oculus, qui quò magis luce gaudet, atque exire gestit è tenebris, hoc est sanior, & ad cernendum, ac perspicendum acutior. Ejusmodi cum tanta sit in Westphalia multitudo, quibus, Illustrissime Princeps, velut inusitatum jubar optatam hodierno die lucem affers, non est metuendum ne unquam desint, qui ad eam accipiendam, & fruendam anhelent, seque ob immortale hoc patriæ decus æternas tibi gratias debere fateantur.

CAPUT VI.

*Quibus rebus Westphali ad progressum in
litteris adjuventur.*

NEque verò minore contentione Westphali studia persequi solent, quàm arripuerint. est enim huic genti cognata incredibilis quædam industria, quæ exterorum quoque hominum præconium meruit. Sunt enim ab Erasmo hæc ipsa scripta in epistola ad Thomam Morum summum illius sæculi lumen. *Westphalus, inquit, populus, ut vulgò rudior habetur* (nempe à tuis Batavis, mi Erasme, politis scilicet hominibus) *ita multos nobis dedit summis ingeniis, minimeque vulgari doctrinâ pradtos. Non aliud genus mortalium patientius laborum est.* Rara profectò singularisque laus. Quæ enim duæ res tam ægrè in uno homine, ne dicam gente, copulantur, quàm ingenii magnitudo, & laboris contentio? ferè enim qui ingeniosi, iidem sibi præfidentes, plurimum otio se dedunt, ne minus ingenii habere videantur, si plus laboris assumpserint. Atqui contrà fieri oportuit. Ut enim quò fecundior est ager, hoc operam coloni remuneratur uberius: ita præstantissimum quodque ingenium hoc est fructuosius, quò diligentius, instantiusque colitur. Neque verò parum affert momenti ad promovenda studia Westphalorum, celeritati ingeniorum adjuncta modestia, & ab effrenatis motibus alieni mores. Sic enim plerisque omnes natura comparavit, ut facilè imperare animo suo, suæque vitæ modum tenere condiscant. quo quidem nihil est ad accipiendos sapientiæ fatus accommodatius. Ejus rei video ab harum rerum prudentibus duo argumenta sanè luculenta proferri. Alterum, quòd cum plures ferè è Westphalis, quàm cæteris Germaniæ populis, quotannis propter discendi cupiditatem in alienas terras demigrent, multi item quotannis in patriam se referant, incorruptam tamen adhuc, atque integram ab
omni.

omni depravato exterarum gentium more Westphalam tueantur. Eadem semper in victu cultuque frugalitas: idem in moribus candor: eadem in dictis factisque constantia. Longissimè enim absunt ab eorum errore, qui tum demùm se præclarè peregrinatos arbitrantur, cùm quot gentes accefferint, totidem peregrinis vitiis obstiti revertuntur. Itaque cujusmodi eum expressit Homerus, quem imaginem posteris proposuit Sapientiæ, tales plerosque Westphalorum fingit natura, format educatio, confirmat industria, ut non magno negotio & Sirenium blanditias, & artes filiarum Solis prætervehantur impune. id qui norit eum demum scito certissimum ad absolutam sapientiam cursum tenere posse. Alterum quoque indicium facilis & pacatæ naturæ commemorant, quòd nulla Germaniæ gentium plures procrearit, qui in alienis rebus pub. honoribus, atque muneribus vel minore invidiâ sint ornati, vel majore omnium commendatione perfuncti. Nulla siquidem est non dico illustris, & splendida, sed omninò paullò lautior Westphaliæ domus, quæ non aliquos è suis majoribus laudare possit, extra patriam in aliquo vel viri Principis Consilio, vel alicujus reip. Senatu, vel aliquo denique Ecclesiastico, aut civili magistratu iis quoque faventibus versatos, qui se præteritos jure queri posse videbantur. Sic enim induxerunt animum plerique mortalium, cujusque commoda, atque ornamenta civitatis, civium esse oportere. ad ea si alienus aspiret, omnibus est invidiæ telis expositus, quæ quisquis evitare desiderat, eum necesse est usque eò animo suo posse imperare, ut neque ulla improbitatis significatione nudum latus calumniis præbeat, & se facile in tam excelsò virtutis fastigio collocet, quod nulla invidia possit attingere. Quæ omnia, quid aliud significant, quàm in Westphalorum indole innata atque inclusa singularis cujusdam semina virtutis, quæ si tempestivâ culturâ tantisper foveantur, atque adolescant, dum justam maturitatem assequantur, intellexisti Princeps Sapientissime, brevi Westphalam universam plurimis, & maximis ornamentis,

atque prædiis non ad suam modò, verùm ad totius Christianæ reip. utilitatem abundaturam.

CAPUT VII.

*De aliena à veteri Religione Academia in
Westphalia tentata.*

Quare nunquam tibi pro eo ac meretur hoc tamdiu optatum beneficium, gratiam Westphalia referet. Tu enim primus in media ejus luce campum aperuisti, in quo nostrorum hominum industria, in exiguum gymnasium paucarum nuper disciplinarum compulsâ, liberè tandem ad omnem Sapientiam excurrere, cognoscique possit. Tibi debet omnis posteritas, quòd quæ majores nostri litterarum decora, atque prædia peregrè petebant, ea jam domi, te auctore nascantur, atque ita patriam, quam adhuc parentem tantùm, & altricem suam vocabant, deinceps, tuo beneficio, eorum quoque bonorum procreatricem sint habituri, quæ sola, cum semel possidere cœperimus, nunquam nostra esse desinent. Est verò aliud quoque quod divinæ providentiæ gratulemur. neque enim mihi tam lætandum videtur, quòd aliquando hoc doctorum hominum seminarium in Westphalia sit conditum, quàm quòd eam mentem veteris, atque Orthodoxæ religionis colenti Principi potissimùm injecerit. Neque enim defuerunt qui secessione ab Ecclesia Catholica factâ, Westphalam post annos jam demum octingentos veritatem se docturos professi, suis novis opinionibus, Academiarum more, non modò Ecclesiarum opibus, sed etiam Ecclesiasticis Principibus administris extruere gymnasia laborarunt. Fuit in eo numero superiore seculo Arnoldus Burenus, cujus extat oratio sanè verbosa ad Franciscum Monasteriensem Episcopum, non sine præfatione Philippi Melancthonis. In ea principiò mirificè laudat Episcopum, quòd *incredibili totius propè Germania admi-*
ratione

ratione, à Pontificia illa, ut ipse loquitur, impietate ad puram Christi doctrinam (Lutheri deliramenta dixisse oportuit) se transfulerit. deinde persuadere conatur, ut Westphala juven-tuti ludum aperiat, qui non solum inferiorum artium tractatione, sed etiam Theologicarum rerum, & Jurisprudencia professione nobilitetur. Addit incredibile esse, quanta futura sit istius be-neficii gloria: Unum illum ex omnibus Episcopis, quibus unquam Westphala Ecclesia, atque Resp. fuerit commissa, extitisse, qui pri-mus in illam Ecclesiam sacrosanctam Evangelii doctrinam, & in scholam, verè piam, & salutare institutionem, omnibus ineptiis impiisque somniis ex illis deturbatis, intulerit. Hæc ille. Ac sa-nè si quod unquam fuit tempus oblatum Westphaliæ divini-tus, quo meritò poterant omnium animi ad Academiæ cupi-ditatem erigi, hoc profectò illud fuit, cum amplâ, & validâ inprimis Urbe ex Anabaptistarum fanaticorum hominum, & omnis honestæ doctrinæ conjuratorum hostium dominatu, in libertatem vindicatâ, omnes vehemens quoddam dementi-ssimæ illius inscientiæ, atque barbariæ, tam recenti malo, o-dium percepissent. Itaque post receptam urbem, eorum qui ludum in illa litterarium, de quo nuper dixi, celebrabant, duo admodum millia censa fuisse accepimus. Cùm ergo ad mino-rum, ut ita dicam, gentium artes, tanti concursus fierent, quid futurum fuisse putemus conditâ Academiâ, in qua sub-limiorum quoque doctrinarum studia viguissent? Sed nimi-rum hujus meriti gloriam D E U S tuæ Celsitudini, Princeps optime, reservabat. Neque verò, quâ fuit in nos bonitate, commisit, ut civitas vixdum illâ turbulentissimâ tempestate perfuncta, eis cathedras, & subsellia erigeret, qui primi ejus commovendæ duces extiterant. Quis enim est rerum illo tempore gestarum tam rudis, qui nesciat Lutherianos prius in Catholicos, quàm in Lutherianos Anabaptistas, coortos, his faces ad rempub. turbendam prætulisse? Quis ignorat huic ipsi Francisco, ad quem scribit Burenus, non Anabaptistas modò, sed etiam Lutherianos rerum novarum, & seditionis poenas dedisse? Ac fuit ille quidem deinde, nescio quo illo-rum

Vide Last
Fabricium
exam. In-
quis. Mo-
nast. c. 7

rum temporum fato, eò delapsus, ut haud dubiè eorum partibus faveret, quorum sceleratos impetus antè compresserat: ne tamen ei Episcopatus, Pontificis Max. sententiâ, ut erat institutum, abrogaretur, supremum Canonîcorum Collegium, ob magna viri in Ecclesiam merita, intercessit, deditque operam ne quid præterea res Catholica detrimenti caperet. Verùm, quæ, malum, est hujus hominis impudentia? primusne Franciscus sacrosanctam Evangelii doctrinam in Westphaliâ intulit? itane? tot sanctitate & doctrinâ illustres antistites, qui à fundata in his terris Christiana religione Ecclesiam gubernarunt, expertes Evangelicæ doctrinæ fuerunt? quid? antequam Petrus Werthemius ad res novas moliendas Monasterium Marpurgo mitteretur, scholæ ineptiis, & somniis refertæ erant?

CAPUT VIII.

Novum Evangelium cum summo Academicarum odio natum.

SCio quæ ille somnia intelligat. nempe Missam, Purgatorium, Sanctorum invocationem, & similia Ecclesiæ Catholicæ dogmata, quæ sapientissimus quisque veterum Patrum complexus est, ut nemini possit esse dubium, quin illi potius somnient, qui ista repudiant. At ego in hoc ipso de quo agimus Academicarum negotio tam planum facio ipsos illos novi Evangelii architectos somniasse, seu potius delirasse, ut ex eo, quod iis circa has artes contigit, in quibus erant indè ab ineunte ætate versati, conjici possit, eos cum toti antiquitati in gravissimis fidei decretis somnia obijciunt, omnino de potestate mentis exisse. Quæro enim ex Burenio, num hic ille Philippus, cujus præconio suam orationem commendari voluit, non aliquando Academiæ, & bonarum litterarum gymnasia sit execratus, & infano odio persecutus? Quæro num meminerit anno Salutis nostræ M. D. XXI. æneis formis excusam esse orationem Didymi Faventini nomine,

mine, contra Thomam Placentinum? num ignoret hujus orationis ab ipso Luthero auctorem laudari eum, de quo nobis sermo est, Philippum Melanchthonem? In ea porrò oratione hæc sunt verba: *Ne nulla essent in Christianismo schola, Academia generalium studiorum, quas modo Universitates vocant, condita sunt. Atque hoc consilio mirum est, quàm placeant sibi, quàm salutare putent, quo non aliud reppererunt neque perniciosius, neque magis impium, & quod video non Pontificibus, sed ipsi deberi Satana, qui si quo unquam, hoc certè casu, egregiè imposuit Christiano populo. Equidem sapientem virum fuisse judico Wiclephum Anglum, qui omnium primus, quod ego sciam, vidit Universitates esse Satana synagogas. Et quid dici vel pium magis, vel sapientius potuit? Hæc Philippus alludens ad illud Wiclephi pronuntiaturum, quod inter alia Concilium Constantiense damnavit: Academiæ, Collegia Academica, studia, & insignia magistralia vanâ gentilitate esse introducta, & tantum Ecclesia prodesse quantum prodest diabolus. Ac ne quis dubitaret num hoc odium esset ab ipso genio novi Evangelii, ipse ejus parens Lutherus simul in Ecclesiam furere & bacchari cœpit, Academiæ omnibus maledictis infectabatur, & exagitabat. Suntne hæc Lutheri verba? Ex isto fumo (de quo S. Joannes in Apocalypsi) procedunt locustæ istæ, quæ omnes cathedras occupant, omnia gubernacula administrant, ut Academiis ab initio mundi Satanas nihil excogitaris presentius, ad vastandam fidem, & Evangelium toto orbe. Ibidem eas comparat cum valle Tophet, & cum fano Moloch. Alibi appellat asinorum bipedum stabularia: alibi portas, & januam inferi. Est ubi vocet Antichristi lupanaria: Diaboli tabernas: Synagogas synagogarum Satana. Adjunxit ad hæc & alia convitia, magna & impudentia mendacia. An non est mendacium, Academiæ Aristotelem Christo aquavisse, quantum ad auctoritatem, & fidem? Verbo & ratione docendi solvere mandata Dei? Christum & novum Testamentum longius ex mundo exterminasse, quàm Judæos, & Turcas? denique in Academiis sub titulo doctrina Christiana non nisi pugnantissima Christiana fidei doceri? Videntur-*

Ep. Lat.
tom. 2. ep.
ad Spalas.

Seff. 15.

Lib. de ab-
rog. Missa.

l. de insti-
tuen. pueris.
Oper. in
Ps. 22. &
l. contra
Cathar.
l. de Missa
privata.

In conc. ha-
bita Kal.
Jan. 1522.

Colmaria
edita.

l. contra
Latomum.

Lib. con-
tra Cath.

Lib. de ab-
rog. Missa.

Conc. Kal.
Jan. Col.

ne Tibi, Princeps Illustrissime, hæ vigilantium, an somniantium? prudentium, an insanorum voces? Sed audi facta haud paullò dictis stultiora. Anno M. D. XXI. cùm Lutherus metu Caroli V. Cæsaris in Pathmum, ut ipse insolentissimè appellabat, secessisset, interea Wittembergæ Andreas Carolstadius, & Philippus Melanchthon, Lutheriano æstro perciti, cogitarunt quemadmodum doctrinam, quam Lutherus, si diis placet, devocasset de cœlo, factis persequerentur. Ergò, cùm inter alia tam insigne ejus in Academiis odium haud dubiis argumentis perspexissent, juventuti quæ in Academia Wittembergensi studia litterarum æmulabatur, auctores fuerunt, ut combustis libris, spretoque gymnasio in opificum se disciplinam darent. Neque dubitarunt, cujus suatores fuerant, ejusdem consilii duces esse. nam Carolstadius in villa haud longè ab urbe ex Doctore Theologiæ de improvisò agricola, ac rusticus evasit: Philippus qui Philosophiæ magister erat, pistori suam operam navare coepit. *Hoc tantorum Theologorum decretum, inquit Staphylus, fusè longèque dimanavit in plerasque urbes Germania. Et, ut reliquas taceam, scimus Vratislavia, & Suidnicia in Silesia biennium ludos litterarios oclusos fuisse, & planè extinctos: nec quicquam ab istorum sectariorum discipulis lectum, præter textum sacra Scriptura.* At, inquier, Lutherus, & Philippus, mutatâ postea voluntate, auctores ubique fuerunt per Germaniam instituendarum scholarum, neque obscurum est, eos qui eorum instituta sectantur, passim gymnasia habere publicè informandæ juventuri. Principiò non idèò non somniarunt, quòd aliquando suo illo somno excussi aliter, ac priùs censuerunt. Imò verò vel indè liquidò constat somnia fuisse, quòd tunc ab iis damnata & explosa sunt, cùm eos isti sapientiores fuisse confitentur. Deinde est quòd gratias Principibus agamus, qui cùm Anabaptistarum exemplo didicissent, quantum ad perturbandam remp. virium haberet novo Evangelio armata barbaria, maturè ne id malum latius serperet providerunt. Qua in re videntur mihi fecisse, quod, ut ex Timæo narrat Athenæus, Prætores olim Agrigentini

*Colloquium
Altenburg.
Surius.
Staph. apolo-
g. p. 3. de
consens.
Evangelic.
§. Bibliistæ.*

tiini ebriosis quibusdam juvenibus. Cū enim hi vino madi-
di in eam devenissent amentiam, ut cū in taberna sederent,
triremi sibi per mare vehi, & tempestate jactari viderentur;
eāque persuasione suppellectilem omnem, atque adeo lectos
ipsos, velut allevandæ navis causâ, projicerent foras, exciti
tali insolentiâ magistratus, insanientes objurgarunt, ac ne am-
plius ad eum modum se vino replerent severe monuerunt. Il-
li admoniti projicere quicquam desierunt, sed ita ut hærerent
etiam non nullæ reliquæ delirationis. Nam & Tritones præ-
tores appellabant, & se ingenti tempestate perfunctos quere-
bantur, & iis se in patria, velut suis liberatoribus statuas posi-
turos esse promittebant. Nimirum necdum vini, à quo illa
væsaniam proficiscebatur, vis tota remiserat. Neque verò fuisset
quisquam tam væcors; qui his hominibus, quicquam supelle-
ctilis, quod non projectum, & perditum vellet, custodiendum
prius daret, quàm essent omni pristinæ aberrationis periculo
liberati. Atque spectavimus quidem Lutherum, & Philip-
pum novo Evangelio ebrios, non lances, & lectos, sed optima
nostrorum instituta majorum, & pulcherrima reipubl. vel or-
namenta vel subsidia abjicientes. num illi admoniti penitus
se ab illa insania removerunt? an non quasdam ejus notas est
intueri? denique an non illa è novo Evangelio profluxit?
num igitur illa potest, nisi eo prorsus sopito, atque extincto,
omnino conquiescere? Certè Erasmi, quem credo isti rectè
de litteris existimare posse non dissitentur, hæc fuit sententia:
Ubi regnat Lutheranismus, ibi litterarum est interitus.

Lib. 19.

epist. ad
Pyrckhem-
ium.

CAPUT IX.

Philosophia in Academicis non respuenda.

V Erum id jam non ago. satis mihi fuerit ostendisse eos
manifesto suâ confessione somniasse, qui Catholicis
Academicis somnia objectare non sunt veriti. Deinde
non satis tutò iis hominibus Academicarum curam committi
posse, qui tam flagitiosè delirarunt ut tanquam exitiosas rei-
pub.

pub. damnarent; præsertim si nonnulla etiam in iis tantæ de-
 mentię usquam vestigia appareant. Dixi enim horum furo-
 rem perinde ut illorum Agrigentinorum non simul totum
 esse compressum: Id vel ex eo constare potest, quod etiam
 postquam Philippus à forno ad scholas rediit, tantisper ho-
 nores Academici nemini more majorum mandati sunt, do-
 nec Electoris imperio intermissus pluribus annis mos ali-
 quando referretur. Sed videon mihi in Burenii quoque ver-
 bis quædam observare relictæ stultitię argumenta. Quid e-
 nim causę censes esse, Princeps Illustrissime, cur Burenus
 nullam suâ oratione Philosophię mentionem faciat? cur an-
 te Theologię studium solas inferiores artes requirat? Nimi-
 rum talem Academiam moliebatur in Westphalia, cujusmo-
 di ex Lutheri præceptis tunc institui poterat, cum tamen et-
 si de infinito illo Academiarum odio nonnihil remisisse vide-
 batur, tamen Philosophiam, præsertim Aristotelis, necdum
 concoquere ullo modo poterat. Ita enim ille scripserat an-
 no M. D. X X. in libro de reform. Reipub. Christianę ad nobi-
 litatem Germanicam: *Suadeo, inquit, ut libri Aristotelis, Physi-*
corum, Metaphysica, de Anima, Ethicorum, qui hætenus omnium
optimi habiti fuerunt, penitus aboleantur & exterminentur, cum omni-
bus illis, qui rerum naturalium explanationem & cognitionem se tra-
dere profitentur, eum ex illis nihil vel naturalium, vel spiritualium
rerum disci, vel doceri queat. Neque verò id postea mutavit.
 quamvis enim libellum composuit de instituendis scholis,
 tamen cum earum formam describit, multus ille quidem est
 in prædicando linguarum studio; de Philosophia restitu-
 da nihil præcipit; ut satis appareat, nunquam cum eo in gra-
 tiam rediisse. Talis igitur, ut opinor, Academię speciem cum
 animo concepisset Burenus, quæ lustrum esset inscientię,
 non sapientię domicilium, præclarè se meritum de West-
 phalia speravit, si eam huic genti cupidissimæ omnis liberalis
 eruditionis obtruderet. Num verò existimavit illam West-
 phalorum insignem discendi aviditatem, propter quam eo-
 rum majores sæpe remotissimas nationes adierunt, modicâ
 cogni-

cognitione linguarum, & paucis in aliquot Scripturæ sacræ capita, non è veterum auctoritate, sed è nuper exorta disciplina petitis glossæmatis, expleri posse? Quid? nullumne unquam crediderunt Westphalorum in sublimiores de divinis hypostasibus, de præsentia CHRISTI in Eucharistia, de procreatione rerum è nihilo, aliisque ejusdem generis locis esse venturum? aut omnes tam hebeti futuros ingenio, ut non sentirent, hæc sine accurata Philosophiæ cognitione, neque satis liquidò explicari, neque adversus hostes Christiani nominis satis pro dignitate propugnari posse? Nam quòd eorum nonnulli respondent, Philosophiæ disciplinas ad liberalem quandam oblectationem animi percipi posse: ut in sacris rebus ullus eis sit locus, id verò minimè ferendum esse; hæc inquam oratio risum profectò prudentibus moveret. Quotidianæ enim inter eorum Theologos concertationes, turpissimis, ob rerum Philosophicarum ignorance, hallucinationibus refertæ satis ostendunt, ebriis hominibus eos esse persimiles, qui cùm se per dementiam negent duce, vel adminiculo ad ingrediendum indigere, ubique tamen titubant, atque offendent. Quantò tandem abs te sapientius factum est, Princeps Illustrissime, cui cùm persuasum esset, illas quoque à profanis licet hominibus excultas doctrinas, DEI ad nos munere pervenisse: CHRISTUM, qui sit æterna veritas, ad illa quoque omnia, quæcumque illis rectè tradita sint, suâ auctoritate comprobanda ad nos de cœlo delapsam: esse denique eas disciplinas ad res divinas explanandas uberius, & validius muniendas perquam appositas; iccirco Academiam tuam, more majorum, iis omnibus artibus, quæ omnibus numeris absolutum Theologum decent, instructam esse voluisti? Ita enim retinetur admirabilis ille inter disciplinas concentus, atque consensio, ut cùm aliæ sint diviniore fidei lumine patefactæ, atque è cœlo ascitæ, aliæ nativis ingenii viribus, & assiduo mortalium studio pervestigatæ, hæc illis pareant, atque ancillentur, & si qua in re lapsæ fuerint, ab illis corrigantur: illæ verò earum cùm præfidiis ad

*S. Augu-
stin. ep. 3.
ad Volus.*

compescendos hostes, tum ornamentis ad sua illustranda, atque confirmanda utantur.

CAPUT X.

De retinenda Academicarum inter se concordia.

NEque solum divulsæ sunt, atque distractæ ipsæ disciplinæ illorum somniantium importunitate & dementiâ, sed etiam, quod quidem malum multò latius patet, ipsæ Academicæ, postquam hoc novum Euangelium ab inferis extitit, omnem funditus spem mutæ concordie & consensionis amiserunt. Atqui hæc fuit majoribus nostris præcipua Academicarum condendarum causâ, ut veritas multorum sapientum studiis facilius reperiretur, & auctoritate certius muniretur. Sic enim homines sapientissimi judicabant, cum in omni disceptatione, tum præcipuè, quæ de divinis rebus instituitur, eruditorum hominum consentientes, conspirantesque sententias magni apud omnes ponderis esse oportere, præsertim si quod versatur in quæstione, diu fuerit antea magnis ingeniorum contentionibus agitatum. Id si in uno aliquo eruditorum hominum cœtu locum habet, quid in compluribus, non modò moenibus, sed terrâ quoque marique disjunctis? Jam verò ante Lutheri ab Ecclesia discessum, quanta erat omnium Academicarum in iis quæ fide Catholicâ traduntur tuendis, propugnandisque concordia? quàm multa, de quibus nihil dum certi Ecclesia decreverat, jam quodam Academicarum præjudicio explorata tenebantur? quàm multa in iis, quæ ex doctrinæ Christianæ capitibus, adhibita aliarum quoque cognitione doctrinarum, aptè concludi visa sunt, jam pridem tam erant in Academicis recepta, ut iis non assentiri summæ impudentiæ ac temeritatis esse judicaretur? Hoc quasi commune quoddam veritatis patrimonium pro se quælibet fidelissimè custodiebat, & quantum studio ac labore conniti poterat, augebat. At verò simulatque exortus est Lutherus, qui apud imperitos hæc omnia

omnia tantâ gentium ac sæculorum consensione comprobata atque firmata convelleret, tum verò simul excogitatum est aliud Academiae genus, cui quoniam æternum est bellum cum veritate susceptum, omnia derepentè litibus dissidiisque permiscuit. Hujus generis Academiam Burenus popularibus suis optabat, quæ non modò à Catholicis omnibus dissideret, sed ne spem quidem ullam haberet constantis cum suis gratiæ ac pacis ineundæ. Ad quam enim illa tandem factionem, cum inter illos sint plurimæ, sese applicaret? Ad Flaccianam, an Eberianam? ad Osiandrinam, an Ubiqueariam? An, quod nonnullas fecisse videmus, à Lutherò ad Calvinum, id est de calcaria ad carbonariam repentè transiret? Hunc verò ipsum, qui se sequi profitentur, quot jam sunt partium? Cujus verò tandem rationis fuisset, cum in Westphalia tot jam sæculis Academia desideraretur, quæ esset veritatis officina, falsarum in ea opinionum, & litium sedem constituere? Est enim omnino, quod aiebat S. Augustinus: *In ventre Ecclesia veritas manet. Quisquis ab hoc ventre separatus fuerit, necesse est ut falsa loquatur.* Quocirca præclare comparatum erat more institutoque majorum, ne cuiquam dynastæ fas esset Academiam condere; nisi non modò Imperator, verum etiam Pont. Max. auctor fieret. Existimabant enim nihil esse præsentius ad sedandas opinionum discordias & dissidia doctrinarum, quàm ut honores, qui viris doctis tribuuntur, non modò ab ejus qui toti Imperio, sed etiam qui totius orbis Ecclesiis præest, auctoritate pendeant: ut quoniam, ut est in solenni formula, *hic, & ubique locorum*, eos valere cupiunt, dent quoque operam, ne eorum doctrina cum totius orbis sensu, judicioque ulla in re discrepet.

In Ps. 57.

CAPUT XI.

De Pontificis Maximi in approbandis Academicis auctoritate.

*In consil.
Theolog.
2. part. pag.
165.*

Non placet hoc Philippo. Quid ita? *Nolunt*, inquit, Pontifex, & Imperator propagari veram, & puram Evangelii doctrinam, qualem constat esse harum Ecclesiarum. Ideò his Principibus, & Scholis sunt inimici. E contra tamen hi Principes verè invocantes DEUM, debent facere officium suum, & constituere honesta collegia docentium, & discantium litteras. Id precipit DEUS. At quis non videt ea non posse honesta esse docentium collegia, quæ ideò absque summorum Principum auctoritate constituuntur, quòd doctrina in iis tradatur ab illorum sententia, & quod consequens est, à consensione orbis terrarum abhorrens? Sed premit nos Philippus veteris Ecclesiæ consuetudine. *Non est dubium*, inquit, Ecclesiam Dei habentem scholas, & auditores, seu collegia docentium, & discantium posse, & debere dare testimonia auditoribus, sicut testantur litteræ, quæ vocantur *formatæ*. Vult inde confici, quemvis suorum cœtum, honores Academicos, sine Pontificis, vel Cæsaris auctoritate mandare posse. *quia gradus nihil aliud sunt, nisi hæc testimonia*. Non disputo, quàm imperitè gradus Academici formati veterum litteris comparentur, cum hæ fuerint fidei, & communionis Catholicæ, illi egregiæ cujusdam sint, & præstantis eruditionis testimonia. Sed faciamus inter hæc nullum esse discrimen. Nego valuisse formatas litteras à quocumque cœtu datas: contendo earum vim non solum scribentis judicio, sed etiam recipientis approbatione niti oportuisse. Itaque S. Augustinus, cum Fortunius Donatistarum Episcopus, Ecclesiam suam Catholicam esse contenderet: *Querebam*, inquit, *utrùm epistolæ communicatorias, quas formatas dicimus, posset quò vellem dare?* atque addit: *Parabam autem, ut si consentiret, ad illas Ecclesias à nobis tales litteræ mitterentur,*
quas

Epist. 163.

quas in Apostolicis auctoritatibus pariter legeremus illo jam tempore fuisse fundatas. Falsum igitur est quemvis cœtum, qui sibi Ecclesiæ DEI nomen arrogaret, formatas litteras, id est, ut Philippus interpretatur, doctrinæ testimonia, suis auditoribus dare potuisse, quæ apud rectè sentientes pondus haberent, nisi essent Apostolicæ Ecclesiæ sententiâ comprobata. Quæro igitur ex Philippo, num Ecclesia Romana, in qua, ut loquitur idem S. Augustinus, *semper Apostolica Cathedra viguit Principatus*, testimonia, quæ ab eorum cœtibus doctrinæ auditorum tribuuntur, admittat, & prober? Negabit, sat scio. Quid ergo formatas nobis objicit, cum ex solæ veterum testimonio formata Catholicam, veram, puramque doctrinam ostenderent, quæ non essent à societate Romani Pontificis alienæ? Ita enim Optatus Milevitanus, Augustino vetustior, ut ostenderet suam Ecclesiam esse Catholicam, non Donatistarum; recensitis ordine inde à S. Petro omnibus Romanis Pontificibus, usque ad eum, qui suâ vivebat ætate, cum quo, inquit, *nobis totus orbis, commercio formatarum, in una communionis societate concordat.* Errat verò Philippus, cum sperni, & repudiari Pontificis auctoritatem posse credit, eò quòd Christiani, Juliani temporibus proprias scholas, & proprios cœtus discentium instituerint, tametsi ille *edicto prohiberet admitti Christianorum liberos in scholis publicis.* Christianorum enim scholæ, Juliani imperio, civilibus duntaxat immunitatibus, & commodis carebant, quæ sola ab Imperatoribus proficisci possunt: laudem verò certæ, & constantis de religione sententiæ earum nulla amiserat, quæ quidem Romani Pontificis auctoritatem sequeretur. Neque enim minus Juliani, ac postea Valentiniani, & Valentis principatu, Catholici, ut probarent, sibi pro veritate, Donatistis pro mendacio dimicationem esse susceptam, illa Optati oratione utebantur. *Quæ, inquit, apud vos veritas inveniri potest, cui Catholica videtur obistere? aut quod apud nos esse mendacium poteris approbare, in una communione esse cum toto orbe terrarum? Nunquid poteris approbare mendacium, symbolum verum,*

Ep. 162.

Lib. 2. ad
Parthen.

lib.

Lib. 7.

Et unicum retinere & defendere? Nunquid poteris approbare mendacium Cathedram Petri, & claves regni cælorum à Christo concessas, ubi est nostra societas? Fateatur ergo Philippus, aut in veterum Formatis litteris nihil ad tuendas Academias positum esse præsidii, quæ sine Pontificis auctoritate, nutuque fundantur, aut certè, si, ut par est, nefas esse putat à sententia ejus ætatis discedere, quâ integram, puramque Ecclesiam fuisse confitetur; Burenianam certè orationem, quam suâ præfatione sibi laudandam putavit, & totum ejus consilium damnet necesse est. Quid enim stolidius, quàm eam Academiam in cælos ferri, cui Pontificis auctoritas ludibrio sit atque despectui, cum gravissimi & vetustissimi Patres, totius orbis consensu, testentur, absque ea veritatem retineri nullo modo posse? Num. verò magis Academia sine veritate, quàm mundus sine sole constare potest? Meritò igitur te, Princeps Illustrissime, posterì omnes amabunt, atque in oculis ferent, qui cum, hâc Academiâ fundandâ, viam aperire, & munire velles ad veritatem, eam unam tibi sequendam putasti, quâ tot innocentissimos, sapientissimosque homines ad illam pervenisse, nemo, qui se modò sapere profiteatur, ausit diffiteri.

CAPUT XII.

Contra Jordanem Canonicum Osnaburgensem, qui unam in orbe terrarum Parisiensem Academiam volebat.

VERùm exorietur fortasse nonnemo, Princeps Illustrissime, qui cum in magni beneficii loco ponat, nullam adhuc in Westphalia pravis infectam opinionibus Academiam extitisse, neget tamen etiam rectè sentientium numerum augeri oportere. Sunt enim quidam homines ita tetrici ac morosi, ut qua in te ipsi commodò aliquo sint affecti, in ea cæteros absque eodem versari, ferre nullo modo possint. Atqui ii, si qui tamen erunt, fortasse Jordanis Canonici

nonici Osnaburgensis, qui Rudolpho Habisburgio Cæsare floruit, se auctoritate tuebuntur. Is in libro de translatione Imperii ad Germanos, censuit, quemadmodum una esset Ecclesia Romana, quæ cæterarum mater esset ac magistra, ita satis orbi terrarum esse unam Academiam Parisiensem, à qua bonæ omnes artes, quæ ad orthodoxam doctrinam tuendam & ornandam sint opus, ab omnibus gentibus peti possint. Quæ opinio totius jam propè orbis consensu, & institutis, tot jam exortis novis gymnasiis pridem est confutata. Ac Parisiensem quidem Academiam, propterea quòd antiquitate facile cæteras omnes antecellat, semperque viris eruditissimis & gravissimis abundarit, equidem omni veneratione complectendam esse judico; præsertim, quòd eam idem ille Carolus, eodem quo hanc nostram, & finitimas Westphaliæ, Saxonixque Cathedrales Ecclesias, animo illo suo verè magno, & incenso de humano genere bene merendi studio fundaverit. Sed vereor ne parum intelligant, qui hæc disputant, in quo sita sit vera Academiæ nobilitas, qui totam ejus gloriam angustis unius urbis finibus terminari volunt: cum hominibus eruditione præstantibus, ex ea, velut equo Trojano, depromptis, atque in alias velut colonias dimissis ac distributis, latius multò & fructum ejus, & famam amplificatam ac diffusam esse videamus. Certè hæc ipsa J E S U Societas, quæ ut alia complura, toto orbe Christiano, ita hoc Paderbornense gymnasium tuâ, Princeps Illustrissime, voluntate moderatur ac temperat, in Academia Parisiensi primùm est exorta, & decem illi Patres, qui eam primùm certis legibus institutisque devinxerunt, in literis Apostolicis, *in Universitate Parisiensi graduati, & in Theologicis studiis per plures annos exercitati fuisse memorantur.* Quòd si, è Jordanis præcepto, Lutetiæ in aliquo gymnasio delitescerent, iis duntaxat doctrinæ suæ lucem impertivissent, quibus fuisset ad eos audiendos conveniendi facultas, nulla propè jam esset Christiana natio, quæ non aliquot eruditorum hominum millia, quæ postea ex hujus Societatis disciplina

Pauli III.
ann. 1540.
Julii 3.
ann. 1550.

Lib. 2.

Epist. 8. ad
plubem.

prodierunt, desideraret. Neque verò, propterea quòd Romana Cathedra à CHRISTO sit constituta, *in qua una Cathedra*, ut loquitur Optatus, *unitas ab omnibus servaretur, ne ceteri Apostoli singulas sibi quisque defenderent: ut jam schismaticus, & peccator esset, qui contra singularem Cathedram alteram collocaret*: non, inquam, consequens est unam duntaxat Academiam esse debere. Quoniam enim fieri non posset, ut omnes Ecclesiæ partes, instar unius corporis, inter se cohærent, nisi CHRISTI instituto, unius, quod sub aspectum caderet, capitis auctoritate tenerentur, ideò non dubitamus pronunciare cum D. Cypriano Martyre: *Deus unus est, & Christus unus, & una Ecclesiæ, & Cathedra una super Petrum Domini voce fundata*. Quòd si ad idem exemplum formandæ essent Academiæ, concluderetur non unam omninò solam, ut argumentabatur Jordanes, sed unam quæ auctoritate, & imperio quodam ceteras contineret, & gubernaret esse oportere. Sed ne id quidem necesse est. Dum enim Academiæ inter partes Ecclesiæ, ut verè sunt, censentur, licebit quidem opinionibus, de quibus in utramque partem integra religione certatur, inter se dissentiant: in iis verò quæ capita sunt ac firmamenta salutaris doctrinæ, ne distrahantur in factiones, eadem eas, quæ universam Ecclesiæ, auctoritas colligabit.

CAPUT XIII.

Cur expediat plures Catholicas Academiæ institui.

EST nihilominus hodie quoque nonnullis, quibus est privatus quæstus reipubl. commodis potior, permolesta Academiæ novarum omnis institutio. queruntur enim nescio quid de splendore & celebritate veterum gymnasiarum; novis fundandis, quotidie detrahi. Quæ ratio si majores nostros movisset, ne ea quidem extarent, pro quorum isti honore decertant. Etenim ante annum à CHRISTO nato

to M. CCC. una, & fortasse altera erat in Germania Viennæ,
 & Augustæ Trevirorum Academia. Nihil tamen illæ causæ
 dicere potuerunt, quin proximo consequenti seculo Heidel-
 bergensis, Pragensis, Colonienſis, atque Erfurtenſis funda-
 rentur. Aucto, ut sit, numero, illustrior quoque cœpit esse
 earum utilitas. ergò post annum M. CCCC. Lipsienſis, In-
 golſtadienſis, Lovanienſis, Rostochienſis, Griplwaldenſis,
 Friburgenſis, Tubingenſis, Moguntina ad veteres illas ac-
 ceſſerunt. Num hæ tamen majoribus nostris multæ viſæ sunt?
 num à novarum studio hæc veterum. multitudine sunt re-
 tardati? Nonne post annum. M.D. Wittembergæ? nonne
 Francofurti ad Oderam? nonne Dilingæ, Herbipoli, Græ-
 cii, & aliis Germaniæ locis novæ Academiæ extiterunt? Ni-
 mirum si, ut ait Sapiens, *Multitudo sapientum sanitas est orbis* Sap. 6.
terrarum, poterantne dubitare, quin è salute esset Reipub.
 quamplurimis locis accendi studia sapientiæ? Veniebat ve-
 rò nonnumquam usu, ut exorto bello, aut simili publicâ ca-
 lamitate aditus ad longinqua gymnasia adolescentibus in-
 tercluderetur, quibus multos sæpe annos tam necessàrio fru-
 ctu carendum fuisset, nisi provisum esset à Principibus, ut
 uno obſepto, alia litterarum studiosis paterent loca. Quid
 privatorum inopiam commemorem, quibus nisi oblata es-
 sent adjumenta discendi, quantas hodie respub. utilitates,
 & ornamenta requireret? Quid? quòd Ecclesiæ rationes ita
 flagitare videntur. Quâ enim illi re tam opus est, quàm eru-
 ditis Parochis? nam quod oppidum, aut quis vicus paullo
 frequentior tali non eget? præsertim hæc nostrâ tempeſta-
 te, qua nisi hominum animi doctorem præſidiis tegantur,
 vix est ut planorum, & impostorum manus evitent. Jam
 verò Parochi munus non valdè ab iis expetitur, qui com-
 plures annos studia litterarum peregrè suis impensis colue-
 runt. De publico verò, si quot satis essent, in hanc spem,
 procul patriâ alerentur, propè in immensum prodirent sum-
 ptus, cum opportunitates deesse non possint, quibus minus
 difficulter sustineantur domi. Adolescentibus verò ipsis u-

7. de rep.
cap. 4.

*Æneas Syl-
vius hist.
Bohem. cap.
35.
Nauclerus.
Bonfin.*

trum tandem ad disciplinam est conducibilius, in suorum conspectu arētē attentēque haberi, an inter alienos in summa impunitate versari? præsertim cū jam multiplicatis ubique scholis, & breviori repertā ad eruditionem viā, iis doctrinis hodie pueri imbuantur, quas vix olim viri degustabant. At illa ætas mollis ac tenera, non certē est ad peregrinandum appositā. quippe facilē remotis custodibus, alienos minusque, commodos mores induit. Id quod esset valde proclive, si ad paucas urbes immensi adolescentium greges confluerent, qui neque propter imprudentiam sibiipsis imperare, neque propter multitudinem à moderatoribus cognosci, nedum regi possent. Quod enim sapienter dictum est ab Aristotele, multitudinis, ut rectē gubernari possit, modum quendam esse oportere, id maximē in moderanda teneriore ætate valet, quæ sine intenta observatione, assiduaque custodia diffluit atque corrumpitur. Quod utinam hujusce rei pauciora exempla haberemus, neque liceret Academias florentes olim, nunc rectorum socordia eō prolapsas commemorare, ut adolescentes, qui ad eas mittuntur, vix pluribus annis doctiores, at paucis mensibus certō flagitiosiores evadant. Nam quid attinet earum meminisse, quæ à majorum religione desciverunt? videntur ne vel hæ solæ satis justam novis instituendis causam dedisse? Certē cū Joannes Hussus perverſis Wiclephi opinionibus imbutus Academiam Pragensem perturbaret, novamque ejus gubernandæ formam suis consceleratis consiliis opportunam moliretur inducere, in paucis diebus tria admodum Germanorum millia cum suis professoribus, viris Catholicis, Lipsiam commigrarunt, ibique novæ Academiæ, in qua sine religionis labe studia litterarum tractarent, fundamenta jecerunt. Ita enim verum esse censebant, ut simul aliqua Academia sese abruperit à societate rectē sentientium, evestigio exoriatur alia, quæ illius damnum novo ardore & industriā dissolvat atque compenset. Et tamen postquam non modò in plurimis Academiis jactura est facta, verum etiam tot populosissimæ gentes à nobis avulsæ, novis quotidie de reli-

religione doctrinis ludos aperiunt, erit quispiam Catholicus tam à studio avitæ religionis averfus, ut molestiam capiat animo, cùm à viris Principibus tot mortalium errorem miserantibus, opportunis locis gymnasia salubribus, nullâque peste contaminatis litteris excitantur? At enim, inquiunt, Academiarum nostrarum honorem, & antiquissimum decus tot novarum accessione infuscari nolumus. Itane? tot populorum salus vestro isto fumoso nomine vobis est vilior? Quid enim? quacumque circumtulimus oculos, plena sunt omnia naufragiis miserorum. hîc si quis unde unde licuerit, validas, novas, omnibus rebus instructas naves contrahat, è propinquo pereuntibus signum ostendet, adnatantes accipiat, omnique ope reficiat, vos scilicet, Viri Sapientes, indignum facinus exclamabitis : obscurari illius navis gloriam, *quâ vestræ Argivi delecti viri!*

Petebant illam pellem inauratam arietis. illam unam toto mari requiri, illam conscendi debuisse. illam qui nancisci nequiverit, eum scilicet fluctibus, diisque marinis esse permittendum. Quantò Academiis veteribus esset gloriosius, prognatis novis, acuere studia litterarum, intendere professorum assiduitatem, juvenum animos laudabili æmulatione inflammare, denique partam à majoribus gloriam non socios laborum refugiendo, sed industriâ omni vincendo, tueri ac propagare? Jam verò languentibus studiis, laxatâ disciplinâ, jacentibus bonis moribus, inscitum est profectò bonas artes accusare, si tam malis modis acceptæ, nova sibi domicilia circumspexerint.

C A P U T XIV.

Gratiæ totius VVestphaliæ nomine.

DE hac tamen, Princeps Illustrissime, abs te constituta Academia, locorum intervalla, quibus sane non modicis hæc urbs abest à veteribus gymnasiis, omnem eripient querendi & indignandi locum. Quàm verò omnibus.

bus Westphaliæ Ordinibus jucundum acciderit hoc beneficium tuum, satis hæc Academiæ tuæ natalem celebrantium, gratulantium, gestientium frequentia, & inusitati plausus ostendunt. Quis enim est omnino summorum, mediorum, infimorum, cujus non os ipsum, atque vultus exultantes tibi gratias agere videantur? Tu enim, Princeps Illustrissime, unus post hominum memoriam, ita de Westphalia universa es promeritus, ut cum ad te una duntaxat Episcopalis Ecclesia administranda delata sit divinitus, tamen eas quoque in quibus Episcopale munus non sustines, Episcopalibus jam tibi meritis, iisque immortalibus obstrinxeris. Quid enim tam dignum Episcopo, quam in omnem retrò ætatem providere, ut omnibus scientiæ, & integritatis artibus erudiantur, qui sunt aliquando in Ecclesiasticorum hominum numerum allegendi? quàm divinarum humanarumque rerum cognitione præstantes cum inferioris loci Clericos, tum Scholasticos, Decanos, Præpositos, aliosque magnates tanto antè fingere, & formare? Atqui hoc abs te commodum, Princeps Illustrissime, non minus ceteris Westphaliæ Ecclesiis, quàm huic tuæ, promptum est ac paratum. De quo quidem adsunt viri natalibus, virtute, dignitate spectatissimi, qui suarum tibi Ecclesiarum nomine gratulentur, & quod jucundissimum tibi gratiarum genus esse solet, hoc se tuo beneficio quamprimùm, ac deinceps perpetuò usuros profiteantur. Quid? nobilissimus equester ordo, qui, jam inde à primis harum Ecclesiarum primordiis, suos in iis liberos DEO, Ecclesiæque commodis, & dignitati omnibus seculis consecravit, quantas tibi gratias, & laudes habet, ac dicit, quòd illos in ipsis modò patriæ ulnis, ad omne Ecclesiastici hominis officium, & decus assuefacere, omnibusque necessariis litteris perpolire tuo beneficio liceat, cujus antè gratiâ, magnâ patrimonii jacturâ, exiguo sæpe profectu, longinquis gymnasiis committebantur? Nam quid ego singulorum studia atque gratulationes exequar? Quantas enim spes omnium mentibus hâc tuâ munificentia attulisti? Quis nunc est

est tam humilis, atque inops, qui in hac tam prompta atque expedita ad eximiam quandam eruditionis laudem perveniendi facultate, non aliquos suorum posterorum omni genere litterarum ornatos? non aliquod familiæ præsidium? non aliquod Reip. lumen jam nunc animo præcipiat, atque expectet? Jam verò, Princeps Illustrissime, noli putare non eos quoque qui aliter atque nos de Religione sentiunt, hujus gratulationis esse participes. Abjecerunt illi jam pridem, atque detestati sunt (præter Anabaptistas) veterem illam Lutheri sui Academiis, & honestis disciplinis maledicentis infaniam. Vetant nos spem despondere salutis suæ, qui tametsi ab Ecclesia se removerunt, non tamen passi sunt densis illis ignorantia, ac barbaria tenebris, quas ille, ne quando claram lucem aspicerent, eis offundere moliebatur, sibi ad eam aditum intercludi. Quòd si quis erit omninò in Westphalia, cui stomachum moveat hæc arx omnis salutaris doctrinæ, adversus eorum errores abs te collocata, is reputet hoc eodem loco posita quondam à Carolo Magno Augusto castra, quibus universam Westphaliæ sibi, & CHRISTO subegit. Quis verò post illam victoriam fuit in Westphalia tam demens, qui negaret illa Caroli arma salutem Westphaliæ peperisse? quis ab eo victus est, quin gratias se debere victori fateretur? Ne dubita, Princeps Illustrissime: DEUS castris non jam armorum, & militum, sed salubrium doctrinarum in hac Urbe positis, indè ei salutem instaurare meditatur, unde primùm olim oblata est. Oppugnantur nunc hæc castra, ut quondam illa adversariorum odiis, sed ubi semel manus dediderint, agnoscent contra suam se salutem dimicasse. Erunt etiam quibus quæ illis modò terrori sunt, & molestia, in delicias quondam & mella vertantur. Jam enim prospicio compluribus evénturum, quod de se, postquam à Manichæis ad Ecclesiam se retulerat, narrat D. Augustinus: *Lib. de util. cred. cap. 1.*
Nunc, inquit, ubera Ecclesia, post longissimam sitim penè exhaustus, atque aridus tota aviditate repetivi, eaque altius flens, & gemens concussi, & expressi, ut id manaret, quod mihi sic affecto ad
c
recrea-

recreationem satis esse posset, & ad spem reducendam vitæ, ac salutis. Neque enim abesse potest, in tanta multitudine honestissimorum hominum, qui magnis ingeniis, integrisque moribus præditi, nullâ animi perversitate, sed solâ ignoratione veri, nobis se morantur adjungere, quin complures sint futuri, quibus gravis illa, solida, constans Catholicæ Ecclesiæ doctrina, tot bonarum artium fulta præsidiiis, inimicas veritati sit opiniones detractura. Quibus detractis, ut nihil est veritatis cognitione dulcius, exardescunt nimirum dolore, quod vanissimarum rerum specie tamdiu fuerint ab ea percipienda, fruendaque retardati. itaque inflammati amore ejus damni compensandi, toti ad illam penitus intuendam & complectendam incumbunt. Qui quidem æternum tibi, Princeps Illustrissime, gratias agent, quod perfecto hoc Gymnasio & aditum facilem aperueris reperiendæ veritatis: & eâ repertâ fontem purissimæ & liquidissimæ voluptatis.

FINIS LIBRI PRIMI.



P A N E G Y R I C I,
D I E N A T A L I
A C A D E M I Æ T H E O D O R I A N Æ
P A D E R B O R N E N S I S,

Ejus Illustrissimo Principi Fundatori oblata,

L I B E R . I I .

De Academia Paderbornæ constituta.

C A P U T . I .

Proæmium.



Irificus ille, Princeps Illustrissime, Westphalorum in omnem humanitatem, & scientiam liberalem amor, qui tam uberem hodie omnibus lætitiæ, & gratulationis afferre segetem videbatur, idem nescio quid objecit quorundam mentibus, quod eas angat, neque sinat penitus acquiescere. Prædicant illi quidem tuum istum excelsum, totamque, quoad licet, Remp. bene promeritis comprehendere gestientem animum, meritòque hanc Academiam tuam inter præcipua Westphaliæ decora numerant. Verùm ut quisque quod valde diligit, id maximi æstimat, ita sunt nonnulli, qui verentur, ne Academiæ dignitati, quam ipsi omni sibi ope ornandam esse ducunt, hic delectus abs Te locus non ex omni parte respondeat. Negant enim Paderbornam tam magnifico Academiæ nomini parem esse. Quibus principio promptum esset respondere, quandoquidem D E I voluntas ita tulit, ut Tux potissimum Celsitudini condendæ

Academiæ animus esset, ac facultas, mirum nemini videri debere, si principem Imperii ac ditionis tuæ Urbem, præ aliis hoc ornamento decorandam putâris. Cui enim prudenti venire posset in mentem alienam te potius Spartam ornaturum esse, quàm tuam? Ad hoc possem istorum orationem refellere, qui Academiam, nisi in ampla urbe, collocari vetant, cum in vicis quoque omni mœnium, ac portarum præsidio nudatis nobilia gymnasia sita fuisse prodantur. Atque hæc adeò ex Academiis in Remp. non rarò fluxit utilitas, ut quæ loca humilia, atque abjecta colere cœpissent, brevi in visendam magnitudinem, celebritatemque crescerent. Verùm hâc nunc quidem oratione non utar. Quanquam enim confidam ex hac institutione Academiæ, insignem cumulum ad Paderbornæ pristinam dignitatem accessurum, me tamen dies hodiernus admonet, ne in animo cuiusquam hanc patiar opinionem residere, eorum ornamentorum, quibus opus est ad idoneam sedem nobilium artium, ullum ei defuisse. Id quod ego tam firmis, illustribusque argumentis me confirmaturum esse confido, ut tamen si in manu tua fuisset ac potestate, in qua Westphaliæ urbe Academiam poneress, ceterisque omnibus consultò Paderbornam antetulisses, nemo id injuriâ factum esse, jure queri posset.

CAPUT II.

Academiæ fundatio Episcopum maximè decet. Paderborna Episcopatum Westphaliæ urbium dignitate prima.

ATque illud quidem nemo non rectè, & ordine factum fatetur, quod ab Episcopo, & sacro Principe hoc tam salubre consilium, & cura suscepta sit. est enim finitima procuratori sacrorum, litterarum & doctrinæ cura. Nam cum Episcopi proprium sit salutaris doctrinæ tradendæ munus, sitque ei, si quid minus sanum vulgò seratur, omnis culpa præstanda; præclarè ex eo ratiocinatur Alexius Comnenus,

nus, eum cui publicè sit docendi potestas, ad levandum onere
 Episcopum accedere. Non quòd, ut imperitè quandoque
 docuit Lutherus, renunciatio Doctorum in Academiis ni-
 hil distet ab ordinatione, & initiatione legitimorum Eccle-
 siæ Ministrorum & Pastorum: Sed velut de Rege sapienter
 scriptum fecit Xenophon, ei multis auribus, multis oculis Lib. 8. de
Instit. Cyri.
 opus esse, qui sunt viri rerum usu & prudentiâ excellentes,
 ita de Episcopo scitè dici potest, ei plura quoque ora esse o-
 portere, quæ populum erudiant. Quocirca decernit ibidem
 Imperator, ut tametsi Constantinopoli vesticalia doctoribus
 ab Imperatore sint constituta, ipsi tamen nonnisi ejus urbis
 Archiepiscopi auctoritate ad docendi munus deligantur. Ex
 quo observat vir juris consultissimus Petrus Tolosas, ita re- De rep. l. 18.
c. 3. §. 8.
 ctam rationem flagitare, ut qui in publicis Scholis juventu-
 tem erudiunt, ii ab Ecclesiæ Præsulibus potestatem, vestic-
 alia à civili Principe consequantur. In Westphalia autem cum
 Imperator Carolus Magnus Episcopis jure suo cesserit, atque
 ita hos populos, ut ipse loquitur, *pro amore illius, qui ei victo-
 riam contulit, ipsi tributarios & subjugales devotè addixerit*, nã Apud A-
dam. Brem.
cap. 10.
 is Episcopus omnes penitus officii sui partes intelligit ac per-
 spicit, qui turpe existimat ex opibus, quas civilis Princeps
 bello partas sponte Ecclesiæ commodis consecravit, non
 quantum Resp. flagitat, in doctrinarum cultum derivari,
 quem ille, si eas retinuisset, omni ope alere, & ornare sui mu-
 neris esse duxisset. Ac licet omnes Westphaliæ Episcopi in
 eadem esse caussa videantur, tamen quoniam non videbun-
 tur rationes Ecclesiarum exposcere, ut in singulis Academiæ
 sint: ubi id in quæstionem vertitur, ad quem ex omnibus hæ
 partes sint deferendæ, equidem censeo eum, cujus Ecclesia
 dignitate cæteris antecellat, prælarè facturum, si, cum ita
 tempora Reip. postulabunt, ultrò eas ipse sibi deposcet. Fe-
 re enim, cui excelsiorem locum majores nostritribuendum
 putarunt, ea Ecclesia opportunitate regionis, splendore, aliis-
 que rebus est ornata, ut cum amplitudinem quandam suo
 Antistiti possit ejus nomen afferre, verendum non sit, ne sa-
 pien-

pientia cultoribus non sit ornamento. Jam verò inter Westphaliae Antistites Paderbornensem obtinere longè principem dignitatis gradum, nemo est qui ignoret, nisi qui in ratione Conciliorum Ecclesiasticorum, Conventuumque Imperialium, & omnis memoria vetustatis rudis sit, atque peregrinus. Et erit quispiam qui miretur, in ea Urbe constitui primam Westphaliae Academiam, in qua tot sæculis sit Ecclesia Cathedralis, cui ceteræ & antiquitate, & opibus, & provinciarum amplitudine, clientelisque florentes non dubitent de honore concedere?

CAPUT III.

Religio Christiana Paderbornâ manavit in universam Westphaliâ. Bonæ litteræ in Westphalia ab initio comitatæ religionem Christianam.

Ann. Francorum, Regino, alii, anno Domini. 777.

Apud Gobel. in Cosmod. et. 6. c. 38.

DEinde cui dubium est, quin Christiana religio Paderbornâ, velut à capite, in universam Westphaliâ permanarit? Etenim gente universâ à Carolo Magno perdomitâ hîc prima Synodus est habita, in qua primoribus, magnâque populi multitudine baptismo lustratâ, salutare primùm rogatæ leges, & jura sancita sunt. Itaque vir eruditus, & pius, qui Arnulfi Cæsaris ætate studiis litterarum, & sanctimoniam florebat, pulchrâ sanè imagine, Paderbornam eum locum esse scripsit, ubi duri ad eam diem, atque instar filicis indomiti Saxonum animi, ferro D. Caroli icti, tandem in scintillam Christianæ fidei emicuerint. quæ scintilla in immensum postea crescens incendium, non Saxones modò omnes, sed Vandalos quoque, aliasque remotissimas gentes corripuerit. Unde idem existimavit Paderbornensi Ecclesiæ rubram crucem pro insigni relictam esse, quòd in ea primùm Saxones, & Westphali cruentis Caroli præliis compulsi, sub hoc CHRISTI signo militare cœpissent. Quid tum postea? dicet quispiam, sit sanè Westphaliæ Religio primùm nata Pa-

ta Paderbornæ. num ideo Academiæ insignibus una digna est? non equidem id nunc pugno: sed tamen æquum esse cenſeo, ut qua ex Urbe tota olim Weſtphalia hauſit Religionis initia, in ea ne ægrè ferat domicilium conſtrui, unde omnium, quæ quidem religioni ancillentur, artium ratio petatur. Equidem ipſas artes exiſtimo, ſi rogarentur qua in Urbe Weſtphaliæ certam ſibi ſedem figi vellent, non aliam delecturas, atque eam, quam Religio, unde in omnes plagas ſe latè diffunderet, primam optaſſet. Etenim illæ poſtquam unà cum Religione indè ab ultima Britannia in has oras navigarunt, omniumque fuerunt ejus periculorum participes, tandem in hac Urbe unà cum illa primùm ſtabile domicilium collocarunt. Conſtat enim ſanctiſſimos illos viros, qui ex eadem prognati Saxonum gente, in Britannia, miſſam ſibi Româ & fidei, & doctrinarum lucem hauſerant, neutiquam commiſſiſſe, ut cognati Saxonie & Weſtphaliæ populi alterutram ad ſe non importatam eſſe jure queri poſſent. Sic enim viderant à ſuis illis in Britannia præſtantiſſimis magiſtris uſurpari, ut arctiſſima ſemper retineretur inter Religionem, Doctrinamque concordia. Cujus inſtituti præcipuam ſibi laudem vendicat Theodorus Archiepiſcopus Dorovernenſis, qui natus Tharſi urbe Ciliciæ, à Vitaliano Papa initiatus, in Britanniam venit anno CHRISTI DCLXVIII. Is cum ſacris profaniſque litteris eſſet inſigniter eruditus, haberetque ſuorum laborum ſocium, atque comitem Adrianum Abbatem natione Afrum, virum item doctiſſimum, mirificum ſtudiorum ardorem in Britannia omnium animis inſjecit. Audi enim quid de utroque narret venerabilis Beda.

Beda lib. 4.
hiſt. cap. 1.

Quia, inquit, litteris ſacris, ſimul & ſecularibus, ut diximus, abundanter ambo erant inſtructi, congregatâ diſcipulorum catervâ, ſcientia ſalutaris quotidie flumina, irrigandis eorum cordibus emanabant, ita ut etiam metricæ artis, Aſtronomica, & Arithmetica Eccleſiaſtica diſciplinam, inter ſacrorum apicum volumina ſuis auditoribus contraderent. Indicium eſt, quòd uſque hodie ſuperſunt de eorum diſcipulis, qui Latinam Græcamque linguam æque ac propriam,

Lib. 4. hiſt.
Ecl. Angl.
cap. 2.

in qua nati sunt, norunt. Neque unquam prorsus ex quo Britanniam petierunt Angli, feliciora fuere tempora, dum & fortissimos Christianosque habentes Reges, cunctis barbaris nationibus essent terrori, & omnium vota ad super audita caelestis regni gaudia penderent, & quicumque lectionibus sacris cuperent erudiri, haberent in promptu magistros qui docerent. Delectat me, fateor, Princeps Illustrissime, hæc sanctissimi, & eruditissimi Theodori memoria, vel eò, quòd te ejusdem auspicatissimi nominis Præsulem, sentiam eandem temporum felicitatem Westphaliæ conciliare conari. Quid enim aliud agis, quid moliris, nisi ut Respub. pacis otio, & tranquillitate aliquando reddita, omni divinæ humanæque sapientiæ ubertate perfruatur? Hujus è Theodori ludo prodierunt viri illi sanctissimi Bonifacius, Suibertus, Ewaldi & alii, qui paullò post ejus excessum, ut hanc, vicinasque terras CHRISTO subjungerent, indè sunt profecti. Non enim illi solam religionis, verum etiam omnis liberalis doctrinæ lucem se afferre profitebantur. Sed nimirum diu nimium nostrates utramque sunt aspernati: diu frustra stabilem in Westphalia sedem, & domicilium quæsierunt. Siquidem inter assiduos fremitus armorum, & rebellium bacchationes nusquam tutò templa, nusquam Scholæ ponebantur. Interea extra Westphaliā, qui è media patriæ jactatione eripi poterant, sub idoneis magistris Westphali adolescentes Christianis moribus, & doctrinis utcumque tangebantur. Nam Trajecti ludus erat, quem D. Gregorius regabat, D. Bonifacii Martyris auditor. In eo S. Ludgerus, qui deinde primus Monasterii Antistes fuit, erudiebatur, & unà cum eo, ut ipse loquitur, *quidam de novella Dei plantatione diebus nostris inchoata Fresonum & Saxonum*. Wirceburgi quoque D. Caroli voluntate duodecim nobilissimi adolescentes, D. Burckardi præceptis imbuebantur, è quibus duo primi Paderborniensis Ecclesiæ Præsules sunt delecti. Quid quòd ejusdem Imperatoris instituto Romæ ejusdem gentis quasi quoddam seminarium fuit, quod Schola Saxonum dicebatur, non longè ab æde S. Petri, ut in ipsa quasi Catholicæ Religio-

S. Ludgerus
in commem.
de SS. Boni-
facio, &
Gregorio.
Vide Baron.
in Mart. ad
10. Nov.

ligionis arce unà pietatem litterasque condiscerent? At verò postquam Magni Caroli invictâ virtute in Paderbornensi Synodo totius Westphaliæ consensu CHRISTI fides suscepta est, noluit illa sine comitatu bonarum artium ac disciplinarum, quas constantissimas adversis suis rebus comites habuerat, patefactos jam sibi Westphaliæ fines ingredi. Idem igitur dies, eadem Synodus, eadem Paderborna omnium quæ deinde in Westphalia extiterunt, & templorum & Scholarum, uno eodemque decreto fundamenta posuit. Parne erat eam ejus boni expertem remanere, cujus ipsa cæteris urbibus ac terris tamdiu frustra expetitam facultatem obtulerat? Potestne illa indigna videri, quæ omnium disciplinarum honestarum vocibus personet, in qua primùm illa vox audita est consentientis conspirantisque Westphaliæ, ut armis positis, abjectâ impietate, exturbatâ barbariâ, pax, religio, humanitas, & humanitatis parentes bonæ litteræ coleantur?

C A P U T IV.

*Olim quoque & inferiores & sublimiores doctrinae
Paderbornæ floruerunt.*

V Ide, Princeps Illustrissime, quæ mens fuerit majorum tuorum, gravissimorum hujus Urbis Antistitum, quibus non mediocri studio fuit, in ea omnium artium studia nutrire, quibus salutaris fides propagatur atque defenditur. Intelligebant enim Westphalis usuvenisse, quod alicubi confirmat Augustinus: *Multi, inquit, profuit (quod experimentis probavimus, & probamus) prius timore vel dolore cogi, ut postea possint doceri.* Igitur quo in loco, terrore armorum fortissimi Imperatoris compulsâ Westphalia, Christiana sacra susceperat, in eo providendum sibi putarunt, ne unquam deessent magistri exercitationesque doctrinarum. Quæ tamen si nullo fere tempore omninò jacuerunt, fuit tamen cum eo ardore celebrarentur, ut, præter hodiernum Academiæ

*Ep. 10. ad
Bonif.*

*Vita B.
Meinwerchi.
c. 52.*

nomen, nihil admodum desiderares. Quâ enim tempestate, ut alios præteream, Meinwercus ille Paderbornæ nobilissimum decus, ad clavum hujus Ecclesiæ sedebat, non modò optimi Latinitatis auctores Sallustius, Virgilius, Statius explicabantur, verum etiam florentissimi adolescentes, Rhetoricis, Dialecticis, Arithmeticis, Geometricis, Physicis, omni denique genere liberalis eruditionis informabantur. Ejus vestigiis cum alii deinceps Antistites, tum præcipuè is qui duodecimo loco huic Urbi præfedit, Imadus, ipsius Meinwerchi è sorore nepos, institit; qui severissimâ avunculi disciplinâ, à pauxillo puero, ad omnem sanctimoniam sapientiæque laudem institutus, non commisit, ut tanto viri sanctissimi labore accensa rerum pulcherrimarum studia, suo tempore restinguerentur. Atque utinam vetustatis injuria, atque crebræ hujus Urbis & primariæ Ecclesiæ deflagrationes paullò plura nobis hujus tam præclaræ voluntatis reliqua monumenta fecissent! esset profectò unde liquidò disceremus sapientissimas tuas, Princeps Optime, curas & cogitationes, cum præstantissimis majorum tuorum consiliis ita congruere, ut non tam eorum virtutem æmulando expressisse, quàm ipsos tanto intervallo vivos in Te, spirantesque retulisse videaris. Nunc autem, tuarum quidem virtutum formam integram, & undequaque emicantem splendorem intuemur: illorum autem quæ fuerit species, velut è reliquis nobilium statuarum frustis conjecturâ assequimur. Cujusmodi sunt versus, quos hic ipse Imadus, de quo nobis est sermo, inscripsit vestibulo voluminis per vetusti, in quo sunt Philonis Judæi nonnulla monumenta. Id volumen è miserabili naufragio ornatissimæ bibliothecæ, quam ille bonis artibus adjuvandis extruxerat, tuo Princeps Illustrissime munere, unâ cum aliis præstantissimis libris, in Collegio nostro visitur. Versus porrò Imadi sunt hi:

Ecclesia CHRISTI, sanctæque DEI Genetrici,

Offert hunc librum devotus Præsul Imadus.

Quibus verbis ostendit sapiens Antistes, non sibi modò cu-

ræ fuisse, ut perpetuò Religionem honestis artibus copularet, sed etiam cum immortalium ingeniorum partus ad locupletandam his talibus Ecclesiam perquireret, id perinde DEO gratum existimasse, atque si aras & templa poneret. Qui ita de codicibus, mutisque membranis sentiebat, quid is se facere credebatur, cum ipsos adolescentum animos, quorum paullo post innocentia atque doctrinâ Ecclesiæ dignitas niteretur, optimis disciplinis imbueret? Si enim qui rudes hominum animos CHRISTO conciliant, ii quoddam sacrificii genus, ut est apud Apostolum, DEO faciunt, nihilne operantur, qui ipsos plurimorum magistros mox futuros omni eâ litteraturâ expoliendos curant, quâ sit opus ad tam augustum, & humano generi salutare munus pro dignitate sustinendum? Equidem nihil dubitem negare ullam hecatomben DEO perinde decoram gratamque esse potuisse, atque ornatissimus ille nobilium adolescentum cœtus, qui illis temporibus in Paderbornensi Ecclesia, cum omnium præstantium artium scientiam percepissent, alii ad alias Ecclesias regendas vocati, illustribus suam quisque promeritis ornaverunt.

Rom. 85.

v. 16.

C A P U T V.

Viri sanctitate & doctrinâ illustres, qui è Paderbornensi Gymnasio prodierunt.

IN iis fuisse legimus Unwanum Meinweri, atque Imadi propinquum, qui è Choro Paderbornensi, ut loquitur Adamus, assumptus, atque à S. Henrico Archiepiscopus Bremensis renunciatus, satis ostendit, præclara se quædam Paderbornæ sapientiæ & virtutis rudimenta posuisse. Hic est enim ille Unwanus, qui Bernardum Saxonie ducem res novas adversus Henricum sanctissimum Cæsarem molientem, omnes Saxonie Ecclesias inaudito scelere vexantem, & quod nefas est dictu, Vandalorum gentem per summam

Adam. Bremens. c. 86.

impietatem à Christianis sacris ad Ethnicam superstitionem
 minis armisque cogentem fregit, ac domuit. Ille perpetua
 necessitudine doctissimis viris jungebatur, quos partim nus-
 quam ab latere suo dimittens, omnibus in negotiis adhibe-
 bat: partim ad traducendos ad CHRISTUM populos in
 Daniam, ac Norwegiam amandabat. In illo tanta erat flu-
 xarum opum despicientia, ut non dubitaret, ingentibus Ec-
 clesiae suae sumptibus atque jacturis, Aquilonares Reges po-
 pulosque prensare, & dum eorum animos CHRISTO con-
 ciliaret, suarum fortunarum detrimenta in lucro ponere. E-
 ducatus est deinde Paderbornæ cum Imado S. Anno Archie-
 piscopus Coloniensis, ut refert auctor vitæ B. Meinweri.
 neque refert, quod ejus institutio à Lamberto Schafnabur-
 genfi, & aliis, Ecclesiae Bambergensi attribuatur. Id enim
 eo factum esse suspicor, quod idem deinde Bambergensis Ec-
 clesiae Scholasticus fuit, atque ita cum in utraque litteras di-
 didisset, potius habita est ratio ejus, in qua præterea docuif-
 set. Facile quoque induxerim animum, propter incredibi-
 lem D. Henrici in utramque Ecclesiam amorem & pietatem,
 tantis munificentiae documentis testatam, eâ tempestate sin-
 gularem quandam Paderbornensi, cum Bambergensi Eccle-
 sia amicitiam ac societatem intercessisse. nam post mortem
 quoque D. Henrici, Poppo Paderbornensis Episcopus, qui
 Imado successit, Bambergensis Ecclesiae Præpositus fuerat:
 ut jam non sit necesse pervestigare, quemadmodum fieri po-
 tuerit, ut idem S. Anno & Bambergæ, & Paderbornæ sit
 eruditus. Porro de S. Annonis laudibus dicere quid attinet?
 Cui enim ignota est illius viri prudentia, qui Henrico III.
 Cæsare necdum ad regnandum maturo, cum ejus esset tutor
 designatus, universum imperium aliquot annos suis humeris
 sustinuit? quis de ejus facundia nihil legit, quo dicente com-
 plorantium gemitu templa personabant? Nam morum san-
 ctitas tot miraculis confirmata divinitus, & publicis Eccle-
 siæ fastis consecrata latere neminem potest. Annoni jungi-
 tur ab auctore vitæ B. Meinweri, in Gymnasio Paderbor-
 nensi

Cap. 52.

Alic. IV.

Ibid.

nenſi condiscipulus, Fridericus Monasterienſis Episcopus, nempe is qui sextusdecimus est ordine, si Krantzio credimus, Marchionis Misniae filius. Hic quantum ex Annonis & Imadi contubernio ac condiscipulatu profecerit, perpetuâ in viros doctos voluntate, & singulari quâdam excelſitate mentis ostendit. Fortè cum Monasterium venisset, repperit viros Ecclesiasticos non paucos, doctos juxta ac pios, laudabilem inter se quandam Religionis & litterarum societatem coisse. Ad hunc cœtum, ut est in excellentibus ingeniis insatiabilis proficiendi cupiditas, sese e vestigio aggregavit. Factus deinde Episcopus ædem Sacram D. Mauritii in suburbano extruxit, fundatoque ad eam honestissimo Canonico- rum Collegio, quantum in se fuit, providit, ne unquam Ecclesie suæ eorum hominum copia deesset, quorum institutis ac moribus plurimum ducebatur. Et quanquam, cum insulâ Magdeburgensi à plurimis dignissimus judicaretur, Weziloni D. Annonis germano posthabitus est, tamen nihil animo fractus, aut dejectus, illustre de se documentum dedit, non esse quòd, qui jam inde ab adolescentia virtutum sibi & sapientie ornamenta pararunt, altiore aliis dignitatis gradum invideant, cum in eorum sit manu, in quorumque fuerint collocati, proprium ei quoddam decus ac splendorem impertiri. Hos consecutus est S. Altmannus, qui, ut loquitur ejus vitæ scriptor, Paderbornæ ad regimen scholarum delectus, multosque annos eo munere præclare functus, primùm Præpositus Aquisgranensis, ac deinde Episcopus Pataviensis est renunciatus. Is in conventu Triburiensi, ubi Henrico Tertio Imperatore gravissimorum criminum à Principibus reo facto, atque à Gregorio VII. Pont. Max. sacris interdicto, de summa Reipub. agebatur, unâ cum Sigehardo Patriarcha Aquileiensi, ejusdem Pontificis vicem egit, vir, ut ait Lambertus, *Apostolica conversationis, & magnarum in Christo virtutum*. Neque verò præteriri debet Vitelinus, vir longè sanctissimus, quem Holfatiorum, plurimorumque ad Aquilonem populorum Apostolum rectè di-

*Metrop. l. 5.
c. 3.*

*Chron. Mo-
naſt. MS.*

*Edita à V.
Cl. Sebast.
Tengnagel è
Bibliotheca
Caſarea.
Lamb.
Schafn.
an. 1076.*

*Helmoldus
histor.*

Slav. l. 1.

cap. 43.

Krantz. l. 6.

Metrop.

cap. 2. Sa-

xon. l. 5.

c. 29.

xeris. Ad eorum salutem procurandam cum esset designatus à Deo, essetque insigni vitæ integritate, sed minimè pari doctrinâ præditus, hujus ei quoque comparandæ casum obtulisse dicitur. Versabatur Vicelinus in ulteriori Saxonia, in familia feminæ illustri, cujus teneros liberos erudiebat. fortè, ut inter potentium assecras & familiares fieri solet, fuit qui herilem illi gratiam, felicesque successus invideret. Is cum summa viri innocentia nullam obrectandi materiam daret, inscientiam exagitare aggreditur. Promit versum ex Achilleide Statii Papinii, cujus explicatio aliquid supra vulgus eruditionis exposceret. Eum locum sibi explanari convitio flagitat. hîc, cum bono Vicelino hæreret aqua, ille scilicet illudere, & exprobrare, quòd ipse rudis & imperitus alios se docere posse confideret. Pupugit hæc oratio, ut minimè malum, ita neque vilem abjectumque animum. Ergò dolore dissimulato, atque in discendi studium converso, Paderbornam advolat, ubi sub Hermanno viro doctissimo, de omni propè genere doctrinarum scholas celebrari cognorat. Ibi tantum progressionis brevi habuit, ut magistrum subinde in docendo sublevaret, & secundas partes ageret, mox etiam Bremæ Ludum ipse administraret. Aliquot post annis, cum ferre non posset in Slavorum, sive Vandalorum gente, quorundam scelere, fidem Christianam vulgò abjici, atque prodi, sanctius quoddam docendi munus est exorsus. Trajecto siquidem, cum aliquot ejusdem propositi fociis, Albi, & factâ ab Henrico Vandalorum Principe potestate, vigintiquinque ipsos annos per incredibiles ærumnas, summamque vitæ sanctitatem, toto animo ad revocandos ab Idolis ad CHRISTUM populos incubuit. Ad extremum ab Hartwico Hamburgensi Archiepiscopo, Aldenburgi, quæ Ecclesia complures annos Slavorum furore deserta squallebat, jam grandis natu Episcopus est constitutus. In quo dignitatis gradu nihil de illa pristina docendi, miserosque ad frugem reducendi contentione remisit, neque unquam remisisset, nisi plura quotidie pro DEI gloria sanctè

sanctè facere, & fortiter pati meditantem mors oppressisset, atque ad partem tot laboribus in cœlo palmam aliquando vocavisset. Hos tales ac tantos viros, cujusmodi vix singulos singulæ ætates ferunt; uno fermè seculo omnes Paderborna formavit, vel perfecit, quo tempore non in ea modò à civibus, sed etiam ab exteris simul de Christianæ virtutis, simul de ingenuarum artium gloria certabatur. Tunc omnibus persuasum erat, flagitium esse, si, cùm parens liberis patrimonium augere laboraret, animi bona, quibus Reip. profint, habeant necne, flocci non faceret. Tunc majorum insignia, & natalium splendor ei probro censebantur esse, qui, dum per ætatem liceret, propria sibi decora non quæsisset, quibus relictam à progenitoribus claritudinem tueretur, & augeret. Tunc seriò sentiebant viri Ecclesiastici dignitatem illam sui ordinis, quam majores nostri, præ cæteris gentibus, opibus, clientelis, ditione florentissimam esse voluerunt, sine Christianæ sanctitatis, & rectæ scientiæ studiis, in quibus omnis eorum vera gloria vertitur, retineri nullo modo posse. Tunc denique Antistites perinde erant animati, atque Te, Princeps Illustrissime, nunc videmus: ut me hæc ipsa reputantem spes oblectet fore, ut, cùm Tu nobis Meinwercei atque Imadi felicia tempora restituas, si hæc juvenus ad omne decus nata, tuis sapientissimis consiliis, optatisque respondeat, ex ea Annones, Altmannos, Vicelinos aliquando videamus.

C A P U T VI.

*Paderborna Imperatorum in VVestphalia
proprium domicilium.*

S Pero equidem neminem fore tam duri oris, qui, cùm tot Reip. lumina se Paderbornæ exortum lucemque suam acceptam ferre testentur, etiam ambigat, sitne Paderborna præstantibus ingeniis percolendis idonea. Potest tamen

tamen horum sententia sapientissimorum Principum auctoritate confirmari. Sic enim adhuc in deligendo constitutendis Academiis loco observatum est à prudentibus: quibus in Urbibus Principes commorantur, eadem operâ gymnasii celebritate dignas judicari. Primum enim hoc amore Principem in bonas litteras esse oportere, ut eas, quantum fieri potest, assiduò in oculis atque in sinu ferre desideret. Deinde magni referre ad integritatem doctrinæ conservandam, juvenumque licentiam refrenandam, ipso Principe, gravissimisque viris, quorum consiliis in Rep. utitur, arbitris, tractari studia litterarum. Denique, quæ in eligenda sibi sede Principes sequi solent, cæli salubritas, soli ubertas, atque amœnitas, eorum quæ ad victum cultumque pertinent vilitas & copia, secura pax, & tranquillitas, aliæque ejusdem generis commoditates sunt eæ ipsæ, quas spectare Academicarum institutores jubentur. Tamen si verò quibus locis quoque Principes se tenent, qui non in summo sunt totius Reip. gradu, pleraque minimè abhorrent à rationibus hominum litteratorum, tamen quoniam neque illi provincias habent amplissimis regionibus terminatas, neque omnes provinciæ pares rerum omnium honestarum commoditates, perspicuum est, eas demum urbes, ante alias, bonarum artium gymnasiis accommodatas esse, quas supremi Reipubl. Principes suo domicilio cohonestant. Porro quamvis in Westphalia nunquam Imperatores nostri stabilem ac perpetuam sedem constituerint, tamen quotquot adhuc in ea versati sunt, non obscurè præ se ferre visi sunt, si quæ eos Reipubl. utilitas in Westphaliâ accerferet, non alibi libentius, quàm Paderbornæ habituros esse. Atque ut à D. Carolo Magno Augusto exordiar, qui primus hanc terram non tam vestigiis, quàm victoriis peragravit, ubi ille crebrius, ubi diutius morabatur? Ubi contrahebat copias? ubi fessas vires recreabat à prælio? ubi audiebat supplices? ubi jus dicebat populis? ubi respondebat legatis? ubi habebat consilium? ubi leges ferebat? Nonne Paderbornæ? Huc ille anno

*Ann. Franc.
Ragino, &c.*

CHRISTI DCCLXXVII. omnes fermè Saxonix primores congregatos Christiana sacra suscipere, & sacramentum dicere coëgit, nunquam se à JESU CHRISTI fide, nunquam à suo posterorumque imperio descituros. Si fallerent, nihil causæ dicturos, quin capite deminuti, libertate, fortunisque omnibus multarentur. Hic eodem conventu tres Saracenorum Principes indè ab Hispania profecti, sunt auditi. Huc anno DCCLXXXIII. ante illustrem illam victoriam, cum ingenti ad Hasam amnem prælio propè est debellatum, suos conduxit exercitus. Hic biennio post, iterum Concilium habuit, cum à Carolo Juniore ipsius Magni filio Westphali ad Luppiam fusi fugatique essent, unaque jam illa deliberatio perfectam, constantemque Reip. quietem moraretur, quemadmodum Viticindus, & Abbio perduellium duces, in Regis potestatem venire possent. id quod haud multò post est adeptus. Denique quæ tandem potuit luculentius demonstrare, quanti ex omnibus Westphaliæ urbibus unam faceret Paderbornam, quàm cum anno DCCXCIX. Leonem III. Pont. Max. inaudita crudelitate à consceleratis Quiritibus linguâ oculisque captum, & urbe profugum accepit? Erat in Carolo singularis adversus excelsissimum illud Apostolicæ dignitatis fastigium pietas, & observantia. Erat Leonis ea virtus & innocentia, quæ ob admirabilem exactâ linguâ, erutisque oculis videndi ac loquendi facultatem conservatam divinitus, vel in privato coli mereretur. Ipsa denique tanti viri calamitas omnibus se officiis, atque honoribus leniri, & compensari postulabat. Ad hæc omnia delegit Rex sapientissimus Paderbornam, quæ una tam augusta illi visa est; ut non modò duos simul summos orbis Christiani Principes capere, & complecti posset: sed etiam cum alterius, qui hospitio invitabat magnitudine animi paria facere, alterius qui accipiebatur ita diuturnum, & acerbum dolorem, luctumque demere, ut honori non deesset. Neque verò hoc Imperatoris omnium maximi de Paderborna judicium, unâ cum ipso extinctum, sepultumque est; sed pervasit, ac permanavit

*Anastasiu
Bibliothec.
in vita Leo-
nis.*

*Annales -
Ludovici,
qui Astro-
nomo tri-
buitur.*

Ann. Fran.

*Adelboldus
in vita S.
Henrici.*

*Ditmarus
Chron. 6.*

Idem l. 7.

*Vita Beati
Meinweri.
c. 78.*

vit ad posteros. Siquidem Ludovicus Imperator cognomen-
to Pius Caroli M. filius, anno CHRISTI DCCCXV. cum
Haraldus Danorum Rex ab æmulis regno pulsus in ejus fi-
dem atque clientelam se contulisset, opemque posceret, non
solum Saxonix, sed etiam Vandalix proceres huc coëgit ad
commune consilium, cum de his auxiliis Dano ferendis, tum
de cæteris Reipubl. commodis. Hujus quoque filius item
Ludovicus, cui in partitione aviti regni ulterior Germania
obtrigerat, postquam Obotritos defectionem molientes, cæso
eorum rege Gozzomvile, bello domuerat, anno proximo se-
quenti, qui fuit à CHRISTO nato DCCCLXV. Paderbornæ
generalem conventum habuit, cui & fratrum ejus Lotharii
Cæsaris, & Caroli Galliarum Regis, atque etiam Norman-
norum, Slavorum, Bulgarorum legati interfuerunt. D. ve-
rò Henrici Imperatoris, ut sanctitate, ita rebus domi, atque
militiæ sapienter & fortiter gestis longè clarissimi, egregiam
in hanc urbem voluntatem, quâ tandem oratione conse-
quar? Num dies ullus Paderbornæ illuxit gloriosior quarto
Idus Sextiles (qui D. Laurentio Martyri sacer est) ANNI
MII. quo die D. Kunegundis Augusta, D. Henrici non
tam Imperii, quàm cælestis cujusdam castimoniæ consors,
in oculis ipsius Cæsaris, atque omnium propè Germaniæ
Principum, à Willigiso Archiepiscopo Moguntino in æde
sacrarum principe, imposito diademate ritè est inaugurata?
Quando verò Henricus deinde pedem unquam in Westpha-
liam attulit, quin Paderbornam reviseret? Non anno MXXII,
cum Paschales ferias, non altero post anno, cum Natalem
Christi hîc egit. Non anno MXXII. cum bellum moturus ma-
gnis copiis adversus Boleslaum Poloniæ Ducem Kunegun-
dem Augustam huc accersit. Non propinquâ jam morte, cum
diutius Paderbornæ apud Meinwercum diversatus, incertum
reliquit, plusne amplissimis largitionibus hujus Ecclesiæ
opes auxerit, an virtutem illustribus sanctitatis documen-
tis inflammavit. Quid ejus successor Conradus cognomen-
to Salicus? non ille anno MXXV. id est ipso principatus

exordio, *Epiphaniam Domini in Patherbornensi civitate*, ut loquuntur annales, *more regio peregit?* Nonne anno ejusdem seculi xxx. idem Imperator die CHRISTI natali erat in Ecclesia Paderbornensi, cum Aribio gravissimus & integerimus Archiepiscopus Moguntinus, pro concione, ipsum Cæsarem & Episcopos, qui frequentes convenerant, ut sibi bonâ eorum veniâ Romam pietatis causâ proficisci liceret, Clerum verò omnem, ac populum, ut remissionem peccatorum sibi à Domino exposcerent oravit? Cui affine est, quod de D. Bardone item Moguntino Antistite, qui proximè Aribonem consecutus est, Lambertus commemorat. Is tam admirabili fuit sanctitate, ut eam DEUS luculentis prodigiis illustrarit; tam inusitatâ dicendi vi, ut Chrysostomi nomen invenerit. Utriusque illustre specimen dedit Paderbornæ, coram Henrico Cæsare ejus nominis secundo, vel, ut alii malunt, tertio. Ibi enim cum, ut solebat, verba piè & diseretè fecisset in ornatissimo Cæsaris & Principum confessu, ipso die Pentecostes, denunciavit propediem se moriturum, atque eodem mense decessit. Denique hodie quoque visuntur Paderbornæ ædes, quas vetus fama est Henrici IV. Imperatoris fuisse, esseque eas, quibus Leo Pontifex, cum apud Carolum divertisset, est receptus. Neque verò nunc attinet aliorum Regum ad hanc urbem accessu, ludis equestribus, cæterisque celebratibus commemorandis immorari, cum hæc pauca satis ostendant, quo in numero ab iis, quos adhuc recensuimus, sit habita, in eodem Paderbornam superioribus seculis apud omnes prudentes fuisse, & porro esse oportere. Verè enim ante annos septingentos ad Bisonem quartum, hujus Urbis Episcopum scriptum est ab erudito scriptore de Translatione Reliquiarum S. Liborii: Inter omnia loca principalibus Ecclesiis constituendis destinata *speciali quâdam dignitate Patherbornensis sedes præcellit*. Neque immeritò ab Erinhero, qui vitam S. Heimrardi Presbyteri Tutelaris Halungensis versibus descripsit, appellatur Sedes Regalis. Quid ni enim Regalis, quæ tot

*Chronicon
MS. P. Chri-
stophori Bro-
weri.*

*Vita S. Go-
dehardi
c. 27.*

*Lambertus
anno 1050.*

In præmio.

Regum studiis est cohonestata? Referam versus expertes illos quidem artis, sed tamen qui veteris memoriæ de Paderborna sententiam sine fuco nobis exponunt. Sic enim ille ingressus sermonem de B. Heimeradi cum Meinwerco Antistite congressu :

Est locus egregius Patherbrunnon vocitatus :

Is quoque Regalis Sedes & Pontificalis.

Quòd si quis ergo præterea percunctabitur, quid ita, tot aliis postpositis urbibus, Paderborna publico in Westphalia gymnasio decoretur? is cognoscat Westphalis, qui præ cæteris populis sint appetentes humanitatis & sapientiæ, ejus possessionem rem prorsus regiam videri, atque ideò propriam ei sedem ac domicilium, non alibi decuisse, quàm in *Regia Westphalia Urbe* collocari.

CAPUT VII.

Nihil Paderbornæ eorum deesse, quæ ad Academiae splendorem & commoditatem requiruntur.

*Sangall. l. 1.
cap. 1. de
gestu Caro-
ni M.*

ET fanè si faciem & ingenium loci intuebimur, fatendum nobis erit, nihil vel à priscis illis Cæsaribus ornatiùs ad habitationis suæ dignitatem, vel abs Te, Princeps Illustrissime, felicius ad commoditatem studiosæ juventutis reperiri potuisse. Ac primi quidem illi viri sapientes, qui Carolo Magno Cæfare è Britannia delati in Galliam, Parisiensis Academiae quasi parentes fuerunt, cum venalem se Sapientiam afferre professi, interrogati essent, quibus rebus ad rem tantam opus esset, responderunt: opportunis locis, animis ingeniosis, victu, atque amictu. Atque ingenia quidem, quorum universa Westphalia inprimis est ferax, Paderbornæ deesse non possunt, præsertim cum eo loco sit sita, ut ad eam ex omni Westphaliæ regione faciles sint accessus. De copia verò rerum quibus vita sustinetur, quæ potest cum ea Westphaliæ pars contendere? Cum enim Westphalia
omnis

omnis, quâ quidem ad Rhenum & Oceanum vergit, in latissimos expansa campos, ob crebras paludes pastioni sit aptior quam segeti: quâ verò Visurgim, & Chattorum juga respicit, pinguiore sit glebâ, præterquam ubi saltibus & silvis horrescit; quis non videt opes utriusque terræ eò loci confluere, ubi sita est Paderborna? Hic enim & planities paullatim quasi emerfa ex uligine ad declivia montium assurgit, & montes in amœnos colles, lenesque clivos desinentes, ad camporum se valliumque facilitatem inclinant; & vastitas illa silvarum in crebra nemora, & virentes dissecta lucos, agris, hortis, arboretis plurimum relinquit soli. Itaque nusquam alibi lætiora pascua, nusquam uberiora arva, nusquam villæ cultiores. Quid enim fecundius eo omni agro, qui ad exorientem solem, & meridiem editior, latèque diffusus, oppidis, vicisque creberrimis colitur? Quid benignius illis ad occasum, & septentrionem jacentibus campis, quos è montibus, quibus hæc urbs utrimque in theatri propè speciem cingitur, plurimi & limpidissimi irrigant rivi? In tanta terræ bonitate, cælique clementia quæ unquam macello, quæ granario, quæ penui sit egestas metuenda? Quando enim vel hos campos pascua, vel hos agros frumenta, vel hos clivos arbores, hortique fefellerunt? Quid ego de Cereali nostro Baccho dicam? cui & frugem hæc pinguißima arva, & liquorem nostri beatissimi fontes suppeditant. Quis illum gustans, Cæcubum aut Falernum desiderat? Habet enim majorem quàm vinum sitis levandæ facultatem, neque fere quicquam de calefaciendi stomachi, & adjuvandarum virium virtute concedit. Quòd si, ut est apud Strabonem, Gymnasio liberalium artium, quod erat Tharsin Cilicia, Cydnus amnis, Lib. 14.
Geog. cujus saluberrima aqua ferebatur, plurimum celebritatis attulit, nihilne habebit ad illustrandam Paderbornæ Academiam, hæc salubrium fontium copia, quibus ambigere possis, plusne palati & valetudinis, an aspectus & voluptatis gratiâ delecteris? Neque enim sentio quæ possit species esse jucundior, quàm trium fontium in media Urbe, ex eodem

colle, modico intervallo exorientium, tantamque subitò vim aquarum erumpentium, ut, non modicis effusi rivis, antè in unum alveum visendo sanè agmine confluant, compluresque molas frumentarias priùs versent, quàm se effundant è mœnibus. quanta amœnitas singulorum cùm seorsim fluunt? quanta omnium cùm uno amne labuntur? quàm juvat aquam ipsam omni crystallo puriorem intueri, & innascentes viridissimas herbulas numerare? quale spectaculum anaticulas, & cygnos vidè in mediis undis pendulos, suspensâ caudâ, nitentibus contra profluentem pedibus, prono rostro piscantes? quæ voluptas ne sævæ quidem bruxæ inclementiâ unquam eripitur. Quâ enim tempestate nive omnia fœda sunt, & gelu, non modò intra urbem, sed etiam non modico foris spatio, ne secundùm quidem ripas, ut fert mos cæterorum amnium, vel in tenuissimas crustas congeliat. Quid quòd eodem tempore peregrinas aves ad se noster amnis allicit, quæ fluviis assuetæ, ubi glaciæ cæteris prohibentur, ad hunc confugiunt? Æstate verò, potestne quicquam illis viridariis, hortis, pomariis, quibus utraque ejus ripa prætexitur, esse formosius? Non enim nunc vacat aquam commemorare totâ propè urbe per canales singulari artificio dispensatam, non salientes fontes, non piscinas, non lavatrinæ, non sexcenta commoda. Quòd si collibitum erit egredi urbem, quem non delectet cursum ejus prosequi, modò pleno incedentis amne, modò divisis quasi copiis insulas ambientis, modò vario flexu, & grato errore per virentia prata serpentis, modò limpidissimos rivos amplectentis sinu, modò celeberrimum Romanis annalibus flumen Luppian, vel cum jactura sui nominis generantis? Ab amne verò cùm discesseris, quocumque conjeceris oculos, quanta, Deus bone! se ubique ingerit in tam illustri naturæ varietate voluptatum seges? Aspice hunc collem, in quo Paderborna non jacet, sed cubat. potestne fieri quicquam his silvis, quas vertice ostentat, altius, umbrosius, amœnitus? num illo deinde modicè declivi, sed latissimè se pandente, & quasi venditante agro venustius?

nustius? Ima denique ejus pars, quæ urbem est complexa, quantis referta est sepium, pratorum, hortorum, nemorum delictis, sive in umbra requiescere, sive apricari, sive deambulare, sive honestis ludis indulgere libeat? Nam quæ aliquanto longius ab urbe digressio finitimis locis avocare, & tenere animum possint, nimis longum esset enarrare. Neque enim oppidum aut vicum temerè reppereris, cui non proprias quasdam opes, & amœnitates natura indulserit? Quod si Heliconem gemino fonte insignem Musis poëtæ consecrandum putarunt, quod illâ venustate plurimum crederent levare curis ingenia, & ad commentandum exacui, quis hanc omnem regionem quæ est sub urbe neget studiis alendis natam? Ut enim ipsam urbem taceam Castaliis fontibus redundantem: ut nihil commemorem de Saltcotena oppido, aquâ, unde sal coquitur, nobili: ut præteram Luppesspringam, ubi primum est Luppia caput, habemus in propinquo Alphæum, cujus Arethusam frustra rerum naturalium curiosi jam pridem persequuntur. Nempe non longè à nova-Beca oppido riuus est non modicus, qui terrâ hauitus sese, nescio quò oculis mortalium eripit. Mirabilius propè est, quod duo rivi ad Liechtenavum oppidum confluentes, repente absorbentur, verum non unò semper meatu, sed prout aquæ impetus tulit. Itaque admodum quinque jam patent, neque dubitat interdum novos aperire. Ad veterem verò Becam in silva fons est, quem Tumultuarium vocant. Is situs est in clivo montis, è quo magna vis ferri & æris eruitur. Non jugiter, sed intervallis fluit, sic ut cum unam circiter horam cursum tenuerit, mox inhibeat, aetres, aut amplius horas quiescat. Neque tamen stata semper tempora observat, aut vices. est enim cum bis eodem die aquam profundat, est cum semel. interdum ante, interdum longè post meridiem. Ferunt, quoties se ad cursum refert, sibilum per cacumina arborum exaudiri, velut exurgentis ventis: & primus prodeuntis impetus, quodam cum murmure sit ac strepitu, quasi se ad cava montis allidentis, & foras erumpere gestientis aquæ. Quod si non
vere-

vererer otio meo abuti, & tuâ, Princeps Illustrissime, patientiâ, persequerer oratione universam hujus urbis viciniam, atque demonstrarem nullam esse oram, unde non præcipua quædam sive commoda, seu oblectamenta, ad Academiam pertinere possint. At, inquiet fortasse quispiam, hæc loci commoditas atque jucunditas aëris insalubritate corrumpitur. Nego post exortum Academicarum nomen, ullam conditam esse puriore cœlo. Procul enim causas omnes habet pestilentium aurarum. Quippe in declivi posita, è longinquo septa jugis montium, quæ vehementiorem vim ventorum defendant, non nisi secundis assidue perflatur. Itaque cum his proximis superioribus annis tota propè Germania, atque imprimis Westphalia nostra, multi mortales pestiferæ lue consumerentur, ejusque metu necesse esset, gymnasiis clausis, studia literarum intermitteri; Paderborna jam ab anno xcviii. supra m d. inter crebros aliorum luctus & funera, constantem suorum studiorum cursum tenuit. Sed jam mihi videor nonnullorum murmur exaudire, quibus, quæso, Princeps Illustrissime, ut ignoscas. Si enim eorum orationem rectè assequor, non nisi ardenti quodam adversus Celsitud. V. studio permoventur. Quid ergo illi? De loco fatentur; de civibus alia omnia. Refricare enim student animum tuum eorum memoriâ bonorum, quæ per hosce triginta annos, Paderbornensibus tuis ostendisti: enumerant cohortationes, monita, decreta, minas: percensent curas, labores, vigilias, sumptus, pericula; cum interea nihil ab iis, quod operæ pretium sit, post tot conatus factum videatur. Itaque principio negant, qui tot antea tua beneficia sint aspernati; nunc hoc præstantissimum, & cum totius Westphaliæ gloria conjunctum mereri potuisse. Deinde qui in Principem suum optimum, & suæ salutis amantissimum tam fuerint inveniisti & inurbani, valdè verentur, ne semper eos illa morum commoditas deficiat, quam tanta virorum, adolescentumque multitudo omni humanitate perpolita desiderat. Verum isti primum, paucorum civium crimen, toti inferunt civitati.

tati. Deinde non vident, quo argumento ipsi utantur ad frangendum, vel infirmandum, hoc eodem te ad suscipiendum usum esse, & jam porro uti ad persequendum consilium tuum. Quid enim? Sunt nonnulli minus bene morati. audio. nempe, ne rectè quidem de D E o sentire, & loqui didicerunt. Est verò cùm pravarum opinionum, tum malorum morum una & eadem mater Ignorantia, quæ si luce salutarium doctrinarum aliquando discussa fuerit, vidisti, Princeps Sapientissime, alios Paderbornam mores, alios cives habituram. Nihil enim ad profligandos errores, nihil ad ferociam domandam, nihil ad rectè componendum civitatis statum doctrinâ præsentius. Lovanium accepimus, cùm civilibus armis, atque discordiis complures annos arsisset, essetque civitas mutuis cædibus propè perculsa atque afflicta, Joannem Brabantiae Ducem consilium cœpisse extruendæ Academiæ. Quid plura? brevi illa civibus pristinam lenitatem, & concordiam reddidit, quam rerum omnium ubertas, & publica felicitas est consecuta. Non aliam quoque spem, te Duce, atque auctore, Illustrissime Princeps, ingredimur. Spem autem? quasi verò non jam fructus aliquos, certè flosculos tuæ providentiæ teneremus. Tot enim adolescentes Paderbornæ nati, qui in tuis scholis jam inde à prima pueritia liberalibus disciplinis, ad omnem honestatem informantur, qui neque sensû celeritate, neque laboris patientiâ, neque morum facilitate à quoquam exterorum vinci se sustinent, satis declarant, si quid superioribus annis secus accidit, quàm volebas, id non naturæ perversitate, sed salutaris culturæ inopiâ contigisse. Ea jam abs te relata, ac tam insigni accessione cumulata, non modò omnem maculam ac labem, si qua paucorum culpa insedit Paderbornensi nomini, se deleturos profitentur, sed etiam daturus operam, ut vetus illud Paderbornæ elogium, quod ab illo pio viro, quem superius, laudavi, Arnulfi Imperatoris memoriâ litteris mandatum est, quasi postliminiò recuperent. Id ita habet.

Lipsius
Lovan. l. 3.
c. 1.

In Cosmod.
atq. 6.
c. 37.

Hic locus (Paderborna) viris omni nobilitate generis, animique

h

semper

semper insignibus abundabat, ut non esset dubium, quin patria civibus, & cives patria congruerent, ac sibi utraque vicissim ornamento forent.

CAPUT VIII.

Neuwhaus Illustrissimi Principis Fundatoris domicilium situm esse, ubi olim Nero Claudius Drusus Augusti Privignus Castellum Alifonem contra Sicambros condidit.

Ceterum, Princeps Illustrissime, circumspicientem me, ac penitus perlustrantem animo hujus Urbis, ut cum Comico loquar, optimitates, & commoda, hæc quoque sedes ac domicilium tuum, in quo majores tui Episcopi Paderbornenses amplius tria retrò secula habitarunt, ne se silentio præteream admonet. Quamquam enim longulè abest ab Urbe, illinc tamen ipsa, totaque provincia jus petit: illic hujus Academiæ moliendæ consilia sunt nata: denique quicquid est in ista arce splendoris hodiè, & magnificentiæ, id totum abs te habet, qui unus, & illius, & Academiæ es conditor. Quare si ad relaxandos contentione studiorum animos, jucundum erit unquam Academicis nostris educere se nonnunquam ex Urbe, & hæc lustrare vel umbrosa silvarum, vel aprica camporum, libenter, opinor, hujus quoque arcis specie è propinquo perfruentur, eosque cum ædificii majestas, locique amœnitas, tum verò præcipuè Tui illos Optimi Parentis, ac Fundatoris memoria delectabit. Accedet illa quoque liberalis sanè voluptas, & adolescente colente bonarum litterarum longè dignissima, quam capient ex earum recordatione rerum, quæ vetustissimis temporibus hoc ipso loco gestæ memorantur. Est enim hic locus, si quis alius in universa Germania magna, & veterum Annalibus, & virorum fortium, atque illustrium monumentis celebratus. Quibus de rebus si pauca attigero, veniam, ut spero, dabis, Princeps humanissime, huic meo ornandi honoris Tui studio,

studio, neque alienum me quicquam ab instituto facere judicabis. Si enim laudationem instituenti illius Academiæ Platonis nemo vitio verteret, quod cum illa esset in suburbano Athenarum, neque multò inde propius abesset, quàm hæc arx à Paderborna, existimaret Athenarum gloriam ad Academiæ laudem pertinere; neque ego accusandus sum, si ostensurus idoneum abs te Academiæ locum captum esse, de hoc tuo domicilio disseram. Ut enim, propter locorum propinquitatem, qui in Academia Platoni dabat operam, is minimè vanus erat, cum se Athenis studere Philosophiæ diceret, tametsi gymnasium esset in suburbano: ita sedem hanc tuam perinde atque continentem cum hac urbe, lucem quandam, & ornamentum nostris studiis asserre credimus. Est igitur observatum à viris eruditis, hoc ipso loco Neronem Claudium Drusum Augusti privignum, Tiberii fratrem, castrum posuisse, Q. Ælio Tuberone, & Paulo Fabio Maximo Coss. qui, ut rationem iniit Sigonius, fuit ab Urbe condita annus DCCXLI, ante CHRISTUM Salvatorem natum nonus. Siquidem anno proximo superiore, ut narrat Dio Cassius, Sicambri cum finitimis gentibus, absentia Augusti, & exemplo Gallorum commoti, bellum adversus Romanos moverant. Hos Drusus non modò, quod moliebantur, armis vetuit, Rhenum transmittere, verum etiam ipse transgressus, secundum insulam Batavorum, quam Rheni divortia efficiunt, primum Usipetibus; deinde ipsis Sicambri arma intulit. Anno sequenti, qui fuit is quem diximus, vere ineunte, rursus subjugatis Usipetibus, Luppiaque fluminis ripis ponte junctis, in Sicambros irruptionem fecit. Ii per hos dies fortè cum Chattis finitimis, propterea quod auxilia negaverant, bellum gerebant, quæ res locum dedit Druso per Sicambrorum fines ductis copiis, ultra Visurgim movendi. Inde cum remigraret, in hostes delapsus est, à quibus cinctus in magnum cum suis discrimen venit: sed hostibus temerè, & sine ordine prælium aggressis, non modò victor evalit, verum etiam castellum contra eos ad confluen-

*Philipp.**Cluver. l. 3.**antiquæ**German.**cap. 9.**Infestus.**Lib. 54. hist.**Rom.*

tes Luppia & Alifonis posuit. Ex quibus principio certum est Sicambros hanc, in qua sumus, regionem eâ tempestate coluisse, cum inter insulam Batavorum, & Luppiam habitarent Usipetes, è quorum finibus in Sicambros Luppia trajiciendus fuit. atque ita terminus Sicambrorum erat ex ea parte Luppia, ex altera verò Chartis & Visurgi confines erant. Per hos fines cum iter haberet Drusus, castellum posuit eo loco, ubi Luppia & Aliso miscentur. At quis iste Aliso? diligenter omnem hunc tractum lustranti, omnesque amnes, qui se in Luppiam exonerant, recensenti, nullus in mentem venit, in quem Alifonis, sive ut est in Græco, Elifonis nomen conveniat, præter eum, quem hodie Almam vulgò dicimus, qui apud tuas ædes, Princeps Illustrissime, in unum cum Luppia amnem confluit. Præsertim cum gravissimi auctores, Velleius Paterculus, qui in his oris sub Tiberio, ut ipse narrat, Præfectus equitum fuit, & Cornelius Tacitus, hoc ipsum castellum Alifonem appellent, ascito, ut apparet, à præterfluenti nomine. Atqui in conspectu hujus tuæ arcis, est hodieque vicus Elfen, qui vetus illud Elifonis retinet nomen, facileque fidem facit hos esse illos confluentes, ad quos Drusus suum illud castellum collocarit. Porro nemo, qui castelli nomen audit, vilis & abjecti loci speciem subjiciat animo. Etenim Diò aggressurus Varianam cladem enarrare, cujus, ut dicemus, quasi semina posita sunt in hoc castello, disertâ oratione persequitur cujusmodi fuerint hæc Romanorum castella. Primum enim negat ejusmodi castella crebra in Germania, aut inter se vicina fuisse: deinde Romanas legiones in iis hibernare solitas: tum civitates iisdem locis conditas: eodem Germanos ad forenses conventus convenisse: hinc jus iis dictum esse: hinc paullatim feris & barbaris moribus positis, consuetudine Romanorum, humanitatem & mansuetudinem induisse. Quæ omnia eâ gratiâ ab illo narrantur, ut intelligeremus, quemadmodum Germani, eum locum, in quo Varus habitabat, celebrando, omnesque in speciem amicorum, atque adeò civium partes

agendo,

Velleius
l. 2.
Tacitus
Annal. 2.

Lib. 56.

agendo, sensim eum in securitatem, ac mox in exitium impulerint. Atqui Varum fuisse tum in Alifone postea ostendimus. Igitur omnia illa, quæ de castellis Romanis à Dione disputantur, sunt inprimis Alifoni tribuenda. Sanè cum vicus, qui hodie superest Elsen, non modico spatio à confluentibus recesserit, non vana est conjectura totum eum campum, qui medius est inter confluentes, ubi castellum fuit, & extremos vici fines, frequentibus domiciliis habitatum, atque ita non mediocrem civitatem hoc loco fuisse. Præterea liquet ex his, quæ è Dione attulimus, unum hoc in interiore hac Sicambrorum regione castellum, ubi hiberna essent Romanorum, extitisse. neque enim vel pauca his locis castella verè affirmasset, si modico intervallo plura fuissent, vel in castellis hiberna poni solita, si alius unquam fuisset castelli, alius hibernorum locus. Quæ cum certa sint, alio præterea argumento certò concludimus, Alifonem castellum & civitatem non alibi, quàm in hoc loco quærendum esse. Proditum enim est à Velleio, Tiberium, cum post cladem Varianam, rem his oris utcumque restituisset, digredientem in Italiam, ad caput Luppix fluminis hiberna locavisse. Quid clarius? Quem enim locum Dio ad confluvia Luppix & Alifonis, eum Velleius statuit ad caput Luppix. Is igitur amnis, qui proximè à capite Luppix in ipsum influit, is est, qui Aliso veteribus dictus, Drusiano castello locum & nomen dedit. At quis ille est, nisi Alma? Maneat ergo, Princeps Illustrissime, tuum hoc domicilium in ipsis Castelli Drusiani vestigiis esse collocatum. Lib. 2.

C A P U T IX.

*Summa rerum in Alifone castello gestarum,
dum illud Romani tenuerunt.*

QUO in loco, quæ jam inde à prima origine, non indigna posteritatis memoriâ gesta sint, si coner breviter percensere, equidem nescio sinne operæ pretium

- facturus. certè, quæ tua est humanitas, Princeps optime, si me in eo, & pietati in te meæ obsequi, & studiis adolescentum nostrorum prodesse velle videris, non gravatè, uti confido, feres. Illud principiò constat hunc locum situm in finibus Sicambrorum insigni Romanis fuisse præsidio ad compescendos, domandosque Tencteros, Usipetas, Bructeros, Marfos, Tubantes, Chattos, Delgubinos, quæ omnes gentes finitimas oras incolebant. Deinde plurimum habebat momenti ad Luppiam, Amisiam, Visurgim in Romani populi potestate retinendum. Quocirca multæ hoc loco nobiles expeditiones susceptæ, multa prælia decreta sunt. Itaque cum Imperatores, tum eorum legati multi hoc loco erant. Ac Drusus quidem quem post conditum Alifonem legatum habuerit non certò proditur. est tamen ut credam fuisse L. Domitium Ahenobarbum Neronis Imperatoris avum. Is, ut refert Tacitus, per medias paludes tramitem aggeravit usque ad Rhenum, quò commodè Romanæ copiarum permearent. Pertinuisse verò eum aggerem usque ad nostrum Alifonem, ex eo conjici licet, quòd postea narrat Germanicum omnia inter Alifonem castellum, & Rhenum novis aggeribus permunivisse. Novos vocat, eò quòd veteres antè à Domitio structos instaurarit. Idem Domitius hinc quoque, ut opinor, arma ultra Visurgim, atque adeò Albim tulit.
- Annal. 4.* Sic enim Tacitus de eo: *Exercitu flumen Albim transcendit, longius penetratâ Germaniâ, quàm quisquam priorum, casque ob res insignia triumphi adeptus est.* Drusus quoque Alifonis nostri conditor, ad eundem Albim nomen Romanum protulit, sed cum victor reverteretur, priusquam ad Rhenum perveniret, ex fractura, equo super crus collapsò, naturæ concessit, tertio anno à condito Alifone, quo unà cum T. Quintio Crispino ipse consulatum gerebat. Corpus Romæ à Tiberio perlatum est. Milites Romani qui his locis versabantur aram suo Imperatori defuncto erexerunt, haud procul ab Alifone Castello, si rectè Tacitum assequor, qui memorat eam à Germanis postea dirutam, atque item tumulum Varianis
- Annal. 1.*
- Annal. 2.*
- Epitome Livii.*
- Anno ante CHRISTUM 7.*
- Annal. 2.*

rianis legionibus positum, cum à Germanico Alifonem, quem oblederant, deferere cogentur. A neutro igitur longè aberat. Atque, ut dicam quod sentio, credo fuisse inter Luppiam, & montes, inter quos via pater ad Teutoburgiensem saltum. Discimus enim ex Suetonio, cum de altero monumento, quod Moguntiacy eidem Druso est positum, loquitur, solenne fuisse, ut stato die, circum hanc aram quotannis exercitus decurrerent. ejusmodi verò decursiones magna camporum spatia postulabant, qualia sunt ea quæ Moguntiacy hodieque nomen à Druso obtinent: Neque verò è re erat legionum, ut quotannis procul à suis castris abducerentur: præsertim his locis, ubi ab hostibus faciliè iniquitate locorum in discrimen adduci poterant. Quæ mihi ratio Germanicum permovisse videtur, cur, ut ibidem narrat Tacitus, tumulum Varianis legionibus structum, quem iidem Germani disjecerant, minimè iterarit. nimirum tumulus longius aberat ab Alifone, non item ara. Quare confirmare aulam aram hanc Drusi fuisse in ea planitie quæ inter Alifonem jacet, & Luppiae caput. Druso successit in Germania frater ejus Tiberius, is quo deinde rerum potiente CHRISTUS Salvator noster crucem pertulit. Is proximo à morte Drusi anno (Marcio Censorino, & Caio Asinio Gallo Coss.) Sicambros, in quorum regione demonstravi fuisse Alifonem, magis consilio, ut ipse apud Tacitum gloriatur, quàm vi usus, in deditioem accepit, eorumque multa millia supra ripam Rheni in Gallia collocavit, ut ait Eutropius. cos alii postea Burgundiones, alii Gugernos dictos volunt. Neque multò post Tiberius Romam discessit. Fuit deinde ejus in locis legatus M. Vinucius, ejus, cui Velleius suam historiam inscribit, avus. Sub eo, ut idem memorat, triennio ante adoptionem Tiberii immensum in Germania bellum exarsit, quod ab eo quibusdam in locis gestum, quibusdam sustentatum feliciter, eoque nomine decreta ei cum speciosissima inscriptione operum ornamenta triumphalia. Ad id bellum profligandum jam ab Augusto adoptatus, rediit in has oras Tiberius, Sexto

Ælio

Drusenloch.

Annal. 2.

Lib. 7.

Isidorus.

Cluverius.

Velleius l. 2.

Velleius
ibid.
An. CHRIS-
TI 5.

Ælio Cato, & C. Sentio Saturnino Coss. Ibi cum trans Visurgim duxisset exercitum, atque Cheruscos in deditio- nem accepisset, hieme sequentis anni, qui L. Valerium Mes- salam, & Cornelium Collum Coss. habuit, ad tutelam im- perii, inquit Velleius, digrediens in Urbem, *ad caput Lup- pie fluminis locavit hiberna.* Quæ res manifestò ostendit id omne bellum ex hoc potissimum Alifone nostro, administra- tum esse: atque ita ipsa regionis opportunitas flagitabat. Pu- gnanti enim ad Visurgim non alius erat in propinquo rece- ptus. Proximo consequenti anno reperit eundem locum, at- que expeditionem Tiberius, atque iterum *trajeeto Visurgi, re- ceptis Cauchis, fractis Longobardis, ad quadringentesimum* (verba sunt Velleii) *milliarium à Rheno ad flumen Albim victorem per- duxit exercitum.* Erat Tiberii legatus in hoc bello C. Sentius

Lib. 55.

Saturninus, qui nuper consulatum gesserat, ei, ut refert Dio, ob res his regionibus ductu Tiberii bene gestas, ornamenta triumphalia decreta sunt. Circa idem tempus Maroboduus

Velleius ibi-
dem.

Marcomannorum rex, qui in Boiohæmo dominabatur, grave bellum in Romanos commoverat. adversus eum ex his ad Alifonem castris Tiberius per Noricum, Saturninus per

An. CHRIS-
TI 8.

Chattos cum copiis est profectus, A. Licinio Nerva, Q. Cæ- cilio Metello Coss. Hoc bellum sanè atrox & periculosum, ut in cujus societatem Maroboduus universam quoque Pan- noniam, & Delmatiam traxerat, propè à Tiberio feliciter

An. CHRIS-
TI 10.

patratum erat, cum hîc apud Alifonem ingens plaga Roma- no est nomini imposita, Q. Sulpicio Camerino, C. Poppæo Sabino Coss. Etenim digresso Tiberio, præfectus in Ger- maniam venerat P. Quinctilius Varus, qui antea Syriam ad-

Ibid.

ministrarat, *vir, ut eum nobis depingit Velleius, Ingenio mitis, moribus quietus, ut corpore & animo immobilior, otio magis castro- rum, quàm bellica assuetus militiæ.* Hunc suprà memoravi cum exercitu Alifone confedisse. Nam Germani, ut narrat Dio,

quibus nimium fidebat, dederant operam, ut quàm longissi- mè abesset à Rheno, scilicet ut homini facilius insidias face- rent. at nullus castrorum Romanorum locus in hac regione à

Rhe-

Rheno quantum Aliso distabat. Deinde cæso Varo Germani confestim ad oppugnanda castra conversi sunt. ea verò fuisse Alifone disertè pronunciat Velleius. Assuetus igitur, *ibid.* ut antè cognovimus, otio castrorum Varus, hîc non modò hiberna, sed etiam, ut ait idem, *trahebat astricta*, & quoniam, ut ex Dione nuper didicimus, Alifone forum erat, ubi Præfectus Romanus jus dicebat, audi quemadmodum ea res hominem infelicem, Germanorum fraudibus, ac dolis irretiendum, ac penitus constringendum dederit. Velleii verba sunt: *Mediam ingressus Germaniam, velut inter viros pacis gaudentes dulcedine, jurisdictionibus, agendoque pro tribunali ordine trahebat astricta. At illi, quod, nisi expertus, vix credebat, in summa feritate versutissimi, natumque mendacio genus, simulantes fictas litium series, & nunc provocantes alter alterum injuriâ, nunc agentes gratias, quod eas Romana justitia finiret, feritasque suâ novitate incognita disciplina mitesceret, & solita armis discerni, jure terminarentur, in summam socordiam perduxere Quinctilium, usque eò, ut se Prætorem Urbanum in foro jus dicere, non in mediis Germania finibus exercitui præesse crederet.* Hæc Velleius, qui unum præteriit, quod ad excusandos Germanos nonnihil facit, neque reticuit Dio. Ait enim Varum principiò Germanis velut servis imperasse, & argentum exegisse tanquam à subditis. cujus rei insolentes eorum primores, quando palàm rebellare non audebant, ad simulandam amicitiam, & obsequium, struendasque clandestinò insidias flexisse. observarunt igitur adversus Romanos Germani illud Romani vatis: *Dolus an virtus quis in hoste requirat?* Erant insidiarum principes, ut idem Dio ait, Arminius & Segimerus, qui assiduò cum Quinctilio versabantur, ac sæpenumero convivabantur. Atque hæc omnia gerebantur, ut diximus, Alifone. Ubi jam nihil sibi Quinctilius à Germanis metuere visus est, primùm eum rogant, ut præsidio sibi militum Romanorum uti liceat. Dictum factum. aliis ad oppida munienda: aliis ad capiendos latrones: aliis ad subvehendos commeatus præsidia concedit. Postquam imminutus, & debilita-

Lib. 56.

Dio lib. 56.

bilitatus exercitus Alifone remanserat, excogitant quemadmodum Varum inde ad iter protrahant, quò cladi sit opportunior, cum se per amicorum regionem ire crederet. Quid quæris? repente ex composito Alifonem affertur nuncius, quosdam è longinquis Germanis arma sumpsisse. Hic qui apud Quinctilium erant, quos jampridem amicos esse sibi persuaferat, rem indignam dicere: hortari ut rebelles punitum iret: auxilio se mox affuturos. Illi digressi, quosquique Romanos, velut sibi præsidio futuros à Quinctilio postularant, obtruncant: Quinctilium adversus rebelles Alifone proficiscentem, à tergo, deposità jam amicorum personà, adoriuntur. Ita, inquit Velleius, *exercitus omnium fortissimus, disciplinâ, manu, experienciâque bellorum inter Romanos milites princeps, marcere ducis, perfidiâ hostis, iniquitate fortuna circumventus, cum ne pugnandi quidem egregiè occasio, in quantum voluerant, data esset miseris, castigatis etiam quibusdam gravi panâ, quia Romanis & armis, & animis usi fuissent; inclusus silvis, paludibus, insidiis ad internecionem trucidatus est.* Reliquerat Varus Alifone, ut constat ex Dione, legatum L. Asprenatem. narrat enim à tubicinibus, cum se ad prædam convertissent Germani, sparsam esse famam adventare Asprenatem suos ulturum, neque eam vanam fuisse. In propinquo igitur fuisse oportuit. Ducebat Asprenas duas legiones, quas, ut narrat Velleius, *navâ virilique operâ immunes tantâ calamitate servavit; maturèque ad inferiora hiberna descendendo, vacillantium etiam cis Rhenum sitarum gentium animos confirmavit.* Appellat inferiora hiberna, quæ erant apud Vetera, ubi hodie est oppidum Sancti, quò pertinebant aggeres illi ab Alifone ad Rhenum olim structi. Inter alia rei Romanæ damna, quæ clades Variana attulit, illud etiam fuit, quòd Aliso, vigesimo circiter, postquam ædificatus fuerat, anno in hostium potestatem venit. Cæso enim cum exercitu Varo, immensæ Germanorum copiæ, ut testatur Velleius, Alifonem, & in eo Lucium Cæditium præfectum castrorum, aliosque, qui supererant, Romanos obsident. At illi *omnibus difficultati-*

*bus superatis, quas inopia rerum intolerabiles, vis hostium faciebat
 inexsuperabiles, nec temerario consilio, nec segni providentiâ usi,
 speculatique opportunitatem, ferro sibi ad suos peperere reditum.*
 Hæc sunt, quæ de clade Variana ad Alifonis historiam per-
 tinere visa sunt, quæ Romano nomini *panè exitiabilis*, ut loquitur
 Suetonius, accidit in Teutoburgiensi saltu, quod nomen
 hodie retinet mons, cui subjectus campus à Germanorum
 de Romanis victoria Winfelt appellatur, non longè ab Hor-
 na oppido, XII. ab Alifone passuum millibus. Quo tem-
 pore Aliso in Romanorum ditionem redierit, non satis
 compertum habeo; illud ex Tacito exploratum est, octavo
 post cladem anno tenuisse Romanos. Neque verò ante Au-
 gusti mortem, qui quinto post cladem anno obiit, recupe-
 ratum puto. Nam etsi Tiberius, & Germanicus pœnas de Ger-
 manis repetitum mox venerunt, negat tamen Dio longè ab
 Rheno discessisse, ne quod sibi novum malum crearent.
 Mortuo Augusto, Sexto Pompeio, & Sexto Appuleio Coss. In Octav.
cap. 23.
 Tiberius jam Imperator in has oras venire desiit. CHRISTI
15.
 propter totam belli Germanici molem Germanicus Drusi, qui
 Alifonem ædificaverat, filius, sustinuit: quem, ut narrat Ta-
 citus, Octavius Augustus *octo apud Rhenum legionibus impo-*
suerat. Is anno ab Augusti excessu proximo, Druso Julio &
 C. Norbano Coss. sedatâ militum seditione, res novas Au-
 gusto jam extincto molientium, depulsisque hostium iter
 obsidentium copiis, exercitum duxit, inquit Tacitus, *ad ul-*
timos Bructerorum, quantumque Amisiam & Luppiam amnes in-
ter, vastatum haud procul Teutoburgiensi saltu, in quo reliquie
Vari, legionumque insepulta dicebantur. Pergit exequi quemad-
 modum in eum saltum progressus legiones Varianas tumu-
 lo condiderit, primusque cespitem posuerit, atque mox an-
 cipiti cum Arminio Marte conflixerit. In hac expeditione
 receptum, vel instauratum Alifonem promptum est credere:
 nam ex ultimis Bructerorum, ubi hodie Delbrugia est, in
 Teutoburgiensem saltum tendentibus erat necessariò præ-
 tereundus. Confecutus est annus, qui T. Sisennam, Stati-
 lium

lium Taurum, & L. Scribonium Libonem Coss. habuit, quo Germani, dum Germanicus classem apparat, quâ militem & commeatum in has oras per Amisiam advehat, interea magnis copiis *castellum Luppia flumini appositum* obsident, ut commemorat Tacitus. Id castellum paullò post Alifonem nominat. Sic enim habet: *Audito castellum Luppia flumini appositum obsideri, sex legiones eo duxit. & paullò post: Neque Casari copiam pugna obsessores fecere, ad famam ejus dilapsi. tumultum tamen nuper Varianis legionibus structum, & veterem aram Druso sitam disjecerant. Restituit aram, honorique patris princeps ipse cum legionibus decucurrit. Tumulum iterare haud visum; & cuncta inter castellum Alifonem, & Rhenum novis limitibus, aggeribusque permunita. Atque hæc sunt, Princeps Illustrissime, quæ de Alifone nostro à Romanis scriptoribus sunt prodita. Consequentibus temporibus, uti segnius Romani in Germania Magna bella gesserunt, ita minorem dedere scribendi materiam. Siquidem hoc ipso anno, quo Alifonem obsidione liberatum esse dixi, Germanicus post insignem victoriam, quam ad Visurgim, in campo Idistaviso, non longè à Minda, de Arminio reportavit, à Tiberio fortissimum juvenem, ut loquitur Tacitus, *specie honoris, amoliri* cupiente, in urbem revocatur. Ibi cum proximo anno C. Cælio, L. Pomponio Coss. de Germanis triumphasset, missus in orientem, non multò post, dolo Pisonis interiit. Interea res Germaniæ per præfectos Tiberius sic administrabat, ut, *ne cui bellum permitteret, etiam damna dissimularet, satius arbitratus rebellium gentes, quando Romana ultioni consultum sit, internis discordiis relinqui.* Neque nihil in hoc Tiberius vidit. nam post discessum Germanici, inter Cheruscos, & Maroboduum grave bellum exarsit, & postea inter eosdem Cheruscos, & Chattos tantæ inimicitiae, ut alicubi Tacitus, eos *eternum discordare* scripserit, ut interea Hermundurorum cum iisdem Chattis prælia, & Bruëterorum, atque Anfibariorum excidia silentio præteream. Inter hæc Germanorum dissidia, tantisper Alifo præfidiis Romanorum tenebatur, donec Claudius*

Annal. 2.

Tacitus
Annal. 2.

Ibid.

Tacit. l. 4.
Annal.
Annal. 2.

Annal. 11.

dius Imperator, ut est apud Tacitum, C. Valerio Asiatico, M. Valerio Messalla Coss. qui erat à condito Alifone sextus *Annal. 11.* & quinquagesimus, *adèò novam in Germanias vim prohibuit, ut referri præsidia cis Rhenum juberet.* Præerat tum Germaniæ cum exercitu L. Domitius Corbulo, vir veteris disciplinæ militaris observantissimus, & maximis postea rebus in Oriente gestis immortalem famam consecutus. Is igitur in ipso aditu præclarorum operum, ad quæ jam pro nominis Romani gloria se accinxerat, non modò reducere exercitum, sed Alifonem quoque, & quæcumque in ulteriore Germania Romani loca tenuerant, præsidiis nudare coactus est. Itaque deinceps præclare Romani secum agi existimarunt, si Germanos transitu Rheni prohiberent. Quid quod Panegyristes *Paneg. Max. & Constant.* quidam ausus est dicere coram Maximiano, & Constantino, posterioribus falsò de antiquis Imperatoribus traditum visum fuisse, quòd trans Rhenum signa barbaris gentibus intulissent. Quò major est gloria tui Alifonis, Princeps Illustrissime, habuisse in hibernis Romanas legiones, hic jus dixisse tot Consulares, tot ornamentis triumphalibus insignes viros, hic bella administrasse illos ex Augusta domo nobilissimos Imperatores, quorum ea fuerit virtus, ut etiam posteris supra fidem esse videretur.

C A P U T X.

In quorum potestatem venerit Alifo à Romanis desertus.

Quid verò, Romanis aquilis cis Rhenum reductis, Alifone factum est? Videtur enim certum, & exploratum, minimè vacuum, ac desertum esse derelictum, sed abscedentibus Romanis immigrasse Germanos, aut, quod verisimilius, dirutum instaurasse. Neque enim fieri potuisset, ut ad nostram usque ætatem Romanum Alifonis nomen retineret, nisi jam inde à Romanorum ex his oris discessu, ab aliquo populo cultus esset, atque celebratus. Quid quod jam antè docui convenisse etiam Alifonem, &

*Tacitus de
morib.
Germ.*

sedes in eo fixisse Germanos, quod sanè libenter in tantis, & tam crebris inter vicinas gentes simultatibus faciebant, quòd à bellorum injuriis Romanorum essent præsidio tutiores. Eadem eis fuit, Romanis quoque digressis, caussa colendi & muniendi Alifonis. erat enim, ut jam demonstravi, in medio multarum gentium, quæ infestis sæpe armis inter se dimicabant. nam, ut alias taceam, Bructeri, quorum extremos audivimus ex Tacito propè ab Alifone confedisse, circa exordia principatûs Trajani propè funditus à vicinis deleti sunt. Quis ergo populus Alifonem tenuit? nempe idem qui hanc regionem. Ac superioribus quidem annis, Druso rem gerente, ut diximus, in hac Luppiæ ripa Sicambri incolebant, quos Tiberius postea, quòd belli adversus Romanos auctores ac principes fuissent, transportavit in Galliam. Versatur verò in quæstione apud eruditos, num Sicambri stirpis ex his oris excisi sint, an verò nonnulli remanserint? Qui ullos remansisse negant, Taciti partim silentio se tuentur, partim verbis. Silentio, quòd Germaniæ populos accuratissimè percensens, nunquam postea Sicambros in hac regione collocat, quàm sunt translati in Galliam. Verbis, quia disertè excisos esse confirmat. quomodo verò excisi, si ulli restabant? Qui contrà sentiunt, gravem habent suæ opinionis auctorem Strabonem, qui suam Geographiam Tiberio imperante scribebat, cùm necdum extinctum esset illud Germanorum belli fulmen Arminius. nam libro septimo ejus etiam viventis, & cum Romanis bella gerentis meminit. mortuus est autem Arminius, ut ex Tacito clarum est, M. Silano, L. Norbano Coss. viginti & amplius annis post deductos Tiberio Sicambros. Is igitur, eodem libro septimo, sic ait: *Hujus partis (Germaniæ) populos Romani partim in Galliam traduxerunt: reliqui migraverunt in penitiores Germania partes, ut Marfi: sed & Sicambrorum exigua restat portio.* Idem eodem libro commemorat à Germanico, inter alios Germaniæ principes, ductum in triumphum Teudorigem principem Sicambrorum. Fuerunt igitur Sicambri in Germania, cùm eam

ad-

administraret Germanicus. non ergo omnes à Tiberio transfati. Postea verò quàm Francorum in his terris nomen exortum est, quid illustrius Sicambris? Quoties eorum Jornandes, Claudianus, Sidonius, alii meminerunt? Quod Tacitus eorum non meminerit, respondent non pugnare cum Strabone, qui exiguam portionem fuisse ait, quam Tacitus meritò in integri populi numero habendam non putavit. Quod idem excisos memoret, ex eo non consequi ut nulli manserint. nam & Bructeros ab eodem excisos perhiberi, & Ansvarios, quod juventutis erat, cæsos; imbellem ætatem in prædam divisam esse. Et tamen Bructerorum & Ansvariorum nomen, posteriorum quoque seculorum memoriâ celebratur. Quid? nonne ausus est Velleius scribere, à Tiberio, post cladem sub Varo acceptam, *ocys prosperrimo eventu excisam esse Germaniam?* num ideo nullos Germanos Germanico, cum quibus bellum gereret, reliquit? Habent igitur, qui Strabonem sequuntur, quo se tueantur, neque sibi eripi sinant, etiam deferentibus has oras Romanis, fuisse è veteribus illis Sicambris, qui Alifonem colerent. Quòd si apud quempiam plus aliorum, quàm Strabonis valebit auctoritas, nihil tamen ille de Alifonis dignitate decerpit. Nam etsi negent mansisse veteres illos Sicambros, fatentur tamen ab Ulipetibus & Tencteris, qui vacuam, ut aiunt, eorum regionem adierint, usurpatum postea fuisse gloriosum, & veterum memoriâ inclytum Sicambrorum nomen. In ea regione cùm fuerit Aliso, inter utrosque convenit venisse in eorum potestatem Sicambrorum, qui Rhenum postea transgressi, atque ad Vahalim & Mosam longè latèque primùm dominati, ad extremum subjugatâ Galliâ, reversi in Magnam Germaniam, unde exierant, ac tandem everfis Turingis, amplissimum Francorum regnum fundaverunt, quod Caroli Magni tempore, à *Bulgaris, seu Illyrico usque ad Hispanos, à Danis usque ad Calabros* pertinebat. Hoc regnum qui primi tenuerunt, è Sicambris fuisse, fidem facit D. Remigius, qui eorum Regem Clodoveum salutaribus aquis expia-

Lib. de
mor. Germ.
Annal. 13.

Lib. 2.

Otto Frisim.
lib. 5. c. 32.

turus,

Greg. Tur. turus, sic cum affatus dicitur: mitis depone colla Sicamber:
l. 2. c. 31. & Venantius Fortunatus, qui sic alloquitur Charibertum Regem:

Lib. 6. 4. *Cum sis prognatus clarâ de stirpe Sicamber.*

Tacitus 13. Huic igitur tam inclytæ genti servivit derelictus à Roma-
Annal. nis Aliso, quem equidem reor caput gentis interea fuisse, dum Romani, tamen nulla in hac ulteriore Germania præsidia habebant, tamen Rheno propinquiores agros militum pecoribus, atque armentis vendicabant, & veteres colonos adire cupientes armis arcebant. Tunc enim Sicambri nostri tantisper se his remotioribus ab Rheno locis tuebantur, & discordantibus cæteris Germaniæ populis, paulatim crescebant, easque vires induebant, quibus non modò deinde Romanos Rheno arcerent, verùm etiam cum iis in Romano solo de orbis terrarum imperio dimicarent. Quam ad rem plurimum eis contulisse Alisonis opportunitatem mecum fatebitur, qui conditionem eorum temporum, locorumque considerabit. Siquidem nulla res deteriore faciebat Germanorum fortunam, quàm intestinæ dissensiones ac bella.

In lib. de moribus Germ. Aletat. Lib. de form. Imp. Rom. Philipp. Cluverius Germ. antiqu. lib. 3. c. 20. Itaque Tacitus de iis loquens, pronuntiat: Urgentibus imperii fati, nihil jam præstare fortunam majus posse, quàm hostium discordiam. Ea demum discordia sublata est, exorto primùm in his regionibus Francorum nomine, sive ea, ut volunt quidam, una primùm gens littoralis fuit, quæ cæteras postea in societatem traxit; sive, ut alii, omnes hæ gentes ictis inter se pro summa rei fœderibus, hoc sibi pulcherrimum à studio libertatis Francorum cognomentum asciverunt. Illud certissimum est, gentes plerasque omnes, quæ inter Francicas à veteribus nominantur, in hac regione, quam hodie Westphaliâ vocamus, sedes primùm habuisse, ut Salios, Ansivarios, Attuarios, Chamavos, Bruëteros, ac denique Sicambros nostros. His gentibus cum videamus in Romani imperii terras transgressis Sicambros imperitasse, proximum est ut credamus, eos quoque primos illius tantæ coitionis, & conjunctionis duces, ac principes fuisse. Nimirum

rum quod Drusus fecerat, ut ad domandos, & continendos in potestate populi Romani tot bellicosos Westphaliæ populos (sic enim loquamur, tametsi necdum Westphalia dicebatur) hoc castellum in mediis eorum finibus collocaret, idem existimo plurimum profuisse Sicambriis, qui illud post id locorum obtinuerunt, ad eosdem populos communis belli societate colligandos.

C A P U T X I.

De occupato à Saxonibus Alifone, & origine Paderbornæ.

INitâ illâ circa Gallieni tempora, populi olim discordes, Franci sunt appellati, quibus, ut ait Marcellinus, confines erant Saxones, gens primùm ultra Albim sita, ut ex Ptolemæo discimus, sed quæ deinde adjunctis sibi Cauchis, si Zosimo credimus, Juliani temporibus ad Visurgim usque dominabatur. Ab horum finibus usque ad Rhenum quæcumque gentes habitabant, Franci dicti, & eorum regio D. Hieronymo, Sulpitio Alexandro, & in veteri tabula itineraria Valentiniani ætate descripta, quæ Amplissimi, & optimè de litteris meriti Viri Marci Velferi ope prodiit in lucem, Francia nominatur. Ac principiò quidem, cum, ut opinor, imbecillioribus singuli viribus erant, Franci & Saxones conjunctis consiliis, & opibus piraticam in Rheno ac mari exercentes Romanorum terras infestabant. Deinde, ubi seorsim satis utraque gens sibi posse visa est, Franci terrâ, quod Sicambri nostri, & ceterorum plerique equitatu valebant: Saxones mari rem gerere cœperunt. Ac Franci quidem tandem aliquando transgressi Rhenum sedes in Romano fixerunt solo, & post multa prælia, subjugatâ Germaniâ primâ, ubi est Moguntiacum, & Belgicâ secundâ, in qua SueSSIONES, Catalaunum, Ambiani, circa annum Domini cccclvi. ad extremum in Gallia confederunt. Ho-

Lib. 27.

Lib. 3.

In vita Hilari-
onis.
apud Tu-
ron. l. 1.
c. 9.Siden. A-
pollin. in
panegy.
viii.

*Panegy.
Constant.
Apud Tu-
rom. loc. cit.*

Lit. 5. c. 12.

*Philippus
Cluverius
l. 2. Germ.
ant. c. 18.*

rum prosperam fortunam æmulati Saxones, à tergo consecuti, transito Visurgi, regiones, è quibus illi migraverant, occuparunt. Neque tamen credibile est ita Francos excessisse, ut nulli remanserint. Nam ut alios taceam, Bructeri, quos inter Francorum populos Eumenius, & Sulpitius Alexander numerant, longo post intervallo Boructuarii dicti, demum circa annum CHRISTI DCCVIII, ut testatur Venerabilis Beda, cum eis CHRISTI Euangelium asferre coepisset S. Suibertus, à Saxonibus sunt devicti. Transierunt quoque in Saxonicum nomen Angrivarii, quos postea Angarios dixerunt. Itaque neque Sicambros planè deseruisse Alifonem, ut vacuum ingrederentur Saxones, equidem adducor ut credam; sed potius condendæ Paderbornæ Saxonibus causam dedisse. Id priusquam explanem, video mihi necessariò confutandas quorundam de origine Paderbornæ opiniones. Nam qui nobis tabulas Ptolemæi egregiè illustratas ediderunt, cum inter Germaniæ oppida Teuderium reperissent, non dubitarunt confirmare esse Paderbornam. At Teuderium, quòd Theudurum Antoninus vocat, non in Germania magna, sed in adversa Rheni ripa fuisse, ex ipsa itineris ratione, quam Antoninus persequitur, alii satis liquidò demonstrarunt. Nihil igitur Teuderium ad Paderbornam. Alius visum est Paderbornam suam originem Carolo Magno debere, qui amnem è tribus fontibus hoc loco ortum, à Pado illo nobili Galliæ Cisalpinæ fluvio, cui tres item sint fontes, Paderam appellavit. Verùm Paderbornæ nomen antiquius esse Carolo Magno, liquet ex epistola S. Ludgeri ad Rixfridum Episcopum, ubi inter rebelles Saxones meminit Ogelli Oesterbach de Paderborne, qui cum anno DCC LX XVIII. hoc est, proximo à suscepta fide & baptismo, pugnaret contra Carolum, essetque ejus ætas adventu illius in has oras vetustior, non potuit Paderbornæ nasci, neque à Paderborna nomen ferre, si primum à Carolo condita fuisset, vel appellata. Neque id Gobelinus Persona confirmare audet. Nam quod adjungit, ab iis Saxonibus,

bus, qui Longobardos, duce Alboino, in Italiam comitati, se ab iis circa annum Domini DLXX. sejunxerunt, ædificatam, vel nominatam esse Paderbornam, longius etiam abest à vero. Nam illos ex Italia profectos, arma intulisse in Gallias, ibique à Mummulo Francorum duce fractos, atque subactos, retrò unde venerant recessisse legimus, nusquam verò, in has oras remigrasse. Sed hæc hæcenus. Nunc, ut institui, quid de origine Paderbornæ sentiam, explicabo. Quod plerisque in rebus usu venire solet, ut unius interitus, alteri præbeat nascendi locum, id Paderbornæ accidisse iudico. Saxones enim cum à Visurgi profecti se primum his regionibus intulerunt, ut paullò antè ostendi, non vacuas hominibus reppererunt. Quare tametsi Sicambri, cæterique populi, tot copiis in Romani populi terras ultra Rhenum traductis, pristinas suas vires acciderant, tamen non usque eò fracti erant animis, ut loca munitione, & frequentia populi nobilitata, ultrò advenientibus hostibus indefensa traderent. Hujus generis cum esset Aliso, toto eo tractu, qui inter Visurgim, & Alifonem jacet, non magno negotio in ditionem redactò, facile est suspicari ab Alifone, primam esse Saxonibus injectam moram. Interea dum opperiuntur, dum se suaque Sicambri, ultrò, vel armis compulsi dedant, videtur illa loci amœnitas, & ubertas elegantissimorum fontium, in qua castra fecerant, quamvis barbaros id temporis Saxonum animos permovisse, ut in eo loco Urbem conderent. Quoniam verò veteres in numero multitudinis pleraque nomina quarta vocali terminabant, quæ nos per secundam efferimus, (dicebant enim *thi engelon, thi heiligon, thi bronnon*, seu *bornon*) & jucundissimos hos tres nostros fontes Patherbrunnon visum erat nominare, ideò Urbi ipsi idem est nomen inditum. Sed quid sibi vult illud Pather? Colligimus enim sic à majoribus enuntiatum esse, quòd ita crebrò scriptum reperiamus, nimirum cum lingua Germanica veterem illam suam asperitatem retineret. quemadmodum enim paullatim articulum *thi* mollius pronunciarunt *die*,

Gregor. Turon. l. 4.
hist. Francorum c. 7.

ita ex Pather fecerunt Pader. Testatur Gobelinus à Pado derivatum, qui, ut ait, *ex tribus fontibus sibi invicem prope surgentibus ad pedes Alpium in unum alveum concurrentibus oriatur*, quæ descriptio non congruit cum iis quæ à Strabone, Plinio, Ptolemæo, Leandro Alberto de origine Padi memorantur. Sed faciamus non spectatam esse in hac appellatione tam accuratam similitudinem, si cui id sequi libebit, dicet à Pado factam esse Paderam, quemadmodum brachium Padi, quod est ad Ravennam, Padusam dictum accepimus.

*Annales
Caesariani
an. 777.
Lib. 3. c. 16.*

Lib. 3. 7.

Vide Gobelinum.

Reperitur quoque scriptum Padesbronnen, ubi videri possit deductum nomen ab eadem origine atque ipsum Padi vocabulum. Refert enim Plinius ex Metrodoro, Padum nomen accepisse ab arbore picea, quæ multa circa fontem, quæ Gallicè Pades dicatur. Verùm unde Saxonibus nostris, quos eo tempore quasi more ferino vixisse ait Venantius, ea eruditio, & cognitio linguarum? Equidem malim fateri nescire me, unde illud Pather, in nomine Patherbornæ, perinde atque obscurum est quid sibi velit Mimigarna, in nomine Mimigarnafordæ, quo aliquot sæculis dicta fuit ea Westphaliæ Urbs, quam hodiè Monasterium nuncupamus. præsertim cum illa à Pado derivatio nullius è veteribus auctoritate nitatur. Romanis certè hi fontes, Luppiæ fontes perinde dicebantur, atque ille Luppespringensis, atque adeò qui nobis Padera est, non alias ac Luppia. quanquam necdum conditâ Paderbornâ, antequam ars aliquid moliretur, non videantur nostri fontes in unum alveum fuisse collecti, sed temerè, ut casus ferebat, per subjectos campos lapsi se in Luppiam intulisse. Eò factum est, ut cum Sicambri vetus Luppiæ nomen his fontibus tribuerent, Saxones ejus appellationis ignari novum iis vocabulum attribuerint. postea verò occupato Alifone, didicerunt à Sicambri Luppiæ nomen: hæsit tamen iis fontibus, quos prius in potestatem redegerant, novum Paderæ nomen. Quocirca cum antea duo tantùm amnes ad tuam arcem, Princeps Illustrissime, confluere dicerentur, deinceps tres sunt numerati.

rati, cùm revera Luppia, & Padera unus, atque idem sit fluvius.

C A P U T X I I.

Instauratum videri Alifonem à D. Carolo Magno.

POtiti Alifone Saxones, omnique circa eum regione, secundâ fortunâ elati, ausi Francorum vestigiis insistere, devinctis sibi belli societate Thuringis, Rhenum & ipsi transcendunt, rati idem sibi in Francos licere, quod illis in Gallos, aliosque Romani Imperii populos licuisset. Gregor. Thron. l. 3. c. 7. l. 4. c. 10. Ea res Francos coëgit arma retrò in Saxones Thuringosque convertere, donec exciso florentissimo Thuringorum Imperio, Saxones vestigiales facerent. Contigit hoc anno CHRISTI DCCCXVII. Quo ex tempore nunquam desierunt Saxones, sæpe excussò Francorum jugo, ad libertatem eniti, donec à Carolo Magno Francorum rege, antequam à Leone III Pontifice Maximo, qui Paderbornæ fuerat, Imperator Populi Romani renunciaretur, bello pressi simul Francorum imperium, simul CHRISTI religionem amplecterentur. In eo bello non dissimili causâ atque olim Drusus, castellum hoc ipso loco Carolus videtur condidisse. Cùm enim Saxones denuò Francis rebellassent, eosque jam ulturus Carolus Wormatiâ properaret, perterriti, inquit Regino, ad locum ubi Lib. 2. *Lippa oritur venerunt, ibi se suamque patriam Regi tradiderunt, & sponderunt se Christianos esse debere. Tunc Rex unâ cum Francis restauravit Heresburgk castrum, & aliud castrum super Lippam, ubi venientes Saxones unâ cum uxoribus, & parvulis innumera- bilis multitudo baptizati sunt. Non possum iis assentiri, qui hoc posterius castrum procul collocant à Luppia fontibus. In annalibus enim, qui Astronomo tribuuntur, hæc Saxonum deditio, & baptis- mus eodem propemodum loco describitur, ubi Carolo obviam venerunt, hoc est ad Luppia caput. Sic enim habent: Ad fontem Lippia veniens, immensam illius per- di populi multitudinem, velut devotam & supplicem, ac quasi er-*

roris sui veniam poscentem invenit. Cui cum & misericorditer ignovisset, & eos, qui se Christianos fieri velle affirmabant, baptizari fecisset, datis & acceptis pro fide servanda fraudulentis eorundem promissionibus, obsidibus quoque quos imperaverat receptis, Eresburgo castro, quod dirutum erat, restaurato, alioque castello super Lippiam extructo, & in utroque non modico presidio relicto, ipse in Galliam reversus, in villa Haristallo hiemavit. Ex his constat, principio Saxones, haud procul à fonte Luppiae, Carolo supplices esse factos, atque eodem propè loco magnam partem esse baptizatos. Deinde hunc baptismum ad novum illud castellum celebratum esse. id enim, præter Reginonem, disertè affirmant Annales Canisiani. Ex quibus concluditur hoc castellum propè à Luppiae fontibus abfuisse. Quoniam tamen super Luppiam situm esse dicitur, non ideò sentiendum super eum rivum fuisse, qui Luppesspringæ oritur. Neque enim is rivus, ut testatur Gobelinus, unquam absolute Luppia dicitur. Deinde pugnat cum Caroli consilio. Siquidem ante ejus adventum Saxones fusi fugatique erant à Francis, usque ad flumen (inquit Regino) quod Lippa dicitur. Eodem postea itinere eos persequenti Carolo, ut bellum profligaret, super idem flumen castellum ponere visum est, eo loco ubi & amnem ipsum haberet in potestate, & transitu per rivos, ex quibus ipse oritur, intercluso, rebellibus populis spem omnem adimeret se ad arma congregandi. Est igitur Carolus adversus Saxones idem consilium secutus, quod olim hoc ipso loco, contra Sicambros Druso placuerat. Ex quibus apparet, cum tam propinquum fonti Luppiae fuerit, & tamen Luppiae, ubi jam flumen dici potest, non rivus, impositum; non alibi hoc castellum fuisse, quàm ubi Drusianus Aliso steterat, ad Luppiae, Alisonisque confluentes. Hunc ipsum locum equidem crediderim significari, quoties consequentibus annis Carolus cum exercitu ad eum locum venisse memoratur, ubi Luppia consurgit. ut anno DCC LXXX. apud Reginonem: Carolus Saxoniam ingressus ad Heresburgk venit, & inde ad locum, ubi Lippa consurgit.

git, & ibi Synodum tenuit. & iterum biennio pòst; Coloniam
veniens Rhenum transit, & Synodum tenuit, ubi Lippa consur-
git, ubi omnes Saxones convenerunt, excepto rebelle Widikindo.
Illuc etiam venerunt legati Godefridi Regis Nortmannorum, &
Altdeni, & Hofmundus, necnon etiam legati Avarorum missi à
Cacano, & Inguno. Peractò placito reversus est Rex in Franciam.
Hæc Regino. Hic non est nobis anxie quærendum, ubi fue-
rit Caroli exercitus, cum ad Luppia fontem castra fecisse di-
citur. nihil enim dubito, quin eum omnem campum fue-
rit complexus, qui utrisque Luppia fontibus, & ebrum con-
fluentibus continetur. id quod hodieque ostendunt ingen-
tia aggerum, vallorum, fossarum vestigia, quæ jam inde à
Caroli memoria, in dijs, quos dixi, sinibus, passim visun-
tur. Ubi verò ipsemet Carolus interea se tenuerit, id video
non absurdè quæri posse. Sanè reputanti eos conventus, quo-
rum ex Reginone meminimus, nemini veniet in mentem
alibi Carolum, quàm in loco aliquo munitiori, tantisque re-
bus gerendis appposito, diversatum esse. Atqui nullus ejus
temporis auctor, alium locum munitum in eo tractu fuisse
prodidit, atque castellum, quod nuper ad Luppiam exædi-
ficarat. hic igitur morabatur Carolus, cum ad fontem Lup-
pia venisse memoratur. ejus rei non leve indicium est,
quod ante hoc conditum castellum, nunquam, uti sæpe
postea, ad locum ubi Luppia consurgit, venisse dicatur. Qua in
re scriptores Francicarum rerum, Romanos sunt imitati.
Quemadmodum enim illi, quod ad confluentes Luppia &
Alifonis Drusus contra Sicambros castellum posuerat, id illi
ad caput Luppia positum dixerunt, quod non longè supra
Luppia primum justì annis nomen ferre possit: ad idem
exemplum, qui res gestas Caroli sunt persecuti, tunc illum
ad fontem Luppia pervenisse scripserunt, cum exercitu à
fontibus ad confluentes tendente, ipse eodem quo olim
Drusus loco sedem fixerat. Itaque, Princeps Illustrissime, tuus
Aliso primum in potestate fuit Romanorum, deinde Sicam-
brorum, qui Francorum fuerunt nobilissimi, tum Saxonum,

ac denique iterum ad Francos rediit, quo tempore simul à Romanis receptus videri potest, quandoquidem eo tempore Romanum imperium ad Francos est Pontificis Maximi auctoritate translatum.

CAPUT XIII.

Aliso sedes Episcoporum Paderbornensium.

Verum enim verò satis jam diu Aliso noster Martis & Bellonæ domicilium fuit. Vindicandus est aliquando Religioni & Sapientiæ. id factum est, cum tui, Princeps Illustrissime, Majores, hujus Urbis Antistites, stabilem sibi in ep sedem constituerunt. Quanquam, ut est semper difficile ab eo loco divelli, in quo sis multum diuque versatus, ne tum quidem prorsus belli tumultibus caruit. Nam ut taceam sæpenumero cum alios Antistites, tum Teipsum, Princeps Illustrissime, Reip. causâ ad arma compulsum, princeps majoribus tuis huc migrandi causâ, Martis perpetua pedisequa & comes Discordia videtur fuisse. Antea siquidem in Urbe sua Paderborna, apud Cathedralē Ecclesiam habitabant, quo tempore civium erga suos Præsules amor, & reverentia tanto eis præsidio erat, ut vallum, turesque minimè requirerent. At postquam ab iis illa sacrosancta dignitas contemni cœpit, gravesque sunt motus adversus Ecclesiasticum ordinem excitati, faciendum visum est, ut ab eorum injuriis semoti, hujus se arcis præsidio tuerentur. Annum, quo id factum sit, non habeo certum dicere. Suspicio ramen circa annum partæ salutis M^{cc}. Certè Otto Ritbergensis, qui anno MCCLXXVII. ad Paderbornensem Cathedralē est evectus, in hac se arce tenebat, dicebaturque vulgò eodem, quo hodiè nomine, fortasse, quòd in veteris arcis Carolinæ vestigiis esset collocata. Eam deinde civium ruptione incensam & propè complanatam, Henricus Spiegelius Episcopus restituit, ac, nisi fallor, Carolum IV. Imperatorem, qui hac iter habebat

bebat in ulteriores Saxoniam, in ea accepit hospitio, anno MCCCCLXXV. quamquam Gobelini verba legenti potius videatur mansisse Paderbornæ. Nostrâ verò memoriâ, Princeps Illustrissime, dignam veteri illâ nominis sui gloriâ speciem hæc arx aliquando est consecuta, postquam ingenti sumptu in hanc abs te amplitudinem, excelsitatemque exædicata, fossis & turribus communita, laxis, elegantibusque conclavibus, pomariis, hortis, fontibus ornata est. Itaque quamvis splendido, augustoque Principi accipiendo est idonea. Sed nullam illa, inter tam multa, præstantius te ipso ornamentum habet, neque unquam æquè beata, quàm, te domino, fuit. Tenuerint illam quondam Drusi, Tiberii, Germanici, sed illi arma ex ea in omnes vicinas oras circumferebant, sed terrorem intentabant, sed luctuosas ubique pugnas & strages edebant. Tuus, Illustrissime Princeps, Aliso nihil habet durum, nihil asperum; sed in eo clementia in subditos, observantia erga finitimos dynastas, de omnibus benè merendi voluntas habitat. Denique quid potest in ea domo esse non pacatum & mite, in qua eo tempore, quo vicinia, necdum positis armis, vel præteritas clades deplorat, vel formidat imminentes, de Academia fundanda consilia agitantur, propagandisque bonis litteris, quæ germanæ pacis filix, atque alumna, non nisi in dulci otio, & summa rerum omnium tranquillitate acquiescunt? Crede mihi, Princeps optime, Carolus ipse Magnus, DEUS bone, quantus Imperator! feliciorem, te Principe, Alisonem esse ducit, quàm se Saxones indè armorum formidine subjugante. Quod enim illi optare potius, quàm sperare licuit, id te nunc assecutum videt. Quò enim illius mens assiduò esset intenta, satis ostendit anno CHRISTI DCCLXXII. cùm, paucis etiam Saxonum ad CHRISTUM traductis, Adriano I. Pontifice, Romam profectus, *partem aliquam Saxoniam* (Luitprandi Ticinensis verba sunt) *in provincia Westphalia, quam ad fidem Christianitatis convertis, ut ipse jam prædictus Papa præcepit & docuit, secundâ feriâ Paschæ,*

Gobelinus
c. 72. & 6.

In vitis
Pontif. in
Adriano.

in basilica S. Petri Apostoli, inter cetera quæ ad manum Papa offerebat, Deo in sacrificium obtulit. Videlicet, Princeps optime, in quo religiosissimi Cæsaris curæ & cogitationes omnes evigilarint? In eo videlicet ut Westphalam universam ad CHRISTUM adjunctam, in Beati Petri, ejusque successoris potestate collocatam, DEO immolaret. Sed quantum interest inter rudem, agrestemque populum, & omnibus ingenii ornamentis excultum, tanto est tuum, Princeps Illustrissime, Caroli sacrificio præstantius. Cujusmodi enim Westphalam Carolus DEO consecrabat? nonne recens è tenebris emersam, & etiam caligantem, ac, nisi metu retineretur, eodem rursus præcipitaturam? Tibi verò, Princeps Illustrissime, quale, & quàm DEO jucundum munus licet offerre? tot lectissimos adolescentes, qui modò litteris in hac tua Academia operantur, quique consequentibus seculis operabuntur: qui non modò ipsi salutarem doctrinam combibunt, sed alios quoque erudire, & aliud ex alio sacrificium possunt accendere. quod quidem sacrificium DEO gratissimum totque mortalibus salutare, jam indè ex eo tempore, cum primum hoc instituendæ Academiæ consilium, in hoc tuo Alifone, iniisti, immortalem tibi apud DEUM, & homines gloriam conciliat.

CAPUT XIV.

Gratiæ nomine civitatis Paderbornensis.

QUò magis æquum est Paderbornenses, grates & laudes immortales DEO Opt. Max. habere atque agere, qui te huic Ecclesiæ difficillimis temporibus Theodorum, id est divinum quoddam, & cæleste donum largitus est. Si enim tunc immortalis quodam se beneficio affectos profitentur, cum Caroli imperio huc missi sunt, qui primis eos salubris doctrinæ elementis erudirent, quanto est hoc majus atque splendidius, tua Princeps ope perfectum esse, ut Divinæ Sapientiæ, & omnium, quæ illi famulantur, Disci-

Disciplinarum Templum esset Paderborna? Itaque quod disertissimus Judæorum Philo prædicabat de Athenis, eas esse in Græcia, quod sit pupilla in oculo, & mens in anima, idem nunc, tuo, Princeps Optime, beneficio celebrabitur de Paderborna: eam esse *Lumen, Mentemque Westphalia*. Hinc enim illa accerset, qui populum de superiore loco in templis erudiant, qui sacris tribunalibus præsideant, qui Ecclesias, qui cœnobia gubernent. Hic illi divinarum, humanarumque rerum scientiam haurient: hic in luce doctorum hominum suæ eruditionis, & virtutis specimen dabunt: hic promeritis titulis, & decoris insignibus cohonestabuntur, eritque dubium plusne Paderborna dignitatis afferat Westphaliæ, tales fingendo, atque formando, an Westphalia Paderbornæ, iis, quos illa perfecerit, munera honoresque mandando. Ipsa verò quantum inde fructum capiet, cum similiter atque his suis salubribus fontibus, omni scientiæ ubertate circumfluet? Numquam illa præterea usque eò se transversam trudi sinet, ut ab homine omnium rerum honestarum ignaro, & bardo, templum, aram, suggestum teneri, absterreri plebem à religione majorum, divelli ab imperio, & auctoritate Principis, & Antistitis sui, divina & humana violari patiatur. Fuerunt hæc Ignorantiæ facinora, quæ Rebellionem, Temeritatem, Furorem perpetuos habet satellites. At verò postquam tua, Princeps Illustrissime, insigni illà caritate, quâ illius ubique salutem & commodum, nusquam tuum quæstum sequeris, congesti sunt, ut cum Apostolo loquar, carbones super caput ejus, atque demum, ne unquam ad pristinas tenebras revolveretur, hanc ei quasi immortalis lucis officinam comparasti, jubet nos divina Benignitas, & Sapientia, à qua hæc tam certa præsidia provisa sunt, omnia de ea, quæ volumus, polliceri. Licet verò, ut nunc quidem est, justo pauciores hoc tantum tuum beneficium, quanti par est, æstiment, vivet tamen, ac vigebit in memoria posteritatis sempiterna. Noli enim diffidere in paucis annis, Paderbornam ad ejus ætatis gloriam posse re-

vocari, cùm totius propè, uti narravimus Septemtrionis lux quædam erat, & magistra. Ibi demum cognoscet quàm eximia fuerit tua voluntas, quàm salutaria consilia, quàm immortalia merita. At modò, tametsi apud paucos, ut dixi, hæc eo sunt pondere quo oportet, tamen pauci illi maximas tibi, & suo, & infelicium illorum, qui minus intelligunt, nomine gratias agunt, Deumque precantur ex animo, ut quando non proinde, ac mereris, gratia tibi habetur ab hominibus, ipse tanto hanc jacturam pluribus, uberibusque præmiis inter mortales, cælestesque compenset.

FINIS LIBRI SECUNDI.

P A N E G Y R I C I.
D I E N A T A L I
A C A D E M I Æ T H E O D O R I A N Æ
P A D E R B O R N E N S I S,


Ejus Illustrissimo Principi Fundatori oblata,

L I B E R I I I.

De Illustrissimi Principis in fundanda Academia consilio.

C A P U T I.

Proœmium.



Uod, Princeps Illustrissime, honesti liberi suæ adversum Parentes, & suæ stirpis auctores pietatis esse putant, ut cum eos omni officio colant, tum eorum præclare factis cognoscendis, atque commemorandis plurimum delectentur: eodem videmur nos, quique unquam in hac Academia bonis litteris inservient, erga te optimum, ac præstantissimum ejus parentem animo esse debere. Est igitur profectò nostrarum partium, posteaquam de Westphalia, atque Paderborna, quæ est Academiæ quasi patria, nonnulla dicta sunt, ut de tuis quoque, Princeps Illustrissime, laudimus disseramus. At enim video jam illam tuam omnium dictorum factorumque moderatricem, ac magistram Modestiam, ad hanc solam mentionem laudis contraxisse frontem, & tristiore, quàm adhuc, vultu accipere

orationem meam. Sic enim illa te jam inde à prima infantia finxit, atque formavit, ut cum omnia unius DEI causâ facias, à quo omnia sunt profecta, DEUM ipsum sat magnum tuarum virtutum pretium putes: ut proinde anxie semper verenti, ne vel aliud ac DEUM spectasse, vel aliquid ejus munerum ascripsisse tibi videare, molestiæ sit atque fastidio omnis tuarum rerum commemoratio. Atque hanc equidem, tuam, Princeps Optime, submissionem animi, semper, fateor, pro eo ac debui, tanquam cœlestem in hoc dignitatis fastigio virtutem, sum veneratus: tamen hodiernus dies nonnullam mihi dubitationem attulit, essetne tali tempore illi de jure suo cedendum, atque paullisper, publici commodi causâ, ab illa consuetudine deflectendum. Sic enim cogitabam: si id vereatur tua Modestia, ne tua laus quicquam de DEI gloria decerpat, nunc profecto illud esse cum de tua laude silere sit nefas, quoniam, nisi te publicè laudato, DEI gloriam obscurari necesse est. Non enim DEUS, cum hanc tibi Academiæ fundandæ cogitationem objecit, paucis mortalibus consulebat, sed compluribus latè terris, atque populis: non ad fructum exigui temporis, sed ad perpetuitatem consequentium sæculorum: non viles, atque incertas utilitates, sed sapientiæ lucem, solidæ gloriæ segetem, adjumenta sempiternæ salutis, felicitatis præsidia comparabat. His talibus tantisque muneribus ut gratiæ, quas Deo certè debemus, aliqua ex parte respondeant, par est eas non in arcana tantum, ac tacita cogitatione, sed publicis, illustribusque mandatis monumentis, in media hominum luce versari. Quod si ita est, qui fieri potest, ut, cum beneficia quæ DEUS Opt. Max. Te Princeps Illustrissime administro, nobis præstitit, palam celebrentur, de eo, quod abs te præclarè gestum est, sileatur? Verebar deinde judicia posterorum. Quid enim existimas illos esse dicturos, si tuum tanti beneficii auctoris nomen ad eos absque ulla transmissimus, vel tuorum commemoratione meritorum, vel nostræ testificatione pietatis? Num causam dicere licebit, quin

nos omnium mortalium inveniustissimos, atque ingratissimos fuisse judicent? Tametsi enim nihil est tibi gloriosius, quàm, cum tanta perfeceris, nihil gloriæ amore fecisse, tamen posteaquam, pro rerum gestarum claritudine, gloria te sequitur vel invitum, nostrâ certè causâ tibi lætandum est, cum his operibus tuis magnificis, atque præclaris gloriam tribuimus, quæ nisi in laude poneremus, nunquam induceremus animum, ut, quod unum optas, his abs te nobis paratis commodis uteremur. Qui enim illum meritâ laude privat, cujus beneficium habet, is profectò satis ostendit ejus se beneficii fructu non moveri. Atque hæc quidem succurrebant reputanti, quid nostram in te pietatem deceat, & quid virtutibus tuis debeatur. Sed quoniam attendendum quoque fuit quid modestia tua, quid aures ferre possent, faciendum mihi visum est, ut tuâ, Princeps Illustrissime, causâ, laudatione quidem abstinerem, ne tamen suum Fundatorem, ac Parentem Academia quondam ignoraret, breviter, quid in ea instituenda consilii sis secutus exponerem. Ita enim fore confidebam, ut neque posteros quicquam eorum fugeret, quæ scire interesset, neque tuæ modestiæ negotium facerem. Tametsi enim nihil horum absque tua laude dici potest, ita tamen dicentur, ut non in iis laus tua, sed eorum utilitas quæsitâ videatur, in quorum commoda tantum curarum, opumque contulisti.

C A P U T II.

*Illustrissimum Principem, in fundanda Academia, suæ,
& Majorum præclaræ indoli respondere voluisse.*

AC licet arduum, & fortasse temerarium videatur Principum, qui, ut fastigio, ita quâdam mentis altitudine DEO sunt ceteris mortalibus propiores, consilia perscrutari velle, & exponere; tamen, quemadmodum ex iis, quæ in rebus creatis cernimus, nonnihil interdum de pro-

proposito divinæ mentis assequimur: ita in iis quæ publicæ commoditatis amore abs te, Princeps Sapientissime, adhuc facta sunt, extant nonnulla vestigia, in quibus tua salutaria consilia, quasi descripta legimus. Quid, quod in ipsa quoque tua indole, natalibus, genere, est quiddam, quo facile, ut ad alia præclare gerenda, tum ad meditandam Academiam exstimulatum esse cognoscimus? Quanquam enim, ut est quisque maximè generosus animus, ita genus, & proavos, & quæ, ut canit ingeniosus Poëta, non fecimus ipsi, minimè ad se pertinere ducit; tamen postquam semel est animus virtutis amore inflammatus, hunc è claro genere fructum capit, quod eorum facta intuens, à quibus est progenitus, ne degener videatur, elaborat. Atque hunc stimulum legimus in divinis quoque litteris admoveri: Sic enim Divus Paulus Timotheum suum alloquitur: *Recordationem accipiens ejus fidei, quæ est in te non ficta, quæ & habitavit primum in avia tua Loide, & matre tua Eunice, certus sum autem quod & in te. Propter quam causam admoneo te ut resuscites gratiam DEI, quæ est in te.* Hoc præceptum ab Apostolo datum Episcopo minimè tibi, Princeps optime, prætereundum putasti. Videbas enim in nobilissima tua Furstenbergiorum familia tot seculis integerrimam fidem Catholicam, non sine insigni aliarum virtutum comitatu, ut verbo Apostoli utar, habitasse. Numerabas in iis complures, qui non vulgarem eruditionem, rerumque usum sibi pepererant: multos, qui in altiore dignitatis gradu positi, Remp. consiliis, & operâ sustentarant: in plerisque omnibus eximia quædam in DEUM pietas, facilitas, atque omnibus in rebus modestia, & publicorum commodorum amor. Nam, ut alios præteream, quantâ gravitate, & sapientiâ fuisse accepimus abavum tuum Wennemarum Furstenbergium? quantâ vitæ sanctimoniam ejus conjugem Cordulam à Galen? De qua illud accepimus, solitam tanto CHRISTO pro nobis dira passi amore exardescere, ac vicissim optare aliquid ejus causâ molestiarum exorbere, ut linteorum omni molliæ deposti-

tâ,

1 Tim. 1.
v. 5.

fita, laneo duntaxat vestitu, nudisque pedibus sacellum crebro adiret eo intervallo ab avita domo dislitum, quantum inter locum, ubi CHRISTUS damnatus est, & Calvariae collem interest. Quam rem scio levem iis hominibus visum iri, qui totum hoc majorum nostrorum, ut nos sentimus, religionis, ac pietatis, ut ipsi dicere solent, simplicitatis, & superstitionis genus ludificatui habent. Verum non poenitet me laudare in nobili femina, quod in Alipio, qui deinde fuit Episcopus, prædicandum sibi putavit Augustinus: velut *fortissimo*, inquit, *domitore corporis, usque ad Italicum solum glaciale nudo pede obterendum, insolito ausu*. At hoc domandi corporis more musteum hoc Euangelium funditus caret. Quò libentius hæc talia commemoro, Princeps Illustrissime, ut omnes intelligant, solidam illam, virilem, antiquam, Catholicam religionem à majoribus tuis cultam esse. Hanc veluti carissimam hæreditatem adierunt, posterisque reliquerunt, Avus tuus Fridericus Satrapa Werlensis, Electoris Colonienfis Consiliarius, & Pater item Fridericus Satrapa Bilsteinienfis, cujus integritas, doctrina, prudentia, dicendi vis cum in patriæ negotiis, tum in publicis Imperii conventibus sæpenumero cognita est. Hanc unà cum lacte ipse suxisti à lectissima & antiquæ innocentiae amantissima femina Anna Westphael, quam omnibus semper pietatis officiis coluisti. Non est ab his divellendus Joannes Furstenbergius magnus Patruus tuus, qui Deo mancipatus in nobili Cœnobio Sigebergensi, quod D. Anno Colonienfis, accitis è Fructuaria Italiæ viris sanctitate præstantibus, quondam fundaverat, brevi ad eas virtutes, quas domesticâ disciplinâ combiberat, sanctiora illa instituta adjungens, tantum profecit, ut sacer ille cœtus dignum eum judicaret, cui se & cœnobium regendum traderent. Quod munus ita sustinuit, ut Instaurator dici possit, cum veteris illius disciplinæ, tum tectorum, atque fundorum. itaque clarissima est apud illos ejus nominis memoria & præclaris parta virtutum exemplis, & opibus, quas assiduâ rei communis curâ,

*Lib. 9. conf.
cap. 6.*

ac parsimoniâ collectas haud modicas successori reliquit. Jam verò flagitium sit, si ex hac ipsa inclyta stirpe, Guilielmum Furstenbergium præteream, Ordinis Equitum Teutonicorum Sanctæ Mariæ in Livonia Magistrum, in quo Principatu Henrico à Galen successit. Huic duæ res dissimilimæ egregiam demonstrandæ virtutis suæ facultatem dedere, Principatus, & Adversa fortuna. Nam cùm florenti ætate sacram illam militiam administrandam accepisset, in multiplici reip. perturbatione, consiliis, atque armis integritatem Catholicæ religionis, dignitatemque ordinis sartam tectam conservavit. Quod eo fuit difficilius, quòd cùm frequentibus præliis lacefferetur à Moschis, interea neque vicinorum dynastarum dissidia, neque orientes jam tum pestiferæ sectæ, res ejus esse quietas sinebant. Ubi verò jam in gravescente ætate, post tantam jactationem, portum sibi quasi quendam providit, & designato sibi successore, in munitam in primis arcem Vellinum se contulit, ut, quod supererat ætatis in honesto otio contereret: ibi verò majus, quàm in medio mari, naufragium invénit. Nam anno MDLX. cùm Moschi magnis copiis in Harriam, & Lettoniam se effudissent, tandem cæso Teutonicorum equitum exercitu, exeunte Quintili Vellinum oppidum, quatefactis vi tormentorum muris, & ignibus in tecta coniectis, ceperunt. Arcem verò ipsam, in qua Princeps versabatur, conscelerati milites, qui in præsidio erant, pacti corporum suorum, & omnium, quæ efferre possent, incolumitatem, nefariè prodiderunt. Quid plura? direptis, quæ in arce erant, Principis opibus, ipsum frustra quiritantem, & fidem eorum appellantem Moschis dedunt. Neque tamen perfidis suâ prædâ diu frui licuit. Nam Moschi re cognitâ spoliatos omnibus quæ rapuerant, inanes dimiserunt. Princeps ipse captivus ductus in Moschoviam, illustre barbaris patientiæ & pietatis exemplum fuit. Cùm enim templo careret, in quo Romano ritu sacra fierent, velut quondam Abraham, sub quercu Mambre, sic optimus senex stans temporibus, sub qua-

quadam arbore, DEUM colebat. Felicior omninò, qui conservatâ majorum religione in exilio, & custodia diem suum obiit, iis, qui, illâ repudiâtâ, fumosostitulos, & fluxas opes sibi pepererunt. Etenim Guilielmus noster, quod de Theodosio Magno scripsit olim D. Augustinus, *Ecclesiæ se membrum esse, magis quàm in terris regnare gaudebat.* Neque aliter, atque ille affecta est cætera Furstenbergiorum familia, quæ ad hunc usque diem in tanta religionum licentia, suæ illi, quam ab optimis majoribus accepit, adhuc præclare constitit. quod nostrâ tempestate tam paucis familiis elogium video tribui posse, ut perinde sint raræ, atque fluvii, qui investiti in mare dulces, inter salsas, aquas perpetuò retinent. Atque hæ familiæ tuæ laudes, Princeps Illustrissime, haud paullò magis eam exornant, quàm illæ ab ejus vetustate, primaque origine decerptæ. Non enim desunt, qui & antiquarum tabularum auctoritate, & è gentilitiorum insignium forma, & natalis loci situ demonstrare se posse confidunt, Furstenbergiam domum è vetustissima, clarissimaque Comitum Oldenburgerensium stirpe genus ducere: Sed nimirum antiquius tibi semper fuit illustria majorum tuorum exempla virtutum æmulari, quàm obscuras, & tot sæculis à nostra memoria semotas generis tui origines excutere, & perscrutari. Hoc certè Catholicæ religionis studium, quo inflammatus cum alia permulta gessisti digna immortalis laude, tum hoc gymnasium condidisti, pia illorum, atque attenta educatio, ac disciplina tibi primum inseruit. Exornasti deinde, atque auxisti, quod à parentibus acceperas, cum profectus es Coloniam Agrippinæ, cui Urbi Stanislaus Hosius doctissimus Cardinalis, non dubitat acceptum ferre, quicquid in provinciis circa Rhenum superest integræ, puræque de religione doctrinæ. Ibi minimè contaminatæ, vel ambiguæ fidei magistris usus, eorum studiorum fundamenta jecisti, quorum fructum faciliè vel ex hac tua, affecta jam ætate prompta, & locuplete omnis eruditionis memoria, quam nemo non obstupescit, æstimamus. Cæterum

S. Aug. de civit. Dei c. 26.

Hosius in epist. ad Senat. Colon.

jam tum illa bonarum tractatione litterarum, inducebas animum, plurimum conducere, ad redintegrandum quicquid in religione labefactum est, juventutem ab iis duntaxat magistris liberalibus artibus infici, qui nihil alienum à majorum pietate sentirent. Quo in studio eruditionem cum religionis integritate copulandi tecum faciebant germani tui Fridericus, eximiâ gravitate & prudentiâ vir, Canonicus Moguntinus, &, qui etiamnum vivit, Caspar Furstenbergius duorum Electorum Moguntini, & Colonienſis Conſiliarius, ſupremus Weſtphaliæ Satrapa, jam pridem in omnibus Imperii conventibus magna cum dignitate, & publico commodo verſatus. Neque hæc ſolum magnorum operum adjumenta domo ad Remp attuuliſti; ſed præterea, cum plerique omnes claris orti natalibus, immodicis in veſtium, ædium, familiæ ſplendorem jaçturis ornare ſe ſperent fortunam ſuam, ita à majoribus Furſtenbergii ſunt edocti, atque aſſuefacti, ut ſciant dignitatem generis crebris & illuſtribus virtutum documentis, non rerum inanium apparatu, luxuque retineri. Hinc illa tua, Princeps optime, in hoc quoque ſaſtigio in viçtu cultuque frugalitas: domus expers ſtrepitus, atque turbarum: latus caritate magis tuorum, quàm armis ſeptum: denique ſumptus in privatum modici, in publicum profuſi. Cui enim nullæ ſunt inſanæ cupiditates, quæ neque exhaustis Reip. vectigalibus expleri poſſint, ei neceſſe eſt opes ad juvandam, ornandamque Remp. ſuperſeſſe. Merito igitur, Princeps Illuſtriſſime, Academia noſtra, non tibi modo, ſed inclytæ quoque domui Furſtenbergiæ ingentes gratias agit, quòd te ſuſtulerit, talemque formarit, cui propter conceptum à teneris veræ religionis, omniſque præclaræ diſciplinæ amorem, ſi quando ad dignum tuis meritis locum pervenires, cupido fundandæ Academiae facile poſſet incidere, neque, propter inſignem in omni vita temperantiam, rerumque omnium modum facultas perficiendi deeſſet.

C A P U T III.

Miserum statum, in quo à primo Ecclesiam Paderbornensem offendit, Principem in cogitationem Academiæ impulsisse.

QUIS verò DEI in Ecclesiam Paderbornensem eximiam voluntatem, atque providentiam satis pro dignitate prædicet, qui in ipso tempore, parta cælesti afflatu, & domesticis institutis animi tui ornamenta, non diu cunctatus, ad ejus salutem, dignitatemque convertere dignatus est? Vix inter hujus Ecclesiæ Canonicos censeri coepas, cum in te omnium conjecti sunt oculi: neque quisquam fuit, qui ut tibi honores mandarentur, canos expectandos putaret. Aliorum virtutem diu periclitatur, & explorat Ecclesia, sæpe experta eos quoque quorum senectus omni laude floruerit, prius in illo ætatis lubrico, ut non ceciderint, titubasse. Te in ipso juventutis flore Præpositum sibi delegit, de robore animi tui, constantiaque securo. Quod equidem divino nutu factum arbitror, ut in tempore, Reip. vulnera, quæ paullò post curanda tibi essent, accuratè cognosceres. Eo enim tempore versabatur hæc Ecclesia in potestate Principis à Catholica religione alieni, neque multò antè vicinæ provinciæ gravibus erant ob dissidia de fidèi doctrina motibus jactatæ, quos Gebhardus Truchsesius Archiepiscopus ductâ uxore, & Ecclesiæ contemptâ auctoritate excitarat. Itaque omnibus fato quodam temporum ad studium novarum rerum converſis, & cum iis faciente ipso, qui corrigere debuit, Antistite, universa rei Catholicæ cura, huic Admodum Reverendo & Nobilissimo Canonorum Ecclesiæ Cathedralis Collegio incubuit, cujus in tuenda majorum religione excubiæ, ac labores digni omnino sunt quos justissimis laudibus, & gratiis posteritas tota prosequatur. Inter hos eminebat tua, Princeps Illustrissime, animi magnitudo in vincendis rebus adversis, prudentia in capiendo

consilio, dexteritas in Ecclesiæ incolumitate ubique procuranda. Itaque cum defuncto Principe de successore deligendo Canonici convenissent, nemini propè dubium fuit, quin, si salvam vellent Ecclesiam, tuæ potissimum fidei credenda esset. Ita omnibus volentibus, & faustâ precatone te prosequentibus, Episcopus Paderbornensis es renunciatus. Ibi cum provinciam propè depositam, ac deploratam accepisses, ita persanandam putasti, ut eam aliquando non qualem modò accepisses laceram & afflictam, sed florentem, ornatamque posses successori relinquere. Nihil dico de fortunis, quas propè consumptas repperisti: nihil de ære alieno, quo graviter sanè premebatur: nihil de oppositis pignori fundis, ac villis. Taceo non modò nunc exisse ex ære alieno, & quicquid usquam obligatum fuerat bonorum Ecclesiæ, abs te liberatum esse, sed etiam novas arces exædificatas, nova vectigalia constituta. Et quoniam superiore libro nonnulla à me dicta sunt de hac tua ad confluentes Luppix, & Alifonis nova arce, adjiciam quoque de altera nonnihil, quæ Wevelsburgum dicitur. Ferunt in eodem loco antea arcem stetisse, cujus originem Hunnis, sive Hungaris tribuunt. Illi enim priusquam ad CHRISTI fidem, & humanitatem traducerentur, ut erant in primis immanes, & efferi, eruptione factâ in Saxoniam, & Turingiam circa annum Domini DCCCCVII. omnia flammâ ferroque vastarunt. Ab illis igitur, vel certè contra illos, prodidere quidam arcem primò positam II. à Paderborna milliario, ac restauratam deinde à Friderico Arnsbergæ Comite, qui decessit è vivis anno CHRISTI MCXIII. Venit postea in potestatem nobilium dynastarum in Beuren, atque inde in ditionem Paderbornensium Antistitum. Extructa est abs te, Princeps Illustrissime, forma triangulari, specie sanè visendâ, atque magnificâ. Quæ quidem, aliaque ejusdem generis opera si commemorarem, nihil equidem dicerem à laude Ecclesiastici Principis alienum. Nam etiam noster Magnus Carolus, cum epitaphium carmen, quod Romæ, hodieque

in

Gobelinus
atq. 6.
L. 57.

in Vaticano visitur, scriberet Hadriano I. Pontif. Maxim. quem summâ pietate coluit, hæc inter ejus laudes quoque numeravit:

Doctrinis, opibus, muris erexerat arces,

Urbs caput, orbis honos, inclyta Roma tuas.

Extat apud

Baron. tom.

9. Anno

CHRISTI

795.

Sed magis semper es arbitratus ad te pertinere quæ ad animorum sempiternam salutem, & Orthodoxæ religionis incolumitatem spectarent. Eò igitur vestigiò curas cogitationesque contulisti. Neque id diu præferre cunctatus es. Certè David Chytræus homo Lutherianus, tuam electionem enarrans sic ait: *Paderbornensi diœcesi Theodoricus à Furstenberg gubernanda prepositus est, & Calendarium Gregorianum subditis statim obtrusit.* Studuit homo vaser, obtrudendi vocabulo, pulcherrimum factum in invidiam vocare, quam scilicet, Princeps Illustrissime, facile contemnis, quòd auctoritati Vicarii CHRISTI, & Nicæni Concilii omnium sanctissimi parère, nihil habeat quod erubescendum videatur. Post hæc verò cum animadverteres cursum religionis Catholicæ duabus potissimum rebus retardari, multitudine prava docentium, qui superioribus temporibus omnia ferme suggesta involarant, & inopiâ eruditorum sacerdotum, qui veritatem adversus mendacia tuerentur, utrique medicinam adhibere aggressus, lolii satores faceffere, & res suas sibi habere jussisti. Diuturnioris aliquantò curæ, & operæ fuit idoneos rei Catholicæ ministros, & doctores formare. Diu enim in hac urbe ne quidem Grammaticæ ludi satis ad rem Ecclesiæ erant comparati, donec Salentinus Coloniensis Elector, qui hanc Ecclesiam simul administrabat, annuis vectigalibus auctis, studia litterarum nonnihil erigeret. Extiterunt. deinde illo decedente, ea tempora, ut Reverendum, & Nobile Cathedralium Canonorum Collegium in litteris, quibus anno MDLXXX. Kalendis Junii longiorem operam Patrum Societatis JESU experit, confirmet raros posse reperiri, quorum satis constans, & certa sit de divinis rebus sententia, cum quilibet fere, quod commodum sit, credat. Quæ res

In Chronico

Saxonia

anno 1585.

quo-

quoque eosdem sapientissimos Ecclesiæ nostræ proceres impulit, ut ludi administrationem omnem Societati JESU postea committerent. Sed tibi nimirum jam tum, Princeps Sapientissime, videbatur, nisi condita Academia, nunquam Ecclesiam in his terris eam doctorum hominum, quæ satis sit ad frangendos adversariorum impetus, facultatem habituram. Neque enim defuerunt viri graves, è quibus non nemo etiamnum superest, qui te audierunt, cum diceres ipsis principatûs exordiis te confidere, tantum tibi vitæ atque opum datum iri divinitus, ut publicam artium maximarum officinam ponere in hac urbe liceret. Ea res quamvis id temporis ardua videretur, tamen fuit cui contemplatio magnitudinis animi tui, & spes utilitatis publicæ lachrymas cieret. Jam enim intelligebas, quod à Divo JOANNE CHRYSOSTOMO disertâ, ut aſſolet oratione, firmisque rationibus ostenditur, parum esse Christiano doctore, si vulgari quâdam, & mediocri eruditione sit præditus, propterea quòd incertum sit, quibus potissimum armis humani generis incautos sit aggressurus. Facit enim ille quod ii, qui urbem aliquam circumsident, ut eâ parte præcipuè faciat impressionem, quâ paucioribus præſidiis munitam esse viderit. Itaque si parochus quis Ecclesiam regendam suscepit, qui, ut ceterorum non sit rudis, minùs sit Græcè, vel Hebraicè doctus, confestim extimulat, qui voces in sacris litteris, aliter ac veritas habet, accipiendas esse contendat: Si dialectices est ignarus, exſuscitat, qui argutis cum conclusiunculis impediatur: Si historiæ veteris, & Ecclesiasticæ est imperitus, qui fictas fabulas, & contortas, ac difficiles temporum rationes objiciat. Denique quacumque in arte fuerit minùs versatus, in ea si adversario latus præbuisse videbitur, quamvis ceteroqui sit excellenti, reconditaque doctrinâ, tamen causam dederit imperitis suspicandi, ideò quippiam in Catholica doctrina verum non esse, quòd à veritatis doctore, non quicquid contrâ dici potest, diluatur. Id si iis usu venire potest, qui sublimioribus disciplinis excultri, minorum sunt

Lib. 4. de
Sacerdot.

sunt expertes, quid illis fiet, qui inferioribus leviter tincti, nullam partem graviorum attigerunt? Magnâ igitur ratione, Princeps Illustrissime, instituísti, cùm provinciam accepisses refertam oppugnatoribus Catholicæ religionis, vacuum propè iis qui pro dignitate ejus scita, ac decreta explicare possent; successorì optimè eruditus hominibus septam & vallatam relinquere, qui illam omni doctrinæ genere, adversus quodlibet hostium genus propugnare, & tueri didicissent.

C A P U T IV.

Illustrissimum Principem fundanda Academia paci, & tranquillitati publicæ consultum ivisse.

Q Uibus rebus perfecisti ut & Episcopi, cujus est sibi creditos homines erudire, & Principis, qui non sine causâ gladium portat, præclarè muneribus perfunctus esse viderere. Tunc enim minus molestum est timore pœnarum ad veritatem amplectendam cogi, cùm non defuerint, qui eam veritatem esse, quæ ostenditur, errorem verò qui abjici jubetur, liquidò docere possint. Itaque ubi & mens doctrinâ imbuatur, & voluntas potestate compellitur, pro-na est obedientia. Obedientiam consequitur pax illa, de qua alicubi Augustinus, cùm disputaret contra Gaudentium, qui nolebat Hæreticos, & Schismaticos Imperatoribus pœnas dare: *Regibus (inquit) ea qua secundum Deum sunt religioso timore jubentibus quisquis obtemperat, timore incipiens, & dilectione proficiens, à Domino accepit pacem, non sicut pacem dat sæculum. quoniam sæculum dat pacem propter temporalem utilitatem: Dominus autem propter aternam salutem.* Verum, ut alibi docet idem sanctissimus Antistes: *Uritur etiam cælestis civitas in hac sua peregrinatione pace terrenâ.* Cujus civitatis procuratio cùm Christiano Principi, præsertim Ecclesiastico, sit commissâ, & ipse humanarum voluntatum compositionem, quantum salvâ pietate ac

Lib. 3. contra Gaudentium circa finem.

Lib. 19. de civit. Dei c. 17.

Ibidem.

religione conceditur, tuetur atque appetit, eamque terrenam pacem refert ad caelestem pacem: qua verè ita pax est, ut rationalis dumtaxat creatura sola pax habenda, atque dicenda sit, ordinatissima scilicet & concordissima societas fruendi Deo, & invicem in Deo. Igitur, ut equidem Augustini orationem audio, Christiano Principi præcipuè propositum esse oportet, ut omnibus, quibus imperat, cum Deo atque inter se conveniat. Deinde hujus gratiâ, in iis quoque quæ ad hanc vitam degendam pertinent, pax est Reip. concilianda, atque tranquillitas. Hæc igitur, Princeps Illustrissime, cum tui officii esse duces, quantum animo laboraris, ut omnis tui imperii regio otio ac securitate frueretur, nemo est in ea rerum omnium tam rudis, ac peregrinus qui ignoret. Quantis enim curis, atque impensis egisti, ne ardente finitimis terris civili bello, idem populos tuos afflaret incendium? quàm sedulò semper honestam cum vicinis Principibus adversus prædonum vim, ac rabiem, societatem coire studuisti? quoties eorum ingentes copias, ne miserorum fortunæ diripi, & corpora vexari patereris, pacto cum iis pretio, à finibus tuis arcuisti? quoties jam ingressos, & velut in hostili populates omnia, atque vastantes, immisissis copiis tuis cecidisti? quanto metu provinciam universam eo die liberaſti, cum tuis auspiciis, tuorum militum virtute, volitantia in conspectu hujus Urbis prædonum agmina, ad Benhusium vicum justis ultus es armis? Quid? cum ad novam-Becam oppidum, equestres copię, ejus oppidi exitium, & vastitatem anhelantes, à tuis hominibus deviçtæ, hibernas nives suo sanguine cruentarunt? Quid ego ceteram tuam in omnes publicæ quietis perturbatores, auctoresque injuriarum justissimam severitatem commemorem? Itaque in ditionis tuæ terras aut tam validâ manu veniant oportet, ut pugnam non pertimescant, aut certè velut quendam prædonum scopulum devitent. Sed inprimis studio tibi semper fuit, ut Paderborna tuæ provinciæ caput, omni civili motu vacaret. Nam cum anno MDCII. mense Februario gravis senatum inter, & nonnullos

nullos cives exorta esset discordia, cum senatus à civibus Reip. male gestæ accerferetur: cives quòd senatum in curia vi quasi in custodia tenuissent, indignisque modis affecissent, insimularentur, operam dedisti, ut omni vi, ac tumultu semoto, jure experiri mallent. Itaque vi. Kalend. Quint. ejusdem anni de tuo consilio viros cum natalibus, tum juris scientiâ præstantes dedisti, qui causam universam cognoscerent. Interea verò cum contestatâ jam lite is annus esset in exitu, novorumque comitiorum tempus appeteret, ac senatus quidem se in officio fore profiteretur, cives autem illi, duce, atque signifero Liborio Wichardo, homine ad res novas moliendas acri, atque versuto, neque ab armis discederent, neque ullum senatus insectandi finem facerent, sapienter vetuisti, ne quorum nomina ex utraque parte delata essent, eorum in comitiis ulla ratio haberetur. Ibi verò incertum fuit plusne tuis consiliis ad pacandam, an illi furore ad perturbandam rempubl. incumberent. Ubi enim dies comitiorum ineunte anno MDCIII. adfuit, ac de more in curiam viginti-quatuorviri, penes quos jus erat renunciandi senatus, convenerunt, advolat cum armata suarum partium multitudine Liborius, atque intentato, iis qui consederant, terrore, neminem, nisi ex suo suorumque voluntate, in senatum allegi finit, & cuiquemque magistratum mandari oporteat, ipse nominatim edicit. Verum non diu Liboriani hujus quoque, quem pro sua libidine creaverant, senatus injuriis temperarunt. Necdum enim eo mense elapso xvii. Kalend. Februariæ is ipse senatus, supplici dato libello, graviter de iis est questus. Sed non defuit ei, qui illos contra morem, & instituta majorum eligendos curarat, quemadmodum eadem miseros importunitate frangeret ac domaret. Ut enim sibi jam pridem homines factiosos, audaces, egenos, ex ultima plebe devinxerat, omni artificio allaborabat, ut hos omnibus in rebus dicto audientes haberet. Illi simul atque signum datum erat, cum telis veniebant in curiam: illi quæcumque ipse vel-

let assensu suo, & inconditâ vociferatione comprobabant : illi, si quis contrâ hiscere esset ausus, ad suum scilicet Catilinam deferrebant, quos ille contumeliis, minis, atque interdum colaphis, & adacto cultro vel secum facere, vel certè obmutescere cogebat. Ira deterrimum quemque sponte, qui plus aliquanto videbant, metu ad suas partes adjunxerat. Adhæc, ut omnia, vel invito senatu, pro arbitrio gereret, novum vigintiquinquevirûm consilium, è suo illo grege, contra civitatis leges & jura creaverat, quorum operâ allequebatur, ut quæcumque ipsi placuissent, populus vellet juberetque. Neque deerat homini, quamvis litterarum ignaro, popularis facundia, quâ in concionibus, quas frequentes ad suos habebat, utebatur, ut cum sui de cælo delapsum hominem quandoque, ne ipso quidem dissentiente, clamarent. Hunc perturbatum civitatis tuæ statum, Princeps, cum diutius ferre non posses, optaresque cives tuos, qui postremorum hominum dominatu premebantur, in libertatem vindicare, principiò VI. Kalendas Jun. ejusdem anni MDCIII. Senatum ac populum jussisti illos vigintiquinqueviros, quos contra leges, & vetera pacta, ad alendum improborum civium furorem, crearant, omni illâ potestate privare. At illi scilicet annitentibus Liborianis, non potestatem eis ademerunt, sed nomen duntaxat commutarunt, ut qui antea vigintiquinqueviri, iidem postea Delecti è populo dicerentur. Quid erat sui Principis auctoritatem ludos facere, si id non erat? Neque tamen, ut eras accenso infelices adjuvandi studio, spem curamque abjecisti. Animadverteras è classibus in quas tota civitas est tributa, nonnullam integram esse torius hujus perduellionis, & ex aliquot aliis complures, quos duntaxat cæterorum metus mutos effecerat. Spem igitur eras ingressus, hos, quibus aliquid reliquum erat sanæ mentis, ad divellendos sese, atque abrumpendos penitus ab omni facinorosorum societate posse impelli, si modò seorsim singulas classes alloqui, & sui officii admonere licuisset. Atque edixeras quidem, ut pridie idus

De-

Decembres ejusdem anni classes omnes civium, urbe egressæ suo quâlibet certo loco mandata sui Principis acciperent. Senserunt Liboriani quid ageretur, & disseminato rumore evocatos à Principe adversus cives, ex ea provinciæ parte, quæ trans montes dicitur, homines armatos, qui civibus audiendo Principis mandato occupatis, urbem invaderent, non modò effecerunt ne quisquam prodiret, sed etiam administro, quem ad eos allegaras, præcisè negarunt, se, qui in eadem causâ essent, posse disjungi. Quæ quidem à Liborianis, notis illis clamoribus jactabantur, cæteris interea, ut solebant, timore conticentibus. Addebantur in te, Princeps illustrissime, dicta acerba, & minæ: ac ne cui civium liceret ad arcem tuam commeare, quatuor ipsos dies portæ omnes civitatis clausæ, & custodiis septæ tenebantur. His cognitis, cum inter omnes constaret horum omnium malorum opificem, atque architectum esse Liborium, ratus eò abstracto cæteros ad frugem posse corrigi, missis ad cœnobium Abdinckhoffense gravissimis & tuo consilio viris, eo accito cum veteri, tum novo senatu, illum vel noxæ dedi, vel dum in judicio objecta sibi crimina dilueret, ab ipsis haberi in custodia jussisti. Senatus cum in tam æquis postulatis Principi reluctari non posset, essetque ipse à Liboriana factione creatus consul non obscure homini iratior, tamen arctiorem custodiam, & vincula deprecari, censuerunt satis fore si in curia tantisper attineretur. Vocatus ille in curiam primùm tergiversari, deinde cum iterarentur mandata, apertò capite illudere, & minas de more jacere. ad extremum cum senatus, ut saltem in speciem mandata, quæ acceperat, exhaustis videretur, missis apparitoribus hominem ut imperata faceret, vellet cogere, ille cum domum suam armatis hominibus cinxisset, ac præter minora tela etiam ex ipsis urbis moenibus advecta aliquot minora curulia tormenta, pro fenestris suis collocasset, non dubitavit in ministros Reipubl. explodere. Sed hoc quamvis indignum facinus inusitatâ quâdam audaciâ, atque impudentiâ haud multò post

cumulavit. Habebatur fortè senatus, cùm Liborius cum frequenti suorum manu, quorum singuli telis erant accincti sub pallio, in medium confessum venit. Præfatus, liquere sibi jam illud esse, quando consociari totius animos civitatis, & coalescere oporteat, orat senatum ut jam tandem aliquando decernat, velit necne suis, ac suorum consiliis parère. Cùm senatus cunctaretur, Liborius cum suis procumbit in genua, ac suos quidem jubet tertium orationem dominicam pronunciare, senatum verò interea statuere, quid sibi faciendum putet. Et jam belli isti precatores, reductis palliis, tela ostentabant, quibus, nisi mos eis esset gestus, in senatorum cæde bacchari certum erat. Quid quæris? Senatus tam præsentis periculo perterrefactus obsignatis tabulis confirmat, se in omnibus, quæ ad Liborium, ejusque partes pertinerent, cum ipso esse facturos. Has tabulas cùm accepisset Liborius reverenter exosculatus, gratiis actis, ac decem taleris in vinum senatui, nomine populi donatis, ita discessit ut qui præclare sibi rem gessisse videretur. Ex eo tempore in pejus omnia ruere cœperunt, eoque res evaluit, ut Januario anni MDCIV. senatu ex Liborianis creato, ipse Liborius consul renunciaretur. Quid in eo consilatu ab improbis hominibus, Princeps Illustrissime, non pertulisti? Antiquissima pacta, Principumque constitutiones violatæ: ademptum tibi per summam injuriam supremum in urbe rerum criminalium arbitrium: cives, qui aliquid contra consulis audaciam mutire essent ausi, inusitatis suppliciis vexati: interdictum severè omnibus ne ad te appellare, aut confugere auderent: conducti novi tribuni, signiferi, aliique rei bellicæ administri: tormenta pro mœnibus posita, ut, quod dicere solebat Liborius, tibi Principi suo, vel ad mensam accumbenti negotium facerent. Quid quòd non erubuit primariæ Ecclesiæ nobilissimo Canonorum Collegio denunciare, ut alium sibi Antistitem providerent. Nonne eosdem Canonicos, cæterosque omnes Ecclesiasticos, ac religiosos homines, etiam cùm nihil urbi impenderet adversi,

publico edicto ad tympani sonitum, propositâ fortunarum, ac vitæ jacturâ, arma sumere, & in excubiis militari more agitare compulit? Nonne eosdem omnes, atque adeò tuos quoque, Princeps Illustrissime, consiliarios, & qui Reip. causâ ad provincialem conventum cum mandatis mittebantur, ipsum quoque totius provinciæ quæstorem, pedem ex urbe efferre suo injussu vetuit? Ac sperabas quidem ordinum totius provinciæ auctoritatem, qui v. Non. Mart. in conventu Dringeburgensi adfuerant, aliquod apud eos pondus habituram, qui per idoneos homines, Paderbornenses etiam atque etiam admonuerant, viderent, ne quod eorum gratiâ tota provincia detrimentum caperet. At illi parum ab eis pacati retulerunt, neque obscurè cognoverunt deliberatum illis esse, & protectorem sibi asciscere, & cætera quoque hujus provinciæ oppida, si fieri posset, in societatem perditionis attrahere. Interea ipsis auctoribus rumor incessit, fore ut urbs obsidione premeretur, quem eo consilio ferebant, ut Ecclesiasticos in urbe retinerent. itaque circa idem tempus, non est veritus Liborius primariæ, & Cathedralis Ecclesiæ Canonicis minari, si urbe excessissent, nullam maximi templi partem integram esse mansuram. Nimirum jam omnia in urbe poterat, cujus crudelitatem multi jam Ecclesiastici, multi cives ut vitarent, ex urbe se eduxerant. cæteri in perpetua formidine versabantur. Etenim cum ipse clandestinis habendis coetibus omnia fermè perfecisset, tamen assecutus summum inter cives imperium, adeò non ferebat eos coire, ut nullus paullò melior civis alium convenire posset, quin si ad Liborium à suæ factionis hominibus, quos in hæc talia perquam intentos habebat, ejus nomen esset delatum, compedes, gravesque pœnas pertimesceret. Circa idem tempus vulgato jam illo, de quo dixi, rumore, quatuor-viri delecti, qui arma & præsidia Liborianæ dominationis curarent, unusque ex iis missus, qui pecuniam, copiasque contraheret. Hæc circa Pascha anni MDCIV: gerebantur, quo tempore propè jam sepulta erat, Princeps

Illu-

Ep. 50.

Illustrissime, tuæ salus civitatis, nisi eam admirabili tuâ providentiâ, ac celeritate excitassès. Quam ad rem adjumento inprimis fuit ille cùm regii sanguinis splendore, tum bellicæ virtutis gloriâ Illustrissimus Joannes Frisiæ Orientalis, & Ritbergæ Comes, Esenæ, Stedesdorpi, & Guitmundæ Dominus, in quem verè cadit illud S. Augustini de Bonifacio Comite, cum de virtute militari servire fidei, quam habet in CHRISTO. Tametsi enim tota hæc, quam adhuc descripsimus, seditio, non religionis causâ præcipuè erat exorta, quia tamen ejus auctores omnes Catholicam religionem execrabantur, jamque decreverant, nullum præterea Catholicum in senatum legi oportere, certum est eos suis illis, quæ commemoravimus, sceleribus eò intendisse, ut si res procederet, Catholica Religio his locis funditus interiret. Hoc cùm vir sapientissimus intelligeret, facilè colligendarum copiarum, & seditionis opprimendæ provinciam suscepit. Itaque tametsi febris laboraret, quia tamen omnis mora perniciem potuisset asferre, silentio noctis profectus, ix. Kalend. Maii appositâ suis ipse manibus pulverariâ machinâ, nisus est, intimam urbis portam disturbare (nam duas jam & peniles crates nullo negotio dejecerat); sed cùm ejus impetu effractis tantùm aliquot asseribus, non esset aditus patefactus, excitique Liboriani, aliquot è militari turba, de mœnibus glandibus plumbeis trajecissent, ingenti animi constantiâ Comes, cùm jam febris accessione conflictaretur, contempto manifesto vitæ periculo, suos à fuga retraxit. Hâc ejus constantiâ erecti bonorum civium animi, qui ad id loci Liborii oppressi dominatu tacuerant, ac divisâ in factiones civitate, induciæ tandem, & commeatus ad te illustrissimum Principem est postulatus. Interea majora tormenta advehi jussâ, & ad acriorem obsidionem apparatus fieri, cujus metu ad extremum vi. Kalend. Maii Urbs, nullius effuso civis sanguine, est dedita, ipseque perduellionis auctor, à civibus hominis immanitatem detestantibus, Victori traditus. Non possum hoc loco committere quin

quin impudentia quorundam mendacia commemorem, quorum gratiâ hæc ipsa, ex actis publicis, paullò pluribus sum persecutus. Etenim cùm is, de quo adhuc locuti sumus, Liborius Wichardus in carcere vinctus teneretur, ac Lutheriani Prædicantes, qui templum forense S. Pancratii antea tenuerant, fugâ essent elapsi, ipsius rogatu quidam Cathedralis Ecclesiæ Vicarius, & è Societate JESU P. Fridericus Wachtendunckius hominem adiit. Hujus colloquiis per-motus, tandem ad Catholicam Ecclesiam se contulit, Catholico ritu sua peccata confessus, & sacrâ Eucharistiâ munitus est, ac non modò pro tribunali, cùm jam latâ sententiâ damnatus esset, verùm etiam cùm jam inibi esset, ut ultimum supplicium lueret, Catholicam fidem quam esset amplexus, usque ad ultimum spiritum retinere velle professus est. Hâc ejus vulgatâ conversione irritati Prædicantes, eam apud rude vulgus incredibilibus mendaciis obscurare conati sunt. Edidit enim contra P. Friderici de hac re commentarium quædam nugamenta, Joannes Nigrinus, ad D. Thomæ Susati Prædicans, quibus pro vestibulo apposuit Philippi Nicolai præfationem. Eâ præfatione ex Gangulphi Hergundi, ut ait, libris quatuor de rebus Paderbornensibus hæc narrantur, ex quibus quàm sit hoc hominum genus ingeniosum ad comminiscenda mendacia quivis intelligat. Primò igitur v. Kalend. Maii narrat detruso in carcerem, ac de pede suspenso, papillas abscisas, ac fervens oleum vulneribus, naribus verò liquoris, è fæcium halitu, ardore ignis expressi, quem Germani vinum ardens, sive adustum, Itali aquam vitæ appellant, tres ampullas infusas. Atqui ex actis publicis certum est, Liborium consuetas quoque quæstiones deprecatum, omnia crimina fassum esse. Deinde refert Prædicans, Pridie Kalendas Maii, cùm se Liborius in iudicio, magno animo defenderet, abs te, Princeps Illustrissime, per duos administratos jussum esse sine iudicio, aut sententia e vestigiò foras ad supplicium rapi. Atqui constat Liborium viâ & ordine, uti jura Cæsarea præcipiunt, interrogatum,

gatum, auditum, omnia palàm factum, ac denique damnatum, supplicem factum, ut humari posset. Id quod plurimorum, qui iudicio interfuerunt, testimoniis compertum est, sicut & illud quod de professione Catholicæ fidei antea narravimus. Atqui Prædicans facit eum, cùm duceretur, atque à duobus Jesuitis sollicitaretur, respondentem, non sentire se cum eis, fidem se habere, quam nemo sit crepturus. Addit illud quoque, Liborium cùm sibi ultrò ad supplicium vestes detraxisset, ad te, Princeps Illustrissime, conversum, sic locutum esse: Ades dum Episcopo THEODORE, & pota largiter sanguinem meum, quem tamdiu sitisti. Nimirum Lutherianum magis hæc oratio decebat, quàm salutatio Angelica, quam qui supplicio interfuerunt piè pronunciatam à Liborio, magno consensu testantur, atque etiam ad implorationem DEI matris adjunctum: Sancti Angeli, & omnes electi DEI orate pro me. Sed Prædicantibus majus flagitium est precari Sanctos, quàm calumniari Principes. Queritur postremò Prædicans de mortuo hæc vulgari, qui de se nihil testari possit. At testari possunt tot viri honestissimi qui interfuerunt, & postremas morientis voces acceperunt. Scilicet unum hoc istis hominibus curæ est, ut rudem populum quibuscumque artibus sibi devinctum teneant: quid prudentes sentiant, nec flocci faciunt. qui faciliè intelligunt, eis, qui audeant mentiri populo, hominem palàm, audiente populo salutationem Angelicam pronunciantem, maledixisse suo Principi; eisdem non deesse artes, quibus infelici plebeculæ persuadeant sacras litteras aliquid dicere, quod Spiritui Sancto nunquam in mentem venerit. Certè id unum suo illo libro egit Nigrinus, neque tamen eo contentus, cùm metueret, ne parum esset in Bibliis præsidii, opem quoque à famosis libellis accersit. Prædicantibus enim pluris est Pasquillus, quàm S. Jacobus Apostolus. Itaque si quid è S. Jacobo eis objicias, in promptu est illud Lutherianum: Non est in canone: sin autem è famoso libello mentiaris Henricum Jesuitam Antverpiæ MDCI. XII. Aprilis publicè exustum,

stum, nefandi flagitii pœnas dedisse, id nimirum perinde atque Euangelium credi oportet, tametsi Senatus Antverpiensis obsignatis, & palam editis litteris, adeoque tota civitas testetur, nullum unquam Jesuitam Antverpiæ reum actum esse, nullum supplicium luisse. Sed quid ego hujus diei candorem atque lætitiā Nigrini mentione infusco? Ad te redeo, Princeps Illustrissime, quem dicere institueram, condendā Academiā, paci & tranquillitati publicæ consuluisse. Docuerant enim te civiles hæ turbæ, eos qui rebus novis studeant, hominibus ferè rerum omnium ignaris uti, quod ii ferè impetu quodam animi, & furore ad deteriora rapiantur. Qui verò docti sunt, præterquam quòd liquidius res omnes intelligant, longèque quid ex quaque oriri possit incommodi prospiciant, tum verò certissimum est, quod ab Agellio scriptum est, qui bonas artes sinceriter cupiunt, appetuntque, eos esse vel maximè humanissimos. Itaque Liborius noster hominum legendi, scribendi rudium operā plurimum utebatur, quem compertum est palàm in suis illis cœtibus concionantem, veteres quasdam litteras, quas nescio quid ad dignitatem, & libertatem civitatis pertinere diceret, palàm plebi recitasse, ac subinde gratulatum esse, ea tempora, obtigisse huic urbi, ut non minùs litterarum imperiti, ac Doctores intelligerent. Tum verò nominatim quempiam percunctabatur omnium abjectissimum, ecquid hæc intelligeret? cui ille, tametsi postea apud alios, si seorsim interrogaretur, se nihil intellexisse fateretur, tamen in illo conventu annuebat. Ita homines ignaros assuefaciebat, ut quicquid ipse protulisset, licet cujusmodi esset ignorarent, tamen continuo suā acclamatione comprobarent. Qui verò erant eruditi, quia numero vincebantur, ne alios sui erroris admoneant, vulgaris furoris formido retardabat. Quare, si unquam aliàs, eo tempore cognitum est, ex usu esse Reip. ut abundet hominibus doctis, atque intelligentibus, ut inscia plebs eorum & doctrinā informetur, ne erret, & multitudine reprimatur, ne insaniat. Faciunt verò ad id plurimum ea gymnasia

*Noct. Art.
lib. 13. c. 15.*

sia quæ intelligendi vim, ac prudentiam plurimum exacuunt, atque adolescentum animos quàm longissimè à temerario & furioso vivendi more, ad rationis leges & instituta traducunt. Deinde quæ cum honestissimis litteris, veræ religionis, & sanctimonix curam, quàm arctissime copulant. Ubi enim sunt de religione lites, atque dissidia, diuturna pax esse non potest. Ac ne quidem ubi falsa aliqua disciplina, verâ religione abjectâ, sola retinetur. Proprium enim est falsæ doctrinæ, ut constare sibi non possit, neque leviores solent esse errorum inter se, quàm cum veritate conflictus. Quæ igitur in urbe omnes idem inter se, & cum iis, qui toto orbe, omnibus ætatibus pietate floruerunt, de divinis rebus sentiunt, habetque magnam eruditorum hominum facultatem, eam certum est præstantibus conservandæ publicæ quietis, & colendæ concordix adjumentis abundare. Idcirco Liborius noster, quo tempore maximè perturbandæ atque pervertendæ civitati erat intentus, severo edicto vetuit, ne quis adolescens, qui ad Collegium Societatis J. E. S. U., discendi causa, itaret, cujusquam civis hospitio uteretur, neve cives eò liberos suos mitterent. qui contra fecisset, is quinquaginta taleris multaretur. Nimirum ingens erat inter illa quæ rudi plebeculæ, in seditiosis illis conventibus venditabat, & hæc quæ in Catholicis, & bene institutis gymnasiis juventuti præcipiuntur intervallum. Ibi enim popularis licentia, effrenata peccandi impunitas, & rerum omnium perturbatio quærebat. Hic DE I timor: magistratuum veneratio, atque observantia: modestia, & pacis amor, teneris mentibus inseritur. Sed non providebat infelix, quòd adolescentes ipsius minis, atque edictionibus prohibiti, in scholis à magistris non didicissent, id è tristi ejus exitu, & justissimo supplicio esse cognituros. Quando enim liquidius demonstrata est furiosarum ejus concionum vanitas, quàm cum stans ad infamem columnam, omnia sui consulatus probra objectantibus, os præbebat: cum clausi mœnibus, & sine sua tessera portis egredi vetiti Ecclesiastici: cum excruciiati hiber-

hiberno cœlo, gravissimo gelu cives: cùm mulier quæ uterum ferebat, in publico, ubi ad ludibrium vulgi erat exposita, abortire coacta jactabatur? Quid? ipsum ejus supplicium nonne conjunctum fuit cum evidenti testificatione divinæ de his rebus voluntatis? Etenim Liborius, qui, ut demonstravi, Prætor, quem à Principe creari mos est, excluso, summam sibi in puniendis delictis potestatem arrogabat, VII. Kalend. Martii anni MDCI. v. inopem civem Paderbornensem Jodocum Dulmanium, miserrimè, & obscœnissimè tortum, præcipiti sententiâ, de infelici ligno, quod nuper ipse posuerat, suspendit. Altero post mense, pridie Kalend. Maji, cùm Liborius meritas pœnas daret, hic ipse suspensiosus, manare palam ubertim ex ore, naribus, manibus, pedibus, oculis recentem sanguinem, ipsum sesquidiem, clarè à tota multitudine est visus. Accessit quoque ad spectaculum Illustris Frisiæ & Ridbergæ Comes, tantæ rei gravissimus testis, tuque ipse, Princeps Illustrissime, adhibito tabellione, & idoneis testibus, rem publicis tabulis mandari iussisti. Quæ res documento sit omnibus, ne adversus magistratus legitimos, & Principes temerariam plebem commoveant: ne alieni sanguinis sint appetentes: ut suo dolori, & insolenti vindictæ cupiditati frenos injiciant: ut homines se meminerint, inter homines versari. Sed nimitum, Princeps Sapientissime, grave tibi & luctuosum visum est, hoc, è tam tristibus, & cruentis exemplis, tardum nimis discendi genus. Mavis jam indè à prima pueritia sic informari cives tuos, ut Deo, Rationi, Magistratibus, Legibus, Parentibus morigerari, comprimere appetitiones, domare iracundiam, omnibus se virtutibus & bonis artibus ad Reip. salutem, commoditatemque exornare consuecant.

CAPUT V.

Illustrissimum Principem, in Academia instituenda, Ecclesiasticorum, & Religiosorum hominum commodum & dignitatem spectasse.

*Orat. ad
150. episcop.*

PRæcipuum verò tibi, Princeps Illustrissime, studium semper fuit, ne ea pars gregis CHRISTI, quæ eximiam quandam vitæ sanctimoniam profitetur, nullis, quæ quidem cum suo more & instituto congruerent, commodis, vel ornamentis careret. Quoniam verò omnes Ecclesiastici ordinis viri, in eo præcipuam quandam sunt gloriam adepti divinitus, quòd divinam illam mensam, in qua Agnus DEI qui tollit peccata mundi, situs est, circumstant, atque, ut alicubi loquitur D. Gregorius Nazianzenus, *appropinquant ad appropinquantem DEUM*, propterea magnis largitionibus, & impensis eos ad dignitatem tanti sacramenti complectendam animo, & dignâ pietate colendam excitare studuisti. Itaque constituto annuo vectigali imprimis lauto & magnifico, solemnem ejus pompam, quæ post Pentecosten quotannis instituitur, celebriorem augustioremque reddidisti. Neque eo contentus, nullum prætermisisti in tota tua diœcesi ecclœbium, quod non perpetuis vectigalibus auxeris, eo pacto, ut quoniam à plerisque hac tempestate non, quanti par est, fieret illa victima sancta, quâ deletum est chirographum, quod erat contrarium nobis, ipsis curæ esset certis eam, statisque honoribus prosequi. Nullus porrò honor videtur tantum Sacramentum perinde decere, atque ipsorum Ecclesiasticorum, qui ejus administrationi sunt consecrati, morum integritas, atque scientia. Si enim rectè & ordine sit in Ecclesia, quòd sine lumine nunquam Eucharistia deferatur, ut nempe profiteamur in ea verè esse præsentem eum, qui à sapiente dicitur, *candor lucis æternæ*, ut ait Honorius III. quantò magis elaboran-

*Sapient. 7.
v. 26.
Can. Sanè
cùm olim de
celeb. Miss.*

randum est, ne qui eam conficiunt, aut certè conficientibus ministrant, Sapientiâ, de qua ibi est sermo, vacent? Nam, ut ibidem legimus, *Neminem diligit DEUS, nisi eum qui cum Sapientia inhabitat. Est enim pretiosior sole.* Qui locus aliquantò est in Græco illustrior, ubi legimus *τὸν σοφία συνοικεῖντα*, id est, qui cum sapientia, velut conjuge, habitat. Licet autem nemo justus, quamvis litterarum rudis, sapientiæ sit expers, docet tamen Apostolus, quis sit ille, qui ardentiore quodam amore diligit Sapientiam. nempe: *Qui sine uxore est, sollicitus est, quæ Domini sunt, quomodo placeat Deo.* Quantum enim cæteri otii in obsequio feminæ, in educatione liberorum, in procuratione rei familiaris consumunt, tantum ei suppeditat ad serviendum præcepto Apostoli: *Attende tibi ipsi, & doctrinæ.* Quemadmodum enim lumen & in se purum quiddam atque præclarum est, & naturâ suâ factum ad alia quoque illustranda: ita hominem Ecclesiasticum, quem CHRISTUS Dominus *lucem mundi* non dubitavit appellare, decet non modo omni erroris, aut flagitii notâ carere, sed etiam vitæ innocentis exemplis, & præstantis scientiæ luce cæteris omnibus viam ad Sapientiam ostendere. Igitur qui sic comparatus est, is demum est, qui sapientiam sole longè clariorem, quasi quibusdam semipiternis nuptiis desponsam, atque devinctam habet. Ejusmodi si omnes essent, qui altaria Christianæ Ecclesiæ circumstant, ejusque opibus aluntur, quis superiorum temporum felicitatem desideraret? Quid enim tot homines tenebrarum, & errorum non discuterent, si cum æternæ sapientiæ luce perinde atque sponsa essent copulati? quis talibus ducibus non omni celeritate ad veritatis arcem convolaret? quis tam abhorrens ab omni studio virtutis, qui non se ipse retexeret? Talium hominum copiam ut haberent majores nostri, sedulò curabant, ut qui ad tam excellens degendæ vitæ genus à DEO vocarentur, ii omnibus, quæ cum eo non discreparent, liberalibus artibus expolirentur. Audi enim, Princeps Illustrissime, quid præcipiat Concilium Aquisgranense, sub Ludovico Pio Cæsare,

Ibid.
Verf. 28.

1 Cor. c. 7.
v. 32.

1 Tim. 4.

Matth. 5.

Gobelinus
stat. 6.
cap. 64.

Lib. 1. de
morib. Ecc.

re, in quo Canonicois vivendi regula è sanctorum Patrum monumentis est proposita, quæ regula cum in aliis Ecclesiis Germaniæ aliquot sæcula, tum in Paderbornensi usque ad Bernardum IV. ejus nominis Antistitem, id est, usque ad annum MCCXXVIII. vixit. In ea igitur cap. cxxiii. sic habetur: *Religiosissimè ordinem canonicum servant, & Prælati suis, ac Magistris honorem debitum humiliter impendant: ut horis canonicis divinum officium devotissimè expleant: intus forisque non solum habitu, & actu, sed etiam ipso incessu irreprehensibiles existant: ut non otio vacent, non vaniloquio inserviant, non detractionibus, & ceteris vitiorum illecebris incumbant, sed potius aut orationi, aut lectioni, aut quibuslibet Ecclesiæ, aut certè propriis utilitatibus vacent, aut etiam doctrinis sanis, & diversarum artium erudiantur disciplinis, ita videlicet, ut nullus in congregatione inutiles aut otiosus existens, stipendia Ecclesiæ inofficiose accipias: ut quotidie ad collationem veniant, ubi & hanc institutionem, & aliarum scripturarum sanctarum lectiones perlegant.* De cœnobiiis verò, quis ignorat ea fuisse, quod de Corbeia nostra nominatim legimus, diversoria, & habitacula doctorum, & piqrum virorum? qui, ut loquitur D. Augustinus, *contemptis ac desertis mundi hujus illecebris, in communem vitam castissimam, sanctissimamque congregati, simul atatem agebant, viventes in orationibus, in lectionibus, in disputationibus: nullâ superbiâ tumidi, nullâ perviciaciâ turbulenti, nullâ invidentiâ lividi, sed modesti, verecundi, pacati concordissimam vitam, & intentissimam in DEUM, gratissimum ipsi munus offerebant, à quo ista posse meruerant.* At nostrâ tempestate, postquam Ecclesiasticorum hominum ad alia traductis animis, illæ laudabiles Pietatis & Doctrinæ exercitationes obsoleverunt, nihil est quod miremur, tantam vitiorum colluviem in Ecclesia DEI extitisse. Ubi nunc veteres illi Religionis vindicees, & satores? ubi sacri oratores? Ubi experientes animorum medici? Ubi divinarum litterarum periti? Ubi illi cælesti quâdam caritate præditi Antistites? Sed quid hæc sublimiora commemoro? quis non totum se fluxis commodis? quis non nefariis volu-

voluptatibus dedit? Quid causæ esse existimamus? num eam, quam imperitè & stultè blaterant non minus perfectæ sanctitatis, quàm salutaris doctrinæ adversarii Prædicantes? Clamant illi observari non posse cælibatum: plus imponi Ecclesiasticis viris, quàm eorum humeri ferre possint. Non est ea profectò, non est. Si enim D. Augustini temporibus, quando, ut ipse narrat, plerumque ad continentiæ clericorum sarcinam subeundam capiebantur inviti, eam susceptam usque ad debitum finem, Domino adjuvante, perducebant; cur desperent, qui sponte hoc vitæ genus delegerunt, idem sibi proclive fore, si eandem, quam viri illi sancti, viam insistant? Da mihi hominem à prima pueritia pietatis officiis, & eruditione omni excultum, cui dulce sit inhærere contemplationi veritatis, eamque cùm in rerum naturalium scientia, tum in diviniore, & de cœlo delapsa, omnibus vestigiis indaget, ac denique eam cognitionem, non ad quæstum auramve popularem, sed ad unius DEI Immortalis inflammandum cùm in suo, tum in ceterorum mortalium pectoribus amorem conferat: nego huic homini otium futurum ad ea cogitanda, sine quibus hi mortalium infelicissimi se vivere posse diffidunt. Jam verò, quoniam aliud mortales in nostrorum temporum moribus intuentur, nimirum supra fidem eis videntur, quæ de majorum nostrorum incredibili sanctitate memorantur. Postquam verò hæc exempla desierunt, religionis quoque ipsius auctoritas, quæ plurimum apud rudes animas illis sustinebatur, in dubium vocari, aut certè non tanti æstimari cœpta est. Ideò vir doctissimus, atque optimè de re Catholica meritis Fredericus Staphylus Olnaburgensis, negat, præter rectam juventutis institutionem, aliam superesse, exortas de religione lites sedandi, viam. Adjungam ejus verba, quòd die natali primæ in Westphalia Academiæ, hominis Westphali, tantâ gloriâ in Academia Ingolstadiensi nostro sæculo versari non meminisse, nefas propemodum esse videatur. Is igitur in epistola, quâ Marci Anachoretæ aureos libellos, è Græco ab se

*Lib. 2. de
adult. con-
jugio c. 20.*

in Latinum converfos, inscribit, & dedicat Petro Canisio Societatis JESU celebri Theologo, postquam est questus cæteris in artibus non nisi peritorum judicia requiri, in rebus divinis indoctissimum quemque, quod commodum sit, sequi: ad extremum hæc addit. *Unicum fuit olim, & satis efficax his malis remedium, auctoritas conciliorum: quæ quondam pietate sacerdotum apud omnes sacrosancta habebatur, jam propter peccata nostra labefacta est, bellisque in dies magis vilescit, penèque deletur apud universos. Sola spes ferme est in puerilibus scholis, ut seminarium Ecclesiæ, quod in senibus jam emaruit, in pueris resuscitetur.* Hoc adeò consilio, Princeps Illustrissime, non modo jam olim pueriles scholas, verùm etiam hanc Academiam tuis opibus condidisti, quam iccirco iis solis disciplinis consecrari voluisti, quæ Canonicis institutis Ecclesiastico homini sunt permixtæ. Notum enim est iis juris civilis, & Medicinæ tractationem interdici. Fuit scilicet tibi curæ ea studia excitare, ad quæ colenda, refrigerescente indies cælesti caritate, omnibusque quæstum, & popularem auram spectantibus, pauci sponte appellunt animum.

CAPUT VI.

Propriè dictam Academiam sine Iurisprudentia esse posse.

VERùm, Illustrissime Princeps, hîc ego, quod pace fiat tuâ, cogor nonnullis rerum imperitis respondere, qui cùm audiunt, necdum tradi in Academia tua Jurisprudentiam, opinantur aliquid ei ad Universitatis nomen deesse. Eos ego non meis, sed hominum juris peritorum verbis hunc errorem dedocebo. Igitur Jacobus Middendorpius Westphalus, Theologiæ & Juris scientiâ clarus, libro, quem de Academiis edidit, cùm nomina investigaret, quibus rectè hæc nostra publica gymnasia afficiantur, principio rectè eis docet Academiæ nomen tribui, ac deinde ingressus sermonem

monem de nomine Universitatis : Recentiorum , inquit , “ quidam Scholas publicas , quòd auctoritate publicâ , sive “ quod idem ferè est , publicè instituuntur , quidam Univer- “ sitates appellare malunt . Non tam quòd omnes liberales ar- “ tes in eis doceantur , (multæ enim ad certarum tantùm disci- “ plinarum professionem eriguntur) sed quia Professoribus & “ Studiosis litterarum collegium , atque universitatem habere “ licet , quod alioqui jure prohibitum est . Petrus item Tolo- “ fas doctissimus Jurisconsultus , libro XVIII. de Rep. cap. VI.

Sunt , inquit , arbitraria Principibus Ecclesiasticis & secularibus ut loca , in quibus velint scholas privilegiatas constitui , ita & quas ibi velint tradi scientias , sive omnes , sive certas . Quamvis enim omnes habeant commune vinculum , & constituent Encyclopadiam , non tamen sequitur debere in uno eodemque loco simul tractari vel doceri . Possunt enim in diversis disci , & doceri . Neque ideo minus Universitas privilegiata in Gallia , aut alibi dicitur , si modò privilegia concessa sint , quia ibi omnes artes vel studia omnia non tradantur . Sunt enim Scholastici & Doctores qui faciunt universitatem , & non diversitas scientiarum . Possunt adjungi semper scientiarum diversarum professores , jam introductis professionibus , ut iisdem potiantur privilegiis , quibus jam fundata , non secus quàm nova studia aliis locis cum iisdem privilegiis , quibus jam potiuntur antiquæ Academiae . Sunt quippe hæc juris positivi , quæ mutari & augeri vel tolli possunt arbitrio eorum , qui potestatem habent , maxime novâ ortâ justâ causâ . Quemadmodum Theodosius & Valentinianus professoribus artium liberalium privilegiatis , qui in civitate Romana , & Constantinopolitana docebant , addiderunt professores Philosophiæ , & legum doctores , & Clemens V. consiliumve Viennense , aliis addiderunt professores linguarum Arabica , Græcæ , & Chaldaicæ . Denique quoties à Pontificibus , & Conciliis Parisiensi gymnasium Universitas dicitur ? & tamen audi quid de ea narret Bartholomæus Cassanæus in Catalogo Gloriæ mundi : Apud nos , inquit , tenetur pro prima , & principali totius Gallie universitate , quoad Philosophiam , Theologiam , artes , medicinam , & cæteras artes , sed non quoad leges . Quoniam in ea non docentur le-

Vide copiosè Rebus. da tract. nomin. q. 6. n. 13. & in §. statui- mus 2. ad verbum Universita- tis. de collat. in concord.

Part. 10. §. 32.

ges. Quoniam in ea non docentur leges, nec jura civilia, ut est text. in c. super specul. extra de privileg. Quis igitur audeat Paderbornensi Gymnasio propterea Universitatis nomen adimere, quòd ad eundem modum nonnullas Ecclesiasticis personis minus consentaneas disciplinas non tractet? Meliusne illi norunt cui Universitatis, sive Universalis studii nomen tribui possit, quàm Pontifex, & Imperator? Certe Paulus V. Pont. in suo diplomate testatur se hoc Gymnasium Paderbornense in Universitatem studii generalis perpetuò erigere & instituere, vultque eam omnibus privilegiis non solum ad instar aliarum Universitatum, sed pariformiter, ac æquè principaliter in omnibus, & per omnia uti, potiri, & gaudere. Ad idem exemplum Imperator, in gymnasium, & studium Universale erigit, & decernit, ut in ea gradum seu honorem assumentes, gaudeant privilegiis quibuscumque, quibus Universitas Heidelbergensis, Tubingensis, Friburgensis, Ingolstadiensis, ac alia studia privilegiata, ac Doctores, Licentiati, Magistri, Baccalaurei, & Scholastici istic promoti, aut alià quâ dignitate seu gradu insigniti gaudent, utuntur, fruuntur, & potiuntur. Qui igitur Paderbornæ negant Universitatem propriè dictam esse, ii Jurisperitorum, & summorum Principum inscientiam dum videntur sugillare velle, demonstrant suam.

CAPUT VII.

Illustrissimum Principem, condenda Academia, eximiam suam in Societatem Jesu voluntatem declarasse.

Hanc igitur Universitatem (sic enim ipsis quoque Jurisconsultis approbantibus, appellemus) Ecclesiæ potissimum commodo, & dignitati institutam, Princeps Illustrissime, curæ, atque potestati Societatis JESU commitendam, tradendamque judicasti. Sic enim tuò rogatu decernit in suo diplomate Pont. Max. Ipsam Universitatem, ac studium generale sic erectum & institutum, curæ, regimini,

ni, & administrationi dictæ Societatis, & illius Præpositi Generalis, seu ab eo deputandi, qui totius Universitatis Rector existat, præfatâ auctoritate (*Apostolicâ*) etiam perpetuò supponimus, & submittimus. Eodem spectat, quod Cæsar jubet eam gubernari, juxta formulam Dilinganæ, aliarumque Academicarum in constitutionibus ejusdem Societatis comprehensam. Etenim B. Ignatius Societatis JESU Fundator non modò putavit è republ. fore si sui homines unà cum aliis in publicis Academiis versarentur, sed etiam, si ita DEO cordi esset, ut ab aliquo Principe, vel Rep. alicujus Academicæ administratio Societati crederetur, non commisit, ut posteri certas ab eo leges, & instituta desiderarent. Ejusmodi Academicæ sunt non paucæ toto orbe excitæ, quarum primam fuisse accepimus Gandiensem à Francisco Borgia ejus loci Duce, qui deinde Societati se adjunxit, primis illis ejus incunabulis fundatam. Secuta est Mamertina in Sicilia, à Joanne Vega Prorege, Caroli V. Cæsaris auspiciis condita. Tum Eborensis in Lusitania, fundatore Henrico Cardinali, qui ultimus suæ stirpis Rex postea fuit. In Gallia, ut alias omittam, maximè illustris est Flexiensis, quam Rex Henricus IV. cognomento Magnus, ea in domo, quæ infanti ipsi domicilium fuerat, erexit, ejusque in templo Cor suum condidit. In Germania nostra primus Otho Truchses Cardinalis Augustanus, Dilinganam Academiam ab se fundatam totam Petro Canisio, Societatiq. permisit. Eum secutus est Serenissimus Carolus Austrius Archidux, Ferdinandi I. filius, Maximiliani II. frater, qui anno MDLXXXVI. Græcii in Stiria, Academicæ ab se munificè institutæ, ac locupletatæ Societatis homines rectores, & magistros delegit. Quem nuper imitatus est ejus filius Leopoldus Passaviensis, & Argenteratensis Antistes, posito Molleshemii in Alsatia publico Societatis Gymnasio. Horum tantorum Principum exemplo, Princeps Illustrissime, cùm hanc Academiam, quæ populis ditionis tuæ æternæ salutis præsidium, & immortale ornamentum esset, meditareris, fecit vetus illa,

4. Parte
const. c. 11.
& seq.

totque illustribus promeritis testata in hujus Societatis homines benignitas, & gratia, ut non alios ei præficiendos putares. Nimirum ut flumina à modicis orta principiis, quo longiùs à capite recedunt, hoc majora sumunt incrementa: ita, Princeps Illustrissime, conceptam jam inde ab anno MDLXXX. quo primùm in hanc Urbem pedem attulit, in hanc Societatem benevolentiam majoribus quotannis beneficiis cumulare non desinis. Cujus quidem benevolentia perpetuos socios, atque consortes habuisti admodum Reverendos, ac Prænobiles Cathedralis Ecclesiæ Canonicos, quibus hæc Societas suorum in hac Urbe commodorum originem, ac progressum, cum summa grati ac memoris animi significatione acceptum se ferre profitetur. Illi enim sunt, qui eam primùm ad spem religionis Catholicæ, vehementer eo tempore laborantis, erigendam huc, ad conciones primùm, deinde ad scholas quoque habendas advocarunt. Illi domum, quæque ad victum, & cultum pertinent tot Sociis, ac Patribus, quot ante hinc versati sunt, quàm ad Collegii formam redigerentur, certis vectigalibus, perpetuis attributis, liberaliter & abundè providerunt. Illi gravissimis decretis Societatis famam, & commoditatem contra adversarios, atque adeò, anno MDLXXXIII. contra ipsum quoque Principem, aliter, ac nos de religione sentientem, qui missis legatis, Patribus scholas interdici cupiebat, gravissimis sententiis, decretisque tutati sunt. Denique illud natalibus, & dignitate amplissimum Collegium nunquam desit, societati ara quædam esse atque perfugium: nunquam favere studiis: nunquam labores sublevare: nunquam gratiam, & patrocinium impendere. Itaque hoc natali Academia nostræ, Princeps Illustrissime, intelligis opinor officii nostri esse, horum quoque, quibus illa primam quasi stirpem suam debet, amplissimorum, ornatissimorumque Procerum, non sine gratiis, & beneficentiæ laude meminisse. Atque cum omnium semper erit dulcis, ac jucunda memoria, tum verò præcipuè illorum, qui primis illis temporibus plurimùm in
accr-

accerfenda, fovenda, tuenda Societate laborarunt. In his familiam ducebant Henricus de Mefchede Decanus, Melchior à Plettenberg Camerarius, Guilielmus Schilder Scholafticus, quos precamur, ut **D E U S** immortalis felicitate remuneretur. Ex iis verò, qui etiamnum suam nobis lucem impertiunt, occurrunt duo hujus Ecclesiæ lumina admodum Reverendi & Nobiles DD. Walterus Brabeck Præpositus, & Arnoldus ab Horst Decanus, qui, ut sunt omni eruditionis & prudentiæ laude florentes, ita nullum faciunt finem præclara studia suis opibus, & favore adjuvandi, ac propagandi. Ejus adeò rei in Academia, monumentum semper erunt duæ turres, magnis utriusque impensis ita extructæ, ut Academica juvenus ne pedem quidem inferre possit in Gymnasium, quin horum præstantissimorum Ecclesiæ Procerum recordetur. Meministi enim, Princeps Illustrissime, ejus diei, cum primùm hujus novi gymnasii fundamenta sunt jacta. quo die hi duo Ecclesiæ nostræ summates, in amplificando **D E I** honore, dignitate Patriæ, commodis juventutis, Principem suum, & Antistitem honesto, jucundoque certamine æmulantes, perpetuum hujus suæ in bonas litteras voluntatis in ipsis quoque saxis, & muris, his turribus ædificandis, monumentum extare voluerunt. Video me jampridem, Princeps Optime, abuti patientiâ tuâ, qui orsus tibi gratulari, ad Canonicorum cœtum deflexerim. sed nimirum non decebat hodie Academiam **T H E O D O R I A N A M**, hoc suo natali, illius splendidissimi Collegii oblivisci, cujus suffragiis factum est, ut Theodorus Theodorianæ Academicæ parens esse posset. Nam cum inter eos tot essent præstantissimi viri litterarum, Societatis, avitæ religionis omnes amore inflammati, videntur singulari **D E I** nutu eum Principem elegisse, qui unus cum omnium ardore, ac zelo paria facere posset. Quid enim illi collato studio, communicisque consiliis ad amplificationem bonarum artium optare potuissent, quod non sit in tuo principatu perfectum? Dolebant quidam arctius Societatem habitare, quàm ut plures
libe-

liberalium disciplinarum magistros, aliosque divinæ rei operarios capere posset. Tu, Princeps Optime, simulatque ad Ecclesiæ gubernacula accessisti, dedisti operam, ut hunc idoneum maximè sacris functionibus locum nancisceretur. Dolori erat multis piis hominibus hoc D. Joannis Apostoli templum, quod antea fuerat quædam exquisitæ pietatis officina, duodecimum jam annum profanorum artificum strepitu personare. Confestim magno ære ab iis, quibus venundatum erat, redemptum VI. Idus Quinct. anni MDXCII. Societati tradidisti, eamque donationem Clemens VIII. Pont. Max. eodem anno IX. Kalend. Novemb. confirmavit. Desiderari quoque videbatur à nonnullis, ut Societas, in hac Urbe non temporariam duntaxat sedem, sed stabile justumque Collegium haberet. Id verò, insigni accessione ad priora vectigalia factâ, cùm ejus quoque foundationis Clemens Octavus auctor factus esset, non longo intervallo perfecisti. Quid quòd, dirutis veteribus ædibus, quæ erant circum hoc templum, novas, laxas, firmas, & propè, quàm ferat religiosorum hominum captus, angustiores, maximis impensis ædificare es aggressus? Itaque cùm hæc Urbs, si ulla alia, sæpe vastata, ac fœdata incendiis, veteres illas magnificas, cujusmodi olim fuisse acceperimus, jam pridem desideret, cœpit ab hac præsertim excelsa, & quadrata turri, qua Collegium ornasti, non nihil pristini recuperare splendoris. Nihil dico de bibliotheca cùm aliis, tum præcipuè sanctorum Patrum voluminibus perquam ornata: Nihil vel de Organo non minus oculis, quàm auribus jucundo: vel de hoc marmoreo pietatis tuæ in ara maxima monumento, quibus rebus hoc templum mirificè decorasti: Nihil de suburbano sacello B. Virginis quod Romanum vocant, quod, ut sodalium ejusdem Divæ pietati faveres, tuamque quæ sanè est in Matrem DEI eximia, demonstrares, tuis opibus instauratum, & locupletatum Societati possidendum, curandumque tradidisti. Mihi certè videtur, Princeps Optime, adhuc fuisse inter DEI in te, & tuam in nos benignitatem, jucundum quoddam,



dam, decorumque certamen. Nam cum ille plures, ac plures usque ad hanc ætatem annos tibi largiretur, neque ullum effluere sineres sine aliquo vel in res divinas, vel bonas litteras liberalitatis documento, nimirum diu vivendo, diu vivere meruisti. Inter alia verò gratissimum Societati, & Ecclesiæ inprimis salutare illud munus accidit, cum domum Probationis in hac Urbe Societati, idoneis vectigalibus instituis, ubi religiosæ militiæ tirones rudimentum ponerent, eamque pietatis ubertatem combiberent, quæ deinde cum bonis artibus conjungentes, ad plurimorum mortalium salutem longè latèque derivarent. Jam videbantur tua in nos beneficia ad id fastigium pervenisse, ut nihil accedere posse videretur, cum tu, Princeps Optime, ordiris novæ molis fundamenta jacere. Nova sublimiorum doctrinarum professoribus alendis perpetua vectigalia constituis: das litteras ad Pont. Max. atque Cæsarem, quibus jus condendæ Academiæ flagitas: extruis hoc elegantissimum, commodissimumque gymnasium: quod DEUS bene evenire jubeat: Societati JESU Academiam Theodorianam tradis atque commendas. Pro quo intelligit illa quidem quantas tibi, Princeps beneficentissime, gratias debeat, sed quoniam hoc ejusmodi beneficium est, quod non solis verborum officiis compensari possit, sed quod acrem industriam, assiduos labores, continuas propè lucubrationes, atque vigilias desideret, DEUM immortalem orat & obsecrat, ut qui tibi hujus instituendæ Academiæ est auctor, idem omnibus qui sunt, quique post aliis erunt in annis, Societatis Professoribus, & magistris eum studendi, docendique ardorem injiciat, eam constantiam, roburque tribuat, eam vim & lumen ingenii, & quod caput est, eas pietatis virtutisque copias, ut semper huic tuæ in divinum honorem, Reip. utilitatem, juventutis commoda præclaræ voluntati aliqua ex parte respondeant.

C A P U T VIII.

Gratia Academica juventutis nomine.

Quid verò, Princeps Illustrissime, huic florentissimæ juventuti hodie animi credis esse? quantis incedere lætitiis? quàm faustis te precationibus prosequi? Palam enim iis litteris, quibus hodiernæ celebritati diem dixisti, professus es, eorum præcipuè te utilitati in instituenta Academia consulere voluisse. Ubi illud etiam pronuncias: Spem omnem instaurandæ, atque ad pristinum decus revocandæ Reip. hoc quidem tempore in recta tenerioris ætatis educatione positam esse. Quod tamen si aliorum quoque sapientum hominum sit judicium, putant sibi tamen in quodam eximii honoris loco ducendum, quòd à tam laudato Principe tanti fiunt, ut redintegratio salutis, ac dignitatis publicæ, ab se potissimum expectetur. Quod si dictum duntaxat abs te esset, deberet sanè cujuslibet quamvis remissi ac desidis adolescentis animum ad teneram suam ætatem, omnibus, quibus optas, bonis artibus excolendam permove-
re. Jam verò postquam perpetuâ triginta annorum liberalitate, & curâ id egeris, ut juventutis studia inflammares, atque adjuvares, qui his non movebitur eum meritò lapidem habendum arbitrantur. Hodiernus sanè dies satis ostendit, quàm sint cum præteritis tuis meritis, tum hujus Academiæ foundatione ad omne laudabilium studiorum decus erecti. Quanquam enim ingenuè confitentur nihil se dignum hâc tuâ Celsitudine, nihil tuis virtutibus, nihil tot beneficiis præstare posse, tamen non ignari ab arbore, quam nunc primum plantaveris, ante flores esse repetiturum quàm fructus; atque adeò voluptatem, quam olim fructus sunt allaturi, jam ex ipsis floribus præcepturum; confidunt fore, ut sua studia, quamvis tenuia, & quasi immatura, jucunda tibi accidant. Certè parietes, nisi quid me fallit, omni versuum genere con-
vestiti: arcus, atque emblemata plena ingenii: scenæ appa-

Plinius
Lib. 18.
cap. 6.

ratus: Astronomicæ concertationes à nobilissimis adolescentibus, & Mathematicarum disciplinarum amantissimis susceptum: Theses de Philosophia naturali propositæ, aliaque de eodem genere, illustria quædam emolumenta brevi hanc Academiam allaturam esse Reipub. pollicentur. Atque utinam fieri posset, ut dum stabit, perpetuò te salvo & incolumi frui posset. Sanè experiremur verum esse, quod ab agricolis dicitur: *Fertilissimum in agro esse oculum domini*. Nunc, quod proximum est, vota assiduò faciemus, ut DEUS immortalis maxima, atque uberrima apud cælestes tuis beneficiis præmia jam nunc comparet, sed quò diutius cùm Ecclesiæ, tum huic novellæ Academiæ prosis, serò te ad ea fruenda discedere patiatur. Apud posteros verò tuam vicem obibit hæc tua effigies in Gymnasii atrio posita, cui ascribi
 » voluisti: Te affectu, zeloque boni publici quâ Religione, quâ
 » Sapientiâ procurandi, propagandique, Religioni quidem
 » Templum, Sapientiæ verò Gymnasium Academicum, Col-
 » legium porrò Patribus Societatis JESU tanquam fidis u-
 » triusque thesauri dispensatoribus æternum consecrasse. Ex
 quo cùm ea quæ nunc in Gymnasio litteris operatur, tum ea,
 uti confido, quæ post futura est juvenus intelliget: si hanc
 Academiam florentem videre, si tuæ optimæ voluntati obse-
 qui, si beneficiis gratam gratiam referre volet, nunquam ab
 officiis religionis ac pietatis, nunquam à doctrinarum studiis,
 nunquam ab obsequio majorum esse discedendum.

F I N I S.

Reverendissimo & Illustrissimo

P R I N C I P I,
T H E O D O R O,

Præsuli vigilantissimo, Domino clementissimo,
Vindicti fortissimo, Instauratori munificen-
tissimo, Pio, Felici, Pacifico,

P A T R I P A T R I Æ,

*Diæcesis Paderbornensis per annos triginta & quod excurrit
sapientissimè gubernata, bonisque omnibus cumulata*

L. B. M. GRATIAS AGIT.



ARE PATER PATRIÆ (sit enim fas no-
mine vero

Sive tuum studium sive vocare meum)

Jam dudum, Oceano meritorum merfa tuo-
rum,

Et tam multimodis facta beata bonis,

Gestio conceptis testari gaudia verbis,

Quæ memori pridem condita mente gero,

Utque pio meritas promam Tibi pectore grates,

Ingenii totos explicuisse sinus:

Postera ne sæclis olim labentibus ætas

Arguat ingrati criminis esse ream.

Sed simul ac dictura oculos attollere cœpi,

Castâ verecundus purpurat ora rubor,

Mens hebet, ars hæret, refugit vox, ora gelantur,

Vincta repentino frigore lingua stupet.

Qualis in angustis luctans siphonibus humor
 Festinando suum sæpe moratur iter,
 Fervet in obstructis lymphæ vis incita venis,
 Egressumque sibi, dum petit, ipsa negat.
 Perque arctas magno nitens molimine fauces,
 Unda sibi ipsa moram, non patiendo, facit.
 Sic mihi densa seges, sic torrens undique laudum
 Angustum vocis copia claudit iter.

Nam quæ prima sequar tantarum exordia rerum?
 Quod mihi principium, quis mihi finiserit?

*Orthodoxa
 Religio in
 integrum
 restituta.*

Anne quod errorum spissis erepta tenebris
 RELIGIO victrix tollit ad astra caput?
 Religio liquidis quæ coeli è fontibus hausta,
 Sidera non dubiâ ducit ad alta viâ.

Lingua mihi intonuit MAGNI quam ferrea KARLI,
 Dum pia pro CHRISTI numine bella gerit,
 Indomitosque sacris compellit Saxonas armis
 Barbara cœlesti subdere colla jugo.

Quam mihi inhumanâ profugus feritate Quiritum
 Tertius, elingui tradidit ore, LEO.

Hæresis at dudum Stygiis prorupta cavernis
 Impia in adversum sumpserat arma DEUM.

*Misera re-
 rum facies
 cum ad gu-
 bernacula
 Princeps
 vocaretur.*

Monstrum horrendum, informe, cui IGNORANTIA mater,
 Et FASTUS Pater est, SEDITIOQUE Soror,

LIBERTAS nutrix, RIXÆ comitantur euntem,

JURGIAQUE evulsis sanguinolenta comis:

Illius armigeri FRAUDES, MENDACIA, TECHNÆ,
 Et sacris inhians fæda RAPINA bonis.

His illa auxiliis, illâ succincta phalange

Aufa erat æterno bella movere DEO.

Hinc fera barbaries, ruptisque licentia frenis

Fas omne in vita miscueratque nefas.

Plebs miseranda sui Pastoris prodita fraude,

Errabat sævis obvia præda lupis.

Nec

Nec soliti templis indicebantur honores,
 Festaque desierant ritè vetusta coli.
 Calcabat sanctas victrix audacia leges,
 Jura dabat cæcus pro ratione furor.
 Verùm ubi **T E** votis hominum expugnata piorum
 Admorunt Sacræ fata benigna **M I T R Æ**,
 Cana **F I D E S** rediit, rediit **P I E T A S Q U E**, **P U D O R Q U E**.
 Et malè neglectis debita cura sacris,
 Ornatus templis, dignatio reddita Mystis,
 Moribus integritas, Legibus obsequium.
 Ad sua palantes revocatæ signa **K A L E N D Æ**,
 Certior ut sacrum curreret annus iter.
 Impia Libertas rigidis compressa lupatis,
 Præmia fas, dirum est pœna secuta nefas.
 Ferrea inaufescens studiis melioribus ætas
 Falcigeri retulit tempora prisca senis.
 Atque, ut ubi rosei tenerum jubar exserit oris,
 Et sola lucifluo terrea fonte rigat,
 Humida decedunt venienti nubila Phœbo,
 Complicat & furvos nox inamœna sinus.
 Monstraque per cæcas impune vagata tenebras
 Cogit in assuetos lux rediviva specus:
 Haud aliter simulac **T U** Relligionis avitæ
 Ætheream celsa promissis ab arce facem,
 Concita diffugiunt bipedum portenta luporum,
 Sive tuo gladio territa, sive pedo.
 Hic se præcipiti deturbat ab aggere saltu,
 Et pavidus, nullo terga premente, fugit.
 Ille parum pedibus tanto in discrimine fidens,
 Lassa per obstantes brachia jactat aquas.
 Thesea magnanimum plenis veneratur acerris
 Attica probroso libera terra jugo,
 Qui Labyrinthæos ausus penetrare recessus
 Semivirum forti perculit ense bovem.

*Prætorum
 dogmatum
 sacros jussu
 facessere.*

Ast

Ast ego, funestis, te Vindice, libera monstris
 Ægidem veneror TE THEODORE meum,
 TE primum rabiem caulis arcente lupinam
 Desiit innocui carnificina gregis.
 Tu sparsos artus laceri conquiris ovilis,
 Tu per tesqua vagas devia cogis oves.
 Pascua Tu monstras riguis lætissima lymphis,
 Hic ubi perpetuo gramine vernat humus.
 Tu rapidos æstus viridi defendis in umbra.
 Torrida siderei dum furit ira canis.
 Tu mala Pœoniis cohibes contagia succis,
 Saucia Tu medicâ corpora mergis aquâ.
 Nec pudor est ægram manibus tractasse bidentem,
 Nec collum fessæ supposuisse pudor.
 Nempe ille ante oculos Pastor TIBI semper oberrat,
 Qui propriâ caras carne saginat oves.
 Illa TIBI vacuam crebro vox personat aurem
 Et nunquam oblito labitur ex animo:
 Si quis amor nostri memori tibi pectore flagrat,
 Hunc pascendo meos exere Petre greges.
 Ergo dum stabili fundata Ecclesia rupe
 Ridebit Stygias non labefacta minas,
 Dum CHRISTI assertus Numen venerabitur Orbis,
 Dum quis erit veræ relligionis honos,
 Hæreseon hostem, Fidei THEODORE Patronum.
 Te canet æternâ posthuma fama tubâ.
 Hæc tua inocciduâ florebit gloria laude
 Clara futura solo, clara futura polo.
 Longævamne canam per terna decennia PACEM,
 Copia quam cornu divite larga beat?
 Haud procul hinc ferro Mavors bacchatur & igni:
 Nulla mihi somnos classica pulsa fugant.
 Squalent finitimi fœdis populatibus agri:
 Me tamen in dulci Pax fovet alma sinu.

*Pax & pu-
 blica tran-
 quillitas
 omni ope
 conservata.*

Flava Ceres fortes cogens ad signa colonos
 Militiâ ferrum distinet omne suâ.
 Densa per incanas cædes grassatur aristas,
 Prataque gramineâ florida strage natant.
 Casside in emerita molitur aranea casses,
 Frugiferam placidus vulnerat ensis humum.
 Splendent attriti glebâ stridente ligones,
 Martiaque in tenebris exedit arma situs.
 Neve quies ullo violetur publica motu,
 JUSTITIA exerto pervigil ense cavet.
 Latrones procul hinc, procul hinc vos tollite fures,
 Et quisquis rapto vivere dulce putat.
 Nil vobis, moneo, THEODORO Principe, tuti est:
 In vos mansuetas non habet ille manus.
 Ille mei ad clypeum qui Principis excubat ensis,
 Sontibus exitio est, præsidioque probis.
 Nec vos vel precibus, pretio vel fidite, culpam
 Strenua non tardo mox pede pœna premet.
 Hoc vetera, hoc vobis monumenta recentia narrant,
 Quæ passim medio plurima rure patent,
 Pendula ab arboribus radiisque implexa rotarum,
 Debita carnivoris corpora vulturibus.
 At si quis tardas monitis adverterit aures,
 Sentiet illa suo vera fuisse malo.
 Testis BECA NOVA est, tuus est BENHUSIA testis,
 Nunc quoque prædonum sanguine pinguis ager.
 Cum grassatorum florentes ære catervas
 Lux improvisæ deditit una neci.
 Ipse adeo è cœlo sumptis Vincentius armis,
 Tam pia præsentis prælia juvit ope.
 Ille & limphatos egit terroribus hostes,
 Et rexit nostrâ spicula missa manu.
 Mutant fata vices, & amico Numine, præda,
 Qui prædaturus venerat, ipse fuit.

*Justitia
 pacis publi-
 ca inexora-
 bilis Vin-
 dex.*

*Pœna do-
 turbatori-
 bus publica
 tranquillita-
 tis sum-
 pta.*

*Anno 1601.
 ipso S. Vin-
 centii Præ-
 donum co-
 pia casa ad
 vicum
 Denhusen.*

Plurima victrici sternuntur corpora ferro,
 Plurima Justitiæ victima cæsa litat.
 Impia pullati duxerunt funera corvi,
 Et saturi lessum concinuere canes.
 Nunc quoque transversim cerealibus obvia sulcis
 Sæpius agricolas ossa morantur equos.
 Inde tibi, PRINCEPS, plaudunt Urbesque Viæque
 Ruraque, quòd sævo cuncta timore vacent.
 TE canit intrepidâ nocturnus voce Viator,
 Obscurum tuto cùm pede carpit iter.
 TE recinens patula pastor resupinus in umbra
 Securas longo carmine mulcet oves;
 TE canit in molli projectus gramine messor
 Ad vitreas Paderæ lenefluentis aquas.
 Ergo iterum pacis PAX aurea suscitât artes,
 Et redit ad solitos musica turba choros.
 Ergo iterum, Phœbo restim ducente, Camœnæ
 Ad numerum saliant, ad numerumque canunt.
 Westphala Pierias pubes operatur ad aras,
 Et litat, Aonio vota probante DEO.
 Quæ modò singultim parco lacrymaverat imbri,
 Nunc fremit immenso Castalis unda lacu.
 Tu, PRINCEPS, Cyrrhæ longæva silentia rumpis,
 Ne feneant tacito squalida plectra situ.
 Invia Tu nobis Heliconis tesqua recludis,
 Culmina tu facilem sternis ad alta gradum.
 Tu pridem exulibus, Mecœnas optime, Musis
 Principe magnificam condis in urbe domum.
 Tu primùm SOPHICO palmam proponis AGONI.
 Cingat ut emeritum laurea ferta caput.
 Per te, quo stimulet Virtutis amantia corda,
 Nobilis ingenuum gloria calcar habet.
 Tu vastum ingeniis aperis felicibus æquor,
 Tota ubi dent placidis vela ferenda Notis.

Bonarum
 artium
 studia exci-
 tata.

Gymnasium
 edificatum.

Gradus &
 honores A-
 cademici.

Per

Per T E Naturæ cæcos tentare recessus,
 Et licet ignaras lucis inire vias.
 Quænam cœlestes æternæ regula cursus,
 An supera assiduo templa canore sonent.
 An vaga nocturnis discurrant astra choreis,
 An sistant moto sidera fixa polo,
 Quam variæ cæli cingant præcordia zonæ,
 Et sua quo ventos ubere mater alat.
 Anne Cyteinis pudefiat Cynthia rhombis,
 Queisve sui maculis inquinet oris ebur.
 Cur falsos pelagus fluctus, cur flumina dulces,
 Perpetuas fontes ejaculentur aquas.
 Aut quis, ne infestis terras superobruat undis,
 Temperet undosi cæcula fræna maris.
 Cur gravis excullis immugiat ignibus æther,
 Mistave cum liquido sanguine saxa pluat.
 Aut quæ perpetuent Ætænas pabula flammæ,
 Quidve flagrans rutilo crine cometa vehat.
 Quid quòd & arcana penetralia Theologiæ
 Auspiciis, Princeps, sunt referata tuis?
 Quid quòd Westphalicas duce Te remeavit in oras
 Sancta Palæstino cognita lingua Syro?
 Et sacra divinis intexta oracula libris
 Dulcius ex ipso promere fonte licet?
 Quid memorem celsis spectandas turribus ARCES,
 Et tantum Domino tecta minora suo?
 Ornamenta olim pacis, munimina belli,
 Sumptibus ad cælum surgere jussa tuis?
 Hinc NOVA deterso veteris squalore senectæ
 Jamque suo demum nomine digna DOMUS,
 Regalem tectis immanibus explicat aulam
 Laxaque formosis atria porticibus.
 Quas circum, virides ventis crispantibus undas
 Plaudit lascivis squamea turba choris.

*Philosophi-
 ca Mathe-
 maticaque
 disciplina,
 ad huma-
 niores artes
 adjunctæ.*

*Theologia,
 & Lingua
 Hebræa.*

*Diæcesis
 sumptuosus
 adificiis &
 operibus
 communis
 & ornata.
 Newbaurg
 Arx adifi-
 cata, horti
 non amœni
 minùs quam
 frugiferi
 concinnati.*

Flora favet, favet attriguis Pomona viretis,

Certatimque suas utraque promit opes.

Utraque certatim vernantes divitat hortos,

Floribus illa suis, fructibus ista suis.

*Wewelsburg
Arx magnificè con-
structa.*

Inde **W E V E L S B U R G I** solido domus ardua saxo

Nubila sublimi culmine celsa ferit.

Hæc olim à priscis (famæ si credimus) Hunnis

Post varios Dominum **T E** sibi legit heros.

Nunc te digna domus, sed erant magalia nuper

Penè ruinoso semisepulta situ.

Circum Chaoniæ texunt umbracula quercus,

Sylvaque vicinas occulit alta feras.

Quasque sub hospitiiis celat frondentibus arbos,

Plurima lascivo gutture vernat avis.

** Colle-
gium Socie-
tatu JESU
à funda-
mentis ex-
citatum.
Templum
instaura-
tum, & vi-
sibus operi-
bus orna-
tum.
† Ædifi-
cium Aca-
demicum in
suas ex-
tras aptè
descriptum.*

Nam quid Collegi sacras venerabilis ædes *

Templaque sublimi conspicienda tholo?

Quæque statas numeris edis vocalibus horas

Niliacas **T U R R I S** vincere digna Pharos?

Tecta quid augusti memorem visenda Lycæi, †

Et **P A T R I Æ**, & vero tecta dicata **D E O**?

Hanc divina sibi legit Sapientia sedem,

Incolit hos virtus Relligioque lares;

Hic Sophici crebrâ celebrantur gymnade ludi,

Doctaquæ quæ nullo bella cruore madent.

Hic agiles poliunt ad bella forensia linguas,

Hic salit à volucris fons pede factus equi.

Illic facundi splendent Demosthenis arma,

Suadaque germano Cecropis ore sonat.

Hic Juvenum ingenuas animi formantur ad artes,

Hic facilis discit prima elementa puer :

Quamque olim Patriæ præstantibus approbet actis,

Virtutem à teneris combibit unguiculis.

*Statua
Principis in
Scholarum
vestibulo
ejus in bonas litteras voluntatis monumentum.*

Hic **T U A** Palladii superastans limina Templi.

A Polycletæ spirat imago manu.

Prin-

Principe digna sacri majestas eminet oris,
 Ambit honoratas aurea mitra comas,
 Flexile Sarranum marmor rugatur in ostrum,
 Et trabea ex humero pendula utroque fluit.
 Quæque tibi vivo est, eadem quoque marmore sculptum
 Pascendi sequitur sedula cura gregis.
 Nam manus una pedum præfert, manus altera librum,
 Ut regat illa pedo, quos docet ista libro.
 Illam post multos aliquis venerabitur annos,
 Verbaque non siccis proferet ista genis:
 Furstenbergiacâ, THEODORUS origine, Princeps,
 (Namque illum memini cernere) talis erat,
 Talis erat, neque multum à vivo abludit imago,
 Eheu quod fas sit dicere, talis erat!
 Mente sagax, vultu facilis, cultuque modestus,
 Manabat comi multus ab ore lepos.
 Tum quoque, cùm seris natura fatisceret annis,
 Temporis antiqui gesta referre memor.
 Pacis amans, rectique tenax, nec prodigus æris,
 Et tamen in Patriæ commoda largus erat.
 Oderat immodicos fastus, sed & oderat astus,
 Non affectatæ simplicitatis amans.
 Moribus antiquis, cultor Pietatis avitæ,
 Certus in antiqua Relligione mori.
 Non fuit impositis populo gravis ille tributis,
 Aula sed infletas sobria parsit opes.
 Non sibi sed Patriæ genitum se credidit esse,
 Communemque suis civibus esse Patrem.
 Nunc coelum colis, ô coelo dignissime Princeps,
 Aspectu frueris nunc propiore DEI.
 Cunctaque Lunæ varium subjecta sub axem,
 Despectas oculis inferiora tuis.
 Virtuti imperium si par tibi fata dedissent,
 Tot meritis Orbis vix satis unus erat.

*Ingenium
 & mores
 Principis.*

Virtuti si par ævum tibi fata dedissent,
 Sæcula tot meritis vix satis ulla forent,
 Sed nos indigni qui te frueremur eramus,
 O semper magnis Livor inique viris!
 Sic, nisi quæ serò nobis erepta dolemus
 Nos bona, fatali nostra stupore latent.
 At tua nunc pennis peragrat victricibus orbem
 Gloria non ullo præmoritura die.
 Et si quem vivo Livor subtraxit iniquus
 Post obitum duplici fœnore crescit honos.
 Donec sidereis gemmascet floribus æther
 Et peragent solitas noxque diesque vices,
 Dum mare consuetis repetent anfractibus amnes
 Et dubio venti prælia Marte gerent.
 PASTORIS THEODORE BONI, PATRIÆQUE PARENTIS,
 A grata titulum posteritate feres.
 Hæc & plura tuæ spectator imaginis olim
 Non tacito, Princeps, verba dolore dabit.
 Quo feror? unde abii? quæ me via? quove reducet?
 Quo ruis in vasto cymba minuta salo?
 Ante pererrato lucis pater aureus orbe
 Frena fatigatis ignea demet equis,
 Singula quàm memori liceat destringere versu
 Condita vel sumptu, vel reparata tuo.
 Tu me marmoream quondam THEODORE relinques,
 Testea quæ mihi cum præficereris eram.
 Aurea Tu magni revehis mihi tempora * Karli,
 Cæsaris Henrici tu benefacta refers.
 In te Meinweri pietas operosa revixit,
 Tu verum Imadi præsulis instar habes.
 Ergo quod Henrico Meinwerco, Karolo, Imado,
 Debeo promeritis hoc THEODORE tuis.

* Karol.
 Mag. fund.
 S. Henricus
 benef. pri-
 mariss,
 Meinwerous
 & Imadus
 laudatissimi
 præsules
 Ecclesia
 Paderb.

I N D E X I N P A N E G Y R I C U M.

A.

Academia Paderbornensis fundator Theodorus Episcopus & Princeps Paderbornensis. pag. 1, 2, 85
Academia Paderbornensis auctoritate Pontificiâ & Casareâ erecta. 2
Academias non licet absque summi Pontif. & Imperat. Romani auctoritate cedere: quo consilio id constitutum. 23
Academia Paderbornensis lumen mensque Westphalia. 83
Academia complures directioni PP. Sec. J. E. u commissa. 117, 118
Academia fundationem Episcopum maxime decere. 36
Academia Germania recensita. 29
Academiam proprie dictam sine jurisprudentia esse posse ostensum. 115, 116
Academia non magis sine veritate, quam mundus sine sole constare potest. 26
Adolphus Comes Schaumburgius Archiepisc. Colonienfis discipulus Goclenii. 9
Agger ab Alifone usque ad Rhenum ductus, à Domitio Abenobarbo structus. 62
Agrigentini juvenes vino ebrii, tabernam putant in triremim versam. 12.
Alifonis antiqui Romanorum Castellî situs & descriptio. 60
Aliso castellum à Romanis contra Teuteros, Uspetas, Bructeros, Marfos, Tubantes, Chantos, &c. constructus. 61
Aliso primum in potestate fuit Romanorum, deinde Sicambrorum, tum Saxonum, ac denique Francorum. 29, 30
Aliso à Romanis desertus in Germanorum rursus potestatem venit. 69
Aliso vigesimo post Varianam cladem anno in potestatem Germanorum venit. 68
Alifone olim hiberna Romanorum. 60, 61
Alifonis Romanorum castelli amplitudo. 61
Aliso instauratus à Carolo M. 77, 78

Aliso castellum & civitas olim, ubi nunc Arx Neuhausium sedes Episcopalis. 61
S. Alimannus primum Scholasticus Paderbornensis, deinde Præpositus Aquigranensis, postremò Episcopus Pataviensis. 45
S. Altmannus Episcopus Pataviensis unâ cum Sigehardo Patriarcha Aquileiensi vice Gregorîi VII. Pont. Max. præfides Concilio Triburiensi. ibid.
Andreas Carolstadius & Philippus Melancthon suadent juventuti studiosa, ut combustis libris, spretoque gymnasio in opificum disciplinam se dedant. ipsi exemplo præeunt. 18
Angrivarij. 74
Ansgarius, Rembertus, Adalgarus, Unno, Sigebertus alique Corbeianes monachi Apostoli Borealiû nationum. 5
Anna Westphael mater Theodori Episcopi Princeps Paderbornensis. 89
S. Anno Archiepiscopus Colonienfis cum Imado Episcopo Paderborna educatus. 44
S. Annonis eloquentia in permovendis ad pietatem animus. ibid.
Aribo Archiepiscop. Moguntinus Paderborna concionatur. 51
Arminius & Segimerus insidias Varo struunt, Legiones cadunt. 66
Arnoldus Burenius Novator, quamvis dogmata Apostolica fidei per summam injuriam somnia appellet. 16
Arnoldus ab Horst Decanus Paderbornensis. 119
Antonius Liber Susatensis prius literas in Bataviam invexit. ejus discipulus Alardus Amsterodamus Theol. Lovan. 10
L. Asprenas legatus Vari Alifoni præpositus. 66

B.

S. Bardo Archiepiscopus Moguntinus, Paderborna in festo Pentecostes sermonem

nam ad populum faciens, mortem suam
prædicat. 51
Bellum inter Cheruscos & Maroboduum. 68
Bonifacius, Suibertus, Ewaldi, alique discipuli
Theodori Archiepiscopi Dorovernensis. 40
C.

Capituli Cathedralis Ecclesie Paderbor-
nensis in iurandis Soc. JESU Patri-
bus studium. 118

Carolus M. partem drevicta Saxonie offert
Deo instinctu Adriani Papa. 81

Caroli M. castra propè Luppia fontes. 79

Carolus M. restaurat Eresburg. 77

Carolus instituit Osnabrugi Gymnasium, in
quo Latina Græcæque literæ continuò docen-
rentur. 4. 5

Carolus concilium Paderborna celebravit,
Leonem III. PP. ibidem excepit. 49

Carolus IV. Imp. hospitio exceptus ab Henrico
Spiegelio Episc. Paderborn. in arce Neuhu-
sana anno 1375. 81

Caspar Furstenbergius duorum Electorum
Moguninorum, & Coloniensis consilia-
rius. 92

Conradus Episcopus Monasteriensis, ex fami-
lia Ribergerorum Comitum. 8

Conradus Goclenius Paderbornensis, Professor
Lovanii in collegio trilingui. 9

Concordia Academicarum à novatoribus tur-
bata, quarum antea erat mirificus consen-
sus. 22. 23

Constantiensis Concilio interfuere à Coloniensi
Academia Theodoricus de Monasterio
Theologia Doctor; ex Heidelbergensi
Gymnasio Conradus de Susato, Westphali. 7

Corbeia olim Gymnasium fuit eorum, qui
ulteriorem Saxoniam, Vandaliam, Dan-
niam Christiana fidei præceptis imbuerunt. 5

Cordula à Galen, conjux Wenemari Fursten-
bergii, Mastrona mira pietatis. 88. ejusdem
devotio erga Christum patientem. 89

Causa ob quam expedit plures in orbe institui
Academias. 29

D.

Delbrugia Bructerorum ultima sedes. 67
Discordia gravis senatum inter ac cives

nonnullos Paderbornenses. 33

Dogmata quadam fidei ac Theologica sine ad-
miniculo Philosophia bene explicari &
contra hostes Christiani nominis commodè
defendi nequeunt. explosi qui id negant. 21

Drusus Alifonis conditor ad Albim fluvium
nomen Romanum protulit. 62

Druso ara in vicinia Neuhausii à Romanis e-
recta, postmodum à Germano milite dis-
jecta. ibid.

E.

Eccliam unam duntaxat, Academias
plures esse posse ac debere. 28

In vera Ecclesia solum stabili veritas, extra
eam falsitas. 23

Ecclesiastici ordinis dignitas. 110. 111

Elfen vicus non procul Neuhausio, veteris Ali-
sonii nomen hodieque retinet. 60

Episcoporum Paderbornensium domicilium
primum fuit in Urbe Paderborna, postmo-
dum ob discordias cum civibus Neuhausium
translatum ab Episc. securitatis causa. 80

Equester Ordo Teutonicus armis Livoniam
Christo subdidit. 4

F.

Fontium miracula propè Novam Becam,
Lichtenawum, Veterem Becam &c. in
Diocesi Paderbornensi. 55

Formata litera, earum usus & antiquitas.
unde iis auctoritas ascribi debeat. 25

Franciscus Episcopus Monasteriensis, novatori-
bus favens intercessione Collegii Cathedra-
li in Episcopatu toleratur à summo Pontifi-
ce. 16

Francorum gens unde originem nominque tra-
xerit. 72. 73

Franci circa Gallieni tempora primum immo-
tuerunt. 73

Franci quas terras occupaverint. ibid.

Franci & Saxones junctis viribus epibusque
piraticam exeruerunt. ibid.

Fridericus Monasteriensis Episcopus Paderbor-
nensi in gymnasio condiscipulus S. Aunonix
& Imadi. 45

Fridericus Episcopus Monasteriensis fundator
Collegiata Ecclesie S. Mauricii in suburbio
urbis Monasteriensis. ibid.

Fridericus Furstenbergius Canonicus Mogun-
tinus.

tinus. 92
 Fridericus Furstenbergius Satrapa Werlensis. 89

Fridericus Furstenbergius Satrapa Bilsteinensis. 92

Furstenbergica familia origines suas ad Comitatus Oldenburgicos refert. 91

Furstenbergica familia virtutes, & avita decora. 89

G.

Gebhardus Truchsesius Archiepiscopus Coloniaensis à fide catholica deservit. 93

Germanicus Drusi filius Alifonem restaurat. 67

Germanicus victoriam reportat de Arminio, non longe à Minda. 68

Godeschalcus Grefemundus Melschedensis Theologus, ejusque frater Theodoricus Medicus Clarissimus, Westphali. 2

Gratia acta Theodoro Episcopo & Principi Paderbornensi fundatori Academia Paderbornae, nomine juventutis Academicae. 121

Guilielmus Furstenbergius Ordinis Equitum Teutoniceorum S. Mariae in Livonia magnus Magister. 90. ejusdem Principis adversa fortuna, captivitas, constantia, pietas. 90. 91

Guilielmus Schilder Scholasticus Paderbornensis. 119

Gymnasium Paderbornense Soc. J. E. S. U. Patribus committitur. 96

H.

Hatumarus & Baduradus Episcopi Paderbornenses ex illis obsidibus fuerunt, quos à Saxonicis Carolus M. accepit. 1

Hermannus in campo. 7

Hermannus de Soldis Osnabrugensis. ibid.

S. Henricus & Conradus Imp. Paderbornae frequenter ac libenter commorati sunt. 50

S. Henricus Imp. acate magna fuit inter Ecclesias Paderbornensem & Bambergensem amicitia & conjunctio. 44

Henricum de Cosvuelia. 7

Henricus de Hervordia. ibid.

Henricus Melschedo Decanus Paderbornensis. 119

Henricus de Werlie. 2

Hujus evisectionis (prater Anabaptistas) abjecerunt Lutheri Academiis maledictionis infamiam. 13

L.

Ignorantia plurimorum malorum causa. 57

Ignorantia satellites rebellis, temeritas, furor. 83

Imadus Episcopus Paderbornensis B. Meinwerchi & sorore nepos liberales artes Paderbornae foris promovitque. 42

Imperatorum Principumque domicilia eadem quoque Musarum digna sedes. 48

Joannus Comitis Rütbergensis zelus fidei, & virtus militaris. 104

Joannus Furstenbergius Abbas Sibirgenfis Ordinis S. Benedicti, sui monasterii instaurator. 89

Joan. Nigrini Prædicatoris Satisfactio de supplicio exitusque Liborii mandata. 105

Jordanes Canonicus Osnabrugensis unam in orbe terrarum Rarissensem Academiam esse volebat, sicut unam Ecclesiam Romanam. 27

Julianus Imp. vetat Christianorum liberos in Scholis publicis admitti. 25

Juventutis recta institutio unicum remedium sedandis exortis de religionelites. 113, 114

K.

S. K Unigunda Virgo S. Henrici Imperatoris conjux à Walligise coronatur Paderbornae. 10

L.

Liborius Richardus homo turbulentus & versus factionis Liboriana caput. 92

Cum factiosus suis curiam armatus irrumpt. 99. 102. & perduorum hominum colluvie xxv. virum consilium legit. 100

Liborii popularis facundia & versus ingenium. 107

Liborius contemnit mandata senatus. 101

Contra apparitores senatus vim parat, domum suam armatis hominibus, & machinis cupidibus instruit. ibid. extorquet decretum à senatu. 102

Consul creatur, quare ejus contra Principem, quem & cupit amicum, ibid. Principum aliorum protectionem respicit. ejus tyrannus. 103

Liborius vetat frequentari Gymnasium PP. Soc.

S

Soc. Jesu. 108
 Liborii scelera. 109
 Liborius dedit à Paderbornâ, à Civibus tradi-
 tur Principi. 104. Civem innocentem sus-
 pendio necat. 109
 Liborius moritur Catholicus. 106
 Lovanienſium aſſeriores olim ingenia à Joan-
 ne Brabantia Duce qua ratione mitiora
 reddita. 57
 Ludovicus Pius Caſar Haroldum Danorum
 Regem à ſuis amulſis regno pulſum Pader-
 borna excipit, ibidem generale conven-
 tum inſtituit. 50
 Ludovicus Dringeburgius à Paderbornenſi
 Dioceſi Seleftadii in Alſatia Joannis
 Reuchlini, Beati Rhenani, Jacobi Wimphe-
 lengii &c. Profeſſor. 10
 S. Ludgerus Proto-epiſcopus Monaſterienſis
 diſcipulus S. Gregorii Trajeſtenſis. 40
 S. Ludgeri epiſtola de S. Suiderto. 24
 Luppſpringa oppidum Luppia ortu celebre. 55
 Luppia & Padera unus idemque fluvius. 77
 Lutherus Academiae hoſtis, illas Anti-
 chriſti lupanaria, diaboli tabernacula, &c.
 vocat. 17
 Sub initia naſcentis Lutheraniſmi gymnafia
 nonnullis locis clauſa ſunt, ac juſtitium li-
 teris inductum. 18
 Ubi regnat Lutheraniſmus, ibi literarum eſt
 interitus. 19

M.

 Melchior à Plettenberg Camerarius Pa-
 derbornenſis. 119
 Monaſterium urbis Weſtphaliae ab Anabapti-
 ſtarum deſecratione repurgata. 15
 Monumentum Druiſi Moguntiae, Drüſenloch
 appellatum. 63

N.

 Neuhuſium, Paderbornae vicinum, domici-
 lium Epiſcoporum & Principum Pa-
 derbornenſium. 53
 Neuhuſium eo loco ſitum, ubi olim Nero
 Claudius Druiſus Auguſti Privignus ca-
 ſtellum Alſionem contra Sicambros condi-
 dit. 59. 60
 Neuhuſane arcis comparatio cum veteri ca-
 ſtello Alſionis. 11

Neuhuſium à Paderbornenſibus civibus in-
 cenſum reſtituit Henricus Spiegelinus Epiſc.
 & Princeps Paderborn. 30
 Novatores cum ebriſis Agrigentiniſis juveni-
 bus comparati. 10
 Novatores Franciſco Epiſcopo Monaſterienſi
 perſuadere conantur, ut Scholas aperi-
 ant Lutheranis. 15
 Novum evangelium cum ſummo Academia-
 rum odio natum. 16

O.

 Otto Trunchſes Cardinalis Auguſtanus. 117
 Otto Rübergienſis Epiſcopus Neuhuſium jam
 ſum anno MCCCLXXVII. incoluit. 20

P.

 Paderbornum à Pado diſta. 75
 Padera in urbe Paderbornenſi diverſis
 fontibus ſcatulentis deſcripta. 54
 Paderborna ſitus & amenitas. 53. 54
 Paderborna an vetus Teuderium. 24
 Paderborna vera origo. 25
 Paderborna à Saxonibus condita. ibid.
 Paderborna nomen antiquius Carolo M. 74
 Paderborna in vita S. Heimeradi appellatur
 Sedes Regalis. 51
 Paderborna aëris ſalubritate à luo peſtifera
 immunis. 56
 Paderbornenſis agri fertilitas. 53
 Paderborna olim arato B. Meinwerci omnes
 humaniores literae floruerunt. 42
 Paderborna hodieque monſtrantur ades, in qui-
 bus fama eſt Leonem PP. à Carolo M. ex-
 ceptum. 51
 Paderbornenſis in Synodo totius Weſtphaliae con-
 ſenſu Chriſti fides ſuſcepta eſt. 45
 Paderborna grata Carolo M. ſtatio. 46
 Paderborna Imperatorum in Weſtphalia do-
 micilium & grata ſedes. 47. 48
 Paderborna commoda Academia ſedes. 36
 Paderborna omnibus illis commoditatibus
 abundat, quae ad Academiae ſplendorem
 requiruntur. 53
 Paderbornenſis Eccleſia inter Weſtphalicas Ca-
 thedrales facile princeps. 37. 38
 Paderbornenſis Eccleſia idcirco rubra cruce pro
 inſigni relicta, quod in ea primum Saxones
 & Weſtphali cruentis Carolo praeliis com-
 pulſi,

I N D E X.

pulsi, sub hoc Christi signo militare ceperunt. 38

Paderbornensis Ecclesia caseris Westphaliae cathedralis antiquitate, opibus & provinciarum amplitudine, clientelisque minime cedit. 38

Paderbornensis Ecclesia Clerici qua vivendi olim norma usi. 112. Multi viri doctrinâ & sanctitate celebres à gymnasio Paderbornensi prodierunt. 43

Paderbornensium civium in Principem suum inurbanitas excusata. 56

Paderbornensis diocesis rebus in omnibus abundat, quæ ad humana visa necessitatem desiderantur. 53

Paderbornenses post foundationem Academiae erga Principem suum reverentiores. 57

Paderbornensium indoles laudata. 52. 58

Paderbornensis cerevisia præstantia. 53

Paderborna obsidione cingitur à Comite Ritbergico. post triduum deditur. 104

Parisiensis Academia fundatores à Britannia in Galliam à Carolo M. evocati, quid requiserint ad locum condenda Academia opportunum. 52

Pærochorum ignorantia hereticorum insidii patet. 26

Petrus Wertheimius ad res novas molindus primus Marpurgæ Monasterium missus. 16

Philippus Melanchthon contendit honores Academicos iis in gymnasio tribui posse studiosis, quæ auctoritate Summi Pontificis confirmata non fuerint. 24

Philippus Melanchthon osor Gymnasiorum & Academicarum. 16. 17

Philonis dictum de Athenis. 82

Poppa Paderbornensis Episcopus ex Præposito Bambergensi. 44

Primi decem Patres Sac. J. x. s. u. in universitate Parisiensi graduati fuerunt. 27

R.

Religio Christiana Paderbornâ manavit in universam Westphaliam. 38

Romanorum res ad Alisone gestæ. 64. 65

Romanum Imperium à Pont. Maximo ad Francos est translatum. 80

Roma Schola Saxonum instituta prope adem S. Petri principem. 41

Romana fidei desertores, ab uno errore scissâ quo in alias atque alias subinde partes opinionum diversitate rapiuntur. 23

Rodolphus à Langen Equus Westphalus Canonicus Monasteriensis cum Mauritio comite Spiegelbergio Canon. Colonienf. & Rodolpho Agricola literis liberalibus operam dant in Italia sub Francisco Philolpho & Theodoro Gaza viris clariss. 8

Rodolphus Langius Canonicus Monasteriensis promotor bonarum literarum. 2

S.

Salentinus Elector Coloniensis studia literarum Paderborna nonnihil erigit. 25

Saliceterna oppidum, aquâ, unde Sal coquitur, nobilis. 55

Saxones Paderborna sacra Christiana amplexati sunt. 42

Saxones baptizati ad Luppia caput. 27

Sicambrorum olim sedes in Diocesi Paderbornensi. 60

Sicambri Rhenum transgressi & ad Vahalim & Mosam latè dominati, tandem subjugatâ Galliâ Francorum regnum condiderunt. 71

Sicambri pluribus gentibus ex Alifone dominati. 72. 73

Sicambri sub Francis illustres. 71

Sicambri num stirpis excisi sint qui in Diocesi Paderbornensi sedes habuerunt. 70

Stanislaus Hosius Cardinalis. 91

S. Suibestus Bornuanius fidem Christi prædicat. 74

T.

Theodorus Fursenbergius à Præposito Paderbornensis Ecclesia, ejusdem Episcopus eligitur. 94. Ecclesiam Paderbornensem are alieno gravatam liberat. ibid.

Theodorus Fursenbergius Episc. & Princeps Paderbornensis Calendarium Gregorianum in sua Diocesi primus promulgat. 25

Theodorus Episcopus ac Princeps Paderbornensis colonia literis operam dedit. 21

Theodorus Princeps construit fundatque Collegium Societ. J. x. s. u. Paderborna & insigni bibliothecâ adornat. 120

Theodorus Princeps construit suis impensis Academiam Paderbornensem, eamque fundat.

dat. 120
*Theodorus Episcopus Vestigalia censusque per-
petuos alendis sublimiorum doctrinarum
Professoribus à Soc. Jesu constituit.* 121
*Theodorus Episcopus instituit Paderborna do-
mum Productionis pro PP. Soc. Jesu illud-
que sua liberalitate fundat.* 121
*Theodorus Furstenbergius male afflicta, &
hæresi inquinata Diocesim Paderbornen-
sem nactus, ab erroribus repurgavit.* 93
*Theodorus Princeps templam S. Joannis Apo-
stoli profanatum, à se suo redimit & PP.
Soc. Jesu attribuit.* 120
*Theodorus Episcopus & Princeps Paderbor-
nensis civiles motus auctore Liborio Wi-
charo Paderborna excitatos componit.* 99
*Theodori Principis prudens in dissipanda fa-
tione Liboriana consilium.* 101
*Theodorus Episcopus Paderbornensis quàm
patii studiosus, tam in prædones acer, &
in defensionem suorum vigilans.* 98
*Theodorus Princeps prædones Diocesim suam
incursantes profligat caduque.* 98
*Theodorus Furstenbergius Episcopus & Prin-
ceps Paderbornensis constructor arcis Neu-
husane.* 81
*Theodori Episcopi ac Principis Paderborn. Fun-
datoris Academia, modestia commendata.* 86
*Theodori Furstenbergii Episcopi & Principis
Paderbornensis laudes.* 92
*Theodorus Archiepiscopus Dorovernensis Chri-
sti fidem propagat.* 79
*Theodorus Archiepiscopus omnium scientia-
rum promus condus.* ibid.
*Tiberius Drusi frater Sicambros in deditionem
accipit.* 63
Tumultuarii fontis descriptio. 33

V.

S. *Vicelinus Episcopus Aldenburgeris,
Paderborna literis operam navat
ejus Sancti vita synopsis, & res præclare
gestæ.* 46
S. Vicelinus Apostolus Holsatiorum. 45

*Uvannus Archiepiscopus Bremensis à collegio
cathedrali Paderbornensi assumptus.* 43
M. Vinnici Legatus Tiberii. 63

W.

W. *Alterus Brabeck Praepositus Paderbor-
nensis.* 119
Wenemarus Furstenbergius. 68
Wenemarus Horstius Nob. Westph. 9
Wernerus Rollevincius. 7
Westphalorum indoles docilis asque laudata. 13
*Westphalorum ingenii adjuncta modestia ac
moderatio.* 12
*Westphali aliarum nationum vitii non car-
rumpuntur, nisi diutius inter illas ver-
sentur.* 13
*Westphali naturâ propensi ad literarum studia,
& horum amore longinqua loca adveniunt.* 10
*Westphali extra patriam muneribus publi-
cis; consiliis Principum, &c. admodum
frequenter.* 13
*Westphalica ingenia in celebrioribus orbis A-
cademiis floruerunt.* 6
*Westphalorum integritas. 12. Erasmi Rote-
rod. de Westphalorum ingenii judicium. ib.*
*Westphalia tota merito obstructa Theodoro
Principi ob fundatam Paderborna Acade-
miam.* 32
*Wivelburgum arx ab Hannis, vel contra il-
los constructa. 94. à Friderico Comite
Arensborgensi restauratur. ibid. In dicio-
nem dynastiarum de Bouren venit. ibid.
Exstruitur à Principe Theodoro Fursten-
bergio forma triangulari. ibid.*
Wicleph depravator Academia Pragensis. 30
*Wiclephi factum errorem à Concilio Constau-
tienti damnum, approbat & resuscitare
conatur Ph. Melancthon.* 17
Wimfelde campus non longe ab Horna oppida. 67
*Wirceburgi XII. obsides Saxonum Christiana
fidei dogmatibus imbuti.* 40
*Wizilo Germanus S. Amonis, Archiepiscopus
Magdeburgensis.* 45

Erratum.

6/6

